

JOANNIS THEODORI BEELEN^w

CAN. HON. ECCL. CATHED. LEOD. S. THEOL. DOCT., IN ACADEM. CATH. LOVAN.
S. SCRIPT. ET LINGG. ORIENTT. PROF. ORD.

COMMENTARIUS

IN

EPISTOLAM S. PAULI

AD

ROMANOS.

ACCEDUNT TEXTUS GRÆCUS ATQUE LATINUS, ET CONTINUA TOTIUS EPISTOLÆ PARAPHRASIS.

LOVANII

APUD C. J. FONTEYN, ET APUD VANLINTHOUT ET SOC. BIBLIOPOLAS.

1854.

Prostat quoque

BRUXELLIS apud GOEMAERE; AMSTELODAMI apud LANGENHUIZEN; SYLVÆ DUCIS apud Fratres VERHOEVEN;
PARISIIS apud Le COFFRE; BONNÆ apud MARCUS; LONDINI apud BURNS
and LAMBERT; ROMÆ apud SPITHOVER.

BS 52662
2662
B3x
1854

1040

THEODORO. ALEXI. JOSEPHO. DE MONTPELLIER

EPISCOPO. LEODIENSI

PRÆSULI

PIO. DOCTO. VIGILI. PRUDENTI

BONO. CHRISTIANÆ

AC. LITTERARIÆ. REIPUB. NATO

JOANNES. THEODORUS. BEELEN

CAN. AD. HON. ECCL. CATHEDR. LEODIENSIS.

IN. CATH. ACAD. LOVANIENSI. S. SCRIPT. ET LINGG. ORIENTT. PROF.

COMMENTARIUM. HUNC

IN. EPISTOLAM. S. PAULI. AD. ROMANOS

MULTI. LABORIS. OPUS

D. D. D.

MUNIFICO. MÆCENATI. SUO

AUCTOR.

THEODORE GEORGE JOSEPH OF NORTHAMPTON

OF THE COUNTY OF NORTHAMPTON

TO ALL WHOM THESE PRESENTS SHALL COME

I, THEODORE GEORGE JOSEPH, DO HEREBY COME

TO YOU, AND TO YOUR HEIRS AND ASSIGNS

IN THE COUNTY OF NORTHAMPTON

TO HAVE AND TO HOLD TO YOU, YOUR HEIRS AND ASSIGNS

ALL THAT LAND AND TENEMENTS, WITH ALL RIGHTS AND APPURTENANCES

TO YOU, YOUR HEIRS AND ASSIGNS, FOREVER

TO HAVE AND TO HOLD TO YOU, YOUR HEIRS AND ASSIGNS

ALL THAT LAND AND TENEMENTS, WITH ALL RIGHTS AND APPURTENANCES

TO YOU, YOUR HEIRS AND ASSIGNS, FOREVER

IN WITNESS WHEREOF

I, THEODORE GEORGE JOSEPH, HAVE HEREUNTO SET MY HAND

AND SEAL

9/8/46

PRÆFATIO AD LECTOREM.

Offero tibi nunc, Lector benevole, quem duobus abhinc annis promisi in Epistolam S. PAULI ad Romanos Commentarium. Qui ecquid pretiū habeat, ex iis qui in hoc litterarum genere ipsi versati sunt lubenter didicerim. Hoc scio, nulli me labori pepercisse ut opus efficerem et utile Scripturæ sacræ studiosis, et tale, quod non esset plane indignum cathedra illa quam a multo jam tempore in Lovaniensi Academia occupo. Quamquam verò librum meum simpliciter Commentarium inscripsi, non autem Commentarium perpetuum, ita tamen interpretationem institui, ut nihil eorum quæ explicatione indigere viderentur relinquerem intactum. Variantes Græci contextûs lectiones, quæ essent alicujus momenti, diligenter enotavi, et quænam earum esset, meâ quidem sententiâ, pro genuinâ PAULI scripturâ habenda, ubicumque potui, indicavi. Voces locutionesve obscuriores aut ambiguae quemnam suis quæque locis significatum haberent, accurate definire ubique studui. Præcipuam verò operam impendi cum in epistolæ sententiis perspicue et apertè explicandis, tum præsertim in assignando logico nexu, quo singulæ inter se cohærerent. Adjeci, quo manifestior esset Paulinæ orationis series, continuam totius epistolæ paraphrasim, qua conatus sum aliis verbis clarius nec tamen justo verbosius reddere PAULI sententias omnes, sine ulla aut detractatione, aut adjunctione, aut immutatione, eodem logico nexu eâdemque formâ orationis. Quæ res quantum habeat difficultatis, nemo, opinor, satis intelligit, nisi qui ipse rem tentaverit.

Quod reliquum est, libenter hic profiteor, me Ecclesiæ judicio plenissime subjicere exegetica mea scripta, et ea quæ adhuc edidi, et ea quoque quæ in posterum sim editurus.

J. Th. BEELEN.

Scribebam Lovanii, VI Cal. Jun. MDCCCLIV.

PROLEGOMENA

IN

EPISTOLAM AD ROMANOS.

§. 1. *De Romanæ ecclesiæ primordiis.*

Romanam ecclesiam a PETRO, Apostolorum principe, fundatam fuisse, antiqui scriptores disertis verbis testantur. Et antiquissimus ¹⁾ quidem ejus rei testis est DIONYSIUS Corinthiorum Episcopus, qui floruit sæculo post Christum natum secundo. Nam is, in epistola illa quam ad SOTEREM scripsit, Romanæ ecclesiæ *φυτειαν* sive *plantationem* eodem modo PETRO tribuit quo Corinthiacæ plantationem PAULO ²⁾. Atqui constat Corinthiacam ecclesiam a PAULO fuisse fundatam.

(1) Ea solùm recitamus antiquorum testimonia, quæ apertis verbis PETRUM Romanæ Ecclesiæ profitentur fundatorem; omittimus verò testimonia omnia quæ simpliciter affirmant aut Romæ fuisse PETRUM aut mortem ibidem obiisse.

(2) Apud EUSEBIUM (Hist. Eccl. Lib. II. Cap. XXV). Romanam et Corinthiacam ecclesiam DIONYSIUS ibi vocat την απο Πετρου και Παυλου φυτειαν γενηθεισαν Ρωμαιοις τε και Κορινθιοις, *Romanorum atque Corinthiorum plantationem a PETRO et PAULO*

Eodem sæculo rem testatus est S. IRENÆUS (adv. Hær. Lib. III.) : *Sed quoniam valde longum est , inquit , in hoc tali volumine omnium ecclesiarum enumerare successiones , maximæ et a gloriosissimis Apostolis PETRO et PAULO Romæ fundatæ et constitutæ ecclesiæ traditionem indicantes , confundimus eos , qui , cet.* ¹⁾. Et iterum alibi (adv. Hær. Lib. III. 1) : *Cum PETRUS et PAULUS Romæ Evangelium prædicarent eamque ecclesiam fundarent* ²⁾.

Idem testimonium fert quoque CAJUS presbyter , ZEPHYRINI summi Pontificis coætaneus , in disputatione adversus PROCLUM Montanistam : *Ego verò , inquit , Apostolorum tropæa possum ostendere. Nam si ire velis ad Vaticanum aut Ostiensem viam ingredi , reperies tropæa (sepulcra) illorum qui hanc (Romanam) ecclesiam fundaverunt* ³⁾.

Cum ipsius PAULI testimonio certissimum sit , jam ante ejus in urbem Romæ adventum ⁴⁾ florentissimam ibi fuisse ecclesiam , eaque res DIONYSIUM , IRENÆUM et CAJUM , quos adhuc citavimus , latere nullo modo potuerit , si iidem tamen testantur ab utroque Apostolo , PETRO et PAULO , fundatam fuisse Romanam ecclesiam , sic profectò intelligendi sunt ut voluerint affirmare , ita etiam a PAULO fundatam sive plantatam fuisse Romanam ecclesiam ut tamen prima ejusdem fundatio sive plantatio PETRO auctori sit tribuenda.

Audiat etiam THEODORETUS qui in Commentario suo in epistolam ad Romanos ubi PAULUS scribit (Cap. 1. γ. 11.) , *desidero videre vos ut aliquid impertiar vobis gratiæ spiritualis ad confirmandos vos* , hæc notat : *Quia primus eis magnus*

factam. De Corinthiaca ecclesia a se fundata PAULUS simili vocabulo usus dixerat (1 Cor. III. 6) : Εγω εφυτευσα , Ego plantavi.

(1) Græca IRENÆI verba hac parte interciderunt.

(2) Του Πετρου και Παυλου εν Ρωμη ευαγγελιζομενων και θεμελιουντων την εκκλησιαν. Recitantur hæc IRENÆI verba ab EUSEBIO , Hist. Eccl. Lib. V. Cap. 8.

(3) Apud EUSEBIUM (Hist. Eccl. Lib. II. Cap. 23) : Εγω δε τα τροπαια των αποστολων εχω δειξει. Εαν γαρ θελησης απελθειν επι τον Βατικανον , η επι την οδον την Ωστιαν , ευρησεις τα τροπαια των ταυτην ιδρυσαμενων την εκκλησιαν.

(4) Dicit enim se necdum Romæ fuisse cum ad Romanam ecclesiam epistolam suam scriberet. Cf. Cap. 1. γ. 10—14. XV. 22—23.

PETRUS doctrinam Evangelicam præbuerat , necessariò subjicit : ad confirmandos vos. Non enim aliam , inquit , doctrinam vobis afferre , sed eam , quæ jam oblata est confirmare et arbores jam plantatas irrigare volo ¹⁾.

Idem quoque testatur PAULUS OROSIUS historiographus , SS. HIERONYMI et AUGUSTINI coætaneus (Hist. Lib. VII. Cap. 6) : CLAUDIUS , inquit , ab AUGUSTO quartus regnum adeptus est , mansitque in eo annos quatuordecim. Exordio regni ejus PETRUS , Apostolus Domini nostri JESU CHRISTI , Romam venit , et salutarem cunctis credentibus fidem fidei verbo docuit potentissimisque virtutibus comprobavit ; exinde Christiani Romæ esse cæperunt.

Quæ adhuc recitavimus testimonia profectò talia sunt ut probent Romanæ ecclesiæ foundationem PETRO Apostolo esse tribuendam ; eoque firmiter hoc comprobant quòd inter antiquos scriptores ne unus quidem inventus est qui alium quempiam quam PETRUM Romanæ ecclesiæ dixerit fundatorem ²⁾. Memorant verò antiqui , PETRUM Romam primùm venisse exordio regni CLAUDII Imperatoris ³⁾ ; quare et Romanæ ecclesiæ fundamenta eo tempore jacta fuisse dicendum est ⁴⁾. Coaluit autem illa

(1) Ἐπειδὴ πρῶτος αὐτοῖς ὁ μέγας Πέτρος τὴν εὐαγγελικὴν διδασκαλίαν προσηνέγκεν , ἀναγκαιῶς ἐπηγάγεν εἰς τὸ στηριχθῆναι ὑμᾶς. Οὐ γὰρ ἕτεραν , φησι , διδασκαλίαν προσφέρειν , ἀλλὰ τὴν ἤδη προσενεχθεῖσαν βεβαιώσασθαι βούλομαι , καὶ τοῖς ἤδη φυτευθεῖσι φυτοῖς τὴν ἀρδεῖαν προσενέγκειν.

(2) Quod *Recognitionum* auctor pseudonymus affirmaverit , BARNABAM multo ante PETRUM Romam venisse ibique Evangelium prædicasse , commentum hoc est quod idoneis rationibus refutavit BARONIUS ad Ann. Christ. 51.

(3) S. HIERONYMUS (de Viris illustr. C. 1.) : « SIMON PETRUS.... secundo CLAUDII anno ad expugnandum SIMONEM magum Romam pergit , ibique viginti quinque annis cathedram sacerdotalem tenuit , usque ad ultimum annum NERONIS , id est , decimum quartum. Confer etiam EUSEBII Chro-

nicon ad annum 2 CLAUDII ; item OROSIUM , Hist. Lib. VII. 6.

(4) Quæ de PETRO Romanæ ecclesiæ fundatore et de tempore ejusdem in Urbem adventus breviter pro nostri instituti ratione heic exposuimus , ea confutatis Acatholicorum argumentis firmaverunt , inter alios , GREG. CORTESIUS , *De Romano itinere D. Petri* , ABR. ECHELLENSIS , *De origine nominis Papæ* , Cap. XXIII , sqq. , PETAVIUS , *Dissertatio de Petri Antiochena et Romana sede* , FOGGINI , *De adventu D. Petri Apostoli ad Urbem* , WINDISCHMANNUS , in *Vindiciis Petrinis* , p. 53. sqq. , BINTERIMIIUS , in opere germanico cui titulus : *Das alte Gespenst in unsern Tagen neu aufgeführt von Ellendorf in der Schrift : Ist Petrus in Rom und Bischof der Römischen Kirche gewesen?* FR. PATRITIUS , soc. Jesu , *De Evangeliiis* , vol 1. Cap. 2. §. 28. sqq.

מלך מלכותו ילך חסדו וחסדו... וחסדו ילך חסדו וחסדו ילך חסדו.
 מלך מלכותו ילך חסדו וחסדו ילך חסדו וחסדו ילך חסדו.

h. e. Neque id quæramus quod nobis tantum proficuum est, sed quod proficuum est plerisque ut salventur..... Caveamus igitur diligenter omni tempore, ne scandalizemus fratres nostros..... Nam si propter escam aliquam frater noster contristatur.... nequaquam in charitate Dei ambulamus. Propter escam tuam tu perdis eum propter quem CHRISTUS mortuus est. Postrema autem verba hæc fere ipsissima sunt PAULI verba ad Romanos scribentis (Cap. XIV.) : Si enim propter cibum frater tuus contristatur, jam non secundum charitatem ambulas. Noli cibo tuo illum perdere, pro quo CHRISTUS mortuus est.

Audiatur et POLYCARPUS, qui in sua ad Philippenses epistola (Cap. 6) scripsit hæc : Και παντας δει παραστηναι τω βηματι του Χριστου, και εκαστον υπερ εαυτου λογον δουναι. Hoc est : Et omnes stare oportet ante tribunal CHRISTI, et unumquemque pro se reddere rationem. Quæ verba manifestò desumta sunt ex PAULI epistola ad Romanos Cap. XIV. 10. 12.

THEOPHILUS (ad Autolyc. Lib. III. pag. 126 in edit. Colon.) dixit : Ετι μην και περι του υποτασσεσθαι αρχαις και εξουσιαις και ευχεσθαι υπερ αυτων, κελευει ημων ο θειος λογος, και διδασκει αποδιδοναι πασι τα παντα, τω την τιμην, την τιμην, τω τον φοβον, τον φοβον, τω τον φορον, τον φορον. μηδενι μηδεν οφειλειν η μονον το αγαπᾶν παντας. Hoc est : Etiam magistratibus et potestatibus ut pareamus utque pro illis precemur divinus sermo præcipit, docetque omnibus omnia reddere ; cui honorem, honorem, cui timorem, timorem ; cui tributum, tributum ; neminique quidquam debere nisi ut omnes diligamus. Hæc autem verbotenus THEOPHILUS sumsit ex PAULI epistola ad Romanos Cap. XIII. 7. 8.

Porro in epistola ecclesiæ Viennensis et Lugdunensis ad Asiæ Phrygiæque ecclesias sæculo secundo conscriptâ ita legimus : Οε και παν ειδος ονειδισμου και κολασεως ανεχομενοι... οντως επιδεικνυμενοι, οτι ουκ αξια τα παθηματα του νυν καιρου προς την μελλουσαν δοξαν αποκαλυφθηναι εις

ἡμᾶς ¹⁾. Hoc est : Qui et omne genus opprobrii sustinuerunt, verè ²⁾ ostendentes perpeffiones hujus sæculi nullius esse ponderis si conferantur cum gloria (in futuro sæculo) in nos conferenda. PAULI verba hæc sunt Ep. ad Rom. Cap. VIII. 18.

S. IRENÆUS (Adv. Hæres. Lib. III. Cap. 16) : Hoc ipsum, inquit, interpretatus est PAULUS scribens ad Romanos : PAULUS Apostolus JESU CHRISTI, prædestinatus ad Evangelium Dei, quod promisit per prophetas suos, cet. (Cf. Rom. I. I.). Et iterum ad Romanos scribens de Israël dicit : Quorum patres, et ex quibus est CHRISTUS secundum carnem, qui est Deus super omnes benedictus in sæcula. Cf. Rom. IX. 5.

CLEMENS ALEXANDRINUS (Strom. III. p. 457) : Ὁμοίως δε καὶ ὁ Παῦλος ἐν τῇ πρὸς Ῥωμαίους ἐπιστολῇ γράφει· Ὅτινες ἀπεθανομεν τῇ ἁμαρτίᾳ, πῶς ἐτι ζήσομεν ἐν αὐτῇ. Hoc est : Similiter et PAULUS in epistola ad Romanos scribit : Qui mortui sumus peccato, quomodo adhuc vivemus in illo ? Cf. Ep. ad Rom. Cap. VI. 2.

Sed plura congerere testimonia supersedeo, quum ea quæ adhuc protuli ad rem probandam abunde sufficiant. Hoc tamen addiderim, ad roborandam illius argumenti vim, nihil in præsentī epistola occurrere quod non sit vere Apostolicum, verèque Paulinum, seu respicias sententias quæ inibi enuntiantur, seu attendas ad argumentandi modum quo scriptor utitur, seu denique consideres adhibitās ab eodem locutiones universamque dicendi formam et rationem.

Quamquam verò adeo testata est authenticia epistolæ quæ ad Romanos inscribitur, non tamen omninò defuere nostrā ætate qui eam aut integram, aut certe partem aliquam pro spuria habuerint.

Et integram quidem eam epistolam a PAULO abjudicavit EVANSONIUS ³⁾, sed ductus

(1) Apud EUSEB. II. E. V. 1.

(2) Verè, οὕτως. Sed conjecerim legendum esse οὕτως, sic.

(3) ED. EVANSON, *The dissonance of the four generally received Evangelists*. Ipswich, 1792.

p. 250. Obiter hic monemus, Ebionitas aliosque nonnullos ex primævis hæreticis sprevisse quidem eam quæ ad Romanos inscribitur epistolam, quia nempe placitis eorum illa contradiceret, minime verò negasse illam PAULO auctori esse tribuendam. Cf. IREN. adv. Hær. I. 26. EUSEB. Hist. Ecc.

ille rationibus sane quam futilibus, exempli gratiâ, quòd neque LUCAS in Actis, neque PAULUS ipse in aliis suis epistolis, ullam de epistola aliqua ad Romanos scripta mentionem fecerit.

Partem verò illius epistolæ postremam pro spuria habuit BAURIUS ¹⁾, affirmans PAULI epistolam quatuordecim capitibus absolvi, illa verò quæ nunc capitibus decimo quinto et decimo sexto continentur, ab alio nescio quo fuisse conscripta et *Paulinæ* epistolæ deinceps assuta. Ad commentum suum probandum BAURIUS monet, sed falsò, ea quæ capite XV. 1—14 dicuntur, capitibus tribus proxime antegressis jam fuisse dicta, ea verò quæ porrò decimo quinto illo capite (γ. 15—24) leguntur nullatenus esse *Paulina* (*unpaulinisch*). Decimi sexti autem capitis authenticam negat cum quòd ibi ex christianis Romanis tam multi tamquam PAULI familiares aut cognati leguntur salutati, tum etiam ob alias rationes nihilo graviore.

Cum BAURIO REICHIUS ²⁾ hactenus consensit quod ultimos postremi capitis versiculos tres pro spuriis habuerit, quia nempe contineant frigidam contortam et ineptam doxologiam ab aliquo qui doxologiam epistolæ JUDÆ (γ. 24. 25) imitari voluisset e *Paulinis* formulis absurde compositam ita, ut voces *κατα το ευαγγελιον μου* sumpserit ex Rom. II. 16, *αποκαλυψις μυστηριου* ex Ephes. III. 3. Col 1. 26, *χρονοις αιωνιοις σεσιγημενου, φανερωθεντος δε* ex 2 Tim. 1. 8, *κατ' επιταγην του αιωνιου Θεου* ex Tit. 1. 1, et sic porrò. Quod vanissimum REICHII commentum risu potius excipiendum est quam seria aliqua refutatione cohonestandum.

Reliquum est ut notemus, ex recentioribus scriptoribus acatholicis fuisse nonnul-

III. 27. IV. 29. VI 38. HIERONYM. in *Matth.* XII. 2. EPIPHAN. Hær. 30. 3. Recte AD. MAIER (Einleit. §. 6.): EUSEB. inquit, *setzt den Brief unter die όμολογουμενα und ist sich also keines Widerspruches gegen dessen Echtheit bewusst; wenn einige judenchristlichen Parteien ihn mit den übrigen paulinischen verwarfen, so bestritten diese nicht die Echtheit, sondern wollten die Lehrauktorität Pauli nicht anerkennen.*

(1) Confer BAURII opus cui titulus: PAULUS, *der Apostel Jesu Christi*, cet. p. 398 sqq., item ejusdem dissertationem, quam inscripsit: *Über den Zweck und die Veranlassung des Römerbriefes*; legitur in *Tübinger Zeitschrift für Theologie*. 1836. P. 3. BAURIUM refellit KLINGIUS in *Theolog. Stud. und Kritik*. 1837. p. 308, sqq.

(2) Apud FRITSCHIUM, Proleg. p. 28.

los qui, quamquam non negarent PAULO auctori tribuenda esse quaecumque capitibus illis decimo quinto et sequente leguntur, existimarent tamen duo illa capita habenda esse pro distincto quodam PAULI epistolio sive scripto aliquo, quod deinceps ab aliena manu assutum fuisset Epistolæ ad Romanos tamquam hujus epistolæ pars. Convenerunt in hanc sententiam HEUMANNUS ¹⁾, SEMLERUS ²⁾, PAULUSIUS ³⁾, alii, aliter tamen atque aliter sententiam suam explicantes. Sed quid suo quisque Marte hec excogitaverit distinctius exponere tædiosum sit nec utile, eoque inutilius quod isthæc sententia adnumeratur inter ea opinionum commenta, quæ dies jam delevit.

§. 3. *De causa scribendi epistolam deque ejusdem argumento.*

Quamquam neque ex ipsa epistola neque aliunde certò nobis constat quidnam rei Apostolum potissimum impulerit ut ad Romanos scriberet, tamen non multum, opinor, a vero aberraverimus si conjecerimus, causam sive occasionem scribendi PAULO natam fuisse ex eo quod comperisset, Romanos tam Judæo-Christianos quam Ethnico-Christianos non recte sentire de gratia Justificationis, quippe quam non haberent, ut debuissent, pro Dei dono prorsus gratuito, verum suis suæque gentis meritis utrique falsò adscriberent. Etenim quum in illa epistola fere totus sit Apostolus in docendo Justificationem gratuitum esse Dei donum, cur hoc potius quam aliud argumentum tractasset nisi quia certa relatione compertum haberet, Romanos nunc in hac potissimum re institutione indigere? Quidquid sit, totius epistolæ, ut jam innuimus, primaria sententia est, gratiam justificationis homini obtingere non ut mercedem aliquam operibus suis tamquam meritis debitam, sed *gratis* sive ex Dei erga ipsum bonitate omnimodo gratuita; obtingere autem *per fidem*, quæ tamen ibi habeat non rationem causæ meritoriae sed sit simpliciter conditio sine qua nemini possit illa gratia obtingere, quæ ceteroquin divinitus offeratur, nullo gentis aut ho-

(1) Erklär. des N. T. VII. 7 sq 538 sq.

(3) In Programmate Academico: *De originibus epistolæ Pauli ad Romanos.* Jenæ, 1801.

(2) *Dissertatio de duplici appendice epistolæ Pauli ad Romanos.* Hal. 1767.

minum discrimine, *cuicumque credenti*. Hanc verò sententiam Apostolus prioribus octo epistolæ capitibus explicat, probat, atque exornat eâ orationis serie, quam studuimus perspicuè indicare et diligenter exponere in descriptione *argumenti*, quod commentario nostro in singula illa capita præmisimus. Absoluto autem primario suæ epistolæ themate *de gratuito Justificationis dono cuicumque credenti divinitus oblati*, Apostolus deinceps capitibus tribus insequentibus (IX. X et XI) quæstionem tractat cum primario illo themate satis arctè connexam; agit scilicet de plerorumque Judæorum, coætaneorum suorum, a Messianâ salute sive Justificationis gratiâ exclusionem; cui exclusioni minime repugnare docet promissionem Dei ABRAHÆ et semini ejus factam de salute per Messiam obtinenda; declarat autem, Judæos ideo ab illa salute fuisse exclusos quia Evangelio credere recusassent; ex quo tamen negat colligendum esse Israëliticum populum qua talem penitus a Dei fuisse abjectum; e contra, affirmat futurum esse ut Israëlitica gens universa Messianam salutem participet, quando prius in Ecclesiam intraverit universa Gentilitas, de cujus vocatione ad fidem et gratiam Evangelicam passim ibi sermonem habet.

Reliqua autem epistolæ pars ad informandos mores potissimum spectat, et fere tota parænetica est.

§. 4. *Qua lingua, quo loco, et quo tempore, conscripta fuerit epistola ad Romanos.*

Epistola hæc quin Græcâ linguâ a PAULO conscripta fuerit, nemo, quod sciam, in dubium vocavit præter unum SALMERONEM ¹⁾, qui Latinâ linguâ eam primitus exaratam fuisse inde conjecit quòd Apostolus illam miserit *Latinis*, et quod amanuensis ejus vocaretur TERTIUS ²⁾, quod quidem nomen *Latinum* sit. Verùm leviora sunt hæc argumenta, quam ut iis infirmari possit communis omnium antiquorum sententia de epistola ad Romanos primitus Græcè a PAULO conscripta. Non animadvertit SALMERONIUS Græcam linguam, quo tempore PAULUS scriberet, Romanis perquam

(1) Apud *Corn. a Lap.* in Comment. in hanc epist. pag. 26

(2) Cf. Cap. XVI. 22.

fuisse familiarem, adeòque nihil causæ illum habuisse, cur, contra morem suum, in scribendo latinâ linguâ uteretur.

Parum scitè BOLTENIUS quoque ¹⁾ opinatus est PAULUM, ut qui Græcæ linguæ esset ignarus, Aramaico idiomate solitum fuisse litteras suas exarare, quas deinde ex comitibus suis unus aut alter in Græcam linguam transferret. BOLTENIUM hac opinione secutus est BERTHOLDTUS ²⁾. Qui ambo turpiter heic errasse mihi videntur, quum LUCAS referat (Act. Ap. Cap. XVII. 22. sqq.) PAULUM Athenis longam orationem habuisse ad illius civitatis incolas, quos profectò non alio quam Græco idiomate fuerit allocutus. Ex Aramaismis autem qui in Epistola ad Romanos et in reliquis Paulinis passim occurrunt, falsò collegeris epistolas illas non Græcâ linguâ primitus sed Aramaicâ fuisse conscriptas. Recte SCHOTTIUS de idiomate quo PAULUS epistolas suas conscripserit ³⁾: *Quæ pluribus locis, inquit, obveniunt durius minusve perspicuè enuntiata, sive prorsus ad linguam hebraicam sive aramaicam conformata, plane conveniunt scriptori ingenii animique fervidioris, de ratione scribendi minus sollicito quam de rebus tractandis, linguæ quidem Græcæ haud imperito, sed a puero inde idiomatici hebraico sive aramaico adsueto. Paronomasiæ similesque verborum lusus in epistolis Paulinis frequenter obvii ⁴⁾ usum sermonis Græci ab ipso auctore factum luculentissime probant.*

Corinthe scriptam fuisse epistolam ad Romanos, epigraphe ⁵⁾ in Uncialibus aliquot codicibus epistolæ subjecta jam declarat; confirmatur verò cum inde quòd a fine epistolæ leguntur salutationes fidelium Corinthi commorantium ⁶⁾, tum etiam ex eo quòd Apostolus ad transmittendam epistolam usus est ministerio PHOEBES diaconissæ ecclesiæ Cenchreensis ⁷⁾. Erant autem Cenchreæ portus Corinthi.

(1) *Die neutestamentliche Briefe*, cct. 1 Th. Altonæ, 1800. in Præfatione ad lectorem, p. 21. sqq.

(2) EINLEIT. T. 5. Part. 2.

(3) ISAGOG. §. 49.

(4) Conferatur BÖTTCHERI *Dissertatio de paronomasia finitimisque ei figuris Paulo Apostolo frequentatis*. Lipsiæ. 1824.

(5) Ἦτος Παυλος ἐγραψεν ἀπο Κορινθίου.

(6) Cap. XVI. 23: *Salutat vòs Cajus hospes meus*. Corinthius autem CAJUS is erat. Cf. 1 Cor. I. 15. *Salutat vos ERASTUS, arcarius civitatis*. Atqui Corinthius erat et ERASTUS.

(7) Cf. Cap. XIV. 1-2.

Quod autem attinet ad tempus conscriptæ hujus epistolæ, variæ sunt interpretum sententiæ. Annum post Christum natum 58 assignat BARONIUS, qui si rem, ut ajunt, acu non tetigit, certe non multum, meâ quidem sententiâ, a vero aberraverit.

§. 5. *Interpretes.*

Recensentur hic interpretes, antiqui ferè omnes, ex recentioribus verò et recentissimis, quod sciam, præcipui, qui in omnes aut plerasque PAULI epistolas aut saltem in Epistolam ad Romanos seorsim commentarios ediderunt.

A. *Antiqui.*

ORIGENES. Commentarius in Epistolam ad Romanos, ad Galatas, ad Ephesios, ad Colossenses, ad Thessalonicenses, ad Titum, ad Philemonem, et ad Hebræos. Græce commentarius ille amplius non superest. Legitur autem ex Latina versione RUFINI in ORIGENIS operum editione *De la Rue*, Tomo IV.

S. CHRYSOSTOMUS. Homiliæ in epistolas S. PAULI. Leguntur in CHRYSOSTOMI operum editione *Montfauconii*, Tomis IX. X et XI.

AMBROSIASTER (*Pseudo-Ambrosius*). Commentarii in epistolas S. PAULI. Leguntur in S. AMBROSII operum editione Benedictinâ, Tomo IV. Auctor hujus Commentarii adhuc latet; est tamen antiquus; nam ad 1 Tim. Cap. 3. dicit se scribere DAMASO regente Ecclesiam. Ceterum, caute legendus est.

S. AUGUSTINUS. *Inchoata expositio epistolæ ad Romanos; et Expositio quarumdam propositionum ex epistola ad Romanos.* Utraque hæc Augustini expositio legitur in operum ejus editione Benedictina, Tomo III.

S. HIERONYMUS. Commentarius in epistolas S. PAULI ad Galatas, ad Ephesios, ad Titum, et ad Philemonem. Legitur in operum ejus editione *Vallarsii*, Tomo. VII.

PELAGIUS. Commentarius in epistolas S. PAULI. Legitur in operum S. HIERONYMI editione *Vallarsii*, Tomo XI. Caute legendus est PELAGII commentarius.

S. CYRILLUS ALEXANDRINUS. Commentarium ejus in PAULI epistolam ad Romanos, in utramque ad Corinthios, in epistolam ad Hebræos, et fragmenta aliquot ejusdem Commentarii in alias PAULI epistolas recentissimè ex Codicibus Vaticanis in

lucem primus edidit , additâ versione Latinâ , Em. Cardinalis MAJUS , vir eruditissimus. Leguntur in suâ *Novæ Patrum Bibliothecæ* Tomo tertio. Romæ. 1845.

VICTORINUS Philosophus. Commentarii in epistolas PAULI ad Galatas , ad Philippenses, et ad Ephesios. Leguntur in Em. Card. MAJI *Scriptorum veterum novæ collectionis* Tomo III. Romæ. 1830.

THEODORUS MOPSUESTENUS. Θεοδώρου Μοψουεστίας επισκοπου εξ ἑρμηνείας της Παύλου προς Ῥωμαίους ἐπιστολῆς τὰ ἐνδεχόμενα. Quæ ex Vaticanis Codicibus primus publica luce donavit idem Eminentissimus Cardinalis MAJUS. Leguntur pag. 499—573 in ejusdem *Spicilegii Romani* Tomo IV. Romæ. 1840.

THEODORETUS. Interpretatio quatuordecim epistolarum S. PAULI. Legitur in THEODORETI operum editione *Sirmondi*, Tomo III.

PRIMASIUS. Commentarius in Epistolas S. PAULI. Legitur in *Bibliotheca Patrum maximâ* Lugdunensi , Tomo X. pag. 142—287.

OECUMENIUS. Commentarius in Acta Apostolorum , in omnes PAULI epistolas , et in catholicas omnes. Accesserunt ARETHÆ Cæsareæ Cappadociæ episcopi explanationes in Apocalypsin. Græce et Latine edidit *Morellus*. Lutetiæ Parisiorum. 1631.

THEOPHYLACTUS. Commentarius in Evangelia , Acta Apostolorum , epistolas PAULI et Catholicas. Edd. *Finetti* et *Buongiovanni*. Venetiis. 1754—63.

LUCULENTIUS. Illius in aliquot Novi Testamenti partes commentarii leguntur Tomo nono *Novæ collectionis scriptorum veterum e Vaticanis Codicibus editæ* ab Em. Card. MAJO. Romæ. 1837. Quando vixerit *Luculentius* , adhuc ignotum.

S. THOMAS AQUINAS. Commentarii in omnes D. PAULI epistolas. Leguntur Tomo XVIII operum ejus ex editione Parisiensi a. 1660.

B. Recentiores.

Catholici. Epistolæ PAULI ad Græcam veritatem castigatæ et per Rev. D. THOMAM DE VIO , CAJETANUM , Cardinalem sancti Xisti juxta sensum literalem enarratæ. *Parisiis* . 1540. Frater DOMINICUS SOTO , Segobiensis , ordinis Prædicatorum. Commentarii in Epistolam divi PAULI ad Romanos. *Antverpiæ*. 1530. ALPHONSUS SALMERO *Toletanus* , e Societate Jesu Theologus. Commentarii in omnes epistolas B. PAULI , et Canonicas. *Coloniæ Agrippinæ*. 1614. BENEDICTUS JUSTINIANUS

Genuensis Soc. Jesu. In omnes B. PAULI epistolas explanationes. *Lugduni*. 1612. FRANCISCUS TITELMANNUS, ordinis fratrum minorum. Elucidatio in omnes epistolas Apostolicas. *Antverpiæ*. 1528. FRANCISCUS TOLETUS, e societate Jesu S. R. E. Presbyter Cardinalis. Commentarii et Annotationes in epistolam Beati PAULI Apostoli ad Romanos. *Lugduni*. 1603. Addantur his interpretes passim omnibus cogniti, GUILIELMUS ESTIUS, CORNELIUS A LAPIDE, et AUGUSTINUS CALMETUS.

Acatholici. PHIL. MELANCHTON. Annotationes in epistolam PAULI ad Romanos. *Argentorati*. 1540. CALVINUS. In omnes PAULI Apostoli commentarii. Denuo edidit THOLUCK. *Halis Saxonum*. 1831. BEZA. Annotationes majores in N. T. (in epistolas apostolicas). Anno 1594. sine loco editionis. PHILIPPUS A LIMBORCH. Commentarius in acta Apostolorum, et in epistolas ad Romanos et ad Hebræos. *Roterodami*. 1711. Addantur qui *Criticorum sacrorum* vol. VII continentur interpretes catholici et acatholici, VALLA, ERASMUS, ZEGERUS, GROTIUS, DRUSIUS, ceteri.

C. Recentissimi.

Catholici. Commentar über des Apostel PAULUS Sendschreiben an die Römer, von D^r HEINRICH KLEE. *Mainz*. 1830. Commentar zum Briefe an die Römer. Von D^r FR. X. REITHMAYR, *Regensburg*. 1845. Commentar über den Brief PAULI an die Römer von D^r ADALBERT MAIER, *Freiburg in Breisgau*. 1847.

Acatholici. CHR. BOEHME Epistola ad Romanos gr. cum Commentario perpetuo. *Lipsiæ*. 1806. Auslegung des Briefes PAULI an die Römer von F. A. THOLUCK. *Berlin*. 1824. A commentary on the epistle to the Romans, by MOSES STUART. 3 edit. *London*. 1836. PAULI ad Romanos epistola. Recensuit et cum commentariis perpetuis edidit C. F. FRITSCHKE. *Halis Saxonum*. 1836. Kurze Erklärung des Briefes an die Römer von D^r. W. DE WETTE. 3 Ausg. *Leipzig*. 1841. Kritisch exegetisches Handbuch über den Römer brief von HEINR. MEYER. *Göttingen*. 1836.

MONITUM.

Contextum Vulgatæ imprimendum curavimus secundum editionem Vaticanam anni 1598, adhibitis etiam tribus, quæ illi editioni addita fuere, correctoriis; nec verba tantum ad illud exemplar expressimus, sed ipsam quoque, quæ ibi habetur, verborum interpunctionem servavimus. Quod ideo hic monemus, ut, si cui hæc interpungendi ratio alicubi forte minus placeat, non continuo putet ibi mendum irrepsisse typographicum. In Græco textu exprimendo secuti sumus editionem Complutensem; hic vero orationem ipsi pro nostro judicio interpunximus.

...the ... of the ...
... the ... of the ...
... the ... of the ...
... the ... of the ...
... the ... of the ...

CAPUT PRIMUM.

ARGUMENTUM. *Epistolæ inscriptio, quâ unâ exponuntur scribentis dignitas, officium, et auctoritas ad docendum eos, ad quos scribit; cui inscriptioni additur votum Apostolicum, quo illis a Deo Patre et Domino Jesu Christo gratiam et optima quæque apprecatur (1-8). Deinde epistolam orditur a significando Romanis, se Deo gratias agere ob fidem eorum minime vulgarem; de quo pio erga eos affectu quo minus dubitent, interposito juramento affirmat, se continuos pro illis preces Deo adhibere, atque inter alia et hoc ab eo precari, ut sibi aliquando liceat illos invisere; nam magno se eos videndi teneri desiderio. Quod quidem desiderium quam serium sit inde probat, quod notum illis facit, se jam sæpenumero cepisse consilium illos adeundi, nec per se stetisse quominus jam dudum ad illos venisset. Ibi autem dicit se ideo jam sæpenumero animo destinasse Romanos adire, ut nempe pro Apostolico labore illis impendendo nonnihil mercedis cælestis sibi compararet inter illos, quemadmodum hanc sibi comparare studeret inter reliquas gentes. Præterea declarat, se, quum ex injuncto sibi munere Apostolatûs gentibus sine discrimine omnibus prædicare Evangelium deberet, usque paratissimum esse, quod ad se quidem attineret, ad hoc præstandum etiam Romæ; neque enim se, quod Evangelium ibi pro re stulta haberetur, pudore quodam prohiberi quominus id faceret; se enim nequaquam de Evangelio erubescere; tantum enim abesse ut Evangelium sit contemtibile quid adeoque erubescendum, ut contra sit divina quædam res et quantivis pretii æstimanda; quod probat dicendo quid rei sit Evangelium; quam definitionem dum explicat, simul aperit præcipuum totius Epistolæ argumentum, scilicet, Justificationem esse donum Dei illudque gratis dari per fidem, non vero ex ullo operum merito (8-18). Hoc thema cur potissimum tractaret, causa erat, quia Romani, tam qui ex Judæis quam qui ex Gentilibus Christiani facti fuerant, de Justificatione non satis recte sentirent; quod quidem inde constabat quod inter se, quique pro sua gente, contenderent de meritis ob quæ vocati fuissent ad Christi fidem et gratiam. Ab hoc ergo errore refellendo tractationis suæ exordium sumens Apostolus, ostendit tam Gentiles quam Judæos esse peccatores; ex quo consequebatur eos, qui tam ex his quam ex illis adepti essent justificationem, eandem fuisse adeptos ex gratuito Dei dono, minime vero, ut non sine fastu inter se contendebant, ex suæ cujusque gentis meritis. Itaque probaturus quod assumpserat, scilicet tam Gentiles quam Judæos esse peccatores, primo loco illud ostendit de Gentilibus. Quos arguit Deum cognovisse, nec tamen, ut fas erat, illum coluisse; atque hinc in turpissimam idololatriam delapsos, mox in nefaria quævis scelera scienter proruisse (18-32).*

ÿ. 1—7. PAULUS, servus Jesu Christi, vocatus Apostolus, segregatus in Evangelium Dei, quod ante promiserat per Prophetas suos in Scripturis sanctis³ de Filio suo, qui factus est ei ex semine David secundum carnem,⁴ qui prædestinatus est Filius Dei in virtute secundum spiritum sanctificationis ex resurrectione mortuorum Jesu Christi Domini nostri:⁵ per quem accepimus gratiam, et Apostolatum ad obediendum fidei in omnibus Gentibus pro nomine ejus,⁶ in quibus estis et vos vocati Jesu Christi: omnibus qui sunt Romæ, dilectis Dei, vocatis sanctis. Gratia vobis, et pax à Deo Patre nostro, et Domino Jesu Christo.

ÿ. 1—7. Παῦλος, δοῦλος Ἰησοῦ Χριστοῦ, κλητὸς ἀπόστολος, ἀφορισμένος εἰς εὐαγγέλιον Θεοῦ,² ὃ προεπηγγείλατο διὰ τῶν προφητῶν αὐτοῦ ἐν γραφαῖς ἁγίαις,³ περὶ τοῦ υἱοῦ αὐτοῦ, τοῦ γενομένου^{a)} ἐκ σπέρματος Δαυὶδ κατὰ σάρκα,⁴ τοῦ ὁρισθέντος^{b)} υἱοῦ Θεοῦ ἐν δυνάμει κατὰ πνεῦμα ἁγιωσύνης ἐξ ἀναστάσεως νεκρῶν, Ἰησοῦ Χριστοῦ τοῦ Κυρίου ἡμῶν,⁵ δι' οὗ ἐλάβομεν χάριν καὶ ἀποστολὴν εἰς ὑπακοὴν πίστεως ἐν πᾶσι τοῖς ἔθνεσιν ὑπὲρ τοῦ ὀνόματος αὐτοῦ,⁶ ἐν οἷς ἐστέ καὶ ὑμεῖς κλητοὶ Ἰησοῦ Χριστοῦ,⁷ — Πᾶσι τοῖς οὖσιν ἐν Ῥώμῃ ἀγαπητοῖς Θεοῦ, κλητοῖς ἁγίοις. Χάρις ὑμῖν καὶ εἰρήνη ἀπὸ Θεοῦ πατρὸς ἡμῶν, καὶ Κυρίου Ἰησοῦ Χριστοῦ.

Paraphrasis. Paulus, minister Jesu Christi, Apostolus non humanâ delegatione sed vocatione divinâ, selectus ad promulgandum lætum illud Dei Patris nuncium, quod per Prophetas suos in Scripturis sacris dudum ante promiserat de Filio suo (qui factus ex semine David secundum naturam humanam, esse Dei Filius declaratus est per potentiam a Spiritu sancto exertam ex quo a mortuis resurrexit), de Jesu Christo Domino nostro, per quem accepimus gratiam et Apostolatum, ad procurandum ut in gloriam nominis ejus præstetur obedientia doctrinæ fidei apud omnes gentes, inter quas numerandi estis etiam vos superna vocatione effecti Jesu Christi fideles), — Omnibus Romæ commorantibus Dei dilectis, superna vocatione sanctis. Sit vobis gratia et omne bonum a Deo Patre nostro et a Domino Jesu Christo.

VARIANTES LECTIONES.

a) Post γενομένου reperitur additum αὐτοῦ, sed tantum inter lectiones Velesianas. Tertullianus, Augustinus, et Hilarius (apud Sabbatier) non legunt ei hoc loco.

b) Pro ὁρισθέντος est in versionibus Italâ et Vulgata vox prædestinatus, unde factum est ut ita legerint plerique Latini. Fieri certe potuit ut istarum versionum auctores pro ὁρισθέντος legerint προορισθέντος, sed, quum vox destinatus reapse notione non differat a prædestinatus, potuerunt etiam, etsi ὁρισθέντος legissent, pro verbo Simpliciter maluisse adhibere Compositum. Quidquid sit, lectio προορισθέντος in nullo græco codice occurrit, ut nec in ulla antiqua versione, exceptis Italâ et Vulgata. Ad hæc, Patres Græci et Interpretes antiqui constanter legerunt ὁρισθέντος, non προορισθέντος. Sic tamen legisse videntur Theodotiani apud Epiphanium (Hæres. 54); et Marcellus Ancyranus quod scripsisset προορισθέντος, adulterata Scripturæ accusatur ab Eusebio (Lib. 2. contra Marcell. Cap. 2).

§. 1. *Paulus, servus Jesu Christi, vocatus Apostolus, segregatus in Evangelium Dei*). Ecclesia Romana nec condita fuerat a PAULO, nec is hactenùs umquam Christianos Romanos inviserat. Ergo de re religiosa ad illos nunc primùm scripturus, principio quænam sit scribentis et *dignitas et officium* significat, vocando se *servum Jesu Christi, vocatum Apostolum, segregatum in Evangelium Dei*; per quæ verba unà jam insinuat, se habere ad eosdem docendum *potestatem*; quam et apertissimis verbis mox (ψψ. 5. 6.) declarat dum adjicit, *fuisse sibi ab ipso Jesu Christo collatam dignitatem et officium Apostolatus, huncque non ad unum aliquem populum, sed ad gentes omnino omnes; atque adeo etiam Romanos suo Apostolatu a Jesu Christo fuisse subjectos.*

servus Jesu Christi). Quum ergo Apostolus significare velit quænam sit sua *dignitas et officium*, quod JESU CHRISTI *servum* (δουλον) se vocat, id sumendum non est eo sensu, quo Christiani omnes, quotquot CHRISTO obedientiam præstamus, ipsius vocamur *servi* (δουλοι Ιησου Χριστου, δουλευοντες τω Χριστω) ⁽¹⁾; verum *servum* hoc loco sese PAULUS appellat, quod cum ESTIO dicimus, *propter ministerium verbi, in quo serviebat Christo Domino*. Quam servitutem Apostolus quoque significat, quum de TIMOTHEO dicit (ad Philipp. Cap. II. 22): *Sicut patri filius, mecum serviit in Evangelio*; unde et in epistolæ initio TIMOTHEUM sibi in hoc genere servitutis adjungit: *Paulus et Timotheus, inquit, servi* (δουλοι) *Jesu Christi*. Eodem sensu vox δουλός legitur etiam Galat. I. 10. Tit. 1. 1., alibi; tandem eo quoque sensu MOSES et Prophetæ antiqui passim (Deuteron. XXXIV. 5. Josue I. 1. Jerem. Cap. XXV. 4) dicti sunt עֲבָדֵי יְהוָה *servi Jehovæ*. Cf. quæ notavimus ad Philipp. Cap. I. 1.).

vocatus Apostolus). Græce κλητος αποστολος, *een geroepen Apostel*. Hisce verbis Apostolus significat *qualis sit CHRISTI minister* (δουλός); quasi dicat: PAULUS, *minister Jesu Christi, et quidem Apostolus, isque talis qui non secus ac PETRUS, ANDREAS, ceteri, ad summam in Evangelico ministerio dignitatem et officium, ab ipso Domino sum vocatus*. Videlicet nomen *Apostoli* a Christianis tunc temporis tribuebatur non tantum iis, qui *proxime ab ipso Domino* vocati fuerant ad Apostolatam, verum etiam illis qui *proxime ab homine* instituti, episcopali caractere et officio emerent; ⁽²⁾ probe tamen sciebant

(1) Cf. Ephes. Cap. VI. 6. Rom. Cap. XIV. 18. XVI. 18. Apocalyps. Cap. II. 20.

(2) Ipse Paulus mihi videtur hoc docere, dum se proclamat (Galat. Cap. I. 1.) *Apostolum, non ab hominibus, neque per hominem, sed per Jesum Christum*. Nam hæc verba omnino indicare videntur, Apostoli nomen primæva illa ætate etiam iis tributum fuisse, quibus ex humana delegatione officium incumberet Apostolatu non absimile. Sed præstabit, quæ diximus, Antiquorum firmasse auctoritate. Audiatur primo loco B. Theodoretus, qui (in Ep. ad Philippenses Cap. I. §. 1.) docet, eos, qui nunc dicun-

tur *episcopi*, quales Apostolorum ævo erant Titus et Timotheus, tunc vocatos fuisse *Apostolos*. «Επισκοπους, inquit, τους πρεσβυτερους καλει· αμφοτερα γαρ ειχον κατ' εκεινον τον καιρον τα ονοματα. Και τουτο ημας και η των πραξεων ιστορια διδασκει. Ειρηκως γαρ ο μακαριος Λουκας, ως εις την Μιλητον τους Εφρεσιων μετεπεμψατο πρεσβυτερον ο θειος αποστολος, λεγει και τα προς αυτους ειρημενα· Προσεχετε γαρ, φησιν, εαυτοις και παντι τω ποιμνιω, εν ο η υμας εθετο το πνευμα το αγιον επισκοπους, ποιμαινειν την εκκλησιαν του Χριστου. Και τους αυτους και πρεσβυτερους και επισκοπους αναμασεν. Ουτω και εν τη προς τον μακαριον Τιτον επιστολη· Δια τουτο καταλειπον σε εν Κρητη, ινα καταστησης κατα

quantum hi ab illis dignitate, officio et auctoritate distarent; uno verbo, noverant discernere *κλητους Αποστολους* ab iis quibus hoc epitheton non competeret. Etiam hi *Apostoli* vocabantur, et suo modo erant, sed non erant *κλητοι αποστολοι*, vocati *Apostoli*; erant tales *humana* delegatione et proxime *per hominem*, non proxime *per Jesum Christum*. Paulus vero erat, ut scribit ad Galatas (Cap. I. 1.), *Apostolus non ab hominibus, neque per hominem, sed per Jesum Christum*; quod ipsum hic quoque (ψ. 5) expressius declarat, dicendo: *per quem (Jesum Christum) accepimus gratiam et Apostolatium*.

πολιν πρεσβυτερους, ὡς ἐγὼ σοι διεταξαμην. Καὶ εἰπὼν ὁποῖους εἶναι χρὴ τοὺς χειροτονουμένους, ἐπηγάγε· Δεῖ γὰρ τοῦ ἐπισκοποῦ ἀνεγκλήτου εἶναι, ὡς Θεοῦ οἰκονομῶν. Καὶ ἐνταῦθα δὲ δὴλον τοῦτο πεποιήκε. Τοῖς γὰρ ἐπισκοποῖς τοὺς διακόνους συνεζευξε, τῶν πρεσβυτέρων οὐ ποιήσα-
μενός μνημην. Ἀλλῶς τε οὐδὲ οἷον τε ἡν. πολλοὺς ἐπισκοποῦς· μίαν πόλιν ποιμαίνειν ὡς εἶναι δὴλον, ὅτι τοὺς μὲν πρεσ-
βυτεροὺς ἐπισκοποὺς ὠνομάσατε. Τὸν δὲ μακάριον Ἐπαφρο-
δίτου ἐν αὐτῇ τῇ ἐπιστολῇ ἀποστόλου αὐτῶν κεκληκε.
Ἰμῶν γὰρ, φησιν, ἀποστόλου, καὶ συνεργῶν τῆς χρείας μου. Σαφῶς τοῖνυν ἐδιδάξεν, ὡς τὴν ἐπισκοπικὴν οἰκονομίαν αὐτοὺς ἐπεπιστεύτο εἶχον ἀποστόλου προσηγορίαν « *Episcopos* appellat presbyteros; utrumque enim nomen habebant illo tempore. Idque nos etiam docet Actuum historia. Cum enim dixisset Beatus Lucas, divinum Apostolum Ephesiorum presbyteros accersivisse Miletum, exponit etiam quæ illis dicta fuerant: *Attendite*, enim inquit, *vobis ipsis, et universo gregi, in quo vos posuit Spiritus sanctus episcopos, pascere ecclesiam Christi*. Eosdemque nominavit presbyteros et episcopos. Ita etiam in epistola ad beatum Titum: *Ideo reliqui te in Creta, ut constituas per civitates presbyteros, ut ego tibi disposui*. Et cum dixisset, quales esse oporteat eos qui ordinantur, subjunxit: *Oportet enim episcopum sine crimine esse, Dei dispensatorem*. Atque hoc etiam loco id manifestum fecit; episcopis enim conjunxit diaconos, nulla presbyterorum facta mentione; præsertim cum fieri non posset ut multi episcopi essent unius civitatis pastores; ut liquido pateat, presbyteros eos fuisse, quos nominavit episcopos. Beatum porro Epaphroditum in epistola ipsa eorum appellavit apostolum: *Vestrum*, enim inquit, *apostolum et necessitatis meæ adiutorem*. Aperte ergo docuit episcopale munus ipsi fuisse creditum, cum appellationem haberet apostoli.

Idem in cap. 3. Ep. I ad Timoth. ad ψ. 1, hæc habet. Τοὺς αὐτοὺς ἐκαλοῦν ποτὲ πρεσβυτεροὺς καὶ ἐπισκοποὺς· τοὺς δὲ νῦν καλουμένους ἐπισκοποὺς, ἀποστολοὺς ὠνομάζον. Τοῦ δὲ χρόνου προϊόντος, τὸ μὲν τῆς ἀποστολῆς ὄνομα τοῖς ἀληθῶς ἀποστολοῖς κατελείπον· τὴν δὲ τῆς ἐπισκοπῆς προσηγορίαν τοῖς παλαι καλουμένοις ἀποστολοῖς ἐπέθεσαν· οὕτω Φιλιππησίων ἀποστόλος ὁ Ἐπαφροδίτης ἡν

Ἰμῶν γὰρ, φησιν, ἀποστόλου, καὶ συνεργῶν τῆς χρείας μου· οὕτω Κρητῶν ὁ Τίτος, καὶ Ἀσιακῶν ὁ Τιμόθεος ἀποστολοι. οὕτω ἀπὸ τῶν Ἱεροσολυμίων τοῖς ἐν Ἀντιοχείᾳ ἐγράψαν οἱ ἀποστολοι καὶ οἱ πρεσβυτεροι. » h. e. Eosdem olim vocabant presbyteros et episcopos; eos autem qui nunc vocantur episcopi, apostolos nominabant. Procedente autem tempore, *Apostolatus* nomen reliquerunt iis, qui vere erant Apostoli; episcopatus autem appellationem imposuerunt iis, qui olim appellabantur Apostoli. Ita Philippensium apostolus erat Epaphroditus: *Vestrum*, enim inquit, *Apostolum, et adiutorem necessitatis meæ*; ita Cretensium Titus, et Asianorum Timotheus Apostoli: ita ab Hierosolymis iis qui erant Antiochiæ scripserunt apostoli et presbyteri ».

Audiat et Joannes Darensis Syrus, qui floruit sæculo V incunte, teste Abrahamo Ecchellensi, Maronita e Libano (in suo *Eutychio vindicato*, Part. I, quæst. de *Alexandriæ Ecclesiæ originibus*, pag. 191); Hic ergo Darensis exponens Caput 3. Epist. 1 ad Timotheum hæc habet:

« Prisco itaque illo tempore, inquit, quilibet presbyter duobus cognominabatur nominibus, Presbyteri scilicet et Episcopi. Presbyteri enim vocabantur honoris causâ juxta morem illum Judæorum qui honoratiores et archisynagogos vocabant presbyteros, uti passim in Evangelio scriptum occurrit. Appellabantur item presbyteri propter populi procurationem, quandoquidem procurationem et sollicitudinem populi hæc nomen denotat. Quod autem episcopi appellati fuerint ipsi presbyteri, notum fit ex eo, quod scriptum est: *Misit autem Paulus, et adduxit Presbyteros Ecclesiæ Ephesi*. Et cum processisset in sua narratione, subjunxit, ipsismet dicens: *Attendite gregi, in quo constituit vos Spiritus sanctus episcopos*. Eos autem ipsos, quos superius vocaverat *presbyteros*, demum hic episcopos appellat. Hinc igitur planum fit, presbyteros fuisse episcopos quoque nominatos. Episcopi vero quinque nominibus appellati sunt: nimirum *apostoli, presbyteri, principes sacerdotum, sacer-*

segregatus in Evangelium Dei). Ut præcedentia verba , *servus* JESU CHRISTI , *vocatus*

Deinde addit hæc: Quandoque tamen distincte nominabantur; et illi, qui potestatem habebant constituendi sacerdotes, apostoli nominabantur; illi vero, qui nunc presbyteri dicuntur; episcopi quoque vocabantur. At postquam e vivis emigraverant primi Apostoli, hujus denominationis p^{ro}duit eos, qui post ipsos sunt constituti sacerdotes, propter illius honorabilitatem; et idcirco a nomine Apostolorum se abstinuerunt, et episcopi dumtaxat vocabantur,

Joanni Darensi, inquit Eccehellensis, totidem fere verbis adstipulatur Maro, Tract. 1. Commentar. in Liturgiam S. Jacobi Cap. 6, et utrique succinit Ambrosius (?) in Ep. 1. ad Timotheum (apud Amalarium) hisce verbis: «*Beatis vero, inquit, Apostolis decedentibus, illi qui post illos ordinati sunt, ut præessent ecclesiis, illis primis exæquari non potuerunt, neque miraculorum testimoniis pares illis haberi, sed et multis aliis inferiores illis esse videbantur; quare grave existimarunt Apostolorum sibi vindicare nuncupationem. Diviserunt ergo nomina ipsa, et Presbyteris Presbyterii nomen reliquerunt. Alii vero Episcopi sunt nuncupati, hi, qui ordinationis præditi erant potestate.*»

Apostolus, Pauli dignitatem potius expriment quam ejusdem officium, ita hæc, *αφωρισμενος εις ευαγγελιον Θεου*, officium ejus designant potius quam dignitatem. *Αφορίζειν* (ab *απο* et *ὀρίζειν*) est *suis limitibus circumscribere, determinare*; hinc *separare, deligere* (*τινα εις τι*) aliquem ad aliquid, quo sensu legitur Gal. Cap. I. 15. (LXX) Levitic. Cap. XX. 26, et Jerem. Cap. I. 5. eoque sensu vox *αφωρισμενος* etiam hoc loco sumenda est, quum præcedenti voci *κλητος* tamquam æquipollens quædam vox jungatur. Quod autem additur *εις ευαγγελιον Θεου*, eo exprimitur *finis* istius *αφορισμου* ⁽¹⁾. Itaque *separatus* sive *selectus* fuit ad hoc (*εις*) ut prædicaret *Dei Evangelium*; nam *εις το ευαγγελιον Θεου* tantumdem est ac *εις το ευαγγελισασθαι ευαγγελιον Θεου*. Cf. 2. Cor. XI. 7. Præpositio *εις* hoc sensu legitur etiam infra Cap. IX. 17. XIV. 9. De absentia Articuli ante vocem *ευαγγελιον* vide Win. § 18. 2. *Θεου* Genitivus est non *objecti*, sed *subjecti* sive *originis* ⁽²⁾ ut 2 Cor. XI. 7. 1 Thessal. II. 2. 8. 9. *Deus* autem ut ad Hebr. Cap. I. 1. intelligendus est *Deus Pater*, ut patet ex addito: *de filio suo*. Apostolus quid intelligat *Evangelium Dei* a se prædicandum, declarat addendo:

ψ. 2. 3. *Quod ante promiserat per Prophetas suos in scripturis sanctis de Filio suo*). Nolim voces *περι του υιου αυτου* proxime jungere cum vocibus (ψ. 1) *ευαγγελιον Θεου*, quasi PAULUS sibi voluisset: *evangelium Dei de filio suo*. Ratio est, quia nusquam nec vox *ευαγγελιον*, nec verbum *ευαγγελιζειν* cum Præpositione *περι* construitur. Jungimus ergo cum *ὁ προεπηγγειλατο*, quod ordo verborum quoque postulat. Quod hic (ψ. 3) dicitur *υιος αυτου*, *filius ejus*, sumendum id est de Filio Dei *secundum utramque naturam*. Patet hoc tum ex ea, quæ additur, personæ ejus *definitione* (*του γενομενου — νεκρων*) tum etiam ex illo (ψ. 4) *Ιησου Χριστου του Κυριου ημων*, quo ad modum emphaticæ Appositionis, *pleno* suo nomine designatur is, qui intelligitur in verbis *περι του υιου αυτου*. ⁽³⁾ Quocirca observandum est Genitivum *Ιησου Χριστου του κυριου ημων* pendere ab eâdem Præpositione *περι*.

Evangelium autem sive *bonum* illud Dei Patris *nuncium* quod circa Filium suum PER PROPHETAS suos promiserat, intelligitur *reconciliatio humani generis cum Deo per filium ejus Jesum Christum* efficienda. Cf. 2 Cor. Cap. V. 18.—21. Hæc reconciliatio diu ante quam fieret divinitus per Prophetas in Scripturis fuerat promissa; eamque Jesu Christi sanguine nunc partam annunciare, atque ad eam participandam gentes omnes adducere, Apostolorum erat officium; et ad hoc præstandum, ut reliqui duodecim Apostoli, ita

(1) THEOPHYL. (ad h. l.): Αφωρισμενος εις ευαγγελιον Θεου, τουτεστι, αποκεκληρωμενος εις του Ευαγγελιου διακονιαν. — Sed quando *segregatus* fuit Paulus? Tunc cum a Christo ad Apostolatam fuit *vocatus*. Act. Ap. Cap. XXVI. 15—21. Nequit enim hic intelligi nec ea *segregatio*, de qua agitur in epistola ad Galatas, Cap. 1. v. 15; nec ea, de qua sermo est Act. Cap. XIII. 2.

(2) THEOPHYLACTUS (ad h. l.): Το δε ευαγγελιον τουτο,

του Θεου εστι, τουτεστι, του Πατρος, και ως δωρηθεν παρ' αυτου.

(3) Obscura est hoc loco Vulgata. Causa est, quia Interpres non videtur animadvertisse Genitivum *Ιησου Χριστου του Κυριου ημων* pendere a præcedente (ψ. 3.) Præpositione *περι*. Si pro *Jesu Christo Domino nostro* scripsisset *de Jesu Christo Domino nostro*, perspicua fuisset ejus oratio.

et PAULUS fuerat segregatus : *Et dedit nobis*, inquit, *ministerium reconciliationis*. 2 Cor. V. 18.

γ. 3—4. *Qui factus est ei ex semine David*, etc.) Promissum illum humani generis cum Deo Reconciliatorem oracula Prophetarum exhibuerant tamquam Deum - hominem, et quidem secundum humanam ejusdem naturam, ex DAVIDE oriundum. Talem autem esse JESUM NAZARENUM parenthetica illa descriptione (γ. 4 et 5) PAULUS innuit; idque fecerit, opinor, ex fine quodam Apologetico, ad firmandum JESUM NAZARENUM esse promissum Messiam.

Ergo 1^o dicitur *factus* (ὁ γενομενος in Aor. 2. Belgicè : *de gewordene*), quod attinet ad naturam ejus humanam (κατὰ σάρκα), ex semine (ἐκ σπέρματος), i. e. ex progenie DAVIDIS, puta ex substantia B. Virginis MARIE, filię DAVIDIS, idque omnipotenti Spiritus sancti virtute, absque semine maritali; ut adeò is (verbis utor Concilii Carthaginensis Quarti), *qui erat in divinitate Dei Patris filius, ipse factus sit in homine, hominis matris filius, Deus verus ex Patre, homo verus ex matre, carnem ex matris visceribus habens, et animam humanam rationalem*.

2^o dicitur ὁρισθεὶς υἱὸς Θεοῦ ἐν δυνάμει κατὰ πνεῦμα ἁγίωσυνης ἐξ ἀναστάσεως νεκρῶν. Quæ verba ad divinam JESU CHRISTI naturam esse referenda, id quidem constat inter Catholicos omnes; sed in interpretando hoc loco non conveniunt. B. THEODORETUS verba Apostoli sic explicat : *definitus* (ὁρισθεὶς) ac plenissimè demonstratus est Dei esse Filius per potentiam (ἐν δυνάμει) quæ a sancto Spiritu exercebatur (κατὰ πνεῦμα ἁγίωσυνης) post ejus a mortuis resurrectionem (ἐξ ἀναστάσεως νεκρῶν) (1). Sentit ergo THEODORETUS, PAULUM hoc loco sibi voluisse, JESUM CHRISTUM, quem Filium Dei esse Apostoli prædicabant, revera esse talem, plenissimè demonstratum fuisse per miracula, virtute Spiritus sancti ad ipsius nominis invocationem patrata ex eo inde die quo a mortuis resurrexisset. — Quam interpretationem quum ceteris prætulerim, nonnullis rationibus firmare conabor.

Et primùm quidem observo, non esse cur ὁρισθεὶς hoc loco reddatur *constitutus*, ut nonnullis placuit; nam quod ὁρίζειν hoc sensu sumitur Act. X. 42, inde effici nequit etiam in præsentī loco ὁρίζειν eodem sensu esse sumendum. Ratio est, quia ibi (Act. X. 42.) jungitur cum Nomine quod *dignitatem* aliquam sive *officium* exprimit; contra, in præsentī loco ὁρίζειν jungitur cum υἱὸς Θεοῦ, quo non dignitas aliqua aut officium sed *natura* quæpiam denotatur, uti patet vel ex antithesi illa κατὰ σάρκα. Ergo non est hujus et istius loci eadem ratio.

Primaria verbi ὁρίζειν notio est *definire*, quæ etiam hic retinenda est. Dicitur ergo CHRISTUS *definitus filius Dei*. Sed ὁρισμος ille dicitur factus per miracula virtute Spi-

(1) B. THEODORETUS ad h. l. « Ἐνταῦτα, inquit, εἰδὼς ὁ θεὸς Ἀποστόλος, ὅτι κατὰ σάρκα τοῦ Δαβὶδ χρηματίας υἱός, ὥρισθη καὶ ἀπεδείχθη τοῦ Θεοῦ υἱός, διὰ τῆς ὑπο τοῦ πανάγιου Πνεύματος ἐνεργουμένης δύναμειος μετὰ τῆς ἐκ νεκρῶν ἀνάστασιν αὐτοῦ. » Docuit hic

divinus Apostolus, quod qui filius David secundum carnem dictus est, definitus et demonstratus est Dei Filius per potentiam quæ a sancto Spiritu exercebatur post ejus a mortuis resurrectionem. »

ritus sancti ad nominis Jesu invocationem patrata, adeoque non *verbalis* intelligitur definitio sed *realis*. Atqui *realis* istiusmodi definitio quid aliud est quam quædam *manifesta* declaratio? Atque hoc sensisse mihi videntur Græci interpretes, qui omnes, quod sciam, voci ὁρισθεντος notionem *declarationis* aut huic similem subjecerunt. Et B. THEODORETO quidem ὁρισθεντος tantumdem est ac αποδειχθεντος. S. CHRYSOSTOMUS vocabulum ὁρισθεντος interpretatur δειχθεντος, αποφανθεντος, κριθεντος, ὁμολογηθεντος. THEOPHYLACTO et OECUMENIO ὁρισθεντος est αποδειχθεντος, βεβαιωθεντος. Quibus omnibus præciverat Syrus Interpres qui voces ὁρισθετος υἱος Θεου reddidit $\text{ܐܠܗܐ} \text{ܕܝܚܝܬܐ} \text{ܕܝܚܝܬܐ}$ et cognitus est filius Dei.

Jam quod attinet ad verba εν δυναμει κατὰ πνευμα ἁγιωσυνης, THEODORETUS hæc in unam sententiam conjungit ita, ut illas voces habeat pro quadam Periphrasi Genitivi, illudque εν δυναμει κατὰ πνευμα ἁγιωσυνης ipsi tantumdem sit ac εν δυναμει πνευματος ἁγιου. In quo nihil video quod jure reprehendi possit. Simili modo Apostolus pro ἡ δικαιοσυνη πιστεως (Rom. IV. 13) alibi (Hebr. XI. 7) scripsit ἡ κατὰ πιστιν δικαιοσυνη. Ad hæc, solenne illi est, ubi de patratis miraculis loquitur, voces δυναμιν et πνευμα ἁγιον conjungere. Cf. Rom. XV. 19. I Cor. II. 4. Gal. III. 5. — I Thess. 1. 5. — Hebr. II. 4.

Postrema hujus loci verba, ἐξ ἀναστασεως νεκρων, in eum sensum cepit THEODORETUS ut illi valeant μετα την εκ νεκρων ἀναστασιν αυτου. In quo pariter nihil est improbandum. Nam quin hic dictum sit ἀναστασις νεκρων pro εκ νεκρων, ut est I Petr. I. 3., nemo dubitat, quum hic non agatur de universali hominum resurrectione; et Præpositionem εκ etiam adhiberi de tempore ex quo, valereque inde a, quamquam Estius negavit, tamen certissimum est. Vide Matth. XIX. 20. Act. IX. 33. Gal. I. 15.

S. CHRYSOSTOMUS, quem THEOPHYLACTUS, OECUMENIUS, et recentiores plerique sequuntur, præsentem locum sic intelligit, ut sentiat Apostolum tria proferre argumenta, quibus JESUS CHRISTUS demonstratus sit (ὁρισθεις) esse Filius Dei; scilicet 1º εν δυναμει, quo intelligit miracula quæ patravit; 2º κατὰ πνευμα ἁγιωσυνης, quod interpretatur de Spiritu sancto quem dedit credentibus in se; 3º ἐξ ἀναστασεως νεκρων, quod sumit de potentia, qua se ipse a mortuis excitavit. ⁽¹⁾

(1) S. CHRYS. (Hom. 1. in Ep. ad Rom.) : Ποθεν δε, ὅτι και υἱος Θεου εστιν οὗτος ὁ σάρκωθεις ;.... Τριτον, απο των θαυμάτων ὡν ἐπράττε, πολλῆς δυναμεις αποδειξιν παρεχομενος· τουτο γαρ εστιν, Εν δυναμει. Τετάρτον απο του Πνευματος, ὁπερ ἐδίδου τοις πιστευουσιν εις αυτον, και δι' ου παντας ἁγιους εποιεи διο φησι· Κατὰ Πνευμα ἁγιωσυνης· Θεου γαρ ην μονου τα τοιαυτα δωρα χαριζεσθαι. Περμπτον, απο της ἀναστασεως Κυριου· πρωτος γαρ οὗτος και μονος ἑαυτον ηγειρεν· ὁπερ και αυτος μαλιστα παντων εφησεν ειναι σημειον ἱκανον και τους ἀναισχυντουστας ἐπιστομισαι. Αὐσατε γαρ, φησι, τον ναον τούτον, και εν τρισιν ἡμεραις ἐγερῶι αυτον. h. e.

« Undenam vero (apertum est), quod hic incarnatus etiam Filius Dei est?... Tertiò, a miraculis, quæ patravit, magnæpotentiæ argumentum præbens; hoc enim sibi vult illud, *In virtute*. Quartò, a Spiritu, quem dedit credentibus in se; et per quem omnes sanctos effecit; ideo ait: *Secundum Spiritum sanctificationis*. Dei enim solius erat talia dona largiri. Quintò, a resurrectione Domini: hic enim primus et solus seipsum a mortuis excitavit: quod et ipse ait, signum omnium maxime idoneum esse ad impudentiores confutandos. Nam ait: *Solvite templum hoc, et in tribus diebus excitabo illud*.

Præpositiones illæ tres, *εν*, *κατα*, *εκ*, quo sensu in hac interpretatione a CHRYSOSTOMO adhibentur, etiam alibi in scriptis Paulinis occurrunt. Nam *εν* sic legitur infra Cap. XV; *κατα* hoc sensu occurrit I Cor. XII. 8. 9, qui locus imprimis observandus est, quum etiam ibi Apostolus Præpositiones tres, *δια*, *κατα*, *εν*, eodem sensu adhibeat; tandem Præpositionem *εν* eo sensu invenias infra Cap. X. 17. Itaque hactenùs quidem CHRYSOSTOMI illa interpretatio non habet cur minùs probetur. Sed alia duo sunt, ob quæ mihi videtur improbanda; et *primum* quidem, quia rerum ordinem turbat, quum effusionem Spiritùs sancti, quam vult significari per voces *κατα πνευμα ἁγιωσύνης*, ponat *ante* JESU CHRISTI a mortuis resurrectionem; *deinde*, quia incredibile videtur, si PAULUS eo loco de *effusione Spiritùs sancti* cogitasset, illum per *sola* verba illa, *κατα πνευμα ἁγιωσύνης*, hoc voluisse exprimere.

Interpretes alii, maximè ex recentissimis, verba PAULI in eam sententiam accipiunt, ut voces *εν δυναμει* habeant pro locutione adverbiali, easque reddant *potenter*. Ad hæc, statuunt esse Antithesin inter *κατα σαρκα*, quod ad humanam CHRISTI naturam, et *κατα πνευμα ἁγιωσύνης*, quod ad divinam referunt. Porro verba *ἐξ ἀναστάσεως νεκρῶν* dicunt valere *per resurrectionem ex mortuis*. Ceterum in definiendâ notione vocis *ὁρισθεις* non conveniunt; nam alii cum Græcis *ὁρισθεις* interpretantur *αποδειχθεις*, alii verò Latine illud reddunt per *constitutus*. Eorum ergo hujus loci interpretatio talis est: *Qui potenter demonstratus (vel constitutus) est Dei Filius secundum naturam ejus divinam per resurrectionem ejus a mortuis.* ⁽¹⁾

Sed plura sunt, ut mihi quidem videtur, quæ huic interpretationi obstant. Ac *primum* quidem, quod nullo exemplo probatur vocem *δυναμεις* adhiberi *etiam de vi*, ut ita dicam, *demonstrativâ*; nam qui *ὁρισθεις εν δυναμει* reddunt *potenter declaratus*, hanc potestatem voci *δυναμεις* tribuunt. Locus Ep. ad Coloss. 1. 29 huc non facit. *Deinde*, si Apostolus dictionem *εν δυναμει* adverbialiter sumsisset, eam, opinor, posuisset proximè ante Verbum, scripsissetque *του εν δυναμει ὁρισθεντος υἱου Θεου*. Porro, per *πνευμα ἁγιωσύνης* significari divinam naturam sive deitatem, id quidem gratis asseritur. Ex Joh. IV. 24 nullatenus id probatur; nam quod ibi dicitur *πνευμα ὁ Θεος*, eo nihil aliud significatur, nisi hoc, scilicet, *immaterialem esse Dei substantiam.* ⁽²⁾ Addo,

(1) ADALB. MAIER (ad h. l.) α *Εν δυναμει*, inquit, gehört nicht zu υἱος Θεου, sondern ist adverbialer Beisatz zu ὁρισθεντος: der erwiesen würde als Gottessohn *kräftiglich*. Col. 1: 29. Das Faktische des Erweises wird mit *εκ ἀναστάσεως νεκρῶν* nachbestimmt; *εκ* nicht *seit*, sondern *durch*. Vgl. Cap. III. 20. *Κατα πνευμα ἁγιωσύνης* steht dem *κατα σαρκα* entgegen, und ist gleich mit *πνευμα ἅγιον* ... Es ist aber *πνευμα ἁγιωσύνης* = *ἅγιον* hier nicht die dritte Person in der Gottheit ... Es ist die *göttliche Natur* des Herrn als der andre Faktor seiner Person, von welcher *πνευμα* hier zu verstehen ist; die *Göttliche Natur* wird damit nach ihrer Substantialität be-

zeichnet; wie auch Joh. IV. 24, das Wesen der Gottheit als *πνευμα* dargestellt wird, und das adjektivische Substantiv *ἁγιωσύνης* verbindet mit der so bezeichneten göttlichen Natur die Eigenschaft der Heiligkeit, die es im absoluten Sinne ist. Also: geworden, geboren *nach seiner menschlichen Natur*; erwiesen, für Anerkennung und Glauben festgestellt als Gottessohn *nach heiliger Geistigkeit nach seiner heiligen göttlichen Natur, die Geist ist*. Vgl. 1 Tim. III. 16.»

(2) S. CURYS. Hom. 33 in Joh.: Ὅταν θε εἴπῃ πνευμα ὁ Θεος, οὐδεν ἄλλο δηλοῖ, ἢ το σωματον.

in loco, de quo agimus, non simpliciter dici *κατα πνευμα*, sed *κατα πνευμα ἁγίου* *ωσυνης*.

Latini, quum hic legerent *qui prædestinatus est Filius Dei*, verba illa PAULI in sententiam longe diversam acceperunt. « Latini interpretes, ait PETAVIUS (*De Incarnatione* Lib. XI. Cap. XIII.), hæc verba, linguæ suæ proprietatem secuti, sic intellexerunt, ut idem ille CHRISTUS, qui ex DAVIDIS stirpe *factus* dicitur, *prædestinatus* sit a Deo ad summam illam dignitatem Filii Dei, hoc est, divino consilio et ordinatione ad illud decus adscitus. Ex quo tota illa de CHRISTI prædestinatione nata quæstio est. » Observat idem (*ibidem*), in hac explicanda enucleandaque prædestinatione CHRISTI tot acutissimorum disputatorum ingeniis excogitatas esse argutias, ut difficile sit exitum invenire.

Reliquis autem hujus loci verbis (*in virtute secundum Spiritum sanctificationis ex resurrectione mortuorum*) quem sensum Latini subjiciant, et quam ratione hanc partem Paulinæ sententiæ cum præcedente (*prædestinatus est Filius Dei*) jungant, difficile dictu est, quum tanta in hoc loco interpretando obscuritate laborent. Sunt etiam qui Græcorum et Latinorum interpretationem in unam jungant; quod sanè ridiculum est. Estio nullus heic Latinorum interpretum satisfacere potuit. « Latinorum interpretatio, inquit (ad h. l.), præter eam difficultatem, quam parit hic sermo, CHRISTUM esse *prædestinatum Filium Dei*, quod certe in Scripturis alibi non legitur, etiam in explicanda Syntaxi et sensu verborum sequentium: *in virtute secundum Spiritum sanctificationis ex resurrectione mortuorum*, multum laborat, nec tamen lectoris animo satisfacit. » Exemplo sit CORNELIUS a LAPIDE, qui præsentis loci hunc esse sensum statuit: « Nostræ versionis, inquit, hic est sensus: *Christus prædestinatus est Filius Dei in virtute*, id est, cum potentia divina, ut scilicet licet esset filius DAVID secundum carnem fragilem et infirmam, haberet tamen tam potentiam quam hypostasim divinam; nimirum ut per hanc potentiam, hic homo unitus Verbo faceret miracula, remitteret peccata, sanctificaret homines: quam potentiam habuit *secundum*, id est, a naturâ divina qua est *Spiritus sanctificationis*, id est, fons omnis sanctitatis; vel planius, a Spiritu sancto, qui totum hoc unionis hominis cum Deo opus in CHRISTO peregit, eumque ita sanctificavit ut illi virtutem dederit omnes sanctificandi: quæ potentia Spiritus sancti maxime se ostendit, maximeque patuit *ex resurrectione* ex mortuis, id est, in resurrectione, qua CHRISTUS se et alios mortuos suscitavit. » Hactenus CORNELIUS; qui mihi quidem hic videtur non sensum verborum PAULI exposuisse, sed verbis PAULI sensum imposuisse suum.

ŷ. 5. *Per quem accepimus gratiam et Apostolatam*, etc.) Sentit S. CHRYSOSTOMUS, *χαριν και αποστολην* hic dici (puta per Hendiadyon) pro *χαριν αποστολης*, *gratiam apostolatûs*. ⁽¹⁾ Quæ interpretatio eo firmatur, quod Apostolus tum infra (Cap. XII. 3. XV. 13),

(1) α Χαριν και αποστολην· τουτεστι, ουχ ἡμεῖς αὐτο κατορθωσαμεν το γενεσθαι αποστολοι. ουδε γαρ καμοντες πολλα και πονεσαντες, την αξιαν ταυτην ελαχομεν, αλλα χαριν ελαβομεν, και της ανωθεν δωρεας το κατορθωμα γεγονεν. » *Gratiam et Apostolatam*; id est: Non nos

hoc effecimus, ut essemus Apostoli: non enim labore et opera nostra hanc dignitatem sortiti sumus, sed gratiam accepimus, et ex superno dono hoc munus datum nobis est. » S. Chrys. Hom. 1. in Ep. ad Rom.

tum alibi (Ephes. Cap. III. 8), Apostolicam suam dignitatem atque potestatem simpliciter *gratiam* (χαριν) vocat. Dicit ergo, se Apostolatûs beneficium gratuito accepisse *per Jesum Christum* (δι' οὗ), hoc est, JESU CHRISTO ad hoc munus illum vocante. Cf. Act. IX. 15. XXVI. 15—19.

Ad obediendum fidei in omnibus gentibus) Quum PAULUS scripserit εἰς ὑπακοήν, Interpres noster rectius dixisset : *ad obedientiam fidei in omnibus gentibus*. Hisce autem verbis PAULUS exprimit *finem ob quem* Apostolatûm accepisset. *Finis* ergo erat, ministerio suo, quantum in se esset, efficere, ut *obedientia fidei præstaretur in gentibus sine discrimine omnibus; εἰς ὑπακοήν πιστεως ἐν πασι τοῖς ἐθνεσιν*. Præpositio εἰς hic eodem planè sensu sumenda est, quo supra γ. 1. Vox πιστεως est Genitivus non *subjecti*, quasi sensus sit : *ad efficiendam obedientiam Deo, quam fides præstat*, sed est Genitivus *objecti*, quasi dicas : *ad faciendum obedire fidei*; et hoc quidem patet ex locis parallelis his : Act. Cap. VI. 7. Rom. X. 16. 2 Cor. IX. 13. X. 5.— *Fides* autem hoc loco, per Metonymiam *effectûs pro causa*, intelligitur *prædicata doctrina fidei*. » Eâdem Metonymiâ usus LUCAS dixit (Act. Cap. VI. 7) : *Multa etiam turba sacerdotum obediebat fidei*. PAULO ergo credere est obedire; quod sentit quoque infra, Cap. VI. 17. Nimirum, quod S. THOMAS hic notat, *his quæ sunt fidei voluntate consentimus, non ex rationis necessitate, quum sint supra rationem*. Hinc illud AUGUSTINI (Tr. 26 in Joh.) : *Nemo credit nisi volens*. Quod his verbis explicat DOMINICUS SOTO (ad h. l.) : « Usus est Apostolus, inquit, verbo *obedire*, ut quantum est inter fidem et humanas disciplinas discriminis explicaret. Hæ namque cum naturali mentis acie et lumine cernantur, compellere evinceréque possunt intellectum; fides autem invisibilium divinorum, quæ nisi per lucem illam, mortalium oculis inaccessam, conspecta esse nequeunt, non argumentorum vi syllogismorumque acumine demonstratur, sed voluntario obsequio tacitaque auscultatione suscipitur. »

Voces ἐν πασι τοῖς ἐθνεσιν pertinent non ad ἀποστολήν, sed ad εἰς ὑπακοήν πιστεως, quod probatur tum ex ordine verborum in textu Paulino, tum ex eo quoque quod, si pertinerent ad ἀποστολήν, Apostolus scripsisset εἰς πάντα τὰ ἔθνη, quemadmodum infra scripsit (Cap. XV. 16) : εἰς το εἶναι με λειτουργόν Ἰησοῦ Χριστοῦ εἰς τὰ ἔθνη.

Jam quod attinet ad interpretationem verborum illorum : ἐν (inter, apud, ut Act. Cap. 11. 29. IV. 34) πασι τοῖς ἐθνεσιν, quamquam verum est per τὰ ἔθνη frequentissimè significari gentes exceptâ Judaicâ, ut v. g. infra Cap. III. 29, tamen hoc non est perpetuum. Certe quum Salvator diceret (Matth. XXVIII. 29) : *Euntes docete omnes Gentes* (πάντα τὰ ἔθνη), Judaicam minime exclusit. Cf. Galat. Cap. II. 9. Nec dubito, quin id, quod hic dicit Apostolus, ἐν πασι τοῖς ἐθνεσιν, de gentibus omninò omnibus, etiam Judaicâ, sit sumendum; ratio est, quia PAULO tantæ amplitudinis Apostolatus a Christo fuerat collatus; ait enim (Act. IX. 15) : *Vas mihi electionis est, ut portet nomen meum coram Gentibus, et regibus, et filiis Israël*.

Quod sequitur, *pro nomine ejus* (ὑπὲρ τοῦ ὀνοματός αὐτοῦ), illud pertinet ad omnia hæc : *per quem accepimus — gentibus*. Mens Apostoli est dicere, gratiam et Apostolatûm in omnes gentes se accepisse a Christo *ad gloriam nominis ejus dilatandam*. Quæ interpre-

tatio satis probatur ex verbis Act. IX. 15, quæ modò recitavimus. Itaque Præpositio ὑπερ dicta hic est de *causâ* PROPTER quam quid sit, ut infra Cap. XV. 8.; 2 Cor. XII. 19, et Joh. Cap. XI. 4, ubi postquam dictum est, ὑπερ της δοξης του Θεου, exexegeticè additur: *ἵνα δοξασθῇ ὁ υἱος του Θεου δι' αυτής*.

γ. 6. *In quibus estis et vos vocati Jesu Christi*). Innuit Apostolus, Romanam etiam gentem ad suum Apostolatam pertinere. Et Christiani Romani ab eodem compellantur *vocati Jesu Christi* (κλητοι Ιησου Χριστου), h. e. gratuita Dei vocatione, cui obedierant, effecti JESU CHRISTI discipuli; aut brevius: *superna vocatione Christiani*. Genitivum Ιησου Χριστου habeo pro Genitivo Possessoris, ut in δεσμιος Ιησου Χριστου (Philem. γ. 1). Posset quidem esse Genitivus Agentis, adeòque illud κλητοι Ιησου χριστου valere *vocati a Jesu Christo*, ut mox (γ. 7) αγαπητοι Θεου sunt *dilecti a Deo*; verùm hoc loco prior illa interpretatio tenenda est; ratio est, quia superna ad fidem Christi *vocatio* in Scripturis constanter solet tribui Deo Patri.

γ. 7. *Omnibus qui sunt Romæ, etc.*) Græcè πασι τοις ουσιν — αγαπητοις — κλητοις ἁγιοις. Est hic Dativus, ut vocant *directionis*, quo nempe exprimitur ad quosnam homines epistola sit directa. Itaque non est heic oratio *elliptica*, ut mente supplendum sit λεγει χαιρειν vel ευ πραττειν, *salutem dicit*; nam pro hac salutandi formula est hic sequens Apostolica apprecatio: *χαρις υμιν και ειρηνη*. Et ab hac appreciatione nova incipit periodus, ut ex illo υμιν patet.

dilectis Dei) Græcè αγαπητοις Θεου, ubi Θεου est Genitivus Agentis; ut adeò *dilecti Dei* sint *dilecti a Deo*, sicut alibi (1 Thess. Cap. I. 4.) Apostolus Christianos vocat ηγαπημενους υπο Θεου. Intelligitur autem ea dilectio, qua Deus ante merita nostra prior dilexit nos (1 Joh. IV. 19), ut adamatî redamare valeremus.

vocalis sanctis) Græcè κλητοις ἁγιοις, ubi κλητοις Substantivè sumendum est; ut adeò κλητοις ἁγιοις tantumdem valeat ac κλησει ἁγιοις, i. e. *vocatione sanctis*. Sunt autem ΠΑΥΛΟ ἁγιοι iidem qui ηγιασμενοι εν χριστω Ιησου, quod constat ex 1 Cor. I. 2. Ergo Christiani Romani dicuntur κλητοι ἁγιοι; tamquam tales, qui non suo aliquo merito, sed per gratiam vocationis divinæ pervenerunt ad sanctitatem, h. e. ad eam interioris hominis renovationem, quam præstat lavacrum regenerationis. Confer 1 Cor. VI. 11; et vide quæ eam in rem notavimus ad Cap. I. 1. epistolæ ad Philippenses. Sunt autem *vocati sancti* quia *dilecti a Deo*; nimirum causa illius vocationis fuit hæc dilectio.

Gratia vobis et pax) Ille jam sequitur, post inscriptionem epistolæ, Apostolica apprecatio. *Gratia vobis et pax*, supple sit. Duo autem hæc, *gratia* et *pax*, quod jam alibi observavimus, veluti causa et effectus inter se cohærent; videlicet ad quem modum in dono aliquo causa doni est amor donantis, ipsum autem donum illius causæ veluti effectus. Itaque *gratia* hic intelligitur Dei favor, benevolentia, amor erga homines; a quo amore, veluti causa, illa *pax* efficitur. Quam pacem intelligo omne bonum, quod quidem ad salutem animæ conducat. Et eodem sensu vocem illam sumendam esse putaverim etiam in hoc Salvatoris (Matth. X. 12): *Intrantes autem in domum, salutate eam, dicentes: Pax huic domui*. Nimirum notio vocis ειρηνη in his locis mihi videtur repetenda esse a notione vocis

פָּרָה (pax) in Hebræorum salutandi formula usitatæ. Videsis quæ hanc in rem notavimus ad Cap. I. 2. epistolæ ad Philippenses.

a Deo Patre nostro, et Domino Jesu Christo) Græca non sunt vertenda : *A Deo Patre nostro et Domini Jesu Christi*, sed omninò ita ut fecit interpretes noster : *a Deo Patre nostro, et Domino Jesu Christo*; ut sensus sit : a Deo Patre nostro æque ac a Domino Jesu Christo. Nam Genitivus *κυρίου* referendus est, non ad Pronomen *ἡμῶν*, sed ad Præpositionem *απο*. Constat hoc ex similibus apprecandi formulis, quæ leguntur Galat. I. 3. ; 2 Timoth. I. 2.; Tit. I. 4.; 2 Cor. XIII. 13. et Philem. §. 25. Quum ergo divina quæ hic intelliguntur dona, ab Apostolo tribuantur velut largitori, tam *Deo Patri nostro* quam *Domino Jesu Christo*, unà docet et Christi divinitatem, et ejusdem cum Patre æqualitatem. ⁽¹⁾

α Nomen *Patris* hic respicit filios adoptivos, sicut in oratione Dominica, quia additur *nostro*. Et quamvis hac consideratione sit tribus Personis divinis commune, tamen Personæ Patris appropriatum est. Nam hic sermo quo dicitur, *a Deo Patre nostro et Domino Jesu Christo*, Personas distinguit. Objicit Arianus : Si Christus æqualiter esset Deus cum Patre, non distingueret Apostolus sermonem suum, ut Patrem quidem Deum vocaret, Christum autem Dominum. Cui respondeo : non magis esse consequens ex apostolico sermone, Christum non esse Deum, quam Patrem non esse Dominum; sicut enim alterum de Filio tacet, ita et alterum de Patre. Quod si de Patre tacetur alterum sine ejus præjudicio, cur non et alterum de Filio? Tantum reddenda ratio cur Domini vocabulum proprie Christo tribuat. Ea nimirum est, quia Christus in assumpta carne pretio sui sanguinis nos e servitute diaboli redemit, sibi que vindicavit in populum peculiarem, ejus proinde ipse quatenus homo, Dominus pleno jure effectus sit. Hinc passim in Apostolicis litteris honoris causa *Dominus* appellatur. Est igitur in verbis Apostoli insinuatio quædam utriusque naturæ in Christo : *divinæ* quidem cum dicit, *a Christo*, sicut dictum erat, *a Patre*; *humane* autem in vocabulo *Domino*, juxta rationem assignatam : » Eritus ad h. 1.

(1) Hoc passim ad ea verba Apostoli notarunt Patres Græci. Sic Theodoret. ad Rom. 1. 7, ubi eadem verba : *gratia vobis*, etc. leguntur, hæc scribit : Δὲ ὧν ἡμᾶς ἐδίδαξεν ἁντικυρὸς πατὴρ καὶ υἱὸς τὴν ἰσοτιαν. h. e. « per quæ nos aperte docuit Patris et Filii æqualitatem. » Et S. Athanasius ad eadem verba (Orat. III. contra Arian. 13, in edit. Benedict. Paris. 1698, tom. I. pag. 1. pag. 562) notat : οὕτω γὰρ καὶ ἀσφαλὲς ἦν ἡ εὐλογία διὰ τὸ ἀδιαίρετον τοῦ υἱοῦ πρὸς τὸν πατέρα, καὶ ὅτι μὴ καὶ ἡ αὐτὴ ἐστὶν ἡ διδομένη χάρις. Καν γὰρ ὁ πατὴρ ᾄδῃ, διὰ τοῦ υἱοῦ ἐστὶ τὸ διδομενον· καν ὁ υἱὸς λεγῇται χαρίζεσθαι, ὁ πατὴρ ἐστὶν ὁ διὰ τοῦ υἱοῦ καὶ ἐν τῷ υἱῷ παρεχων..... Τοῦτο δὲ καὶ ἐπὶ φωτὸς καὶ ἀπαυγασματος ἀν τὶς ἰδοὶ· καὶ γὰρ ὅπερ φωτίζει τὸ φῶς, τοῦτο τὸ ἀπαυγασμα καταυγαζει· ὅπερ δὲ καταυγαζει τὸ ἀπαυγασμα, ἐκ τοῦ φωτὸς ἐστὶν ὁ φωτισμός. h. e. « Ita enim firma erat benedictio, cum ob individuum Filii et Patris naturam, tum quia una et eadem erat data gratia. Nam licet dederit Pater, quod tamen datur, per Filium datur. Similiter licet filius dare dicatur,

Pater est, qui per Filium et in Filio dat... Quin etiam idem istud in luce et splendore animadvertere est. Nam quod lux illuminat, idem quoque splendor illuminat, et vicissim quod splendor illuminat, hoc lux quoque illuminat. » Idem paulo ante (ibid. 11) dixerat : Διδοντας τοῦ πατρὸς χάριν καὶ εἰρήνην, αὐτὴν καὶ ὁ υἱὸς διδωσιν, ὡς ὁ Παῦλος ἐπισήμαινεται, διὰ πάσης ἐπιστολῆς γραφῶν : χάρις ὑμῖν καὶ εἰρήνη ἀπο θεοῦ πατρὸς ἡμῶν, καὶ κυρίου Ι. Χ. Μία γὰρ καὶ ἡ αὐτὴ χάρις ἐστὶ παρὰ πατὸς ἐν υἱῷ· ὡς ἐστὶν ἐν τῷ φῶς τοῦ ἡλίου καὶ τοῦ ἀπαυγασματος, καὶ τὸ φωτίζειν τοῦ ἡλίου διὰ τοῦ ἀπαυγασματος γινεται. h. e. Cum Pater dat gratiam et pacem, eadem pariter dat Filius, uti Paulus in omnibus suis epistolis significat, dum ita scribit : *Gratia vobis et pax a Deo patre nostro et Domino Jesu Christo*. Una enim eademque est gratia, quæ a Patre in Filio datur; quemadmodum una est lux solis et splendoris, et sol non nisi per suum splendorem illuminat. » Cf. etiam Cyrill. Alex. in Thes. XII. 1.

γ. 8—10. Primum quidem gratias ago Deo meo per Jesum Christum pro omnibus vobis : quia fides vestra annunciat in universo mundo. ⁹ Testis enim mihi est Deus, cui servio in spiritu meo in Evangelio Filii ejus, quod sine intermissione memoriam vestri facio ¹⁰ semper in orationibus meis : obsecrans, si quomodo tandem aliquando prosperum iter habeam in voluntate Dei veniendi ad vos.

γ. 8—10. Πρῶτον μὲν εὐχαριστῶ τῷ Θεῷ μου διὰ Ἰησοῦ Χριστοῦ ὑπὲρ πάντων ὑμῶν, ὅτι ἡ πίστις ὑμῶν καταγγέλλεται ἐν ὅλῳ τῷ κόσμῳ. ⁹ Μάρτυς γάρ μου ἐστὶν ὁ Θεός, ᾧ λατρεύω ἐν τῷ πνεύματι μου, ἐν τῷ εὐαγγελίῳ τοῦ υἱοῦ αὐτοῦ, ὡς ἀδιαλείπτως μνησίαν ὑμῶν ποιούμαι ¹⁰ πάντοτε ἐπὶ τῶν προσευχῶν μου δεόμενος, εἰπὼς ἤδη ποτὲ εὐοδώσθαι μοι ἐν τῷ θελήματι τοῦ Θεοῦ εἰσελθεῖν πρὸς ὑμᾶς.

Paraphrasis. Principio quidem Deo meo gratias per Jesum Christum ago vestrum omnium causâ, videlicet ob vestram Christianæ Religionis professionem toto orbe celebratam. Nam testis est mihi Deus, cui ex animo inservio in promovenda re Evangelica, quam assidue in precationibus meis Deo vos commendem, semper ibi orans, si forte tandem aliquando mihi ex Dei voluntate obtingat felicitas veniendi ad vos.

VARIANS LECTIO.

^{a)} Pro ὑπερ est περι in Codd. ABCD *K et nonnullis Minusculis. Tischendorfius edidit περι. Sed dubitari potest an lectio περι non sit tribuenda correctioni Librariorum, quum Apostolus in simili phrasi Præpositionem περι adhibere soleat (Cf. 1 Cor. I. 4.; 1 Thess. I. 2.; 2 Thess. I. 3. 11. 13.; Coloss. I. 3.), et lectio ὑπερ difficilior sit.

γ. 8. *Primum quidem gratias ago Deo meo, etc.*) Post inscriptionem epistolæ et Apostolicam appreciationem (1—7), sequitur jam veluti introductio in tractandam materiam sive præcipuum thema epistolæ (8—15), quod γ. 16 his verbis enunciatur : *Evangelium virtus Dei est in salutem omni credenti; Judæo primum et Græco.*

primum quidem) Græcè πρῶτον μὲν, quod non est reddendum *imprimis*; obstat enim Particula μὲν. Recte Vulgata : *primum quidem*. Sed quum nihil sequatur quod Apostolus adjiciat per formulam ἐπειτα δε, *deinde vero*, illud μὲν pro *Solitario* habendum est, ut et infrà Cap. III. 2. Qua de re videsis Winer § 64 pag. 625.

gratias ago Deo meo per Jesum Christum pro omnibus vobis) Græcè ὑπερ πάντων ὑμῶν, quod Latine valet *super omnibus vobis*, ut sensus sit *restrum omnium causâ*, quo sensu ὑπερ legitur etiam Ephes. Cap. I. 16, et Philipp. I. 4; atque hoc

sensu ὑπερ non differt a περ. Dicit *vestrū* OMNIUM causā, quasi dicat, nullo facto discrimine Judæo-Christianos inter et Ethnico-Christianos. Res autem illa, ob quam eorum omnium causā gratias agit Deo, mox exprimitur per verba: *quia fides vestra*, etc. Quod Apostolus per verbum Temporis Præsentis dicit, *gratias ago*, eo sese exhibet grati animi sensu affectum tunc cum hæc scriberet. Dicendo autem Deo MEO, animum prodit tenerè Deum amantis. Verba ista, per *Jesum Christum*, proximè jungenda sunt cum *gratias ago*; ut sensus sit: Gratias ago Deo meo per *Jesum Christum*, per quem ut Pontificem nostrum meas gratiarum actiones Deo offero.— Et hoc sensisse Apostolum in verbis istis, id quidem colligo ex iis quæ dicit in epistola ad Hebræos Cap. III. 1. et XIII. 15. — S. THOMAS (ad h. l.): « Eodem enim ordine, inquit, debet gratiarum actio in Deum recurrere, quo gratiæ a Deo in nos deveniunt, quod quidem est per *Jesum Christum*. » In eandem sententiam voculam δια hoc loco interpretatus quoque est THEOPHYLACTUS. (1)

quia fides vestra annuntiatur in universo mundo) Hic jam exprimit Apostolus quid sit id, ob quod Deo gratias agat. Sensus est: *Gratias ago... vestrū omnium causā, quòd videlicet* (ὅτι epexegeticum, ut 2 Thess. Cap. II. 13) *vestra Christianæ Religionis professio et observantia ubique celebratur* (quòd ea talis est, tam eximia, ut ubique celebretur).

Fides (πιστις) hoc loco non sumitur *objectivè*, hoc est, de ipsa Religione Christiana, ut Act. Cap. VI. 7., sed *subjectivè*, id est, de professione Christianæ Religionis, ut in hoc 1 Cor. Cap. XV. 14: *Si autem Christus non resurrexit, inanis est ergo prædicatio nostra, inanis est et fides vestra.* — Καταγγέλλεται hic ob contextam orationem (in universo mundo) valet, cum laude annuntiatur sive celebratur. Illud autem ἐν ὅλῳ τῷ κόσμῳ dictum est Hyperbolicè.

Fuère qui dicerent, fidem hoc loco sumendam esse *objective*, et verba Pauli esse referenda ad propagationem Evangelii; ut sensus sit: *Gratias ago... quòd ea fides, quam vos profitemini, Romani, jam nunc latè disseminata, prædicatur in universo mundo.*

Verùm huic interpretationi tria obstant. Et primò quidem ipsa series orationis. *Gratias ago Deo*, inquit, PRO OMNIBUS VOBIS, *quia fides vestra*, etc. Quum ergo dicat se ipsorum causā gratias agere Deo, statimque addat *quam ob rem* gratias agat, profectò logicè necesse est ut ea res eorum sit quorum causā gratias agit. Obstat secundò Pauli usus loquendi. Nam ubi de Evangelii prædicatione loquitur, non Verbum καταγγέλλειν sed κηρυσσεῖν adhibere solet (Vid. Rom. X. 8. 14. 15.; 1 Cor. 1. 23. IX. 27. XV. 11. 12.; 2 Cor. 1. 19. IV. 5. XI. 4. Gal. II. 2. V. II. Philipp. I. 15. Coloss. I. 23.; I. Thess. II. 9.; 1 Tim. III. 16.— 2 Tim. IV. 2.); et, quod hic imprimis observandum est, de prædicando Evangelio numquam dicit καταγγέλλειν aut κηρυσσεῖν τὴν πίστιν, sed perpetuò scribit aut

(1) Ad h. l. Δια Ἰησοῦ Χριστοῦ, φησὶ οὗτος γὰρ καὶ τῆς πρὸς τὸν Πατέρα εὐχαριστίας ἡμῖν ὁ μεσστής, οὐ μόνον διδάξας εὐχαριστεῖν, ἀλλὰ καὶ προσάγων τὴν ἡμετέραν εὐχαριστίαν τῷ Πατρὶ. h. e. « Per Jesum

Christum, inquit. Iste enim nobis gratiarum actionis ad Deum Patrem mediator est, non solum nos docens gratias agere, sed et nostram gratiarum actionem Patri offerens.

Ἰησοῦν Χριστόν, aut *τον Χριστόν*, aut *το εὐαγγέλιον*, aut denique *τον λόγον*. Tertiò tandem obstat, quod nulla ratio assignari possit, cur Apostolus hoc loco, uno verbo et obiter notare voluerit quam latè tunc temporis pateret Evangelii prædicatio.

Interpretationem nostram commendant tum contexta oratio, ut patet, tum etiam loca parallela hæc: 1 Thess. Cap. I. 2—9.; 2 Thess. I. 3—6.; 2 Tim. I. 3—6. Ephes. I. 15. 16. Philipp. I. 3-6. Philem. 4-8. Nec aliter Antiqui, si ORIGENEM (ad h. l.) excipias, hunc locum intellexerunt. Audiatur clerus Romanus, qui in sua ad S. CYPRIANUM epistola ⁽¹⁾ hæc scribit: *Nec hæc, inquit, nobis nunc nuper consilium cogitatum est; nec hæc apud nos adversus improbos modò supervenerunt repentina subsidia; sed antiqua hæc apud nos severitas, antiqua fides, disciplina legitur antiqua: quoniam nec tantas de nobis laudes Apostolus protulisset dicendo: Quia fides vestra prædicatur in toto mundo, nisi jam exinde vigor iste radices fidei de temporibus illis mutuatus fuisset; quarum laudum et gloriæ degenerem fuisse maximum crimen est. Minus est enim dedecoris numquam ad præconium laudis accessisse, quam de fastigio laudis ruisse.* In eandem sententiam PAULI verba acceperunt S. CHRYSOSTOMUS (Hom. 2. in Ep. ad Rom.), et B. THEODORETUS (ad h. l.).

§.9.—10. *Testis enim mihi est Deus, etc.*) In præcedente versiculo Apostolus declaraverat, quam pie esset erga Romanos affectus. Jam quo minus de hoc dubitarent, interposito juramento, affirmat, se continuas pro illis preces Deo adhibere, atque inter alia et hoc perpetuo deprecari, ut sibi aliquando liceat illos invisere. Hæc autem *duo* tam seriò affirmando, unà confirmabat (*γὰρ*) quam verè et ex animo dixisset (§. 8.): *Gratias ago Deo pro omnibus vobis, etc.* Atque hinc patet quis sit nexus (*γὰρ*) orationis inter versiculum octavum et duos sequentes.

Testis mihi est Deus) Sive legas *μαρτυρῶ μου*, sive *μαρτυρῶ μοι*, sensus eòdem recidit; nam utraque formula juramentum continet, quum et in hac et in illa exprimatur voluntas adhibendi Deum testem. Vide quæ notavimus ad Cap. I. 8 epistolæ ad Philippenses. « Jurat ergo PAULUS, inquit ESTIUS (ad h. l.), nec temerè, nec sine justa necessitate; sed quòd sciret, ad stabiliendam suæ prædicationis fidem et auctoritatem plurimum referre, si Christiani, qui Romæ erant, quorum multi Judæi, PAULO alioqui parum æqui, de ipsius pia sollicitudine quam erga eos gerebat, bene essent persuasi. » Discant Anabaptistæ ex hoc exemplo PAULI non omnem juramenti usum esse prohibitum.

cui servio in spiritu meo in evangelio Filii ejus) i. e. cui tamquam minister (*δουλος*. §. 1.) inservio (*λατρεῖω* = *δουλεύω*) in spiritu meo (dans mon ame) h. e. verè, ingenuè, sine fūco, sincerè, ex animo. Quod additur *ἐν τῷ εὐαγγελίῳ τοῦ υἱοῦ αὐτοῦ*, eo significatur quānam in (*ἐν*) re illud ministerium (*δουλεία*) ab ipso præstetur. Præstatur ergo in re *Evangelica* administranda et promovenda, sive in negotio *Evangelii* (*ἐν τῷ εὐαγγελίῳ*) de Filio ejus, Græcè *τοῦ υἱοῦ αὐτοῦ*, qui Genitivus est *Objecti*. — Protestatio hæc de sinceritate animi, qua Deo inserviret, vim roborabat præmissi jura-

(1) S. CYPR. Op. ed. Maur. Ep. 31.

menti. — Vox λατρευνειν, quum non absolutè dicatur sed cum addito εν τῷ ευαγγελίῳ του υἱου αυτου, notione hic non differt a δουλευειν, Act. XX. 19.

quod sine intermissione memoriam vestri facio,) Est hoc unum ex duobus, quæ, Deo teste invocato, Romanis affirmat; alterum exprimitur insequenti versiculo. Scripsit ὥς non ὅτι. Puta Belgicè dici: *Want God is my getuige*, ποε (ὥς) ik uwer onophoudelyk gedenke. Μνεια est hic pia recordatio, quæ fit dum in piis tuis precibus Deo quempiam commendas. Cf. Ephes. I. 16., 1 Thess. I. 2. Ὑμων (vestri) est Genitivus obiecti. — Αδιαλειπτως, sine intermissione, assidue, in quo est Hyperbole.

γ. 10. semper in orationibus meis obsecrans, etc.) Sunt qui verba ista, semper in orationibus meis, jungant præcedentibus; quod mihi non probatur. Ratio est, quia sic tautologica fit oratio, quum hoc loco αδιαλειπτως notione non differat a παντοτε. — Continetur decimo hoc versiculo alterum illud quod cum juramento Romanis affirmat. Nexus orationis Grammaticus fit ope Participii δεομενος, quod in Verbum Finitum Belgicè sic resolverim: *terwyl ik altyd by (επι) myne gebeden verzoeke*, etc. — Επι hic ut 1 Thess. I. 2.; Ephes. I. 16.

si quomodo tandem aliquando prosperum iter habeam, etc.) His verbis exprimitur materia illius obsecrationis sive δεησεως. Quod autem dicit, non δεομενος εἰνα vel ὅπως, sed ειπως, si forte, eo animum suum prodit divinæ voluntati planè submissum. Græca liberius ita reddiderim: *si forte tandem aliquando mihi ex Dei voluntate obtingat felicitas veniendi ad vos*. Quocirca notandum est Verbum ευοδουσαι significare quidem, si vocis etymon (ab ευ et ὁδος) spectetur, prospero itinere uti, sed in usu loquendi perpetuò valere prosperè agere, felix esse, rem bene cedere alicui; ut Ep. 3. S. Joh. γ. 2: καθως ευοδουται σου ἡ ψυχη, quæ Vulgata rectè reddit: *sicut prosperè agit anima tua*. Cf. etiam 1 Cor. XVI. 2. Exempla ex scriptoribus profanis dabit Wetsteinius ad h. l. — Ελθειν non pendet a δεομενος, sed ab ευοδωθησομαι, et est Infinitivus epexegeticus, qui tamen laxiore Syntaxi cum ευοδωθησομαι cohæret. Similis Syntaxeos exempla invenire est Act. XV. 10 et Hebr. V. 5. Cf. Win. § 45. 3. — Ειπως hic cum Futuro Indicativi, ut infra Cap. XI. 14, et Philipp. III. 11; semel (Act. XXVII. 12) in his libris legitur cum Imperfecto Optativi. — Apostolus quam sibi continuò apprecatur Christianos Romanos invisendi felicitatem, eam nolit sibi obtingere nisi ea res contineatur εν τῷ θελήματι του Θεου, in Dei voluntate. Præpositio εν sumenda hic est ut in hoc Hebr. X. 10.: εν ᾧ θελήματι ἡγιασμενοι εσμεν, et dicitur quasi de norma secundum quam quid fit, ut valeat κατα. Attamen si Apostolus hic scripsisset κατα το θελημα του Θεου, non adeo significanter dixisset, quod dicere voluit.

γ. 11—13. Desidero enim videre vos : ut aliquid impertiar vobis gratiæ spiritualis ad confirmandos vos : 12 id est , simul consolari in vobis per eam, quæ invicem est , fidem vestram , atque meam. 13 Nolo autem vos ignorare fratres : quia sæpe proposui venire ad vos , (et prohibitus sum usque adhuc) ut aliquem fructum habeam et in vobis , sicut et in ceteris gentibus.

γ. 11—13. Επιποθῶ γὰρ ἰδεῖν ὑμᾶς, ἵνα τι μεταδῶ χάρισμα ὑμῖν πνευματικόν, εἰς τὸ στηριχθῆναι ὑμᾶς. 12 τοῦτο δὲ ἐστὶ, συμπαρακληθῆναι ἐν ὑμῖν διὰ τῆς ἐν ἀλλήλοις πίστεως, ὑμῶν τε καὶ ἐμοῦ. 13 Οὐ θέλω δὲ ὑμᾶς ἀγνοεῖν, ἀδελφοί, ὅτι πολλάκις προεδέμην ἐλθεῖν πρὸς ὑμᾶς, καὶ ἐκωλύθη ἄχρι τοῦ δεῦρο, ἵνα καρπὸν τινὰ σχῶ^{a)} ἐν ὑμῖν, καθῶς καὶ ἐν τοῖς λοιποῖς ἐθνεσιν.

Paraphrasis. Desidero enim videre vos , ut nonnihil doni spiritualis vobiscum communicem ad vos confirmandos , ut , inquam , mihi detur inter vos mutuo alloquio una vobiscum incitari per communem nostram fidem, vestram atque meam. Scitote autem , fratres , me jam pridem sæpenumero consilium cepisse vos adeundi (et ad hoc usque tempus prohibitum fuisse quominus id facerem), ut nonnihil mercedis Evangelicæ haberem inter vos , quemadmodum et inter reliquas nationes habere studeo.

VARIANS LECTIO.

a) Pro σχῶ est ἐχω in Cod. G. et nonnullis Minusculis.

γ. 11. Desidero enim videre vos , ut aliquid impertiar, etc.) Causam (γὰρ) exponit optati itineris ; quæ quidem erat , ut (ἵνα) præsens illis *communicare* (μεταδιδόναι) posset nonnihil doni spiritualis (τι χάρισμα πνευματικόν), ut (εἰς) hinc in Christianæ fidei professione confirmarentur (στηριχθῆναι).

Quod hic dicitur nonnihil doni sive gratiæ spiritualis (τι χάρισμα πνευματικόν), referendum hoc est ad illa *Spiritus sancti charismata* , quæ ab Apostolo (1 Cor. Cap. XII. γγ. 8-10) vocantur *sermo sapientiæ* , *sermo scientiæ* , et *charisma prophetiæ* quod dabatur ad aliorum *ædificationem* (οἰκοδομὴν) et *exhortationem* , (παρακλήσιν) et *consolationem* (παραμυθίαν), ut dicitur 1 Cor. XIV. 3. Charismata hæc PAULUS acceperat in Ecclesiæ utilitatem ; volebat autem ut eorum usus , qui scilicet est in docendo , exhortando , consolando , Christianis quoque Romanis prodesset ; atque hoc est quod vocat μεταδιδόναι τι χάρισμα πνευματικόν. (1) In nonnullis adhuc indigebant institutione Romani , ut ex argumento hujus epistolæ patet ; PAULUS tamen maluit

(1) Cf. S. CHRYS. Hom. 2. in. Ep. ad Rom. B. THEODORET. in Ep. ad Rom. ad h. l. OECUM-

dicere ad vos confirmandos, quam ad vos docendos, quod nonnihil offensionis habuisset. Vel ad vos confirmandos dixit ob eam quoque rationem, quam B. THEODORETUS (ad h. l.) assignat. *Επειδη, inquit, πρωτος αυτος ο μεγας Πετρος την ευαγγελικην διδασκαλιαν προσηνεγκεν, αναγκαιως επηγαγεν· Εις το στηριχθηναι υμας! Ου γαρ ετεραν υμιν, φησι, διδασκαλιαν προσφερειν, αλλα την ηδη προσενεχθεισαν βεβαιωσασθαι βουλομαι, και τοις ηδη φυτευθεισι φυτοις την αρδειαν προσενεγκειν.* h. e. « Quia primus eis magnus Petrus doctrinam Evangelicam præbuit, necessario intulit : ad confirmandos vos. Non enim aliam, inquit, doctrinam vobis afferre, sed eam quæ jam oblata est confirmare, et arbores jam plantatas irrigare volo. »

γ. 12. Id est, simul consolari in vobis, per eam quæ invicem est, fidem vestram atque meam.) Quod modò (γ. 11) dixerat Apostolus, ad confirmandos vos, illud hic, ne arrogantius loqui videretur, ita emollit, ut significet se loqui de mutuâ quâdam confirmatione, quâ fieret ut ipse vicissim ab illis confirmaretur.—Versiculos hunc et præcedentem sic Latinè reddiderim : Nam desidero vos videre, ut nonnihil doni spiritualis vobiscum communicem ad vos confirmandos, hoc est, ut mihi detur inter vos una vobiscum incitari per communem nostram fidem, vestram atque meam. Atque in hunc sensum verba hæc accepisse mihi videtur B. THEODORETUS ; nam is PAULUM sic loquentem inducit : *Ου γαρ μονον δουναι βουλομαι, αλλα και λαβειν παρ' υμων.* h. e. « Non solum enim volo dare, sed etiam a vobis accipere. Deinde addit : παρακαλει δε και διδασκαλον η προθυμια των μαθητων. h. e. « Excitat autem et magistrum discipulorum alacritas. In eandem sententiam præsentem locum intellexit quoque S. JOANNES CHRYSOSTOMES, qui ad illa verba exclamat : Παρε ! quanta humilitas ! Indicavit ipsum se indigere illis, non tantum illos ipso, atque discipulos magistrorum loco habuit, nullam sibi prærogativam relinquens, sed æqualitatem magnam ostendens. Communis est utilitas, inquit ; et ego vestro incitamento indigeo, et vos meo. Et quomodo hoc ? Per communem nostram fidem, vestram atque meam. Quemadmodum si quis multas simul accendat lucernas, splendidam edit flammam ; sic et apud fideles evenire solet. Cum enim disjuncti et dispersi sumus, animo minus valemus : quando autem nos mutuo conspiciamus, et quasi membris nos complectimur, magnum accipimus incitamentum. ⁽¹⁾

NIVS (ad h. l.) : Λεγει δε την διδαχην και την καταχρησιν... Το δε ινα τι, μετριαζοντος εστιν, ωσει ειπεν, ινα μικρον τι. h. e. (Charisma autem hoc) intelligit doctrinam et institutionem... Illud vero ινα τι (ut nonnihil) modesti animi est, ac si dicat : ut modicum quippiam.

(1) Βαβαι, ποση η ταπεινοφροσυνη· εδειξε και εαυτον εκεινων δεομενον, ουκ εκεινους αυτου μονον· και τους μαθητας εν ταξει διδασκαλων εκαθισεν, ουδεμιαν υπεροχην

αφεις μιναι παρ' αυτω, αλλα πολλην την ισοτιμιαν επιδειξαμενος. Κοινων γαρ εστι το κερδος, φησι, και εγω της παρ' υμων δεομαι παρακλησεως, και υμεις της παρ' εμου. Και πως τουτο γινεται ; Δια της εν αλληλοις πιστεως, υμων τε και εμου. Καθαπερ γαρ επι πυρος αν πολλας τις συναγαγη λαμπαδας, λαμπραν αναπτει την φλογα. ουτω και επι των πιστων γινεσθαι πεφυκεν· όταν μεν γαρ καθ' εαυτους ωμεν διεσπασμενοι, αθυμοτεροι πως εσμεν· όταν δε ιδοντες αλληλους τοις οικειοις περιπλακωμεν μελεσι, πολλην δεχομεθα την παρακλησιν.

Infinitivus *συμπαράκληθῆναι* pendet a præcedente (ψ. 11.) *εἰς*. Puta Apostolum scripsisse : *εἰς το συμπαράκληθῆναι ἐμε*. Nam *ἐμε* ut suppleatur, id quidem sequens *ἐν ὑμῖν* postulat dum prohibet quominus præcedens (ψ. 11) *ὑμᾶς* habeatur pro Subjecto Infinitivi *συμπαράκληθῆναι*. — *Ἐν ὑμῖν*, INTER vos. *Ἐν*, inter, ut supra ψ. 5. 1 Cor. V. 1, et alibi. Præpositio *συν* in Composito *συμπαράκληθῆναι* propter additum *ἐν ὑμῖν* valet *unà vobiscum*. Verbum autem *παρακληθῆναι*, quia explicat præcedens (ψ. 11) *στηριχθῆναι*, reddiderim *incitari* (mutuo alloquio). Verbum *παρακαλεῖν* eodem modo de *incitando* dictum occurrit 1 Thess. Cap. III. 2. In locutione ista, *δια τῆς ἐν ἀλλήλοις πίστεως, ὑμῶν τε καὶ ἐμοῦ*, duplex Syntaxis permixta est; nam regulariter scribendum erat, aut *δια τῆς ἐν ἀλλήλοις πίστεως, ὑμῖν τε καὶ ἐμοί*, aut *δια τῆς ἀλλήλων πίστεως, ὑμῶν τε καὶ ἐμοῦ*.

ψ. 13. *Nolo autem (δε) vos ignorare fratres, quia sæpè proposui venire ad vos, etc.*) Significat hic Apostolus, se non tantum *desiderasse* adire Christianos Romanos, verum etiam *jam pridem sæpenumero consilium cepisse* illos adeundi Cf. Cap. XV. 22. sqq. — Particula *δε* hoc loco inservit *continuandæ orationi*. Formula ista, *οὐ θελω δε ὑμᾶς ἀγνοεῖν*, nullam habet peculiarem emphasin; nec plus valet quam si tu Latinè dicas, *scitote autem, Fratres*. Alibi (Philipp. I. 12) eodem sensu Apostolus scripsit, *γινώσκουσιν δε ὑμᾶς βουλομαι*, *scire autem vos volo*. — *Fratres!* Hoc amoris titulo Christiani se mutuò appellabant. Videsis quæ hanc in rem notavimus ad Cap. 1. 12 epistolæ ad Philippenses. — *Προεθεμην* (Aor. 2. Med.), *animo proposui, apud me constitui, decrevi*.

ut aliquem fructum habeam et in vobis, sicut et in ceteris gentibus.) Græcè *ἵνα — σχῶ*, quod reddendum erat *ut haberem*. Declarat *quam ob causam* jam pridem sæpenumero apud se constituisset illos adire. *Fructum* autem quem hic dicit, *mercedem* intelligit, quæ laborantibus in agro Dominico aliquando decernenda est. Cf. 1 Cor. Cap. III. 6 — 10. *Ἐν τοῖς λοιποῖς ἐθνέσιν* quum dictum sit *universaliter*, coarctari nequit ad eas gentes, quibus Paulus Evangelium hactenùs jam prædicaverat; quare nec sensus est : *sicut et in ceteris gentibus fructum aliquem* — HABUI, sed HABERE STUDEO.

et prohibitus sum usque adhuc) Verba ista pro interjecta sententia habenda sunt; nam quod sequitur, *ἵνα καρπὸν κ. τ. λ.*, arcissimè cohæret cum præcedente *προεθεμην ἐλθεῖν πρὸς ὑμᾶς*. — *Ἐκώλυθην* tamen pendet a præcedente *ὅτι*. Impedimentum autem illud Romanos adeundi quale esset, Apostolus infrà (Cap. XV. 20 sqq.) indicat. — De *καὶ* abundante post Particulam Comparisonis, videsis quæ notavimus ad Act. Ap. Cap. XXVI. 29.

γ. 14—17. Græcis ac Barbaris, sapientibus, et insipientibus debitor sum: ¹⁵ ita (quod in me) promptum est et vobis, qui Romæ estis, evangelizare. ¹⁶ Non enim erubescō Evangelium. Virtus enim Dei est in salutem omni credenti, Judæo primū, et Græco. ¹⁷ Justitia enim Dei in eo revelatur ex fide in fidem: sicut scriptum est: Justus autem ex fide vivit.

γ. 14—17. Ἑλλῆσι τε καὶ βαρβάροις, σοφοῖς τε καὶ ἀνοήτοις ὀφειλέτης εἰμί. ¹⁵ οὕτως τὸ κατ' ἐμὲ πρόθυμον καὶ ὑμῖν τοῖς ἐν Ῥώμῃ εὐαγγελίσασθαι. ¹⁶ Οὐ γὰρ ἐπαισχύνομαι τὸ εὐαγγέλιον τοῦ Χριστοῦ. ^{a)} δύναμις γὰρ Θεοῦ ἐστὶν εἰς σωτηρίαν παντὶ τῷ πιστεύοντι, Ἰουδαίῳ τε πρῶτον καὶ Ἑλληνι. ¹⁷ Δικαιοσύνη γὰρ Θεοῦ ἐν αὐτῷ ἀποκαλύπτεται ἐκ πίστεως εἰς πίστιν, καθὼς γέγραπται. Ὁ δὲ δίκαιος ἐκ πίστεως ζήσεται. ^{b)}

Paraphrasis. Hominibus omnibus sine ulla aut gentis aut culturæ discrimine debeo Apostolatūs mei ministerium: itaque ad me quod attinet, ego quidem, modo hæc Dei quoque sit voluntas, cupio etiam vobis Romanis Evangelium prædicare. Neque enim erubescō doctrinam Evangelii; est enim doctrinæ hæc, est, inquam, Dei salvifica quædam vis cuicumque qui credit, sive Judæus sit, sive Gentilis; nam in doctrina Evangelii revelatur, justitiam, qua homo justus fit per Deum, oriri ex fide, et obtingere credenti; sicut scriptum est: Justus autem ex fide vivit.

VARIANS LECTIO.

^{a)} Voces τοῦ Χριστοῦ non leguntur in Codd. ABCEG, Absunt et a multis Minusculis. Glossema sapiunt.

^{b)} Pro ζήσεται legitur ζῇ, sed tantum in aliquo Codice Velesiano.

γγ. 14—15. Græcis ac Barbaris, sapientibus et insipientibus debitor sum, etc) Ad confirmandum quod modò (γ. 13) dixerat, scilicet se jam pridem sæpe animo proposuisse illos adire, hic (γ. 15) declarat, semper paratissimum se esse, quod ad se quidem attineret, ad Apostolicum suum ministerium exhibendum etiam Romanis; cujus promptitudinis causam præmittit isthoc versiculo decimo quarto; ubi dicit, sibi, ex injuncto Apostolatūs officio, incumbere debitum exhibendi sacrum suum ministerium hominibus omnibus sine ulla aut gentis aut culturæ discrimine.

Tota illa phrasis, Græcis ac Barbaris, sapientibus et insipientibus, in præsentī hoc loco non inservit nisi ad exprimendam universitatem hominum, quibus PAULUS Apostolatūs sui ministerium deberet. Hoc autem debitum quale quantumque esset, aliunde (1 Cor. IX 16) discimus: Si evangelizavero, inquit, non est mihi gloria: necessitas enim mihi incumbit; ræ enim mihi est, si non evangelizavero.

Ita (quod in me) promptum est, etc.) Οὕτως concludit ex eo quod dictum est ὕ. 14.—Latine heic dixeris, vel *itaque*, vel *quæ cum ita sint*.—Το κατ' ἐμε προθυμον scil. *εστι*, ut 2 Cor. VIII. 11; προθυμον hic Adjectivum est in Neutro Genere ad modum Substantivi adhibitum. Phrasis autem illa, το κατ' ἐμε προθυμον, ab ESTIO et plerisque sic explicatur ut το κατ' ἐμε vertant *ad me quod attinet*, et προθυμον dictum sumant pro ἡ προθυμία *εστι*, *promptus est animus*. Cui tamen interpretationi rectè opponitur, Adjectivum, si ad modum Substantivi adhibeatur, ex regulis Grammatices absque Articulo scribi non posse. Quare malim hic agnoscere Hyperbaton, ut nempe scriptum sit το κατ' ἐμε προθυμον scil. *εστι*, pro κατ' ἐμε το προθυμον *εστι*, quæ quidem reddiderim: *secundum me (secundum meam voluntatem) est cupiditas etiam vobis, qui, etc.*—Illud κατ' ἐμε antitheticè respondet præcedenti (ὕ. 10) ἐν τῷ Θελήματι τοῦ Θεοῦ, ut sensus sit: *Itaque ad me quod attinet, ego quidem, modo hæc quoque sit voluntas Dei, vehementer cupio etiam vobis, Romanis, Evangelium prædicare.*—Erat mens PAULI, si Romam adire sibi contingeret, non tantum Christianis, qui ibi essent, ministerium suum impendere, verum etiam augere numerum Romanorum fidelium, fidemque Christianam inter Romanos latius propagare. Atque hoc sentiebat cum scriberet ὑμῖν τοῖς ἐν Ῥώμῃ, scil. *οὖσιν*, adeoque ea verba referenda sunt ad Romanos *universè*, non verò ad eos Romanos tantum, ad quos in præsentī epistola sermonem suum dirigit.—Εὐαγγελισασθαι in formā Media, ut infra Cap. X. 15.

ὕ. 16. *Non enim erubesco Evangelium*). Suprà (ὕ. 14) causam *positivam* dederat cur promptus esset ad prædicandum Evangelium etiam Romanis; addit nunc illius promptitudinis causam *negativam*. Orationem ergo nectit per Particulam γὰρ, quia dicturus erat *causam* aliquam sive *rationem* præcedentis (ὕ. 15) sententiæ. *Evangelium* hic intelligit maximè quatenus est *annunciatio de salute humani generis a crucifixo repetenda*; id quod Gentilibus *stultitia quædam* (μωρία 1. Cor. I. 23; et Cf. Act. XVII. 18.) videbatur. Sentit autem Apostolus, fieri posse ut minister Evangelii pudore aliquo retardetur, ⁽¹⁾ quominus istiusmodi doctrinam prædicare audeat in ipsa sede Romani Imperii, apud homines, inquam, litterarum studiis exultos et præcipuâ quâdam morum elegantiam præstantes. Hinc animosus exclamat: *Non erubesco doctrinam Evangelii!* Et mox *causam* exponit *cur* non erubescat Evangelii doctrinam, addendo:

virtus enim Dei est in salutem omni credenti, Judæo primùm et Græco) Evangelii doctrinam non erubescit; nam tantum abest ut ea res sit contemptibilis, ut contra sit præcipuæ cujusdam dignitatis, maximique æstimanda, sive ad auctorem rei

(1) B. THEODORETUS (ad h. l.): Ἐπει το κηρυγμα πολλὰκις ευαγγελιον προσηγορευσε, παθους δε τουτο μνημην ειχε και σταυρου και θανατου, τοις δε μηπω πεπιστευκοσιν ατιμιας ειναι εδοκει ταυτα μεστα, εις καιρον επηγαγεν ου γαρ επαισχυνομαι το ευαγγελιον του Χριστου. h. c. « Quoniam prædicationem sæpè Evangelium

appellavit, hoc autem passionis mentionem continebat, et crucis, et mortis, quæ quidem iis, qui nondum crediderant, videbantur esse plena ignominia, opportune subjunxit: Non enim erubesco Evangelium Christi. »

attendas, sive ipsam rei præstantiam consideres. *Evangelium*, ut jam innuimus, hoc loco intelligenda est ipsa doctrina Evangelii; nam versiculo insequenti ubi quid sit Evangelium distinctius edicitur, ἀποκαλύψις quædam sive *revelatio* vocatur. Sensus ergo est: *Evangelii doctrinam non erubesco; est hæc enim (γὰρ) Dei salvifica quædam vis cuicumque qui credit (παντι τῷ πιστευοντι. Dativus Commodi), sive Judæus sit, sive Gentilis.*

Voces εἰς σωτηρίαν jungendæ sunt non cum παντι τῷ πιστευοντι, sed cum δύναμις, ita ut εἰς σωτηρίαν habeatur pro Periphrasi Adjectivi, quo exprimatur *qualitas* illius δυναμεως. Hoc ut dicamus suadet absentia Articuli ante σωτηρίαν. Itaque dictio *virtus in salutem* tantumdem sit ac dictio *virtus salvifica*. Salus autem, quam Apostolus hic cogitat, illa est, quæ homini obtingit a Deo per *Justificationem*. Patet hoc ex eo quod pergit dicere (γ. 17): *Justitia enim Dei in eo revelatur*; nam hæc verba causam explicant cur Evangelica doctrina sit *salvifica quædam Dei virtus*. Dicitur autem Evangelica doctrina *Virtus Dei*, quatenus illa doctrina est in manu Dei justificantis *efficax* quoddam *instrumentum*, per quod operatur salutem eam, quæ in Justificatione sita est; quæ salus parata est cuicumque, sive Judæo, sive Græco, sed ea lege ut illam doctrinam *fide* amplectatur. Quamnam vero *fidem* Apostolus hic intelligat, et quamnam ratione fidei tribuat *Justificationem*, insequenti versiculo explicabitur; ibique etiam dicetur *quonam sensu* Evangelica doctrina sit Dei efficax quoddam veluti *instrumentum*, quò hominem justificat.

γ. 17. *Justitia enim Dei*) *Iustitia* (ἡ δικαιοσύνη, *rectitudo*) intelligitur *qualitas* quæpiam, quam qui possidet homo, *justificatus* (δικαιωθείς) dicitur, et qui eam homini impertitur, ὁ δικαιῶν, *justificans* vocatur. Porro, *justificatio* (ἡ δικαιοσις), activo sensu, denotat *actum justificantis*; sensu autem passivo *justificatio* est *translatio ab eo statu, in quo homo nascitur filius primi Adæ, in statum gratiæ et adoptionis filiorum Dei per secundum Adam, Jesum Christum salvatorem nostrum* Atque hæc est *justificationis passivæ* definitio quam tradit Tridentina Synodus (Sess. VI. Cap. 4), quæ eamdem ulterius (*ibid.* Cap. VII.) sic describit, ut sit *non sola peccatorum remissio, sed et sanctificatio, et re-novatio interioris hominis per voluntariam* ⁽¹⁾ *susceptionem gratiæ, et donorum; unde homo ex injusto fit justus, et ex inimico amicus, ut sit hæres secundum spem vitæ æternæ. Et post pauca addit (ibid.): In ipsa justificatione, cum remissione peccatorum hæc omnia simul infusa accipit homo per Jesum Christum, cui inseritur, fidem, spem, et caritatem* ⁽²⁾.

(1) Ut significaretur, neminem adultorum absque propria voluntate sanctificari, adjectum est verbum *voluntariam*. Voluerunt enim Patres hoc loco stabilire veritatem fidei adversus dogma Lutheri, asserentis etiam nolentes et reluctantes adultos justificari. » Vega. de Justificatione Lib. V. Cap. 2.

(2) Observandum est ad ea quæ de *passiva justificatione* ex Tridentina Synodo hic recitavimus,

1^o Patres ibi loqui tantum de *prima* justificatione; non verò de ea justificatione quâ quis post perditam primam justificationem denuò justificari potest; 2^o Eos ibi loqui tantum de *prima* justificatione *adultorum*; de qua sola PAULUS quoque hic sermonem habet. De justificatione eorum qui per peccatum exciderunt a primæ justificationis gratia, Tridentini Patres agunt infra Cap. XIV, cui titulus: *De lapsis, et eorum reparatione.*

« Ex his verò licet colligere, inquit VEGA ⁽¹⁾, nostram justificationem quatuor Dei eximia beneficia complecti; nempe, remissionem peccatorum, sanctificationem, renovationem interioris hominis, adoptionemque in filios Dei et hæredes vitæ æternæ. Hæc enim est eximia Dei nostri in nos benignitas et humanitas, ut non contentus remittere peccata, præcellentibus etiam exornet beneficiis eos, quibus peccata condonat, gratia scilicet et donis. Et gratiam quidem impertitur, ut eos sibi reconciliet, et amicos et caros efficiat; dona verò, ut eos ad mandata sua implenda promptos et alacres efficiat. »

Tale autem esse inæstimabile illud justificationis beneficium, quale a Tridentinis Patribus definitum fuit atque descriptum, sacræ Scripturæ perspicuè docent; quod latè probat VEGA (*De justificatione*. Lib. V. Cap. p. 5—10).

Jam ergo quum sciamus quid intelligatur *Justificatio passiva*, unà quoque intelleximus quæ sit *justitia illa* (ἡ δικαιοσύνη), de qua Paulus hic loquitur. Hæc autem *justitia* quo sensu ab Apostolo vocetur *justitia Dei*, perspicuè patet ex locis parallelis (Rom. Cap. III. 30. IV. 5), ubi Deus dicitur ὁ δικαίων, *is qui justificat*. Ideò ergo *justitia hæc*, *Dei justitia* ab Apostolo vocatur, quia Deus impertiendo eam *justos facit*; adeòque intelligitur non Dei sed hominis quæpiam qualitas, quam in homine efficit Deus. ⁽²⁾

in eo revelatur) Scil. *in Evangelio* (Cf. ψ. 16.), sive in doctrina Evangelica. Verbum *revelari*, ἀποκαλυπτεσθαι, quod dicitur ratione habita alicujus absconditi sive adhuc velati, in Scripturis Novi Testamenti adhibetur nunc quidem de patefactione qua absconditæ rei scientia innotescit, ut Ephes. Cap. III. 3—7, nunc verò de ea manifestatione, qua id ipsum, quod adhuc absconditum erat, jam reapse fit aut exhibetur; hoc sensu voces ἀποκαλυψις et ἀποκαλυπτεσθαι leguntur infrà Cap. II. 5; VIII. 18. 19, et alibi. In præsentī loco (ψ. 17) Verbum ἀποκαλυπτεσθαι sumendum est priore illo sensu, ut patet; agitur enim de *revelatione*, quæ fit per doctrinam. Cujus ergo rei absconditæ fit revelatio in Evangelio, sive in doctrinâ Evangelicâ? Hujus, videlicet, a Deo *justificari hominem, idque* PER FIDEM. ⁽³⁾

ex fide in fidem) Jungenda sunt hæc verba non cum δικαιοσύνη, quod violentum sit, sed cum ἀποκαλυπτεται; ubi tamen observandum est conciso sermone dictum esse ἀποκαλυπτεται ἐκ πίστεως εἰς πίστιν pro ἀποκαλυπτεται οὐσα ἐκ πί-

(1) *De Justificatione doctrina universa*. Auct. ANDREA VEGÆ Lib. V. Cap. 2. Fuit VEGA is unus ex præstantissimis Tridentini Concilii Theologis.

(2) « Ideò justitia Dei dicitur, quod impertiendo eam justos facit. » S. AUG. *De Spiritu et littera*. Cap. XI. « Justitia Dei dicitur non qua justus est Deus, sed quam dat homini Deus, ut homo justus sit per Deum. » S. AUG. *Tract. 26 in Joh.*

(3) Quum a justificatione pendeat salus hominis,

reveletur autem per Evangelium quamvis via et ratione homo sit justificandus, facile intelligitur quo modo Evangelium sive Evangelica doctrina sit δύναμις εἰς σωτηρίαν, *virtus quædam salvifica*, et quidem *Dei virtus*, quia doctrina Evangelica *Dei verbum* est. Audi Apostolum (1 Thess. Cap. II. 13): *Gratias*, inquit, *agimus Deo sine intermissione, quoniam cum accepissetis a nobis verbum auditus Dei, accepistis illud, non ut verbum hominum, sed, sicut est verè verbum Dei.*

τεως εις πιστιν, ut sensus sit : in eo revelatur, Justitiam Dei oriri ex fide in fidem. Quid vero sit *ex fide in fidem*, intelligitur ex loco parallelo hoc (Cap. III. 22) : *Justitia autem Dei per fidem... in omnes.... qui credunt*; Græcè : *δια πιστεως εις παντας... τους πιστευοντας*. Ergo quod hic dicitur *in fidem* (*εις πιστιν*) tantundem est ac *in credentem*, Abstracto posito pro Concreto; adeoque mens Pauli est dicere : *In doctrina Evangelica revelatur, justitiam Dei oriri ex fide, et obtingere credenti*.

Sed jam explicandum est *quænam fides* hic intelligatur, et *quonam sensu* huic fidei tribuatur Justificatio.

Ergo fides, de qua hic agitur, sic describitur a Patribus Tridentinis, ubi agunt (Sess. VI. Cap. 6. sq.) de modo præparationis ad Justificationem : « *Disponuntur autem, inquit, ad ipsam justitiam, dum excitati divina gratia, et adjuti, fidem ex auditu concipientes, liberè moventur in Deum, credentes vera esse, quæ divinitus revelata et promissa sunt; atque illud in primis, a Deo justificari impium per gratiam ejus, per redemptionem, quæ est in Christo Jesu : et dum peccatores se esse intelligentes, a divinæ justitiæ timore, quo utiliter concutiuntur, ad considerandam Dei misericordiam se convertendo, in spem eriguntur, fidentes Deum sibi propter Christum propitium fore.... Hanc dispositionem seu præparationem Justificatio ipsa consequitur.* »

Itaque *fides* in præsentī quæstione intelligitur *actus intellectus*, a voluntate ⁽¹⁾ imperatus, quo justificandus credit firmo assensu ⁽²⁾, vera esse quæ divinitus revelata sunt. ⁽³⁾ Fidem

(1) Nempe actus fidei liber est et voluntarius. Non omnes OBEDIUNT Evangelio, ait Apostolus; atqui obedientia actus liber est. Hinc S. THOMAS (2. 2. Q. 2. Art. 9) : *Credere, inquit, est actus intellectus assentientis divinæ Veritati ex imperio voluntatis motæ per gratiam*. Imperium hoc voluntatis a Theologis nunc prævius credulitatis affectus, nunc pia credendi affectio vocatur. De quo credulitatis affectu Patres Concilii Arausicani secundi (Can. 5) sic statuunt : *Si quis, inquit, ipsum credulitatis affectum non per Gratiae donum, sed naturaliter nobis inesse dicit, Apostolicis dogmatibus adversarius probatur*. Causa autem cur actus fidei imperandus sit a voluntate, sita est in ipso fidei objecto. Nam quum objectum fidei non sit evidens per se, non cogit intellectum ad assensum.

(2) « *Credendi vox hoc loco putare, existimare, opinari, non significat, sed, ut docent sacræ litteræ, certissimæ assensionis vim habet, quâ mens Deo sua mysteria aperienti firme constanterque assentitur.* » Catechism. Concil. Trid. ad voces *credo in Deum*. Obiter hic notamus, fidem disponentem ad justitiam, eam fidem, inquam, de qua Paulus et Patres Tridentini (Sess. VI Cap. VIII et Can. IX) loquuntur, non esse intelligendam fidem nec habitualement, nec

formatam. Nam ante justificationem neque fides habitualis nobis infunditur, neque formata est. Itaque neutra aliquo modo dispositio esse ad justitiam potest. Cf. Vega Lib. VI. Cap. XV. Benè Pererius (Tom. 2. Selectarum Disputationum in S. Script. Disput. 18) : « *Cum justitia, inquit, quæ homo fit et est justus, nihil aliud sit, quam ipsa charitas, vel gratia, quæ unâ cum charitate infunditur in ipsa justificatione hominis : si cum Paulus ait, per fidem justificari hominem, loqueretur de fide jam formata per charitatem, verba ejus hanc utique redderent sententiam, per fidem charitate formatam perveniri ad ipsam charitatem, vel apprehendi charitatem; quæ sententia et interpretatio verborum Pauli perspicue absurda est.* »

(3) Verba Tridentini Concilii, quæ quidem ad objectum fidei justificantis pertinent, hæc sunt : « *...Credentes vera esse, quæ divinitus revelata et promissa sunt; atque illud in præmis, a Deo justificari impium per gratiam ejus, per redemptionem, quæ est in Christo Jesu.* » Ad quæ verba Vega (Lib. VI. Cap. 15) notat hæc : « *His verbis, inquit, significata est nobis via communis, qua homines per fidem disponuntur ad justitiam. Hæc autem est, credere vera esse quæ divinitus revelata et promissa sunt, et pecu-*

justificantem pro actu intellectus esse habendam, perspicuis verbis Apostolus docet infra (Cap. X. 9): *Si confitearis, inquit, in ore tuo Dominum Jesum, et in corde tuo credideris, quod Deus illum suscitavit a mortuis, salvus eris. Corde enim creditur ad justitiam: ore autem confessio fit ad salutem.* Novatores sæculi XVI fidem justificantem collocarunt in voluntate, quum fiduciam esse definiverint, adeoque confuderint cum spe. ⁽¹⁾ Quorum hac

liariter, non contingere alicui justificationem, nisi ex gratia Dei, et unius mediatoris Jesu Christi. Neque sine causa fidei hujus articuli meminere hic Patres. Hæc quippe est fides, quæ maxime erigere potest nos in spem nostræ justificationis, ac proinde in eam perducere. Atque huic, *ut plurimum et præcipue*, tribuunt sacræ litteræ et sancti Doctores nostram justificationem.... Sic tamen fide Mediatoris asserendi sunt justificari homines, ut tamen neque hujus, neque alicujus alterius articuli fides explicita, requisita existimetur ad justitiam. Potest namque ad id explicita fides aliorum articulorum, sive speculabilem, sive moralium sufficere; unde et Paulus solum requirit ad placendum Deo, credere illum esse, et quod inquirentibus se remunerator sit (ad Hebr. XI. 6.); et Noe et Abraham, et aliis sanctis Patribus fidem diversissimarum veritatum imputatam docet ad justitiam. Cornelius etiam (Act. X) exauditus a Deo est et justificatus, antequam audiret aliquid de Christo.... Et hoc est, quod Theologi in 3 Sent. Dist. 23 communiter docent, cum aiunt, ad justitiam sufficere fidem explicitam, vel implicitam unius Mediatoris. Atque hanc omnes illi habuisse censendi sunt, qui Deum crediderunt veracem esse in omnibus verbis et promissis suis, et benignè exhibiturum omnia necessaria ad salutem. Neque Patres majus aliquid requisiere in verbis, quæ nunc exponimus, sed viam communem aperuerunt, qua et nos et alios disponere debemus ad justitiam. » Idem alibi (in peculiari opusculo *De Justificatione, Gratia, Fide, operibus, et meritis*. Quæst. 1. Propositione V) in eandem sententiam hæc scripsit: » Fides, inquit, cui sacræ litteræ nostram tribuunt justificationem, est imprimis fides Jesu Christi, hoc est assensus ille quo certò et indubitanter credimus, per eum unum nos posse salvari, et alia quæ de ipsius vita, morte, resurrectione, etc. credenda nobis vel ab ipso, vel ab ecclesia, vel ab Apostolis ipsis sunt tradita... Hæc est etiam fides, per quam justificati sunt, quicumque justificati sunt ex Patribus veteris Testamenti, et per quam nos habemus justificari. *Justitia autem Dei*, inquit Paulus (Rom. III 22.), *per fidem J. C. in omnes et super omnes qui credunt.* Patet, fidem de qua agit Apostolus in istis locis, esse fidem, qua certo et indubitato Christum credimus salvatorem esse nos-

trum, et ejus unius meritis et gratia nos posse salvari. Sicut enim per unum Christum salvamur, ita et consentaneum fuit, et fidei quoque ipsius potissimum tribui nostram justificationem. »

« Sed addendum est his: quamvis hæc fuerit fides quam et Christus et sui apostoli a nobis requisiverint, quæque una necessaria prædicata est ad salutem, tamen haudquaquam excludimus a salute omnes, qui eam non habuerunt sic explicitam et claram, ut eam hic tradimus. Satis enim fuit permultis illa eadem implicita. Dixi tamen hanc fidem Mediatoris esse eam, cui *ut plurimum et præcipue* Scripturæ tribuunt nostram justificationem. Credimus enim fidem etiam generaliter sumptam, ut veritati divinæ adæquatè innititur, justificare nos posse. Neque in eo sumus errore, in quo quidam sunt, existimantes solam fidem promissæ justificationis, aut salutis in Christo, nos justificare, aut nobis ad justitiam imputari. Hoc etenim in fide nostra gratum est Deo, quod intellectum nostrum et rationem, omnemque sensum nostrorum apparentiam, captivamus in obsequium fidei, et omnibus quæ ab ipso Ecclesiæ suæ, gratiæ salutis nostræ, revelata sunt, sponte nostra certissimo et indubitato nos subicimus, honoremque illi in omnibus primæ et infallibilis veritatis tribuimus, neque plus in attestationibus præsentium vel præteritorum, quam in prædictionibus futurorum, et ex æquo speculativis mysteriis, et doctrinis moralibus, quas nobis tradidit, fidem adhibemus. Noe, teste Paulo, fides futuri diluvii imputata est ad justitiam; et justitiæ, quæ per fidem est, hæres est institutus, quod Deo prænuncianti diluvium credidit. Abrahamo imputatum est ad justitiam, quod credidit multiplicandam esse posteritatem suam, sicut stellas coeli... Ut intelligamus, non soli fidei promissionum divinarum imputandam esse justitiam, sed fidei generaliter, quæ veritati divinæ innititur, quamvis ut plurimum et præcipue fides Mediatoris hanc prærogativam mereatur, et ei illam tribuerint sacræ litteræ, deque ea sint exponenda omnia propemodum earum loca, quæ fidei salutem nostram adscribunt. »

(1) *Confessio August. Art. IV.* « Item docent, quod homines non possint justificari coram Deo propriis viribus, meritis aut operibus, sed gratis justificentur

in re errores Tridentini Patres his verbis (Sess. VI. Can. XII) damnarunt: *Si quis dixerit, fidem justificantem nihil aliud esse, quam fiduciam divinæ misericordiæ peccata remittentis propter Christum; vel eam fiduciam solam esse, qua justificamur, anathema sit.* Cf. etiam Can. XIII et XIV; item Sess. VI. Caput IX, quod inscribitur: *Contra inanem hæreticorum fiduciam.*

Superest ut videamus quonam sensu PAULUS fidei tribuat justificationem, ubi docet justificari hominem per fidem. Propositæ autem quæstioni sic respondet Tridentina Synodus (Sess. VI. Cap. VIII): *Cum Apostolus dicit, inquit Synodus, (1) justificari hominem per fidem, ea verba in eo sensu intelligenda sunt, quem perpetuus Ecclesiæ Catholicæ consensus tenuit, et expressit: ut scilicet per fidem ideò justificari dicamur, quia fides est humanæ salutis initium, fundamentum, et radix omnis justificationis; sine qua impossibile est placere Deo, et ad filiorum ejus consortium pervenire.* Secundum hanc doctrinam Patres Tridentini sequentem quoque Canonem (Sess. VI. Can. IX) statuerunt: *Si quis dixerit, sola fide impium justificari, ita ut intelligat nihil aliud requiri, quod ad justificationis gratiam consequendam cooperetur, et nulla ex parte necesse esse, eum suæ voluntatis motu præparari, atque disponi; anathema sit.*

Docent ergo Patres Tridentini, ideò a Paulo dici hominem justificari per fidem, non quòd sola fides peccatorem ad justificationem disponat, sed, ut ait Toletus (ad Cap. III. 22.), « quia fides est initium, fundamentum et radix ceterarum dispositionum. Et initium quidem dicitur, quia ipsa præcedit; nisi enim peccator peccasse se contra Deum, et per Christum sibi justitiam oblatam credat, — nec sperat, nec diligit, nec se peccasse dolet; fides ergo initium est. Fundamentum autem dicitur, quia ipsi ceteræ innituntur; ablata namque fide, ceteræ corruunt, nec subsistere possunt; ceteris vero sublati, non continuo fides destruitur: sicut ablato fundamento ædificium ruit; non autem e contrario, ædificio destructo, fundamentum eruitur. Radix tandem dicitur, quia ad ceteras dispositiones pro-

propter Christum per fidem, cum credunt, se in gratiam recipi, et peccata remitti propter Christum, qui sua morte pro nostris peccatis satisfecit. » Melancthon in *Locis Theolog.* pag. 93 (apud Möhler. *Symbolik* § 16): « Habes, inquit, in quam partem fidei nomen usurpet Scriptura, nempe pro eo, quod est fidere gratuita Dei misericordia, sine ullo operum nostrorum sive bonorum, sive malorum respectu: quia de Christi plenitudine omnes accipimus. » Cf. Bellarm. *de Justificatione Lib. I. Cap. 5* sqq. Perrone. *Tract. de Gratia. Part. 2. n° 534. sqq.* — Möhler. *Symbolik.* § 16.

(1) Supra (Sess. VI. Cap. VI.), cum agerent de dispositionibus ad justificationem auctororum, Patres Tridentini præter fidem recensuerunt etiam timorem divinæ justitiæ, et spem consequendæ veniæ, et dilectionem Dei, et propositum inchoandi novam

vitam, observandique divina mandata, et tandem odium aliquod et detestationem peccatorum admissorum; hic verò (Cap. VIII) causam explicant cur, cum Scripturæ aliquando spei, aliquando dilectioni, aliquando pœnitentiæ justificationem tribuant, frequentius tamen, et maximè Paulus, eandem adscribant fidei. — Obiter hic noto, quod attinet ad dilectionem quam Patres Tridentini annumerant inter dispositiones ad justificationem, intelligendam esse dilectionem non eam, quæ provenit ex habitu charitatis et Spiritu sancto animum hominis jam inhabitante, quæque esse nequit nisi in iis qui jam sunt justificati, sed, ut ait Pererius (Disput. XVII), intelligenda est dilectio imperfecta, et ceu inchoatio quædam futuræ charitatis. Tridentini Concilii verba sunt hæc: illumque (Deum), tanquam omnis justitiæ fontem, diligere incipiunt.

ducendas ipsa concurrat; non quòd hæc necessario consequantur fidem, nec quòd sola fides sine adjutorio supernaturali eas inducat; sed quòd ex parte ad actus tales producendos concurrat unà cum auxilio divinæ gratiæ. Charitati enim proponitur per fidem Deus amandus; spei per fidem offertur Dei misericordia speranda; timori justitia timenda; poenitentiae peccatum et offensa dolore et contritione punienda.»

sicut scriptum est: Justus autem ex fide vivit.) Verba sunt Prophetæ Habacuc (Cap. II. 4), quæ hic recitat Apostolus ut *obiter* innuat suam de justitia ex fide obtinenda doctrinam consentire cum Scripturæ effatis, minimèque esse novam. Uberiùs autem hoc ostendit infrà, Capite III. 31 usque ad IV. 25. Quum ergo Prophetæ illud effatum PAULUS adducat ut ex verbis sacræ Scripturæ probet, *justitiam ex fide esse obtinendam*, consequitur, Prophetæ verba sic ab eo intelligi, ut eorum sensus illi sit hic: *justus justitiam, qua justus est, per fidem habet.* Eadem illa Habacuci verba in eamdem sententiam Apostolus recitat etiam in epistola sua ad Galatas (Cap. III. 11): *Quoniam autem, inquit, in Lege nemo justificatur apud Deum, manifestum est; quia justus ex fide vivit.* Eodem Scripturæ testimonio tertiò utitur in epistola sua ad Hebræos (Cap. X. 38), ibique Habacuci locus, ex quo illa verba *justus ex fide vivit* desumpta sunt, integer recitatur; quare accuratiorem de eo loco disputationem instituituri sumus, si Deo placet, in commentario nostro in epistolam ad Hebræos, ad Cap. X. 48.

γ. 18 — 21. Revelatur enim ira Dei de cælo super omnem impietatem, et injustitiam hominum eorum, qui veritatem Dei in injustitia detinent: ¹⁹ quia quod notum est Dei, manifestum est in illis. Deus enim illis manifestavit. ²⁰ Invisibilia enim ipsius, a creatura mundi, per ea quæ facta sunt, intellecta conspiciuntur: sempiterna quoque ejus virtus, et divinitas: ita ut sint inexcusabiles. ²¹ Quia cum cognovissent Deum, non

γ. 18 — 21. Ἀποκαλύπτεται γὰρ ὀργὴ Θεοῦ ἀπ' οὐρανοῦ ἐπὶ πᾶσαν ἀσέβειαν καὶ ἀδικίαν ἀνθρώπων, τῶν τὴν ἀληθειαν ἐν ἀδικίᾳ κατεχόντων. ¹⁹ διότι τὸ γνωστὸν τοῦ Θεοῦ φανερόν ἐστιν ἐν αὐτοῖς. ὁ γὰρ Θεὸς αὐτοῖς ἐφάνερωσε. ²⁰ (τὰ γὰρ ἀόρατα αὐτοῦ ἀπο κτίσεως κόσμου τοῖς ποιήμασι νοούμενα καθορᾶται, ἣ τε αἰδὶος αὐτοῦ δύναμις καὶ θειότης) εἰς τὸ εἶναι αὐτοὺς ἀναπολόγητους, ²¹ διότι γνόν-

Paraphrasis. Nam in doctrina Evangelii revelatur, vindictam Dei cœlitus esse superventuram contra summam impietatem et iniquitatem eorum, qui veram, quam habent, de Deo notitiam, per improbitatem suam prohibent ne vitam eorum moderetur; nam in ignorance Dei non sunt; quod enim notum est de Deo, hoc in ipsorum animis manifestum est; Deus enim hoc illis manifestavit; (nam ea quæ de Deo oculis sunt impervia, videlicet æterna ejus potentia, et reliqua attributa, hæc jam inde a mundo condito intellectu ex rebus creatis apprehensa cernuntur) ut adeò inexcusabiles sint meritoque damnandi quia, quamquam Deum cognosce-

sicut Deum glorificaverunt, *τες τὸν Θεὸν, οὐχ ὡς* rent, eundem tamen non ut
aut gratias egerunt : *Θεὸν ἐδόξασαν ἢ εὐ-* talem coluerunt, aut vel gra-
χαρίστησαν. tum suum animum eidem tes-
tati sunt.

γ. 18. *Revelatur enim ira Dei de cælo, etc.*) Nexus logicus cum superioribus talis est : Dixerat Apostolus (γ. 16), se nequaquam erubescere doctrinam Evangelii; nam doctrinam hanc, esse Dei salvificam quamdam vim cuicumque credenti, sive Judæo, sive Gentili. Hoc autem, scilicet, doctrinam Evangelii esse salvificam quamdam Dei vim cuicumque credenti, sive Judæo sive Gentili, deinde probat, tum ex eo (γ. 17) quòd doctrina Evangelii manifestat, qua via ac ratione homo sit justificandus adèoque salvandus, tum etiam inde (γ. 18) quòd manifestat, esse vindictam Dei cœlitùs superventuram et exercendam in impios et iniquos; nam ea manifestatione homines ad oblatam salutem capessendam per incussum timorem excitabantur. Cf. Act. XVII. 30. 31. Itaque Evangelii doctrinam esse salvificam quamdam Dei vim, Apostolus probat duabus rationibus asyntheticè junctis. Observandum autem est, PAULUM duplicem illam rationem producendo, eâdem operâ duo alia præstitisse; nam dum (γ. 17) enunciat *justitiam a fide repetendam*, eo ipso etiam proponit thema in hac epistola præcipue a se tractandum;—et per id quod dicit versiculo 18, scilicet *revelari iram Dei de cælo super omnem impietatem et injustitiam*, simul transitionem facit ad thematis sui tractationem, quam, ut diximus in Argumento hujus capitis, orditur a refellendo eo Romanorum errore, quo Ethnico-Christiani cum Judæo-Christianis altercabantur atque alteri adversus alteros sese venditabant ob suæ gentis merita vocatos se fuisse ad Christi fidem et gratiam; nam per verba illa, *revelatur enim ira Dei, etc.* transit ad demonstrandum Gentiles esse peccatores, quod deinde ostendit quoque de Judæis: atque ita docet nec Ethnico-Christianos nec Judæo-Christianos habere cur alteri adversus alteros gloriarentur, ut qui falsò utrique Evangelii gratiam, quam in Justificatione fuerant adepti, suæ Gentis meritis arrogarent.

Αποκαλυπτεται, scilicet, *εν αυτω* (in Evangelio), quod ex præcedenti versiculo hic repetendum est. Voces *επι πασαν, κ. τ. λ.*, pendent a supplenda voce *ερχομενη*, quam alibi (Ephes. V. 6.; Coloss. III. 6.; I Thess. I. 10) in simili phrasi Apostolus adhibet. Puta PAULUM scripsisse : *Αποκαλυπτεται γαρ εν αυτω οργη Θεου ερχομενη απ' ουρανου επι πασαν, κ. τ. λ.* — *Ira Dei per Anthropopatheiam et Metonymiam dicitur de pœna divinitùs infligenda. Sensus ergo est : In doctrina Evangelica manifestari, vindictam Dei cœlitùs* (Cf. 2 Thessal. I. 6—10) *superventuram super omnem impietatem, etc.*

super omnem impietatem et injustitiam). Quum ex sequentibus (γ. 21—32) pateat, voluisse Apostolum duabus hisce vocibus, *ασεβεια* et *αδικια*, designare omnis generis iniquitatem, sub nomine *ασεβειας* comprehenderit quidquid deinceps (21—24) dicit commissum adversus cultum Dei, *αδικιαν* verò hic intellexerit reliqua, quæ porrò (24—32) enumerat, peccata. Græca hic reddiderim : *contra summam impietatem et iniquitatem. Πασα, summa*, ut 1 Tim. I. 15. Jacob. I. 2.

hominum eorum, qui veritatem Dei in injustitia detinent). His verbis *Gentiles* designat, ut ex sequenti descriptione patet.

Græcè non legitur *veritatem Dei*, sed simpliciter *veritatem* (την ἀληθειαν). Intelligitur autem *veritas* (ἡ ἀληθεια) hoc loco *vera de Deo notio illa*, quæ per lumen rationis naturale ex consideratione rerum creatarum a quovis ratione utente habetur. Definitio hæc colligitur ex sequentibus (ϣϣ. 19. 20). Hanc ergo veritatem *Gentiles* hic dicuntur *per improbos suos mores* (ἐν ἀδικίᾳ) *detinere* (κατεχειν q. d. onderdrukken), i. e. intra se catenus veluti captivam tenere, quatenus non patiuntur ut eorum vivendi rationem regat atque moderetur. (1) Sistuntur ergo hac descriptione *Gentiles* tamquam tales, qui nec Deum colunt, nec legem moralem observant, adeoque tamquam *impii* (ἀσεβεις) et *iniqui* (ἀδικοι). Et directò considerat Apostolus *Gentiles* qui tunc vivebant; nam utitur Verbis Præsentis Temporis (κατεχοντων φανερον εστι); sed quod de tunc viventibus affirmabat, illud, ob paritatem rationis, ad horum quoque proavos referebat; imo ϣϣ. 21—32 proavos illos directò considerat.

ϣ. 19. *Quia quod notum est Dei, manifestum est in illis*). In præcedenti versiculo pro certo posuerat, *Gentiles habere veram de Deo notitiam*. Hoc nunc probat; atque hinc nequitur oratio per διοτι, quod hic valet *nam*, ut Act. Cap. XVIII. 10. — In dictione ista, το γνωστον του Θεου, Substantivi loco adhibitum est Adjectivum in Neutro Genere, ut infra Cap. II. 4; Genitivus autem του Θεου est Genitivus Objecti. Sed hic quæritur, utrum το γνωστον reddendum sit, *quod notum est*, ut fecit Interpretæ noster, an verò, *quod cognosci potest*. Et posteriore quidem sensu το γνωστον accipiunt OECUMENIUS (2), S. THOMAS (3), ESTIUS, Card. TOLETUS (4), alii. Ego vero, ut non nego vocem γνωστον dici posse de eo *quod cognosci potest* (5), ita tamen malim hic facere cum nostro Interprete; ratio est, quia in Græcitate librorum Novi Testamenti vox γνωστος, etsi frequenter obvia, nusquam tamen adhibetur de *cognoscibili*, sed ubique de *noto*. Ad hæc, contexta etiam oratio postulat ut το γνωστον reddamus *quod notum est*; nam mox illud γνωστον dicitur fuisse *Gentilibus a Deo manifestatum*.

(1) S. THOMAS (ad h. l.) « Veram de Deo cognitionem, inquit, detinent in injustitia quasi captivatam. Nam vera Dei cognitio, quantum est de se, inducit homines ad bonum, sed ligatur quasi captivitate detenta per injustitiæ affectum. »

(2) Ad h. l. Το γνωστον, inquit, ὁπερ δυνατον εστι γνωσθηναι ἐτι ποιητης, ὅτι προνοητης, και τα ὁμοια.

(3) Ad h. l. « Quod notum est Dei, id est, quod cognoscibile est de Deo ab homine per rationem. »

(4) « Illud quod notum est, inquit, (ad h. l.), generalitatem indicat, nempe omnia Dei cognosci-

bilia, non absolutè, sed quæ necessaria sunt, ut veri Dei notitia habeatur; hoc est *notum Dei*. Hæc autem omnia, via naturali homo assequi potuit.

(5) « Die Verbaladjektiven auf τος bezeichnen eine abgeschlossene Thätigkeit und entsprechen dann dem Partizip. Perf. Pass., als : λεκτος von λεγω, dictus; und daher auch, die durch die Wirklichkeit schon begründete Möglichkeit, die in den andern Formen auf τος noch problematisch ist, und diess ist die gewöhnliche Bedeutung derselben, als : στρεπτος, versatilis, ὁρατος, sichtbar, ακουστος, horbar. » KUINER. Ausführliche Grammatik. § 90. 3.

manifestum est in illis) h. e. *in animis eorum*, sicut legem moralem Apostolus infra (Cap. II. 15) dicit *scriptam in cordibus eorum*.

Deus enim illis manifestavit.) Quando? Cum mundum condidit, et eo ipso quo mundum condidit. Quo fit ut hæc Dei *φανερώσις* sive *manifestatio* ex quo semel facta est, deinceps numquam non fiat, atque adeò indesinenter cœli enarrent gloriam sui conditoris.

γ. 20. *Invisibilia enim ipsius, a creatura mundi, per ea quæ facta sunt, intellecta conspiciuntur.*) Græca ista, *απο κτισεως κοσμου*, Interpres noster reddidit, *a creatura mundi*; malim vertere, *inde a* (*απο* ut infra Cap. XV. 23) *creatione mundi*; (1) ratio est, quia si verba illa *a creatura mundi* hic valeant *ex rebus creatis*, jam tautologica erit oratio, quum mox idem dicatur per voces sequentes, *τοις ποιημασι* (Vulg. *per ea quæ facta sunt*). Quæ vero hic ab Apostolo dicuntur *τα αορατα Θεσ* (*invisibilia Dei*), intelliguntur *divina attributa*, quæ ideò dicuntur *invisibilia*, quòd non, sicut res ab ipso creatæ, corporeis oculis videri possunt. Apostolus quid sibi voluerit per *τα αορατα Θεσ* mox distinctius explicat, dum addit: *ἡ τε αιδιος αὐτου δυναμις και Θειοτης*, quibus verbis Dei attributa designat. *Ἡ αιδιος δυναμις* est *æterna Dei potentia*, *ἡ Θειοτης* (*divinitas*, non *deitas*) cetera attributa denotat. *Τε—και* hic non novum quid addit, sed *exegeticum* est.

per ea quæ facta sunt, intellecta conspiciuntur) Adverte Oxumoron: *τα αορατα καθοραται*, *invisibilia conspiciuntur*. Quo modo? Respondetur *τοις ποιημασι* (Dativ. instrumenti) *νοουμενα*, h. e. *dum intellectu ex consideratione rerum creatarum apprehenduntur*. Vox *νοουμενα*, quum sit Participium Passivum Præsentis, Latinè non nisi ope periphrasis reddi potest. Attributa hæc tum *conspiciuntur* (*καθοραται*) cùm ex rebus conditis *intelliguntur* (*νοουμενα*); nec sunt *prius* intellecta, et *deinde* conspecta.

ita ut sint inexcusabiles, quia cum cognovissent Deum, non sicut Deum, etc.) inexcusabiles sunt Gentiles meritoque damnandi, quia, *quamquam Deum cognoscerent* (*γινοντες τον Θεον*), ut probatum est γγ. 19. 20, eundem tamen non *coluerunt* (*εδοξασαν*) aut nec vel (*η*) *gratum suum animum eidem testati sunt* (*ευχαριστησαν*) (2); cum tamen *lex scripta in cordibus eorum* (Cap. II. 15) illis dictaret, Deum, *ut talem* (*ως Θεον*) esse colendum illique ut bonorum omnium auctori gratias esse agendas, *Eis* hic valet *ωστε*. Vide Winerum § 45. 6.

(1) Hæc interpretatio etiam Toletio placuit. « *Legitima expositio*, inquit, *mibi visa est, a creatura mundi significare temporis antiquitatem, ut ostendat Paulus, invisibilia hæc Dei manifestata esse per opera, non a paucis retro annis, sed ab exordio, et a creationis mundi initio.* »

(2) Est in hac sententia his omissum Pronomen. Itaque puta scriptum ibi esse sic: ... ουχ ως Θεον εδοξασαν αυτον, η ευχαριστησαν αυτω

γ. 21—23. sed evanuerunt in cogitationibus suis , et obscuratum est insipiens cor eorum. ²² dicentes enim se esse sapientes , stulti facti sunt. ²³ Et mutaverunt gloriam incorruptibilis Dei in similitudinem imaginis corruptibilis hominis , et volucrum , et quadrupedum , et serpentium.

γ. 21—23. Ἄλλ' ἐματαιώθησαν ἐν τοῖς διαλογισμοῖς αὐτῶν , καὶ ἐσκοτίσθη ἡ ἀσύνετος αὐτῶν καρδία. ²² (φάσκοντες ^{α)} εἶναι σοφοὶ , ἐμωράνθησαν) ²³ καὶ ἤλλαξαν τὴν δόξαν τοῦ ἀφθάρτου Θεοῦ ἐν ὁμοιωματι εἰκόνης φθαρτοῦ ἀνθρώπου , καὶ πετεινῶν , καὶ τετραπόδων , καὶ ἐρπετῶν.

Paraphrasis. Sed ad falsas de Deo opiniones delapsi sunt, aliter eum animo fingentes quam est; atque ita tenebris obducta est desipiens eorum mens; (dum sapientes se esse gloriabantur, infatuati sunt) eoque stuporis venerunt, ut loco Dei immortalis coluerint simulacra hominum, et volucrum, et quadrupedum, et reptilium.

VARIANS LECTIO.

^{α)} Post φάσκοντες in nullo codice legitur Particula γαρ, quam ibi legisse videtur noster Interpres, quum scripserit *dicentes enim*. Hæc tamen Particula *enim*, Estio teste, non legitur in omnibus Codicibus Latinis.

γ. 21—23. *Sed evanuerunt in cogitationibus suis, etc.*) *Εματαιώθησαν* non pendet a præcedente *διότι*, nam ab *ἀλλὰ* nova incipit periodus, quâ Apostolus continuat describere, quonam modo Gentiles in idololatriæ impietatem inciderint. Nota hic, verba ista, *διότι γινοντες τον Θεον, ουχ ὡς Θεον εδοξασαν, η ευχαριστησαν*, ita continere rationem superioris sententiæ (*εις το ειναι αυτους αναπολογητους*), ut simul sint principium illius descriptionis, quæ vigesimo tertio versiculo absolvitur. Quonam ergo modo Gentiles in idololatriæ impietatem inciderunt? *Primum* quidem delapsi sunt in practicam Dei oblivionem per hoc, quod, quamquam Deum cognoscerent, eidem tamen nullum religiosum cultum exhiberent, aut nec agnoscerent tamquam bonorum omnium largitorem (*γινοντες τον Θεον, ουχ ὡς Θεον εδοξασαν η ευχαριστησαν*). *Deinde*, cum hoc modo Deum veluti repulissent e sua voluntate, mox et in intellectu ipsorum vera, quam haberent, de Deo notitia in oblivione esse cœpit; cumque jam vana sua de Deo cogitata sequerentur (*εματαιώθησαν εν τοις διαλογισμοις αυτων*), desipiens eorum intellectus obscuratus est (*και εσκοτισθη η ασυνετος αυτων καρδια*). *Tandem* eò stuporis venerunt ut loco Dei immortalis coluerint simulacra corruptibilis hominis, imo et volucrum, et quadrupedum, et

reptilium (και ηλλαξαν την δοξαν του αφθαρτου Θεου εν ὁμοιωματι εικονος φθαρτου ανθρωπου , και πετεινων , και τετραποδων , και ερπετων).

Εματαιωθησαν, q. d. ματαιιοι εγενοντο, *vani facti sunt*; εν τοις διαλογισμοις αυτων, *dans leurs pensées sur la Divinité*. Ils se formèrent des idées *vaines* (ne répondant pas a la réalité) q. d. fausses sur la Divinité. Præpositio εν hic dicta est de eo *in quo* quid fit. Duo hæc: εματαιωθησαν εν αυτων, et quod additur, εσχοτισθη ή ασυνετος αυτων καρδια, sumenda sunt ad modum *causæ et effectûs*. — Καρδια (כֶּרֶס) hic de *sede intellectûs*, i. q. *νους*, ut patet ex Epitheto ασυνετος, et Prædicato εσχοτισθη. Bene ESTIUS: « Cor, *inquit*, in Scripturis, nunc intellectum, nunc voluntatem significat: Voluntatem, quoties cor rectum, pravum, molle, durum, mundum, immundum vocatur; Intellectum verò seu mentem, quoties docile, sapiens, intelligens, illuminatum, aut contra stultum, insipiens, obtenebratum, excæcatum dicitur. » Gentilium intellectus erat ασυνετος, *desipiens*, ob ipsum illud ματαιωθηναι εν τοις διαλογισμοις αυτων. Verba ista, και ηλλαξαν, proxime jungenda sunt cum verbis αλλ' εματαιωθησαν.... καρδια. Nimirum ista, φασκοντες ειναι σοφοι, εμωρανθησαν, *dum sapientes se esse gloriabantur (φασκοντες), infatuati sunt*, ut mihi quidem videtur, habenda sunt pro *interjecto* ¹⁾ quodam effato, quo Apostolus incidenter et obiter explodit sapientes Gentilium tamquam stultiloquos, eorumque θεολογιαν ut μωρολογιαν traducit. Obiter, inquam, Apostolus hoc effato philosophos respicit; nam quæ præterea hic (γ. 18—32) dicit, ea de Gentilibus generaliter dicta sunt, minimèque ad solos eorum sapientes sive philosophos coarctanda. Vide quæ hanc in rem notavimus ad calcem hujus capitis. — Græci dicere solent αλλασσειν τι τινος vel τι αντι τινος, PAULUS autem scripsit αλλασσειν τι εν τινι. Scilicet in mente habuerit illud Psalmi 105. γ. 20: Και ηλλαξαντο την δοξαν αυτων εν ὁμοιωματι μοσχου εσθιοντος χορτον, ubi dictio αλλασσεσθαι (Med.) εν, respondet Hebraico Verbo חָמַר (Infinitiv. Hikt. a חָמַר), quod cum Præpositione ה construitur. Quæ Præpositio ה cum sit ה *Instrumenti*, consequitur, Præpositionem εν hoc loco dictam esse de *Instrumento* quo quid fit; ut adeò verba ista, ηλλαξαν την δοξαν του αφθαρτου Θεου εν ὁμοιωματι εικονος φθαρτου ανθρωπου, propriè valeant: *Dei incorruptibilis (immortalis) majestatem (την δοξαν) MUTARUNT PER SIMILITUDINEM IMAGINIS (ergo cum similitudine imaginis) hominis corruptibilis, et voluerum, etc.* — Ὅμοιομα εικονος est *imago* quæ referat ejuspiam *similitudinem*. Sensus est: Hominum animaliumque irrationabilium simulacra coluerunt loco Dei immortalis; quem Deo immortali cultum exhibere debebant, hunc impenderunt simulacris.

(1) Nullâ enim logicâ Particulâ versiculus hic cum præcedentibus conjungitur; nec philosophis convenit, quod sequitur, *et mutaverunt gloriam, etc.*; neque

enim origo cultûs simulacrorum a philosophis repetenda est.

γ. 24—25. Propter quod tradidit illos Deus in desideria cordis eorum, in immunditiam : ut contumeliis afficiant corpora sua in semetipsis : ²⁵ qui commutaverunt veritatem Dei in mendacium : et coluerunt, et servierunt creaturæ potius quam Creatori, qui est benedictus in sæcula. Amen.

γ. 24—25. Διὸ καὶ ^{a)}παρεδωκεν αὐτοὺς ὁ Θεὸς ἐν ταῖς ἐπιθυμίαις τῶν καρδιῶν αὐτῶν εἰς ἀκαθαρσίαν, τοῦ ἀτιμάζεσθαι τὰ σώματα αὐτῶν ἐν ἑαυτοῖς· ²⁵ οἵτινες μετήλλαξαν τὴν ἀλήθειαν τοῦ Θεοῦ ἐν τῷ ψεύδει, καὶ ἐσεβάσθησαν καὶ ἐλάτρευσαν τῇ κτίσει παρὰ τὸν κτίσαντα, ὅς ἐστιν εὐλογητὸς εἰς τοὺς αἰῶνας. Ἀμήν.

Paraphrasis. Quam ob rem Deus, secundum foedas cordium ipsorum cupiditates, retracto gratiæ suæ auxilio, in impuritatem, ita ut mutuò inter sese sua corpora foederent, illos tradidit; quippe qui veri Dei loco, falsos sibi assumerant Deos, et honorabant colebantque creaturam præterito Creatore, qui in æternum dignus est laudari. Sic est profectò!

VARIANS LECTIO.

^{a)} Vocula καὶ non legitur in Codd. ABC, ut nec in quibusdam Minusculis; abest pariter a Vulgata, aliisque nonnullis antiquis versionibus, nec lecta fuit Origeni, Didymo, et Damaso. Sed contrà legitur hæc vocula in Codd. DEGIK multisque Minusculis, ut et in nonnullis antiquis versionibus, item apud Athanasium, Chrysostomum, Theodoretum, alios. Quare existimaverim voculam καὶ in textum esse recipiendam.

γ. 24. Propter quod tradidit illos Deus in desideria cordis eorum in immunditiam) Græce est διο καὶ παρεδωκε, propter quod et tradidit, ubi vocula καὶ fere valet vicissim; ut sensus sit: Quum illi sic agerent, ideò vicissim Deus illos tradidit, etc. — Εἰς ἀκαθαρσίαν proximè jungendum est cum παρεδωκε (Cf. γ. 26 et 28), et verba ista, ἐν ταῖς ἐπιθυμίαις τῶν καρδιῶν αὐτῶν, describunt statum in quo quum versarentur, Deus illos παρεδωκεν εἰς ἀκαθαρσίαν. Itaque verba illa sic reddiderim: Quapropter Deus tradidit illos foedas cupiditates cordibus suis concipientes in impuritatem. — Hoc sensu Præpositio ἐν non raro adhibetur; v. g. 2 Cor. IX. 4; XI. 17; eoque sensu mox (γ. 27) iterum sumitur. A mente Pauli tamen hic non aberraveris, si veritas: secundum foedas cordium suorum cupiditates. Interpres noster scribendo in desideria, notionem Præpositionis εἰς malè tribuit Præpositioni ἐν, quæ hoc loco legitur. Vox ἐπιθυμιαὶ generatim notat animi cupiditates; sed contexta oratio docet, speciatim intelligendas heic esse foedas in rebus venereis cupiditates (Cf. γ. 27.: ἐξεκαύθησαν εἰς ἀλλήλους); quare hic etiam ἀκαθαρσία, impuritas, de venereâ spurcitie su-

menda est, et quidem peculiariter de coitu (χρῆσει) contra naturam, quem mox (ψ. 26 et 27) Apostolus distinctius designat. Infinitivus του ατιμαζεσθαι resolvendus est in Verbum Finitum per *ita ut*; de qua resolutione vide quæ notavimus ad Act. VII. 19.— *Ατιμαζεσθαι* Mediâ-ne formâ sumendum sit, an Passivâ, dubitari potest. Interpres noster ατιμαζεσθαι pro forma Mediâ habuit; nam vertit: *ut contumeliis afficiant*. Si ατιμαζεσθαι αὐτῶν legendum sit, ατιμαζεσθαι forma erit Media; si vero ατιμαζεσθαι αὐτῶν, Passiva erit forma; Apostolus utrum αὐτῶν scripserit, an verò αὐτῶν, certò dici nequit, quum Spiritus asper et lenis non nisi sæculo demum a Christo nato septimo in Codicibus appingi litteris cœperint ¹⁾. Etsi verò nullo certo exemplo, quod sciam, probari possit, Verbum ατιμαζειν aliquando adhibitum fuisse in forma Media, tamen hanc vocem in forma Media sumere malim quam passive; ratio est, quia quum hic agatur de aliquo flagitio, passiva Verbi forma non satis recte rei convenit. Quod additur εν ἑαυτοῖς, notionem habet dictionis εν ἀλλήλοις (*mutuò inter se*), quod et alibi (v. g. Ephes. IV. 32; Coloss. III. 13. 16) observandum est ²⁾. Sensus ergo est: Tradidit illos Deus in impuritatem (in habitus impuros), ita ut mutuò inter se sua corpora fœdarent ³⁾. — Supra jam innuimus PAULUM, ἀκαθαρσίας nomine intelligere illud flagitium, quo feminæ cum feminis, mares cum maribus stupra faciebant. Et patet hoc ex ψψ. 26 et 27, ubi Apostolus illa stupra describit, eaque vocat παθη ατιμίας; ex quo colligitur quid sibi voluerit per verba illa: του ατιμαζεσθαι τα σώματα αὐτῶν εν ἑαυτοῖς: atqui hisce verbis Apostolus explicat quid in præsentī loco ἀκαθαρσίαν intelligat.

Tradidit illos Deus, etc.) Idem hoc Paulus docet quoque infra ψ. 26, atque iterum ψ. 28. Retinenda autem in his est Verbi παραδιδωμι usitata tradendi ⁴⁾ significatio. Scilicet fit, ut Deus, in pœnam præcedentis peccati, gratiæ suæ auxilium homini subtrahat ⁵⁾; hæc autem gratiæ detractio re verâ quædam Dei actio est, atque eatenus non quidem directè, sed tamen indirectè Deus hominem tradit in peccatum ⁶⁾. Hinc verò intelligitur, quonam sensu hoc loco Deus dicatur Gentiles ob eorum idololatriam (δίο) tradidisse

(1) Vide MONTFAUC. Palæograph. Gr. pag. 224 293., et Fischerum ad WELLERI Grammatic. Gr. pag. 238. sq.

(2) De usu Pronominis Reflexivi loco Pronominis Reciproci videsis FISCHERUM ad WELLERI Grammaticam. pag. 240. sq.; et Kühner § 268. 3.

(3) Interpres noster non recte dixit in Præsentī, *ut contumeliis afficiant*; Apostolus enim enarrat præterita, ut patet ex Aoristis μεταλλάξαν (ψ. 26) et ἐξέκαυθησαν (ψ. 27).

(4) Quando S. CHRYSOSTOMUS vocem παραδωκε hoc

loco interpretatur εἰασε, et B. THEODORETUS συνεχώρησε, censendi sunt exponere non ipsam vocis vim, sed quænam notio voci παραδωκε in præsentī oratione subjicienda sit.

(5) Non tamen absolutè. Nemo enim hominum, quamdiu hanc vitam agit, penitus gratiâ destituitur. Qua de re vide Perronium, Tract. De Gratia. Part. I. Cap. V. Prop. 3.: item Card. SFONDRATI nodum Prædestinationis solutum. Part. 1. XIII. sqq.

(6) Faciunt ad præsentem quæstionem illucidandam ea quæ habet S. THOMAS 1. 2. Q. LXXIX. Art. 3. «Dicendum, inquit, quod excæcatio et obduratio duo

εις ακαθαρσίαν ¹⁾. Hæc ergo traditio, ut vocari nequit nuda ac mera quædam permissio, ita tamen nec dicendum est cum CALVINO ²⁾, Deum Gentiles in pœnam præcedentis peccati in perditionem ac ruinam dejecisse præcipites. Paucis verbis: causa peccati negativa Deus dici potest, positiva dici nequit: prius Catholicorum doctrina est; posterius si dixeris, cum CALVINO blasphemaveris ³⁾. Ceterum confer quæ hac de re notavimus ad Act. VII. 42,

important. Quorum unum est motus animi humani inhærentis malo et aversi a divino lumine; et quantum ad hoc Deus non est causa excæcationis, sicut non est causa peccati; aliud autem est substractio gratiæ, ex qua sequitur, quod mens divinitus non illuminetur ad rectè videndum, et cor hominis non emolliatur ad recte vivendum, et quantum ad hoc Deus est causa excæcationis et obdurationis. Est autem considerandum, quod Deus est causa universalis illuminationis animarum, sicut sol est universalis causa illuminationis corporum; aliter tamen et aliter. Nam sol agit illuminando per necessitatem naturæ; Deus autem agit voluntate per ordinem suæ sapientiæ. Sol autem, licet quantum est de se, omnia corpora illuminet; si quod tamen impedimentum inveniat in aliquo corpore, relinquit illud tenebrosus, sicut patet de domo, cujus fenestræ sint clausæ: sed tamen illius obscuræ nullo modo causa est sol; non enim suo judicio agit ut lumen interius non immittat, sed causa ejus est solum ille qui claudit fenestram. Deus autem proprio judicio lumen gratiæ non immittit illis, in quibus obstaculum invenit; unde causa subtractionis gratiæ est non solum ille, qui ponit obstaculum gratiæ, sed etiam Deus, qui suo judicio gratiam non apponit. Et per hunc modum Deus est causa excæcationis et aggravationis aurium, et obdurationis cordis; quæ quidem distinguuntur secundum effectus gratiæ, quæ et perficit intellectum dono sapientiæ, et affectum emollit igne charitatis. Et quia ad cognitionem intellectus maximè deserviunt duo sensus, scilicet visus et auditus, ... ideò quantum ad visum ponitur excæcatio, quantum ad auditum, aurium aggravatio, quantum ad affectum, obduratio.»

S. CHRYSOSTOMUS (Hom. 3 in Ep. ad Rom.) rem comparatione illustrat: Το δε, παρέδωκεν, inquit: ενθαυτα ειασεν εστιν. Ωσπερ γαρ ο στρατοπεδου προηγουμενος αν του πολεμου βαρησαντος αναχωρησας απελθει, παραδιδωσι τοις πολεμοις τους στρατιωτας, ουχ αυτους ωθων, αλλα γυμνωει της εαυτου βαρυνειας· ούτω και ο Θεος τους ου βουλευθεντας δεξασθαι τα παρ' αυτου, αλλα πρωτους αποπηδησαντας, αφηκεν, αυτος τα παρ' εαυτου παντα πληρωσας. Σκοπει δε· προουθηκεν αντι δι-

δασκαλιας εις μεσον τον κοσμον· εδωκε νοον και διανοιαν δυναμενην το θεον συνιδειν. Ουδενι τουτων εχρησαντο προς σωτηριαν οι τοτε, αλλα και εις τουναντιον περιστρεψαν, οπερ ελαβον. Τι ουν ποιησαι εχρην; προς αναγκην ελκειν και βιαν; Αλλ' ουκ εστι τουτο παιζειν εναρεταυς. Ελειπετο δε αφειναι, οπερ και εποιησεν, ινα καν ουτω τη πειρα μαθοντες, ων επεθυμησαν, φυγωσι την αισχυνην. Και γαρ ει τις βασιλεως υιος ων, του πατερα ατιμασας ελοιτο ειναι μετα ληστων και ανδροφονων και τυμβορυχων, και τα εκεινων προτιμησειε της πατρως οικιας, αφησειν αυτον ο πατηρ, ωστε δια της πειρας αυτης μαθειν της οικιας ανοικιας την υπερβολην. » Hoc est: « Illud verò, tradidit, hic significat, permisit. Quemadmodum enim dux exercitus si ingravescente pugna disceserit, milites hostibus tradit, non ipse impellens, sed auxilio suo privans; sic Deus eos, qui noluerunt sua accipere, sed primi resilierunt, dimisit, postquam sua omnia impleverat. Perpende autem, pro doctrina mundum in medio posuit; mentem et cogitationem dedit, quæ posset id, quod conveniens erat, intelligere. Nullo horum homines, qui tunc erant, usi sunt ad salutem, sed in contrarium quod acceperant inverterunt. Quid igitur facere oportebat? Vi et necessitate trahere? At non est hoc facere virtute præditos. Reliquum erat ut desereret, quod et fecit; ut vel sic illa quæ concupierant, experti, turpitudinem fugerent. Nam si quis regis filius, contempto patre, cum prædonibus, sicariis et sepulcrorum effossoribus se conserat, et illorum consortium paternæ domui præferat, relinquit eum pater, ut stultitiæ suæ magnitudinem experientiâ ediscat.»

(1) B. THEODORETUS (ad γ. 25): 'Υποβαθρα, inquit, της παρανομιας γενηται η ασεβεια· δι' αμφοτερα δε της θειας εγυμνωθησαν χαριτος. « Illorum in Deum impietas fundamentum fuit ipsorum iniquitatis; propter utrumque autem divina gratia fuere privati.

(2) In Commentario suo in Ep. ad Rom. ad h. 1.

(3) BUCERI (in Ep. ad Rom.) aliorumque in hac quæstione, hæc erat falsa philosophandi ratio: « Si Deus, inquit, non sit efficax causa nostræ indurationis, nostrique traditionis in desideria mala, consequitur, Deum non esse Deum, hoc est, rerum

§. 25. *Qui commutaverunt veritatem Dei in mendacium*, etc.) Pro *qui* Græcè est *οἱ τινες*, ut *qui*, quippe *qui* ¹⁾. Scilicet Apostolus hic denuò *causam* assignat *cur* Gentiles Deus tradiderit *in impuritatem*. Causa hæc erat, ut vidimus (§. 23. — 24), eorum idololatria; hanc ergo causam hic iterum indicat, sed aliis verbis eam designat.—*Veritatem Dei* (*την ἀληθειαν του Θεου*) dixit Apostolus pro *Deum verum* (*τον ἀληθινον Θεον*, Cf. 1 Thess. I. 9), posito Abstracto nomine pro Concreto; nam quum dictioni *την ἀληθειαν του Θεου* in altero hujus versiculi membro respondeat dictio *τον κτισαντα*, ratio parallelismi prohibet quominus verba *την ἀληθειαν του Θεου* interpretemur *veram de Deo notitiam*. Est ergo *του Θεου* in illa locutione Genitivus *Subjecti*. Belgicè dixeris: *de waarheid Gods*. Jam quod sequitur, *εν τῷ ψευδει*, sumendum id est, vi antitheseos, de *diis falsis*. Ergo idola, utpote deos *falsos*, vocat *mendacium*, nomine Abstracto iterum posito pro Concreto ²⁾. Ita quoque Jeremias (Cap. XVI. 29) vocabulum *רָקָשׁ*, *mendacium*, adhibuit ad designanda idola. De vocis autem *μετελλαξαν* Syntaxi et notione, recolenda sunt quæ supra (§. 23) notavimus ad vocem *ἠλλαξαν*. *Εσεβασθησαν* forma est Aoristi 1 Passiva cum notione Activa; qua de re videsis Winerum § 40. 2 *Σεβαζομαι* (Depon. Med.) significatione convenit cum *σεβομαι*, *colo*, *veneror*. *Σεβαζομαι* struitur cum Accusativo; quare accuratior Syntaxis postulasset ut hic scriberetur: *και εσεβασθησαν την κτισιν και ελατρευσαν αυτην*. Verba *σεβαζομαι* et *λατρευω*, quum jungantur, prius ad cultum internum, posterius ad externum referimus, quod et THEOPHYLACTUS heic fecit ³⁾. Voces *παρα τον κτισαντα* interpres noster reddidit *potius quam creatori*; quæ interpretatio pro vitiosa habenda non est; nequè enim scripsit ibi *magis quam creatori*, sed *potius quam creatori*, quod

omnium primam et totam causam.» Perversum hoc dogma consequitur ex falso illo philosophemate, quo statuitur, Deum ita esse totam causam rerum, ut causæ secundæ nihil agant. Quem errorem recte refellit DOMINICUS SOTO (*de Natura et Gratia*. Lib. I. Cap. XVIII): Quod solus Deus, *inquit*, omnia ex nihilo creaverit, nullus est inter Christianos, qui inficias eat. Sed et quod nulla nunc causarum efficere quicquam possit, sine nutu et influxu Dei, non modo Christiani in confesso habemus, sed et Philosophi naturales edocent. Quod autem Deus ita sit tota causa rerum, ut causæ secundæ nihil agant, hoc ut Scripturæ sacræ contradicit, ita et ordinem tollit universi. Omnes enim causæ suo quæque ordine simul coeunt in eundem effectum.... Habetur enim Genes. Cap. I.: *Germinet terra herbam virentem et facientem semen, et lignum pomiferum faciens fructum juxta genus suum: cujus semen in semetipso sit super terram*. Ecce terra germinat, et arbores fructificant, semen habente perpetuum in semetipsis. Quare Lib. III. *de doctrina AUGUSTINUS*, « Sic Deus, *inquit*, res quas condidit, ad-

ministrat, ut eas suos motus agere sinat.» Et Lib. IX *de Genesi ad litteram*, Cap. 17.: «Rationes et virtutes agendi non tantum in Deo sunt, sed ab illo etiam rebus creatis inditæ sunt et concreatæ.»...

(1) Scilicet Ὅστις hic inservit *reddendæ rationi*, ut Act. XVII. 11, et infra Cap. II. 15. De quo usu videsis HERM. ad *Oedip. Reg.* 688.

(2) B. THEODORETUS (ad h. l.): *Ἀληθειαν δε του Θεου, inquit, καλει το Θεος ονομα (sic), ψευδος δε το χειροποιητον ειδωλον· θεον γαρ αυτους τον αληθη προσκυνησαι Θεον, τη κτισει το θειον σεβας προσηνεγκαν.* h. c. «*Dei autem veritatem vocat nomen Deus; mendacium autem, manu factum idolum. Cum enim oporteret eos verum Deum adorare, creaturæ divinum honorem tribuerunt.*»

(3) THEOPHYLACTUS ad h. l.: *Το, εσεβασθησαν μεν ουν αντι του, επιμησαν το δε, και ελατρευσαν, αντι του, και την δια των εργαων δουλειαν προσηνεγκαν. Τουτο γαρ η λατρευει, δια πραξεως τιμη.*

idem est ac dicere, *præterito creatore vel relicto creatore*, qui genuinus est hujus loci sensus; nam Apostolus molò dixerat, *Gentiles veri Dei loco, Deos falsos assumpsisse*. Præpositio *παρα* Accusativo juncta valet etiam *præ*; sicubi vero hanc potestatem obtinet, ibi judicandum est ex contexta oratione utrum reddi debeat, *plus, magis quam*, an vero *potius quam* ¹⁾. Nota, esse quamdam prælationem unius, quæ sit alterius neglectio atque præteritio. *Sensus ergo est*: Quippe qui veri Dei loco falsos Deos assumpserant, et honorabant colebantque creaturam, præterito Creatore.

Qui est benedictus in sæcula. Amen.) Sensus: qui in æternum *dignus est laudari, laudandus est* (*ευλογητος*); *sic est* (*αμην*)! Memorata hic idololatrici cultûs impietas ex commoto Pauli animo hanc doxologiam elicuit. *Αμην* est hoc loco *approbantis*. De cujus voce etymo et varia notione, vide quæ notavimus ad Philipp. IV. 20.

γ. 26-27. Propterea tradidit illos Deus in passionem ignominiae. Nam feminae eorum immutaverunt naturalem usum in eum usum, qui est contra naturam. ²⁷ Similiter autem et masculi, relicto naturali usu feminae, exarserunt in desideriis suis in invicem, masculi in masculos turpitudinem operantes, et mercedem, quam oportuit, erroris sui in semetipsis recipientes.

γ. 26-27. *Διὰ τοῦτο παρέδωκεν αὐτοὺς ὁ Θεὸς εἰς πάθη ἀτιμίας· αἱ τε γὰρ θήλειαι αὐτῶν μετήλλαξαν τὴν φυσικὴν χρῆσιν εἰς τὴν παρὰ φύσιν· ²⁷ ὁμοίως ^{a)} καὶ οἱ ἄρσενες ^{b)}, ἀφέντες τὴν φυσικὴν χρῆσιν τῆς θηλείας, ἐξεκαύθησαν ἐν τῇ ὁρέξει αὐτῶν εἰς ἀλλήλους, ἄρσενες ἐν ἄρσεσι τὴν ἀσχημοσύνην κατεργαζόμενοι, καὶ τὴν ἀντιμισθίαν, ἣν ἔδει, τῆς πλάνης αὐτῶν ἐν ἑαυτοῖς ἀπολαμβάνοντες.*

Paraphrasis. Quapropter Deus illos permisit dedecorosæ libidini; nam feminae eorum naturalem usum masculei sexûs permutarunt in eum qui contra naturam est, feminae cum feminis coeuntes; similiter verò etiam mares, relicto sexûs feminei usu naturali, in sua libidine in se invicem exarserunt, mares in maribus eam, quam nostis, turpitudinem perpetrantes, atque ita pro ignominia Deo per cultum idololatricum illatâ congruentem retributionem, velut quâdam talionis lege, in suis ipsorummet corporibus recipientes.

VARIANTES LECTIONES.

^{a)} Post *ὁμοίως* legitur *τε* in Codd. BD*** EJK et in Minusculis benè multis; sed *δε* ibidem legitur in Codd. AD*G et nonnullis Minusculis, atque hanc lectionem etiam Vulgata nostra refert. Tischendorfius

(1) Cf. FR. ASTII *Lexicon Platonicum*, ad vocem *παρα*.

edidit τε. Nescio an rectè. Ego certè malim hoc loco legere δε, tum quia solenne PAULO est dicere ὁμοίως δε και (Vide Rom. VII. 3. 4. 22.), tum etiam quia difficilior est lectio ὁμοίως δε και (vide commentarium); unde certè quædam nascitur suspicio, lectionem ὁμοίως τε και, quæ facilior est, correctioni librariorum esse tribuendam.

b) Pro αρρενες est αρσενες in Codd. BD⁴G. Utrumque dici potest, et ἀρρην, et αρτην.

γ. 26. Propterea tradidit illos Deus in passiones ignominiae). Quod his γ. 24 et 25) jam dixerat Apostolus, scilicet Gentiles ob idololatriæ crimen traditos fuisse εις ακαθαρσιαν, illud denuò hic docet. Ex quo intelligitur nexus orationis, qui ideò fit per δια τουτο. — Quid παθη ατιμιας hic intelligatur, patet ex rei descriptione, quæ ibi (γγ. 26. 27) statim sequitur. Agitur ergo, ut suprà jam innuimus, de stupris illis, quæ mares cum maribus, feminae cum feminis faciebant. Quæ flagitia vocat παθη ατιμιας, passiones (affectus) ignominiae, ubi ατιμιας est Genitivus Qualitatis, q. d. παθη ατιμωτικα: ut sensus sit: passiones, quibus ignominiam inferunt suis corporibus, secundum id quod paulò ante (γ. 26) dixerat: εις ακαθαρσιαν, του ατιμαζεσθαι τα σωματα αυτων εν εαυτοις. Similes Genitivos legere est apud EURIPIDEM Phoen. γγ. 1569. 1616., ubi μαστοι γαλακτος sunt μαστοι γαλακτουχοι, et τραυματα αιματος dictum est pro τραυματα αιματοεντα.

Nam feminae eorum, etc.) Græce: αι τε γαρ θηλειαι αυτων, ubi Particula τε anacoluthica est; nam pergit (γ. 27) dicere: ὁμοίως δε ¹⁾ και οι αρρηνες. Ut abesset Anacoluthon, scribendum erat: αι τε γαρ θηλειαι αυτων.... ὁμοίως τε και αρρενες, nam TUM (τε) feminae eorum, TUM similiter ETIAM (τε και) mares; cujus Syntaxeos exempla sunt ea, quæ leguntur Act. XVII. 4, et XXVII. 16. Sed hic, ut dixi, Paulina oratio anacoluthica est, qualis non ità raro apud Platonem quoque occurrit ²⁾; ut v. g. Pol. III. 394. C: εν τε τη των επων ποιησει, πολλαχου δε και αλλοθι, aut in hoc loco Symposii ²⁾: η τε ουν ιατρικη, ωσπερ λεγω, πασα δια του θεου τουτου κυβερναται, ωσαντως δε και γυμναστικη, και γεωργια. Ad eum ergo modum Paulus hic dixit: nam et feminae eorum.... similiter autem et mares, etc.

Nam feminae eorum immutaverunt naturalem usum, etc.) Explicat (γαρ) jam quod dixerat in passiones ignominiae. Et primo loco agit de feminis, ob eam forte causam quam Soro (ad h. l.) adsignat: « Aut nullum, inquit, est mysterium, quod a feminis orsus fuerit; aut illas forte anteposuit, quòd quamvis non tam ratione polleant quam viri, pudor tamen, qui debet in eis præcellere, debuisset longius ab insano illo furore eas arcere. » Idem præsentem PAULI locum accuratissimè exposuit; ut operæ pretium fuerit

(1) Vide Lect. Var.

(2) Vide ASTRI Lexic. Platonicum, ad vocem τε.

(3) Pag. 22 in edit. P. A. REYNDERS. Groningæ 1825.

ejus verba recitasse : « Quoniam , *inquit* , in homine duæ sunt naturæ , vel duo potius distincti gradus , ex quibus una constat natura , videlicet sensibilis et rationalis , duobus modis peccatum dicitur *contra naturam*. Uno modo , quia est contra rationem ; quo modo omne peccatum est contra naturam , ut Cap. IV. *de divinis nominibus* DIONYSIUS , et XIV *de civitate* Dei AUGUSTINUS auctores sunt ; ex eo scilicet quòd , cum homo , rationale animal , et speciem a ratione sortiatur et nomen , quidquid est contra rationem , censetur propriè contra nostram naturam.... Sed altero modo peccatum dicitur *contra naturam* per An-
tonomasiam ; illud dico , quod non modò rationi , sed ordini etiam , quem appetitui sen-
sitivo natura præscripsit , repugnat. Concubitus enim vagus maris cum femina , quamvis fiat extra rationem , continetur tamen intra lineam animalibus a natura positam , prolis gratiâ. Et ideò vocatur hic naturalis , etiam dum illegitimus est et peccatum ; quia membris fit a natura generationi destinatis. Quocirca et filii inde procreati , naturales dicuntur.... At vero seminationes aliæ , quæcumque præter illum ordinem fiant , illæ quidem simpliciter sunt *contra naturam* , puta quas non solum ratio , sed appetitus etiam naturalis detestatur. Ex his sic explanatis consequitur , peccatum *contra naturam* secundo modo in sola re ve-
nerea versari. Nam alia vitia non mutant speciem naturalis appetitûs , sed per exorbitantiam a ratione patrantur. Est enim a natura ingenitus homini appetitus honoris atque etiam vindictæ ; sed per transgressionem rationis collabitur in superbiam vel in iram. Pari modo appetitus naturalis est cibi ad conservationem individui , sed crapula rationis modum transmittit. Attamen in venere non solum perverti contingit is qui a ratione præfinitus est ordo (uti in adulterio) , sed scopus præterea naturalis ipsius appetitûs. Ubi autem ait , feminas *immutasse naturalem usum* , posset forsitan quispiam non aliam feminarum absurditatem cogitare , quam quod perverso naturæ ordine servirent ¹⁾ masculis : attamen infandam etiam aliam suggerit Paulus ; nempe quod sicut masculi in masculos exarserunt , ita et feminæ inter se invicem. Nam etsi hæc plusquam bestialis rabies non tam nefaria tamque turpi deformitate inter feminas valeat quam inter viros perpetrari , gras-
satur tamen in utrumque sexum ; ita ut feminis contingat amplexari se quoque iniquè ²⁾ ».

ŷ. 27. *Similiter autem et masculi* , etc.) Legimus non ὁμοίως τε καὶ , sed ὁμοίως δὲ καὶ. Vide quæ diximus supra ad ŷ. 26. de hac varietate lectionis. — Apostolus jam viros quoque *eiusdem impuritatis* arguit ; dicit enim *similiter* ; cumque hic scripserit , *relicto naturali usu feminae* , consequitur , quod in præcedenti versiculo dixit de feminis , *immutaverunt naturalem usum* , hoc quoque ita sumendum esse ac si scripsisset : *feminae immutaverunt naturalem usum masculi*. Ergo agitur hic , ut patet (*masculi in mas-*

(1) De hac ἀναθάρσιν specie non loquitur Apostolus , sed tantum de eâ , quam Soto deinde describit.

(2) De hoc flagitio CLEMENS Alexandrinus. (*Pædag.* III. 3) , καὶ γυναῖκες , inquit , ἀνδρίζονται παρὰ φύσιν.

h. e. *Et feminae viros imitantur contra naturam*. Tales a Græcis vocabantur τριβᾶδες , a Latinis *frictrices* , ut ad præsentem locum notavit CORN. A LAPIDE.

culos), flagitio παιδεραστίας, quod flagitium Apostolus designat per vocem την ασχημοσύνην (leur turpitude). Articulus apponitur, quia de certa et definita quadam turpitudine sermo est. Commune inter Græcos et Romanos hoc flagitium erat, imo tantæ turpitudinis probrium projecto etiam pudore inter ipsos grassabatur ¹⁾.

Ἐξεκαυθίσαν Aor. Pass. ab εκκαίεσθαι, accendi; deinde exardescere notâ Metaphorâ de æstu iræ aut amoris, ut hic de æstu fœdæ libidinis. Præpositio εν in dictione εν τη ορεξει αὐτῶν sumenda est ut supra γ. 24 in dictione εν ταῖς επιθυμίαις. In dictione vero ista, ἀρσενες εν ἀρσεσι, Præposito εν dicitur de eo in quo quid fit; Belgicè: aan wien, vel, si sermo sit de rebus, waar aan. Dixeris hic mannen aan mannen.

et mercedem, quam oportuit, erroris sui, etc.) Pro mercedem Græce est vox significantior την αντιμισθίαν, cui respondet Nostratium de wedervergelding; ab hac voce pendet Genitivus της πλάνης αὐτῶν, erroris sui. Intelligitur autem error (ἡ πλάνη) ille, de quo supra (γ. 25); is, inquam, quo, neglecto vero Deo, idola ut Deos receperant coluerantque ²⁾; merces (ἡ αντιμισθία) verò, quæ hic dicitur, non est referenda ad corporis mentisque incommoda quæ ex nefanda illa libidine nascerentur, sed ἀντιμισθίαν hanc sive recompensationem, ut barbarâ voce utamur, Apostolus intelligit ipsam illam ἀκαθαρσίαν, qua factum est ut qui per idololatriam Deum contumelia affecerant, jam, veluti quadam talionis lege, sua ipsorum corpora contumelia afficerent. Hæc enim est vis verborum istorum, την αντιμισθίαν, ἣν εἶδει, της πλάνης αὐτῶν εν ἑαυτοῖς ἀπολαμβάνοντες. Nam quod dicit, ἣν εἶδει scil. αὐτοὺς ἀπολαβεῖν, quam (qualem) recipere eos oportebat, eo significat pœnam fuisse talem, ut culpæ conveniret ³⁾. Εν ἑαυτοῖς, in suis corporibus, sumptâ Præpositione εν eodem sensu quo modò in dictione ἀρσενες εν ἀρσεσι.—

(1) Videsis SENECAM (Epist. 95), et quos præterea Wetstenius (ad h. l.) indicat scriptores antiquos, Græcos atque Latinos. Quibus adde SS. JUSTINUM (Apol. 1. 27) et CHRYSOSTOMUM, Hom. IV. in Ep. ad Rom. ad verba: καὶ τὴν ἀντιμισθίαν. Turpe illud Gentilium flagitium recensetur quoque inter idololatrarum crimina in libro Sapientiæ (Cap. XIV. 26); vocatur autem ibi γενεσσεως ἐναλλαγή, in Vulgatâ *nativitatis immutatio*; malim vertere *naturæ immutatio*.

(2) S. CHRYS. (Hom. IV. in Ep. ad Rom. h. l.) Ὅρα πῶς πάλιν ἐπὶ τὴν πηγὴν ἐρχεται τοῦ κακοῦ, τὴν ἀσεβείαν τὴν ἀπὸ τῶν δογμάτων; καὶ μισθὸν τοῦτον εἶναι φησὶ τῆς παρανομίας ἐκείνης. hoc est: «Vide quomodo rursum ad fontem mali veniat, impietatem nempe ex dogmatibus; et hanc mercedem esse dicit iniquitatis illius.»

(3) S. THOMAS (in Ep. ad Rom. ad h. l.): «Recipientes, inquit, mercedem, id est, retributionem, quam oportuit eos recipere secundum justitiæ ordinem, ex qua debitum erat, ut qui in Dei naturam injuriosi fuerant, ... in sui naturam contumeliosi existerent.» In eandem sententiam præsentem locum interpretantur quoque DOMINICUS SOTO et Card. TOLERUS. Et hic quidem: «Proportionatam, inquit, (ad h. l.) Dei vindictam idololatriæ et errori illorum fuisse docet. Mercedem, inquit, quam oportuit; id est, pœnam condignam errori suo receperunt in se et suis corporibus; hi enim ordinem perverterunt cum ignominia quadam in Deum illata: nam, relicto Creatore, ad creaturam se converterunt; justa autem et proportionata est recompensatio, ut permittantur etiam ordinem naturæ invertere cum dedecore et ignominia propria ipsorummet.»

γ. 28-32. Et sicut non probaverunt Deum habere in notitia : tradidit illos Deus in reprobum sensum : ut faciant ea , quæ non conveniunt, ²⁹ repletos omni iniquitate , malitia , fornicatione , avaritia , nequitia , plenos invidia , homicidio , contentione , dolo , malignitate , susurrone , ³⁰ detractores , Deo odibiles , contumeliosos , superbos , elatos , inventores malorum , parentibus non obediētes , ³¹ insipientes , incompositos , sine affectione , absque fœdere , sine misericordia . ³¹ Qui cum justitiam Dei cognovissent , non intellexerunt quoniam qui talia agunt , digni sunt morte : et non solum qui ea faciunt , sed etiam qui consentiunt facientibus .

γ. 28-32. Καὶ καθὼς οὐκ ἔδοκίμασαν τὸν Θεὸν ἔχειν ἐν ἐπιγνώσει , παρέδωκεν αὐτοὺς ὁ Θεὸς εἰς ἀδόκιμον νοῦν , ποιεῖν τὰ μὴ καθήκοντα , ²⁹ πεπληρωμένους παση ἀδικίᾳ , πορνείᾳ ¹⁾ πονηρίᾳ , πλεονεξίᾳ , κακίᾳ μεστὸν φθόνου , φόβου , ἔριδος , δόλου , κακοθηθείας , ψιθυριστας , ³⁰ καταλάλους , θεοστυγεῖς ὑβριστὰς , ὑπερηφάνους , ἀλαζόνας , ἐφευρετὰς κακῶν , γονεῦσιν ἀπειθεῖς , ³¹ ἀσυνέτους , ἀσυνθέτους , ἀστόργους ²⁾ , ἀνελεήμονας . ³² οἵτινες τὸ δικαίωμα τοῦ Θεοῦ ἐπιγνόντες ³⁾ , ὅτι οἱ τὰ τοιαῦτα πράσσοντες ἄξιοι θανάτου εἰσὶν , οὐ μόνον αὐτὰ ποιοῦσιν , ἀλλὰ καὶ συνευδοκοῦσι τοῖς πράσσουσι .

Paraphrasis. Et sicut illis probatum non fuit Deum , quem cognoscebant , agnosce-re et venerari , ita vicissim Deus illos tradidit in reprobam sentiendi rationem , ita ut faciant quæ non decent , referti ut sunt omnigena iniquitate , malitia , fornicatione , avaritia , nequitia ; pleni invidia , cæde , rixa , dolo , malignitate ; detractatores , calumniatores , Dei osores , contumeliosi , superbi , jactatores , flagitiorum repertoires , immorigeri parentibus ; insipientes , fœdifragi , expertes amoris , implacabiles , immisericordes ; tales denique , qui quamquam norant jus divinum , scilicet morte dignos esse qui talia faciunt , tamen non tantum hæc faciunt ipsi , verum etiam approbant talia facientes .

VARIANTES LECTIONES.

¹⁾ Vox πορνεία abest a multis Codicibus ; in aliis verò legitur quidem , sed post vocem κακίᾳ , omissâ voce πονηρίᾳ . Antiquæ versiones , Itala et Vulgata , vocem πορνεία exhibent , sed post vocem πονηρίᾳ . TISCHENDORFIUS vocem πορνεία in textum non recepit . Nescio an rectè . Nam ut non est cur existimemus , vocem πορνεία ad modum ejuspiam Glossematis in textum irrepsisse , ita contrâ ex vicinitate vocis πονηρίᾳ facile concipitur qui fieri potuerit ut vox πορνεία , voci πονηρίᾳ quod ad litterarum ductus attinet ferè similis , nunc transposita nunc verò plane omissa fuerit . Itaque putaverim vocem πορνεία in textum Paulinum tamquam genuinam esse recipiendam . Objicit DE WETTE (ad h. l.) : Πορνεία , inquit , kann der Apostel nicht geschrieben haben , weil die Sunden der Unzucht schon vorher abgehandelt sind . Verum fallitur . Vide quæ notavimus ad h. l.

²⁾ Vox ἀσπονδους non legitur in Codd. ABD*EG . Abest pariter a versionibus antiquis , Itala , Syriaca , et Coptica . Censuerim vocem ἀσπονδους incertæ esse auctoritatis , et potuisse fieri ut ex 2. Tim. III. 3

c) Post ἐπιγινόντες additur οὐκ ἐνόησαν in Codd. DE, et in Cod. G. οὐκ ἐγνώσαν; deinde pro αὐτὰ ποιοῦσιν, ἀλλὰ καὶ συνευδοκοῦσι legitur αὐτὰ ποιοῦντες, ἀλλὰ καὶ συνευδοκοῦντες in Cod. B. Integram hanc lectionis varietatem referunt versiones Itala et Vulgata. Versio autem Syriaca (Peshito) sic habet:

h. c. qui cum cognoscerent jus Dei, quod nempe jus illud eos qui talia agunt mortis facit reos, non solum faciunt illa, sed etiam associant se iis qui ea faciunt.

Καθως, sicut, absque ουτως in Apodosi; comparatio quæ hic instituitur hæc est: sicut illi non approbarunt... ita vicissim Deus illos tradidit in mentem reprobam. Sed καθως hoc loco simul habet vim ætiologicam, et eandem quidem quam suprâ (ψ. 21) vocula διοτι (= δια τουτο οτι), quia.

Ἀδοξίμος (ab a *Privativo* et *δοξίμος*) est *inacceptus*; hinc *improbandus*; *vous* autem hic est *sentiendi ratio* circa agenda; adeoque *vous αδοξίμος* intelligitur *sen-*

tiendi ratio reprobā, i. e. perversa. Cui perversæ sentiendi rationi Deus hic dicitur Gentiles in pœnam peccati tradidisse (παρεδωκεν) eo sensu, quo supra (pag. 35) rem explicavimus. Notanda hic quoque est elegans quædam παρονομασία sive agnominatio inter voces εδοκιμασαν et αδοκιμον. Figura hæc locutionis HERMOGENI vocatur παρηχησις, hoc est, adsonatio, ut barbarâ voce utamur.

Ποιειν seil. αυτους, quod Subjectum ex præcedenti Objecto αυτους sumendum est. Infinitivus ποιειν epexegeticus hic est, ut ειδεναι in epistola ad Coloss. IV. 6. — Facilior Syntaxis fuisset, si scriptum ibi esset ὥστε ποιειν, sed ὥστε in istiusmodi sententia consecutiva abesse quoque potest. Vide KÜNNER § 326. Anm. 2. Τα μη καθηζοντα Belgice valet *het niet te pas komende, het niet voegende*. De Particula μη juncta Participio, vide Winer § 59. 4. a. Est autem in hac locutione τα μη καθηζοντα adhibita illa figura rhetorica, quâ negando contrarium plus significatur; Litoten (λιτοτην) vocant.

γ. 29. Repletos omni iniquitate, etc) Græcè πεπληρωμενους παση αδικια, ubi Accusativus πεπληρωμενους, et qui porro (γ. 29—32) sequuntur Accusativi omnes pendent ab αυτους, hoc est, a Subjecto Infinitivi ποιειν. Ut aded hæc sit præsentis loci Syntaxis: Tradidit illos Deus in mentem reprobam, ita ut faciant ea quæ non conveniunt, pleni omni iniquitate. . . . pleni invidia. . . . superbi. . . . etc. Secundum Vulgatam Accusativi illi omnes pendent a verbo tradidit, ut sensus sit: Deus illos, plenos omni iniquitate. . . . plenos invidia. . . . superbos. . . . tradidit in mentem reprobam, ita ut faciant ea quæ non conveniunt. Verùm Vulgata versio mentem PAULI non exprimit; neque enim dicere vult Apostolus quales essent Gentiles cum traderentur in reprobam mentem, sed quam fuerint in omnem iniquitatem effusi postquam jam traditi essent in reprobam mentem. Minimè hoc fugit Card. TOLETUM (ad h. l.): « Non sic est intelligendum, inquit, quasi postquam fuerint repleti omni iniquitate, traditi sunt in reprobum sensum; sed quod propter peccatum idololatriæ, et quia non probaverunt Deum habere in notitia, traditi sunt in reprobum sensum, ut faciant quæ non conveniant, et repleantur omni iniquitate, et injustitia. . . . ORIGENES exponit causaliter in hunc sensum: Tradidit in reprobum sensum ut faciant quæ non conveniant, quia erant repleti omni iniquitate et ceteris peccatis. Tamen non est probanda hæc expositio; si enim hæc omnia sunt causa cur in reprobum sensum tradantur, non superest aliud quod isti fecerint, quod non conveniat. Dicendum ergo est, ista omnia esse explicationem eorum quæ non conveniunt, quæ ex reprobo sensu processerunt. Hactenus TOLETUS. In eandem sententiam præsentem locum explicat quoque DOMINICUS SOTO (ad h. l.).

omni iniquitate) Græcè παση αδικια, ubi παση valet παντοδαπη, omnigenâ, omnimodâ, ut 2 Cor. IX. 8 et 2 Thess. II. 17. Per αδικιαν indicatur iniquitas tamquam genus, cui statim adjiciuntur variæ species iniquitatis; in hac verò enumeratione certum quemdam ordinem quærere supervacaneum sit.

malitiâ) Græcè πονηρια. Videtur hæc vox significatione non differre a proxima voce

κακία (Vulg. nequitia); Utrâque, uti puto, intelligitur cupiditas et studium nocendi proximo, malignitas. Belgicè dixerim kwaadaardigheid (πονηρία), boosheid (κακία).

Fornicatione) Πορνεία, quæ vox hic legitur, a THEODORETO definitur viri cum femina concubitus, qui fiat extra matrimonium (ου κατα γαμον γενομενη συνουσια). Supra (γ. 25) sub nomine ακαθαρσιας Apostolus locutus erat de impuritate illa, quæ naturæ contraria sit; hic vero significat eum omnem coitum illegitimum, qui sit talis ut naturæ ordinem non invertat.


avaritiâ) Græcè πλεονεξία, qua voce intelligitur studium plus quam sibi competat habendi, usurpandi, occupandi. Belgicè dixerim hebzucht, roofzucht. Vitium hoc a THEODORETO sic definitur: Πλεονεξίαν δε (scil. καλει) την του πλειονος εφεσιν, και των ου προσηκοντων την αρπαγην. h. e. Πλεονεξίαν autem vocat plura habendi cupiditatem, et eorum quæ ad se non pertinent rapinam.

plenos invidiâ, homicidio (φονου, cæde, moordlust) contentione (εριδος, strydzucht) dolo (δολου, arglist) malignitate). Pro malignitate Græcè est κακοηθειας, cujus vocis notionem ARISTOTELES (Rhet. II) ita definit, ut sit το επι... το χειρον υπολαμβανειν τα παντα, puta vitium illud quo quis omnia in deteriore partem accipit.

γ. 30. susurrone, detractores) Græcè ψιθυριστας, καταλους, quæ voces significatione ita differunt, ut ψιθυριστης dicatur is qui calumnias spargit ac veluti in aures aliorum insusurrat, καταλαλος verò calumniator vocetur generatim.

Deo odibiles) Græcè Θεοστυγεις. Vocabulum Θεοστυγης Passivè significare, certò constat; sed dubitatur an significet etiam Activè. THEODORETUS vocem sumit Activo sensu, q. d. Dei osores; nam Θεοστυγεις interpretatur τους απεχθῶς περι τον Θεον διακειμενους, h. e. tales, qui infesto sunt in Deum animo. Θεοστυγια tamquam peculiare aliquod vitium recensetur a CLEMENTE Romano in epistola sua ad Corinthios Cap. 35. EURIPIDES (Troad. γ. 1213) scripsit: νυν δε σ'ή Θεοστυγης αφειλεθ' Ἑλενη, ubi vox Θεοστυγης forsitan activè significat. SUIDAS certè docet vocem Θεοστυγης sumi tam activo sensu quam passivo; nam dictionem Θεοστυγεις interpretatur Θεομισητοι, οί ὑπο Θεου μισουμενοι και οί Θεον μισουντες· παρα δε τῷ Αποστολῷ Θεοστυγεις ουχι οί ὑπο Θεου μισουμενοι, ἀλλ' οί μισουντες τον Θεον. h. e. Θεοστυγεις sunt Θεομισητοι, id est, odio habiti a Deo, et Deum odio habentes; sed apud Apostolum Θεοστυγεις sunt, non qui a Deo odio habentur, sed qui Deum odio habent. Ceterum activam illius vocis notionem postulare videtur contexta PAULI oratio. Si vocem passive sumas, ut fecerunt interpretes noster (Deo odibiles) et Syrus¹⁾, haberi possit pro Prædicato vocis præcedentis, ut adeò dicatur calumniatores Deo odiosi.

contumeliosos, superbos, elatos) Græcè ὑβριστας, ὑπερηφανους, αλαζονες. Tria hæc vocabula ad superbiæ vitium pertinent omnia, hoc tamen discrimine,

(1)  h. e. et odiosi Deo.

ut videtur, quod *αλαζονες* sint *jactatores sui* absque aliorum contumelia aut contemptu; *ὑπερηφανοί* vero intelligantur tales qui ita suis dotibus aut veris aut fictis superbiunt, ut alios præ se contemnant; *ὑβρισταί* tandem dicantur ii, quorum insolens superbia cum aliorum non solum contemptu sed etiam contumeliâ conjuncta sit. Videsis TITTMANNUM, *De synonymis in Novo Testamento*. pag. 73. sq. CHRYSOSTOMUS tamen et THEODORETUS hisce vocabulis notiones subjiciunt paululùm diversas. Sed hæc res tanti non est, ut diutius illi immorari lectori gratum sit.

inventores malorum) Græcè *εφευρετας κακων*, quos THEODORETUS definit *τους ου μονον τα πολιτευομενα τολμῶντας κακα, αλλα και ετερα προσεπινοῶντας*, h. e. tales, qui non solum perpetrare audent facinora vulgò admissa, sed et alia nova facinora excogitant.

parentibus non obedientes) Græcè *γονευσιν απειθεις*, quo intelliguntur refractarii erga parentes. *Ατοπια και αυτη μεγαιστη*, ait THEODORETUS (ad. h. l.), *την φύσιν κατηγορον εχουσα*. i. e. Hoc quoque maximum vitium est, quod et ipsa natura accusat.

γ. 31. *insipientes*) Græcè *ασυνετους*, qua voce Apostolus forsitan voluit significare *stolidos*, tales, inquam, qui expertes sint sensûs honesti. Hanc ferè notionem THEODORETUS videtur huic vocabulo subjecisse. *Οι γαρ, inquit, εις τον παρανομον εξοκειλαντες βιον, του λογικου τους χαρακτηρας απεβαλον*. h. e. Qui enim in vitam improbam prolapsi sunt, ii rationis characteres amiserunt. SUIDAS vocem *ασυνετους* interpretatur *τους ασυνειδητους*, h. i. conscientia destitutos, Belgicè *gewetenloozen*.

incompositos) Græcè *ασυνθετους*. Intelliguntur *perfidi, fædifragi*. *Αστοργοι* (Vulg. *sine affectione*) tales sunt qui nullo ducuntur amoris affectu erga liberos aut parentes; *ασπονδοι* (Vulg. *absque fædere*) homines sunt *implacabiles*; denique *ανελεημονες* (Vulg. *sine misericordia*) dicuntur illi, qui nullius calamitate moventur.

γ. 32. *qui cum justitiam Dei cognovissent*, etc.) Apostolus hic, ut suprâ γ. 28, Gentiles declarat esse inexcusabiles, ut pote qui recensita (γ. 29-31) flagitia committunt ipsi et ab aliis commissa approbant, cum tamen non ignorant divino jure pœnam mortis statutam esse iis, qui hæc flagitia patrassent. *Οιτινες* hoc loco non inservit reddendæ rationi, ut valeat *quippe qui, utpote qui*, sed vox est *exponentis*, ut Luc. VIII. 3, quasi ta dicas: *tales, inquam, homines, qui, etc.* — *Το δικαιομα του Θεου* (Vulg. *justitiam Dei*) intelligitur *Dei judicium* (*δικαιομα*) pœnale; Græca illa vox refert Hebraicam *מִשְׁפָּט* quo sensu legitur Jerem. Cap. XXVI. 11, ubi dicitur *הַיְהוָה יִשְׁפֹּט בְּיָמָיו*, quod Interpres noster reddidit: *Judicium mortis est viro huic*. — *Οτι* hic *exegeticum* est; veritas quod *nempe*; videlicet declaratur quale sit illud *Dei judicium pœnale*, quod Gentiles non latuit; est autem hoc, scilicet, *morte dignos esse eos qui recensita illa (γ. 29-32) flagitia commisissent*. Sensus ergo secundum Græcum textum hic est: *tales, inquam, homines, qui quamquam noverant pœnale Dei judicium hoc, quod scilicet morte digni sunt qui talia flagitia committunt, nihilominus tamen non tantùm ipsi ea faciunt, verum etiam approbant eos qui illa committunt*.

Secundum Vulgatam verò mens PAULI sit dicere : *Gentiles, quamquam noverant* ¹⁾ *jus divinum, tamen non intellexisse, morte dignos esse qui talia flagitia committerent, et non solum qui talia ipsi facerent, verum etiam eos qui consentirent facientibus.* Sed hæc, ut mihi quidem videtur, obscurum præbent intellectum, nisi hic statuatur sensus : *Gentiles cognoverunt prohibita esse talia flagitia, sed non intellexerunt pænæ mortis obnoxios esse qui ea patrassent.* At verò hic sensus non videtur posse admitti, quum satis constet Gentiles nequaquam ignorasse criminosis statutas esse pœnas gravissimas, imo æternas post hanc vitam luendas. Certè PLATO ²⁾ de futuro impiorum statu dixit : *Τουτους δε η προσηχουσα μοιρα ριπτει εις τον ταρταρον, οθεν ουποτε εκβαινουσιν* id est : *Hos conveniens sors mergit in Tartarum, unde nunquam egrediuntur.* Et LUCIANUS ³⁾ : *Ου γαρ θεμις, inquit, ανελθειν τινα των απαξ διαπλευσαντων την λιμνην, και εκ το εισω του στομιου προελθοντων.* h. e. *Neque enim reverti fas est quemquam, qui semel paludem transmissit atque intra specus hiatus descenderit.*

Sed, ut supra jam dixi, Vulgatæ lectioni heic ego Græcam præfero. In qua sententia video fuisse etiam AMBROSIIUM CATHARINUM ⁴⁾, JACOBUM NACLANTUM ⁵⁾, ESTIUM (ad h. l.), alios ⁶⁾.

USTERI ⁷⁾ mortem hoc loco intelligit physicam, eam, inquam, quæ consistit in privatione vitæ temporalis. Verum enim verò cum hæc mors communis sit omnibus (Hebr. Cap. IX. 27), bonis æque ac malis, de ea profecto sermo hic esse nequit. Intellexerit ergo Apostolus mortem metaphoricè dictam, eam, inquam, quæ consistit in privatione vitæ æternæ felicitis cum supplicio æterno conjuncta. Atque hanc esse mentem Apostoli perspicuè patet ex loco parallelo illo (infra Cap. VI. 20—23), ubi vitæ æternæ felici mortem opponit : *Quem ergo fructum, inquit, habuistis tunc in illis, in quibus nunc erubescitis? Nam FINIS illorum MORS est. Nunc verò liberati a peccato, servi autem facti Deo, habetis fructum vestrum in sanctificationem, FINEM verò VITAM ÆTERNAM. Stipendia enim peccati, MORS. Gratia*

(1) Participium *επιγινωσκεις* hoc modo in verbum Finitum resolvendum esse, contexta oratio omnino suadet.

(2) De Republica, Lib. X. apud WORMIUM, De corruptis antiquitatum Hebræarum apud TACITUM et MARTIALEM vestigiis. Legitur in Thesouro UGO-LINI. Tom. II. pag. 87.

(3) Dial. Mort. apud WORMIUM; ibid.

(4) In omes D. Pauli Apostoli epistolas AMBROSII CATHARINI Episcopi Minoricensis Commentaria. Parisiis. 1566. Pag. 21. « Nequid autem dissimulem, inquit, longe magis mihi placet græca lectio. » CATHARINUS in præfatione sui operis de sua interpretandi ratione hæc profitetur : *Licet ego, inquit, veterem ac vulgatam editionem omnino magis probem, atque illam interpreter, non tamen adeo durus esse volui, ut si quid forte emendatius in antiquis aut Græcis codicibus viderim, illud*

despexerim, cum plane noverim hac in re a plerisque in utramque partem peccari.

(5) JACOBI NACLANTI, Clugiensis episcopi, enarrationes in D. PAULI epistolas ad Ephesios et Romanos. Venetiis. 1567. Pag. 208. Fuit NACLANTUS unus ex Concilii Tridentini theologis..

(6) LUCAS BRUGENSIS ad hanc lectionis varietatem hæc notat : « An verò, inquit, nec Interpres Vulgatus id. (scilicet verba non intellexerunt) Græce legerit, sed complendæ sententiæ addiderit, ignoro. » Vide Notationes in Sacra Biblia, quibus variantia discrepantibus exemplaribus loca, summo studio discutuntur; auctore FRANCISCO LUCA Brugensi. Antverpiæ, 1580. pag. 398.

(7) Entwicklung des Paulinischen Lehrbegriffs... von LEONHARD USTERI. Zweite Ausgabe, Zurich, 1829. pag. 19.

autem Dei, VITA AETERNA, in Christo Jesu Domino nostro. Pœnam, quam hoc loco mortem vocat Apostolus, alibi (Ep. ad Philipp. Cap. III. 19.) appellavit ἀπωλειαν, interitum, huncque æternum fore declaravit in altera epistola ad Thessalonicenses (Cap. I. 7): Πœnas dabunt, inquit, in interitu æternas, vel, ut est in textu Græco (δικην τισουσιν, ὀλεθρον αἰωνιον): pœnam luent, exitium æternum. Nec aliter mortem hoc loco intellexerint Christiani Romani, ad quos Apostolus epistolarem hunc sermonem dirigebat.

non solum qui ea faciunt, sed etiam qui consentiunt facientibus). Secundum Græcum textum, quem Vulgatæ prætulimus, legendum hic est: non solum ea faciunt, sed etiam facientes approbant. In quibus verbis gradationem esse notat S. CHRYSOSTOMUS: Peccante, inquit, longe nocentior is est, qui peccatum laudat. ¹⁾ In eamdem sententiam verba illa interpretatur quoque THEODORETUS: non satis ducunt, inquit, hæc facere, sed etiam iis qui similia faciunt laudes contexunt. Hic autem postremus est iniquitatis gradus ²⁾.

Postrema hæc, sicut et reliqua omnia quæ hac epistolæ parte (ψ. 18 — 32) leguntur, vulgò non ad Gentiles universè sed unicè ad Gentiles philosophos referuntur. Quam interpretationem fortasse suggessit id quod ad hanc Paulinæ epistolæ partem obiter notavit S. AUGUSTINUS in opere suo de Trinitate ³⁾. Quidquid sit, THEODORETUS ne minimo quidem verbulo indicat se existimasse Paulum ibi loqui de solis Gentilium philosophis; et S. CHRYSOSTOMUS eorum, quæ in illa pericopa (ψ. 18—32) dicuntur, quædam quidem dicit præsertim spectare philosophos ⁴⁾; ceterum verò nusquam significat in ea se esse sententia ut putet non ad Gentiles universos referendam esse integram hanc Paulinæ epistolæ partem. Nec verò est cur dubitemus quin universaliter dicta sint quæ ibi habet Apostolus. Nam, ut omittam, parum convenienter proposito suo argumentatum fuisse PAULUM, si de solis Gentilium philosophis sermonem fecisset, quid heic tandem est,

(1) Hom. 3 in Ep. ad Rom. ad h. l.: Καὶ γὰρ τοῦ πλημμελοῦντος, inquit, ὁ τὴν ἁμαρτιαν ἐπαινων χαλεπώτερος πολὺ.

(2) Interpret. Ep. ad Rom. ad h. l.: Οὐκ ἀποχρὴν ἡγούνται τὰ ταῦτα ποιεῖν ἀλλὰ καὶ ἐπαινοὺς τοῖς ταῦτα ὁμοίᾳ ὁρῶσιν ὑφαίνουσιν· ἐσχάτος δὲ οὗτος ὁρὸς τῆς παρανομίας.

(3) Lib. III. Cap. 19. « Illi autem, inquit, præcipui Gentium Philosophi, qui invisibilia Dei per ea quæ facta sunt, intellecta conspicerent potuerunt, tamen quia sine Mediatore, id est, sine homine Christo philosophati sunt, quem nec venturum Prophetis, nec venisse Apostolis crediderunt, veritatem detinuerunt, sicut de illis dictum est, in iniquitate. Non potuerunt enim in his rerum (rebus?) infimis constituti, nisi quærere aliqua media per quæ ad illa quæ intellexerant sublimia pervenirent: atque ita in deceptores demones in-

ciderunt, per quos factum est ut immutarent gloriam incorruptibilis Dei in similitudinem imaginis corruptibilis hominis et volucrum et quadrupedum et serpentium. » Ex his tamen confici nequit, Augustinum ad solos philosophos retulisse ea, quæ illo loco epistolæ (ψ. 18—32) a Paulo dicuntur.

(4) Hom. III in Ep. ad Rom.: Καὶ τὰ ταῦτα πρὸς τοὺς φιλοσόφους, φησι. Πρὸς αὐτοὺς μὲν οὐν μάλιστα τὰ εἰρημένα, h. e. Et quid hæc, inquires, ad Philosophos? Ad hos maxime omnia supra dicta (scil. quæ ψψ. 18—24 continentur) spectant. Chrysostomum in hac sententia præiverat ORIGENES (ad h. l.): Diximus enim hæc, inquit, quamvis ad omnes homines, quibus inest ratio naturalis, maxime tamen spectare ad sapientes hujus mundi, et eos, qui philosophi nominantur, quibus præcipue creaturas mundi et omnia quæ in eo facta sunt, discutere disciplina est.

quæso, quod tantopere cogat ut vulgarem illam opinionem retineamus? An forte ad hoc cogat, quod, philosophis exceptis, reliqua pars mortalium oculis menteque orbata sit, ut ex conspectu rerum creaturarum magnitudine, motu, pulchritudine, constantia, utilitate, nequeat omnipotentis Dei intelligere majestatem? Aut ideò-ne forte sententia illa sequenda sit, quod idololatriæ impietas et infanda morum corruptela non nisi philosophis exprobrari possit? Et mulieres quas PAULUS ibi (§. 26) pariter accusat, an philosophas intelligamus? Sed de hac quæstione jam abundè satis.

Supersunt autem ad eandem illam epistolæ partem notanda quædam non nullius momenti.

I. Et principio quidem illud monendum est, Paulum, ubi docet (§§. 19—20), Deum hominibus præbere sui notitiam *per creaturas* ¹⁾, ibi cum *exteriore* hac manifestatione conjunctam cogitare *interiorem* illam, quæ sita est in idea Dei homini naturaliter insita. Nam quum infra (Cap. II. 14—15.) doceat legem naturalem esse Gentilium cordibus inscriptam, eo ipso docet inscriptam quoque ibi esse ideam Dei legislatoris; quum notio legis notionem legislatoris necessariò contineat. Ceterum observandum est, Apostolum loqui de hominibus in vitæ societatem inter se conjunctis plenoque rationis usu fruentibus, ut ex tota contexta oratione conficitur. ²⁾

(1) Apostolus pariter illud docet in oratione quam habuit ad Lystrenses. Vide Act. Ap. Cap. XIV. 14—17. Confer etiam Sap. Cap. XIII. 1—10, ubi eadem doctrina traditur.

(2) Rectissima est hæc MÖHLER ad Rom. I. 18—21 observatio. «Freilich, inquit, ist hier keine vollständige Darstellung der Bedingungen zu erwarten, unter welchen Gott vom Menschen aus der Natur erkannt werden kann; der Apostel denkt sich den Menschen in Gesellschaft, wie er geschichtlich gegeben ist, und von einem solchen Menschen sagt der Völkerlehrer, dass er Gott in der Welteinrichtung erkennen könne.» Quonam verò sensu sumenda sit quæstio, utrum homo in statu naturæ lapsæ SOLIS SUÆ NATURÆ VIRIBUS pervenire possit ad cognitionem Dei ejusque attributorum, MÖHLERUS hisce verbis definit: Bei Beantwortung dieser Frage, inquit, ist es vor Allem nöthig, den Sinn derselben zu bestimmen. Zuwörderst kann nun wohl gewisz nicht gemeint seyn, dass wenn gesagt wird, die Vernunft allein könne Gott und seine Eigenschaften erkennen, wir uns einen Menschen von Geburt an in einer Höhle etwa, oder in einem dunkeln Zimmer ein- und abgeschlossen vorstellen sollen, welcher dann durch sich allein zu der genannten Kenntniz käme; auch nicht, dass wir ihn uns zwar im freien Verkehr mit der Natur, aber ausserhalb der menschlichen Gesellschaft, und ohne Einwirkung derselben auf ihn denken; eben so we-

nig, dass er zwar in Verkehr mit Menschen gesetzt sei, aber mit Menschen ohne allen religiösen Cult; oder mit Menschen, welche es wenigstens vermeiden, mit einem bestimmten Einzelmenschen, welchen wir zur Erkenntniz Gottes wollen gelangen lassen, jemals von Höherem und Göttlichem zu sprechen, sondern immer nur von Niedrigem und Gemeinem. Alles dies darf nicht angenommen werden, weil es völlig unnatürlich wäre; denn ohne Betrachtung der äussern Schöpfung, und ohne Umgang mit seines Gleichen, die schon irgend welche Erkenntnisse überhaupt und religiöse insbesondere haben, würde der Mensch niemals zu einem Anfang geistlicher und religiöser Entwicklung gelangen, sondern ungeachtet seiner Vernunftanlage, doch wie ein Thier leben, ohne Wort, wie ohne Gedanke... Dies führt uns nun zur Annahme, dass alle unter den verschiedenen Menschenstämmen vorhandene religiöse Bildung von der Uroffenbarung Gottes an die ersten Menschen ausgegangen und ohne dieselbe nicht zu erklären sei; allein, ob zwar gleich kein in der Gesellschaft lebender Mensch ohne alle Berührung mit dieser Uroffenbarung geblieben ist, so ist doch dieses allgemeine Verhältnisz zu derselben nur voranzusetzen, wenn wir erforschen wollen, was der Mensch allein für sich durch eigenen Vernunftgebrauch von Gott erkennen könne...

Wir haben also obige Frage wohl so zu verstehen: Vermag der (gefallene) Mensch mit all seinen Kräften und Anlagen in der menschlichen Gesell-

II. Ex præsenti loco Apostoli apertissime constat, hominem post lapsum Adami posse per se, i. e. solis suæ naturæ viribus, *h. e.* absque ullo revelationis supernaturalis et gratiæ subsidio, ex consideratione rerum creatarum pervenire ad cognitionem Dei ejusque attributorum. Negavit hoc aliquando Cl. BAUTAIN, qui tamen admonitus, ab hoc errore laudabiliter sese recepit.¹⁾

III. Fieri certe potuisset ut primigenia illa de Deo notitia, quam primus homo ex ipsa Dei institutione acceperat, ope continuæ traditionis servaretur et ad omnes ejus posteros transferretur incorrupta. Hoc tamen, si sermo sit de Gentilibus, factum non fuisse sicut aliunde constat, ita etiam confici potest ex ratione loquendi Apostoli, quippe qui ad ostendendum Gentiles prætexere non posse ignorantiam veri Dei, non argumentatur ex primigenia illa de Deo notitia quæ ope traditionis ad ipsos pervenisset, sed tantum ex eo quod Deus sese illis per res creatas cognoscendum præbuerat²⁾.

schaft mit allen in ihr vorhandenen geistigen Bildungsmitteln, aber ohne die mosaische und christliche Offenbarung und innerlich wirkende Gnade gedacht, Gottes Daseyn und Gottes Eigenschaften zu erkennen und zu glauben? Vide Dr. J. A. MÖHLERS gesammelte Schriften und Aufsätze; herausgegeben von Dr. JOH. JOS. DÖLLINGER. Regensburg 1839. 2. B. pag. 151, et 146, sq.

(1) Nam, monente Coadjutore Argentorensi, publicè professus est doctrinam his verbis contentam: *Quelque faible et obscure que soit la raison par le péché originel, il lui reste assez de clarté et de force pour nous guider avec certitude à l'existence de Dieu. Cf. PERRONII Prælectt. Theol. F. IX. pag. 357. edit. Lovan.*—Obiter hic notamus, BAUTAINII errorem non esse confundendum cum sententia eorum qui docent, hominem ad usum ra-

tionis, cujus ductu Deum cognoscat, naturaliter pervenire non posse si adolescat seclusus a ceterorum hominum societate atque consortio.

(2) « Dieses Wort, ait KLEE (ad h. l. de primigenia illa de Deo notitia loquens), *in Israel von Geslecht zu Geslecht treu und rein, bey der übrigen orientalischen Menschheit mehr oder minder verunstaltet überliefert, war den Hellenen und Römern, man kann sagen, ganz und gar abhanden gekommen; darum Paulus von diesem keine Erwähnung thut, sondern lediglich das innere von der äussern Welt entzündete und genährte Gottesbewustseyn zur Zeugenschaft wider die Menschen aufruft, und ihnen allein zur Schuld legt, dass sie das, was ihnen von Gott durch die denkende Betrachtung der Welt erkennbar gewesen, in Ungerechtigkeit gefangen und unterdrückt gehalten haben.* »

CAPUT SECUNDUM.

ARGUMENTUM. Quod hactenus de Gentilibus Apostolus probaverat, scilicet eos esse criminosos, idem hoc de Judæis probare nunc pergit, ed utens orationis formâ, ut per Apostrophem Judæos compellat ostendatque eos nihilo meliores esse quam Gentiles. Hinc verò Judæo-Christiani Romani, ad quos Apostolus scribebat, colligere poterant quam falsò sibi persuaderent, se ob suæ gentis merita justificationem fuisse adeptos. Argumentum autem objurgatoriæ hujus compellationis tale est: dicit Apostolus, Judæos qui vulgò Gentiles condemnabant, eo ipso condemnare semetipsos, quippe qui rei essent eorundem criminum; eosque reapse condemnatos quoque iri a Deo, qui, ut justus judex, sine respectu personarum esset judicaturus; neque enim esse cur, quia Judæi sint, spem habeant impunitatis (1—3). Intelligerent etiam, procrastinationem pænæ non eò spectare ut spem foveant impunitatis, sed ut resipiscant; eos autem ob suam impænitentiam sibi Divinæ iræ veluti thesaurum quemdam accumulare in diem illum tremendum, quo Deus judicaturus esset sine personarum respectu (Judæum ad normam legis mosaicæ, Gentilem ad normam legis cordi ipsius inscriptæ) et redditurus; unicuique pro suo merito, aut præmium aut pænâ (4—17). Non esse cur Judæi impunitatem sperent, quòd præclaram habeant divinæ legis cognitionem, aut quòd sint circumcisi; neque enim cognitionem legis quæpiam gratum facere Deo, sed obedientiam legi præstitam; circumcisionem autem infructuosam esse iis qui Dei mandata non observent (17—29).

γ. 1—3. Propter quod inexcusabilis es o homo omnis, qui judicas. In quo enim judicas alterum, teipsum condemnas : eadem enim agis quæ judicas. ² Scimus enim quoniam iudicium Dei est secundum veritatem in eos, qui talia agunt. ³ Existimas autem hoc o homo, qui judicas eos, qui talia agunt, et facis ea, quia tu effugies iudicium Dei?

γ. 1—3. Διὸ ἀναπολόγητος εἶ, ὃ ἀνθρώπε πᾶς ὁ κρίνων· ἐν ᾧ γὰρ κρίνεις τὸν ἕτερον, σεαυτὸν κατακρίνεις· τὰ γὰρ αὐτὰ πράσσεις ὁ κρίνων. ² Οἶδαμεν δὲ, ὅτι τὸ κρίμα τοῦ Θεοῦ ἐστὶ κατὰ ἀλήθειαν ἐπὶ τοὺς τὰ τοιαῦτα πράσσοντας. ³ Λογίζῃ δὲ τοῦτο, ὃ ἀνθρώπε ὁ κρίνων τοὺς τὰ τοιαῦτα πράσσοντας καὶ ποιῶν αὐτὰ, ὅτι σὺ ἐκφεύξῃ τὸ κρίμα τοῦ Θεοῦ;

Paraphrasis. Quare inexcusabilis es, o homo quisquis in Gentiles iudicium exerces, etiamsi sis Judæus! quibus nempe in rebus tu agis iudicem alterius, in hisce tu te ipse condemnas; nam eadem facis ipse tu qui judicas. Atqui novimus condemnatorium Dei iudicium ferri sine respectu personarum in eos qui talia faciunt. An verò tu opinaris hoc, o homo qui judicas talia facientes et ipse ea facis, quod tu effugies Dei iudicium?

VARIANS LECTIO.

a) Pro quæ judicas Codices Græci omnes exhibent qui judicas, nisi quod inter lectiones Valerianas occurrit etiam lectio ὁ κρίνων. Teste Estio (ad h. l.) etiam in nonnullis Latinis Codd. legitur qui judicas.

b) Pro δε est γαρ in Cod. C et nonnullis Minusculis; item apud CURVS. et in verss. Ital. Vulg. Copt. et Armen.

γ. 1 Propter quod inexcusabilis es, o homo omnis qui judicas). Pro propter quod Græce est διὸ h. e. δι' ὃ, quare (waarom) significatione relativa; refertur enim ad præcedentia (Cap. I. 32), et hoc quidem modo: implicitè dictum ibi fuerat, Gentiles criminum suorum excusationem non habere, quum eos minime lateret, ex pœnali Dei iudicio (το δίκαιωμα τοῦ Θεοῦ) æterna morte dignos esse qui talia crimina patrassent; hinc verò fit illatio ad Judæos in hunc sensum: quare i. e. quum inexcusabiles sint qui peccant contra legem divinam quam non ignorant, inexcusabilis es (ἀναπολόγητος εἶ), o homo quisquis in Gentiles iudicium exerces (etiāsi Judæus, etiāsi circumcisis) (πᾶς ὁ κρίνων). Quia nempe eo ipso quod iudicem agit, ostendit se non ignorare

legem, ad ejus normam alios dijudicat.—*Κρίνειν* simpliciter est *judicem agere*, *judicium ferre*; sed contexta oratio indicat eam vocem hic intelligendam esse de *ferendo judicium condemnatorium*; idem dictum puta de vocabulo *κριμα*. Vocativo *ὦ ἀνθρώπε* epexegeticè apponitur Nominativus *πᾶς ὁ κρίνων*.

Ea quæ hic et deinceps (1—17) dicuntur referenda esse ad Judæos, quamquam non nominatim exprimantur, vel ex eo patet quod continuato sermone Apostolus *hominem* (*ὦ ἀνθρώπε!*) quem alloquitur, versiculo decimo septimo *Judæum* vocat: *Si autem tu*, inquit, *Judæus cognominaris*, etc. Solenne erat Judæis Gentiles vocare impios et peccatores; hinc illa compellatio: *o homo quisquis agis judicem!*

In quo enim judicas alterum, te ipsum condemnas). Particula *γὰρ* in dictione *ἐν ᾧ γὰρ κρίνεις* non habet vii *ætiologicam* sed *explicativam*, ut valeat *nempe*, *scilicet*, sicut infra Cap. VII. 2 et Hebr. IX. 2.—*Εν ᾧ* est *in quo*, scil. negotio, *in qua re*, ut infra Cap. XIV. 22; et hanc formulæ *ἐν ᾧ* interpretationem postulat ea, quæ sequitur, *ætiologica sententia*: *eadem enim agis, qui judicas*. Sensus ergo est: *quibus nempe in rebus tu judicem agis alterius, in hisce tu teipsum condemnas*; nam ipsa ea (*τὰ γὰρ αὐτὰ*) *facis ipse tu qui judicas* (*ὁ κρίνων*). Est hic inter *κρίνεις* et *κατακρίνεις* elegans quædam *Paranomasia*, quam Belgicè sic reddideris: *te weten, waarin gy een ander oordeelt, daarin veroordeelt gy u zelven; want gy die oordeelt, doet dezelfde dingen*. Agis eadem, i. e. talia; confer γ. 3 et γ. 21—24.

γ. 2. *Scimus enim quoniam judicium Dei est secundum veritatem in eos qui talia agunt*). Græce est *οἶδαμεν δε*, *scimus autem*, vel *atqui scimus*. Sensus est: *atqui novimus, condemnatorium Dei judicium* (*το κριμα του Θεου*) *ferri secundum justitiam adeoque sine respectu personarum* (*κατὰ ἀληθειαν*) *contra* (*ἐπι*) *eos qui talia faciunt, qualia Gentiles*. Vide supra Cap. I. 24 sqq.

Κατὰ ἀληθειαν jungendum est cum *ἐστι ἐπι τοὺς* ad modum locutionis adverbialis.—*Judicium secundum veritatem* sive *verum* intelligitur *judicium justum*, tale, inquam, quod fertur *sine respectu personarum*, ut dicitur infra γ. 11, ubi Apostolus explicat quid intelligat *το κριμα του Θεου ειναι κατ' ἀληθειαν*. Hebraismus latere videtur in usu vocabuli *ἀληθεια* hoc loco. Certè vox *אמת*, *veritas*, ubi *judici* vel *judicio* tribuitur, est idem quod *justitia*, *integritas*; ut Ps. XIX. 20: *מִשְׁפָּטִי יְהוָה אֱמֶת צְדָקָה יְהוָה יִרְחֵם*: *h. e. Judicia Dei sunt veritas, justa sunt cuncta*.

γ. 3. *Existimas autem hoc o homo, qui judicas eos qui talia agunt, et facis ea, quia tu effugies judicium Dei*). Ratiocinium Apostoli hisce tribus versiculis contentum tale est: *Tu, o homo, talia agens, qualia in aliis condemnas, ipse tuo judicio damnabilem te esse fateris* (γ. 1); *atqui scimus condemnatorium Dei judicium sine respectu personarum ferri in eos qui talia agunt* (γ. 2). Ex his verò Præmissis concludendum erat ita: *ergo nec tu, quisquis sis, qui talia agis, Dei judicium effugies*. Apostolus autem non in hanc formam argumentationem suam concludit, sed per interrogationem hanc (γ. 3): *An vero tu opinaris hoc, o homo (o Judæe) qui judicas talia*

facientes et ipse ea facis, quod tu effugies iudicium Dei? Hæc verò interrogatio cum sensum habeat *negativum*, conclusio eòdem recidit ac si dixisset: *ergo nec tu, quisquis sis, qui talia agis, Dei iudicium effugies.* Sed illâ orationis formâ Apostolus uti maluit ad taxandam vanam illam opinionem, qua Judæi passim sibi tamquam ABRAHÆ filiis impunitatem promittebant. Cf. Matth. Cap. III. 7—9, et WETSTENIUM ad h. l. Notum est illud Mishnicum (Tract. Sanhedrin. Cap. XI.: כל ישראל יש להם חלק לעולם הבא h. e. *cuiuslibet Israelitæ pars est in futuro sæculo.* Judæi (quod notat FRITSCHÉ ad h. l.) se ut Abrahami posteros, Deo adeò caros esse putabant, ut ne improbis quidem Israëlitis gehennæ tormenta metuenda opinarentur, sed omnibus promiscue vitæ æternæ beatitatem destinarent; eâ enim lenitate Deum Israelitarum facinora puniturum esse, ut vitæ æternæ jacturam non paterentur. Cf. EISENMENGER *Entdecktes Judenthum.* Tom. 2. pag. 293.

γ. 4—8. An divitias bonitatis ejus, et patientiæ, et longanimitatis contemnis? ignoras^{a)} quoniam benignitas Dei ad pœnitentiam te adducit? ⁵ Secundum autem duritiam tuam, et impœnitens cor, thesaurizas tibi iram, in die iræ, et revelationis justi iudicii Dei, ⁶ qui reddet unicuique secundum opera ejus: ⁷ iis quidem, qui secundum patientiam boni operis, gloriam, et honorem et incorruptionem quærunt, vitam æternam: ⁸ iis autem, qui sunt ex contentione, et qui non acquiescunt veritati, credunt autem iniquitati, ira, et indignatio.

γ. 4—8. Ἡ τοῦ πλούτου τῆς χρηστότητος αὐτοῦ καὶ τῆς ἀνοχῆς καὶ τῆς μακροθυμίας καταφρονεῖς, ἀγνοῶν ὅτι τὸ χρηστὸν τοῦ Θεοῦ εἰς μετάνοιάν σε ἄγει; ⁵ Κατὰ δὲ τὴν σκληρότητά σου καὶ ἀμετανόητον καρδίαν, θησαυρίζεις σεαυτῷ ὀργὴν ἐν ἡμέρᾳ ὀργῆς καὶ ἀποκαλύψεως, καὶ ^{b)} δικαιοκρισίας τοῦ Θεοῦ, ⁶ ὃς ἀποδώσει ἐκάστῳ κατὰ τὰ ἔργα αὐτοῦ. ⁷ τοῖς μὲν κατ' ὑπομονὴν ἔργου ἀγαθοῦ δόξαν καὶ τιμὴν καὶ ἀφθαρσίαν ἐπιζητοῦσι, ζωὴν αἰώνιον. ⁸ τοῖς δὲ ἐξ ἐριθείας, καὶ ἀπειθοῦσι μὲν τῇ ἀληθείᾳ πειθομένοις δὲ τῇ ἀδικίᾳ, θυμὸς καὶ ὀργή.

Paraphrasis. Aut num forte illam benignitatem et patientiam et longanimitatem, quâ te adhuc fert Deus peccatorem, contemnis, et ignoras Deum te suâ illâ benignitate adducere ad resipiscen-
tiam? Tu verò, pro tua animi duritie et impœnitenti corde, coacervas tibi thesaurum iræ divinæ, in te effundendæ in die iræ, quo justum habiturus est iudicium Deus, qui rependet unicuique secundum opera ejus: et iis quidem qui constanti bonorum operum studio gloriam et honorem et immortalitatem quærebant, vitam reddet æternam; iis autem qui immorigeri erant, et, projectâ virtute, nequitiae mancipati, pœnam infliget atrocissimam.

VARIANS LECTIO.



a) Pro *ignoras* Græce est *ignorans* (αγνοων), quod et legitur in antiqua Itala; atque ita quoque hic nostrum interpretem vertisse, id quidem docent, teste Estio (ad h. l.) Codices Mss. probatiores. cf. etiam SABATIERIUM ad h. l.

b) Vocula καὶ non legitur in Codd. ABD*EG ut nec in nonnullis Minusculis; abest pariter a versionibus Itala, Syriaca, Vulgata, aliisque. TISCHENDORFIUS voculam καὶ in textum non recepit.

γ. 4—5. *An divitias bonitatis ejus et patientiæ et longanimitatis contemnis*). etc. Ponit Apostolus, Judæos forte ob procrastinationem pœnæ spem fovere impunitatis; sed et hanc inanem fiduciam aufert; docetque divini judicii tarditatem procedere a bonitate Dei, qui peccatoribus dat spatium pœnitentiæ pœnamque ad tempus differt, aliquando tamen judicii illam tarditatem supplicii gravitate compensaturus.

Interrogativa Particula ἤ hic eam habet vim ut ponat casum diversum a præcedente, valeatque *aut num forte*, ut 1 Cor. IX. 6. 8. Cf. HARTUNG 2 Th. p. 61.—*Ἡ χρηστοτης* intelligitur Dei *bonitas* non qua sibi, sed quâ nobis bonus est, et hic quidem ea vox adhibita est de *benignitate* Dei ad parcendum peccatoribus potius parati, quam ad eos puniendos; secundum illud Ezechielis Cap. XXXIII. 11.: *Dic ad eos: Vivo ego, dicit Dominus Deus: nolo mortem impii, sed ut convertatur impius a via sua, et vivat. Ανεχεσθαι* de iis dicitur, qui *seipsos* cohibent, quo minus indignantur aut ulciscantur. Itaque *ανοχη του Θεου* sita est in tolerandis, nec statim ulciscendis peccatis. Cf. TITTMANN *de Synonymis in N. T.* p. 194. Vocabula *ανοχη* et *μακροθυμια* synonyma sunt, aut, si mavis, non aliter differunt quam Belgica *geduld* et *langmoedigheid*. Aequipollentium illa verborum coacervatio ad extollendam Dei benignitatem facit. Hanc benignitatem *interpretativè* contemnunt, qui illa abutuntur ad impœnitentiam; quod quidem hic Apostolus Judæis exprobrat.

Ignoras quoniam benignitas Dei ad pœnitentiam te adducit?) Sensus est: *num ignoras Deum te, sua illa benignitate, quantum in se est, ducere ad pœnitendum?* quæcumque hoc versiculo dicuntur, increpantis sunt sermo, cui subjicitur (γ. 5) vehemens objurgatio, quæ metum supplicii incutit. *Το χρηστον* est Adjectivum Neutrius Generis quod Substantive sumitur, idemque valet quod *ἡ χρηστοτης*, cum qua voce hic permutatur. *Αγει*, *ducit*, illa benignitas quantum in se est, atque etiam *perducat* ad pœnitentiam, modo ductum ejus sequi velint peccatores.

Ex præsentī loco Apostoli rectissime conficitur peccatores etiam obduratos non penitens destitui sufficientis interioris gratiæ auxilio, quo possint, si velint, a peccatis resipiscere. Quod ipsum quoque docet B. STEPHANI illa Judæorum objurgatio (Act. VII. 51): *Dura cervice*, aiebat ad eos, *et incircumcisis cordibus et auribus*, vel ut Græce est,

duri cervicibus et corde auribusque incircumcisi, vos semper Spiritui sancto resistitis ¹⁾. Atqui opus Spiritûs sancti est intûs commonere. Quare vehementer hic improbo Estum hæc verba Apostoli ita interpretantem, ut ullam conferri obduratis gratiam interiorem neget. » Notandum est, inquit, benignitate, patientia, et longanimitate Dei vocari peccatores ad pœnitentiam, sed communi et generali vocationis modo, qui consistit tum in externis beneficiis, quæ plurima præstita fuerant populo Judaico, ut hæc præcipua, lex, doctrina, prophetæ, Messias promissus atque exhibitus, tum quantum ad omnes, in obvia Dei cognitione ex creaturis, de qua capite præcedenti: Deus enim illis manifestavit; denique in lege naturæ omnium animis impressa, de qua post paululum. Verum toto hoc vocationis genere, nisi specialis et efficax accedat vocatio, homines abutuntur, etiam ad magis peccandum. Quare nihil hic locus adjuvat eos qui sentiunt, omnibus hominibus gratiam a Deo dari vel offerri sufficientem. »

γ. 5. secundum autem duritiam tuam et impœnitens cor, thesaurizas tibi iram in die iræ). Præcedentis versiculi pars posterior continebat sententiam hanc: benignitas Dei ad pœnitendum te inducit; huic verò sententiæ per antitheticam Particulam δε opponitur ista: tu vero cū Dei benignitate minime emollitus ad pœnitentiam et in peccatis tuis obdurescens, neglecto thesauro illo divinæ bonitatis (ὁ πλοῦτος τῆς χρηστοτητῆς γ. 4), thesaurum divinæ iræ tibi coacervas (Θησαυρίζεις σεαυτῷ οργήν) in die iræ, etc.

Κατά (Vulg. secundum) tropicè hic dicitur de ratione quæ est inter causam et quod inde consequitur. Conferri potest Nostratium naar, volgens, et in gevolge van. Hoc sensu Præpositio κατὰ legitur quoque Ephes. I. 5. 7. Tit. III. 5 et I Petri I. 3; eodemque sensu nonnunquam commutatur cum Dativo instrumenti, ut v. g. in hoc ARRIANI (apud WIN. § 53.): Κατ' ἐχθρός το Πωρου μάλλον ἢ φιλικῶς τῇ Αλεξανδρου. Vox σκληροτης quæ hoc tantum loco legitur, significatione non differt a voce σκληροκαρδία, quæ occurrit apud Matthæum Cap. XIX. 8.—Σκληροτης, durities, tropice hic dicitur de iis quorum animus, ut res duræ non cedunt ad tactum, ita flecti se non patitur ad pœnitentiam. Respondet vox σκληροτης in hac significatione Hebraico עָקָר in versione septuaginta-virali Deuteron. IX. 27.: Μη ἐπιβλεψῆς ἐπὶ τὴν σκληροτητα τοῦ λαοῦ. Quod sequitur, καρδία ἀμετανοήτος, est cor impœnitens; quod emendationem respuit; scilicet vox ἀμετανοήτος sumenda est activo sensu, quo sensu occurrunt non raro verbalia in τὸς exeuntia, quamquam communiter Passive significant. Cf. MATTHIA Gramm. § 220, et KÜHNER § 90 Anmerk. 2.

Notandum est peccatori hic a Paulo culpæ verti, quod habeat cor durum et impœnitens; nam docet supplicium tandem irrogandum esse obstinato in peccatis. Ex quo jam in antecessum intelligitur, non posse verba Apostoli (infra Cap. IX. 18): Deus quem

(1) Confer quæ ad h. l. notavimus in Commentario nostro in Actus Apostolorum. T. 1. pag. 151. sqq.

cult indurat, in eum sensum accipi, ut significant Deum suâ ipsius actione eam in peccatoribus operari cordis duritiem.

iram in die iræ, et revelationis justi judicii Dei). Græcè dicitur non *eis* ἡμεραν οργης sed *εν* ἡμερα οργης. Itaque non est vertendum *in diem* (*voor den dag*) sed *in die*, quasi dicas, *thesaurizas tibi iram effundendam in die iræ*.—Dies iræ (יום-הדין יהיה) Sophoniæ II. 2; יום-הדין Ezechiel. XXII. 24) intelligitur dies extremi judicii. Vox αποκαλυψις hic notat, non patefactionem quâ absconditæ rei scientia innotescat, sed eam manifestationem, qua idipsum, quod adhuc absconditum erat, jam *reapse* fiat aut exhibeatur. Videsis quæ de hujus vocis notione observavimus suprâ ad Cap. I. 17. p. 24. Itaque *revelatio justi judicii* (δικαιοκρισίας) *Dei* est ipsa illius δικαιοκρισίας sive *justi illius judicii exhibitio*. Ceterum *dies iræ*, ad rem quod attinet, non differt a *die exhibitionis justi judicii*, nisi quod prior locutio ad *malos* tantum refertur, posterior verò tam ad bonos quam ad malos.

γ. 6. *qui reddet unicuique secundum opera ejus*). In justo illo Dei judicio fiet id, quod justitiæ ratio postulat: erit ibi retributio *diversa*, prout quisque vel bona vel mala egerit; malis mala, bonis bona reddentur; quam retributionis diversitatem Apostolus sequentibus versiculis (7—11) distinctius exponit. Quod autem dicit *unicuique*, sumendum id est tamquam dictum de hominibus omnino omnibus, nemine excepto. Itaque et Gentiles complectitur et Judæos, et eos denique qui ex utrisque facti fuerant Christiani; nec de suis tantum coætaneis loquitur, sed et de cujuscumque ætatis hominibus; ut adeò illa sententia sit omni modo universalis; neque enim ulla adest causa, cur aliquo modo limitetur.

γ. 7—11. Quod superiore versiculo Apostolus *generatim* dixerat, *reddet unicuique secundum opera ejus*, illud deinceps *speciatim* exponit; atque ita quidem ut versiculis septimo et octavo explicet quod dixerat, *reddet secundum opera*, versiculis verò nono et decimo definiat quid sit *unicuique reddet*.

γ. 7. *uis quidem, qui secundum patientiam boni operis, gloriam et honorem et incorruptionem quærent, vitam æternam*). Ad Syntaxin verborum quod attinet, notandum est, 1° Accusativum ζων αιωνιον pendere a verbo αποδωσει, quod ex præcedenti versiculo sumendum est; 2° locutionem καθ' ὑπομονην εργου αγαθου sumendam esse ad modum Adverbii, quod afficiat dictionem τοις ζητουσι δοξαν και τιμην και αφθαρσιαν. Ergo voces καθ' ὑπομονην εργου αγαθου modum expriment quærendi gloriam et honorem, etc. Locutio autem καθ' ὑπομονην εργου αγαθου, si sensum spectes, tantundem valet ac si tu dicas *constanter bene operando*. Scilicet Præpositio κατα cum Accusativo structa, sicut et de norma dicitur *secundum quam* quid fit, ita quoque adhibetur de via ac modo quo quid fit. Itaque locutionem καθ' ὑπομονην εργου αγαθου hoc loco recte reddideris *constanti bonorum operum studio*. Vox ὑπομονη animi constantiam notat, ut Hebr. X. 36. Luc. XXI. 19. coll. Matth. XXIV. 13. Εργου αγαθου autem, Singularis Collectivus, est Genitivus

Objecti ad quod refertur illa *ὑπομονη*. Similis Genitivus *Objecti* est (1. Thess. 1—3) in dictione *ἡ ὑπομονη της ελπίδος*.

Gloria, *honor*, et *incorruptio* (h. e. immortalitas), bona sunt alterius vitæ; quæ bona confert *status vitæ æternæ* (*ζωη αιωνιος*), quam, tamquam bonorum operum *mercedem* (*αποδωσει*) Deus aliquando redditurus est.

Sensus ergò patet: gloriam, honorem, et immortalitatem constanti bonorum operum studio quærentibus Deus reddet vitam æternam.

γ. 8. *iis autem qui sunt ex contentione, et qui non acquiescunt veritati, credunt autem iniquitati, ira et indignatio*). Est hoc loco *oratio*, ut vocant, *variata*; nam quum dictum esset (γ. 7) *reddet vitam æternam*, dicendum quoque erat *iram et indignationem*. Nunc, ut plena sit *oratio* octavo versiculo contenta, a fine supplendum est *εσται*, *erit*.

Τοις δε εξ εριθειας ellipticè dictum est pro *τοις δε εξ εριθειας ουσιν*, sicut Joh. XVIII. 37 plenè scribitur *ὁ ὢν ἐκ της αληθειας*. In qua loquendi ratione Præpositio *εξ* metaphorice dicitur *de eo*, *cujus quis aut quid est*, vel *ad quem aut ad quid* veluti *pertinet*; et inservit ea dicendi formula *ad exprimendam* rei aut personæ cujuspiam *qualitatem*. Sic, ut hoc utar, infra Cap. III. 26 *ὁ ἐκ πιστεως* tantumdem est ac *ὁ πιστευων*.

A verbo *επιθεωω* ¹⁾ derivata vox *εριθεια* in Græcitate classica ferè sumebatur de *vitiosa ambitione, contentione, æmulatione* ²⁾. Atque hæc ejus vocabuli significatio recte quadrat ad loca Novi Testamenti omnia (2 Cor. XII. 20; Gal. V. 20; Philipp. I. 17. II. 13; Jacob. III. 14. 16), in quibus vox *εριθεια* occurrit; excepto tamen præsentī loco Epistolæ ad Romanos, ubi *εριθεια* istiusmodi notionem recipere nequit; quod quidem ex contexta oratione patet. Itaque alia hoc loco notio subjicienda est voci *εριθεια*. Rectissime hoc jam sensit Syrus quoque interpres; nam ut in ceteris locis vocem *εριθεια* constanter reddit per vocem *مُتَنَبِّهٌ* quæ *contentionem, altercationem* notat, ita hoc loco dictionem *οἱ ἐξ εριθειας* vertit *مُتَنَبِّهٌ؟* h. e. *illi qui sunt rebellantes (refractarii)* ³⁾. Sciendum autem est in versione Septuaginta-virali Verbum *ερεθιζειν* respondere Hebraico *מַרְבֵּז* quod de *rebellando* aut *refractariè se gerendo* adhibetur; vide Deuteron. XXI. 18. 20. XXXI. 27. Itaque conjecerim vocem *εριθεια* referendam esse ad eamdem radicem, a qua provenit Verbum *ερεθιζειν*, cujus etymon me latet. Vox *εριθεια* ergo, secundum notionem verbo *ερεθιζειν* subjectam, significet *rebellionem*,

(1) *Επιθεωω* verbum Denominativum ab *ὁ, ἡ, ἐπι-θος*, *mercenarius, mercenaria*, significat *mercenarius sum, pro mercede facio*, et improprie adhibetur *de candidatis qui ambitum exercent, et de factiosis*. Vox vero *επιθος* unde derivata sit, adhuc nescitur.

(2) Exempla collegit FRITZSCHE in suo *Excursu* ad 1 Rom. II. 8. p. 147. sq.

(3) Hanc notionem a Syro interprete subjectam fuisse Verbo *مُتَنَبِّهٌ* constat ex Tit. II. 9 et Ep. Jud. γ. 11.

et οἱ ἐξ ἐριθείας sint rebelles, refractarii, ut jam Syrus interpres hoc loco eam vocem intellexit.

Quæ sequuntur verba, καὶ ἀπειθουσι μὲν τῇ ἀληθείᾳ, πειθομενοῖς δὲ τῇ ἀδικίᾳ, distinctius dicunt quales intelligantur ii, qui modò dicti fuerant οἱ ἐξ ἐριθείας. Itaque Particula καὶ hoc loco vim habet non conjunctivam sed epxegeticam. Est in verbis illis elegans quædam Paranomasia, quam Latine sic utcumque reddideris: scilicet (καὶ) veritati quidem non obtemperantibus, obtemperantibus autem iniquitati; ubi per Prosopopœiam quamdam ἡ ἀληθεια et ἡ ἀδικία tamquam personæ exhibentur. Ἡ ἀληθεια ibi opponitur τῇ ἀδικίᾳ; nec dicitur non credentibus veritati, sed non obtemperantibus veritati; ex quibus conficitur, veritatem hoc loco intelligi legem religiosam atque moralem, quæ sit homini rectè agendi norma, et a qua si deflectat, obtemperet iniquitati (τῇ ἀδικίᾳ). Vox ἀληθεια hoc sensu legitur Joh. III. 19. 20: Omnis qui MALE AGIT, ait Salvator, odit lucem, et non venit ad lucem, ut non arguantur opera ejus; qui autem facit VERITATEM, venit ad lucem, etc. Ita quoque Paulus (I Cor. XIII. 6): non gaudet, inquit, super INIQUITATE, congaudet autem VERITATI. Ista notio vocis ἀληθεια subiecta, repetenda est ex usu loquendi Hebræorum, qui vocem אֱמֶת hoc sensu adhibebant. Exemplo sit illud Ezechielis Cap. XVIII. 5. 9: וְאִישׁ כִּי בְהִקְוֵתִי יִהְיֶה וּמִשְׁפָּטִי שָׁמַר. Vulgata: Et vir si... in præceptis meis ambulaverit, et judicia mea custodierit ut faciat veritatem, hic justus est.

ira et indignatio). Græcè θυμός καὶ ὀργή, quibus vocabulis per Metonymiam causæ pro effectu anthropopaticè exprimitur pœna gravissima infligenda τοῖς ἀπειθουσι μὲν τῇ ἀληθείᾳ, πειθομενοῖς δὲ τῇ ἀδικίᾳ, hoc est, improbis, ut supra diximus.

γ. 9—12. Tribulatio, et angustia in omnem animam hominis operantis malum, Judæi primum, et Græci: 10 gloria autem, et honor, et pax omni operanti bonum, Judæo primum, et Græco: 11 non enim est acceptio personarum apud Deum.

γ. 9—12. Θλίψις καὶ στενοχωρία ἐπὶ πᾶσαν ψυχὴν ἀνθρώπου τοῦ κατεργαζομένου τὸ κακόν, Ἰουδαίου τε πρῶτον καὶ Ἕλληнос. 10 δόξα δὲ καὶ τιμὴ καὶ εἰρήνη παντὶ τῷ ἐργαζομένῳ τὸ ἀγαθόν, Ἰουδαίῳ τε πρῶτον καὶ Ἕλληνι. 11 Οὐ γὰρ ἐστὶ προσωποληψία παρὰ Θεῷ.

Paraphrasis. Tribulatio et animi angustia futura est homini cuicumque qui operabatur malum, tam Judæo quam Gentili; gloria vero, et honor et pax erit cuicumque qui bonum faciebat, sive Judæus fuerit sive Gentilis. Deus enim in judicando rationem non habet personarum, sed tantum attendit ad merita causæ uniuscujusque.

ψ. 9—10. Versiculis duobus præcedentibus Apostolus exposuerat *quas pœnas aut quæ præmia qualibus personis aliquando esset retributurus Deus*, justus judex. Idem hoc aliis verbis facit quoque hic (ψ. 9. 10.), sed ordine inverso, atque ita etiam, ut nunc præterea declaret, ad homines omninò omnes, nemine excepto, pertinere id quod de retribuenda aut pœna aut præmio dixerat.

Tribulatio et angustia in omnem animam hominis operantis malum). Supple *εσται*, erit, ut supra ψ. 8. Pro *tribulatio et angustia* Græce est *Ολιψις και στενοχωρια*, quorum vocabulorum posterius gravius quid notat, quam prius (Cf. 2 Cor. IV. 8); conjuncta autem sunt, ut videtur, ad *summam* exprimendam miseriam.—Quod ibi dicitur *πασα ψυχη ανθρωπου*, Hebraica loquendi ratio est (Cf. Levit. XXIV. 17 כָּל-נֶפֶשׁ אָדָם) quæ tantumdem valet ac *quicumque homo*, uti mox dicitur (ψ. 10) in præsentis loci parte antithetica (ψ. 10). — *Το κακον*, *malum*, vocat quidquid divinæ legi quomodocumque cognitæ adversatur. Cf. ψ. 12—16.

gloria autem, et honor, et pax omni operanti bonum). Quibusdam veluti lineamentis hic adumbratur illa *ζωη αιωνιος*, quam modo (ψ. 7) dixerat retributum iri bene operantibus. *Το αγαθον*, *bonum morale*; quod quidem *quale* hic intelligendum sit, dicetur infra ad ψ. 13.—*Κατεργαζομενου* est Participium Temporis Imperfecti: *qui operabatur*; nam præcedens Futurum *αποδωσει* hanc temporum consecutionem postulat. Proinde pro Participiis Imperfecti habenda quoque sunt Participia quæ præcesserunt, *ζητουσι*, inquam, *απειθουσιν*, et *πειθομενοις*.

Judæo primùm, et Græco.) Græce: *Ιουδαιω τε πρωτον και Ἑλληνι*. Ter sic dixit Apostolus, bis hoc loco (ψ. 9. 10), et semel suprâ, Cap. 1. ψ. 16; eâque loquendi ratione totam hominum universitatem bipartitò distribuit, in Judæos nempe, et Græcos sive Gentiles. Cf. ψ. 14, et Cap. III. 29. Vox *πρωτον* ibi neque *ad tempus* referenda est, neque ad *præstantiam* quamdam quam præ Gentilibus haberent Judæi; sed per illam formulam *πρωτον τε—και* simpliciter fit enumeratio partium, in quâ Apostolus Judæos, suos videlicet populares, honoris causâ priori loco collocat. Confer Gallicum *au Juif d'abord; et (ensuite) au Grec*.

ψ. 11. *Non enim est acceptio personarum apud Deum*). Rationem reddit Apostolus superioris (ψ. 9. 10.) sententiæ. Ratio autem est, quia Deus in judicando non respicit personam judicandam, v. g. Gentilis-ne sit an Judæus; sed tantum attendit ad merita causa uniuscujusque: nec Judæo malè operato parciturus est, quia Judæus sit; nec hominem Gentilem, quia Gentilis sit, præmio defraudabit, si is benè fuerit operatus.

Acceptio personarum Græcè unâ voce dicitur *προσωποληψια*. Dictio *προσωπον λαμβανειν*, ut alibi jam docuimus, sensum refert Latinæ locutionis *rationem habere personæ cujuspiam*. Nec est proprie Græca illa dictio, sed Hebraica; refert enim notum illud פָּנֵי פֶּה *excepit faciem cujuspiam*, quando hoc *in malam partem* dicitur de eo qui temere *favet alicui*, aut *partium studio* ducitur, ut Job. XIII. 10. Ex dictione

autem *προσωπον λαμβανειν* efficta sunt Verbum *προσωποληπτεω* (Jacob. II. 9), et Adjectivum Nomen *προσωποληπτης* (Act. X. 34), et Substantivum *προσωποληψια*, quod in præsenti loco legitur.

γ. 12—16. Quicumque enim sine lege peccaverunt, sine lege ^{a)} peribunt: et quicumque in lege peccaverunt, per legem judicabuntur: ¹³ Non enim auditores legis justi sunt apud Deum, sed factores legis justificabuntur. ¹⁴ Cum enim Gentes, quæ legem non habent, naturaliter ea, quæ legis sunt, faciunt, ejusmodi legem non habentes, ipsi sibi sunt lex: ¹⁵ qui ostendunt opus legis scriptum in cordibus suis, testimonium reddente illis ^{c)} conscientia ipsorum, et inter se invicem cogitationibus accusantibus aut etiam defendentibus, ¹⁶ in die, cum judicabit Deus occulta hominum, secundum evangelium meum per Jesum Christum.

γ. 12—16. Ὅσοι γὰρ ἀνόμως ἥμαρτον, ἀνόμως καὶ ἀπολοῦνται· καὶ ὅσοι ἐν νόμῳ ἥμαρτον, διὰ νόμου κριθήσονται. ¹³ οὐ γὰρ οἱ ἀκροαταὶ τοῦ νόμου δίκαιοι παρὰ τῷ Θεῷ, ἀλλ' οἱ ποιηταὶ τοῦ νόμου ^{b)} δικαιοῦνται. ¹⁴ ὅταν γὰρ ἔθνη τὰ μὴ νόμον ἔχοντα, φύσει τὰ τοῦ νόμου ποιῇ, οὗτοι νόμον μὴ ἔχοντες, ἑαυτοῖς εἰσὶ νόμος. ¹⁵ οἳ τινες ἐνδείκνυνται τὸ ἔργον τοῦ νόμου γραπτὸν ἐν ταῖς καρδίαις αὐτῶν, συμμαρτυροῦσης αὐτῶν τῆς συνειδήσεως καὶ μεταξὺ ἀλλήλων τῶν λογισμῶν κατηγοροῦντων ἢ καὶ ἀπολογουμένων. ¹⁶ ἐν ἡμέρᾳ ὅτε κρινεῖ ὁ Θεὸς τὰ κρυπτὰ τῶν ἀνθρώπων, κατὰ τὸ εὐαγγέλιόν μου, διὰ Ἰησοῦ Χριστοῦ.

Paraphrasis. Quotquot, inquam, scriptâ lege carentes peccaverunt, hi peribunt quoque sine scriptæ legis accusatione; et quotquot legem scriptam habentes peccaverunt, per eam legem condemnabuntur. Non ii, inquam, qui cognitionem scriptæ legis habuerunt, ob id ipsum a Deo declarabuntur justi præmioque ab eo donabuntur; sed qui ea quæ scripta lex jubet, opere præstiterint, quicumque tandem sint, sive Judæi, sive Gentiles, illi demum censebuntur præmio digni (quando nempe Gentiles, scriptam legem sicut Judæi non habentes, naturâ magistrâ faciunt ea opera quæ lex mosaica præcipit, tunc istiusmodi homines illius legis expertes, ipsimet sibi illius legis vicem supplent; quippe qui eo ipso quod illa opera faciunt, factis ostendunt, esse mandata ejus legis animis ipsorum inscripta, contestantibus illud unâ cum externo opere, ipsorum quoque conscientia et cogitationibus inter se eos accusantibus aut etiam defendentibus) die illo quo per JESUM CHRISTUM, sicut docere soleo, Deus dijudicaturus est ea quæ latentia sunt in homine.

VARIANS LECTIO.

a) Græce legitur *et peribunt*, και απολουνται.

b) Νομου, quod bis hoc versiculo occurrit, bis quoque absque Articulo legitur in Codd. ABD*G, et nonnullis Minusculis. Codex E uno loco Articulum habet, altero non habet.

c) Vox illis, quæ in Vulgata post reddente legitur, a Græcis Codicibus abest.

ψ. 12—13. Confirmat (γαρ) his versiculis Apostolus id quod modò dixerat (ψ. 11), *non est acceptio personarum apud Deum*. Et confirmatio hæc in eo sita est, quod discretis verbis docet, omnes, quicumque demum sint, si modò peccatores exstiterint, æqualiter esse perituros; si contrà probi, æqualiter esse beandos. Constat ergo ea confirmatio duabus partibus, quarum prior quidem continetur ψ. 12, posterior vero ψ. 13; utraque pars per Particulam γαρ confirmantis æqualiter nectitur cum sententia illa (ψ. 11): *non est acceptio personarum apud Deum*. Nec Gentiles nec Judæos hic jam *nominatim* designat Apostolus, sed utrosque tamen in mente habet.

Quicumque enim sine lege peccaverunt, sine lege peribunt.) Pro *sine lege* Græce est utroque loco adverbium ανομως, quod Noster scitè reddidit *sine lege*, puta, *sine lege Mosaica*. Sensus est: quotquot (όσοι) scriptæ lege carentes peccarunt, peribunt quoque (και απολουνται) sine scriptæ legis accusatione; nimirum damnabuntur examinati ad dictamen legis naturalis, quæ, utpote animis eorum insculpta, scriptæ legis, ut dicitur infra (ψ. 14—15), vicem ipsis supplet. — Et hæc quidem, ut patet, de Gentilibus dicta sunt; ad Judæos vero pertinent quæ statim sequuntur.

et quicumque in lege peccaverunt, per legem judicabuntur), Sensus est: et quotquot (όσοι) legem scriptam habentes peccaverunt, per eam legem judicabuntur, hoc est, ad ejus legis normam examinati ejusdemque violatores reperti damnabuntur, pœnamque statutam luent.—Illud εν νομῳ non est ellipticè dictum pro εν νομῳ οντες. Præpositio εν ibi adhibetur de statu aut conditione, in qua quis versatur faciens aliquid, et δια de instrumento per quod quid efficitur. Vox κριθησονται est quidem reddenda judicabuntur, verùm, ob antitheticum απολουνται, cogitandum est iudicium condemnatorium.

non enim auditores legis justi sunt apud Deum, sed factores legis justificabuntur). Superioribus verbis (ψ. 12.) firmaverat, Deum æqualiter puniturum esse improbos quoscumque; hic jam firmat, eum æqualiter quoque remuneraturum esse

quoscumque probos ¹⁾. Ita verò hoc facit, ut unà obliquè reprehendat Judæos de lege divinitus sibi data malè gloriantes, quum eam violarent. — Sensum hujus partis hic verbis expresserim: *Scilicet, non ii qui cognitionem scriptæ legis habuerunt, ob id ipsum justi a Deo declarabuntur præmioque ab eo donabuntur; sed illi demùm præmio digni censebuntur, qui ea, quæ scripta lex jubet, opere præstiterint, quicumque tandem sint sive Judæi, sive Gentiles.* Quæri hic poterat ab Apostolo, quo tandem modo Gentiles observassent legem, quam tamen non cognovissent. Huic vero tacitæ objectioni respondet per verba sequentia: *Cum enim Gentes, etc.*, ubi Particula *enim* non *rationem reddit sententiæ antecedentis*, sed est Particula *explicantis* antecedentem sententiam, adeòque reddenda *videlicet, scilicet.* Dicturus ergo est Apostolus, Gentiles naturâ duce atque magistrâ scire quæ sint facienda et quæ vitanda, illudque naturale rationis dictamen illis scriptæ legis moralis loco esse, adeoque *factores* legis esse posse, quamvis *auditores* non fuerint.

Ἀκροαται, auditores. Solebat in Synagogis singulis sabbatis Pentateuchi pars aliqua prælegi, *audiente* populo (Cf. Act. XV. 21), qui eo modo assiduè legem edocebatur; hinc verò petita est illa loquendi ratio, qua Paulus Mosaicæ legis gnaros vocat *legis auditores*. Eodem sensu sanctus JACOBUS dixit (Cap. 1. 22): *Estote autem factores verbi, et non auditores tantum.* *Ποιητῆς νομου* Græcis est *legis conditor, legis lator*; sed hic *ποιητῆς* significat eum, qui legem facit, id est, observat. Scilicet locutio *ποιητῆς νομου* hebraizat; confer 2 Paralip. XIV. 3., ubi dicitur *הַיָּהוָה יָצַק* h. e. *facere legem de observando legem.*

Ad voces *δίκαιοι παρὰ τῷ Θεῷ* mente addendum est *εἰσονται, erunt*; nam in contexta oratione præcesserunt verba Temporis Futuri (*απολούνται* et *κρίθησονται*), et per verbum Futuri Temporis (*δικαιωθήσονται*) enunciatur quoque pars affirmativa præsentis effati. Quare Interpres noster non satis recte scripsit *justi sunt apud Deum*. Porro antithetica ratio istius effati (γ. 13) dubitare non sinit, quin eodem sensu ibi sumenda sint verba *δίκαιοι (εἰσονται) παρὰ τῷ Θεῷ* et illud *δικαιωθήσονται*. Præterea moneo, contextam integri hujus loci (6—14) orationem docere, illud *ποι-*

(1) Recte Card. TOLETUS (adh. l.): «Cum Paulus, inquit, duo proposuerit, nempe, *Gloria et honor operanti bonum, Judæo primum et Græco; et tribulatio et angustia omni operanti malum, Judæo primum et Græco*; oportebat utramque probare partem. Et posteriorem quidem probaverat verbis præcedentibus (*qui sine lege peccaverunt, sine lege peribunt; qui in lege peccaverunt, per legem judicabuntur*) ut malos Judæos et Græcos comprehenderet. Oportebat igitur alteram partem de bonis confirmare, hoc autem facit, dicens: *factores legis justificabuntur et pronuntiabuntur a Deo justi et digni mercede*; factores, non auditores Dum dicit factores,

etiamsi non fuerint auditores, et Gentes et Judæos comprehendit.... Quod si ad Judæos (tantum) hæc verba referantur, tunc manet imperfectus contextus Paulinus; nam præcipua pars *de operantibus bonum*, manet sine explicatione et probatione sua. Adde, si ad solos Judæos hæc pertinerent, dicendum erat, *non auditores tantum sed simul factores*, nempe qui audierint et servaverint legem. At dum excluduntur auditores, quod proprium est Judæo, et exprimuntur factores, quod commune est Judæo et Græco, hæc verba utrique esse communia manifestum est, et huic expositioni consonant sequentia,»

ἡται του νομου δικαιοθῆσονται (*factores legis justificabuntur*), ad sensum quod attinet, diversum non esse ab eo quod suprâ (ϣ. 7) dixerat Apostolus: *iis qui secundum patientiam boni operis, Deus reddet vitam aternam*. Ex quo consequitur sermonem hic esse de ea justificatione, qua quis in extremo iudicio a Deo iudice *justificatur*, id est *justus pronuntiatur*, eoque ipso æternæ vitæ præmio donatur. Ad hanc justificationem Apostolus respiciebat, cum ad TIMOTHEUM scriberet (2 Timoth. IV. 7. 8): *Bonum certamen certavi, cursum consummavi, fidem servavi. In reliquo reposita est mihi corona justitiæ, quam reddet mihi Dominus in illa die justus iudex*.

Probè hic notandum est, Apostolum, dum operibus mercedem tribuit æternam, tacitò sumere, præstita ea opera fuisse ab iis, sive Judæis, sive alterius nationis hominibus, qui essent justificati gratis per fidem ¹⁾ atque in statu gratiæ constituti, adjunctique divinæ gratiæ auxilio ea opera præstiterint. Nam istiusmodi demùm opera æternæ mercedis esse capacia, PAULI doctrina est; quam tamen hic non pandit, quia huic rei nunc non erat locus; nam hic significare volebat hoc solum, scilicet ad vitam æternam (ϣ. 7) obtinendam omninò requiri obtemperationem mandatis.

Firmatur ex præsentī quoque loco Apostoli illa Catholicæ Ecclesiæ doctrina, qua docet, justos bonis operibus mereri vitam æternam. « Quam doctrinam, ait TOLETUS (ad ϣ. 6), mirum in modum confirmant et roborant vanæ et futes adversantium hæreticorum responsiones. Ut enim in fide sola justitiam positam esse et mercedem ei soli debitam defendant, ad hoc testimonium (*qui reddet unicuique secundum opera ejus*) multipliciter respondent. »

« Primò quidem, aliqui illorum illud *ejus* ad Christum referunt: *Reddet unicuique secundum opera ejus, nempe CHRISTI et Dei ipsius, non hominis*. Sed apertè expositio hæc reprobatur; cum enim generalis sit sententia, bonos et malos complectens, ut ipsemet PAULUS statim exponit, necesse est secundum hanc interpretationem, mala opera etiam esse CHRISTI et Dei, quod impium est affirmare. Opera ergo hæc ad homines referuntur, quorum unicuique reddet Deus secundum opera ejus. »

« Secundò. Alii interpretantur sic: *Reddet unicuique secundum fidem, quæ per opera manifestatur*. Sed quam violenta sit hæc interpretatio nemo non videt; quam etiam verba sequentia non admittunt, in quibus non fidei distinctio, sed operum in bona et mala adfertur.

« Tertiò. Alii... illa verba sic explicant: *Reddet unicuique secundum opera sua, id est, post opera sua*. Perpende in quas angustias se conjiciunt, qui veritatem deserunt, et mendacium tuentur. Particula *secundum* nec in tota Scriptura, nec in ullo probato auctore, sicut nec Græca κατὰ, in ea umquam usurpatur significatione, ut significet *post*. Adde, repugnare contextui talem expositionem; nam PAULUS non ad tempus, sed ad qualitatem respexit operationum. *Reddet*, inquit, *secundum opera*, id est, qualia opera, talis erit redditio; id quod verba sequentia declarant. »

(1) Vide pag. 25 notam tertiam.

« *Quartò.* Alii admittunt, *secundum opera* reddi, et operum esse mercedem aliquam, sed non vitam æternam nec regnum cœleste, verùm alia bona spiritualia. Quorum expositionem PAULUS falsitatis convincit versu sequenti, ubi bene operantibus *vitam æternam reddi* declarat. ».

« *Quintò.* Alii nimium se urgeri sentientes, ad aliud ridiculum responsum confugiunt. Admittunt sensum eum esse, nempe redditurum *secundum opera*; sed dicunt neminem talem hominem reperiri, qui ea opera habeat ut vita æterna in mercedem pro eis detur; nec esse a PAULO hanc prolatam sententiam quasi velit aliquos homines esse qui ea habeant opera, sed ut ostendat fide solâ CHRISTI justitiam dari.— Quam expositionem refutare multis opus non est, cum contextus ipse totus eam confutet. Est enim sententia hæc (*reddet unicuique secundum opera ejus*) communis Gentibus et Judæis; et quamvis inter Gentes non reperirentur qui bene operati fuerint (quod tamen falsum est; nam multi inter eos justi fuerunt; JOB enim Gentilis fuit et justus; et CORNELIUS Gentilis erat et justus; Act. X.) tamen de Judæis negari non potest; et tamen etiam de his dicitur: *Reddet unicuique secundum opera ejus*. Adde, cum ista verba generalia sint et communia malis et bonis, sequeretur etiam nec esse homines qui mala opera facerent, propter quæ redderetur indignatio et vindicta. Responsiones hæc profectò apertè et palam ostendunt, talia respondentes se sentire verbis hisce convictos. »

Ex eodem hoc Apostoli loco rectissime probatur ea quoque doctrina Catholica, quam contra Hæreticos Tridentina Synodus Sess. 6 Cap. XI. stabilivit hisce verbis: « *Constat eos orthodoxæ religionis doctrinæ adversari... qui statuunt in omnibus operibus justos peccare, si in illis suam ipsorum socordiam excitando, et sese ad currendum in stadio cohortando, cum hoc, ut in primis glorificetur Deus, mercedem quoque intuentur æternam; cum scriptum sit* (Ps. 118): *Inclinavi cor meum ad faciendas justificationes propter retributionem; et de MOYSE dicat Apostolus* (Hebr. XI), *quod respiciebat in remunerationem.* » Ex quibus colligitur, etsi in bonis operibus præstandis Dei gloriam primo loco spectare nos oporteat, tamen pium et laudabile esse institutum, si æternæ quoque mercedis intuitu eadem a nobis exerceantur. Videsis de præsentī quæstione copiosè tractantem ANDREAM VEGAM *De Justificatione* Lib. XI. Cap. 39 — 42.

γ. 14—15. Cum enim Gentiles, *quæ legem non habent, ea quæ legis sunt faciunt*, etc.) Tacitæ, ut dixi, objectioni Apostolus hic (γ. 14—15) occurrit, explicando quomodo Gentiles, quamquam scriptam legem non habentes, tamen esse possint *ποιηταί του νομου*, legis factores. Ergo quod hic dicit Apostolus, *ea quæ legis sunt faciunt*, respicit hoc illud quod modò dixerat, *FACTORES legis justificabuntur*. Sunt autem duo versiculi isti (14 et 15) qui responsum continent ad tacitam illam objectionem, pro sententia parentheticâ habendi, ita ut voces (γ. 16) *in die cum judicabit Deus*, etc. proximè cohæreant cum verbis (γ. 13) *sed factores legis justificabuntur*. Similis parentheseos exemplum est in epistola ad Hebræos Cap. XII., ubi versiculus decimus nonus jungendus est cum vigesimo secundo, duo verò versiculi intermedii, vigesimus et vigesimus primus pro interposita sententia sunt habendi.

ψ. 14. ὅταν seq. Præs. Conjunctivi casum hic ponit, non qui possit accidere, sed qui identidem accidit; ὅταν sic legitur quoque Matth. XV. 2; Joan. VIII. 44; 1 Cor. III. 4. — Particula γὰρ hoc loco non reddit rationem sed est explicantis, ut adeò valeat nempe, scilicet, videlicet. — Ἐθνη intelliguntur Gentiles universe. Articulus abest, quemadmodum et infra Cap. III. 29; et abesse poterat; vide WIN. § 18. pag. 136. Verba τὰ μὴ νομον ἔχοντα emphaseos causâ adduntur; puta dictum: quando Gentiles, homines, inquam, qui legem Mosaicam non habent; nam vox νομος, quamquam scribitur absque Articulo, tamen definitè, i. e. de lege Mosaica sumenda est. Articulus autem abesse poterat; vide WIN. ibid. — Dativus φυσεὶ referendus est ad Dativum instrumenti quo: quasi dicas per naturam, i. e. naturâ duce atque magistrâ, non ope doctrinæ per scriptam legem divinam acquisitæ. Τὰ τοῦ νομοῦ (Vulg. ea, quæ legis sunt) sunt ea quæ MOSAICA lex vetat aut jubet. Quod hic dicitur ποιεῖν τὰ τοῦ νομοῦ, est hoc, ad sensum quod attinet, prorsus idem cum eo quod infrâ (ψ. 26) exprimitur per verba τὰ δικαιώματα τοῦ νομοῦ φυλάσσειν. Ceterum nemo non videt, legem Mosaicam in hac quæstione eatenus tantum respici, quatenus continet præcepta moralia; de Mosaicis, inquam; præceptis sive ritualibus sive judicialibus hoc loco non agitur. — Ἡοιῶν in Singulari, quamquam ejus Verbi Subjectum (ἐθνη) Pluralis Numeri est. Scilicet Classici Græciæ scriptores Neutris Pluralibus jungere solent Verba Pluralia, sed tantum ibi ubi de rebus inanimatis sermo est¹⁾. Quare in præsentī loco Grammatica accuratior postulasset ut scriberetur ποιῶσιν, quam lectionem reapse exhibent Codd. AB, Minusculi nonnulli, et aliquot Patres; eamque in textum recepit TISCHENDORFIUS; vereor ut rectè; nam lectio ποιῶν firmâ Codicum auctoritate nequaquam distituta est; et infrâ Cap. IX. 30, ubi nulla habetur lectionis varietas, eadem structura occurrit: ἐθνη, inquit ibi, τὰ μὴ διωκόντα δικαιώσυνην, κατέλαβεν δικαιώσυνην. — In οὗτοι μὴ ἔχοντες, quod refertur ad præcedens ἐθνη, notanda est constructio ad sensum; videlicet scribitur ἐθνη, sed cogitantur ἄνθρωποι. Idem dicito ψ. 15 de οἵτινες. In dictione οὗτοι μὴ νομον ἔχοντες Participium non attributi notionem continet, sed denotat qualitatem Subjecti; ut sensus sit isti (Mosaicæ) legis expertes. Ἐαυτοῖς εἰσι νομος, ipsi sibi sunt instar legis Mosaicæ; h. e. ipse eorum animus illis ea ipsa jubet aut vetat, quæ Mosaica lex moralis aut jubet aut vetat.

ψ. 15. Quod modo dixerat Apostolus, scilicet Gentiles ipsos sibi esse instar ejus legis, illud hic confirmat, ducto argumento tum ex ipso eo quod opere præstant ea quæ Mosaica lex moralis exigit; atque hoc sibi vult per illud ἐνδεικνύνται, ostendunt, quod adeò cum Emphasi legendum est; tum etiam ex testimonio conscientiae ipsorum, nunc accusantis eos, nunc defendentis. Quod scilicet testimonium non adeò intra hominem lateat, ut non identidem etiam foras se prodāt. — Οἵτινες hoc loco inservit reddendæ rationi,

(1) Attamen THUCYDIDES (I. 58.) scripsit: Τὰ τολῆ (legiones) τῶν Λακεδαιμονίων ὑπερχετο αὐτοῖς. Vide KÜHNER § 424. a.

valetque Latinorum *ut qui*, quippe *qui*, utpote *qui*, ut suprâ Cap. I. 25. *Ενδεικνυνται*, ostendunt, puta factis, ipsâque eorum ratione agendi. *Το εργον του νομου*, ea quæ lex Mosaica moralis aut jubet aut vetat. *Εργον* ibi Singularis collectivus est; *του νομου* est Genitivus Subjecti. Sic Sapientiæ Cap. II. 12 *ἀμαρτηματα νομου* sunt peccata, quæ Lex committi vetat. *Το εργον του νομου* sensu non differt ab eo quod dicitur suprâ γ. 14 *τα του νομου*, et infra γ. 26 *τα δικαιώματα του νομου*. — *Γραπτον* scil. *ειναι*. Non scribitur Participium *γεγραμμενον*, sed Adjectivum verbale *γραφτον*, quâ vocabuli formâ scriptura illa tamquam *stabile quid* exhibetur; Belgicè dixerim: *als die aantoonen dat de werken der wet op hunne harten GESCHREVEN STAAN*. Allusio fit ad *tabulas lapideas*, quibus insculpta fuit lex Decalogi: sic hominum animis inscripta præcepta moralia sunt digito Dei humanam condentis naturam. *Cor* hoc loco dicitur de *sede intellectus*, ex Hebræorum more loquendi qui vocem כֹּחַ hoc quoque sensu adhibere solebant. Vide supra p. 33.

Participia *συμμαρτυρουσης* et *κατηγορουντων η και απολογουμενων* Genitivi *absoluti* sunt. Horum Participiorum loco si Verba Finita ponere velis, dicas *idque* (scilicet mentibus eorum inscriptum esse opus Legis) *unâ testantur ipsorum conscientia cogitationesque inter se eos accusantes ubi malè egerint, aut etiam defendentes ubi rectè*. — Pro Verbo Simplici, *testimonium reddente*, quod in Vulgata hoc loco legitur, Græcè est Compositum *συμμαρτυρουσης*, h. e. *unâ, simul testimonium reddente*; quo significatur, ad testimonium illud, quo Gentiles vitâ et moribus ostendunt (*ενδεικνυνται*) se notitiam habere legis moralis, accedere *testimonium conscientie ipsorum* (*συμμαρτυρουσης αυτων της συνειδησεως*). Nimirum cognitæ legis testimonium reddit conscientia, quando hominem aut accusat aut defendit, quum hoc absque notitiâ legis fieri nequeat. *Conscientia et cogitationes accusantes aut defendentes pro unâ teste*, non verò pro duabus habendæ sunt. Nimirum ipsæ illæ *cogitationes* (*λογισμοι*) conscientie vox sunt qua testatur. Itaque Particula *και* post vocem *συνειδησεως* vim habet non tam *conjunctivam* quam *exegeticam* potius. Hinc vero etiam ratio peti potest cur Apostolus ibi verbum posuerit Numeri Singularis (*συμμαρτυρουσης*), quamquam Subjectum Verbi est Plurale, scilicet *conscientia et cogitationes*. Dictio *μεταξυ αλληλων* valet *inter se* (*entr'elles*), quo sensu sumenda est Matth. XVIII. 15: *ελεγξον αυτον μεταξυ σου και αυτου μονου*: Vulgata: *Corripe eum inter te et ipsum solum*. — Apostolus cum scripserit *συμμαρτυρουσης*, adeoque usus sit verbo Temporis non Futuri sed Præsentis, non licet ea quæ hic dicuntur jungere cum sequentibus istis: *in die cum judicabit Deus occulta hominum*, etc.

γ. 16. *in die cum judicabit Deus occulta hominum secundum Evangelium meum, per JESUM CHRISTUM*) Jungenda sunt hæc cum decimo tertio versiculo: *non enim auditores legis justi sunt apud Deum, sed factores legis justificabuntur*. — Extremi judicii diem Apostolus vocat *diem cum judicabit Deus occulta hominum*. Eâdem loquendi ratione usus dixit in primâ ad Corinthios (Cap. IV. 5): *Nolite ante tempus*

judicare, quoadusque veniat Dominus; qui et illuminabit abscondita tenebrarum, et manifestabit consilia cordium. Τα κρυπτα των ανθρωπων (occulta hominum) ea sunt quæ homines occulta habent, puta animi consilia. Cf. I Cor. IV. 5. Itaque των ανθρωπων Genitivus Subjecti est.— Evangelium suum vocat Apostolus prædicatam a se doctrinam, quam Christo revelante edoctus fuerat, ut scriptum est in epistola ad Galatas ¹⁾ — Verba ista, per Jesum Christum, jungenda sunt cum illis: in die cum judicabit Deus occulta hominum; ut adeò secundum Evangelium PAULI, Deus judicaturus sit homines per JESUM CHRISTUM hominem, qui constitutus est ab eo judex vivorum et mortuorum. Cf. Act. X. 42. 2 Cor. V. 10, et videsis quæ in hanc rem notavimus ad Act. XVII. 31. « Dicitur autem, inquit TOLETUS (ad h. l.), Deus judicare per CHRISTUM, quia Deus est judex invisibilis; per CHRISTUM autem, ut homo est, visibile judicium exercebit. Præterea, Deus est primus judex, CHRISTUS autem ut homo judex ex potestate communicata. Joan. V. 22: Pater non judicat quemquam, sed omne judicium dedit Filio. »

γ. 17—20. Si autem tu Judæus cognominaris, et requiescis in lege, et gloriaris in Deo, ¹⁸ et nosti voluntatem ejus, et probas utiliora, instructus per legem, ¹⁹ confidis teipsum esse ducem cæcorum, lumen eorum, qui in tenebris sunt, ²⁰ eruditorem insipientium, magistrum infantium, habentem formam scientiæ, et veritatis in lege.

γ. 17 — 20. Ἴδε ^{α)} σὺ Ἰουδαῖος ἐπονομάζῃ, καὶ ἐπαναπαύῃ τῷ νόμῳ, καὶ καυχᾶσαι ἐν Θεῷ, ¹⁸ καὶ γινώσκεις τὸ θέλημα, καὶ δοκιμάζεις τὰ διαφέροντα, κατηχούμενος ἐκ τοῦ νόμου. ¹⁹ πέποιθάς τε σεαυτὸν ὁδηγὸν εἶναι τυφλῶν, φῶς τῶν ἐν σκότει, ²⁰ παιδευτὴν ἀφρόνων, διδάσκαλον νηπίων, ἔχοντα τὴν μορφωσιν τῆς γνώσεως καὶ τῆς ἀληθείας ἐν τῷ νόμῳ.....

Paraphrasis. Quod si tu geris honorificum illud nomen ut Judæus appelleris, et tibi plaudis ob acceptam Legem, et gloriaris quod Deum habeas legislatorem, et agnoscis quæ sint facienda et quæ non facienda, quippe ex Lege continuo edoctus, et confidis te eum esse qui dux sit cæcorum, lumen eorum qui in tenebris versantur, magister stolidorum, institutor rudium, utpote in Lege veræ scientiæ typum habens. . . .

(1) Cap. 1. γ. II. 12: Notum enim vobis facio, fratres, Evangelium, quod evangelizatum est a me, quia non est secundum hominem: neque enim

ego ab homine accepi illud neque didici, sed per revelationem Jesu Christi.

VARIANS LECTIO.

•) Pro *δε* reponendum est *ε* *δε*, quam lectionem exhibent Codd. ABD*EK et nonnulli Minusculi, item antiquæ versiones, Itala, Vulgata, aliæque nonnullæ. Protasi, quæ versiculis decimoseptimo et tribus sequentibus continetur, sua deest Apodosis; quæ Anacluthia quum librarium offenderet, mendum suspicatus, pro *ε* *δε* legendum esse *δε* existimaverit. Itaque eo etiam titulo lectio *ε* *δε* commendatur, quod alterâ difficilior est.

γ. 17. *Si autem tu Judæus cognominaris*, etc.) Judæos non minus criminosos esse quam Gentiles, Apostolus supra (γ. 1) jam innuerat; sed hic (17—29) jam vehementius id facit, eosque gravissimorum criminum accusat. Ceterum hæc pars cum verbis proximè (γ. 13—16)¹⁾ præcedentibus (*non enim auditores legis justi sunt apud Deum, sed factores legis justificabuntur in die cum judicabit Deus*) ita cohæret, ut id quod ibi dictum est de Legis cognitione vanâ ubi desit Legi obtemperatio, transferat in Judæos, quos exhibet cognitione quidem Legis gloriabundos, maxima autem scelera admittentes. Transitioni inservit Particula *δε*.

γ. 17. *Si autem tu Judæus cognominaris*, etc.) Protasis sequentis compellationis continetur versiculis decimo septimo et tribus sequentibus; caret autem hæc Protasis suâ Apodosi; nam vigesimo primo versiculo (*qui ergo alium doces* etc.), nova inchoatur periodus, quæ vigesimo quarto versiculo absolvitur. In Protasi illa, quam dicebam, Apostolus in hanc sententiam Judæum compellat: *Quod si tu*, inquit, *geris honorificum illud nomen ut Judæus appelleris, et tibi plaudis ob acceptam Legem, et gloriaris quod Deum habeas legislatorem, et agnoscis quæ sint facienda et quæ non facienda, quippe ex Lege continuo edoctus; et confidis te eum esse qui dux sit cæcorum, lumen eorum qui in tenebris versantur, magister stolidorum, institutor rudium, utpote in Lege veræ scientiæ typum habens...* Hactenus compellatio Apostoli nihil continet reprehensionis, sed tantum affirmat Judæos ob Legem divinitus sibi datam pollere excellenti quâdam scientiâ vitæ rectè instituendæ. Et hoc quidem Protasis illa continet; cujus Apodosin si verbis expressisset Apostolus, dixisset, opinor, ad hunc modum: *scito, te ob Legis illam scientiam, qua polles, nequaquam probatum iri a Deo, si Legem non observes; neque enim auditores Legis justi erunt apud Deum, sed factores Legis justificabuntur*. Supressâ autem istiusmodi Apodosi, Apostolus, novâ inchoatâ periodo, eos arguit quod minime sint *factores Legis*, et per varias antitheses ostendit quantopere doctrina eorum a vita discrepet.

(1) Versiculos decimum quartum et sequentem tertium esse jungendum cum decimo sexto, suprâ pro sententia interpositâ habendos esse, et decimum jam monuimus.

Judæus (*Ιουδαίος*, יְהוּדִי), nomen Gentilitium, est a *Juda* יְהוּדָה, quarto JACOBI ex LEA filio ductum. Ac primum quidem *Judæus* is tantum dicebatur qui ex tribu Juda erat oriundus. Quum autem sub Roboamo regnum Davidicum discissum esset in duo regna, *regnum Juda* et *Regnum Israël*, dicti sunt *Judæi* illi omnes Israelitæ qui inter subditos regni Juda numerabantur; subditi autem *Regni Israël* tum vocati fuere *Israelitæ*; quo quidem nomine, ab ISRAELE sive JACOBO deducto, ante illam scissionem gens Jacobæa universa appellabatur. Post solutum autem exilium Babylonicum, communi nomine dicti sunt *Judæi* omnes qui in patriam reduces antiquam Gentis sedem occuparunt; 1) atque eo nomine deinceps, nullo tribuum discrimine, constanter vocati fuere Jacobi posterii omnes, etiam illi qui extra Judæam 2) degerent. In præsentī verò loco epistolæ nomen *Judæus* non tam nomen Gentis est quam professionis religiosæ, et pro denominatione honorifica habetur.—Quum notio quæ vocabulo *cognomen* inest ad hoc nomen *Judæus* non quadret, malim vocem *επανομαζην* simpliciter reddere *nominaris*, quo sensu *επονομαζειν* legitur quoque in versione Alexandrina Genes. Cap. IV. 17. 25.

et requiescis in lege, et gloriaris in Deo) Verbum Medium *επαναπανομαι*, quod hic legitur, respondet Gallico *se reposer sur quelque chose*, et tropicè significat *confidere alicui rei*. Apostolus autem, ut mihi quidem videtur, verbum *επαναπαυεσθαι* hic adhibuit non tam *de confidendo*, quam *de gloriando* quod *confidentium* est; nam pro eo quod hic dixit *επαναπαυη τῷ νόμῳ*, infra (ψ, 23.) scripsit *εν νόμῳ καυχᾶσαι*. Et alibi quoque (Philipp. III. 4.) *confidere* (*πεποιθεναι*) dixit, ubi volebat *gloriarī*. Quod sequitur *καυχασθῃ* (*gloriaris*) flexura Verbi antiquissima est, pro qua deinceps dictum est *καυχαν*. Cf. WIN. § 13. 2.

et nosti voluntatem ejus, etc). Vox *ejus* in Græco non legitur; recte tamen de suo Noster eam addidit ex præcedenti *εν Θεῷ*. Intelligitur voluntas Dei Judæo cognita ex scripta Lege divinitus sibi tradita. *Δοκιμαζειν* non tam *probare* hic notat quam, quod vicinum est, *agnoscere*, quo sensu etiam alibi (Luc. XII. 56 Philipp. 1. 10) occurrit. Vox *διαφερειν* *intransitivè* sumpta, primum quidem notat *differre*, *diversum esse*, sed mox *excellere*, *præstare*, ut hoc loco; sunt ergo *τα διαφεροντα* *præstantiora*, *potiora*; ubi tamen notandum est *præstantiora* non opponi *minùs præstantibus*, sed (sicut Philipp. 1. 10) iis quæ non sunt probanda. Puta comparisonem

(1) Videsis quæ de fatīs utriusque regni, Juda et Israel, paucis docuimus in Commentario in Act. Ap. ad Cap. 1. ψ. 5. Obiter hic moneo legendum ibi esse; *quum ex varia conversione rerum publicarum*, etc.

(2) « Judæa (*Ιουδαία*, יְהוּדִיָּה) temporibus DAVIDIS appellabatur ea Palestinæ pars, quam incolabant tribus Juda et Benjamin. Jos. XI. 16. 21. 2 Sam. II. 10. V. 5. 19. 1 Chron. XXII. 5. Israël-

litarum regno in duas partes discisso, Judæa dicebatur *regnum JUDA*, ad quod præter tribus Juda et Benjamin pars etiam tribuum Dan et Simeon pertinebat. Eodem nomine tempore insequente insignebatur pars Palestinæ meridionalis, cum septentrionalis diceretur Galilæa, media verò Samaria. Denique post exilii tempora omnis Palæstina dici cœpit Judæa. » WAULIUS in Clavi N. T. ad h. v.

institutui inter *probanda* et *non probanda*, et priora illa dici *præstantiora*.—*Κατηχου-
μενος ἐκ τοῦ νομοῦ* h. e. quippe edoctus ex Lege. Præpositio *ἐκ* hic dicitur ve-
luti de fonte *ex quo* Judæo illa doctrina continuò promanet. *Κατηχεῶ σε τοῦτο*
proprie significat *insono tibi hoc*, tuis auribus; et hinc notat *doceo* viva voce, aut
etiam aliter; peculiariter quidem Verbum hoc adhibitum fuit de *docendo prima artis sive
scientiæ alicujus elementa*; usurpatur tamen etiam de profectionum institutione. Pas-
sivè dicitur *κατηχουμαι τι* (Act. XVIII. 25) aut *περι τινος* (Luc. 1. 4); sed
in præsentī loco ea vox absque *Objecto* posita est: *Ex lege continuo edoctus agnoscis
quæ facienda sint et quæ non facienda*.

confidis teipsum esse ducem cæcorum, etc.). Gentiles ob eorum ignorantiam et
errores in re religiosa vario nomine hoc loco vocantur et *cæci*, et *ii qui in tenebris
sunt*, et *insipientes* (*αφρονες stolidi*) et *infantes* (*νηπιοι rudes*, ut 1 Cor. III. 1).
Τῶν ἐν σκοτει scil. *οὐτῶν*.—*Μόρφωσις* forma, quæ rem exprimat; hanc
formam exprimit Lex. Scripsit *scientiæ et veritatis*, quia *scientia* illa quæ hauritur ex
Lege, *veritas* est.

γ. 21—24. Qui ergo
alium doces, teipsum non
doces: qui prædicas non
furandum, furaris: 22 qui
dicis non mœchandum, mœ-
charis: qui abominaris idola,
sacrilegium facis: 23 qui in
lege gloriaris, per prævari-
cationem legis Deum inho-
noras. 24 (Nomen enim
Dei per vos blasphematur
inter Gentes, sicut scriptum
est.)

γ. 21—24. Ὁ οὖν δι-
δάσκων ἕτερον, σεαυτὸν
οὐ διδάσκεις; ὁ κηρύσ-
σων μὴ κλέπτειν, κλέπ-
τεις; 21 ὁ λέγων μὴ
μοιχεύειν, μοιχεύεις;
ὁ βδελυσσόμενος τὰ εἰ-
δωλα, ἱεροσυλεῖς; 23 ὅς
ἐν νόμῳ καυχᾶσαι, διὰ
τῆς παραβάσεως τοῦ νό-
μου τὸν Θεὸν ἀτιμά-
ζεις; 24 Τὸ γὰρ ὄνομα
τοῦ Θεοῦ δι' ὑμᾶς βλασ-
φημεῖται ἐν τοῖς ἔθνε-
σι, καθὼς γέγραπται.

Paraphrasis. Sic ergo tu
qui alium edoces, non edo-
ces ipse te! Qui prædicas non
esse furandum, furaris! qui
dicis non esse adulterandum,
adulterium committis! qui do-
ces ipsa simulacra Gentilium
esse res execrandas, templa
eorum expilas! verbo dicam:
tu qui in eo gloriaris quod
legem a Deo acceperis, per
violationem legis Deum in
infamiam adducis; nam *Dei
nomen*, sicut scriptum est,
*vestrâ culpâ malè audit inter
Gentes*.

γ. 21—23. Qui ergo alium doces, teipsum non doces, etc.). Ostendit hic, ut
dixi (supra p. 69), quam turpiter vita eorum discrepat a doctrina.—Particula *οὖν* est
Concludentis ex dictis γ. 19. 20 et violatæ legis exprobratione, quam suppressa illa
Apodosis contineret. Est autem quadruplex quæ hic (γ. 21. 22) fit objurgatio, legenda
ad modum exclamantis simul et accusantis.—Prima objurgatio (*qui alium doces, teip-
sum non doces*) generica est; ceteræ specificæ sunt. *Μὴ κλέπτειν, μὴ μοιχεύειν*:

qui negant supplendum hic esse Infinitivum *δειν*, ut sit *μη δειν κλεπτειν, μοιχευειν*, hi affirmant verba *dicendi* (*κηρυσσειν* et *λεγειν*) hoc loco *præcepti* notionem continere, ut simplex Infinitivus sufficiat. Forsitan rectius dixeris, Infinitivum in istiusmodi locutionibus pro Imperativo adhiberi. Confer HERMANNUM ad VIg. Cap. V. sect. III. 9., et KÜHNERUM § 6 44. a. — *Μοιχευειν*, adulterium committere. — Qui *abominaris* (*ὁ βδελυσσομενος*) *idola*, h. e. qui doces idola Gentilium esse *βδελυγματα* (*תועבות*) *res abominabiles*. Notanda est hic illa sermonis forma, quâ facere quis dicitur id, quod faciendum esse docet. Videsis quæ hanc in rem notavimus ad Act. Cap. X. 15. *Ἱεροσυλειν* (ab *ἱερον* et *συλεω* deprædor) dicitur de furto rei sacræ, aut ex sacro; quale furtum Latini *sacrilegium* vocabant. *Ἱεροσυλια* sive *sacrilegium*, quod Judæis hic exprobrat Apostolus, interprete S. CHRYSOSTOMO (Hom. VI. in Ep. ad Rom.) illud crimen intelligitur quo Judæi non dubitaverint subinde spoliare templa Gentilium et vasa idolis sacra prædari ¹⁾, quamquam divinitus præceptum illis erat ²⁾ pro re abominanda habere tam ipsa sculpta Gentilium idola, quam quidquid ad istorum cultum pertineret. Crimen hoc subinde a Judæis patratum fuisse colligi potest ex Act. XIX. 34, et FLAV. JOSEPH. *Antiqq.* IV. 8. 10.

γ. 23—24. *qui in lege gloriaris per prævaricationem legis Deum inhonoras.*) Hæc pars legenda est ad modum exprobrantis et affirmantis. Finem facit Apostolus objugationibus specificis adjectâ generali. Sensus eò redit ac si dicat: *Longum sit singula crimina persequi: dicam verbo: tu, Judæe, qui in eo gloriaris quod præ ceteris gentibus solus a Deo legem accepisti, violatione legis Deum in infamiam adducis.* Ratio additur: *Nam propter vos, vestrâ culpâ* (*δι' ὑμᾶς*), *ob vestra crimina Dei nomen male audit inter Gentes*, puta Deum ex ejus cultoribus æstimantes sibi que persuadentes eum minimè prohibere crimina, qualia vos patratís, aut certe in iisdem connivere. In quo tamen Gentes committebant *fallaciâ causæ non causæ*, ut vocant Logici.

sicut scriptum est). Sacræ Scripturæ verba, quæ hic allegat Apostolus (*το ονομα του Θεου δι' ὑμᾶς βλασφημεται εν τοις εθνεσι*) ferè verbotenùs ita leguntur in Isaïæ Cap. LII. secundum versionem Septuagintaviralem. Quum verò eo loco sermo sit de vituperatione in quam apud Gentiles venisset Deus non ob peccata Judæorum sed ob eorum calamitates, dicendum videatur PAULUM hoc loco verba Scripturæ

(1) Σφοδρα, inquit, ην απηγορευμενον των εν τοις ειδωλαιοις απτεσθαι χρηματων δια το βδελυρον. η δε της φιλοχρηματιας τυραννις, φησι, και τουτον υμεις επεισε καταπατησαι τον νομον. h. e. « Valde prohibitum erat, ne quis res idolorum contingeret ob execrationem: at pecuniæ tyrannis, inquit, hanc quoque conculcare legem vobis persuasit. »

bus facta sunt, neque assumes ex eis tibi quidquam, ne offendas, propterea quia abominatio est Dei tui. Nec inferes quippiam ex idolo in domum tuam, ne fias anathema, sicut et illud est. Quasi spurcitiâ detestaberis, et velut inquinamentum ac sordes abominationi habebis, quia anathema est. Confer Mishnæ Tract. Aboda Zara Cap.

(2) Deuteron. VII. 25. *Sculptilia eorum igne combures: non concupisces argentum et aurum, de qui-*

(3) *Non fecit taliter omni nationi; et judicia sua non manifestavit eis.* Psalm.

non in alium finem verba Scripturæ adduxisse, quam ut suam ipsius mentem sacræ Scripturæ verbis explicaret.

γ. 25—27. Circumcisio quidem prodest, si legem observes: si autem prævaricator legis sis, circumcisio tua præputium facta est. ²⁶ Si igitur præputium iustitias legis custodiat: nonne præputium illius in circumcisionem reputabitur? ²⁷ et iudicabit id, quod ex natura est præputium, legem consummans, te, qui per litteram, et circumcisionem prævaricator legis es?

γ. 25—27. Περιτομή μὲν γὰρ ὠφελεῖ, εἰ ἂν νόμον πράσσης· εἰ δὲ παραβάτης νόμου ᾖ, ἡ περιτομή σου ἀκροβυστία γέγονεν. ²⁶ Ἐὰν οὖν ἡ ἀκροβυστία τὰ δικαιώματα τοῦ νόμου φυλάσσει, οὐχὶ ἡ ἀκροβυστία αὐτοῦ εἰς περιτομήν λογισθήσεται; ²⁷ Καὶ κρίνει ἡ ἐκ φύσεως ἀκροβυστία τὸν νόμον τελούσα, σέ τὸν διὰ γράμματος καὶ περιτομῆς παραβάτην νόμου.

Paraphrasis. Circumcisio, inquam, prodest quidem utilisque tibi est ad salutem animi, sed sub eâ conditione ut facias quæ sunt præcepta; quod si legem violes, non plus utilitatis ex circumcisione capies quam si omninò non esses circumcisis. Si igitur præputiatus quispiam ea præstet, quæ lege mandata sunt, nonne in extremo iudicio perinde habebitur a Deo ac si esset circumcisis? Imò, condemnabit ille naturâ præputiatus qui legem servabat, condemnabit, inquam, sui comparatione te, qui violator legis eras quamquam scriptam legem habens, et circumcisionem, quâ professus fu-eras te legem esse servaturum.

γ. 25. *Circumcisio quidem prodest, si legem observes, etc.*) In superiore compellatione (γ. 17—24) Apostolus docuerat, Judæos ob legem divinitus sibi datam nequaquam probatum iri a Deo, si legem non observassent. Nunc de accepto signo circumcisionis idem hoc docturus est; scilicet infructuosam esse Judæo circumcisionem, nisi Dei mandata observet. Cogitat autem Paulus tempus illud, quo Evangelii prædicatio nondum incæperat. Et verò ad Galatas scripsit (Cap. V. 2. 6.): *Ecce ego Paulus dico vobis, quoniam si circumcidamini, Christus vobis nihil proderit.... Nam in CHRISTO JESU neque circumcisio aliquid valet, neque præputium; sed fides, quæ per charitatem operatur.* Adhuc totus in eo est Apostolus, ut doceat neminem absque observatione mandatorum probatum iri a Deo. Vide supra, p. 64. Particula γὰρ, quæ in Græcis codicibus constanter hoc loco legitur, est hic *explicantis* ulterius superiorem doctrinam, quâ dictum fuerat minimè sufficere legem accepisse et cognovisse, sed omninò requiri ejusdem observationem, ut quis a Deo probetur. Sensus hic est: Circumcisio, inquit, prodest quidem utilisque tibi est ad salutem animi, sed sub eâ conditione ut facias quæ sunt præcepta; quod si

legem violes, non plus utilitatis ex circumcisione capies quam si omninò non fuisses circumcisisus.—Nimirum circumcisio professio quædam erat Legis observandæ: *Testificor*, ait Apostolus (Gal. V. 3), *omni homini circumcidenti se, quoniam debitor est universæ legis faciendæ.*

Περιτομή absque Articulo scribi poterat, quum notet rem, quæ in genere suo unica est, ob eamque rationem Grammaticè tamquam Proprium Nomen poterat tractari. Cf. WIN. § 18. 1. Pro *ακροβυστία* (Vulg. *præputium*), quæ sacræ Græcitatæ vox est, dici solet *ακροποσθία* a scriptoribus profanis, quæ vox ab *ακροβυστία* significatione nihil differt, imo cum hac, ut videtur, una eademque est. *Ακροβυστία* autem sive *præputium* intelligitur ea membri virilis pellicula, cujus amputatione fiebat *circumcisio* sive *περιτομή*.

ψ. 26. *Si igitur (οὖν) præputium justitias legis custodiat, etc.*) Ex dictis versiculo præcedenti jam ducitur *consequentia a contrario (οὖν)*, quæ quidem profertur *per interrogationem*, cui dandum sit responsum *affirmativum*. Vocabulum *præputium*, primo loco positum, gentilem sive ethnicum designat; ut adeò ἡ *ακροβυστία* tantundem sit ac ὁ *ακροβυστός* aut ὁ *ακροβυστιαν* *εχων*, ut dicitur Act. XI. 3. — *Τὰ δικαιώματα του νομου*, quum de Gentilibus sermo sit, intelliguntur *moralia Legis Mosaicæ præcepta*. Vide supra p. — Sensus est: Si ergo circumcisio nihil prodest illi qui Legem non observat, et, uti dixi (ψ. 13), ratio obtinendæ salutis est in observatione mandatorum, profectò consequitur, Gentili, si legem observet, non obfuturum esse suum præputium, sed in die justi judicii (ψ. 5) perinde habitum iri a Deo ac si esset circumcisisus.

ψ. 27. *Et judicabit id quod ex natura est præputium, etc.*) Non sunt hæc superioris (ψ. 27) interrogationis continuatio, verùm sententiam continent affirmativam a præcedente interrogativâ grammaticè disjunctam; quæ tamen logicè cum illâ arctè cohæret; nam ut ibi dictum fuerat, *suum Gentili non obfuturum esse præputium si legem observet*; ita hic dicitur olim futurum esse *ut incircumcisisus Gentilis qui legem servasset, condemnet Judæum, legis violatorem.*

Itaque non est mente supplendum *οὐχι* ante *κρινεῖ*. Particula autem *καί* vim *intendendi* hic habet, ut valeat *imo*, ut in hoc Act. XIX. 27: *ὅλη ἡ Ἀσία καὶ ἡ οἰκουμένη*. Et peculiaris quædam Emphasis est in voce *κρινεῖ*, quæ ideo et a principio sententiæ posita est. Dictio *ἐκ φύσεως* non pertinet ad *τον νομον τελουσα*, sed ad *ακροβυστία*. — *Ἐκ φύσεως ακροβυστία* nativum præputium, h. e. illi qui præputium habent a natura. Atqui præputiati nascuntur mares omnes; quid opus erat præputium dicere nativum vel naturale? Scilicet volebat Apostolus innuere in præputio *per se* nihil mali esse quum sit a natura, atque ita opponere *carnale* illud præputium præputio *cordis*, quod legem violando ipsi sibi faciebant Judæi circumcisi. — *Γράμμα* hic intelligitur *νομος γεγραμμένος*, scripta lex Judæis divinitus tradita, qualem non habebant Gentiles. — Præpositio *διὰ* ibi dicitur de *conditione* sive *statu*, in

quo quis positus facit aliquid aut patitur. Hoc loco vim illius Particulæ Latinè reddideris, si dixeris: *te, qui legem scriptam et circumcisionem habens violator eras legis.* Belgicè dixerim: *u, die by letter en besnydenis overtreder der wet waart*; non quod putem *δια* etiam valere *by*, sed quod ope Belgicæ hujus Præpositionis mens Apostoli accuratè exprimatur.—*Κρινεῖ* significat *judicabit*, sed contexta oratio postulat ut illi vocabulo subjiciamus notionem *judicii condemnatorii*. Nimirum, fit nonnumquam ut alia sit propria vocabuli significatio, alia vero notio huic vocabulo nunc subjicienda.—Condemnabit autem istiusmodi Gentilis talem Judæum non quidem sententiam ferendo, sed exemplo et comparatione sui, ut qui non habens scriptæ legis privilegium, quod habebat Judæus, tamen legem servaverit. Eodem sensu *condemnare* sumitur in hoc Lucæ Cap. XI. 32: *Viri Ninivitæ surgent in judicio cum generatione hac; et condemnabunt illam; quia pœnitentiam egerunt ad prædicationem Jonæ; et ecce plus quam Jonas hic.* Participium *τελοῦσα* habendum est pro Participio Imperfecti, quum præcesserit Futurum *κρινεῖ*. Vide suprâ p. — Sensem hujus versiculi in paraphrasi explicavimus.

γ. 28—29. Non enim qui in manifesto, Judæus est: neque quæ in manifesto, in carne est circumcisio: 29 sed qui in abscondito, Judæus est: et circumcisio cordis in spiritu non littera: cujus laus non ex hominibus, sed ex Deo est.

γ. 28—29. Οὐ γὰρ ὁ ἐν τῷ φανερῷ, Ἰουδαῖος ἐστίν· οὐδὲ ἡ ἐν τῷ φανερῷ, ἐν σαρκί, περιτομή· 29 ἀλλ' ὁ ἐν τῷ κρυπτῷ Ἰουδαῖος, καὶ περιτομὴ καρδίας, ἐν πνεύματι, οὐ γράμματι· οὗ ὁ ἔπαινος οὐκ ἐξ ἀνθρώπων, ἀλλ' ἐκ τοῦ Θεοῦ.

Paraphrasis. Neque enim is qui tantum foris et quatenus hominum conspectui patet Judæus est, is verus est Judæus; neque circumcisio aspectabilis, ea, inquam, quæ in corpore fit, circumcisio vera est: sed ille demum verus Deoque gratus Judæus est, qui intus et quatenus hominum conspectui impervius est, qui animo, inquam, Judæus est; et vera demum Deoque grata circumcisio, cordis circumcisio est, ea, inquam, quæ peragitur in animo, non ea quæ sit secundum litteram legis; denique verus Judæus is est, cujus laus proveniat non ab hominibus, qui non vident nisi ea quæ foris apparent, sed a Deo, qui intuetur cor.

γ. 28. *Non enim qui in abscondito, Judæus est*) In præcedentibus (γ. 24—27) Apostolus declaraverat, circumcisionem nisi adsit legis observantia, nihil prodesse. Majus

autem effati rationem hic (ϣ. 28—29) explicat, docendo nempe, professionem Judaismi et circumcisionem non sola re externa constare, sed utrumque internum quid esse, Dicit ergo: *Neque enim is, qui tantum quā foris apparet Judæus est, is verus est Judæus; neque circumcisio aspectabilis, ea inquam, quæ in corpore fit vera est circumcisio; sed ille demum verus Deoque gratus Judæus est, qui Judæus est qua parte absconditus est, qui animo, inquam, Judæus est; et vera demum Deoque grata circumcisio, cordis circumcisio est; ea, inquam, quæ in animo peragitur, non ea quæ sit secundum litteram legis; denique verus Judæus is est, cujus laus proveniat, non ab hominibus, qui non vident nisi ea quæ foris apparent, sed a Deo, qui intuetur cor.*

Oratio Apostoli hoc loco singulari quodam modo elliptica est; nam sicut in parte negativa (ϣ. 28) bis deest Subjectum, ita in affirmativā (ϣ 29) bis deest Prædicatum. Ut plena foret ejus oratio, dicendum erat ita: *οὐ γὰρ ὁ ἐν τῷ φανερῷ Ἰουδαῖος, Ἰουδαῖος ἐστίν· οὐδὲ ἡ ἐν τῷ φανερῷ, ἐν σαρκί, περιτομὴ, περιτομὴ ἐστίν· ἀλλ' ὁ ἐν τῷ κρυπτῷ Ἰουδαῖος, Ἰουδαῖος ἐστίν, καὶ περιτομὴ καρδίας, ἐν πνεύματι, οὐ γράμματι, περιτομὴ ἐστίν.*

Το φανερόν est id quod adspectabile est, quod sub sensum oculorum cadit. Præpositio *ἐν* hic dicitur de statu in quo quid est; adeoque ὁ ἐν τῷ φανερῷ Ἰουδαῖος is est, qui in eo, quo adspectabilis est, Judæus est. Ex quo intelligitur quid sit ὁ ἐν τῷ κρυπτῷ Ἰουδαῖος, quod statim sequitur.—In verbis ἡ ἐν τῷ φανερῷ, ἐν σαρκί, scil. περιτομὴ, dictio ἐν σαρκί explicationis causā apponitur præcedenti ἐν τῷ φανερῷ. Sic pariter verbis καὶ περιτομὴ καρδίας subjeitur ἐν πνεύματι, οὐ γράμματι, quo explicatius dicatur quænam tandem vera Deoque grata sit circumcisio. Puta Apostolum scripsisse: καὶ περιτομὴ καρδίας, περιτομὴ ἐν πνεύματι, οὐ γράμματι. Vox πνεύμα ibi sumitur de animo, et Præpositio ἐν dicitur de eo, in quo (waaraan) tamquam objecto aliquid fit; ut adeo vera circumcisio hic dicatur circumcisio cordis, ea quæ fit in animo (aan de ziel), non ea quæ fit ἐν σαρκί (aan het ligchaam); secundum hoc Jeremiæ Cap. IV. 4: *circumcidimini Domino, et auferte præputium cordium vestrorum.*—Quod sequitur οὐ γράμματι reddiderim non secundum litteram, nempe legis Mosaicæ, quæ circumcisionem in corpore peragendam præcipiebat. Itaque γράμματι sit Dativus normæ, ut Act. XV. 1 τῷ εἶθει Μωϋσεως. — Quæ supersunt οὐ ὁ ἐπαινος κ. τ. λ. pertinent ad descriptionem veri Judæi. Ibi οὐ (Masc.) referendum est ad ὁ ἐν τῷ κρυπτῷ Ἰουδαῖος.

CAPUT TERTIUM.

ARGUMENTUM. In præcedenti capite (ꝑ. 25—29) Apostolus dixerat, circumcisionem nihil prodesse absque Legis observatione; et vicissim præputium nihil obfuturum illi, qui Legem observasset; unde suspicari quis poterat cum sentire, Israëlitis a Deo nihil præclari præstitum fuisse præ ceteris Gentibus. Quam consequentiam quum ex verbis suis duci nolit Apostolus, eam ad modum objectionis sibi proponit, ac statim refellit, affirmando Judæis multa præclara præ ceteris gentibus divinitus fuisse præstita. Has autem prærogativas volebat enumerare; sed, primâ earum indicatâ, dum occurrit objectioni, quæ heic fieri poterat, abruptâ quam inchoaverat enumeratione, sermo ejus aliò dilabitur (1—8). Post pauca autem a digressionem (Cap. III. 1—8) rediens ad superiorem disputationem (Cap. II. ꝑ. 29) concludit, quamquam habet suas gens Judaica prærogativas, quas ipse non negaverit, tamen, ad personas quod attinet, Gentilibus nihil apud Deum præcellere Judæos, quum peccatores essent tam hi quam illi; id quod de Judæis, allatis Scripturæ testimoniis, ulterius confirmat (9—19.). Tum declarat non posse fieri ut quis ex operibus legis qua talis justificetur coram Deo; per Legem enim dari tantum cognitionem peccati. Atque hac transitione eò redit unde fuerat egressus (Cap. I. 17), iterumque docet justificationem esse acceptam referendam divinæ Gratiæ, quæ per fidem in CHRISTUM offeratur hominibus sine discrimine omnibus (20—23). Et jam justificationem per varias ejus causas describit, proclamâtque legis imbecillitate, concludit hominem justificari per fidem, nullo habito operum respectu (24—30).

ŷ. 1—2. Quid ergo amplius Judæo est? aut quæ utilitas circumcisionis? 2 Multum per omnem modum. Primum quidem quia credita sunt illis eloquia Dei.

ŷ. 1—2. Τί οὖν τὸ περισσὸν τοῦ Ἰουδαίου; ἢ τίς ἡ ὠφέλεια τῆς περιτομῆς; 2 Πολὺ, κατὰ πάντα τρόπον. Πρῶτον μὲν γάρ^{α)}, ὅτι ἐπιστεύθησαν τὰ λόγια τοῦ Θεοῦ.

Paraphrasis. Si ita res habet, ut dictum est, quænam ergo sunt Israëliticæ Gentis in re religiosâ prærogativæ? aut quænam tandem est circumcisionis utilitas? Multæ sunt sub quovis respectu Israëliticæ Gentis prærogativæ. Nam primum quidem, prærogativa est quod Judæis concredita fuere divina de Messia venturo salvatore oracula.

VARIANS LECTIO.

^{α)} Particula γάρ in Codd. BD*EG, in nonnullis Minusculis, ut et in versionibus Itala et Vulgata hoc loco non legitur. Ambigi potest utrum illa Particula in textum sit recipienda nec-ne; concinnior oratio eam postulabat.

ŷ. 1. *Quid ergo amplius Judæo est? aut quæ utilitas circumcisionis?*) Ex iis, quæ postremo loco (Cap. II. 25—29.) dixerat Apostolus, videri poterat Gentiles in re religiosa omninò æquasse Judæis. Quam consequentiam quum ex verbis suis duci nolit, eam, ut refellat, statim sibi objicit. Si, inquit, ita res habet, ut dictum est; quænam ERGO sunt Israëliticæ gentis prærogativæ? aut quænam tandem est circumcisionis utilitas?

Particula ΟΥΝ ést inferentis ex præcedentibus (Cap. II. 25.—29.). Το περισσόν, Neutrum Adjectivi cum Articulo, adhibetur ad modum Substantivi, idemque valet quod ἡ περισσεία. Qua voce in versione Septuaginta-virali frequenter redditur Hebraicum תַּרְחֻם commodum, emolumentum. Vide Ecclesiastæ Cap. I. 3. III. 9. V. 15. Τε περισσόν Gallicè verterim *quel est l'avantage*.

ŷ. 2. *Multum per omnem modum.*) Respondet Apostolus ad id quod erat objectum, et quidem ad priorem partem objecti. Itaque πολὺ refertur ad præcedens Substantivum το περισσόν, ut sensus sit: πολὺ ἐστὶ το περισσόν. Quod additur κατὰ πάντα τρόπον, malim reddere *omnimodè*. Dicit ergo Apostolus, multas sub quovis respectu esse Israëlitiæ Gentis in re religiosa prærogativas.

Primum quidem, quia credita sunt illis eloquia Dei.) Græcè est πρῶτον μὲν

γὰρ, nam primum quidem, ubi γὰρ est probantis; μὲν autem Solitarium est; videlicet oratio PAULI hac parte est *anacoluthica*, ut supra Cap. 1. 8; alias præterea ¹⁾ Israëliticæ Gentes prærogativas enumerasset, sed dum refellit (ψ. 3) quod illic objici poterat, sermo ejus aliò dilabatur. Μὲν illud obstat quominus πρῶτον reddatur *primarium*, *præcipuum*, et tamquam Adjectivum referatur ad Substantivum περισσόν. Itaque πρῶτον hic Adverbium est, quod Gallicè reddideris *d'abord, en premier lieu*. Puta Paulum scripsisse πρῶτον μὲν γὰρ, περισσόν τι ἐστὶ, ὅτι (οἱ Ἰουδαῖοι) ἐπιστε-
 θησαν τὰ λόγια τοῦ Θεοῦ, nam primum quidem, prærogativa est quod Judæis eloquia Dei fuere concredita. Τα λόγια speciatim hic intelliguntur divina oracula de MESSIA venturo salvatore; hanc interpretationem postulat id quod sequitur (ψ. 3.): *quidam illorum non crediderunt*. Illa λόγια τοῦ Θεοῦ Apostolus alibi (Cap. IX. 4) vocat τὰς ἐπαγγελίας, *promissa*. In dictione ἐπιστε-
 θησαν (Scil. οἱ Ἰουδαῖοι) τὰ λόγια τοῦ Θεοῦ positum est τὰ λόγια in Accusativo. Quocirca notanda est regula hæc: Verba quæ aut Dativum aut Genitivum habent Personæ (ut v. g. πισ-
 τεύειν τινι, κατηγορεῖν τινος) si Passivè construantur, vertitur ille Dativus aut Genitivus Personæ in Nominativum fitque Verbi Passivi Subjectum, manente Accusativo rei. Confer quæ de hac syntaxi diximus ad Act. Ap. Cap. XXI. 3. Tom. 2. p. 162. Πιστευομαι τι Latine reddideris *concreditur, committitur mihi aliquid*. Repetita illa promissa (λόγια = ἐπαγγελίαι) de MESSIA venturo humani Generis salvatore facta fuerant soli Genti Israëliticæ; atque hoc putem Paulum sibi velle, cum dicit *concredita illis fuisse oracula Dei*. Et profectò magnum beneficium erat accepisse oracula venturum MESSIAM præmonstrantia, quum eorum indicio Judæi facilius quam Gentes suum agnoscere et recipere possent salvatorem.

ψ. 3 — 4. quid enim si quidam illorum non cre-
 diderunt? Numquid incre-
 dulitas illorum fidem Dei
 evacuabit? Absit. ^a Est
 autem Deus verax: omnis
 autem homo mendax: sicut
 scriptum est: Ut justificeris
 in sermonibus tuis: et vin-
 cas cum judicaris.

ψ. 3—4. Τί γὰρ; εἰ
 ἡπίστησάν τινες μὴ ἡ
 ἀπιστία αὐτῶν τὴν πίσ-
 τιν τοῦ Θεοῦ καταργή-
 σει; ⁴ Μὴ γένοιτο· γι-
 νέσθω δὲ ὁ Θεὸς ἀλη-
 θής, πᾶς δὲ ἄνθρωπος
 ψεύστης, καθὼς γέγραπ-
 ται· ὅπως ἂν δικαιω-
 θῇς ἐν τοῖς λόγοις σου,
 καὶ νικήσῃς ἐν τῷ κρί-
 νεσθαί σε.

Paraphrasis. Quid enim?
 si nonnulli Judæorum incre-
 duli fuerunt, num illorum
 incredulitas efficiat ut Deus
 suam non servet fidem in
 præstandis promissis? Absit!
 Quin contra, verax habea-
 tur Deus, homo autem qui-
 vis reputetur mendax; sicut
 scriptum est: *ut justificeris
 in sermonibus tuis et vincas
 cum judicaris.*

(1) Variæ illæ Israëliticæ Gentis prærogativæ recensentur infra Cap. IX. 4. 3.

VARIANS LECTIO.

a) Pro Indicativo *est* in Græcis Codicibus constanter legitur Imperativum *esto*. Fieri potuit ut interpres Latinus scripserit *esto*, idque, quum hic difficilem haberet intellectum, a librario mutatum fuerit in *est*, quod intellectu facilius est. Certe S. HIERONYMUS ad Tit. 1. legit *fiat autem Deus verax*.

ŷ. 3. *Quid enim*) Græce *τι γαρ*; *quid enim*? Sui juris sunt verba ista. Reliqua autem hujus versiculi verba unam conficiunt sententiam hanc: *si nonnulli Judæi fuere increduli, num illorum incredulitas efficere potest ut Deus fidem suam non seruet in præstandis promissis?* Dictio *τι γαρ*, sicut et Latinorum *quid enim*, formula est anteoccupantis quod opponi possit. Sumit Apostolus, esse quenipiam qui illi dicat, non videri beneficium aliquod collatum Judæis in concreditis illis de Messia venturo oraculis, quandoquidem multi, cum advenisset promissus Messias, fidem illi dene-gassent. Cui PAULUS: ideò-ne, inquit, dicemus Deum fidem suam fefellisse, nec stetisse promissis suis de salute per Messiam conferendâ iis qui eum recepissent?—Erat hæc *interrogatio negantis*; itaque *affirmat* promissam salutem obtigisse illis, qui Messiae credidissent. Quibus quum *concredita oracula* de Messia venturo inservissent ad eundem agnoscendum et recipiendum, his certe beneficium fuerat illa oracula habuisse; quod autem Judæorum bene multi sua malitiâ illo beneficio uti noluerant, non ideò minus prærogativa erat Israeliticæ Gentis oracula hæc accepisse; quod erat probandum.

Quum Judæi maximam partem JESUM Messiam repullissent nec Evangelio credidissent, Apostolus dicere potuisset: *si MULTI, vel si PLERIQUE eorum non crediderunt* etc.; dixit autem *εἰ τινες*, *si nonnulli*, ut eo magis appareret quam absurdum esset ita de Deo sentire. Agitur hic, ut patet, de promissionibus divinis *absolutis*, ut vocant, non verò de *conditionalibus*. *Πιστις* hic de *fide* vel *fidelitate* in servandis promissis dicitur; *του Θεου* est Genitivus Subjecti; eodem sensu *πιστος* vocatur Deus in 2 ad Timoth. Cap. II. 13. — *Καταργεῖν* valet *αργον* (= *αεργον* *werkeloos*) *ποιεῖν*, *inefficacem, inertem reddere, cessare facere, abolere, destruere*, pro variâ ratione contexti sermonis. — Futurum Indicativi *καταργήσει* hoc loco significat non *id quod fiet*, sed *id quod possit fieri*; quo usu habet vim Latinorum Præsentis Conjunctivi *potentialis*. Itaque *μη καταργήσει* reddiderim num *aboleat*, h. e. *num abolere possit*. Atque ita quoque Futurum *ζοινεῖ* quod legitur infra (ŷ. 6) reddendum est *quomodo Deus judicet mundum*.

ŷ. 4. *Absit. Est* (Græce *ESTO*) *autem Deus verax, omnis autem homo mendax*) Græcè est *μη γενοιτο*, quæ formula est *cum detestatione negantis*. Cui

negationi opponitur (δε) vehementissima affirmatio divinae veracitatis (αληθης), quæ quidem comprehendit fidelitatem Dei in præstandis promissis: *E contra*, inquit Apostolus, *esto Deus verax, omnis autem homo mendax!* Quod dicit *esto Deus verax*, hoc refer ad æstimationem hominum, ut sensus sit: *Quin contra (δε) verax habeatur Deus, homo autem quivis reputetur mendax!* Antitheton hominis mendacis hic extollit Dei veracitatem.

sicut scriptum est: ut justificeris, etc.) Quam proclamaverat Dei veracitatem, Scripturæ testimonio confirmat. Quæ autem citat verba, sumpta ea sunt ex Psalmo L (Hebr. LI) γ. 6; ubi DAVID pœnitens Deum ita alloquitur: *Quod malum (רַע) coram te est, feci, ut justificeris in sermonibus tuis, et vincas cum judicaris;* quorum verborum sensus videtur esse hic: In adulterii et homicidii crimina labi me permisisti, ut manifestetur tua in loquendo justitia (*tua in præstandis promissis fidelitas*) et confundantur qui aliter de te existiment: qui existiment te ob mea peccata non præstiturum esse quod absolute mihi pollicitus es de regni mei stabilitate et MESSIA ex me nascituro Cf.

γ. 5—8. Si autem iniquitas nostra justitiam Dei commendat, quid dicemus? Numquid iniquus est Deus, qui infert iram? (secundum hominem dico.) Absit. alioquin quomodo judicabit Deus hunc mundum? 7 Si enim veritas Dei in meo mendacio abundavit in gloriam ipsius: quid adhuc et ego tamquam peccator judicor? 8 et non (sicut blasphemamur, et sicut aiunt quidam nos dicere) faciamus mala ut veniant bona: quorum damnatio justa est.

γ. 5—8. Εἰ δὲ ἡ ἀδικία ἡμῶν Θεοῦ δικαιοσύνην συνίστησι, τί ἐροῦμεν; μὴ ἀδικὸς ὁ Θεὸς ὁ ἐπιφέρων τὴν ὀργήν; (κατὰ ἀνθρώπου λέγω.) 6 Μὴ γένοιτο· ἐπεὶ πῶς κρίνει ὁ Θεὸς τὸν κόσμον; 7 Εἰ γὰρ ἡ ἀληθεια τοῦ Θεοῦ ἐν τῷ ἐμῷ ψεύσματι ἐπερίσσευσεν εἰς τὴν δόξαν αὐτοῦ, τί ἔτι καὶ γὰρ ὡς ἁμαρτωλὸς κρίνομαι; 8 καὶ μὴ, καθὼς βλασφημούμεθα, καὶ καθὼς φασὶ τινες ἡμᾶς λέγειν, ὅτι ποιήσωμεν τὰ κακὰ, ἵνα ἔλθῃ τὰ ἀγαθὰ; ὧν τὸ κρίμα ἐνδικόν ἐστι.

Paraphrasis. At si nostra iniquitas sanctitatem Dei commendat, quid inde inferemus? num forte injustus est Deus qui pœnas infligit ob peccata? (ex carnalium hominum sensu hoc quaero) Absit! Nam si hoc ita sit, qui possit Deus agere judicem hujus mundi? Nam si Dei sanctitas gloriosior et illustrior facta est per meam perfidiam, cur adhuc et ego, divinae gloriæ illustrator, tamquam peccator condemnor? Et quidni facimus, sicut per calumniam accusamur, sicut, inquam, nonnulli aiunt nos dicere, faciamus mala ut eveniant bona? Quam agendi rationem qui sequuntur justissime damnantur.

VARIANS LECTIO.

a) Pro γαρ legitur δε in Cod. A et nonnullis Minusculis.

γ. 5. *Si autem iniquitas nostra justitiam Dei commendat, quid dicemus?*) Ex citato modò Scripturæ testimonio consequebatur hominum iniquitatem quodammodo facere ad Dei gloriam, ejusque sanctitatem commendare. Nec verò negare vult Apostolus hanc consequentiam. Quid igitur? Vult occurrere illi qui ulterius inde conficiat injustum esse Deum si improbis pœnas infligat. Hanc ergo falsam consequentiam ut refellat, eam per interrogationem proponit præmissâ formulâ *τι εροουμεν*, *quid dicemus?* h. e. *quid inde inferemus?* Num fortè injustus est Deus, qui improbis pœnam infligit, quandoquidem ipsorum improbitas illi dat occasionem manifestandi suam sanctitatem. Prolatâ impia illâ dubitatione Apostolus ut significet se non ex suo sensu eam protulisse, statim addit: *secundum hominem dico*. q. d. dico hoc ex mente hominum carnalium, qui semper proni sunt ad carpenda divina judicia. ¹⁾

Dicit *ἡμῶν*, quia loquitur ex personâ Judæorum, hoc est, suorum popularium. *Justitia Dei* intelligitur hic ejusdem *sanctitas*. *Συνιστημι* in Græcitate N. T. (Cf. 2. Cor. VI. 4. VII. 11. Gal. II. 18) eo sensu adhibetur ut valeat *ostendo*, *exhibeo*, aut etiam, quod vicinum est, *commendo*, quasi sit *cum laude exhibeo*, quo sensu *συνιστημι* legitur 2 Cor. III. 1. X. 12; atque eodem hoc sensu ea vox in præsentī loco sumenda est; quod quidem conficitur ex γ. 7, ubi *συνισταναι* explicatur per *περισσευειν εις δοξαν*.

Οργη, *ira*, Metonymice hic dicitur de pœnâ. Solenne est *επιφερειν* de pœnis. FLAV. JOSEPHUS (Antiqq. VI. apud Rosenmullerum ad h. l.) Deum vocat *τοις πονηροις αξιαν επιφεροντα την ποινην*, *sceleratis promeritas infligentem pœnas*.

γ. 6. *Absit. Alioquin quomodo judicabit Deus hunc mundum?*) Impiam illam dubitationem Apostolus cum indignatione propellit. Absit, inquit, ut putemus injustum esse Deum, si pœnam infligat iis, quorum peccata illi præbeant occasionem manifestandi suam sanctitatem! Potuisset directim respondere, sanctitatem Dei hominum improbitate illustrari quidem, verum non *per se* sed tantum *per accidens*; veram enim causam ejus illustrationis esse ipsam Dei bonitatem. Directo, inquam, istiusmodi responso Apostolus heic uti potuisset; maluit autem blasphemum illud dubium propellere argumentando *ex absurdo*. Argumentatur ergo in hanc sententiam:

γ. 6. Deum aliquando judicaturum esse homines, minimè negabis. Atqui si injustus sit, ubi pœnam infligat illi cujus improbitate illustrior reddatur ejus sanctitas, jam non poterit agere judicem, hoc est, reddere unicuique secundum opera ejus; mala malis.

(1) Card. TOLETUS (ad h. l.): «*Secundum hominem dico*, i. e. id oppono quod homo carnalis et non sapiens quæ Dei sunt, objicere nobis posset. Est autem tale: si nostra iniquitas in causa est ut Dei justitia et fidelitas innotescat et manifestetur ac

commendetur, in suisque sermonibus justificetur, iniquus igitur videbitur Deus si talem iniquitatem puniat, et in homines inferat iram, cum potius videatur debere remunerare eos tamquam auctores ut ejus justitia magis eluceret.»

§. 7. Nam si Dei sanctitas illustrior facta est per meum peccatum, atque ideo peccatum meum peccatum non sit, cur adhuc et ego (καγω) divinæ gloriæ illustrator tamquam peccator condemnor?

§. 8. Et quidni (supplendum est τι ex præcedenti interrogatione) facimus, sicut per calumniam accusamur, sicut, inquam, nonnulli aiunt nos dicere, faciamus mala ut eveniant bona? Quam agendi rationem qui sequuntur, justissimè damnantur.

§. 7. Si enim veritas Dei abundavit, etc). Pro enim Græce est γαρ, quæ lectio omninò probanda est. Apostolus hic confirmat (γαρ) quod modò dixerat: *alioquin quomodo Deus judicare poterit hunc mundum*, hoc est, reddere mala malis? *Nam si peccatum meum*, inquit, personam agens cujuspiam peccatoris, *contulerit ad illustrandam Dei sanctitatem*, cur adhuc condemnor ego tamquam peccator? quasi dicat: jam amplius non erit qui sit puniendus, adeoque nec improbus; quod si nulli amplius sint improbi, jam nullum quoque erit extremum judicium; nam si mali nulli, cur instituaturs judicium ad discernendum inter bonos et malos?

Dei veritas (αληθεια) quæ hic dicitur, intelligitur veritas Dei *moralis*, hoc est ejusdem sanctitas, rectitudo, quam suprà (§. 5) Apostolus sensu non diverso vocaverat *justitiam Dei* (Θεου δικαιοσυνην); et ita quoque *mendacium* (ψευσμα) hic intelligitur *morale* mendacium, sive illa quæ modò (§. 5.) dicta fuerat hominis *iniquitas* (αδικια). Qui hic loquitur extremum judicium cogitat *nunc* adesse, hinc utitur Verbo Præsentis *judicor* (κρινομαι); et proinde peccatum suum cogitat tamquam præteritum aliquid, adeoque de eo loquitur in Aoristo historico (επερισσευσε).— Illud ἡ αληθεια Θεου επερισσευσεν εις την δοξαν αυτου tantumdem est ac ἡ αληθεια περισσοτερος ενδοξος εγενετο. Præpositio εν in εν τω εμω ψευσματι dicta est de instrumento quo. *Ετι* adhuc, sed eo sensu quasi dicas *rebus sic comparatis*. Particula καί (in καγω) post *ετι* abundare mihi videtur, ut Luc. XIV. 26. Act. II. 36.

§. 8. *Et non* (sicut blasphemamur, et sicut aiunt quidam nos dicere, faciamus mala, etc.) Ante *non* supple *quid* ex præcedenti sententia (*quid adhuc et ego*, etc.); itaque legas *et quid* (cur) *non*, etc. Editores Vulgatæ verba *sicut blasphemamur et sicut aiunt quidam nos dicere* pro parenthetica sententia habuère; minus recte; nam *faciamus* (ποιησωμεν) non pendet a καί τι μη, sed a verbo λεγειν, uti patet ex Recitativo οτι ante ποιησωμεν. Si Apostolus sibi voluisset *et quid non faciamus*, non scripsisset ibi in Aor. Conj. ποιησωμεν sed adhibuisset Verbum Temporis Præsentis; et quemadmodum dixerat τι ετι κρινομαι, pariter dixisset καί τι μη ποιοῦμεν. Nec putaverim interpretem nostrum hoc loco parenthesin voluisse; nam si hoc, scripsisset non *faciamus* sed *facimus*. Igitur verba Apostoli ita sumas ac si scripsisset: *et quare non facimus, sicut blasphemamur et sicut aiunt quidam nos dicere* (sicut quidam qui nos calumniantur aiunt nos dicere), *faciamus mala ut eveniant bona*! Animadvertere est hoc loco speciem quamdam *Attractionis*, de quâ videsis WINERUM

§. 64. pag. 605. *Βλασφημεῖω* est *βλαπτῶ τὴν φημὴν* (*famam*) *τινός*. — *Βλασφημεῖσθαι* *calumniā lādi*. Impiam illam consequentiam (ϣ. 6) Apostolus hic ex eo repellit quòd, si vera sit, jam sequatur, omnino licere malum facere si bonum inde eveniat.

quorum damnatio justa est) Verba hæc non referuntur ad illos qui per calumniam illi talem doctrinam (*faciamus mala*, etc.) imponebant, sed ad eos qui in agendo talem sententiam sequerentur; quos quidem damnatione dignissimos pronunciat, quo magis ostendat quam abhorreat ab istiusmodi doctrina, et quam falso ea illi adscribatur.

ϣ. 9—18. Quid ergo? præcellimus eos? Nequaquam. Causati enim sumus Judæos, et Græcos omnes sub peccato esse, ¹⁰ sicut scriptum est: Quia non est justus quisquam: ¹¹ non est intelligens, non est requirens Deum. ¹² Omnes declinaverunt, simul inutiles facti sunt, non est qui faciat bonum, non est usque ad unum. ¹³ Sepulchrum patens est guttur eorum, linguis suis dolosè agebant: Venenum aspidum sub labiis eorum: ¹⁴ Quorum os maledictione, et amaritudine plenum est: ¹⁵ Veloces pedes eorum ad effundendum sanguinem: ¹⁶ Contritio, et infelicitas in viis eorum: ¹⁷ et viam pacis non cognoverunt: ¹⁸ Non est timor Dei ante oculos eorum.

ϣ. 9—18. *Τί οὖν; προεχόμεθα; Οὐ πάντως· προητιάσαμεθα γὰρ Ἰουδαίους τε καὶ Ἕλληνας πάντας ὑφ' ἁμαρτίαν εἶναι, ¹⁰ καθὼς γέγραπται· οὐκ ἔστι δίκαιος οὐδὲ εἷς. ¹¹ οὐκ ἔστιν ὁ συνιὼν, οὐκ ἔστιν ὁ ἐκζητῶν τὸν Θεόν. ²¹ Πάντες ἐξέκλιναν, ἅμα ἡχρειώθησαν· οὐκ ἔστι ποιῶν χρηστότητα, οὐκ ἔστιν ἕως ἐνός. ¹³ Τάφος ἀνεωγμένος ὁ λόγος αὐτῶν· ταῖς γλώσσαις αὐτῶν ἐδολιοῦσαν· ἰὸς ἀσπίδων ὑπὸ τὰ χεῖλη αὐτῶν. ¹⁴ ὧν τὸ στόμα ἀράς καὶ πικρίας γέμει. ¹⁵ ὀξεῖς οἱ πόδες αὐτῶν ἐκχέαι αἷμα. ¹⁶ Σύντριμμα καὶ ταλαιπωρία ἐν ταῖς ὁδοῖς αὐτῶν. ¹⁷ καὶ ὁδὸν εἰρήνης οὐκ ἐγνώσαν. ¹⁸ οὐκ ἔστι φόβος Θεοῦ ἀπέναντι τῶν ὀφθαλμῶν αὐτῶν.*

Paraphrasis. Quid igitur? sumus-ne nos Judæi acceptiores Deo quam Gentiles? Nequaquam! supra enim criminibus allatis arguimus peccatores esse omnes, Judæos juxta ac Gentiles; sicut scriptum est: *Non est justus ullus; non est qui recte sapiat, non est qui Deum colat.* Omnes a recta via recesserunt, facti sunt improbi pariter omnes; non est qui faciat bonum, non unus quidem. Guttur eorum est sepulcrum apertum; linguis suis utuntur ad dolum; viperarum virus est sub labris eorum; os eorum execratione et amarulentia plenum est; pedes eorum veloces sunt ad effundendum sanguinem; contritio et calamitas est in viis eorum, et viam pacis non noverunt. Non est timor Dei præ oculis eorum.

γ. 9. *Quid ergo? præcellimus eos? nequaquam.*) A digressionē (γ. 1-8) ad superiorem disputationem (Cap. II. 1-29) rediens Apostolus concludit, Judæos, si sermo sit de probitate vitæ, nequaquam præstare Gentilibus, quum utrique peccatores essent, ut probasset.

Τι οὖν et προεχομεθα sunt duæ interrogationes, non verò una hæc: τι οὖν προεχομεθα; quid igitur præcellentiae habemus? ¹⁾ nam si hoc, respondendum erat non οὐ sed οὐδεν. Igitur τι οὖν formula est argumentantis ex ante dictis (ut hic ex I. 18-II. 29) et illaturi inde consequentiam quam repulsurus sit. Cf. Cap. VI. 13.—Προεχειν significat ante se habere (veluti clypeum), prætere, ut in hoc VIRGILII: *Paciferæque manu ramum prætere olivæ*; deinde per Metaphoram προεχειν dicuntur illi qui primas tenent aliqua in re, qui præstant ceteris iisque superiores sunt. Passivum προεχεσθαι est præterendi, et antecelli, superari; ut in hoc PLUTARCHI (*De Stoicor. contradict.* apud WETSTENIUM ad h. l.): *κατ' οὐδεν προεχομενοις ὑπο του Διου*, cum nulla in re a Jove superentur; at Paulinum προεχομεθα neutrâ significatione sumi hic potest: non priori, uti patet; sed nec posteriori, quum huic obstet contexta oratio; non enim quæritur utrum a Gentilibus superentur Judæi, verum utrum hi Gentilibus præstant. Relinquitur ergo ut vocem προεχομεθα habeamus pro formâ Media, eique tribuamus notionem *superandi*, quam contexta oratio omnino postulat. Formam activam προεχειν hac significatione frequentari, suprâ jam diximus. Fatendum quidem est, non esse adhuc reperta loca Classicorum ubi Medium προεχεσθαι notionem *superandi* habeat, sed non ideo dubitaverim hanc significationem illi verbo tribuere. Ratio est, quia video vocem προεχομεθα hoc sensu redditam fuisse in versionibus antiquissimis, Itala ³⁾, Syriaca ⁴⁾ et Vulgata, eodemque sensu προεχομεθα exponi a vetere Scholiaste ⁵⁾, quem ΜΑΤΤΗΑΙ edidit; unde conjecerim in seriore Græcitate utramque formam προεχειν et προεχεσθαι (Med.) ad notionem *superandi* exprimendam pariter fuisse adhibitam; ejus rei exempla minimè desunt. Cf. WINERUM § 39.—Οὐ παντως propriè notat non omni modo; sed eam notionem

(1) Ita quoque interpres Syrus; sed is verba Apostoli aliter accipere non poterat, quum responsum illud οὐ παντως in suo exemplari non legeret. Sic enim vertit:

مَلَا سَعِيًّا اَسْبَغْتَنِي مَلَا : وَصَبْنِي
فَمَنْ خَلَّ مَسْؤُومًا كَلَّا اَذْكُرًا : وَصَبْنِي
سَلَامًا اِلَى جَسَدِي

h. e. Quid igitur obtinemus nos præstantiæ? nam ante declaravimus de Judæis et de Gentilibus, quod sub peccato sint omnes.

(2) Medium προεχομαι sive προυχομαι adhuc non repertum est adhibitum nisi tantum cum notione ante se habendi, prætere, aut prætere.

Videsis H. STEPHANUM ad voc. προεχω.

(3) Igitur præcellimus eos?

(4) Vide suprâ.

(5) Προεχομεθα: τουτεστι, πληον τι των εν αμαρτιας κατημεθα.

præsens locus respuit; docuit enim Apostolus, Judæos, etsi Gentilibus præstantes si sermo sit de beneficiis a Deo ipsis collatis, peccatores tamen esse æquè ac Gentiles adeoque illos, quod attinet ad vitæ probitatem, his minimè præstare. Dicendum itaque *οὐ παντὼς* scriptum hic esse pro *παντὼς οὐ* omninò non, nequaquam; ut adeò agnoscenda sit *Trajectio* Particulæ negantis. DEMOSTHENES (apud WINERUM § 65) sic dixit *οὐ παντὸς* omninò non, et EPIPHANIUS (ibid.) *οὐ παντὼς* nequaquam.

Causati enim sumus, Judæos et Græcos, omnes sub peccato esse). Rationem dat Apostolus cur negaverit Judæos ullo modo præstare Gentilibus si sermo sit de propriis utrorumque meritis. *Modo enim, inquit, accusavimus (προητιασαμεθα) tam Judæos quam Gentiles, quod essent sub peccato omnes, i. e. tam hos quam illos esse peccatis obnoxios.* De Gentilibus Apostolus illud ostenderat Capite I. γ. 18—32, de Judæis verò Capite II. 1—29. Sermo hic non est de peccato originali,¹⁾ sed de peccatis actualibus: nec Gentiles legem naturæ, nec Judæi legem scriptam servaverant. Bene SALMERON (Disput. 23): «Non id agit PAULUS, inquit, ut quærat uter populus gravius deliquerit; satis illi est probare, omnes fuisse sub lethali delicto maculatos, dicendo, *omnes sub peccato esse* quasi depressos, ut servos et mancipia peccati. Ex quo elicitur, nec hos nec illos meruisse Dei gratiam, sed pœnam potius æternam; quare si divinum gratiæ lumen et cetera dona illis conferantur, hoc non est ex eorum merito, sed ex sola et mera Dei bonitate.»

γ. 10—12. *Sicut scriptum est: quia non est justus quisquam*²⁾). Peccatores esse Judæos Apostolus insuper probat adductis nonnullis ea de re testimoniis, ex variis S. Scrip-

(1) «Arbitror, ait Soto (ad h. l.), Paulum loqui de injustitia actuali;.. neque intelligit injustitiam, ut opponitur speciali virtuti, sed vitiositatem in genere. Exorditur enim a genere (γ. 10.) *quia non est justus quisquam*), unde ad particularia crimina speciatim descendat.»

(2) Quæ hic allegantur (10—19), omnia sic habentur in Psalmo decimo tertio, ut is legitur in Vulgata. Sed ad hunc Psalmum proprie non pertinent nisi ea, quæ PAULUS habet versiculis decimo et duobus sequentibus; reliqua autem (13—19) sumta sunt ex aliis S. Scripturæ locis. De qua varietate lectionis erudite scripsit et rectissime judicavit LUCAS BRUGENSIS (*Notationes in S. Biblia; ad Ps. XIII*). Sententia ejus est, versus illos (13—19) non ad decimum tertium Psalmum pertinere, sed ex variis S. Scripturæ locis ab Apostolo collectos, deinceps a quopiam ex epistola ad Romanos Psalmo decimo tertio fuisse

adjectos, quòd præcedentes versus ad eum Psalmum pertinerent. Qua prolata sententia, consultè hæc addit. «Porro, inquit, ut hos versus Hebræis et Græcis codicibus non adjiciendos esse censeo, ita Latinis libris, in quibus constanter leguntur, non subtrahendos judico. Lectionis enim antiquitas, quæ AUGUSTINI et HIERONYMI præcessit tempora, et perpetuus Ecclesiæ in templis usus, suo eos loco facile moveri non sinunt. Expediat autem fortassis obelisco eos prænotari, quemodmodum in vetustissimis exemplaribus, uno Cathedralis Ecclesiæ Brugensis, altero insignis abbatiae Lobiensis, tertio Cœnobii S. MARTINI Tornacensis, et in D. BRUNONIS Herbipolensis Episcopi textu, notati cernuntur.—Hoc autem prænotati signo si versus isti scribantur, et lectionis antiquitati et legentis eruditioni satisfiet. Unum propter vetustatem in Ecclesia decantandum est, alterum propter notitiam Scripturarum ab eruditis sciendum est.»

turæ locis collectis; quæ tamen ad sensum potius quam verbotenùs ab ipso recitantur. Particula *ὅτι* (*quia*) non est pars recitandi testimonii, sed inservit inducendo in orationem verba alteerius; *ὅτι* *recitativum* vocant; idque etiam a scriptoribus classicis sic adhibetur. Vide KÜHNERUM §. 769. *Anmerk.* Prima pars testimonii comprehensa hisce verbis: *non est justus quisquam, Non est intelligens, non est requirens Deum; omnes declinaverunt, simul inutiles facti sunt; non est qui faciat bonum, non est usque ad unum*, sumta est ex Psalmo XIII. (Hebr. XIV) γ. 1—3. ubi ex versione Vulgatæ sic legimus: γ. 1. *Corrupti sunt et abominabiles facti sunt in studiis suis; non est qui faciat bonum, non est usque ad unum.* γ. 2. *Dominus de cælo prospexit super filios hominum, ut videat si est intelligens, aut requirens Deum.* γ. 3. *Omnes declinaverunt, simul inutiles facti sunt; non est qui faciat bonum, non est usque ad unum.*

Verba PAULI ista, *non est justus quisquam*, conveniunt ad sensum quod attinet, cum eo quod in Psalmo dicitur γ. 1: *non est qui faciat bonum*. In dictionibus *ὁ συνίων* et *ὁ ἐκζητών* Articulus inservit demonstrando definitum hominum *genus* aliquod. Similis Articuli usus est in hoc Matthæi (Cap. XII. 35): *ὁ ἀγαθὸς ἀνθρώπος ἐκ τοῦ ἀγαθοῦ ὁσαύρου ἐκβάλλει τὰ ἀγαθὰ*. Cf. WINERUM § 17. Participium *συνίων* *intelligens*, *sapiens* a Verbo *συνιώ* derivatum est; Cf. WINERUM § 14. 3. Intelligitur autem eâ voce *sapiens sapientiâ ethica*, adeòque *pius, probus*; locutio autem illa hebraizans *quærere Deum* (רָשָׁא אֶת־יְהוָה) cum alia notat, tum etiam *colere Deum*, eoque sensu hic sumenda est; adeòque illud *οὐκ ἐστὶ ὁ ἐκζητών τὸν Θεόν* valet *non est qui Deum colat*. *Πάντες ἐξέκλιναν* i. e. *omnes declinaverunt*, puta, a viâ pietatis et probitatis; *ἅμα* (supple *πάντες* ex præcedentibus) *ἠχρεώθησαν* *unâ omnes facti sunt inutiles* (ondeugend); Hebraicè ibi legitur נִכְזְּבוּ (Nikt.) *ils se sont corrompus*, sensu ethico. « Vocabulum *χρηστοτης*, quod plerumque *benignitatem* denotat, hoc loco *morum honestatem* significat: *non est qui virtutem exerceat*. Quippe *χρηστος* in univ-
ersum dicitur qui talis est, qualem esse decet. Ceterum ne quis hunc Substantivi *χρηστοτης* usum miretur, tenendum est, PAULUM vel potius LXX voces ab eâdem origine profectas consultò conjunxisse. Qualia etiam Atticos lubentur copulare constat. » FRITSCHIUS ad h. l.

γ. 13. *Sepulcrum patens est guttur eorum, linguis suis dolosè agebant*¹⁾) sumta sunt hæc ex Psalmo V. 10. (in Vulgata γ. 11): קִבְּר פְתוּחַ גִּרְנָם לְשׁוֹנָם יִחַלְקוּן : hoc est, *sepulcrum patens*²⁾ *est guttur eorum; linguam suam lævigant, blandis utuntur*

(1) Verba hæc et quæ sequuntur usque ad γ. 19 leguntur quidem tamquam pars Psalmi decimi tertii in Codice Vaticano' versionis Septuagintaviralis, non tamen in ipso contextu sed ad marginem, teste MONTFAUCONIO (apud DE ROSSI in VARR. LECTT. N. T. ad h. l.).

(2) קִבְּר פְתוּחַ rectius redditur *sepulcrum patens* quam *sepulcrum apertum*, quia scriptum est קִבְּר פְתוּחַ non נִפְתָּח.

verbis ad fallendum. *Εδολιουσαν* (a *δολιωω*) Imperfecti forma Ionica est pro *εδολιουν*. Videsis STURZIUM *de Dialecto Alexandrina et Macedonicâ*. p. 60.

Venenum aspidum sub labiis eorum) Hæc sumta sunt ex Psalmo CXXXIX. 4. (Hebr. 140): *הַמָּוֶה עַל־שִׁפְתֵי הַחַיָּה וְהַמָּוֶה עַל־שִׁפְתֵי הַחַיָּה* hoc est, *Virus aspidis est sub labiis eorum*. Hæc imagine exprimitur teterrimum malum quod proximo suo infert calumniator. Sensus integri hujus versiculi rectissime exposuit Card. TOLETUS: (ad h. l.) « Peccata linguæ, inquit, seu verbo commissa annotantur, et per Metaphoram exprimuntur. Guttur eorum dicitur sepulcrum patens; ut enim patens et apertum sepulcrum pessimos ac fœtidos spargit odores, qui hominum saluti noxii sunt; sic ab istorum gutture per linguam et labia noxia verba procedunt, aut deceptorum, aut quæ famam proximi lædunt. »

Ÿ. 14. *Quorum os maledictione et amaritudine plenum est*). Pertinent hæc ad Psalmum X. 7: *אָזְלָהּ פִּיהוּ מָלֵא וּמְרִמּוֹת יָהֶךָ* h. e. *execratione os ejus plenum est et fraudibus et oppressione*. Pro *πικρία* (*amaritudo*), quæ vox hoc loco legitur quoque in versione Septuaginta-virali, Hebraicè est *מְרִמּוֹת*, quæ vox ab interprete Psalterii reddi solet *δολος* aut *δολιοτης*. Quare probabiliter conjeceris cum hoc loco pro *מְרִמּוֹת* legisse *מְרִימוֹת* *amaritudines*. Per vocem *πικρία* in Septuaginta-virali versione redditur *מְרִימוֹת* quod legitur Deuteron. XXXII. 32.

Ÿ. 15—17. *Veloces pedes eorum ad effundendum sanguinem; etc.*) Ea quæ habentur versiculo hoc et duobus sequentibus, desumta sunt ex Isaia (Cap. LIX. 7. 8), non verbotenùs quidem, sed tamen quod attinet ad sensum. Nam quæ a PAULO dicuntur hisce versiculis, ea in Isaia sic leguntur: *וְיִמְחָרוּ לְשֹׁפָךְ דָּם נָקִר מִחֲשַׁבְתֵּיהֶם* h. e. *Pedes eorum currunt ad id quod malum est, et festinant ad effundendum sanguinem innocentem; cogitationes eorum sunt cogitationes pravitatis (pravæ); vastatio et ruina sunt in semitis eorum; Viam pacis ignorant*. Quorum verborum sensus est: Usque parati sunt ad malum perpetrandum, et prompti ad homicidium; solenne illis est proximo inferre calamitatem; bene illi facere nesciunt.

Ÿ. 18. *Non est timor Dei ante oculos eorum*). Sumta sunt hæc ex Psalmo XXXV. (Hebr. Ps. 36) *אֵין־פֶּחַד אֱלֹהִים לְנֶגְדִי עֵינָיו* h. e. *non est timor Dei coram oculis ejus*. Aptissimo epiphonemate adducta testimonia claudit Apostolus; nam, quod TOLETUS hic notat, *omnium peccatorum generale principium est, Deum non timere; timor enim Dei est veluti frænum, appetitum hominum in peccata proclivem reprimens et retrahens; quo soluto, in peccatorum præcipitia velocissime, nullo retinente, magno impetu fertur*.

γ. 19—20. Scimus autem quoniam quaecumque lex loquitur, iis, qui in lege sunt, loquitur: ut omne os obstruatur, et subditus fiat omnis mundus Deo: 20 quia ex operibus legis non justificabitur omnis caro coram illo. Per legem enim cognitio peccati.

γ. 19'—20. Οἶδαμεν δὲ ὅτι ὅσα ὁ νόμος λέγει, τοῖς ἐν τῷ νόμῳ λαλεῖ· ἵνα πᾶν στόμα φραγῇ καὶ ὑπόδικος γένηται πᾶς ὁ κόσμος τῷ Θεῷ. 20 διότι ἐξ ἔργων νόμου οὐ δικαιωθήσεται πᾶσα σὰρξ ἐνώπιον αὐτοῦ· διὰ γὰρ νόμου ἐπίγνωσις ἁμαρτίας.

Paraphrasis. Jam verò novimus, quaecumque sacra Scriptura dicit, ea dicta esse primo loco in eos qui sunt legi Mosaicæ subjecti, hoc est, in Judæos; et sic quoque accusatoria illa verba, quæ modò adduximus, dicta sunt in Judæos; quod quidem factum est eo consilio ut ex æquo tam Judæis quam Gentilibus os obstruatur totusque mundus agnoscat se esse Deo ad pœnam obstrictum; propterea quod opera legis efficere nequeunt ut quis justus habeatur a Deo; nam lex qua talis non præstat nisi notitiam peccati.

γ. 19. Scimus autem quoniam quaecumque lex loquitur, iis qui in lege sunt loquitur). S. Scripturæ loca adhuc recitata Apostolus induxerat ad ostendendum sub peccato esse omnes, id est, tam Judæos quam Græcos sive Gentiles. Jam ne forte dicerent Judæi, illa Scripturarum testimonia non etiam ad se pertinere sed ad Gentiles dumtaxat, Apostolus exceptionem illam præoccupans ostendit, positâ regulâ generali, adducta testimonia etiam ad gentem Judaicam esse referenda. Generalis autem illa regula hæc erat: quod Legis 1) eloquia universalialia, quales erant præsentis reprehensiones universales, dicta esse primo loco in eos qui essent huic Legi subjecti, hoc est, in gentem Judaicam. Dicit ergo: *Novimus autem, Legem, quaecumque indeterminatè proloquitur, ea primo loco dicere in Legi subditos. Τοῖς ἐν τῷ νόμῳ* scil. *οὖσιν*. Præpositio *ἐν* ibi dicta est de statu sive conditione in qua quis versatur.

ut omne os obstruatur, et subditus fiat omnis mundus Deo). Ex generali illo effato, *quaecumque lex proloquitur indeterminate, ea primo loco dicit in gentem Judaicam*, consequabatur, reprehensiones illas universales, quas Apostolus modò ex Lege recitaverat, primo loco pertinere ad populum Judaicum; et ad hoc referendum est quod addit Apostolus: *ut omne os obstruatur et subditus fiat omnis mundus Deo*. Ut adeò perdifficilis hujus loci sensus mihi videatur esse hic: *Quaecumque Lex proloquitur, ea primo loco*

(1) Lex hoc loco, ut et 1 Cor. XIV. 21, intelligitur synecdochicè universa veteris Testamenti

Scriptura; sumtâ nimirum denominatione totius a parte potiori.

dicit in gentem Judaicam, et sic in gen'em Judaicam a Lego dicta sunt accusatoria illa verba, (ψ. 10 — 19) idque in eum finem ut (ἐν αὐτῇ) omne os (etiam gentis Judaicæ) obstruatur, et totus mundus (etiam gens Judaica) agnoscat se esse Deo ad pœnam obstrictum.

Universales illæ reprehensiones ut conscriberentur Spiritus sanctus voluit cum ob alios fines, tum etiam in eum finem, quem PAULUS hic indicat, ut nempe doceretur sub peccato esse omnes, tam Gentiles quam Judæos, atque ita omne os obstrueretur, omnes conticescerent utpote culpæ convicti nec habentes quo se defendant, et totus mundus (ut Gentiles ita et Judæi) agnosceret se esse reum pœnæque obstrictum. ὑποδίκος τινι obnoxius alicui, pœnæ obstrictus (strafschuldig). Θεῷ (Dativ.) cui pœnæ dandæ sint. Γενηταί logicè sumendum est, ut suprâ (ψ. 4) γενεσθῶ.

ψ. 20. quia ex operibus Legis non justificabitur omnis caro coram illo; per legem enim cognitio peccati.). Διότι proptereaquod, quia, Particula ætiologica, inducit rationem ejus quod dictum est. Ergo, quod hic docet Apostolus, fieri non posse ut ex operibus Legis quispiam justificetur, rationem continet præcedentis sententiæ: ut omnis mundus (ut Gentiles ita et Judæi) agnoscat se esse Deo ad pœnam obstrictum ob peccata actualia; nam de his tantum sermo adhuc fuit. Obscurum tamen est, mihi certè, quo modo Legis ad justificandum impotentia rationem reddat illius sententiæ.

Futurum illud justificabitur (δικαιωθήσεται) hic adhibetur de eo quod fieri potest, ut infrâ, Cap. X. 14, πῶς ἐπικαλέσονται, quod reddendum est quomodo possunt invocare. Sermo autem est, ut contexta oratio demonstrat (ὑποδίκος τῷ Θεῷ), de ea justitia, qua homo ex peccatore fit justus, remisso peccato et reconciliatione factâ cum Deo ¹⁾. Lex (νόμος) hic intelligitur lex Mosaica, et quidem lex Moralis; nam ea lex hic intelligenda est de qua dicere pergit: per legem enim cognitio peccati. Atqui hanc legem esse legem Mosaicam moralem, id quidem patet ex loco parallelo isto: Quid ergo dicemus? Lex peccatum est? Absit. Sed peccatum non cognovi nisi per legem: nam concupiscentiam nesciebam, nisi lex diceret: Non concupisces (Cap. VII. 7). Opera autem legis (νομῶν. Genit. auctoris) vocantur opera ea quæ lex Moralis aut facienda jubet aut vetat. Omnis caro ex Hebraïsμο כָּל-בָּשָׂר dicitur pro quivis homo. Dictum est autem omnis caro non potest justificari pro nemo justificari potest; etiam hic Hebraismus est in ratione loquendi. Scilicet Particula negativa לֹא non præmissa aut subjecta vocabulo כָּל omnis sæpènumero unam notionem inde efficit. v. g. Prov. XII. 21: לֹא יָצִיחַ לַצַּדִּיק כָּל-אָוֶן non accidet justo omnis calamitas, ubi non omnis est nulla. — לֹא יֵעָשֶׂה כָּל-מְלָאכָה לֹא omne opus non fiat, h. e. nullum opus fiat (Exod. XII. 6). Ex Græcitate Novi Testamenti hebraizante exemplo sint ista: Luc. I. 37: Οὐκ ἀδυνατήσει παρὰ τῷ Θεῷ παν ῥημα; Vulg.: Non

(1) « Justificare hoc loco nihil aliud est quam effici justum ex injusto et peccatore. Quod ex eo probatur, quod Gentes et Judæos ostendit esse peccatores, nec posse delicta eorum per ulla opera

expiari, nisi gratuito Dei dono, quod fides impetrat et apprehendit. » SALMERON. Disputat. XXV in Ep. ad Rom.

erit impossibile apud Deum omne verbum. Joh. VI. 39. : *ἵνα παν ὃ δέδωκε μοι, μὴ ἀπολέσω ἐξ αὐτοῦ*. Vulg. : *ut omne quod dedit mihi non perdam ex eo*. *Ἐνώπιον τοῦ Θεοῦ* ut *בְּעֵינֵי יְהוָה* in oculis Iehovæ, in iudicio et æstimatione Dei.)

Recte TOLETUS (ad h. l.) : « Attende, inquit, legem dici neminem justificare posse, non solum quia nemo poterat legem totam implere, sola legis ipsius ope adjutus ; (opus enim est et erat, gratiâ, quæ non ex lege est sed ex fide CHRISTI ;) sed etiam, quia, quamvis legis opera efficeret, adhuc justificari peccator non posset : nisi enim CHRISTI fides adesset, quamvis tota lex impleretur, numquam homo peccator a peccato liberaretur nec Deo reconciliaretur ; hoc enim opus est CHRISTI, qui fide viva in ipsum nobis justitiam sua virtute, justitia et merito communicat et impertitur ; propterea PAULUS prudentissime dixit, *ex operibus legis non justificari ullam carnem*, quia lex etiam impleta id non posset facere. » Ceterum quod de operibus legis Moralis Mosaicæ hic a PAULO dictum est, idem quoque valet, ob paritatem rationis, de *operibus legis naturalis*.

per legem enim cognitio peccati.) His verbis causa exponitur cur fieri nequeat ut aliquis peccator ex legis operibus coram Deo justificetur. Causa autem est in ipsa impotentia legis, ut quæ nihil aliud præstet, quam ut per eam innotescat peccatum quod fugiendum sit ; omnino autem careat virtute abolendi peccata commissa et peccatorem cum Deo reconciliandi.

Eandem de valore Mosaicæ legis doctrinam Apostolus pandit tum alibi, tum maxime in Epistola quam dedit ad Galatas : *Scientes autem*, inquit (Cap. II. 16), *quod non justificatur homo ex operibus legis, nisi per fidem Jesu Christi, et nos in Christum Jesum credidimus, ut justificemur ex fide Christi, et non ex operibus legis propter quod* (propterea quod) *ex operibus legis non justificabitur omnis caro* ; quorum verborum sensus hic est : Scientes autem neminem justificari verâ, interiore, proprieque dietâ justitiâ, quæ remissionem peccatorum complectitur, per opera legis, sed tantum per fidem in JESUM CHRISTUM, etiam nos in CHRISTUM JESUM credidimus (*ἐπιστευσάμεν*), ut per fidem in illum consequeremur justitiam (*δικαιωθώμεν*) et non ex operibus legis ; propterea quod per opera legis nemo justificari potest.—

In eandem sententiam porro (Cap. III. 12) docetur *legem non esse ex fide*, hoc est, legi nihil esse commune cum fide, adeoque nec cum justificatione. Quando autem dicitur, legi nihil esse commune cum fide, non ideò negatur fidem fuisse requisitam tempore legis Mosaicæ, aut pios veteris Testamenti fuisse sine fide adeoque sine gratia ; sed Apostolus ideò ita loquitur quia agit ibi de merâ lege, de lege qua tali, et qualem post JESU CHRISTI adventum Judæi legem considerare debebant. Ante CHRISTI adventum Judæi legem habebant cum spe MESSIÆ venturi, itaque cum fide et gratia ; sed post CHRISTI adventum, quum cum rejicerent, non supererat ipsis nisi mera lex sine fide et gratia. Eo quoque sensu Apostolus deinceps dicturus est (infra Cap. IV. 13), *legem operari iram* ; quia nempe prævaricationis occasio est præcipiendo, quum non conferat gratiam qua impleri possit præceptum ; gratia enim per fidem accipitur.

γ. 21—22. Nunc autem sine lege justitia Dei manifestata est : testificata a lege , et Prophetis . 22 Justitia autem Dei per fidem JESU CHRISTI in omnes , et super omnes , qui credunt in eum : non enim est distinctio :

γ. 22 — 22. *Νυνὶ δὲ χωρὶς νόμου δικαιοσύνη Θεοῦ πεφανέρωται, μαρτυρουμένη ὑπὸ τοῦ νόμου καὶ τῶν προφητῶν.* 22 *δικαιοσύνη δὲ Θεοῦ διὰ πίστεως Ἰησοῦ Χριστοῦ, εἰς πάντας καὶ ἐπὶ πάντας* ^{a)} *τοὺς πιστεύοντας· οὐ γάρ ἐστι διαστολή.*

Paraphrasis. Nunc autem ex quo cœpit prædicari Evangelium , mundo manifestata est justitia quam in homine efficit Deus, quæque non obtinetur eo quòd quis aut habuerit legem aut legi paruerit ; cui justitiæ testimonium reddunt sacrarum Scripturarum oracula. Manifestata est , inquam , justitia Dei quam per fidem JESU CHRISTO præstitam obtinere possunt quotquot fidem illi habeant cujuscumque sint nationis ; nullum enim hic discrimen est inter Judæos et Gentiles.

VARIANS LECTIO.

^{a)} Verba καὶ ἐπὶ πάντας non leguntur in Codd. ABC. Leguntur autem in Codd. DEFGIK multisque Minusculis, item apud Theodoretum, Chrysostomum, Theophylactum, et Oecumenium.

γ. 21—22. *Nunc autem sine lege justitia Dei manifestata est* , etc.) Hactenus Apostolus demonstraverat peccatores esse tam Gentiles quam Judæos ; nec fieri posse ut Judæus peccator per legem qua talem cum Deo reconciliaretur. Quod autem de legis Mosaicæ impotentia affirmaverat , illud ob paritatem rationis valebat etiam de lege naturali ; nam et de hac verum erat quod dixerat , *per legem tantum dari cognitionem peccati* (Vide supra p. 91). Itaque ademtâ legi tam Mosaicæ quam naturali omni vi justificandi , jam, cò rediens unde fuerat egressus (Cap. I. 17) , distinctius docet justificationem esse acceptam referendam divinæ gratiæ , quæ per fidem in CHRISTUM offeratur hominibus nullo gentis discrimine omnibus ¹⁾. *Nunc autem* (*νυνὶ*) , inquit , hoc novæ legis tempore , palam orbi *manifestata est* (*πεφανέρωται*) vera justitia , *justitia Dei* (*δικαιοσύνη Θεοῦ*) ,

(1) S. THOMAS (ad Cap. III. 21) : « Postquam ostendit Apostolus Judæos et Gentiles æquales esse quantum ad statum culpæ præcedentis, jam ostendit eos æquales quantum ad statum gratiæ subsequentis. »

ea, quam in homine misericorditer et gratis efficit Deus, quæque obtinenda neque a cognitione legis neque ab ejusdem observatione pendet (*χωρίς νομου*); quam olim prænunciarent oracula Scripturarum; manifestata est, *inquam* (*δε*), justitia Dei, quæ per fidem in IESUM CHRISTUM obtinetur et obtinenda offertur hominibus nullo gentis discrimine (*εις παντας και επι παντας*, supple *ουσα*), sive Judæis sive Gentilibus, qui voluerint credere in eum; nam non datur hactenus ulla inter Judæos et Gentiles distinctio.

Sunt qui velint dictionem *νυνι* hoc loco inservire *argumentationi* valereque *atqui*, *at vero*, ut infra Cap. VII. 17 et 1 Cor. XV. 20; sed in præsentī loco, ut mihi quidem videtur, nulla est argumentatio, nulla adsumtio, nulla conclusio. Itaque putaverim illud *νυνι* dictum esse *de tempore* quo palam orbi manifestata est illa *justitia Dei*; adeoque idem valere ac *εν τῷ νυν καιρῷ*, quod infra (γ. 26) scripsit Apostolus de eadem re agens: *ad ostensionem*, inquit, *justitiæ ejus εν τῷ νυν καιρῷ* (*in hoc tempore*).

Voces istas, *χωρίς νομου*, multi jungunt cum *πεφανερωται*, ut sensus sit: *Justitia Dei innotuit absque lege*. Sed quum Apostolus non scripserit *νυνι δε δικαιοσυνη Θεου πεφανερωται χωρίς νομου*, sed *νυνι δε χωρίς νομου δικαιοσυνη Θεου πεφανερωται*, non dubitaverim quin *χωρίς νομου* jungendum sit cum *δικαιοσυνη*, ut sensus sit: *nunc autem ea quæ absque lege est justitia Dei*, etc. *Πεφανερωται manifestata est*, scilicet per prædicationem Evangelii; nam eodem sensu sumendum est hic *πεφανερωται* quo suprâ (Cap. I. 16) *αποκαλυπτεται*.

Quod autem addit Apostolus *μαρτυρουμενη ὑπο του νομου και των προφητων*, suspicionem novitatis præoccupat, docendo *justitiam Dei*, quæ nunc palam orbi annuntiatur, olim fuisse prænunciatam sacerum librorum oraculis. Idem hoc docuerat Apostolorum princeps PETRUS (Act. X. 43): *Hic*, inquit, *omnes prophetæ testimonium perhibent, remissionem peccatorum accipere per nomen ejus omnes qui credunt in eum*. Videsis quæ in Commentario ad eum locum adnotavimus. De justificatione peccatoris sub veteri Testamento egimus ad Act. XIII. 39, et XV. 10. 11.

γ. 22. *Justitia autem Dei per fidem Jesu Christi in omnes et super omnes qui credunt in eum*). Bene ESTIUS: « Cohærent, inquit, hæc verba superioribus *Epanalepsi* quadam, exponente causam ac modum *justitiæ Dei*, quam dixit, acquirendæ. » Itaque in verbis istis, *δικαιοσυνη δε Θεου*, Particula *δε* non *adversandi* sed *explicandi* vim habet, ut sensus sit: *justitia, inquam, Dei*, etc. Sic Particula hæc legitur quoque infra Cap. IX. 30: *δικαιοσυνην δε της πιστεως*, et Cor. II. 6: *σοφian δε ου του αιωνος τουτου*, κ. τ. λ.

Dictio hæc *πιστις Ιησου Χριστου* tantumdem valet ac *πιστις εις Ιησουν Χριστον*, quæ legitur in epistola ad Colossenses Cap. II. Patet hoc ex ratione loquendi, qua usus est Apostolus in epistola ad Galatas (Cap. II.): *Scientes autem*,

inquit, quod non justificatur homo ex operibus legis, nisi (sed tantum) per fidem Jesu Christi (δια πιστεως Ιησου Χριστου), et nos in Christo Jesu credimus (εις Χριστον Ιησουν πιστευσαμεν) ut justificemur ex fide Christi (ex πιστεως Χριστου). Conficitur hinc Genitivum Ιησου Χριστου in dictione πιστις Ιησου Χριστου esse Genitivum Objecti.

« Dicitur autem justitia Dei esse per fidem Jesu Christi, non ut quasi per fidem mereamur justificari, quasi ipsa fides ex nobis existat et per eam mereamur Dei justitiam, sicut Pelagiani dixerunt; sed quia in ipsa justificatione qua justificamur a Deo, primus motus mentis in Deum est per fidem. Unde ipsa fides quasi prima pars justitiæ est nobis a Deo. » Ita S. THOMAS ad h. l. — *Gratiâ*, inquit Apostolus (Ephes. Cap. II. 8. 9), *estis salvati per fidem, et hoc non ex vobis; Dei enim donum est; non ex opèribus, ne quis glorietur.* Ad pleniorē hujus loci intelligentiam, recolenda sunt quæ notavimus supra ad Cap. I. 17, et quæ dicturi sumus infra ad γ. 28.

in omnes et super omnes qui credunt in eum) Græcè εις παντας και επι παντας, quâ emphaticâ ratione loquendi docetur την δικαιοσυνην Θεου esse prorsus universalem, et ad homines cujuscumque nationis pertinere. Ceterum ad Syntaxin verborum quod attinet, non sunt illæ voces εις παντας και επι παντας jungendæ cum verbo πεφανερωται ex præcedenti versiculo mente repetendo, quod nonnemo voluit; neque enim PAULI mens fuit dicere, illam Dei justitiam esse manifestatam omnibus credentibus, sed manifestatum fuisse per evangelicam prædicationem obtineri posse Dei justitiam per fidem eamque offerri credentibus in JESUM CHRISTUM quibuscumque. Igitur, meâ quidem sententiâ, voces εις παντας και επι παντας jungendæ sunt cum præcedentibus omnibus istis: δικαιοσυνη δε Θεου δια πιστεως Ιησου Χριστου, post quas suppleri possit Participium ουσα, quæ sit. Ambæ Præpositiones illæ, εις et επι, mihi videntur in hac oratione positæ esse pro Dativis Commodi; quam notionem εις quidem habet in loco parallelo (Cap. X. 12): ου γαρ εστι διαστολη Ιουδαιου τε και Έλληνος· ό γαρ αυτος κυριος παντων, πλουτων εις παντας τους επικαλουμενους αυτον. Επι autem hac significatione legitur infra (Cap. IX. 23): 'Ινα γνωριση τον πλουτον της δοξης αυτου επι σκευη ελεους. Subtilius quam verius CORNELIUS A LAPIDE 1): « In omnes, inquit, significat universalitatem et diffusionem justitiæ, quod scilicet justitia hæc offeratur et diffundatur in omnes homines, qui credunt in Christum; super omnes significat sublimitatem justitiæ, quod scilicet illa supra naturæ vires et merita, desuper e cælo homini infundatur. »

(1) COR. A LAPIDE in Commentario in Ep. ad Romanos ad h. l.

§. 23—26. Omnes enim peccaverunt, et egent gloria Dei. ²⁴ Justificati gratis per gratiam ipsius, per redemptionem, quæ est in CHRISTO JESU, ²⁵ quem proposuit Deus propitiationem per fidem in sanguine ipsius, ad ostensionem justitiæ suæ propter remissionem præcedentium delictorum ²⁶ in sustentatione Dei, ad ostensionem justitiæ ejus in hoc tempore: ut sit ipse justus, et justificans eum, qui est ex fide JESU CHRISTI.

§. 23—26. Πάντες γὰρ ἡμαρτον καὶ ὑστεροῦνται τῆς δόξης τοῦ Θεοῦ, ²⁴ δικαιούμενοι δωρεὰν τῇ αὐτοῦ χάριτι διὰ τῆς ἀπολυτρώσεως τῆς ἐν Χριστῷ Ἰησοῦ. ²⁵ ὃν προέθετο ὁ Θεὸς ἱλαστήριον διὰ τῆς πίστεως ἐν τῷ αὐτοῦ αἵματι, εἰς ἐνδειξιν τῆς δικαιοσύνης αὐτοῦ, διὰ τὴν πάρεσιν τῶν προγεγονότων ἁμαρτημάτων ²⁶ ἐν τῇ ἀνοχῇ τοῦ Θεοῦ. πρὸς ἐνδειξιν τῆς δικαιοσύνης αὐτοῦ ἐν τῷ νῦν καιρῷ, εἰς τὸ εἶναι αὐτὸν δίκαιον, καὶ δίκαιοῦντα τὸν ἐκ πίστεως Ἰησοῦ.

Paraphrasis. Omnes enim peccaverunt, tam Judæi quam Gentiles, gloriâque illâ, quæ a Deo detur, carent; justificantur autem non ullo suo merito sed gratis, gratuitâ Dei bonitate per redemptionem illam quæ peracta est in persona JESU CHRISTI, quem Deus hominibus, qui fidem habere illi voluerint, in victimam ipsiusmet sanguinis effusione piacularem proposuit; idque ad ostendendam suam sanctitatem peccata exosam, eo quod peccata ante patrata in sua longanimitate impunita reliquerat; ad ostendendam suam sanctitatem hoc nunc tempore, idque ut et ipse agnosceretur sanctus, et sanctificaret quotquot fidem JESU CHRISTO haberent.

§. 23. Omnes enim peccaverunt, et egent gloria Dei). Rationem (γὰρ) exponit cur, nullo populorum discrimine, justitia Dei sit in omnes et super omnes (pour tous), omnibus offeratur. Ratio autem est, quia omnes, tam Judæi quam Gentiles, peccaverunt, adeoque pariter carent (ὑστεροῦνται. Med.) gloriâ illâ quæ detur a Deo (τῆς δόξης τοῦ Θεοῦ).

Ἡ δόξα τοῦ Θεοῦ intelligitur gloria illa quam habet qui justificatus est ex fide. Talis a Deo probatur, eaque approbatio approbati gloria est quæ illi obtingit a Deo, quam illi dat Deus. Itaque Genitivus τοῦ Θεοῦ est Genitivus Originis, Pro ἡ δόξη τοῦ Θεοῦ scribi potuisset ἡ δόξα παρὰ Θεοῦ. S. JOANNES utrumque scripsit eodem sensu. Cf. Joh. V. 44 et XII. 43. Ad rem ipsam quod attinet, gloria Dei hic tantumdem est ac justitia Dei (δικαιοσύνη Θεοῦ), ut ex contexta oratione colligitur.

§. 24. Justificati gratis per gratiam ipsius.) Pro justificati Græcè est Participium Præsentis δικαιούμενοι, Belgicè geregtvaardigd wordend; sed Participii loco poni potest verbum Finitum: et justificantur. Describitur autem hic (§. 25 et 26) justificatio per varias ejus causas; et præmittitur, justificando justificationem obtingere gratis, Græcè δωρεάν, quo Adverbio (vel Accusativo adverbiascente) significatur, justificando obtingere justificationem ad modum doni prorsus gratuiti; quod et Tridentina

Synodus (Sess. VI. Cap. VIII) his verbis docuit : « *GRATIS justificari*, inquit, *ideò dicimur, quia nihil eorum quæ justificationem præcedunt, sive fides, sive opera, ipsam justificationem promerentur.* » Itaque justificatio donum est prorsùs gratuitum, adeòque indebitum tam ex parte justificantis Dei quam ex parte justificandi hominis. Atque hæc constans est sanctorum Patrum de justificatione doctrina; quorum plura hanc in rem testimonia collegit ANDREAS VEGA (*De Justificatione* Lib. VIII. Cap. IV. sq.). Quod si Patres nonnumquam etiam asseruerunt *peccatores mereri suam justificationem*, non ideò pugnantia locutos fuisse VEGA quoque luculenter docet (ibid. Cap. VI sqq.). « Quamquam autem, inquit, doctores antiqui semper contra Pelagianos statuerunt, gratiam justificationis non dari secundum merita, iidem tamen agentes cum Catholicis, nonnumquam asseruerunt, fide, eleēmosyua, pœnitentia, oratione, et aliis bonis operibus ex dono Dei habitis, mereri peccatores suam justificationem.... Verum sancti doctores concedentes hoc peccatoribus, non de merito *ex condigno* loquebantur (*sed de merito ex congruo*). Longissime illi a PELAGIO distabant. Et minimum meritum, ad quod eorum verba referri queant, meritum est *ex congruo*. Et si quam difficultatem aut contrarietatem ad gratiam ingerere aut insinuare videtur verbum *meritum*, eam omnem emollit et temperat, imò in totum aufert adjecta particula *ex congruo*. Ad meritum quidem *ex condigno*, et dignitas requiritur operantis, et lex statuta de concessione præmii sibi respondentis; sed ad meritum *ex congruo* alterutrum horum satis est. Nam nomine meriti *ex congruo*, tantum intelligimus actionem aliquam liberam, cui congruum sit et par, respondere aliquod meritum. »

« Et quia hæc congruentia contingere potest vel propter dignitatem operis seu operantis, vel propter legem a Deo statutam de concessione alicujus præmii, duplex quoque creditur esse meritum *ex congruo* respectu justificationis. Merentur primò *ex congruo* justi conversionem peccatorum pro quibus orant, quia amici sunt Dei neque indigni ut eorum orationes exaudiantur, quamvis nulla certa sit lex de hoc præscripta. Peccatores verò secundo modo, si se in Deum convertant, mereri possunt suam justificationem *ex congruo*; quia licet digni tanto beneficio non sint, tamen lex est a Deo de hoc statuta. Apertè quippe per Ezechielem ait : *Impietas impii non nocbit ei, in quacumque die conversus fuerit ab impietate sua.* Et alibi : *Convertimini ad me, et ego convertar ad vos....* Cur quemquam offendat verbum, *meritum ex congruo*, non adipiscor. Equidem neque gratuita justificationi repugnat, neque dissonat. Si enim vim ipsam nominis spectes, neque justitiam, neque debitum simpliciter aut necessitatem requirit, sed tantum congruitatem quamdam notat. Et cum dicimus aliquod opus meritorium esse *ex congruo* alicujus præmii, solùm significamus ejusmodi opus illud esse, ut *ex congruo* ei reddatur tale præmium. Numquid igitur negare possumus, congruum esse, Deum recipere peccatores

(1) Probè notandum est, VEGAM loqui de bonis operibus ordinis non naturalis sed supernaturalis.

confugientes ad se, et conversionem eorum sua gratia remunerare? Nonne hoc eximiam ejus bonitatem et divitias suæ misericordiæ condecet? Nonne congruum est, ut servet suas leges, ut impleat promissa sua, ut creaturam non despiciat, quam fragilem et imbecillem ad virtutem creavit? »

per redemptionem quæ est in Christo Jesu, per gratiam ipsius). Græcè τῇ αὐτοῦ χάριτι, in Dativo causæ. Intelligitur autem hoc loco *Dei gratia* Dei erga homines *benevolentia*, quâ nihil tale merentibus hunc favorem præstitit, ut Filium suum unigenitum ipsis daret redemptorem. Quam *Dei gratiam* extollit S. JOANNES, ubi dicit (Cap. III. 16): *Sic Deus dilexit mundum, ut Filium suum unigenitum daret; ut omnis, qui credit in eum, non pereat, sed habeat vitam æternam*; et alibi (I. Joh. IV. 9): *In hoc apparuit charitas Dei in nobis, quoniam Filium suum unigenitum misit Deus in mundum, ut vivamus per eum*; et PAULUS (Ephes. II. 4): *Deus autem, inquit, qui dives est in misericordia, propter nimiam charitatem suam qua dilexit nos, et cum essemus mortui peccatis, convivificavit nos in CHRISTO*. Observandum est, quemadmodum in his Scripturæ locis *Dei charitas* memoratur ut conspicua in Missione Filii sui unigeniti, ita quoque in loco Paulino, de quo agimus, uno sermonis tenore dici: *per gratiam ipsius, per redemptionem quæ est in CHRISTO JESU*.

Pronomen αὐτοῦ in dictione τῇ αὐτοῦ χάριτι non sine emphasi ante χάριτι positum est; quare maluerim Interpres noster scripsisset *per ipsius gratiam*. Eadem emphasis in positione Pronominis observanda est in loco parallelo isto (Tit. III. 5): *Non ex operibus justitiæ quæ fecimus nos, sed secundum suam misericordiam (κατὰ τὸ αὐτοῦ ἐλεος¹) salvos nos fecit*.

per redemptionem) Græcè δια τῆς ἀπολυτρώσεως. Quod dixerat Apostolus *per ipsius gratiam*, eo assignaverat *efficientem* Justificationis causam; quod verò nunc addit *per redemptionem quæ est in CHRISTO JESU*, eo assignat Justificationis causam *meritoriam*.

Λύτρον (a λύω solvo) propriè est *solutionis pretium* (Cf. Matth. XX. 28. Marc. X. 45); et Denominativum λυτροῶ est *dato pretio solvo*; Compositum autem ἀπολυτροῶ idem notat; itaque derivata hinc vox ἀπολυτρώσις propriè significat *solutionem* sive *liberationem* quæ facta sit soluto pretio. Λύτρον illud sive *solutionis pretium* est effusus CHRISTI sanguis, ut docet Apostolorum princeps (1 Petr. I. 18): *Non corruptibilibus auro et argento, inquit, redempti estis, sed pretioso sanguine quasi agni immaculati CHRISTI et incontaminati*; et PAULUS (Ephes. II. 13): *Vos, ait, qui aliquando eratis longè, facti estis prope in sanguine CHRISTI*; et alibi (1 Cor. VI. 28): *Empti estis pretio magno*. Cf. etiam Ephes. I. 7, et Coloss. I. 14. Atque hoc redemptionis pretium hic cogitavit Apostolus cum scriberet δια τῆς ἀπολυτρώσεως τῆς ἐν Χριστῷ

(1) Legendum est non ἐλεον sed ἐλεος; ex præstantissimorum Codicum auctoritate.

Ιησου, ubi per voces της εν Χριστω Ιησου scil. γενομένης, significatur, illam απολυτρωσιν peractam esse in (εν) persona JESU CHRISTI; nempe per mortem ejus expiatoriam¹, ut hic pergit dicere Apostolus.

γ. 25. quem proposuit Deus propitiationem per fidem in sanguine ipsius) Sunt qui vocem προεθετο (Vulg. proposuit) referunt ad æternum Dei decretum de redimendo genere humano (cf. Ephes. I. 9.—1 Petr. 1. 20), ut adeò προεθετο hic valeat præconstituit; at si hoc sibi voluisset Apostolus, scripsisset, opinor, ὃν προεθετο ειναι ιλαστηριον, ut Rom. XIV. 14 et 2 Cor. VII. 11. Ad hæc, contexta oratio (propter remissionem præcedentium delictorum) postulat ut cogitemus victimam piacularem (ιλαστηριον) non ex decreto Dei aliquando offerendam, sed reapse jam oblatam². Itaque WAHLIUS (in Clavi N. T. ad vocem προτιθημι) verba ὃν προεθετο non rectè reddidit quem destinavit vel esse voluit. Rectè autem interpres noster προεθετο (Aor. 2 Med.) Latine vertit proposuit, i. e. hominibus palam exhibuit in victimam propitiatoriam, ejus propitiationis participes essent per fidem JESU CHRISTO habendam.

propitiationem) Græce est ιλαστηριον, quam vocem de victima piaculari adhibuerunt DIO CHRYSOST. Orat. XI. 1. 355, NONNUS DIONYS. Lib. XIII. p. 382 (apud FRITSCHIUM ad h. l.); et HESYCHIUS ιλαστηριον interpretatur καθαρσιον. Simili modo σωτηριον Septuaginta vocarunt (Exod. X. 24) sacrificium pacificum, et ÆLIANO (Var. Hist. Lib. XII. 1) χαριστηριον est sacrificium eucharisticum. Nec aliter S. CHRYSOSTOMUS (Hom. VII. in ep. ad. Rom.) vocem ιλαστηριον intellexisse videtur; nam ιλαστηριον quod hic dicitur, confert tamquam antitypum cum propitiatoriis legis Mosaicæ sacrificiis, quæ quidem typum vocat eruenti novæ Legis sacrificii. Ambigendum non est, meâ quidem sententiâ quin ιλαστηριον reddendum sit victimam piacularem.—Scio esse interpretes qui ιλαστηριον intelligunt arcæ propitiatorium, a LXX (Exod. XXV. 17) dictum ιλαστηριον, quod typum gessit CHRISTI futuri propitiatoris; ut PAULUS dicere voluerit: Pro vetere typico propiatorio dedit jam Deus antitypum, verum propitiatorium, ipsum scilicet CHRISTUM. Sed, ut alia taceam quæ hanc interpretationem efficiant minime probabilem, si PAULUS hic loqui voluisset de CHRISTO ut anti-

(1) De morte CHRISTI expiatoria et vicariâ præclare scripsit PERRONE. De Incarn. P. 2. Cap. VI.

(2) Benè Card. TOLETUS (ad h. l.): Verbum προτιθεναι, inquit, ORIGENES, CHRYSOSTOMUS et ANSELMUS) Pseudo-ANSELMUS; nam HERVÆUS auctor est Commentarii in Ep. ad Romanos qui sub ANSELMI nomine fertur) Græcam præpositionem (προ in Composito προεθετο) considerantes interpretantur prius et ab antiquo decrevit et ordinavit;.... sed loquitur PAULUS de re jam facta et propitiatione exhibita;... Quamvis

enim verum sit Deum ab æterno id decrevisse et antequam fieret mysterium revelasse, et CHRISTUM secundum carnem propiatorem futurum multum ante per fidem demonstrasse, ejusque virtutem ad priores diffusam fuisse, tamen PAULUS nunc loquitur de jam exhibita propitiatione et de CHRISTO jam præsentem, quem Pater exhibuit et posuit redemptorem omnium per fidem in sanguine suo. »

typo veteris propitiatorii, debuisset, ut intelligi posset, scripsisse *ὃν προεθετο ὁ Θεὸς το ἀληθὲς ἱλαστήριον*, vel saltem, addito Articulo, *το ἱλαστήριον*.

per fidem) Arcetè hæc pars cohæret cum præcedenti voce *ἱλαστήριον*, nam quod dicitur *per fidem* (*δια τῆς πίστεως*), eo significatur Justificationis *causa* veluti *instrumentalis* vel potius *conditio sine qua non* ex parte hominum, ut qui *per fidem* JESU CHRISTO habitam participes fiant propitiatricis (*τοῦ ἱλαστήριου*) illius victimæ quam Deus illis proposuit.

in sanguine ipsius) Græcè *ἐν τῷ αὐτοῦ αἵματι*, ubi quum Pronomen Substantivo non sine emphasi præponatur, malim reddere *in ipsiusmet sanguine*. Et jam ob hanc rationem non probaverim interpretationem illorum qui voces istas, *ἐν τῷ αὐτοῦ αἵματι*, conjungere velint cum præcedentibus *δια τῆς πίστεως*, ut sensus sit : *per fidem sanguini ejus habitam*; quod deinde sic exponunt ut valeat *per fidem habitam* JESU CHRISTO, *qui sanguinem suum effudit*. Nam si hoc sibi voluisset PAULUS, nulla ratio apparet emphaseos illius, quâ *αὐτοῦ* hic ante *αἵματι* collocavit. Sed et si negaveris ullam heic esse emphasim, nihilominus tamen interpretationem illam improbaverim, non tam eo quòd non scribitur, adhibitâ Præpositione *εἰς* et repetito Articulo, *τῆς εἰς το αὐτοῦ αἵμα*, quam potius et maximè ideo quòd absonum sit dicere *fidem præstare sanguini cujuspiam*. Quod si dicas : atqui *sanguis* hic intelligitur CHRISTUS *sanguinem suum effundens*; repono PAULUM non scripsisse *in CHRISTO sanguinem effundente*, sed scripsisse *in SANGUINE ipsius*. Itaque dixerim, tam *δια τῆς πίστεως* quam *ἐν τῷ αὐτοῦ αἵματι*, utrumque pendere ab *ὃν προεθετο ἱλαστήριον*, ita nempe ut Deus hic dicatur CHRISTUM hominibus, qui fidem illi habere voluerint, exhibuisse in victimam ipsiusmet sanguinis effusione piacularem. Secundum quam interpretationem CHRISTUS sit *victima in se piacularis* (*ἱλαστήριον*) *per* (*ἐν instrumenti*) *suimet sanguinis effusionem* (*τῷ αὐτοῦ αἵματι*), et HOMINIBUS *piacularis per fidem* (*δια τῆς πίστεως*) quam illi habeant. Atque hoc modo jam Cardinalis TOLETUS mihi videtur hunc locum intellexisse; nam ad illa verba hæc notat : *Distinxit*, inquit, PAULUS *particulas in sanguine et per fidem, ut significaret non eodem modo ad nostram justitiam operandam utrumque convenire*; SANGUIS enim est qui efficit et cujus virtus operatur, FIDES verò medium quoddam est, *per quod operatur in credente*. Commendat quoque hanc interpretationem locus parallelus iste (Cap. V. 39) : *Quum adhuc peccatores essemus, secundum tempus CHRISTUS pro nobis mortuus est : multo igitur magis nunc JUSTIFICATI IN SANGUINE IPSIUS* (*ἐν τῷ αἵματι αὐτοῦ*) *salvi erimus ab ira per ipsum*.

ad ostensionem justitiæ suæ). Hac parte indicatur *finis ob quem* Deus, quod ad se attinet, CHRISTUM hominibus exhibuit in victimam ipsiusmet sanguinis effusione piacularem. Igitur *justitia* (*ἡ δικαιοσύνη*) Dei hic intelligitur ejusdem *rectitudo* sive *sanc-titas* (Cf. Apoc. XVI. 5), qua fit ut summo odio prosequatur peccatum. Atque ita vocem

justitia hic interpretantur S. CHRYSOSTOMUS¹ et THEOPHYLACTUS²; ex recentioribus vero SALMERON³ alique nonnulli⁴; eamque interpretationem omnino postulare mihi videtur id quod sequitur: (ϣ. 26) *ut sit ipse justus et justificans eum*, qui est ex fide JESU CHRISTI.

Integri hujus loci sensum hunc esse putaverim: *Deus JESUM CHRISTUM hominibus sub conditione fidei illi præstandæ proposuit in victimam piacularem ad expianda eorum peccata, cujus expiationis pretium esse voluit effusum proprii filii sui sanguinem; ut severâ hæc agendi ratione⁵ palam faceret mundo suam peccata maxime exosam sanctitatem (quæ quidem mundo ostendenda erat eo quod (δια cum Acc.) peccata hactenûs patrata in sua longanimitate (εν τη ανοχη Θεου) impunita reliquerat), ut suam, inquam, sanctitatem ostenderet Deus, hoc nunc tempore JESUM CHRISTUM hominibus in victimam piacularem proposuit (προεθετο Med.) in eum finem ut et ipse agnosceretur esse sanctus, osor peccati, et sanctificaret quotquot JESU CHRISTO fidem haberent.*

propter remissionem). Græcè δια την παρεσιν, quod vertendum erat propter prætermissionem sive neglectionem. Neque enim hic legitur vox αφεσις quæ remissionem sive condonationem notat, sed παρεσις, quæ a παρίημι derivata de prætermittendo negligendove dicitur. In libris Novi Testamenti vox αφεσις, quæ remissionem sive condonationem peccatorum significat, sexdecies occurrit et ab uno PAULO sexies⁵ fuit adhibita. Si ergo Apostolus hic loqui voluisset de remissione peccatorum, quidni, pro more, scripsisset δια την αφεσιν? Sed ipsa quoque contexta oratio obstat quominus voci παρεσις notionem remittendi tribuamus. Nam παρεσις illa dicitur esse facta εν τη ανοχη του Θεου in longanimitate (Vulg. in sustentatione) Dei; atqui longanimitati non recte tribuitur remissio peccatorum quum hæc misericordiæ conveniat; sed recte longanimitati tribuitur peccatorum prætermissio sive tolerantia ac veluti neglectio.

præcedentium delictorum). Puta illorum de quibus modò (ϣ. 23) dixerat omnes

(1) S. CHRYS. Hom. VII. in Ep. ad Rom. Δικαιοσύνης ενδείξις, το μη μονον αυτον ειναι δικαιον, αλλα και το ετερον εν αμαρτιας καταπαπεντας εξαιφνης δικαιους ποιειν. h. e. Ostensio justitiæ est quod non solus ipse sit justus, sed etiam alios in peccatis corruptos statim justos faciat.

(2) Ad h. I. (3) Disputat. XXVII. in Ep. ad, Rom.

(4) v. g. Dr. REITHMAYR (Commentar zum Briefe an die Römer. Regensburg. 1845. ad h. I.) « Die Worterklärung anlangend, inquit, so ist δικαιοσύνη αυτου wie ϣ. 21 zu fassen, — die Gerechtigkeit im moralischen Sinne, welche unter einer anderen Benennung als HEILIGKEIT, die das Gute

liebt und das Böse hasst, Gott immanent inne- wohnt, durch Gnade aber auch dem Menschen mit- getheilt wird. » Justitia, id est rectitudo Dei in hoc maxime declaratur quod usque adeo odit pec- catum, ut ejus delendi gratiâ filium suum mise- rit in mundum atque in mortem tradiderit. ESTIUS ad Cap. III. 26.

(5) « Eum, qui non noverat peccatum, pro nobis peccatum fecit, ut nos efficeremur justitia Dei in ipso. 2 Cor. V. 21.

(6) Act. XIII. 38. XXVI. 18. Ephes. I. 7; Col- loss. I. 14. Hebr. IX. 22. X. 13.

peccaverunt; intelliguntur ergo peccata sive Judæorum sive Gentilium ante adventum CHRISTI (των προγεγονοτων) commissa. Quæ peccata Deus in sua longanimitate (εν τη ανοχη) hactenus toleraverat¹, non denuò, ut NOACHI diebus, aquarum diluvio aut simili clade homines perdendo,

in sustentatione Dei). Græcè εν τη ανοχη του Θεου, ubi observandum est, loco Pronominis αυτου ex Hebraismo repetitum esse ipsum Nomen (του Θεου). De ανοχη diximus suprâ ad Cap. II. 4. Præpositio εν hoc loco adhibetur de statu sive conditione in (εν) qua quis positus cogitatur agens aut patiens aliquid. Ceterum illud εν τη ανοχη του Θεου pendet a παρεσις των προγεγονοτων αμαρτηματων,

ad ostensionem justitiæ ejus in hoc tempore). Epanalepsis est superioris (γ. 25) sententiæ εις ενδειξιν της δικαιοσυνης, sed hic scripsit προς ενδειξιν, eodem tamen sensu, sicut et alibi (Ephes. IV. 12) Præpositiones εις et προς eodem sensu adhibitæ leguntur. Quod jam addit Apostolus εν τω νυν καιρω, illud opponitur præteriti temporis παρεσει (γ. 25); intelligitur autem tempus illud, quo Deo placuit non parcere proprio Filio suo, sed pro nobis omnibus tradere illum in mortem (Rom. V. 8 VIII. 32).

ut sit ipse justus et justificans eum, qui est ex fide Jesu Christi.) His verbis exprimitur causa finalis (εις το ειναι) ob quem Deus προεθετο Ιησουν Χριστουν ιλαστηριον εν τω αυτου αιματι. Et hæc quidem causa duplex fuit: una, ut per proprium filium ob delendum peccatum in mortem traditum ipse mundo appareret sanctus, osor peccati (εις το ειναι² αυτον δικαιον); altera, ut remissis peccatis, sanctos rectosque faceret (και δικαιουντα) quotquot Jesu Christo fidem haberent.— Articulus in dictione τον εκ πιστεως Ιησου demonstrat hoc hominum genus, ut supra p. 87. Locutio ο εκ πιστεως sumenda ut ο εκ εριθειας, de qua videsis quæ notavimus ad Cap. II. 8.

γ. 27—30. Ubi est ergo gloriatio tua? Exclusa est. Per quam legem? Factorum? Non: sed per legem fidei. 28 Arbitramur enim

γ. 27—30. Ποῦ οὖν ἡ καύχησις^a; ἐξεκλείσθη· Διὰ ποίου νόμου; τῶν ἔργων; οὐχί, ἀλλὰ διὰ νόμου πίστεως. 28

Paraphrasis. Quæ quum ita sint, dic, Judæe, ubi nam manet jam tua gloriatio? Nempè exclusa est, nullusque illi amplius relictus locus. Per quam verò legem exclusa

(1) THEODORETUS (in Ep. ad Rom. ad h. l.): (2) Ειναι sumendum est logicè, ut γινεται et Την αγαθοτητα την οικειαν εδειξεν ο Θεος επι πλειστον μα- γνηθω supra γ. 4 et 19.
χρηθυμιας τοις ανθρωποις παρανομουσι. h. c. Bonitatem suam ostendit Deus diuturna utens patientia erga homines delinquentes.

justificari hominem per fidem sine operibus legis. 29 An Judæorum Deus tantum? nonne et Gentium? Imo et Gentium. 30 quoniam quidem unus est Deus, qui justificat circumcisionem ex fide, et præputium per fidem.

Λογίζομεθα οὖν^{a)}, πίστει δικαιούσθαι ἄνθρωπον, χωρὶς ἔργων νόμου. 29 Ἡ Ἰουδαίων ὁ Θεὸς μόνον; οὐχὶ δὲ^{b)} καὶ ἐθνῶν; ναὶ, καὶ ἐθνῶν, 30 ἐπεὶ περ εἷς ὁ Θεὸς, ὃς δικαιώσει περιτομὴν ἐκ πίστεως, καὶ ἀκροβυστίαν διὰ τῆς πίστεως.

est? Num per legem operum? Minime, sed per legem fidei. Censemus ergo, id quod res est, per fidem justificari hominem, nullā operum legis ratione habitā. Aut num forte Deus est Judæorum tantum Deus? Nonne et Gentilium Deus est? Profecto, etiam Gentilium Deus est, quandoquidem unus est Deus, qui igitur per fidem justificabit tam Judæos quam Gentiles.

VARIANS LECTIO.

a) Post καυχῆσι legitur σου in Codd. FG.

b) Pro σου legitur γαρ in Codd. AD*FG et nonnullis Minusculis; eamque lectionem exhibent quoque nonnullæ versiones antiquæ; sed pro lectione σου major stat numerus testium; nam σου legitur in Codd. BCD***JK, in plurimis Minusculis, et in Syriaca (ܡܝܢ) aliisque versionibus. TISCHENDORFIUS edidit σου.

c) Vocula & non legitur in ABCDFGK, ut nec in multis Minusculis. Delenda est.

γ. 27. *Ubi est ergo gloriatio tua? Exclusa est.*) In præcedentibus (γ. 24—26) Apostolus declaverat Justificationem homini obtingere ad modum doni prorsus gratuiti (δωρεαν) ex gratuita Dei bonitate (τῇ αὐτοῦ χαριτί); indeque jam infert (οὖν), nullum ergo Judæo relictum esse locum gloriandi tanquam qui ex præstitis legis Moralis operibus justificationis gratiam sibi comparasset; quum etiam si legem illam observasset, quod non fecit (γ. 23), ne sic quidem comparare sibi potuisset justificationis gratiam, utpote quæ omnino non possit mereri sed donum Dei sit prorsus gratuitum.

Igitur Apostolus Judæo veluti irridens exclamat: *Ubinam ergo est tua gloriatio?* Græcè καυχῆσις, quod de actu gloriandi dicitur. Gallicè hic dixeris: *ou reste maintenant ta vanterie?* Et subjicit: *exclusa est*, ἐξεκλείσθη, quod hic tantumdum valet ac si tu Gallice dicas *elle est mise à la porte*.

per quam legem? Factorum? Non: sed per legem fidei). Sensus est: *Per quam*

legem exclusa est gloriatio tua? Num exclusa est per legem factorum? Non! sed exclusa est per legem fidei. Et legem factorum (νομον των εργαων) vocat legem Mosaicam, quæ, qua talis, tota quanta tantum erat in iubendo sibi subditis hæc ut facerent illa ne facerent. Legem autem fidei vocat legem Evangelicam sive Evangelium, in quo revelatur, a Deo justificari hominem, idque per fidem. Cf. I. 17. Quæ ex fide est justitia, eadem est et χωρις νομου δικαιοσυνη (γ. 21), hoc est ab accepta aut observata lege minime pendens, nullumque adeò locum relinquit gloriationi (τη καυχηση), quum ita fuerit prorsus exclusa (εξακλεισθη).

γ. 28 *Arbitramur enim justificari hominem per fidem sine operibus legis). Si hic legas γαρ (enim), quæ lectio graves habet testes¹, versiculus hic confirmet aut explicet superiorem (γ. 27) sententiam, qua dictum fuerat gloriationem excludi per legem Evangelicam; et ratio patet; nam justificari per fidem sine operibus legis est justificari nullâ talium operum ratione habitâ. Sin verò hic mavis legere ουν vertendum sit censemus ergo, et fiat collectio ex præmissis (γ. 21—27). Ceterum, λογιζεσθαι hic non de opinione incerta sed de certa scientia sumenda est, ut infra Cap. VIII. 18.*

Sermo autem est de primâ justificatione, de eâ, inquam, quâ homo ex injusto fit justus et ex inimico amicus²; nec de aliâ justificatione toto hoc capite agitur. Cujus justificationis causa nullo modo sunt opera legis, hoc est, opera quævis moraliter bona hanc justificationem præcedentia, quum vi justificandi aut justificationem promerendi careant; sed justificatur homo per fidem; quod quo sensu catholice intelligendum sit, supra (p. 25—28) diligenter explicavimus.

Quamquam vero Apostolus hic loquitur de operibus legis Mosaicæ quum nunc ageret contra Judæos, tamen mens ejus fuit absolute negare aliquo opere, quocumque tandem, sive legis positivæ sive legis naturalis, ab homine promereri posse justificationis gratiam. Quare et ad Ethnico-christianos scribens eandem de justificatione prorsus gratuita doctrinam pandit. Sic ad Ephesios (Cap. II. 8. 9) : *Gratia, inquit, estis salvati per fidem, et hoc non ex vobis, Dei enim donum est; non ex operibus, ut ne quis gloriatur.*

Operæ pretium fuerit hic recitasse quæ de præsentī loco Apostoli scripsit S. AUGUSTINUS (Lib. Octoginta trium quæstionum. q. 76) : « Prædicans PAULUS, inquit, justificari hominem per fidem sine operibus, non bene intellectus est ab eis, qui sic acceperunt dictum Apostoli, ut putarent, cum semel in CHRISTUM credidissent, etiamsi deinde male operarentur, se tamen salvos esse posse per fidem. Sed PAULUS affirmans hominem justificari per fidem sine operibus, noluit dicere, si quis jam crediderit non pertinere ad eum benè operari; verum ad id potius sententiam illam pronuntiavit, ut nemo meritis priorum operum suorum arbitraretur se pervenisse ad donum justificationis, quæ est per fidem. Ob hoc enim maxime Gentibus in Christum credentibus se Judæi præferri cupiebant, quod dicerent se meritis

(1) Vid. Lect. var.

(2) Cf dicta supra ad Cap. I. γ. 17.

bonorum operum, quæ in lege sunt, ad Evangelicam gratiam pervenisse; ideòque scandalizabantur multi eorum jam credentes in CHRISTUM, quod incircumcisis Gentibus CHRISTI gratia traderetur. Unde PAULUS dixit hominem *sine operibus PRÆCEDENTIBUS justificari per fidem*; nam justificatus jam per fidem *debet juste deinceps operari*, licet nihil justè operatus nec merito suorum operum, sed gratiâ Dei ad fidei justificationem pervenerit. Unde manifestum est, quod PAULUS dixit *hominem justificari per fidem sine operibus*, non ita esse intelligendum, ut acceptâ fide, si vixerit, dicamus eum justum, etiamsi male vixerit. Nam si cum credidit, mox de hac vita discedat, justificatio fidei manet cum illo sine ullis bonis operibus: nec *præcedentibus*, quia non illorum merito sed Dei gratia pervenit ad justificationem; nec *consequentibus*, quia in hac vita esse non sinitur. »

Deinde ostendens PAULUM et JACOBUM non docuisse contraria de Justificatione, ita dicere pergit S. Doctor (ibid.): « PAULUS ad confirmandam sententiam suam usus est (in Ep. ad Rom. Cap. II) exemplo ABRAHÆ, qui sine operibus legis, quam non acceperat, per fidem justificatus est: et JACOBUS quia fidem ABRAHÆ opera bona consecuta esse demonstrat, satis ostendit quomodo intelligendum sit quod PAULUS dixit, *hominem justificari sine operibus*. Nam qui putant sententias istas PAULI et JACOBI pugnare inter se; ii possunt etiam arbitrari PAULUM ipsum sibi esse contrarium, quippe qui alio loco dicit: *In CHRISTO JESU neque circumcisio aliquid valet, neque præputium, sed fides quæ per charitatem operatur*. Non igitur contraria docent PAULUS et JACOBUS, cum ille dicit *justificari hominem sine operibus*, et hic dicit, *inanem esse fidem sine operibus*: quoniam ille loquitur de operibus quæ fidem præcedunt, hic autem de operibus quæ fidem sequuntur, quo etiam modo ipse PAULUS multis locis loquitur. »

γ. 29. *An Judæorum Deus tantum? nonne et Gentium? Imo et Gentium*). In antegresso versiculo Apostolus cum dixisset *PER FIDEM hominem justificari*, significanter addiderat *χωρίς έργων νοµου*, h. e. *nullâ ratione habitâ operum legis Mosaicæ*, quod ita esse nunc probat ex eo, quod Deus non Judæorum tantummodo sed etiam Gentilium Deus sit. Hinc enim consequebatur, non posse Justificationem pendere ex operibus legis Mosaicæ; nam quum hæc lex data fuisset solis Judæis, non autem ceteris etiam Gentibus, jam Deus Judæorum tantum Deus videretur ceteræque Gentes omnes dicendæ forent ab illius providentia exclusæ. — Hanc verò argumentationem per interrogationem proponit ita: *Aut num forte (ἤ) Deus Judæorum tantummodo Deus est? nonne et Gentilium Deus est? Profectò, etiam Gentilium Deus est*. Ex subjecto ὁ Θεός sumendum est Prædicatum Θεός, ut plena phrasis sit: *Ἡ Θεός Ἰουδαίων µονον ὁ Θεός* scil. *ἐστι*. De vocula *µονον* hic posita non suo loco, vide quæ diximus in commentario ad Philipp. II. 22 (pag. 72 in Edit. 2^a).

γ. 30. *quoniam quidem unus est Deus, etc.*) Confirmat quod dixerat: *Deus etiam Gentilium Deus est*. Sensus est: Profectò Deus etiam Gentilium Deus est *quandoquidem*

(επειπερ) Deus est (εἷς) unus, adeòque idem omnium Deus sit necesse est. — Quæ jam sequitur sententia *relativa* ὅς δικαιώσει etc., ea continet *consequentiam* ductam ex præmissis. Puta ita dictum esse: qui (quum sit unus omnium Deus) igitur justificabit (δικαιώσει) per fidem tam Judæos quam Gentiles.

Δικαιώσει, Futurum est de re quæ ut jam fit ita porrò quoque fiet. Περιτομή et ακροβυστία Metonymice de Judæis et Gentilibus. Vide supra, Cap. II. 26. Præpositivæ ex et δια sensu hic non differunt. Articulus ante πιστεως ex æquo poterat et scribi et omitti.

γ. 31 ad sequens Caput pertinet.

(1) Card. TOLERUS (ad h. l.): « Probat, inquit, justitiam generalem et communem esse debere; ideò per fidem non autem per legem; nam Deus unus est omnium, Judæorum et Gentium: non ergo ejus justitia intra Judæos concludi debuit; nec privandæ erant gentes, in quibus multæ sunt

nationes copiosiores Judæis; cum enim justitia sit gratis a Deo, nec Judæis debita, nec Gentibus, omnes enim peccaverunt, non videtur tanta Gentium multitudo excludenda a justitia, quarum etiam Deus est creator, gubernator, et Dominus sicut et Judæorum. »

CAPUT QUARTUM.

ARGUMENTUM. *Supra (Cap. III. 21.) Apostolus obiter significaverat doctrinam de Justificatione per fidem et gratis obtinenda S. Scripturæ testimoniis comprobari; hic verò nunc, aptâ transitione usus (Cap. III. 31), distinctius illud exponit, ex Scripturis docendo ABRAHAMUM justificatum fuisse non ex operibus sed per fidem et gratis (Cap. IV. 1—5); et gratuitam esse Justificationem ulterius confirmat adducto loco quopiam ex Psalmo trigesimo primo (6—8). Tum, ABRAHÆ iterum exemplo utens, pergit ostendere Justificationem minime pendere a circumcisione carnis; fuisse enim ABRAHAMUM justificatum cum esset adhuc præputiatus (9—10). Addit verò Apostolus, ABRAHAMUM accepisse signum circumcisionis tamquam sigillum confirmatorium justitiæ, quam adeptus fuerat per fidem ab eodem exhibitam cum adhuc esset præputiatus; ideò autem illud signum accepisse ut sic exemplo suæ fidei pater foret omnium credentium tam præputiatorum, quam circumcisorum qui quidem fidem ejus imitarentur. (11—12). Patrem autem esse ABRAHAMUM non circumcisorum credentium tantum sed etiam credentium præputiatorum, Apostolus inde probat quòd celebris illius promissionis ABRAHAMO factæ causa exstilisset non Lex sed justitia fidei. (13—17) Descriptâ porrò ABRAHÆ fide (18—22), Apostolus monet, quod scriptum est de ABRAHAMO, nempe fidem ejus illi reputatam esse ad justitiam, illud non ipsius tantum causâ scriptum esse, sed etiam nostri causâ, ut in ABRAHAMO haberemus veluti formam nostræ justificationis, et doceremur etiam nobis si credere voluerimus, fidem nostram ad justitiam reputatum iri (23—25).*

Cap. III. γ. 31. Legem ergo destruimus per fidem? Absit: sed legem statuimus. Cap. IV. γ. 1—3. Quid ergo dicemus invenisse ABRAHAM patrem nostrum secundum carnem? ² Si enim ABRAHAM ex operibus justificatus est, habet gloriam, sed non apud Deum. ³ Quid enim dicit Scriptura? Credidit ABRAHAM Deo: et reputatum est illi ad justitiam.

Cap. III. γ. 31. Νόμον οὖν καταργοῦμεν διὰ τῆς πίστεως; Μη γένοιτο· ἀλλὰ νόμον ἵστωμεν. Cap. IV. γ. 1—3. Τί οὖν ἐροῦμεν Ἀβραάμ τὸν πατέρα ἡμῶν εὐρηγέ- ναι κατὰ σάρκα¹; ² Εἰ γὰρ Ἀβραάμ ἐξ ἔργων ἐδικαιώθη, ἔχει καύχημα, ἀλλ' οὐ πρὸς τὸν Θεόν.³ Τι γὰρ ἡ γραφή λέγει; Ἐπίστευσε δὲ Ἀβραάμ τῷ Θεῷ, καὶ ἐλογίσθη αὐτῷ εἰς δικαιοσύνην.

Paraphrasis. Ergò-ne legem subvertimus, quia dicimus *per fidem* haberi justificationem? Absit! e contra legem stabilimus. Igitur, quid-nam meriti quod attinet ad promerendam justificationem dicere possumus ABRAHAMUM patrem nostrum consecutum fuisse secundum carnem? Nihil meriti hac ratione consecutus est, neque hac via fuit justificatus. Nam si ponas ABRAHAMUM justificatum fuisse non gratis sed ex operibus suis, necesse sit ut dicas ABRAHAMUM habere unde gloriatur apud Deum; atqui non habet ABRAHAM, Scripturâ teste, unde apud Deum gloriatur. Ergò non ex operibus justificatus est. Quid enim dicit Scriptura? Dicit sic: *Credidit ABRAHAM Deo, et hæc ejus fides a Deo IMPUTATA illi fuit ad justitiam.*

VARIANS LECTIO.

¹) In Codd. ACDEFG et nonnullis Minusculis voces hujus versiculi leguntur hoc ordine: Τί οὖν ἐροῦμεν εὐρηγέ- ναι Ἀβραάμ τὸν πατέρα ἡμῶν κατὰ σάρκα. Codices verò BJK et Minusculi quam plurimi cum exhibent verborum ordinem, qui in Complutensi editione cernitur.

(Cap. III. γ. 31.) *Legem ergo destruimus per fidem?* Suprà (Cap. III. 21) Apostolus obiter significaverat, doctrinam de Justificatione *per fidem et gratis* obtinendâ S. Scripturæ effatis comprobari. Propositum autem illi erat eam rem deinceps deditâ operâ tractare. Hoc igitur nunc (Cap. IV) factururus, sermonem suum illuc flectit, commodâ utens transitione: *Num ex iis quæ de lege et fide hactenus disputavimus, inquit, non consequitur (οὖν) nos legem subvertere?* Cui objectioni reponit, tantum abesse ut

legem subvertat *per fidem* (*δια της πιστεως*), id est, docendo *per fidem* haberi justificationem, — ut contra per ipsam hanc doctrinam legem stabiliat. Sumit autem in hoc responso vocem *lex* ut supra \S . 19, eo, inquam, sensu quo *lex* synecdochicè significat universam veteris Testamenti Scripturam. In ipsa verò objectionatione vocabulum *lex* ambiguè posuit; certò si non ipse sibi PAULUS sed Judæus quispiam hoc illi objecisset, is quidem *legem* in hac objectionatione intellexisset *legem factorum* (*νομον των εργαων* \S . 27), i. e. præcepta legis Mosaicæ.

Qui docuerunt ideò PAULUM hic dicere se legem stabilire per fidem, quia *fides impetrat gratiam*, qua *lex impleatur*, non item docuerunt quonam modo hæc sententia cum præcedentibus et insequentibus cohæreat, neglectâ videlicet serie orationis, re maximi momenti, præsertim in epistolis Paulinis.

Apostolus ergo jam demonstraturus est doctrinam suam de Justificatione *per fidem* habendâ, *legis*, hoc est, S. Scripturæ effatis comprobari, atque ita *legem* est stabiliturus.

De notione vocis *καταργειν* vide supra ad Cap. III. \S . De Verbi *ἵσταω* et Compositorum significatione pro variis Temporibus variâ diximus ad Act. Ap. Cap. I. \S .

Cap. IV. 1. *Quid ergo dicemus invenisse Abraham patrem nostrum secundum carnem?* Particula *οὐν* est hic *transeuntis* ad demonstrandum *stabiliri legem* per doctrinam de fide justificante. Hac potestate *οὐν* legitur quoque 1 Cor. XI. 20. Gallicè hic dixeris: *Donc, que dirons nous qu'Abraham notre Père a obtenu¹, selon la chair.* Interrogatio est *negantis*, ut contexta oratio (2—5) demonstrat. Itaque interrogatio illa valet affirmationem hanc: ABRAHAM, quod ad promerendam justificationem attinet, *nihil* consecutus est *secundum carnem*.

Quod dicit *τι*, id restringi debet ad subjectam materiam. Ergo sensus est: Quid meriti, quod attinet ad promerendam justificationem, ABRAHAM sibi comparavit *secundum carnem* (*κατα σαρχα*).

Voces *κατα σαρχα*, sive hanc sive illam lectionem sequaris ², jungendæ sunt cum *εὐρηκεναι*. Est autem PAULO hoc loco *secundum carnem* tantumdem ac *per opera*, puta ab ABRAHAMO præstita antequam Deo crederet; quam interpretationem postulat series argumentationis (\S . 2): *si enim ABRAHAM ex operibus justificatus est*, etc.— Si *κατα σαρχα* sejungas ab *εὐρηκεναι*, non tantum *otiosè* ABRAHAM hic dicatur Judæorum pater *carnalis* (*κατα σαρχα*), verum etiam *inepta* sit PAULI interrogatio; nam quum interrogatio

(1) Hebræis מְצָאָהוּ invenit dicebatur etiam de consequendo aliquid; quæ notio ex Hebraismo hoc in Græcitate Novi Testamenti etiam tribuitur verbo εὐρισκων.

(2) Vide Lect. var.

(3) Ita THEODORETUS (ad h. l.) το secundum carnem interpretatur. Cogitat Apostolus statum in quo fuit ABRAHAM ante quam fide justificaretur, quem statum hominis *κατα σαρχα* vocat. *Κατα σαρχα* = εν σαρχι.

sit *negantis*, Apostolus *absolutè* negasset Abrahamum quidquam esse consecutum. Atqui fide consecutus est justificationem.

γ. 2. *Si enim Abraham ex operibus justificatus est habet gloriam, sed non apud Deum.*) Probat (γαρ) jam Apostolus ABRAHAMUM, quod ad promerendam justificationem attinet, nihil meriti sibi comparasse *secundum carnem*. Probatio autem talis est: Nam, inquit, si ABRAHAM per opera sua consecutus est justificationem (εδικαιωθη), habet unde apud Deum gloriatur (εχει καυχημα *supple προς Θεον*), ut qui suis sibi operibus justificationem comparaverit; sed ABRAHAM non (αλλ' ου *supple ειχε καυχημα*) habet unde gloriatur apud Deum (προς Θεον), teste Scripturâ. Quid enim dicit Scriptura, etc.

Hæc interpretatio si placeat, verba Apostoli ita sumenda sunt ac si scripsisset: *Ει γαρ Αβρααμ εξ εργαων εδικαιωθη, εχει καυχημα προς Θεον· αλλ' ουκ εχει καυχημα προς Θεον·* sit igitur hic in apodosi ellipsis verborum *εχει καυχημα*, quæ conferri possit cum ellipsi vocis *εξηλθον* in hoc JOANNIS (1 Joh. II. 19): *αλλ' ενα φανερωθωσιν*, ubi post *αλλα* ex præcedentibus mente supplendum est *εξηλθον*. Equidem fatemur illam quam modò exposuimus Paulinæ sententiæ interpretationem non sua se simplicitate commendare. Sed, ut mihi quidem videtur, aut sic interpretandum est, aut dicendum PAULUM sibi voluisse: *si ABRAHAM ex operibus justificatus est habet quidem unde gloriatur apud homines, sed non apud Deum*. At si reapse hoc sibi voluisset Apostolus, scripsisset, opinor, *εχει μεν καυχημα*. Sed potissimum obstat huic interpretationi, quod non videtur esse vera hæc sententia: ABRAHAM *si ex operibus justificatus est, non habet unde gloriatur apud Deum*; nam sic habet reapse unde gloriatur apud Deum, dicente Apostolo (Ephes. II. 8. 9): *salvati (justificati) estis per fidem, non ex operibus, ut ne quis gloriatur*. Itaque in priore illa interpretatione acquiescendum sit.

In dictione *αλλ' ου προς Θεον*, vocula *ου* emphasin habet. Ceterum ad formam orationis quod attinet, usus est Apostolus verbo Temporis Præsentis (*εχει*), quod quidem hic eam habet vim ac si dixisset: *si ABRAHAM ex operibus justificatus est, profecto consequitur eum habere unde gloriatur apud Deum*. Pro *εχει* scribere potuisset etiam *ειχεν αν*, quod reddendum sit *haberet*.

γ. 3. *Quid enim dicit Scriptura? Credidit Abraham Deo, et reputatum est illi ad justitiam.*) Probat jam Apostolus ex Scripturæ testimonio ABRAHAM non ex operibus fuisse justificatum. Probatio autem talis est: ABRAHAM *gratis justificatus est*; ergo *non ex operibus*. Probatur antecedens: Scriptura dicit: CREDIDIT ABRAHAM Deo et illud (credere Deo) IMPUTATUM EI FUIT (ελογισθη αυτω) *in justitiam* (εις δικαιοσυνην). Vis argumenti in eo est, quod Scriptura non docet justificationem ABRAHÆ contigisse ob opera ab illo præstita, sed quod docet eum ABRAHAM Deo credidisset hanc ejus fidem ipsi a Deo imputatam fuisse ad justitiam. Esse autem imputari aliquid alicui tantumdem ac gratuitò illi conferri, Apostolus mox (γ. 4) probat a contrario.

Ελογισθῇ sumitur *impersonaliter*; confer Nostratium *het werd hem toegerekend*. Ceterum vide quæ sunt notata ad γγ. 7. 8.

γ. 4 — 5. Ei autem , qui operatur , merces non imputatur secundum gratiam , sed secundum debitum . ⁵ Ei vero , qui non operatur , credenti autem in eum , qui justificat impium , reputatur fides ejus ad justitiam secundum propositum gratiæ Dei. ^{a)}

γ. 4—5. Τῷ δὲ ἐργαζομένῳ ὁ μισθὸς οὐ λογίζεται κατὰ χάριν , ἀλλὰ κατὰ τὸ ὀφείλημα. ⁵ Τῷ δὲ μὴ ἐργαζομένῳ , πιστεύοντι δὲ ἐπὶ τὸν δικαιούντα τὸν ἄσεβῃ , λογίζεται ἡ πίστις αὐτοῦ εἰς δικαιοσύνην.

Paraphrasis. Jam verò laboranti merces non imputatur ex gratia , sed rependitur ex debito. Illi autem (Abrahæ) non operanti sed tantum credenti in eum qui justificat impium , fides ejus imputatur ad justitiam ; is ergò gratis justificatur.

VARIANS LECTIO.

a) Verba ista , *secundum propositum gratiæ Dei* , putaverim pro glossemate esse habenda. Nam ut in nullo græco codice leguntur , ita nec apud ullum ex græcis Patribus occurrunt. Absunt pariter ab Itala ceterisque antiquis versionibus ; nec leguntur , teste ESTIO , in omnibus Vulgatæ codicibus. Jam quod inter lectiones Valesianas hoc loco habetur *κατὰ προθεσιν τῆς χάριτος τοῦ Θεοῦ* , id quidem nihili faciendum est , sed argumento esse potest , inter sexdecim Græcos illos codices Valesianos fuisse unum et alterum qui , ut textum Vulgatæ editionis referret , ab aliquo fuerit interpolatus.

γ. 4—5. *Ei autem qui operatur , etc.*) Jam verò , inquit , laboranti (τῷ ἐργαζομένῳ) merces non imputatur ex gratia , sed rependitur ex debito. — Sententia hæc generalis est valetque de quolibet operario. Pergit Apostolus : *at illi* (ΑΒΡΑΗΕ) *non operanti* (μὴ ἐργαζομένῳ) *sed tantum credenti in eum qui justificat impium , fides ejus , ut modò ex Scriptura vidimus , reputatur ad justitiam ;* is ergo non ex operibus justificatus fuit , sed gratis per fidem. — Atque ita Apostolus demonstravit , quod volebat , scilicet doctrinam suam de justificatione gratuita per fidem , sacræ Scripturæ testimonio confirmari , seque adeo *non destruere legem sed e contra eam stabilire* (Cf. Cap. III. 31).



In dictione (γ. 5.) τῷ δὲ μὴ ἐργαζομένῳ , Articulus τῷ mihi videtur vicem supplere Pronominis Demonstrativi , idemque adeò hoc loco valere quod αὐτῷ vel ἐκείνῳ scilicet ΑΒΡΑΗΕ , de quo γ. 3. Eadem potestate Articulus quoque legitur in illo ΜΑΤΤΗΑΙ

hic tribuit ; nam præsentem locum in hunc modum reddidit : וְהָיָה לְכָל הָעָם כְּמִשְׁכַּן הָאֵלֹהִים
וְהָיָה לְכָל הָעָם כְּמִשְׁכַּן הָאֵלֹהִים

*titia detur homini non operanti, credenti autem in eum qui justificat impium, tali homini justitia datur non quasi merces debita, sed gratis. Sed in verbis PAULI non est illa conditionalis loquendi ratio: si tali homini justitia detur*².

tem ob eamque *fidem* justificatum. — De notione vocis λογίζεσθαι dicitur infra ad
ψ. 8.

vel pressius : *secundum propositum sive decretum*, quo *Deus decrevit hominem justificare gratis*. Ipsum hoc est quod legitur in altera ad TIMOTHEUM (Cap. I. 9) : *non secundum opera nostra, sed secundum propositum suum et gratiam* (κατ' ἰδίαν προθεσιν καὶ χάριν).

et Articulum expresserit per  non verò per  ut fecit versiculo quinto.

justificatus est gratis per fidem, quia scilicet credidit Deo qui sua gratia justificat impium; non autem, quia bene suo Marte operatus est, aut quia suis bonis operibus meritus est hanc justitiam; ergo

et nunc hæc justificatio impiis et peccatoribus obtingit, non ex eorum operibus et meritis, sed gratis ex fide CHRISTI, quem Deus proposuit nobis redemptorem et propitiatorem. Nam quod datur per fidem et gratiam, non merces est, sed gratia; quod verò datur operibus sive pro merito operum, merces est, non gratia. Cum ergo justificatio ABRAHÆ et nobis obtingat gratis per fidem, sequitur eam non obtingere ex operibus, ut operum et meritorum nostrorum sit merces.» Quæ quidem verè dicta sunt omnia, et in universum exprimunt id, quod Apostolus hoc loco docuit; sed nequaquam explicant quo modo, quâque formâ ratiocinii usus Apostolus id docuerit; uno verbo, non sunt hæc præsentis loci interpretatio.

ψ. 6—8. Sicut et David dicit beatitudinem hominis, cui Deus accepto fert justitiam sine operibus :
 7 Beati, quorum remissæ sunt iniquitates, et quorum tecta sunt peccata. 8 Beatus vir, cui non imputavit Dominus peccatum.

ψ. 6 — 8. Καθάπερ καὶ Δαβὶδ λέγει τὸν μακαρισμὸν τοῦ ἀνθρώπου, ὃ ὁ Θεὸς λογίζεται δικαιοσύνην χωρὶς ἔργων. 7 Μακάριοι, ὧν ἀφέθησαν αἱ ἀνομίαι, καὶ ὧν ἐπεκαλύφθησαν αἱ ἁμαρτίαι. 8 Μακάριος ἀνὴρ ὃς οὐ μὴ λογίσηται Κύριος ἁμαρτίαν.

Paraphrasis. Gratuitam esse justificationem DAVID quoque docet, ubi beatum prædicat hominem, cui Deus justitiam imputat gratis nullâque operum ratione habitâ. Ait enim : *Beati, quorum remissæ sunt iniquitates, quorumque peccata sunt operta. Beatus ille, cui Deus peccatum non imputat.*

ψ. 6. *Sicut et David dicit.* etc.) Superiori Scripturæ testimonio Apostolus firmaverat doctrinam suam de Justificatione *per fidem* obtinendâ *et gratis*; cui testimonio hic aliud addit, quo pariter docetur, justificationem esse *gratuitam*. Testimonium autem hoc sumtum est ex Psalmo XXXI. (Hebr. XXXII) I. et 2. Apostolus illud interpretatur antequam recitet. DAVID, inquit, *prædicat beatitudinem hominis*, hoc est, *beatum prædicat hominem* (λέγει τὸν μακαρισμὸν τοῦ ἀνθρώπου = μακαρίζει τὸν ἀνθρώπον) quem Deus gratis justificat, peccata ejus gratuita remissione delendo.

ψ. 7—8. *Beati quorum remissæ sunt.* etc.) Recitatur hic locus Psalmi ita prorsus ut is legitur in versione LXX, nec differt, ad sensum quod attinet, contextus Hebraicus, ubi sic habetur : אֲשֶׁר־יְשׁוּעַתָּה בְּסוּי חַטָּאתָּה : אֲשֶׁר־יִאָּדָם לֹא יִחַשְׁבוּ יְהוָה לוֹ עֲוֹן : quæ ita reddiderim : *Beatus ille, cujus ablatum est delictum, cujus opertum est peccatum ! Beatus ille, cui Deus peccatum non imputat.* Verba sunt Davidis, prolata, ut videtur, postquam illi pœnitenti et culpam suam confitenti Propheta NATHAN divinitus annunciasset, Deum condonasse illi suum peccatum (2. Reg. XII. 13). Vis autem argumenti ex hoc loco ducti in eo est, quod ibi peccatorum remissio prædicatur, nullâ factâ mentione operum sive meritorum. Quod silentium, interprete Apostolo, indicat Justificationem peccatoris esse *gratuitam*. Nam hoc sibi vult Apostolus dum dicit (ψ. 6.) : *sicut et DAVID dicit beatitudinem hominis, cui Deus accepto fert* ¹ (λογίζεται. i. e. imputat) *justitiam SINE OPERIBUS.*

(1) Interpres noster Verbum λογισθαι, in hoc capite eodem sensu sæpe obvium, aliter atque aliter reddidit; quod non facit ad perspicuitatem orationis. Verbum λογισθαι ibi redditum est nunc *imputare*, nunc *reputare*, nunc denique *accepto ferre*. Est autem *accepto ferre* tantumdem ac *pro accepto ferre*. ULPIANUS dig. 46. 4. 8. : illud sciamus, si ego aliud accepto tuli, aliud tu rogasti, nihil valere *acceptilationem*. Actus accepto ferendi est

acceptilatio. Est autem *acceptilatio*, docente FACIOLATI (ad h. V.), ficta quædam et imaginaria solutio et liberatio, quæ fit per interrogationem et responsionem, qua utrisque contingit ab eodem nexu absolutio. Dicenti enim, *Quidquid tibi per stipulationem promisi, vel ex stipulato debeo, habesne acceptum?* tu respondes, *Habeo acceptumque fero*; quasi dicas, *Perinde habeo, ac si accepissem a te per veram solutionem.*

Α λογος computatio ductum est Verbum Denominativum (Depon. Med.) λογιζεσθαι, quod adeò propriè notat computare; mox autem in rationes referre, imputare, reputare, eoque sensu Verbum λογιζεσθαι hoc capite constanter adhibetur¹. Est autem in illa dictione ελογισθη αυτω εις δικαιοσυνην (reputatum est illi (a Deo) ad justitiam) Præpositio εις sumenda de effectu divinæ illius imputationis, quo modo infra (Cap. X. 10) etiam εις adhibetur in hoc effato Apostolico: Καρδια γαρ πιστευεται εις δικαιοσυνην· στοματι δε ομολογεται εις σωτηριαν. Vulg. Corde enim creditur ad justitiam, ore autem confessio fit ad salutem. Ergo quod sibi vult Apostolus tale est: ABRAHÆ fides a Deo acceptata fuit eo effectu ut propter illam gratuitò illi largiretur donum justitiæ.—Ideò autem fides ad justitiam dicitur reputari, et non dicitur pro fide justitiam rependi, quia fides justitiam non meretur tamquam opus justitiæ meritorium, sed ex Dei benevolentia omninò gratuitâ habenti fidem justitia donatur. Quam vero ABRAHÆ fidem Apostolus hic intelligat, infra (γ. 17—23) exponit. Objicientibus autem, ABRAHAMUM non tunc demum justificatum fuisse quando credidit Deo promittenti ipsum fore multarum Gentium patrem sed multo ante tempore, SALMERON sic respondet: Dici potest, inquit, Apostolum non inquirere, quando ABRAHAM justificatus sit coram Deo; cum autem ibi (Gen. XV. 6) asseratur JUSTUS EX FIDE, sequitur quod justificatus fuerit ex fide et non ex operibus præcedentibus.

γ. 9 — 10. Beatitudo ergo hæc in circumcisione tantum manet, an etiam in præputio? Dicimus enim quia reputata est ABRAHÆ fides ad justitiam.¹⁰ Quomodo ergo reputata est, in circumcisione, an in præputio? Non in circumcisione sed in præputio.

γ. 9—10. Ὁ μακαρισμός, οὖν οὗτος ἐπὶ τὴν περιτομὴν^{a)}, ἣ καὶ ἐπὶ τὴν ἀκροβυστίαν; λέγομεν γὰρ ὅτι ἐλογίσθη τῷ Ἀβραάμ ἡ πίστις εἰς δικαιοσύνην. ¹⁶ Πῶς οὖν ἐλογίσθη; ἐν περιτομῇ ὄντι, ἣ ἐν ἀκροβυστίᾳ; Οὐκ ἐν περιτομῇ, ἀλλ' ἐν ἀκροβυστίᾳ.

Paraphrasis. Illa igitur beatitudinis prædicatio sive gratuita justificatio, de qua Propheta loquitur, num ad circumcisos tantum pertinet, an verò etiam ad præputiatis? Animadvertite, quæso, de ABRAHAMO nos dicere, quod fides illi reputata fuerit ad justitiam. Qualis ergo erat ABRAHAM, quum justificaretur? Erat-ne tum jam circumcisos, an verò adhuc præputiatus. Non erat jam tum circumcisos, sed adhuc præputiatus. Patet ergo justificationem ut non pendet a ceteris legis operibus, ut probavimus, ita nec pendere a suscepta circumcisione.

(1) Notione Metaphorica λογιζεσθαι est putare, Passiv. λογισθησθαι. Notandum est verbi hujus Præcensere, æstimare, quo sensu legitur supra, Cap. III. 28.—Λογιζεσθαι verbum est Deponens Medium: Rom. IV. 4. 5. IX. 8. Cf. MATTHIÄ §. 493. Aor. 1. ελογισαμεν. Aor. 1. Passiv. ελογισθην. Fut. 1.

VARIANS LECTIO.

a) Post περιτομην legitur μονον in Codd. DE. Glossema est. Quod verò in Vulgata hoc loco legitur *tantum manet*, pariter interpretamentum aliquod est. Nihil enim tale legitur in ullo Græco Codice, ut nec in Itala aut in alia ulla versione antiqua; imo nec in omnibus Vulgatæ codicibus voces illæ leguntur. Quare quod inter lectiones Velesianas hic habetur lectio *μονον μενει*, nihili hoc faciendum est. Cf. quæ notavimus supra (ψ. 5) ad variantem lectionem: *secundum propositum gratiæ Dei*.

ψ. 9. *Beatitudo ergo hæc in circumcisione tantum manet, an etiam in præputio?* Ex voce λεγει (ψ. 6) mente addenda hic est post περιτομην vox λεγεται; et quia dicit Apostolus η και επι, sumendum est επι την περιτομην tamquam *exclusivè* dictum esse ideòque suppleri ibi potest μονον. Itaque sententia Apostoli plenis verbis enunciata hæc sit: Ὁ μακαρισμος ουν οὗτος επι την περιτομην μονον λεγεται, η και επι την ακροβυστιαν; Sensus est: Illa igitur (ουν) beatitudinis prædicatio (ὁ μακαρισμος οὗτος) sive gratuita justificatio, de qua DAVID loquitur, num in circumcisos (επι την περιτομην) tantum dicitur, an verò etiam in incircumcisos (επι την ακροβυστιαν)? Apostolus quum hactenus ex Scripturis probasset justificationem non pendere a præstitis operibus, hic transit (ουν) ad probandum ex allegato modò Scripturæ effato de ABRAHAMO, pariter nec a circumcisione pendere justificationem. Rem proponit per interrogationem. Num igitur μακαρισμος ille, inquit, ad circumcisos tantum pertinet, an verò etiam ad præputiatos? Ἡ περιτομη et ἡ ακροβυστια sumenda sunt ut supra Cap. III. 30.

Dicimus enim quia reputata est Abrahæ fides ad justitiam). Hac observatione viam sibi parat ad reponsionem, quæ danda sit præmissæ interrogationi. Particula γαρ hoc loco valet nempe, scilicet, videlicet, ut infrà Cap. XI. 13 et Gal. IV. 24. 25. Sensus est: Animadvertite quæso, de ABRAHAMO nos dicere quod fides illi reputata fuerit ad justitiam! Verba Apostoli sic legenda sunt ut emphasis ponatur in τῷ Αβρααμ non verò in voce πιστις. Patet hoc ex argumentatione insequenti (ψ. 10).

ψ. 10. *Quomodo ergo reputata est?* Πως (quomodo), quod ex serie orationis patet, hic non refertur ad modum quo ABRAHE reputata sit justitia, sed interrogat de statu sive conditione, in qua esset ABRAHAM, quum justificaretur. Itaque πως hic fere valet ποιος qualis. Ουν hoc loco ratiocinantis est. Sensus est: Qualis ergo erat ABRAHAM quum justificaretur? Erat-ne tum jam circumcisos, an verò adhuc præputiatus? Non erat jam tum circumcisos, sed adhuc præputiatus. Consequitur ergo, justificationem minimè pendere a circumcisione; quod erat probandum. Quam tamen consequentiam Apostolus verbis non expressit, quum ea unicuique facile pateret. Græcorum verborum Syntaxin hoc loco perspicue intellexeris, si putaveris Apostolum scripsisse ita: Ποιῶ ουν οντι (Αβρααμ) ελογισ-

Οἷ ἡ πίστις εἰς δικαιοσύνην; ἐν περιτομῇ ὄντι, ἢ ἐν ἀκροβυστία; οὐκ ἐν περιτομῇ ὄντι, ἀλλ' ἐν ἀκροβυστία. Præpositio ἐν ubique hic dicitur *de statu sive conditione*, in qua quis versatur.

γ. 11—12. Et signum accepit circumcisionis, signaculum justitiæ fidei, quæ est in præputio: ut sit pater omnium credentium per præputium, ut reputetur et illis ad justitiam: ¹² et sit pater circumcisionis non iis tantum, qui sunt ex circumcisione, sed et iis, qui sectantur vestigia fidei, quæ est in præputio patris nostri ABRAHÆ.

γ. 11—12. Καὶ σημεῖον ἔλαβε περιτομῆς, σφραγίδα τῆς δικαιοσύνης τῆς πίστεως τῆς ἐν τῇ ἀκροβυστίᾳ, εἰς τὸ εἶναι αὐτὸν πατέρα πάντων τῶν πιστευόντων δι' ἀκροβυστίας (εἰς τὸ λογισθῆναι καὶ αὐτοῖς^{α)} τὴν δικαιοσύνην), ¹² καὶ πατέρα περιτομῆς, τοῖς οὐκ ἐκ περιτομῆς μόνον, ἀλλὰ καὶ τοῖς στοιχοῦσι τοῖς ἰχνεσι τῆς ἐν τῇ ἀκροβυστίᾳ πίστεως τοῦ πατρὸς ἡμῶν Ἀβραάμ.

Paraphrasis. Ad quid ergo fuit circumcisis? Circumcisionis in carne sua suscepit signum, quod erat sigillum testimoniale justitiæ quæ ei adhuc præputiato contigerat per fidem, ut, tamquam is qui esset per fidem justificatus adhuc habens præputium et deinde circumcisis, hoc modo foret exemplar ac veluti Pater tam eorum omnium qui præputiati crederent (ut, inquam, sicut ABRAHÆ, ita et illis quoque si crederent justitia imputaretur), quam circumcisorum, eorum dico, qui non essent circumcisi tantum verum etiam imitarentur fidem quam ille exhibuerat adhuc præputiatus.

VARIANS LECTIO.

^{a)} Post αὐτοῖς legitur εἰς, sed tantum in Codd. A et nonnullis Minusculis.

^{b)} Pro τοῖς οὐκ legitur οὐ τοῖς sed tantum in duobus Codicibus Minusculis. Hanc lectionem Vulgata quoque refert aliæque nonnullæ antiquæ versiones.

γ. 11. Et signum accepit circumcisionis, signaculum justitiæ fidei, quæ est in præputio; ut sit pater). Exponit Apostolus (11—12) quisnam finis fuerit susceptæ ab ABRAHAMO circumcisionis unâque sic respondet Judæo forte quærenti: Si

ABRAHAM justificatus fuit quum adhuc esset præputiatus, ad quid ergo deinceps fuit circumcisisus? — Et signum circumcisionis hic vocat signaculum testimoniale (σφραγίδα) justitiæ quam ABRAHAM adeptus fuerat per fidem (της δικαιοσύνης της πίστεως) ab eodem exhibitam quo tempore adhuc erat præputiatus (της εν τη ακροβυστια). Quo iterum obiter docet ABRAHAMUM nequaquam circumcisisum fuisse justitiæ adipiscendæ causâ. Circumcisio non illi contulerat justitiam, sed accepta jam ante per fidem justitia circumcisione carnis veluti sigillo quodam firmata fuerat atque obsignata.

In dictione σημειον περιτομης (le signe de la circoncision), vox περιτομης est Genitivus Appositionis: signum illud, quod circumcisione constat. Ceterum signum circumcisionis tantumdem hic est ac circumcisio, sed signum scripsit Apostolus, quia dicturus erat circumcisionem esse sigillum. Σφραγίδα est Accusativus prædicati. Vox σφραγίς de signaculo testimoniali legitur etiam 1 Cor. II. 9.—Της πίστεως Genitivus est originis: justitia quæ ABRAHÆ ex fide contigit, ut infra (Cap. IX. 30) dixit Apostolus δικαιοσύνην δε την εκ πίστεως. In dictione της εν τη ακροβυστια scil. σχεδουσης, fidei in statu præputii habitæ, Articulus της referendus est non ad δικαιοσύνης sed ad πίστεως; patet hoc ex contexta oratione: πιστευοντων δι' ακροβυστιας (ψ. 11), et της εν τη ακροβυστια πίστεως. (ψ. 12).

ut sit pater omnium credentium per præputium, etc.). His jam verbis (ψ. 11. 12) exponitur finis ob quem Deus voluerit ut circumcideretur ABRAHAM jam antehac justificatus. Finis autem hic fuit, ut ABRAHAM, tamquam is qui esset per fidem justificatus etsi adhuc præputiatus deinde autem circumcisisus, hoc modo foret (εις το ειναι αυτον) exemplar ac veluti pater (πατέρα) tam eorum omnium qui præputiati crederent, quam circumcisorum, qui quidem fidem ejus imitarentur.

Præpositio εις hic dicitur de consilio quò quid spectat, ut Act. XXVI. 16. Sed εις το ειναι reddendum erat non ut sit (Vulg.), sed ut esset, vi consecutionis Temporum; præcessit enim ελαβε (accepit). — ABRAHÆ paternitas (εις το ειναι πατερα), hic dicitur ratione exempli, quo sicut ipsi præputiato, quum credidisset, imputata fuerat justitia, ita quoque præputiatis omnibus, qui quidem credidissent, ea pariter imputaretur. Atque hoc sibi voluisse Apostolum, id quidem patet ex parenthetica illa sententiâ εις το λογισθηναι και αυτοις δικαιοσύνην, quâ epexegeticè explicat qualem paternitatem hoc loco cogitet.—Πιστευοντες δι' ακροβυστιαν sunt credentes dum sunt habentes præputium. Itaque δια hic dicitur de conditione sive statu in quo quis versatur. ut supra Cap. II. 27. δι' ακροβυστιας hic nihil differt ab εν ακροβυστια, quod eodem hoc versiculo legitur. Πιστευοντων habendum est pro Participio Imperfecti.

ut reputetur et illis ad justitiam). Græca reddenda sunt: ut imputaretur etiam ipsis justitia. Quæ verba habenda sunt pro vera Parenthesi, quum per ea Syntaxis fuerit abrupta; nam continua Syntaxis postulasset ut uno sermonis tenore scriberetur εις το ειναι πατερα παντων των πιστευοντων δι' ακροβυστιας, και πατερα

περιτομης, κ. τ. λ. Quod in parenthetica illa oratione dicitur και αυτοις, id significat sicut ABRAHÆ ITA ET (και) illis. Sed quum scribatur in Aor. λογισθηναι, vertendum est ut imputaretur; et illius Infinitivi (λογισθηναι) Subjectum est την δικαιοσυνην, ubi suppleri potest της πιστεως = εκ πιστεως. Ceterum, sensum hujus partis supra jam exposuimus.

§. 12. et sit pater circumcisionis non iis tantum, etc). Resumitur post Parenthesin abrupta Syntaxis per verba και πατερα περιτομης, quæ adeò pendent a præcedentibus (§. 11) εις το ειναι αυτον. Sed in verbis quæ insequuntur, τοις ουκ κ. τ. λ. notanda est oratio variata; nam quum hæc verba tamquam Appositio pendeant a Genitivo περιτομης, per Genitivos continuanda erat oratio adeòque scribendum των ουκ εκ περιτομην μονον (οντων), αλλα και (των) στοιχουντων τοις ιχνεσι κ. τ. λ. h. e. illorum, inquam, qui essent non tantum circumcisi, verum etiam ingrederentur vestigiis, etc. Apostolus, autem variatâ oratione, sermonem suum continuavit per Dativos relationis, quos Gallicè expresseris si dicas: et (afin qu'il fût) le père des circoncis, c'est à dire à l'égard de ceux qui, etc.—

non iis tantum qui sunt ex circumcisione, sed et iis qui sectantur vestigia fidei etc.) Interpres noster legisse videtur ου τοις εκ περιτομης μονον; verum ex communi Codicum testimonio legendum est τοις ουκ εκ περιτομης μονον, quod et auctor antiquæ Italæ legit; nam vertit: et pater circumcisionis, eis, qui non ex circumcisione tantum, etc. Suspico Articulum τοις, qui ante στοιχουσι legitur, causam exstitisse cur unus et alter Librarius τοις ουκ in ου τοις mutaverit. Nam quum usus Articuli eo loco τους στοιχουντας demonstraret tamquam classem personarum distinctam ab iis qui ibi dicuntur esse εκ περιτομης, ut etiam hi tamquam distincta classis personarum Grammaticè exhiberentur, necesse erat ut Particula negativa ου scriberetur ante Articulum; itaque mendum hoc loco suspicatus Librarius pro τοις ουκ scripserit ου τοις, quo et fiebat ut vocula μονον jam propter sequens αλλα non amplius afficeret vocabulum περιτομης, sed jungeretur cum Negativâ ου; atque hinc factum est ut interpres noster verterit non iis tantum qui sunt ex circumcisione, quamquam vox μονον ponatur post περιτομης.—Sed non sunt hoc versiculo duæ classes personarum distinguendæ; hoc enim si ponas, oratio Paulina tantologica sit; nam si ii qui (§. 12) sunt ex circumcisione sint Judæi, et ii qui sectantur vestigia fidei ABRAHÆ sint Gentiles intelligendi, jam inanis fiat repetitio, quum versiculo præcedenti (§. 11) de Gentilibus jam dixerit. Sensus ergo hujus loci is est quem in Paraphrasi exposuimus. Negari tamen nequit, secundum accuratorem scribendi rationem scribendum fuisse αλλο και στοιχουσι, non repetito Articulo τοις.

Ceterum, dictio ὁ εκ περιτομης sumenda est ut suprâ (p. 101) ὁ εκ πιστεως, et mente suppleto ibi Participio ουσι, puta scriptum ibi esse τοις ουκ εκ περιτομης μονον ουσι; hoc verò Participium ουσι quemadmodum et sequens στοιχουσι Participia sunt Imperfecti. Ἡ εν τη ακροβυστια (scil. ουσᾶ) πιστις Αβ-

ρααμ est *fides* quam Deo ABRAHAM habuerat quum adhuc esset præputiatus ; Præpositio *εν* sumta ibi est eo sensu , quo supra ψ. 10. Denique loco Pronominis *αυτου* repetitum ibi fuit , ex Hebraismo , ipsum Nomen του Αβρααμ. Cujus quidem repetitionis aliud exemplum supra (pag. 101) indicavimus.

ψ. 13—15. Non enim per legem promissio ABRAHÆ , aut semini ejus ut heres esset mundi , sed per justitiam fidei. ¹⁴ Si enim qui ex lege , heredes sunt : exinanita est fides , abolita est promissio . ¹⁵ Lex enim iram operatur . Ubi enim non est lex : nec prævaricatio .

ψ. 13—15 Οὐ γὰρ διὰ νόμου ἡ ἐπαγγελία τῷ Ἀβραάμ, ἡ τῷ σπέρματι αὐτοῦ, τὸ κληρονομον αὐτὸν εἶναι τοῦ κόσμου, ἀλλὰ διὰ δικαιοσύνης πίστεως. ¹⁴ Εἰ γὰρ οἱ ἐκ νόμου κληρονόμοι, κεκένωται ἡ πίστις, καὶ κατήργηται ἡ ἐπαγγελία. ¹⁵ Ὁ γὰρ νόμος ὀργὴν κατεργάζεται· οὐ γὰρ οὐκ ἔστι νόμος, οὐδὲ παράβασις.

Paraphrasis. Neque enim ratione habitâ Mosaicæ legis sed justitiæ ex fide partæ facta est ABRAHÆ aut semini ejus promissio illa de spiritali dominatione ejus in omnes gentes extendendâ sive de beandis omnibus Gentibus in ipso ; ergo promissionis illius effectus quum non pendeat a Lege sed a fide , ad omnes pertinet credentes , sive ex lege sint sive non , adeoque credentium omnium, Gentilium æque ac Judæorum , pater est ABRAHAM. Et verò si promissa illa beatitas ad eos pertineat qui ex Lege sunt et quatenus ex Lege sunt, jam eo ipso consequatur inutilem esse fidem et infructuosam ad eam beatitatem consequendam , atque etiam divinam illam promissionem ABRAHÆ factam habendam esse pro infecta. Nempe tantum abest ut Lex promissam illam beatitatem possit efficere , ut contra Dei iram afferat et maledictionem ; idque quia Lex occasio est violationis ; nam sicut locum non habet violatio legis ubi nulla est lex , ita e contra ubi lex adest, ibi nec dēest legis violatio.

ψ. 13. Non enim per legem promissio Abrahæ—sed per justitiam fidei). Supple *εγενετο* , facta est. ABRAHAMUM esse patrem omnium credentium , Gentilium æque ac Judæorum , Apostolus hic (ψ. 13) *confirmat* (γαρ) indè quòd ἡ ἐπαγγελία (la promesse) ABRAHÆ facta fuit non per Legem (δια νομου *moyennant la loi*) sed per justitiam ex fide partam (δια δικαιοσύνης πίστεως).

Quam verò promissionem Apostolus hic intelligat , statim exponit per sententiam epexegeticam το κληρονομον αυτον ειναι κοσμου , ut hæres esset mundi , i. e. ut

*dominus*¹ esset mundi. *Mundi* autem appellatione hic designantur universæ nationes terræ; nam Apostolus respicit (Cf. §. 16—18) promissionem illam, quā Deus ABRAHÆ dixerat (Gen. XVII. 4. 5): *Eris pater multarum gentium; nec ultra vocabitur nomen tuum ABRAHAM sed appellaberis ABRAHAM: quia patrem multarum gentium constitui te*; quæ quidem promissio quo sensu sumenda sit, intelligitur ex eo quod ABRAHÆ in eundem sensum divinitus dictum fuit, *fore ut in eo sanctificarentur omnes gentes terræ*². Itaque promissio illa de qua loquitur Apostolus, referenda est ad *dominationem* quamdam quæ sita sit in quodam jure paternitatis spiritualis, quod per *semen suum* JESUM CHRISTUM ABRAHAM habiturus erat in gentes universas. Igitur *promissio* ABRAHÆ facta nihil aliud est, ad rem quod attinet, nisi omnium gentium in CHRISTO benedictio sive justificatio et sanctificatio.

Notandum est, Apostolum argumentationis suæ expressisse *Antecedentem* tantum; *Consequens* erat hæc: Ergo promissa illa beatitas pertinet ad credentes quoscumque, sive tales sint quibus lex data fuerit, sive non sint tales; adeoque parens est ABRAHAM credentium omnium, Gentilium æque ac Judæorum. — Nam quod PAULI argumentatio hoc modo complenda sit, id quidem patet ex versiculo sequenti (§. 13), ubi pergit argumentari ab illius Consequentis opposito.

Dixit autem Apostolus: ABRAHÆ *aut semini ejus*; quia sicut promissio illa facta fuerat ABRAHÆ³ ita quoque facta fuit *Semini* ejus, quum illi diceretur (Gen. XXII. 18): *Benedicentur in semine tuo omnes gentes terræ*. Hoc *semen* autem intelligendum esse JESUM CHRISTUM ABRAHÆ filium, novimus docente Apostolo (ad Gal. Cap. III. 16): ABRAHÆ, inquit, *dictæ sunt promissiones, et semini ejus. Non dicit, et seminibus, quasi in multis sed quasi in uno: et semini tuo, qui est CHRISTUS*.

Bene TOLETUS (Commentar. ad h. l.): «Attende, inquit, hanc mundi hæreditatem esse benedictionem illam, quam omnes gentes in ipso (ABRAHAM) et ejus Semine consecuturas promisit Deus; per hanc enim ABRAHAM est pater effectus omnium nationum mundi credentium in CHRISTUM. Semen autem hoc ipse PAULUS exposuit (ad Galat. III), dicens: *Semini tuo, qui est CHRISTUS*. Huic est promissa omnium gentium hæreditas, quia per ipsum et in ipso salutem et benedictionem assecuturæ erant. Psalm. 2. *Postula a me, et dabo tibi gentes hæreditatem tuam, et possessionem tuam terminos terræ*. De qua promissione dicitur Gal. III. 19: *donec veniret semen, cui promiserat*. Dicitur autem facta promissio CHRISTO, quia promissio data ABRAHÆ, in CHRISTO et per CHRISTUM implenda erat. »

(1) Vox *κληρονομος*, missâ notione hæreditatis, dicitur etiam de domino. Cf. Hebr. I, 2.

in gentem magnam ac robustissimam, et benedicendæ in illo OMNES nationes terræ. Utrumque, et carnale et spirituale semen ABRAHÆ hic significatur.

(2) Gen. XVIII. 17. 18: *Num celare potero ABRAHÆ, quæ gesturus sum: cum futurus sit*

(3) Gen. XVIII. 17. 18.

Observandum quoque est, Hyperbaton quoddam esse in oratione Apostoli; nam quum illud *το κληρονομον αυτον ειναι κοσμου* sit *appositio*, qua describitur illa, quam dixerat, *επαγγελια*, usitata Syntaxis postulabat ut scriberetur hoc ordine verborum: *Ου γαρ δια νομου τῷ Αβρααμ η τῷ σπερματι αυτου η επαγγελια, το κληρονομον αυτον ειναι κοσμου*. Articulus *το* ibi afficit integram sententiam *κληρονομον αυτον ειναι κοσμου*. Cujusmodi Articuli usus occurrit etiam infra (Cap. VIII. 26) in hoc: *το γαρ τι προσευξομεθα καθο δει, ουκ οιδαμεν*. Et omnino frequens est hæc Articuli structura in libris Novi Testamenti, præsertim in scriptis PAULI et LUCÆ.

ψ. 14. *si enim qui ex lege, hæredes sunt, exinanita est fides, abolita est promissio.*) Hic *probat* (*γαρ*) Apostolus illam quam modo dixi Consequentiam, argumentando ex absurdis, quæ sequantur, si verum sit contrarium ejus quod in illa Consequentia affirmatur. Sic ergo ratiocinatur: Et verò, inquit, si promissa illa beatitas ad eos pertineat qui ex Lege sunt et quatenus ex Lege sunt, jam eo ipso consequatur inutilem esse fidem et infructuosam ad eam beatitatem obtinendam, et porro divinam illam promissionem ABRAHÆ factam habendam esse pro infectâ; quod utrumque dictum est absurdum.

Mentem Apostoli aliis verbis explico: Si ab observata Lege, inquit, penderet promissa illa beatitas, jam tamquam merces rependeretur non verò gratuitò per fidem contingeret; adeòque fides non foret via ad beatitatem illam obtinendam, et sic *exinanita foret fides*, quam tamen Deus viam esse voluit ad promissam illam beatitatem participandam; deinde sic etiam *abolita foret* Dei promissio; nam quum hæc pertineat ad *semen ABRAHÆ* spirituale universum, hoc est, ad omnes credentes, sive ex Lege sint, sive non, si promissa beatitas a Lege pendeat, jam non poterit seminis pars illa cui lex Mosaica data non fuit, etsi fidem ABRAHÆ imitetur, illius beatitatis particeps fieri; irrita ergo sic foret Dei promissio.—Atque hanc esse mentem Apostoli, id quidem colligo ex eo quod statim (ψ. 16) ex disputatis infert, promissæ ergo beatitatis participationem pendere non a Lege sed a fide, ut sic obtingeret non tamquam repensa quædam merces sed tamquam donum gratuitum, atque ita communis esset quibuscumque, tam Judæis quam Gentilibus, qui fidem ABRAHÆ imitarentur.

Card. TOLETUS¹ paulò aliter mentem PAULI explicat: « FIDEM dicit fore EXINANITAM, inquit, quia inutilis facta esset, si non per fidem justitia et benedictio sed per legem futura esset; PROMISSIONEM ABOLITAM, id est, factam quasi infectam et destructam et irritam; quia quod promissum est ex gratia, non ex gratia sed ex lege detur; pugnant enim quod ex lege est et quod ex promissione et fide est; hoc enim est gratia, illud justitia. »

(1) Commentar. in Ep. ad Rom. ad h. 1,

γ. 15. *Lex enim iram operatur*). Ob Particulam causalem γαρ videri possit, his verbis rationem reddi præcendetis sententiæ qua dicebatur *abolitam esse promissionem si penderet a Lege*; verum non ita res habet. Neque enim ex eo quod Lex *per accidens*, ratione, inquam, humanæ infirmitatis, non impleatur adeoque *iram operetur*, rectè consequitur *promissionem aboleri*; nam si etiam ponamus adimpleri legem et *benedictionem operari*, etiam sic *abolita* foret promissio, dicente Apostolo (Gal. III. 15): *Si ex lege hæreditas, jam non ex promissione*. Audiatur TOLETUS: « Aliqui moderni, inquit, hanc sententiam (*lex enim iram operatur*) causam superioris continere existimant, nempe cur *abolita* sit promissio si pendeat a Lege.... Sed hæc expositio non est ad mentem PAULI; non enim aboleri dicitur promissio, quando id quod promittitur sub conditione non datur eâ de causâ quia conditio non impletur; nam si propter Legem promissio hæreditatis facta esset, eâque de causâ promissio complementum non haberet quia Lex non impleretur, tunc non diceretur *abolita* promissio. Aboletur enim promissio quando tollitur ita ut quod ex promissione est, jam non sit nec detur ex promissione sed ex Lege.... Promissio gratis et ex dono Dei facta fuit... Sive ergo lex impleatur, sive non; sive *iram operetur*, sive *benedictionem*, promissio aboleretur, si ex Lege esset hæreditas. »

Itaque dicendum est, PAULUM hic tertiam adducere rationem (γαρ), cur promissa illa beatitas nequeat pendere a Lege. Et petita est tertia illa ratio a Legis effectu, qui talis sit ut maledictionem afferat, adeoque causa esse nequeat consequendæ promissæ beatitatis. Quo modo autem fiat ut Lex *iram operetur*, Apostolus statim explicat (γαρ), dicens :

Ubi enim non est lex, nec prævaricatio). Sententia *negans* est, sed quæ oppositam *affirmantem* continet; alias enim Apostolus nihil hic explicasset aut probasset. Itaque mens ejus est dicere: *ubi adest lex, ibi nec dëest legis violatio*; ubi autem est legis violatio sive *transgressio* (παράβασις), ibi est et sancti Dei ira, adeoque vindicta atque supplicium; non quòd lex per se causa sit transgressionis, sed quòd lex, v. g. Mosaica, qua talis, quum tantum prohibeat aut jubeat, non autem etiam conferat gratiam *cujus* auxilio imperata possint adimpleri, peccandi præbet occasionem, atque ita homines obnoxios reddit iræ divinæ. Cogitat Apostolus positivam aliquam Dei legem, qualis, verbi gratiâ, erat lex Mosaica. Confer quæ in hanc rem notavimus supra (pag. 91) ad verba: *per legem cognitio peccati*.

γ. 16 — 17. Ideo ex fide, ut secundum gratiam firma sit promissio omni semini, non ei, qui ex

γ. 16—17. Διὰ τοῦτο ἐκ πίστεως, ἵνα κατὰ χάριν, εἰς τὸ εἶναι βεβαίαν τὴν ἐπαγγελίαν παντὶ τῷ σπέρ-

Paraphrasis. Quum ergo promissæ beatitatis participatio non pendeat a Lege, relinquatur ut pendeat a fide; idque Deus ita voluit in eum

lege est solum, sed et ei qui ex fide est ABRAHÆ, qui pater est omnium nostrum ¹⁷ (sicut scriptum est: *Quia patrem multarum gentium posui te*) ante Deum, cui credidit, qui vivificat mortuos, et vocat ea quæ non sunt, tamquam ea quæ sunt.

ματι, οὐ τῷ ἐκ τοῦ νόμου μόνον, ἀλλὰ καὶ τῷ ἐκ πίστεως Ἀβραάμ, ὅς ἐστι πατὴρ πάντων ἡμῶν ¹⁷ (καθὼς γέγραπται· Ὅτι πατέρα πολλῶν ἐθνῶν τέθεικά σε) κατέναντι οὗ ἐπίστευσσε Θεοῦ, τοῦ ζωοποιοῦντος τοὺς νεκροὺς, καὶ καλοῦντος τὰ μὴ ὄντα ὡς ὄντα.

finem ut promissa illa beatitas contingeret non tamquam merces sed ex dono prorsus gratuito, atque ut rata firmaque esset universo ABRAHÆ semini, hoc est, credentibus quibuscumque, non illis tantum, inquam, quibus lex data fuit, verum etiam illis qui imitarentur fidem ABRAHÆ, qui nostrum omnium credentium parens est (sicut scriptum est: *constitui te patrem multarum gentium*) coram illo, cui crediderat, Deo, qui mortuos vivificat, et ea quæ non exstant, appellat quasi adsint.

ψ. 16. *Ideò ex fide*). Διὰ τοῦτο concludit ex dictis versiculo decimo quarto; et collectio talis est: Quum promissa illa benedictio sive justificatio obtinenda sit vel ex lege vel ex fide, obtineri autem nequeat ex lege, *ideirco* (διὰ τοῦτο) relinquitur ut obtineatur ex fide. Διὰ τοῦτο ἐκ πίστεως scil. ἡ κληρονομία γίνεται, quod ex voce κληρονομον (ψ. 14) sumendum est.

ut secundum gratiam firma sit promissio omni semini). In nonnullis Codicibus Vulgatæ, teste Estio, Particula *ut* bis hic ponitur, hoc modo: *ut secundum gratiam, ut firma sit promissio omni semini*; atque ita ex communi Græcorum Codicum testimonio legendum est. Quæ autem hic dicuntur, non *εξβατικῶς* sed *τελικῶς* sumenda sunt. Videlicet indicatur *finis ob quem* Deus vult ut promissa illa benedictio obtineatur non *ex lege*, sed *ex fide*; finis autem hic est, ut ea homini obtingat *secundum gratiam* (ἐνὰ κατὰ χάριν scil. γένηται ἡ κληρονομία), quod quidem fit si sit *ex fide* (ἐκ πίστεως), si donetur credenti. Huic vero fini conjunctus est (εἰς το εἶναι) finis alter hic, scilicet ut ne qua pars sobolis spiritualis ABRAHÆ a communione promissæ benedictionis excludatur, sed *rata firmaque sit promissio omni spirituali ejus semini* (εἰς το εἶναι βεβαιαν τὴν επαγγελίαν παντὶ τῷ σπέρματι), hoc est, credentibus quibuscumque; id quod non esset, si a lege penderet promissæ benedictionis participatio, quum sic ea pars sobolis, cui lex data non esset, a promissæ benedictionis participatione fuisset exclusa. Opponitur βεβαιαν εἶναι τὴν επαγγελίαν præcedenti (ψ. 14) καταργεῖσθαι.

non ei qui ex lege est solum sed et ei qui ex fide est Abrahæ). Distinctius hic explicat Apostolus quid intelligat παντὶ τῷ σπέρματι. Græca reddenda erant *non ei solum, qui* (quod) *ex lege est, sed et ei*, etc., quum vocabulum *μόνον* non refe-

ratur ad vocem νομου sed ad Articulum τω. Sensus est : non Judæis tantum credentibus ; nam spirituale semen ΑΒΡΑΗΕ, de quo hic agitur , constat ex credentibus tantum , uti patet ex γ. 12. Itaque το εξ του νομου σπερμα Αβρααμ intelligitur illa pars sobolis ΑΒΡΑΗΕ spiritualis, ad quam Mosaica lex (ὁ νομος) pertinet , gens Israëlita ; et το εξ πιστεως Αβρααμ σπερμα Αβρααμ sunt illi qui credunt in ea conditione qua erat ΑΒΡΑΗΑΜ cum crederet , adeoque legem Mosaicam non habentes , præputiati , uno verbo , Gentiles. Præpositio εξ utroque loco dicitur de conditione ex (in) qua quis sit aut esse cogitetur.

qui pater est omnium nostrum). Scil. credentium , ut patet ex γγ. 12. 13. Relativa hæc sententia rationem continet cur promissæ benedictionis participatio communis esse debeat credentibus quibuscumque , Gentilibus æquè ac Judæis ; et ratio est , quia ΑΒΡΑΗΑΜ constitutus sit pater omnium credentium¹ ; id quod statim probat , dicens :

γ. 17. sicut scriptum est ; quia patrem multarum Gentium posui te). Ὅτι (quia) hoc loco non est recitativum , sed pars citati testimonii. Est autem sumptum testimonium ex Genes. XVII. 4. 5 , ubi Deus ad Patriarcham : Non ultra , inquit , vocabitur nomen tuum ΑΒΡΑΜ , sed appellaberis ΑΒΡΑΗΑΜ , quia patrem multarum Gentium constitui te. Quæ verba , interprete Apostolo , ad spirituales ΑΒΡΑΗΕ sobolem sunt referenda , non quidem sensu litterali quo illa verba ad carnalem ΑΒΡΑΗΕ progeniem pertinent , verum sensu typico² ; idemque dicendum est de altero quod PAULUS hic (γ. 18) citat Scripturæ testimonio : Sic (sicut stellæ cæli innumerabiles) erit semen tuum (Gen. XV. 5).

ante Deum , cui credidit etc.) Jungenda sunt hæc verba cum verbis postremis versiculi decimi sexti : qui pater est omnium nostrum ; illa verò verba , sicut scriptum est : quia patrem multarum Gentium posui te , quum syntaxin interruperint , pro parenthetica sententia sunt habenda. Verba ista , ante Deum , cui credidit , Græce sonant κατεναντι οὗ ἐπιστευσεν Θεου , quod per Attractionem dictum est pro κατεναντι του Θεου , ᾧ ἐπιστευσεν. Similis Attractionis exemplum est in hoc Lucæ (Act. Ap. Cap. XXI. 16) : ἀγοντες παρ' ᾧ ξενισθωμεν Μνασωνι τινι Κυπριῳ , ἀρ-

(1) Operæ pretium fuerit hic recitare , quæ THEODORETUS ad hunc locum epistolæ adnotavit. Ὁ των ὄλων θεος , inquit , προσειδώς ὡς Θεος , και ὡς ἕνα λαον ἐξ εθνων και Ιουδαίων ἀθροίζει , και δια πιστεως αυτοις την σωτηριαν παρεξει , εν τῷ πατριαρχῇ Αβραάμ ἀμφοτερα προδειγραψε. Δειξας γαρ αὐτον και προ της περιτομης την εκ πιστεως δικαιοσύνην κτήσαντα , και μετα την περιτομήν ου κατὰ τον Μωσαϊκον πολιτευσαμενον νομον , ἀλλ' ἐπιμειναντα τη της πιστεως ποδηγίᾳ , πατερα των εθνων αὐτον προσηγορευσεν· ἵνα εἰς ἐκεῖνον και Ιουδαῖοι και Ἕλληνες ἀποβλεποντες , μητε οὗτοι την περιτομήν , μητε ἐκεῖνοι την ἀκροβυστιαν , ἀλλ' ἀμφοτεροὶ αὐτου την πίστιν ζηλώσωσιν. h. e. Universorum enim Deus , cum prævidisset tamquam Deus , se unum popu-

lum ex Judæis et Gentibus congregaturum et eis per fidem salutem præbiturum , utrumque in Patriarcha ΑΒΡΑΗΑΜ prius designavit. Cum enim ostendisset ipsum etiam ante circumcisionem justitiam ex fide acquisivisse et post circumcisionem non ex lege Mosaica vitam instituisse , sed in fidei vestigiis hæsisse , eum patrem Gentium appellavit ; ut ad illum et Judæi et Græci respicientes , neque hi circumcisionem , neque illi præputium , sed utrique ejus fidem imitarentur. »

(2) Vide BEN. PERERII Disputat. in Gen. ad Cap. XV. Disput. 1.

χαιῶ μαθητῇ. Confer quæ ad hunc Actorum locum in Commentario adnotavimus. Itaque sensus est :... Qui omnium nostrum credentium pater est coram illo¹, cui credidit, Deo, qui mortuos vivificat (τοῦ ζῶοποιουντος τοὺς νεκροὺς), et vocat ea quæ non sunt ac si essent (καὶ καλουντος τὰ μὴ ὄντα ὡς ὄντα), h. e. qui ea quæ nulla sunt, solo verbo ut sint, efficit; cujus tanta vis imperii est, ut ea quæ non sunt, imperanti ut sint, obediant.—Quibus verbis Deus describitur tamquam omnipotens. Bene ESTIUS (ad h. l.) : *Adjicit hanc partem, inquit, non qua significet quid fecerit aut facturus sit Deus, sed ut duobus veluti epithetis (τοῦ ζῶοποιουντος τοὺς νεκροὺς et καλουντος τὰ μὴ ὄντα ὡς ὄντα) declaret Deum omnia posse; simul innuens etiam hoc ipsum ABRAHAM de Deo credidisse. Nam mortuos ad vitam revocare, et ex nihilo res producere, quod est vocare non entia tamquam entia, non nisi infinitæ virtutis, id est, divinæ sunt opera.*

γ. 18—22. qui contra spem in spem credidit, ut fieret pater multarum gentium secundum quod dictum est ei : Sic erit sementuum. ¹⁹ Et non infirmatus est fide, nec consideravit corpus suum emortuum, cum jam serè centum esset annorum : et emortuam vulvam Saræ. ²⁰ In repromissione etiam Dei non hæsitavit diffidentia : sed confortatus est fide, dans gloriam Deo : ²¹ plenissime sciens quia quæcumque promisit, potens est et facere. ²² Ideo et reputatum est illi ad justitiam.

γ. 18—22. Ὡς παρ' ἐλπίδα ἐπ' ἐλπίδι ἐπίστευσεν εἰς τὸ γενέσθαι αὐτὸν πατέρα πολλῶν ἐθνῶν, κατὰ τὸ εἰρημένον, οὕτως ἔσται τὸ σπέρμα σου. ¹⁹ καὶ μὴ ἀσθενήσας τῇ πίστει, οὐ κατενόησε τὸ ἑαυτοῦ σῶμα ἤδη νεκρωμένον, ἑκατονταέτης που ὑπάρχων, καὶ τὴν νέκρωσιν τῆς μητρὸς Σάρρας. ²⁰ Εἰς δὲ τὴν ἐπαγγελίαν τοῦ Θεοῦ οὐ διεκρίθη τῇ ἀπιστίᾳ, ἀλλ' ἐνεδυναμώθη τῇ πίστει, δοὺς δόξαν τῷ Θεῷ, ²¹ καὶ πληροφορηθεὶς ὅτι ὃ ἐπηγγέλται, δυνατὸς ἐστι καὶ ποιῆσαι. ²² Διὸ καὶ ἐλογίσθη αὐτῷ εἰς δικαιοσύνην.

Paraphrasis. Qui (ABRAHAM) contra id quod per leges naturæ sperari poterat, sperans credidit fore ut fieret pater multarum Gentium, secundum id quod a Deo dictum illi fuerat : *Sicut stellarum innumerabilis est multitudo, sic progenies tua erit; et ut erat fide robustissimus, non respiciebat, quamquam fere centenarius, suum ipsius corpus præ senio ad generandum impotens effectum aut emortuam SARÆ vulvam.* De promissione autem Dei, non dubitavit incredulus, verum firma fuit fide, Dei omnipotentiam veneratus, quum esset ei plenissimè persuasum, Deum quæ promiserit etiam posse præstare. Talis ergo cum esset ejus fides, ideo hæc illi imputata fuit ad justitiam, ut in Scripturis legitur.

(1) Κατενοῶντι, pro quo alibi est κατενωπιον, refert Hebraicum כַּעֲנִי אוֹ כַּעֲנִי

ψ. 18. *qui contra spem in spem credidit ut fieret pater multarum Gentium*).

Hac parte (ψ. 18—22) Apostolus describit fidei quam ABRAHAM Deo habuit magnitudinem. Credidit *contra spem* (παρ' ἐλπίδα), i. e. contra id quod secundum naturæ leges (cf. ψ. 19) sperari poterat. Παρὰ, *contra*, ut Act. XVIII. 13. Rom. I. 26. Ἐπ' ἐλπίδι arcte cohæret cum ἐπιστεύσεν. Est autem ἐπ' ἐλπίδι *cum spe* (cf. Nostratium *by hoop*), quo sensu ἐπι sumitur Luc. XVI. 26. Sensus est : *sperans credidit*; dicit ergo *qui contra spem cum spe credidit*. Observandum est in dictione illa παρ' ἐλπίδα ἐπ' ἐλπίδι elegans quoddam Oxumoron¹. Quæ sequuntur verba, εἰς τὸ γενεσθαι αὐτὸν πατέρα πολλῶν ἐθνῶν, exprimunt id quod ABRAHAM credidit; puta Gallice dici : *il crût a ce qu'il deviendrait*, etc². Nimirum quemadmodum infra (Cap. X. 14) hebraizans scripsit πιστεύειν εἰς τινὰ (בְּיִשְׁרָאֵל), ita hic dixit πιστεύειν εἰς τι. Decet quidem, quod sciam, aliud hujus loquendi rationis exemplum; sed tamen non dubitaverim quin Præpositio εἰς hic eo quo dixi modo sit sumenda; nequit enim existimari quod dicta sit aut de *causa finali* aut de *eventu*, quum sic incongruè interrupta esset inchoata fidei ABRAHÆ descriptio. Sensus hujus loci recte sic exposuit TOLETUS : « Credidisse, inquit, *contra spem* dicitur (ABRAHAM), quia credidit futurum id quod naturali rîa sperari non poterat, et quæ jam ipse desperaverat. Sperare enim desperata seu desperanda, et sperare *contra spem*, et credere futura quorum nulla erat spes, est credere *contra spem*. Spe ergo humana destitutus per fidem spem concepit divinam et Deo innixam. Is ergo qui omni spe privatus erat et omninò desperaverat, audiens Dei promissionem credidit ipsi, et per fidem speravit futurum quod prius desperaverat et naturali ratione desperandum erat. »

secundum quod dictum est ei : Sic erit semen tuum). Scripturæ testimonium, quod Apostolus hic allegat, ductum est ex Gen. XV. 5; quod cum esset notissimum, brevitatis causâ postremam tantum ejus partem recitat. Locus integer sic ibi legitur : *Eduxitque eum (Deus) foras, et ait illi : suspice cælum, et numera stellas, si pòtes. Et dixit ei : sic erit semen tuum*. Quæ promissio quamquam litterali verborum sensu ad carnalem ABRAHÆ sobolem est referenda, unà tamen typico sensu ad spiritualem ejusdem sobolem pertinere ex PAULI interpretatione intelligitur. Nam is planè docet, ABRAHAMUM ob Dei illam promissionem credidisse se fore patrem *multarum Gentium*; hoc autem de multitudine credentium, adeoque de spiritali ABRAHÆ sobole sumendum esse,

(1) Ὁξύμωρον (ab οξύς *acutus* et μωρός *stultus*) apud Rhetores sententia ejusmodi est quæ primo aspectu *fatuè* dicta videatur, quum tamen sapienter dicta sit, sed *acutè*.

(2) Prævit hac interpretatione jam THEOPHY-

LACTUS, (ad Cap. IV. 18) qui præsentem locum reddidit hac periphrasi : ὁς παρ' ἐλπίδα τὴν ἀνθρώπων ἐπ' ἐλπίδι τῇ Θεῷ ἐπιστεύσεν, ὅτι γενεσται πατὴρ πολλῶν ἐθνῶν. h. e. *Qui contra spem humanam in spe divina credidit se fore patrem multarum gentium*.

paulò ante (ψ. 16. 17) significaverat. Ceterùm animadvertendum est id quod ad præsentem locum notat ESTIUS : *Sumendum est*, inquit, *promissionem paternitatis spiritualis multarum Gentium ABRAHÆ factam, ex ordinatione divina non fuisse præstandam nisi interveniente generatione carnali, qua futurum erat ut CHRISTUS (in quo benedicendæ erant omnes Gentes) ex eo secundum carnem nasceretur. Itaque generatio carnalis ABRAHÆ promissa, subservivit implendæ promissioni paternitatis ac seminis spiritualis.*

ψ. 19. *Et non infirmatus est fide, nec consideravit corpus suum emortuum etc.* Græca hoc loco reddenda sint ita : *Cumque non esset infirmus fide* (h. e. cum esset fide firmississimus¹) *non consideravit corpus suum emortuum.* — *Ἀστενεώ* imbecillis vel infirmus sum. *Τῇ πίστει* est Dativus relationis ; quasi dicas : *quod attinet ad fidem.* Similes Dativos videre est in Ep. ad Philipp. Cap. III. 5 et in 1 ad Corinth. Cap. XIV. 20, et alibi. Dicitur hic ABRAHÆ corpus *νεκρωμένον* (q. d. mortificatum) propter extinctam vim generandi ; causa rei additur : *quippe qui esset (ὑπαρχών²) fere (ποῦ³) centenarius.* Scilicet agebat tunc ABRAHAM annum nonagesimum nonum. Similiter ἡ *νεκρωσις* (q. d. mortificatio) matricis (*τῆς μητρὸς*) SARÆ significat extinctam in illa vim concipiendi. SARÆ sterilitatem (Gen. XVI. 1. 2) Apostolus hic non memorat, sed tantùm senilem ejus ætatem. Cf. ad Hebr. Cap. XI. 11.

Quo verò sensu ABRAHAM dicatur non attendisse animum (*κατανοεῖν*) nec ad emortuum sui ipsius corpus (*τὸ ἑαυτοῦ σῶμα*), nec ad emortuam SARÆ matricem sive vulvam, TOLETUS perspicuè explicat, integri hujus loci sensum sic exponens : « Cum senex esset, inquit, et præ senectute corpus haberet emortuum et jam impotens ad generandum effectum ; cum etiam uxor SARA vulvam emortuam jam haberet et ad concipiendum ineptam, . . . nihil horum *consideravit* (*κατενόησε*) ut in fide infirmaretur, a fide recedendo aut dubitando, sed fortis et constans permansit, nullo naturali impedimento quominus Deo promittenti crederet remoratus. Dicitur *non considerasse* corpus proprium emortuum aut vulvam SARÆ emortuam, quia nihil horum difficultatem credendi ei ingessit ; *consideravit* quidem ea ad magnitudinem promissionis et divinæ virtutis agnoscendam, quia tamen eum dubitare de promissis non fecerunt, propterea dictus est *non considerasse* hæc. »

(1) Pertinet hæc loquendi ratio ad eam figuram dictionis quam *ἀντιθέτης* vocant, quâque negando contrarium, plus significamus quam dicimus. Eâdem figurâ usus Virgilius dixit (Georg. Lib. 2. ψ. 129) : *miscueruntque herbas et non innoxia verba*, h. e. nocentissima.

est per *quippe qui*, ut Act. Cap. XXIII. ψ. 18. Participium *εχόντα*.

(3) Particula enclitica *που* vim limitandi hic habet. Legesis de Enclitica illa ZEUNIIUM ad VIGEN. Cap. VII, Sect. XI. IV. p. 456.

(2) Participium in Verbum Finitum vertendum

γ. 20. *In repromissione etiam Dei non hæsitavit diffidentia*). Pro vocula *etiam* est in Græco Particula *δε*, quæ hic videtur simpliciter valere *autem*, et referenda esse ad sententiam versiculo decimo nono contentam hanc : *Emortuum erat corpus ABRAHÆ et emortua vulva SARÆ*. Quare et nova a versiculo vigesimo inchoanda sit periodus. Præpositionem *εις* dixeris hoc loco valere *ob*, quo sensu *εις* nonnumquam adhibita legitur; verbi gratia in hoc THUCYDIDIS¹ : *Βουλομενος αυτον τοις Πελοποννησιοις ες την αυτου και Αθηναιων φιλιαν ὥς μαλιστα διαβαλλειν*. h. e. *Quum maximam ei vellet apud Peloponnenses invidiam conflare ob illius tam cum ipso (Alcibiade). quam cum Atheniensibus amicitiam*. Itaque verteris : *Ob promissionem autem Dei* (q. d. quum autem promississet illi Deus sobolem) *non dubitavit* (ου διεκκριθη) *per incredulitatem* (τη απιστια). Ego tamen maluerim vertere : *De promissione Dei*, etc.²

Διακρινομαι Med. *secum disceptare, dubitare*, cum Aor. 1 Pass. *διεκκριθην* notione reflexivâ. Cf. WINER §. 39. 5.—*Τη απιστια* est Dativus causæ vel instrumenti. Vox *απιστια* quum notionem habeat, ut vocant, abstractam, Articulum quidem recipere nequit; sed hic vitium *απιστιας* ex toto genere vitiorum veluti desumptum, definitè tamquam hæc vitii species cogitatur. Eodem modo Apostolus, adhibito Articulo alibi (Philipp. II. 3) scripsit : *τη ταπεινοφροσυνη αλληλους ηγουμενοι υπερδ-χοντας εαυτων*.

sed confortatus est fide, dans gloriam Deo). Græca redderim : *sed fide* (τη πιστει) in Dativo relationis ut γ. 19) *firmus fuit* (ενεδυναμωθη). Hanc enim interpretationem postulat ratio oppositionis : *non dubitavit incredulus, sed firmiter credidit*. Vulgatæ versio, *sed confortatus est fide*, innuere videtur ABRAHÆ fidem cepisse incrementum; atqui de hoc Apostolus in præsentī loco non agit. *Ενδυναμοῦμαι* Passivè est *firmus fio*, Aoristus *ενεδυναμωθην* *firmus factus sum*, adeoque *firmus sum* vel *fui*, firmum me præstiti³.—Quod sequitur, *dans gloriam Deo*, eo exprimitur *modus quo* ABRAHAM firmum fide se præstiterit. Quocirca notandum est, dictionem *διδοναι δοξαν τῷ Θεῷ*, quæ refert Hebraicam (Ierem. XIII. 15) יְהוָה לְיִרְיָהּ בְּבֹרַךְ, adhiberi de eo qui aut facto aliquo suo, aut sua sentiendi ratione Deum, aut ejus attributum aliquod agnoscit atque honorat. Cf. Iosue VII. 19. 1 Reg. (1 Sam) VI. 5. Joh. IX. 24. Act.

(1) Apud VIGERUM Cap. IX. sect. II. IX. Confer etiam Thesaurum HENR. STEPHANI ad vocem *απιστιας*. *promissione autem Dei non dubitavit per incredulitatem*.

(2) Scilicet fieri potest, ut quemadmodum suprâ (γ. 18) dictum fuit πιστευειν εις τι, ubi Præpositio *εις* inserviebat ad *objectum fidei* significandum, ita quoque hic per *εις την επαγγελiam* significetur *objectum dubitationis*; tum verò vertendum sit : *de*

(3) ESTIUS causas quidem suæ interpretationis non explicavit, tamen in eandem sententiam præsentem locum exposuit; nam ad verba *confortatus est* dicit : *Id est, firma ac robusta fide suscepit Dei promissionem*. (ad h. l.).

Ap. XII. 23. Ex contexta autem cujusque loci oratione colligendum est, quid aut quale sit id quo *detur Deo gloria*. Sic ABRAHAM hic dicitur *gloriam dedisse Deo*, quod Deo promittenti rem quæ secundum naturæ leges fieri non poterat, firmiter crediderit; nam hac fide *omnipotentiam Dei* agnovit honoravitque, atque ita *gloriam dedit Deo*. Cf. γ. seq.

γ. 21. *plenissimè sciens, quia quæcumque promisit, potens est et facere*). Hac parte exponitur *ratio ob quam* ABRAHAM Deo promittenti firmiter crediderit; itaque Participium *πληροφορηθεῖς*¹, si in verbum Finitum vertatur, reddendum sit *quia plenissime sciebat eum* (Deum) *posse quod promisit* (ὁ ἐπηγγελται) *etiam præstare* (καὶ ποιησαι). — *Πληροφορεῖσθαι* est *plenus fieri*, quod eximiè dicitur de eo qui rem quampiam habet *compertissimam*; qui veluti *repletus est* rei cuiuspiam persuasionem. — *Ἐπηγγελται* est forma Perfecti Passiva cum notione Media. Istiusmodi Perfecta Passiva vel in solo libro Actuum Apostolorum plura occurrunt. Vide Cap. XIII. 6. XX. 13. XXIII. 1. XXV. 22. XXVI. 32. Ceterum Cf. WINER §. 40. 3. — *Δυνατός ἐστι* construitur cum Infinitivo Aoristi. Qua de re legis Winerum §. 45. 3.

γ. 22. *Ideò et reputatum est illi ad justitiam*). Sensus est: Quia talis erat ABRAHÆ fides, *ideò* fides ejus reputata est illi ad justitiam. *Ἐλογισθῇ* grammaticè quidem dictum est impersonaliter (*het werd hem aangerekend*), logicum tamen *subjectum* ejus verbi est ABRAHÆ fides talis, qualis hic (γ. 18.—22) fuit descripta. Itaque *διο* (*ideò*) refertur ad descriptam illam ABRAHÆ fidem. Particula *καὶ* hic ferè valet *vicissim*, ut supra Cap. I. 24; non quod PAULUS fidei tamquam cuiuspiam *merito* adscripserit justitiam, sed quod significare voluit non qualemcumque fidem a Deo *imputari ad justitiam*. Confer quæ de dictione *ista reputari ad justitiam* supra (pag. 113) adnotavimus.

γ. 23—25. Non est autem scriptum tantum propter ipsum quia reputatum est illi ad justitiam: ²⁴ sed et propter nos, quibus reputabitur credentibus in eum, qui suscitavit JESUM

γ. 23—25. Οὐκ ἐγράφη δὲ δι' αὐτὸν μόνον, ὅτι ἐλογίσθη αὐτῷ²¹, ²⁴ ἀλλὰ καὶ δι' ἡμᾶς, οἷς μέλλει λογίζεσθαι, τοῖς πιστεύουσιν ἐπὶ τὸν ἐγείραντα

Paraphrasis. Non est autem hoc ipsius tantum causâ scriptum, verum etiam nostri causâ, ut sciremus etiam nobis fidem nostram ad justitiam imputatum iri, si credamus in eum qui suscitavit a mortuis JESUM-CHRIS-

(1) In editione Complutensi editum est *καὶ πληροφορηθεῖς* sed est illa conjunctio *καὶ* ante *πληροφορηθεῖς* incertæ auctoritatis. Si sit legenda, dicendum quoque sit, sicut per verba *dans gloriam Deo*, ita et per verba *plenissime sciens*, etc. exprimi *modum* quo ABRAHAM sese fide fir-

mum præstiterit (*ἐνεδυναμωθῇ*); atqui ea quæ γ. 21 jeguntur talia sunt ut non *modum* quempiam sed *causam* quampiam expriment. Quare putaverim conjunctionem *καὶ* non pertinere ad textum, et legendum esse hoc loco ut legitur in Vulgata.

CHRISTUM Dominum nostrum a mortuis, ²⁵ qui traditus est propter delicta nostra, et resurrexit propter justificationem nostram.

Ἰησοῦν τὸν Κύριον ἡμῶν ἐκ νεκρῶν, ²⁵ ὃς παρεδόθη διὰ τὰ παραπτώματα ἡμῶν, καὶ ἠγέρθη διὰ τὴν δικαιοσύνην ἡμῶν.

tum Dominum nostrum, qui a Deo Patre traditus fuit ut mortis supplicium subiret ad nostra expianda peccata, et revocatus fuit ad vitam ut nos justificaret.

VARIANS LECTIO.

α) Post αὐτῷ additur εἰς δικαιοσύνην in Codd. D¹ E et nonnullis Minusculis; item in nonnullis versionibus antiquis; atque ita quoque legerunt CYRILLUS, CHRYSOSTOMUS, THEOPHYLACTUS, et Patres Latini multi; videtur tamen illud εἰς δικαιοσύνην olere glossema.

γ. 23—25. *Non est autem scriptum tantum propter ipsum quia reputatum est illi ad justitiam, sed et propter nos, etc.*). Propositum erat Apostolo (vide supra ad Cap. III. 31) suam de Justificatione *per fidem et gratis* obtinendam doctrinam effatis sacrae Scripturae comprobare. Hoc ergo cum effecisset (γ. 3—14) ex iis quae de ABRAHAE justificatione in sacris litteris dicuntur, jam, ut omnino firma esset ea probatio, declarat, id quod ibi de ABRAHAMO scriptum erat, scilicet *fidem ejus fuisse illi a Deo imputatam ad justitiam* (ὅτι ελογισθη αὐτῷ το πιστεῦειν εἰς δικαιοσύνην), non esse ipsius tantum causam (δι' αὐτον μόνον) ibi scriptum, puta, ut sciremus ABRAHAMUM gratis fuisse justificatum per fidem, verum etiam nostrae doctrinae causam, vel *propter nos* (δι' ἡμᾶς), quibus pariter, inquit, fides ad justitiam *imputabitur* (οἷς μελλει λογισεσθαι), si credamus in eum qui e mortuis resuscitavit JESUM CHRISTUM Dominum nostrum, qui *traditus fuit* in mortem (παρεδοθη) ad peccata nostra expianda (διὰ τὰ παραπτώματα ἡμῶν) et revocatus in vitam (ἠγέρθη) ut nos justificaret (διὰ τὴν δικαιοσύνην ἡμῶν).

In dictione τοῖς πιστευουσιν vim Articuli expresseris si Participii loco adhibito Finito verbo dicas: *si tales simus, qui credamus, etc.* — Παρεδοθη traditus est, scil. εἰς Θάνατον ut mortis supplicium subiret. Traditum autem cogitat hic Apostolus JESUM a Deo Patre, secundum illud quod infra (Cap. VIII. 32) dicit: *Qui etiam proprio Filio suo non pepercit, sed pro nobis omnibus tradidit illum.* Ceterum confer quae notavimus ad Act. II. 23, III. 18, et X. 38.—Praepositio διὰ (γ. 25) tam primo quam secundo loco posita de causa finali dicta est. Δικαιοσύς est *Justificatio activa*, ut infra Cap. V. 18.—Sed hic quaeritur cur JESUS CHRISTUS a PAULO dicatur morti traditus *propter delicta nostra*, resuscitatus autem *propter justificationem nostram*, quasi mors ejus fuerit tantum

pro peccatis nostris satisfactoria, resurgendo autem meruerit nostram justificationem, cum tamen certum sit omne meritum CHRISTI in morte ipsius fuisse completum, ac proinde resurrectione sua nihil meruisse, ut nec adscensione aut ceteris quæ post mortem suam egit. Vide S. THOM. ad Rom. Cap. IV. 25. Ad propositam quæstionem alii aliter respondent; quorum varias sententias TOLETUS, ESTIUS, alii enarrant. Mihi quidem præ ceteris respondendi modis ille placuit quem CORN. A LAPIDE hic adhibuit. Is JESU CHRISTI resurrectionem habet pro causâ quasi meritoria¹⁾. « CHRISTUS enim, inquit, officium suum et meritum passionis in resurrectione quasi in termino suo absolvit; resurrectio enim fuit terminus et complementum passionis, meritorum, et totius œconomice CHRISTI. Unde resurrectio et passio censentur unum opus redemptionis, et una actio moralis CHRISTI completa, qua simul et semel meruit CHRISTUS tum remissionem peccatorum, tum justificationem nostram. Sed ob similitudinem²⁾ apposite Apostolus tribuit remissionem passioni, quasi satisfactioni; resurrectioni vero justificationem; quia per resurrectionem, quam suis meritis et virtute propria adeptus est CHRISTUS, factus est plenus redemptor et justificator, utpote victor mortis, et consequenter victor regni peccati et injustitiæ quod mortis erat causa; tuncque simul induxit regnum vitæ, sanctitatis et justitiæ. Unde post resurrectionem misit Spiritum Sanctum justificatorem, misit et Apostolos, qui vi verbi sui et sanctis Sacramentis a se institutis nos justificarent. »

(1) In Ep. ad Rom. ad h. l. Falsò tamen CORNELIUS Præpositionem *dei* (seq. Accusat.) ibi dictam putat de causâ instrumentali, quasi *dei* hic valeat *per*, et non sit referenda ad causam finalem. Conferatur locus parallelus (2 Cor. V. 15): *Pro omnibus mortuus est Christus; ut et qui vivant, jam non sibi vivant, sed ei qui pro ipsis mortuus est et resurrexit.*

(2) CORNELIUS in mente habuerit sequentem S. THOMÆ locum (in Ep. ad Rom. Cap. IV. 24): « Quod propter delicta nostra, inquit, sit traditus in mortem, manifestum videtur ex hoc quod sua morte meruit nobis deletionem peccatorum; sed resurgendo non meruit, quia in statu

resurrectionis non fuit viator, sed comprehensor. Et ideò dicendum est, quod mors Christi fuit nobis salutaris non solum per modum meriti sed etiam per modum cujusdam efficientiæ. Cum enim humanitas Christi esset quodammodo instrumentum divinitatis ejus, ut Damascenus dicit, omnes passionibus et actionibus humanitatis Christi fuerunt nobis salutiferæ, utpote ex virtute divinitatis provenientes. Sed quia effectus habet aliquatim similitudinem causæ mortem Christi, qua extincta est in eo mortalis vita, dicit esse causam extinctionis peccatorum nostrorum; resurrectionem autem ejus, qua rediit ad novam vitam gloriæ, dicit esse causam justificationis nostræ, per quam redimus ad novitatem justitiæ. »

CAPUT QUINTUM.

ARGUMENTUM. Descriptâ jam probatâque nostri Justificationis naturâ , quod scilicet gratuita sit contingatque per fidem , nunc pergit dicere quam felices sint justificati : Haud amplius jam sumus , inquit , iræ Dei obnoxii , sed per JESUM CHRISTUM cum Deo reconciliati ejusque filii adoptivi effecti , jam læti exsultamus in spe obtinendæ felicitatis æternæ , quam filiis suis Deus destinavit (1-3) ; quin imo , lætamur de ipsis etiam afflictionibus , quas patimur , quum illæ nobis augeant spem consequendæ vitæ illius æternûm beatæ (3-5) ; nec timendum est ne vana deludamur spe suisque promissis defuturus sit Deus ; quippe cujus tantus est amor in nos , ut Spiritum sanctum suum in nos effuderit , nosque quum peccatores adhuc essemus per mortem filii sui secum reconciliaverit (5-12).—Post hæc Apostolus , quo illustrius appareat eximium hoc reconciliationis beneficium , distinctius illud explicat , institutâ inter CHRISTUM et ADAMUM comparatione , qua hujus in genus humanum maleficiis , illius in homines beneficia e regione opponuntur , efficiturque multo plus humano generi profuisse CHRISTI gratiam quam obfuerit ADAMI peccatum (12-21).

γ. 1—2. Justificati ergo ex fide, pacem habeamus ad Deum per Dominum nostrum JESUM CHRISTUM :
 2 per quem et habemus accessum per fidem in gratiam istam, in qua stamus, et gloriamur in spe gloriæ filiorum Dei.

γ. 1—2. Δικαιωθέν-
 τες οὖν ἐκ πίστεως, εἰρήνην ἔχομεν ^{a)} πρὸς τὸν Θεὸν διὰ τοῦ Κυρίου ἡμῶν Ἰησοῦ Χριστοῦ, ² δι' οὗ καὶ τὴν προσαγωγὴν ἔσχηκα-
 μεν ^{b)} τῇ πίστει ^{c)} εἰς τὴν χάριν ταύτην ἐν ᾗ ἐστήκαμεν, καὶ καυχώμεθα ἐπ' ἐλπίδι τῆς δόξης ^{d)} τοῦ Θεοῦ.

Paraphrasis. Igitur, justificati per fidem ut consequitur ex præmissa doctrina, haud amplius iræ Dei obnoxii sed cum eo reconciliati sumus per Dominum nostrum JESUM CHRISTUM, per quem nempe tamquam nostri reconciliatorem olim, cum Christiani facti sumus, per fidem obtinuimus gratuitum istud justificationis beneficium, quod nunc possidemus. Sed et lætabundi gloriamur de spe quam fovemus consequendi gloriam illam quam nobis filiis suis adoptivis Deus in æterna beatitudine præparavit.

VARIANS LECTIO.

* Pro *εχομεν* est *εχωμεν* in Codd. ACDIK multisque Minusculis; eandem lectionem referunt etiam Vulgata aliæque nonnullæ versiones antiquæ, et Patres Græci aliquot. Itaque multis testibus ea lectio commendatur; sed contextæ orationi lectio illa non satis convenire videtur; quare præferendam illi putaverim lectionem *εχομεν*, præsertim quum et ipsa quoque testes habeat non paucos.

b) Pro *habemus*, quod in Vulgata hoc loco legitur, Græcè est *habuimus*, *εσχηκαμεν*, idque nullà in Codicibus lectionis varietate. Interpres noster, opinor, putaverit, per verbum Præsentis Temporis hoc loco id exprimi posse quod significatur per Præteritum *εσχηκαμεν*.

c) Voces *τῇ πίστει* non leguntur in Codd. BDFG; absunt pariter a versionibus Itala et Æthiopica. Omissæ forsitan fuerint, quod viderentur abundare postquam modò dictum jam esset *δικαιωθεντες ἐκ πίστεως*.

d) Post *τῆς δόξης* additur *τῶν υἱῶν*, sed non occurrit græca hæc lectio nisi inter Velesianas tantum; adeoque nihili facienda est.

γ. 1. *Justificati ergo ex fide*, etc.). Dicturus jam est Apostolus de felici sorte justificatorum. Particula *οὖν* hoc loco simul est et *concludentis* et *sermonem continuantis*. Sensus est: Igitur, ut ex præmissa doctrina consequitur, justificati ex fide, non amplius iræ Dei (Cf. γ. 9) obnoxii sumus, sed *pacem habemus ad Deum* (*εἰρη-*

νην εχομεν προς τον Θεον), sive in pace sumus cum Deo, idque per Dominum nostrum JESUM CHRISTUM.

Præpositio προς in phrasi Apostoli proprie quidem valet ad, erga, non verò cum, sed tamen sensum hujus Præpositionis hoc loco per cum recte expresseris. Scilicet locutus est PAULUS more Græcorum, qui in similibus dictionibus adhibere solent Præpositionem προς. Exempla dat FRITSCHIUS ad h. l.: DIOD. SIC. XXI. 12: Αγαθοκλης πολυν χρονον ειρηνευων προς Καρχηδονιους. PLATO DE REPUBL. V. 445.: πανταχῇ δε εκ των νομων ειρηνην προς αλληλους οι ανδρες αξουσιν. HERODIANUS. VIII. 7. Ειρηνην εχοντες προς Θεους, ους ομωμοκατε (per quos jurastis).

Lectioni εχομεν (habeamus, h. e. conseruemus, retineamus) præferendam duximus ¹⁾ lectionem εχομεν (habemus), tum quod nihil indicat Apostolum orationem suam jam nunc flectere voluisse ad exhortationem, tum etiam quod tota oratio (1-5) heic ita conformata est ut parænesi congruere minime videatur. Ad hæc, si jam nunc exhortari voluisset, pro εχειν ειρηνην adhibuisset aut κατεχειν aut φυλαττειν aut τηρειν ειρηνην, aut simili aliqua phrasi usus fuisset, ut MAIER observat ²⁾. Tandem, si parænetica sit præsens oratio adeòque valeat pacem seruemus cum Deo, jam id quod sequitur, per Dominum nostrum JESUM CHRISTUM, necesse sit ut referatur ad auxilium gratiæ; atqui non solet Apostolus hac formula gratiæ auxilium indicare.

§. 2. per quem et habemus accessum per fidem in gratiam istam, in qua stamus). Arete hæc cum præcedentibus cohærent. Sensus est: Per quem nempe (και) JESUM CHRISTUM tamquam nostri reconciliatorem, mediatorem et pacificatorem, olim fide (τη πιστει) adepti sumus (εσχηκαμεν) aditum (την προσαγωγην den toegang) sive admissi fuimus ad consequendam istud justificationis gratuitum beneficium (εις την χαριν ταυτην), in quo (εν ᾗ) nunc stamus, i. e. quod nunc possidemus.—Metaphorica est Apostoli oratio; nam gratiam illam de qua loquitur animo informavit tamquam locum quempiam ad quem detur accessus et in quo deinceps stetur.

Particula και est hic distinctius explicantis quod dictum fuerat (§. 1): per Dominum nostrum JESUM CHRISTUM. Belgice dixeris: door wien wy ja den toegang, etc. Similem vim και obtinet in hoc (Ep. ad Hebr. VI. 7) δι' ους και γεωργειται.—Προσαγωγή est aditus, accessus, ut Ephes. II. 18. III. 12, a προσαγειν quod etiam intransitive

(1) In eadem sententiâ fuere quoque SALMERON (Disput. 36. in Ep. ad Rom), TOLETUS (ad h. l.), ESTIUS (ad h. l.), alii.

(2) Commentar über den Brief Pauli an die Römer von Dr. ADALBERT MAIER, Freiburg im Breisgau. 1847. — «Die Kritische Zeugen, inquit, machen es unsicher, ob wir hier darstellende oder parænetische Rede haben; gegen das reci-

pirte εχομεν hat nämlich die Leseart εχομεν viele Auktoritäten für sich. Doch kann sie aus innern Gründen nicht bestehen, denn schon das Verbum εχειν würde sich in Verbindung mit ειρηνην προς Θεου zur parænetischen Redeform des Conjunctivs nicht wohl eignen, man müszte eher κατεχειν, φυλαττειν, τηρειν, oder ein anderes gleichbedeutendes Wort erwarten.—

adhibetur de *accedendo*, *appropinquando*, exempli gratia Act. XXVII. 27. — *Τῇ πιστεὶ* est Dativus *Instrumenti*, pro quo alibi est *διὰ πίστεως*. Voces *εἰς τὴν χάριν ταυτην* jungendæ sunt cum *τὴν προσαγωγὴν*; nam *fidem habere gratiæ* (*τῇ πιστεὶ εἰς τὴν χάριν*) alienum sit a loquendi ratione Scripturarum. — *Ἐχειν* de *nanciscendo obtinendo*, ut Matth. XIX. 16 coll. Marc. X. 17; et ibid. ψ. 21.

et gloriamur in spe gloriæ filiorum Dei). Pendent hæc non a præcedente sententia relativâ *in qua stamus*, sed a sententia principali (ψ. 1): *pacem habemus cum Deo*; ut adeo oratio sic cohæreat: *pacem habemus cum Deo et gloriamur in spe gloriæ filiorum Dei*. Vocem illam *filiorum* non videri ad textum pertinere, jam diximus (Vid. Var. Lect.); sed et si legatur, sensus eòdem recidit; nam *gloria*, de qua hic agitur, profectò alia non est quam ea, quâ Deus justificatos adeoque *filios suos adoptivos* (Cf. Gal. III. 25) in æterna beatitudine est glorificaturus. —

Καυχᾶσθαι de *lætando* sive *exultando* hic dicitur, ut in versione Septuaginta virali Ps. XXXI. 14. CXL. 5. (*καυχῶνται ὅσοι ἐν δοξῇ καὶ ἀγγαλλίασονται*) ubi *καυχᾶσθαι* respondet verbis יִרְדּוּ et יִשְׂרָ, quæ de *jubilando* et *exultando* adhibentur. Præpositio *ἐπὶ* indicat *objectum* istius *καυχᾶσθαι*, ut in Ecclesiastico Siracidis Cap. XXX. 2: *ἐπ' αὐτῷ καυχῶνται*. Pro *ἐπὶ* alibi est *ἐν*, ut statim infra (ψ. 3): *καυχώμεθα ἐν ταῖς θλίψεσιν*. — *Τῆς δοξῆς* est Genitivus *objecti*, et *τοῦ Θεοῦ* Genitivus *auctoris* sive *originis*, ut Cap. I. 17. Itaque sensus est: *et lætabundi gloriamur de spe quam foremus obtinendi illam gloriam, quam nobis filiis suis adoptivis Deus in æterna beatitudine præparavit*.

ψ. 3 — 4. Non solum autem, sed et gloriamur in tribulationibus: scientes quòd tribulatio patientiam operatur: ⁴ patientia autem probationem, probatio verò spem.

ψ. 3 — 4. Οὐ μόνον δέ, ἀλλὰ καὶ καυχώμεθα ἐν ταῖς θλίψεσιν, εἰδότες ὅτι ἡ θλίψις ὑπομονὴν κατεργάζεται, ⁴ ἡ δὲ ὑπομονὴ δοκιμὴν, ἡ δὲ δοκιμὴ ἐλπίδα.

Paraphrasis. Non solum autem de illa spe lætatur verum etiam de afflictionibus, quas identidem patimur, quippe qui scimus quod afflictio patienter tolerata efficiat constantiam, constantiæ autem actus sæpè repetitus probatam ostendat virtutem, probata autem virtus spem nobis adaugeat illius cœlestis gloriæ obtinendæ.

ψ. 3. *Non solum autem, sed et gloriamur in tribulationibus*). Sensus est: *Non solum autem de spe futuræ gloriæ lætatur, verum etiam lætatur* (*καυχώμεθα* ut ψ. 2) *de afflictionibus, quas identidem patimur*. Formula ista, *οὐ μόνον δέ, ἀλλὰ*

και, frequenter a PAULO adhibetur ibi ubi novum quid addit cum gradatione quadam, ut infra γ. 11; et Cap. VIII. 23; IX. 10, 2 Cor. VIII. 19. Quæ loquendi ratio quum elliptica sit, ubicumque occurrit est aliquid ex præcedentibus repetendum. Ellipsin semel ipse supplevit Apostolus in epistola altera ad Corinthios Cap. VII. 6. 7. : *Ἀλλ' ὁ παρακαλῶν τοὺς ταπεινοὺς*, inquit, *παρακάλεσεν ἡμᾶς ὁ Θεὸς ἐν τῇ παρουσίᾳ Τιτου· οὐ μόνον δε ἐν τῇ παρουσίᾳ αὐτοῦ, ἀλλὰ και*, etc.

Afflictiones Apostolus hic cogitaverit maximè eas, quas Christiani Evangelii causâ patientur. Sic Apostoli (Act. Ap. V. 14) *ibant gaudentes a conspectu concilii, quod digni habiti essent pro nomine JESU contumeliam pati.*

scientes quod tribulatio patientiam operatur, patientia autem probationem, probatio verò spem). Hic causam exponit cur in afflictionibus suis gaudeant iustificati; et causa est, quia inde confirmetur illa futuræ gloriæ spes, de qua modo (γ. 2) dixerat : *gloriamur in spe gloriæ filiorum Dei*. Dicit ergo : Lætatur de afflictionibus quippe qui scimus (*εἰδοτες*) quod afflictio efficiat *constantiam* (*ὑπομονήν*), constantia autem ostendat *virtutem probatam* (*δοκιμὴν*), probata autem virtus nobis augeat illam futuræ gloriæ spem, de qua jam nunc lætatur.

Ὑπομονή notione secundariâ de *patientia* sive *tolerantia* dicitur 2 Cor. I. 6; sed hæc notio præsentī loco non convenit; neque enim nunc agitur de modo quo afflictus afflictiones subeat, sed de eo quod efficiant afflictiones in illo qui patienter, ut hic sumitur, eas toleret. Itaque *ὑπομονή* hic significat *constantiam*, qui et primarius est illius vocis significatus, sæpè obviū. Cf. Rom. II. 7. XV. 4. 5. — 1 Thess. 1. 3, alibi. — Si quam afflictionem CHRISTI causâ tibi illatam ita fueris perpassus ut immotus permanseris, hoc ipso præstiteris actum *constantiae*; hujus autem actûs præstandi occasio exstiterit illata afflictio; atque hoc sensu afflictio (*θλιψις*) hic dicitur operari (*κατεργάζεσθαι*) sive efficere *constantiam* (*ὑπομονήν*). Quod si iteratis vicibus istiusmodi constantiae actum exercueris, ipse tu animum tuum exploraveris, atque ita *constantia* (*ὑπομονή*) effecerit ut explorata tibi probataque sit tua tibi virtus. *Probatam autem virtutem* (*δοκιμὴν*) gignit spem, excitando eam atque augendo. « Nam, ut ESTI verbis hic utar, qui jam expertus est se nullis adversis a justitia et veritate fidei dimotum esse etiamsi variè tentatus sit, hic mirum in modum erigitur animo in spem obtinendæ gloriæ cœlestis. »

Vox *δοκιμὴ* (in Vulg. hic *probatio*, sed Philipp. II. 22 *experimentum*) hoc loco dicitur de *probatam virtute*, ut et 2 Cor. II. 9. IX. 13. Philipp. II. 12. — Quod dicit S. JACOBUS (Cap. 1. 2) *Probatio* (*το δοκιμιον*) *fidei vestræ patientiam* (*ὑπομονήν*) *operatur* minimè est *Paulinæ* sententiæ contrarium. Nam *το δοκιμιον* ibi est (non autem 1 Petr. 1. 7) id quo exploratur vel probatur aliquid; nam *δοκιμιον* vocat *τοὺς πειρασμούς* tentationes; quum verò *θλιψεις* sint *πειρασμοί* idem dicit JACOBUS quod PAULUS : *ἡ θλιψις ὑπομονήν κατεργάζεται.*

sequentibus (6—9), qui de amore Dei erga homines dicti sunt manifestò. Nec aliter S. CHRYSOSTOMUS τὴν ἀγάπην τοῦ Θεοῦ hoc loco (γ. 5) intellexit¹⁾. Itaque sensus est: Spes autem illa, inquit, quam fovemus obtinendæ gloriæ cœlestis non est ejusmodi spes quæ fallere possit sperantem; cujus rei argumentum est eximius Dei erga nos amor²⁾, quem quidem nobis exhibuit dando nobis Spiritum Sanctum, et (γ. 6) Christum filium suum pro nobis tradendo in mortem, quo tempore adhuc eramus ejus inimici.— Illatio autem ex hoc argumento ad probandam thesin (scil. spem illam non esse fallacem) non fit statim, sed γγ. 9 et 10, postquam (γγ. 7 et 8) ostensum est quam sit inauditi exempli amor in CHRISTI morte nobis exhibitus.

Verbum ἐκχέειν, effundere, sumtâ Metaphorâ ab aquarum effusione (Cf. Joh. VII. 38. 39.) abundantiam connotans, alibi (Act. II. 33) adhibetur de effuso Spiritu sancto, hic verò de amore Dei abundanter effuso in corda justificatorum per Spiritum Sanctum, qui datus est eis quum justificarentur.— Amor Dei erga eos qui justificantur in eo est quod illis donat Spiritum Sanctum; atque hoc sensu hic dicitur Dei amor effusus in cordibus eorum per Spiritum Sanctum qui datus est eis. Spiritus Sanctus autem eo sensu intelligitur illis datus, ut sit in iis per ἐνοικησιν, idque modo sibi proprio, Patri et Filio non communi; quâ personali conjunctione ex impiis effecti fuere justi et adoptivi filii Dei, ipso Spiritu sancto eos sanctificante³⁾, suâque in illis præsentiâ eos efficiente divinæ consortes naturæ. Cf. THOMASSINUM De Incarnatione Verbi, Lib. VI. Cap. X et sqq. Eam quam dixi Spiritûs Sancti ἐνοικησιν perspicuis verbis docet Apostolus (I Cor. III. 16):

(1) Hom. IX. in Ep. ad Rom., ubi ad verba, ὅτι ἡ ἀγάπη τοῦ Θεοῦ ἐκκεχῦται ἐν ταῖς καρδίαις ἡμῶν, hæc notat: Οὐκ εἶπε, δεδοται, ἀλλ' ἐκκεχῦται ἐν ταῖς καρδίαις ἡμῶν, το δαψίλεις ἐμφαίνων. Ὁ γὰρ μέγιστον ἡν ὠρον, τοῦτο ἔδωκεν, οὐκ οὐρανὸν καὶ γῆν καὶ θαλάτταν, ἀλλ' ὁ τούτων ἀπάντων τιμιώτερον ἦν, καὶ ἀγγέλους ἐξ ἀνθρώπων, καὶ υἱοὺς Θεοῦ καὶ ἀδελφούς τοῦ Χριστοῦ κατεσκεύαζε. Τί δὲ ἐστὶ τοῦτο; Το Πνεῦμα τὸ ἅγιον. Εἰ δὲ οὐκ ἐβούλετο μεγάλοις ἡμᾶς μετὰ τοὺς πόνους στεφάνοις δωρησασθαι, οὐκ ἂν πρὸ τῶν πόνων τοσαῦτα ἔδωκεν ἀγαθὰ· νῦν δὲ τὸ θερμὸν αὐτοῦ τῆς ἀγάπης δεικνύται ἐντεῦθεν, ὅτι οὐκ ἡρεμα καὶ κατὰ μίχρον ἡμᾶς ἐτιμῆσεν, ἀλλ' ἀθροὺν τὴν πηγὴν τῶν ἀγαθῶν ἐξεχέει, καὶ ταῦτα πρὸ τῶν ἀγώνων. Hoc est: «Non dixit, data est, sed effusa est in cordibus nostris, largitatem indicans. Quod enim maximum erat donum, hoc dedit, non cælum, terram et mare, sed quod his omnibus pretiosius est, angelos ex hominibus, filios Dei et fratres CHRISTI fecit. Quid hoc est? Spiritus sanctus. Nisi autem vellet nos post labores magnis donare coronis, non ante labores tot bona dedisset; nunc verò amoris sui fervorem per hæc indicat, quod non sensim et pedetentim nos honoraverit, sed fontem

bonorum simul dederit, et hoc ante certamina.»

(2) Huic interpretationi non obstat, quod Patres Tridentini Concilii (Sess. VI. Cap. 7) hunc epistolæ locum videantur referre ad caritatem hominum erga Deum, non verò, ut nos interpretati sumus, ad caritatem Dei erga homines. «Neque enim, quod sapienter observat BEN. JUSTINIANUS (ad h. l.), Patres ullo modo affirmant hoc PAULUM sentire, sed ipsius tantum verba usurpant ad id probandum, quod ipsius propositum erat ostendere. Qui igitur ad probandos habitus et qualitates infusas hoc præcipuè testimonio nituntur, viderint ipsi quam appositè argumententur.» Hactenus JUSTINIANUS. Confer hic quæ notavimus ad Act. Cap. XX. 28. Tom. 2. p. 156 in subjecta ibi nota.

(3) Tit. III. 5—8.: Non ex operibus justitiæ quæ fecimus nos, sed secundum suam misericordiam salvos nos fecit per lavacrum regenerationis et renovationis Spiritus sancti, quem effudit in nos abunde per Jesum Christum salvatorem nostrum, ut justificati gratia ipsius, hæredes simus secundum spem vitæ æternæ.

Nescitis, inquit, quia templum Dei estis, et Spiritus Dei habitat in vobis? et in altera ad TIMOTHEUM (Cap. I. 14) : Bonum depositum, inquit, custodi per Spiritum Sanctum, qui habitat in nobis.

ψ. 6. *Ut quid enim Christus cum adhuc infirmi essemus, etc.,*) Qui Vulgatæ lectionem sequuntur, sensum hujus versiculi reddunt hoc modo : *Cur Christus tantâ charitate pro nobis mortuus est, si erat nos deserturus et spem nostram frustraturus?* Sed, ut dixi (Vide Var. Lect.), lectio *εἰς τι γὰρ Χριστός*, quam refert Vulgata, quamquam non omni testimonio destituta est, multò tamen testatior est lectio *εἰ γὰρ Χριστός*, quam exhibet editio Complutensis. Et hanc lectionem sequentes præsentem locum sic interpretamur : *Nam (γὰρ) CHRISTUS cum adhuc (εἰ) peccatores essemus (ὄντων ἡμῶν ἀσθενῶν) tempore divinitus constituto (κατὰ καιρὸν) pro nobis impiis cum Deo reconciliandis mortem subiit.*

Observandum est, per Particulam *γὰρ* alteram hic induci rationem ob quam *spes illa non sit fallax* (ψ. 5.). Prior ratio inducta fuerat per Particulam *ὅτι* (ψ. 5.). Agnoscenda ergo hic est variata quodam modo oratio; nam tenor orationis continuæ postu-lasset ut scriberetur : *Spes autem illa non est fallax, quia amor Dei erga nos abundanti modo nobis ostensus est, et quia CHRISTUS pro nobis mortuus est cum adhuc essemus peccatores.* Sed Apostolus ita scripsit quasi priorem illam rationem non adduxisset, et solam illam in mente haberet quam secundo loco posuit; ex quo etiam intelligitur quid factum sit ut pro causali *ὅτι* deinde adhibuerit causalem *γὰρ*. Perspicua erit mens Apostoli si versiculos quintum et sextum redegeris in periodos distinctos hos : *Spes autem non confundit, quia caritas Dei, etc. Spes autem non confundit, nam Christus, cum adhuc, etc.*


Superest ut notemus Hyperbaton esse in positione voculæ *εἰ*, ut quæ proxime ante voces *ὄντων ἀσθενῶν* erat collocanda. Patet hoc ex collato ψ. 8, ubi Apostolus eamdem sententiam repetit hoc ordine verborum : *cum adhuc peccatores essemus secundum tempus, Christus pro nobis mortuus est.* Similem voculæ *εἰ* translocationem KYPKIUŠ (observatt. sacræ ad h. l.) reperit apud ACHILLEM TATIUM (Lib. V. p. 325) in hoc : *Εγὼ δὲ εἰ σοὶ τὰντα γράφω παρθενός*, ego verò adhuc virgo tibi hæc scribo, ubi *εἰ* manifestò ad vocem *παρθενός* pertinet. — *Infirmi* qui hic dicuntur (*ἀσθενεῖς*) intelligendi sunt laborantes morbo peccati sive peccatores (*ἁμαρτωλοὶ*); patet hoc ex collato versiculo octavo; nec alii sunt *infirmi*, quam qui mox (ψ. 6) dicuntur *impii* (*ἀσεβεῖς*). *Κατὰ καιρὸν* jungendum est cum *ἀπεθανε*. Dicitur *κατὰ καιρὸν* (*statuto tempore*) de tempore humani generis redimendi divinitus constituto. Cf. Gal. IV. 4. Hebr. IX. 26. Pro *κατὰ καιρὸν* Apostolus alibi (I Tim. II. 6) eodem sensu dixit *καιροῖς ἰδιοῖς*. Illud *κατὰ καιρὸν* Apostolus addiderit ut innueret CHRISTUM mortem appetivisse non ex necessitate sed ex voluntate Patris; id quod faciebat ad commendandum Dei amorem, unde argumentum ducebat ad probandum, eam quam justificati foveant spem vitæ æternæ beatæ certam esse minimèque fallacem.

γ. 7—9. Vix enim pro justo quis moritur : nam pro bono forsitan quis audeat mori. ⁸ Commendat autem charitatem suam Deus in nobis : quoniam cum adhuc peccatores essemus secundum tempus, ⁹ CHRISTUS pro nobis mortuus est : multo igitur magis nunc justificati in sanguine ipsius, salvi erimus ab ira per ipsum.

γ. 7—9. Μόλις γὰρ ὑπὲρ δικαίου^{a)} τις ἀποθανεῖται· ὑπὲρ γὰρ τοῦ ἀγαθοῦ τάχα τις καὶ τολμᾷ ἀποθανεῖν.⁸ Συνίστησι δὲ τὴν ἐαυτοῦ ἀγάπην εἰς ἡμᾶς ὁ Θεός,^{b)} ὅτι ἔτι ἁμαρτωλῶν ὄντων ἡμῶν^{c)} Χριστὸς ὑπὲρ ἡμῶν ἀπέθανε·⁹ πολλῶ οὖν μᾶλλον, δικαιωθέντες νῦν ἐν τῷ αἵματι αὐτοῦ, σωθησόμεθα δι' αὐτοῦ ἀπὸ τῆς ὀργῆς.

Paraphrasis. Scilicet ægrè fiet ut quisquam pro viro aliquo probo mortem subire velit ; nam pro benefactore suo mori forsitan quis denique sustineat. Exhibet autem nobis Deus suum erga nos amorem ut plane singularem per hoc, quod CHRISTUM filium suum pro nobis mori voluit tunc, quum adhuc peccatores et injusti essemus. Igitur multo potius nunc postquam per ejus sanguinem effecti sumus justi, per eum servabimur a vindictâ in peccatores aliquando exercendâ.

VARIANS. LECTIO.

^{a)} Pro ὑπὲρ δικαίου Syrus hic habet  vice improborum ; sed istiusmodi lectionis ne minimum quidem vestigium in ullo Codice apparet ; quare conjecerim Syrum Interpretem quum nequiret ex lectione ὑπὲρ δικαίου sensum eruere præsentis loco satis aptum, temerè existimasse illud ὑπὲρ δικαίου mendosè scriptum fuisse pro ὑπὲρ ἀδικου.

^{b)} Voces ὁ Θεός non leguntur in Codice B, quæ ommissio si non tribuenda sit incuriæ Librarii, tribui poterit ejusdem correctioni. Putaverit contextam orationem (γ. 6—7) postulare ut ibi (γ. 8) non ὁ Θεός sed Χριστός diceretur commendare suam erga nos charitatem ; quare illud ὁ Θεός omiserit.

^{c)} In Vulgatâ additur hic secundum tempus, quod glossema esse videtur ex γ. 6. In nullo Codice heic κατὰ καιρὸν legitur.

γ. 7. Vix enim (γὰρ) pro justo quis moritur ; nam (γὰρ) pro bono forsitan quis audeat mori). Hac parte (7—11) Apostolus Dei amorem extollit augetque hominum comparatione. Inter homines nempe (γὰρ) vix fiet, inquit, ut quisquam pro viro aliquo probo (ὑπὲρ δικαίου) mortem subire velit ; nam (γὰρ) pro benefactore suo mori forsitan quis denique sustineat.

Prius γὰρ est illustrantis id quod modò (ψ. 6) dictum fuerat : *CHRISTUS PRO IMPIS mortuus est* ; et valet Latinum *nempe*, *videlicet*, *scilicet*, ut sæpe alibi, exempli gratiâ Act. XXIV. 5. Posterius autem γὰρ est confirmantis præcedentem sententiam : *μολις ὑπὲρ δικαίου τις αποθάνεται*. Quæ confirmatio sita est in eo quod, si sermo sit de τῷ ἀγαθῷ, concedatur fieri posse ut pro tali mori quispiam sustineat.—*Αποθανεῖται* forma est Fut. 2. Med.—*Ταχα* notat contrarium ejus quod per *μολις* significatur ; reddi possit per *fieri potest*.—Particula *καὶ*, quam Interpres noster non reddidit, non afficit *αποθάνειν* sed vocem *τολμᾶ*, quod quidem ipsa jam hujus vocolæ positio indicat. Itaque vertendum non est *nam fieri potest ut pro suo benefactore ETIAM (καὶ) mori quispiam sustineat*. *Καὶ* hic valet Nostratium *nog*, ut si dicas : *Want voor zyn weldoener heeft iemand misschien nog wel den moed van te sterven*. Eâdem potestate vocola *καὶ* legitur in hoc POLYBII (apud RAPHEL. Adnott. ad h. l.) : *περι δε των διαδεξαμένων πως καὶ τολμᾶτε μνημονευσειν*.

Ceterum ad rectam hujus loci interpretationem instituendam animadvertendum est :

1° Voces *δικαίου* et *του ἀγαθου* habendas esse tamquam positas non in Genere Neutro, quasi sermo sit de eo quod *justum* aut *bonum* abstracto Nomine vocetur, sed in Masculino Genere, nempe de eo qui *justus* sit aut *bonus* ; neque enim sermo hic est *de rebus* sed *de personis*, ut patet ex contexta oratione ; nam præcesserat (ψ. 6) *ὑπὲρ ἀσεβων ἀπεθάνε*, et statim sequitur (ψ. 8) *ετι ἁμαρτωλῶν οντων ἡμων, Χριστος ὑπὲρ ἡμων ἀπεθάνε*. 2° Inter voces *μολις* et *ταχα* gradationem esse eam quæ sit a difficiliore ad facilius. 3° Gradationem quoque esse inter *δικαίου* et *ἀγαθου*, et eam quidem ut res, de qua sermo est, facilius contingere possit si agatur de τῷ ἀγαθῷ quam si ageretur de aliquo *δικαίῳ*. 4° Scribi sine Articulo *ὑπὲρ δικαίου*, sed cum Articulo, adeoque definitè, *ὑπὲρ του ἀγαθου*. 5° Vocem *ἀγάθος* etiam adhiberi posse de viro *benefico* ; quo sensu legitur apud XENOPH. *Cyrop.* Lib. III. 3. : *Κύρον ανακαλουντες τον ευεργετην, τον ανδρα τον ἀγαθον*. Alia exempla affert HENR. STEPHANUS (in *Thes.* ad voc. *ἀγάθος*. p. 124). Eodem sensu etiam apud Latinos vox *bonus* in usu erat, ut, verbi gratiâ, in hoc CICERONIS (*De offic.* Lib. III. Cap. 15) : *Si vir bonus est is qui prodest quibus potest, nocet nemini, recte justum virum, bonum non facile reperiemus*. 6° Articulum nonnumquam ita poni ut vim habeat Pronominis Possessivi, quod factum est, exempli causâ, in Ep. ad Philipp. Cap. I. 23.

ψ. 8. *Commendat autem charitatem suam Deus in nobis*). Antegressæ sententiæ, *vix fiet ut quisquam pro viro probò mortem subire velit* ; nam pro suo benefactore mori forsitan quis denique sustineat, Apostolus statim subjicere potuisset : *Deus autem Christum mori voluit pro nobis non probis, non justis, sed adhuc peccatoribus et inimicis* ; atque ita effecisset quod volebat, scilicet comparatione hominum extulisset amorem Dei. Verum utitur hic eâ orationis conformatione, quâ et humano amori opponit amorem Dei, et simul significat hunc amorem esse illo amore multò mirabiliorem.

Vox *Συνιστησι* hic notat *commendat* vel *ut præcellentem exhibet* (Vide ad III. 5); et primum in sententia locum occupat, quia *emphasin* habet præcipuam; nam *emphasis* quoque est in voce *ἐαυτου*, ut quâ expressius Dei amor amorì opponitur humano. — *Εἰς ἡμᾶς* erga nos. *Ἐτι* refertur ad statum in quo erant justificati antequam justificarentur.

γ. 9. *Multo igitur magis nunc justificati in sanguine ipsius, salvi erimus ab ira per ipsum*). Concludit (*οὖν*) argumentando *a fortiori*. Sensus est: Si quo tempore adhuc eramus peccatores tanto nos amore prosequutus est Deus, ut per effusum proprii filii sui sanguinem nos secum reconciliare et justificare voluerit, quanto magis a futurâ Dei vindictâ per Filium ejus servabimur immunes potirique nos faciet promissâ felicitate nunc, quando jam sumus cum eo reconciliati et justificati. — Per dictionem *servari ab irâ* exprimitur heic *modo negativo* speratæ (γ. 2. 5) gloriæ cœlestis acquisitio.

Præpositio *ἐν* hic dicta est de *instrumento quo*. *Δι' αὐτου*, scil. *Χριστου*. — *Τὴν οργην* eam intelligit Apostolus, de qua supra Cap. II. 8. 9.

γ. 10 — 11. Si enim cū inimici essemus, reconciliati sumus Deo per mortem filii ejus: multo magis reconciliati, salvi erimus in vita ipsius. ¹¹ Non solum autem: sed et gloriamur in Deo per Dominum nostrum JESUM CHRISTUM, per quem nunc reconciliationem accepimus.

γ. 10 — 11. *Εἰ γὰρ ἐχθροὶ ὄντες κατηλλάγημεν τῷ Θεῷ διὰ τοῦ θανάτου τοῦ υἱοῦ αὐτοῦ, πολλῷ μᾶλλον καταλλαγέντες σωθησόμεθα ἐν τῇ ζωῇ αὐτοῦ. ¹¹ οὐ μόνον δὲ, ἀλλὰ καὶ καυχώμενοι ^{a)} ἐν τῷ Θεῷ διὰ τοῦ Κυρίου ἡμῶν Ἰησοῦ Χριστοῦ, δι' οὗ νῦν τὴν καταλλαγὴν ἐλάβομεν.*

Paraphrasis. Nam si quo tempore Deo exosi eramus, reconciliati cum eo fuimus per propitiatoriam mortem filii ejus, multo magis per vitam ipsius salvabimur quippe jam cum eo reconciliati, et non solum cum eo reconciliati, verum etiam de eo, ut de Patre nostro, tamquam filii ejus adoptivi gloriantes per Dominum nostrum JESUM CHRISTUM, per quem nempe nunc illam cum Deo reconciliationem obtinuimus.

VARIANS LECTIO.

Pro *καυχώμενοι* est *καυχώμεν* in Codd. FG, et *καυχώμεθα* in Cod. J multisque Minusculis. Lectionem *καυχώμεν* pro lapsu Librarii habuerim, quum verbum illud Activâ formâ nuspiam occurrat. Lectio autem *καυχώμεθα* tribuenda sit correctioni Librarii, qui, quum illud *καυχώμενοι* difficilem haberet intellectum, mendum suspicatus, pro Participiō *καυχώμενοι* reposuerit verbum Finitum *καυχώμεθα*, quod intellectum illi præberet faciliorem.

ψ. 10. 11. *Si enim cum inimici essemus*, etc.). Confirmat (γαρ) superiorem (ψ. 9) argumentationem distinctius eam exponendo et per antithesin inter *εχθροὶ* et *καταλλαγέντες* clariore in luce collocando, imo et novum (ψ. 2) sperandi momentum addendo: *Si enim*, inquit, *quo tempore Deo eramus exosi* (*εχθροὶ ὄντες*) *reconciliati fuimus* (*κατηλλάγημεν* Aor. 2. Pass.) *cum eo* (τῷ Θεῷ. Dativus *communio*nis) *per mortem Filii ejus*, multò magis *per* (*ἐν* instrumenti) *vitam ejus salvabimur* (*σωθησομεθα*) *utpote reconciliati* (*καταλλαγέντες*) *jam cum Deo*, et non solum *cum eo reconciliati* (*οὐ μόνον δε*), *verum etiam de eo*, ut de *Patre nostro*, tamquam *filii ejus adoptivi gloriantes* (*καυχώμενοι ἐν τῷ Θεῷ*) *per Dominum nostrum Jesum Christum*, *per quem nempe illam cum Deo reconciliationem* (*τὴν καταλλαγὴν*) *nunc obtinuimus*.

Vox *εχθροὶ*, *inimici*, Passivo sensu sumenda est; postulat hoc appositum *καταλλαγέντες reconciliati*, imo et contexta oratio (ψ. 9) : *σωθησομεθα ἀπο τῆς οργῆς*.—Vocem *σωθησομεθα* hic (ψ. 10) reddiderim *salutem* (æternam) *consequemur*, quum non (ut ψ. 9) addatur *ἀπο τῆς οργῆς*. Ceterum, etiam per illud *σωθησομεθα ἀπο τῆς οργῆς* Apostolus sibi vult salutem illam, quæ sita est in *gloria filiorum Dei* (ψ. 2), et ejus obtinendæ spem foveat justificati. Nam si per dictionem illam *σωθησομεθα ἀπο τῆς οργῆς* significetur tantum divinæ vindictæ liberatio, nulla sit in sententiâ Apostoli gradatio, adeoque nec ulla argumentatio, quandoquidem *justificati* qui sunt, hoc ipso intelliguntur cum Deo *reconciliati* adeoque nec amplius divinæ iræ obnoxii.—

Vita CHRISTI quæ hic dicitur (*ἐν τῇ ζωῇ αὐτοῦ*) intelligitur non ejusdem resurrectionis, sed vita ejus quam resuscitatus inchoavit gloriosa et immortalis. Mentem Apostoli NAT. ALEXANDER (ad h. l.) mihi videtur rectè exposuisse, dum PAULI verba liberius sic reddit: *Si enim nos Christus Dei Filius reconciliavit Patri pro nobis moriendo cum inimici essemus ejusque iræ ob peccatum obnoxii*, multo magis *reconciliatos salvabit vivens vitâ immortali et gloriosa*, regnans sine fine, sedens ad dexteram Patris et interpellans pro nobis ut advocatus noster. Quid potius agat, cui omnis potestas data est, quam ut plenâ et perfectâ animæ corporisque salute donet eos, pro quibus in gratiam Patris restituendis tam multa gessit ac passus est? « Igitur putaverim id quod dicitur *ἐν τῇ ζωῇ αὐτοῦ* per vitam ipsius, tantumdem hic valere ac per filium ejus gloriosâ jam et immortali vitâ viventem, cui tradita fuit omnis potestas in cælo et in terra, quem judicem constituit omnium, quique adeò non denegabit admittere amicos suos in consortium vitæ suæ immortalis, pro quibus inimicis vitam suam profudit temporalem.—

Participium *καυχώμενοι* (ψ. 11) pendet a *σωθησομεθα* non alio modo quam *καταλλαγέντες*. Itaque verborum structura talis est: *σωθησομεθα καταλλαγέντες, οὐ*

μονον δε καταλλαγεντες αλλα και καυχωμενοι κ. τ. λ. Vide paraphrasin. Nam structura esse nequit hæc : ου μονον δε σωθησομεθα , αλλα και καυχωμενοι. Ratio est , quia si hoc sibi voluisset Apostolus pro Participio καυχωμενοι adhibisset verbum Finitum. Quod si dicas , fieri posse ut Participium hic verbi Finiti locum teneat , nihil profeceris ; nam etiamsi hoc detur , obstat tamen quod καυχωμενοι verbum est Temporis Præsentis , quum tamen præcedens σωθησομεθα verbum postulet Temporis Futuri.

γ. 12. Propterea sicut per unum hominem peccatum in hunc mundum intravit , et per peccatum mors , et ita in omnes homines mors pertransiit , in quo omnes peccaverunt.

γ. 12. Διὰ τοῦτο ὥσπερ δι' ἐνὸς ἀνθρώπου ἡ ἁμαρτία εἰς τὸν κόσμον εἰσῆλθε , καὶ διὰ τῆς ἁμαρτίας ὁ θάνατος , καὶ οὕτως εἰς πάντας ἀνθρώπους ὁ θάνατος ^{α)} διῆλθεν , ἐφ' ᾧ πάντες ἥμαρτον.

Paraphrasis. Quam ob rem sicut per unum hominem peccatum in hunc mundum introivit , et per peccatum mors.... Atque ita factum est ut mors in omnes homines pertransierit , quia nempe per unum illum omnes peccaverunt.

VARIANS LECTIO

α) Vox ὁ θάνατος abest a Codd. DEFG et nonnullis Minusculis , item a versionibus Itala et Syriaca, Legitur autem in Codd. ABC multisque Minusculis et nonnullis antiquis versionibus , item apud CHRYS. et THEOD. (post vocem διῆλθεν) , ut et apud THEOPHYL. et OECUMENIUM. Vocem ὁ θάνατος hoc loco dubiæ auctoritatis esse dixerim. Ceterum , sive legatur , sive non legatur , sensus eòdem recidit , quum verbi διῆλθεν aliud non possit esse Subjectum quam ὁ θάνατος.

γ. 12. Propterea). Græce διὰ τουτο. Apostolus in antegressis (1—11) docuerat , uni JESU CHRISTO acceptam esse referendam et nostram cum irato Deo reconciliationem et spem certam vivendi aliquando vitâ æternum felici. Jam quo magis elucescat illud reconciliationis beneficium , lapsum humani generis in ADAMO comparat cum ejusdem restitutione in JESU CHRISTO. Et transitio fit per διὰ τουτο , quod respicit antegressa

(1—11) hoc sensu : *Quum ergo meritoria causa nostræ cum Deo reconciliationis posita sit in uno JESU CHRISTO , ideò hanc observare est ibi similitudinem , ut nempe sicut unus fuit humano generi causa perditionis , ita unus quoque illi fuit causa salutis*¹⁾ . *Διὰ τοῦτο* Belgice hic reddiderim *daarom* vel *derhalve* , et Gallicè *c'est pourquoi* vel *ainsi donc* .

sicut per unum hominem peccatum in hunc mundum intravit , et per peccatum mors). Protasin audivisti²⁾ , Apodosi autem sive *redditione* hæc oratio caret ; id quod ORIGENES jam adnotavit³⁾ : « Priusquam , inquit , ad explanationem totius capituli veniamus , pauca de eo , qui videtur in consequentibus ipsius aliquo defectu dicenda sunt. Ubi enim dicitur *propterea sicut* , necessarium videtur quod addi debeat adimpletio quædam ut et ipse in nonnullis aliis locis scribit , verbi gratiâ , cum dicit⁴⁾ *sicut in ADAM omnes moriuntur , ita et in CHRISTO omnes vivificabuntur*. Hic autem cum dixerit *sicut per unum hominem peccatum introivit in mundum et per peccatum mors* ,... non retulit , ut diceret , verbi causâ : *ita et per unum hominem justitia introivit in hunc mundum , et per justitiam vita*... Hoc enim videbatur propositi eloquii sensus expetere , secundum ea quæ in aliis ipse proloquitur. Neque enim multum differt illud quod alibi⁵⁾ dicit : *sicut enim in Adam omnes moriuntur* , et quod hic dicit : *propterea sicut per unum hominem peccatum in hunc mundum introivit et per peccatum mors* ;... et iterum quod dixit : *ita et in CHRISTO omnes vivificabuntur*⁶⁾ , nihil differt ab eo sensu , quem supra deesse elocutioni diximus et intellectui legentis relictum. »

Ergo anacoluthica ibi (ψ. 12) est Apostoli oratio , quum ipsa res comparata non exprimatur , sed tantum id quocum comparatio instituitur. Similia *ἀνανταποδοτα* habes Matth. XXV. 14 et 1 Timoth. I. 3. Ut plena esset PAULI oratio absolutaque comparatio , adjiciendum foret : *ita et per unum hominum justitia introivit in hunc mundum , et per justitiam rediit vita*.

Fuère tamen interpretes⁷⁾ qui existimarent orationem Apostoli Apodosi minime carere continerique ipsis verbis proximè insequentibus : *et ita in omnes homines mors pertransiit , in quo omnes peccaverunt*. Sed si hoc Apostolus sibi voluisset , scripsisset , opinor,

(1) Simili modo Soro (ad h.l.) seriem orationis hic constituit : « *Sed et nexum verborum*, inquit, *quam sit concinnus*, perspice. Cum enim de pace dixisset (ψ. 1), qua per fidem Christi potiti sumus , bellum autem nobis prævaricatio Adæ conflaverit , optimè subjungit , propterea , id est , si pacem per Christum , et , quæ filiorum Dei est , spem adepti sumus (ψ. 2) , consequens fit , ut sicut per unum hominem , etc. »

(2) Quæ ibi insequentur verba ista , *et ita in omnes homines mors pertransiit , in quo omnes*

peccaverunt , ad Protasin non pertinent , ut infra sumus dicturi.

(3) Commentar in Ep. B. PAULI ad Rom. Lib. V. 1.

(4) 1 Cor. XV. 22.

(5) 1 Cor. XV. 22.

(6) ibid.

(7) STAPULENSIS , BENECKE , alii.

non *et ita* (*καὶ οὕτως*), ut fecit, sed *ita et* (*οὕτως καὶ*). Cf. Rom. V. 15. 18. 19. 21; VI. 4. 1 Cor. XV. 22. XVI. 1. et 2 Cor. VII. 14. Age verò, absolvamus orationem sicut volunt illi: *sicut per unum hominem peccatum in hunc mundum intravit et per peccatum mors*, (et) *ita in omnes homines mors pertransiit*. Comparationem, inquiunt, hic instituit Apostolus. Audio. Utique comparationem instituit; atque hoc ipsum est quod obstat vestrae sententiæ; nam si, quod vos vultis, alterum comparationis membrum heic sit illud *ita in omnes homines mors pertransiit*, nulla ibi erit comparatio, nisi forte statuatur in hoc, quod *sicut mors in mundum intravit*, ita et *in omnes homines pertransierit*; in quo ego quidem comparationem aliquam frustrà quæro. Adesset comparatio aliqua, si diceretur *sicut mors introivit in ADAMUM*, ita et *in omnes homines pertransiit*; sed neque dicitur hoc, nec verò omninò potuit ibi hoc sibi velle Apostolus, quippe cujus institutum non erat, conferre ingressum mortis *ad unum* cum ejusdem ingressu *ad omnes*, sed comparare *per opposita* primum hominem cum secundo, ADAMUM cum CHRISTO, quod quidem ex insequentibus patet manifestò. Confer γγ. 15-20. Quâ unâ observatione¹⁾, ut alia argumenta decessent, jam satis refellitur etiam interpretatio ERASMI, qui statuit Apodosin esse in verbis *et per peccatum mors*, ut sensus sit: *Sicut per unum hominem peccatum in mundum intravit, ita et per unum hominem intravit mors*.

Alii interpretes²⁾ existimarunt Apodosin versiculi duodecimi haberi demum versiculo decimo octavo; ibi enim *resumi* prius comparationis membrum de ADAMO, et reddi alterum de CHRISTO; quæ vero inde a versiculo decimo tertio usque ad decimum octavum leguntur, ea pro parentheticis sentiis habenda esse omnia.—Verùm hæc sententia stare nequit; nam, ut taceam sic admittendam ibi fore parentheses inauditæ prolixitatis ipsaque interjecta illa verba indolem parentheseos nequaquam referre, obstat huic sententiæ quod, Vers. decimo quinto dicere pergat Apostolus *sed non sicut delictum, ita et donum*, quo ostendit eam quam volebat instituere comparationem, jam in antegressis fuisse propositam; nam per sententiam istam, *sed non sicut delictum, ita et donum*, ulterius progreditur ad docendum, quamquam ADAMUS cum CHRISTO hactenus comparari possit quod sicut UNUS omnibus nocuisset ita quoque UNUS omnibus profuisset, tamen magis profuisse gratiam CHRISTI quam nocuisset peccatum ADAMI¹⁾. Præterea obstat etiam huic sententiæ, quod versiculus decimus octavus cum decimo septimo arctissimè cohæret; nam Particula ἄρα, quæ ibi legitur, *concludentis* est ex proxime præcedentibus; quod si *resumere* hic voluisset Apostolus prius illud (γ. 12) comparationis suæ membrum de CHRISTO, ut volunt pa-

(1) Hac observatione refellitur etiam sententia WINERI (*Grammatik des neutestamentlichen Sprachidioms*, § 64) existimantis per verba versiculi decimi quinti ista, *si enim unius delicto*, etc.

resumi prius comparationis membrum de ADAMO.

(2) CAJETANUS (ad h. l.), GROTIUS, FLATT, alii.

troni sententiæ de quâ nunc agimus, non ἄρα scripsisset sed οὖν, quæ Particula *resu-mentis* est qualisque non est Particula ἄρα.

Alii¹⁾ sentiunt versiculo duodecimo contineri non orationis Protasin sive prius comparisonis membrum, sed posterius; prius autem contineri putant verbis (ψ. 11) *per quem nunc reconciliationem accepimus*; ut adeò sensus sit: *per quem nunc reconciliationem accepimus, sicut per unum hominem peccatum in hunc mundum intravit*, etc.—Sed si hoc, quid fiet voci *propterea* (δια τουτο), quam obliterare non licet. Sunt verò etiam qui dicant²⁾ sententiam Apostoli ita esse sumendam, ut post δια τουτο mente ex ψ. 11 suppleatur ελαβομεν την καταλλαγην δι' αυτου, adeòque plenius verbis legatur sic: δια τουτο ελαβομεν την καταλλαγην δι' αυτου, ὥσπερ δι' ἐνος ανθρωπου ἡ ἁμαρτια εις τον κοσμον εισηλθε. Sed tam est violenta isthæc suppletio, ut nihil magis; imo nec præcessit ελαβομεν την καταλλαγην δι' αυτου, sed præcessit sententia relativa hæc: δι' οὗ την καταλλαγην ελαβομεν. Accedit quod, si post locutionem *demonstrativam* δια τουτο suppleatur ελαβομεν την καταλλαγην δι' αυτου, illa locutio jam nihil amplius habeat quod *demonstret*; cumque in isthac oratione, *propterea reconciliationem accepimus per eum, sicut*, etc., locutio δια τουτο notionem *causalem* habere nequeat, jam prorsus fiet otiosa.

WETTIVS³⁾ opinatus est PAULUM *posterius* tantum comparisonis membrum heic voluisse exprimere, *prius* autem reliquisse ex præcedentibus supplendum a lectore. — Sed si per ea quæ præcedunt verba ista, *per quem nunc reconciliationem accepimus*, Apostolus voluisset inducere lectores ad instituendam comparisonem, addidisset certe voculam *unum* dixissetque *per quem unum nunc reconciliationem accepimus*, ut hanc voculâ veluti moniti lectores, ad supplendum tacitum illud comparisonis membrum animum adverterent. Nam quis tandem sibi persuaserit, Apostolum alterum illud comparisonis membrum ne uno quidem verbo voluisse indicare sed supplendum permisisse sagacitati lectoris, quando tantâ verborum ubertate ipsam illam comparisonis partem mox (ψ. 16 — 18) erat explicaturus?

Omniū optima et rectissima, ut ego arbitror, est sententia TOLETI, statuentis, comparisonem versiculo duodecimo institutam carere altero membro sive Apodosi quæ quidem eâ orationis *formâ* exprimatur qua expressa erat Protasis; attamen, quod attinet *ad rem* in altero illo membro sive Apodosi exprimendam, non omninò decesse alterum

(1) Apud Card. TOLETUM (ad h. l.); alii.

(2) KOPPE, alii.

(3) « Man irrt, inquit (ad h. l.), wenn man meint, es müssten zwei Vergleichungsglieder be-

stimmt gedacht, wo nicht ausgesprochen seyn. Das erste ist verschwiegen, wie wenn wir sagen werden: *demnach so wie*, und es wird dem Leser überlassen aus dem einen Vergleichungsgliede das ganze Vergleichungsverhältniss zu entnehmen.»

illud comparisonis membrum, sed exprimi per adjectam (§. 14) sententiam, qui (ADAM) est typus futuri hominis CHRISTI.

« Similitudo est, inquit TOLETUS ¹⁾, in modo reparationis et eversionis humanæ in eo, quod sicut UNUS reparavit, ita UNUS evertit humanum genus. PAULUS autem hanc posteriorem partem similitudinis non expressit; non enim addidit, ita per unum hominem justitia intravit, sed tamen aliis verbis eam indicavit; nam post expositam partem ADÆ adjunxit (§. 14) qui est forma futuri, ac si diceret; ita per UNUM futurum hominem, qui CHRISTUS est, intravit justitia et vita in omnes. Unde non est necesse supplere, etc. »

Ergo rem sic habeto: Scripto mandaverat Apostolus instituendæ comparisonis membrum prius hâc protasi contentum: Sicut per unum hominem peccatum in hunc mundum intravit et per peccatum mors ²⁾. His autem cum statim adderet causam ob quam mors in omnes esset diffusa (et ita in omnes homines mors pertransiit, IN QUO OMNES PECCAVERUNT), et porro (§§. 13. 14) etiam ostenderet legitimam esse causam quam assignasset, factum est inde, ut ob turbatam sic constructionem Grammaticam jam non posset inchoatæ (§. 12) comparisonis Apodosin (ita et per unum hominem justitia in mundum intravit et per justitiam vita) orationi proximè præcedenti recte subjungere. Quare omiserit Apodosin qualem quidem Protasis requirebat; rem tamen in illa Apodosi exprimendam non omisit, sed expressit per sententiam illam relativam (§. 14): qui (ADAM) est typus illius, qui veinturus erat, secundi ADAMI, sive CHRISTI (ὅς ἐστὶ τυπὸς τοῦ μελλόντος). Et verò dum CHRISTUM dicit ADÆ antitypum, hoc ipso CHRISTUM exhibet justitiæ et vitæ auctorem, sicut peccati et mortis ADAMUM.

per unum hominem peccatum in hunc mundum intravit). Quod dicit Apostolus per unum hominem, primum genitorem nostrum ADAMUM significat, ut patet ex versu 14, ubi peccatum, de quo hic agitur, ADAMO tribuit; idem inde etiam probatur, quòd in priore epistola ad Corinthios (Cap. XV. 22) aperte dicit: Sicut IN ADAM omnes moriuntur, ita ET IN CHRISTO omnes vivificabuntur. Nec contrarium est quod in libro Ecclesiastico (Cap. XXV. 33) legitur: A muliere initium factum est peccati, et per illam omnes morimur; nam rectè dicitur initium peccati factum esse a muliere, quippe quæ prius peccaverit quam ADAM eidemque causa exstiterit patrandi peccatum illud, per quod morti obnoxii nascuntur homines quicumque secundum seminalem rationem, ut loquuntur Theologi ³⁾, ab eo descendunt ⁴⁾. Hoc autem ADÆ peccatum, quod ita

(1) Commentar. in Ep. ad Rom. ad h. l.

(2) His verbis, nec pluribus, Protasis hujus orationis continetur integra; quæ verò ibidem statim insequuntur verba ista, et ita in omnes homines mors pertransiit in quo omnes peccaverunt, haberi nequeunt pro parte Protaseos; et ratio est, quia nequeunt efficere partem institutæ comparisonis.

(3) Cf. S. THOM. 1. 2. q. 81. Art. IV.

(4) Trident. Synod. Sess. V. Decretum de peccato originali. « Si quis hoc ADÆ peccatum, quod origine unum est, et propagatione, non imitatione transfusum omnibus, etc. Declarat tamen hæc ipsa sancta Synodus, non esse suæ intentionis, comprehendere in hoc decreto ubi de peccato originali agitur, beatam et immaculatam virginem Mariam, Dei genitricem.

causa mortis est omnibus, quum propagatione, quæ absque EVA fieri non poterat, omnibus transfundatur, rectè quoque ibidem dicitur: *et per illam* (primam mulierem) *omnes morimur*. Sed tamen Apostolus, quum hoc epistolæ suæ loco causam assignaret transfusi omnibus peccati ADAMI, sicut dixit *per unum hominem*, ita dicere non poterat *per unam mulierem*. Ratio est, quia principium generationis efficiens est vir non mulier, ut cui ibi non competit nisi ratio principii passivi et materialis, ut docet S. THOMAS: *Manifestum est*, inquit ¹⁾, *quod principium activum in generatione est a patre, materiam autem mater ministrat. Unde peccatum originale non contrahitur a matre, sed a patre; et secundum hoc, si, ADAMO non peccante, EVA peccasset, filii originale peccatum non contraherent; e converso autem esset, si ADAM peccasset, et EVA non*. Et (ibid.) in responsione AD PRIMUM: *Dicendum est*, inquit, *quod in patre præexistit filius sicut in principio activo, sed in matre sicut in principio materiali et passivo*. In eamdem sententiam loquitur in Commentario suo ad præsentem PAULI locum: *Cum peccatum originale*, inquit, *traducatur simul cum natura, sicut per virtutem activam viri, muliere materiam ministrante, natura traducitur, ita et peccatum originale. Unde et si ADAM non peccasset, EVA peccante, non per hoc fuisset peccatum traductum ad posterum. Illa enim est causa quare CHRISTUS peccatum originale non traxit, quia ex sola femina sine virili semine carnem accepit*.

Ceterum, illud *per unum hominem* Apostolo tantumdem est ac *unius delicto* (ψ. 17), aut *per unius delictum* (ψ. 18), aut denique *per inobedientiam unius* (ψ. 19).

peccatum). Græcè ἡ ἁμαρτία. Articulus ibi demonstrat unicum illud in suo genere peccatum, de quo hic sermo erat futurus. *Peccatum*, quod hic dicitur, peccatum proprie dictum intelligitur, non verò aut pœna peccati, aut obligatio ad pœnam peccati subeundam sive pœnæ reatus. Nam Apostolus mortem tamquam pœnam peccati ab ipso peccato perspicuè distinguit; *Et per peccatum mors*, inquit; et mox, idè omnes morti obnoxios pronunciat *quia omnes peccaverunt*; et post pauca, docet (ψ. 9) per illud peccatum de quo loquitur, *peccatores esse constitutos omnes*. Denique, *peccatum*, quod hic dicitur, hoc sensu sumendum esse Tridentini Patres declararunt: *Si quis asserit*, inquiunt ¹⁾, *... inquinatum illum (ADAMUM) per inobedientiæ peccatum, mortem et pœnas corporis tantum in omne genus humanum transfudisse, non autem et peccatum, quod mors est animæ, anathema sit: cum contradicit Apostolo dicenti: per unum hominem peccatum intravit in mundum, et per peccatum mors: et ita in omnes homines mors pertransiit, in quo omnes peccaverunt*. Idem hoc diserte quoque docent, ubi ³⁾ dicunt: *Si quis per JESU CHRISTI Domini nostri gratiam, quæ in Baptismate confertur, reatum originalis peccati remitti negat; aut etiam asserit non tolli totum id, quod veram et propriam peccati rationem habet... anathema sit*. Quare firmissime tenendum et principii loco habendum est, *peccatum*, de

(1) Sum. 1: 2. q. 81. Art. 3.

(3) Ibid.

(2) Sess. V. Decretum de peccato originali.

quo agit Apostolus, h. e. peccatum originale, ut statim sumus probaturi, ejusmodi esse ut (priusquam baptismate tollatur) veram et propriè dictam peccati rationem habeat.

Sed jam videndum est *quale* peccatum hic ab Apostolo intelligatur. Ergo intelligitur non ADÆ illud inobedientiæ (§. 19) peccatum *actuale*, qua tale, sed peccatum illud quod, ipso peccante, per ipsum in ipso peccavit natura quam gerebat humana; uno verbo, non intelligitur *peccatum personæ*, sed *peccatum naturæ*¹⁾; quod quidem naturæ peccatum Theologi *originale* vocant, quia inde a primo sui ortu ipsâque sui origine homo illud contrahit. In Scripturis quidem neutra harum denominationum legitur, sed tamen utraque omninò est ad mentem PAULI, quippe qui docet²⁾, homines esse NATURÂ (*φύσει*) *filios iræ*, h. e. iræ divinæ obnoxios, utique non aliâ de causâ nisi ob peccatum illud *humanæ naturæ*, quam culpæ ream generatione sui sive *origine* quivis homo personaliter participat. Ceterùm, *peccatum* (*ἡ ἁμαρτία*), quod hic dicitur, non esse *peccatum Adami actuale*, qua tale, id quidem ipsa contexta oratio perspicuè docet; sermo enim est de ejusmodi peccato, quo factum est, *homines ut peccatores constituerentur omnes* (§. 19). Atqui ejusmodi peccatum esse nequit peccatum *actuale* qua tale; nam actus peccaminosus meus nequit idem esse actus peccaminosus tuus. Relinquitur ergo ut peccatum (*ἡ ἁμαρτία*) quo *peccatores* constituti sunt omnes, peccatum sit non *personæ* sed *naturæ*.

Hoc ergo naturæ peccatum, quod in primo sui ortu homo contrahit, idèoque *originale* dicitur, hic ab Apostolo vocatur *ἡ ἁμαρτία* (*peccatum*); qua tamen voce, (*ἡ ἁμαρτία*), quod notandum est, etiam utitur³⁾ ad significandam *concupiscentiam* vel *fomitē*, quæ remanet in renatis ad luctam. « *Manere autem in baptizatis concupiscentiam vel fomitē, hæc sancta Synodus*⁴⁾ *fatetur, et sentit: quæ cum ad agonem relictæ sit, nocere, non consentientibus sed viriliter per CHRISTI JESU gratiam repugnantibus non valet: quinimo, qui legitime certaverit, coronabitur. Hanc concupiscentiam, quam aliquando Apostolus peccatum appellat, sancta Synodus declarat Ecclesiam Catholicam numquam intellexisse peccatum appellari, quod vere et propriè in renatis peccatum sit, sed quia ex peccato est, et ad peccatum inclinat.* »

in hunc mundum intravit). Sic Interpres noster reddidit Græca εἰς τὸν κόσμον,

(1) Hac denominatione etiam S. THOMAS utitur (in Commentario ad h. l.) « *Dicendum est, inquit, quod sicut peccatum actuale est peccatum personæ, quod per voluntatem personæ peccantis committitur, ita peccatum originale est peccatum naturæ, quod per voluntatem principii humanæ naturæ commissum est* » Præiverat jam S. AUGUSTINUS: Cum ADAM, inquit, peccavit, natura in illo tota peccavit. Quæ verba DOMINICUS SOTO (in Ep. ad Rom. Cap. V. §. 12 sic explicat: Cum ADAM, inquit, non solum tota tunc esset natura humana,

lumbis, totum genus nostrum virtute latebat, transgressionem illâ primâ præcepti sub mortis interminatione toti naturæ positi, totam secum naturam viliavit, in mortemque ac mortalium miseras adegit.

(2) Ephes. II. 3. Erasmus naturâ filii iræ, sicut et ceteri.

(3) v. g. infra Cap. VI. 12.

(4) Trident. Sess. V. Decretum de peccato originali.

et recte quidem, ut mihi videtur; nam cum audio *in hunc mundum*, cogito *in hunc orbem*, sive *in orbem terrarum*. Neque enim putaverim, quod plerique hic notant¹⁾, Apostolum per *εις τον κοσμον* sibi voluisse *omnes mundi homines*; ratio est, quia sic tautologica foret ejus oratio, quum mox dicatur *et ita in omnes homines mors pertransiit*, *in quo omnes peccaverunt*.

Itaque dixerim esse in oratione Apostoli agnoscendam quamdam veluti gradationem, et quidem talem, ut dicat *per unum hominem peccatum et per peccatum intentata peccato mors intrarunt*²⁾ *in orbem terrarum ubi antea non erant*, et sic, i. e. propter nexum illum inter peccatum et mortem peccati pœnam, *in omnes homines mors pertransiit*, quia *omnes per illud peccatum constituti fuere peccatores*.

et per peccatum mors). Scil. *in hunc mundum intravit*, quod ex antecessis hic mente supplendum est. Præpositio *δια* nexum exprimit causalem inter peccatum et mortem. Intelligitur ergo mors qua est pœna peccati. Sed quum vocabulum hoc *mors* in Scripturis adhibeatur et de morte *physicâ*, sive *corporali*, et de morte *spirituali* sive *animæ*³⁾, et denique de morte *æterna*⁴⁾, merito quæritur, de quanam morte in præsentī loco agatur. Dicendum autem est, ut mihi quidem videtur, in hisce verbis Apostoli *et per peccatum mors*, indigitari mortem *physicam* tantum, eamque in pœnam peccati non primo homini qua tali, sed universo humano generi statutam. Nam de *physica* morte tantum sermonem hic esse, id quidem certò colligitur ex contexta oratione (v. 14), ubi Apostolus ad ostendendum mortem, de qua loquitur, non esse pœnam peccatorum actualium, argumentatur inde quòd illa mors ne infantibus quidem pepercerit; quæ argumentatio nulla sit, si de *corporali* morte non agatur⁵⁾. Et confirmari potest, quod dicimus, ex loco parallelo qui legitur in priore ad Corinthios (Cap. XV. 21. sq.): *Quoniam quidem*, inquit Apostolus, *per hominem mors*, *et per hominem resurrectio mortuorum*.

(1) E. g. ESTIUS (ad h. l.): «*Mundum*, inquit, *exponimus universum genus humanum*, id est, *omnes homines ex ADAM carnaliter propagatos*.

(2) *Peccatum et mors* (ἡ ἁμαρτία et ὁ θάνατος) per prosopopœiam tamquam personæ sistuntur. Cf. v. 17. 21. 24. VI. SAPIENT. Cap. II. 24: *Invidia diaboli mors introivit in orbem terrarum* (εἰσῆλθεν εἰς τον κοσμον).

(3) v. g. infra Cap. VII. 10. 11.; 2 Cor. III. 7. Jacob. 1. 13.

(4) 2 Cor. II. 15. 16.

(5) S. CHRYS. Hom. X.: Εἰ γὰρ ἐξ ἁμαρτίας ὁ θάνατος τὴν ρίζαν ἔσχε, νόμου δὲ οὐκ ὄντος ἡ ἁμαρ-

τία οὐκ ἐλλογεῖται, πῶς ὁ θάνατος ἐκράτει; Ὁθεν δὲ ἄλλοι, ὅτι οὐχ αὕτη ἡ ἁμαρτία ἡ τῆς τοῦ νόμου παραβάσεως, ἀλλ' ἐκεῖνη ἡ τῆς τοῦ Ἀδάμ παρακοῆς, αὕτη ἡ πάντα λυμαινομένη. Καὶ τίς ἡ τοῦτου ἀποδείξις; Το καὶ πρὸ τοῦ νόμου πάντας ἀποθνήσκειν. Εὐαγγελιστὸς γὰρ ὁ θάνατος, φησὶν, ἀπὸ Ἀδάμ μέχρι Μωϋσέως, καὶ ἐπὶ τοὺς μὴ ἁμαρτήσαντας. h. e. Si enim ex peccato mors radicem habuit, et si non exstante lege peccatum non imputatur, quomodo mors dominabatur? unde palam est, non peccatum illud, quod est legis transgressio, sed illud ADAMI peccatum inobedientiæ, ipsummet fuisse quod omnia perdidit. Et quænam hujus rei probatio est? Quod ante legem omnes morerentur. Regnavit enim mors, inquit, ab ADAM usque ad MOYSEN etiam in eos, qui non peccaverunt.»

Et sicut in ADAM omnes moriuntur, ita et in CHRISTO omnes vivificabuntur; nam ibi oppositionis ratio perspicuè declarat, mortem quam ADAMI peccatum omnibus attulisse ibi dicitur, intelligendam esse mortem corporalem.

Operæ pretium fuerit hic recitasse ea quæ S. THOMAS de morte physicâ, peccati pœnâ, in Commentario suo ad præsentem Apostoli locum adnotavit: *Videtur autem, inquit, quod mors non sit ex peccato, sed magis ex natura, utpote proveniens ex necessitate materiæ. Est enim corpus humanum ex contrariis compositum; unde est naturaliter corruptibile. Dicendum est autem quod natura humana dupliciter potest considerari: uno modo secundum principia intrinseca, et sic mors est ei naturalis: unde SENECA dixit quod mors natura est hominis non pœna; alio modo potest considerari natura hominis secundum quod per divinam providentiam fuit ei per justitiam originalem provisum. Quæ quidem justitia erat quædam rectitudo, ut mens hominis esset sub Deo, et inferiores vires essent sub mente, et corpus sub anima, et omnia exteriora sub homine; ita scilicet, quod quamdiu mens hominis Deo subderetur, vires inferiores subderentur rationi, et corpus animæ indeficienter ab ea vitam recipiens, et exteriora homini, ut scilicet omnia (illi) servirent, et nullum ex eis nocumentum sentiret. Hoc autem Providentia divina disposuit propter divinitatem animæ rationalis, quæ cum naturaliter sit incorruptibilis debebatur sibi incorruptibile corpus; sed quia corpus quod est ex contrariis compositum, oportebat esse organum sensûs, et tale corpus secundum naturam suam incorruptibile esse non potest, supplevit potentia divina quod deerat naturæ humanæ, dans animæ virtutem continendi corpus incorruptibiliter; sicut faber, si posset, daret ferro ex quo cultellum fabricat, virtutem ut rubiginem nullam contraheret. Sic ergo postquam mens hominis per peccatum est a Deo aversa, amisit virtutem continendi inferiores vires, et etiam corpus et exteriora, et sic incurrit mortem naturalem a causis intrinsecis, et violentiam ab exterioribus nocumentis.* »

et ita in omnes homines mors pertransiit, etc.). Hæc verba, ut suprâ jam diximus, non sunt pars Protaseos, neque ad institutam comparisonem pertinent. Exponit autem hic Apostolus quâ ob causam peccatum (ἡ ἁμαρτία) et mors, quæ per unum hominem in orbem introierant, omnes homines pervaserint; quam quidem causam sitam esse docet in eo quòd (ἐφ' ᾧ) omnes peccavissent.

Demonstrativa illa locutio καὶ οὕτως (et ita) respicit id quod modò dixerat *et per peccatum mors*; quibus verbis docuerat nexum causalem inter peccatum illud et mortem; ut adeò Apostolus hic sibi voluerit: *et quia (ἐφ' ᾧ) omnes peccaverunt, ideo mors in omnes pertransiit.* Cum autem illud *peccaverunt* referri nequeat ad peccata actualia aut personalia, ut deinceps sumus probaturi, relinquitur ut referatur ad peccatum illud quo in ADAMO et per ADAMUM peccavit natura humana. Unde consequitur, catenûs hic dici omnes homines peccavisse, quatenus omnes vitiatam per ADAMUM naturam humanam participant, quod quidem fit per propagationem; adeoque ex his verbis Apostoli

planè id consequitur quod idem alibi manifesto proloquitur ubi dicit (Ephes. II. 3.) *esse nos NATURÂ (φύσει) filios iræ*. Atque hoc ipsum est quod Patres Tridentini docuerunt, declarantes *ADÆ peccatum quod origine unum est et PROPAGATIONE non imitatione transfusum omnibus, inesse unicuique proprium*.

in quo). Græce ἐφ' ᾧ, quod jam semel et iterum in præsentī disputatione reddidi per *quia* vel *eo quòd*. Quâ in re cum a vulgari ejus locutionis interpretatione recesserim, quod quidem nonnullis hoc præsertim in loco videri possit factum audacius, duo mihi præstanda esse video: et vulgarem, inquam, interpretationem refellere debeo, et meam stabilire.

Ergo vulgò statuunt interpretes¹⁾, esse illud ἐφ' ᾧ reddendum *in quo*, idque ita capiendum ut Relativum ᾧ putetur Masculini esse Generis atque referri ad ἑνὸς ἀνθρώπου, quod in principio hujus commatis legitur. Argumenta autem quæ solent adferre ad hanc interpretationem defendendam, aut levissima sunt aut etiam nullius ponderis.

Nam *primùm*, quod interpretationem suam commendari dicunt ab auctore Vulgatæ, id quidem cupidius quam verius ab ipsis statuitur. Neque enim certò dici potest, quid Vulgatæ auctor per illud *in quo* (ἐφ' ᾧ) sibi voluerit. Scilicet in epistola ad Philipenses (Cap. III. 12) ita lego: *Non quod jam acceperim, aut jam perfectus sim: sequor autem, si quomodo comprehendam, in quo (ἐφ' ᾧ) et comprehensus sum a Christo Jesu*; ibi autem dictioni *in quo* quamnam notionem subjiciant? Quid si auctor Vulgatæ per illud *in quo*, quod in epistola ad Romanos legitur, sibi voluerit *in eo quod*²⁾?

Quod verò dicunt, dictionem ἐφ' ᾧ nuspiam sumi sine relatione ad præcedens aliquod nomen, aut certe non eo sensu ut vim habeat causativæ Particulæ *quia*, hoc si universaliter dictum velint, magnopere falluntur; contrarium enim testantur Grammatici veteres ΠΛΑΥΡΙΝΟΣ³⁾ et THOMAS MAGISTER⁴⁾, quibus hac in re profecto fidem non abnegabunt. Si vero illud sentiant de Græcitate Novi Testamenti, iterum falluntur; nam in altera epistola ad Corinthios (Cap. V. 4) sic legimus: *καὶ γὰρ οἱ ὄντες ἐν τῷ σκηνεῖ στενάζομεν βαρυνόμενοι, ἐφ' ᾧ οὐ θελομεν ἐκδυσσασθαι*, quæ in Vulgata sonant: *Nam et qui sumus in hoc tabernaculo ingemiscimus gravati, eò quod (ἐφ' ᾧ) nolumus exspoliari*.

(1) ESTIUS (ad h. l.): « *In quo*, id est, in ADAM, inquit, ut communiter intellexerunt Latini et Græci interpretes. » Falsum hoc esse ex dicendis patebit.

(2) Præpositionem *in* sequente Ablativo, etiam eo sensu dici ut notet *ob* vel *propter*, id quidem dubio caret. Sic CORN. NEPOS (Timol. IV) dixit: *se in ea re maximas Diis gratias agere*. Cf. FACIOLATI ad voc. *in*.

(3) Ἐφ' ᾧ ἀντι τοῦ διότι λεγούσιν Ἀττικοί. h. e. Attici dicunt ἐφ' ᾧ pro διότι, *quia*, *eo quod*.

(4) Ἐφ' ᾧ ἀντι τοῦ διότι, εἰς παρωχημένον h. e. Dicitur ἐφ' ᾧ pro διότι, si referatur ad Tempus præteritum.

Sed ad Græcos provocant interpretes, ORIGENEM, CHRYSOSTOMUM, THEOPHYLACTUM et OECUMENIUM¹⁾, quos affirmant illud ἐφ' ᾧ habuisse pro ἐν ᾧ. — Mirer equidem, hoc si verum sit. Age vero, singulos illos interpretes lustremus. Et primo quidem loco audiat ORIGENES. Verba ejus hæc sunt: « Sed videamus, inquit, quomodo in omnes homines pertransiit mors. In quo omnes, inquit, peccaverunt; absolutā sententiā pronuntiavit Apostolus, in omnes homines mortem pertransiisse, in eo in quo omnes peccaverunt²⁾. » Ego verò minime perspicio quonam tandem modo ex his verbis concludi possit Paulinum illud ἐφ' ᾧ ORIGENI valuisse ἐν ᾧ in quo (ADAMO). Nam ex eo quod ibi legitur, in quo omnes, inquit, peccaverunt, nihil confici potest, cum sint verba non ORIGENIS sed PAULI ἐφ' ᾧ πάντες ἥμαρτον, quæ Latinus ORIGENIS interpretes reddidit, ut ea reddenda esse existimavit. Relinquitur ergo ut illud conficiatur ex eo quod ibi addit ORIGENES: Absolutā sententiā pronuntiavit Apostolus in omnes homines mortem pertransiisse in eo in quo omnes peccaverunt. At verò multum abest ut hæc verba probent, quod volunt adversarii. Nam si illud in eo in quo ad ADAMUM retulisset ORIGENES, scripsisset non in eo in quo, sed quoniam dixerat pertransiisse, scripsisset, opinor, pronuntiavit Apostolus in omnes mortem pertransiisse EX EO in quo omnes peccaverunt. Meā quidem sententiā, ORIGENES ibi scripserit ἐπὶ τούτῳ ἐφ' ᾧ, quod interpretes reddiderit in eo in quo. Malè! nam ibi reddendum illud erat propterea quod. Nempe in dictione ἐφ' ᾧ continetur Demonstrativum ἐπὶ τούτῳ, quod ORIGENES suppleverit perspicuitatis causā.

Secundo loco in patrocinium istius causæ affertur Jo. CHRYSOSTOMUS. Τι δε εστιν, inquit, Εφ' ᾧ πάντες ἥμαρτον; Εκεινου πεσοντος, και οι μη φαγοντες απο του ξυλου γενοσιν εξ εκεινου πάντες θνητοι. h. e. Quid autem sibi vult illud ἐφ' ᾧ omnes peccaverunt? Illo lapso, etiam illi qui de arbore non comederant, effecti sunt ex illo omnes mortales. — Hincci-ne ergò constabit CHRYSOSTOMUM verba Apostoli ἐφ' ᾧ πάντες ἥμαρτον eo sensu interpretatum fuisse ut ipsi valuerint in quo Adamo omnes peccaverunt? At ibi CHRYSOSTOMUS ne loquitur quidem de peccato, sed de pœnā peccati tantum: effecti sunt, inquit, ex illo mortales; nec dixit effecti sunt in (ἐν) illo mortales, sed ex (ἐξ) illo. Unde patet quonam tandem jure affirmant CHRYSOSTOMO ἐφ' ᾧ tantumdem esse ac ἐν ᾧ.

Nec magis THEOPHYLACTUS ἐφ' ᾧ sumsit pro ἐν ᾧ. Nam ἐφ' ᾧ πάντες ἥμαρτον interpretatur ἐπὶ τῷ Αδὰμ πάντες ἥμαρτον, quod non erat vertendum in ADAMO omnes peccaverunt, ut fecit Latinus THEOPHYLACTI interpretes, sed ob Adamum omnes

(1) Facit hoc, quod mireris, etiam LAMINDUS PRITANIUS (MURATORI) (De ingeniorum moderatione Lib. III. Cap. 1).

(2) ORIGENIS Commentar. in Ep. ad Rom. Lib. V. Notandum est, commentarios hos Græce periisse nec superesse nisi in Versione Latina.

(3) Hom. in Ep. ad Rom. 12. 20

peccaverunt¹⁾; atque hoc sibi voluisse THEOPHYLACTUM, certissimum est; nam statim ibi dicere pergit: γεγονάσι ἐξ ἐκείνου θνητοί, ὥς ἀν καὶ αὐτοὶ πηλαῖσαντες, διότι ἐκεῖνος ἐπταίσειν, h. e. effecti sunt ex ipso mortales, quasi et ipsi lapsi, PROPTEREA QUOD lapsus erat ille. Nequit tamen, quod vult THEOPHYLACTUS, Relativum illud ὃ sumi Masculinè et ad ἑνὸς ἀνθρώπου referri, id quod infra sumus probaturi.

Superest OECUMENIUS. Is ergo verba ista, ἐφ' ᾧ πάντες ἡμαρτον, sic interpretatur: ἐφ' ᾧ Ἀδάμ, ἣ δὲ ὅν Ἀδάμ. Ex quo patet OECUMENIUM Præpositioni ἐπὶ tribuisse non vim Præpositionis in, quod adversarii affirmant ex Latino OECUMENII interprete, sed notionem illam quam habet Præpositio δια ubi struitur cum Accusativo; OECUMENIO, inquam, ἐπὶ hic tantumdem est ac propter. Itaque neque OECUMENIUS adversariorum causam juvat.

Ex iis ergo, quæ adhuc disputavimus, consequitur, nec Vulgatæ interpretationem certò favere iis qui dicant ἐφ' ᾧ valere in quo uno homine, nec Græcos qui adducuntur scriptores tres huic causæ patrocinari, nisi tantum quatenus eorum duo Relativum ὃ Masculinè sumserint et ad præcedens ἑνὸς ἀνθρώπου retulerint. Sed hoc quominus fieri possit Grammatica prohibet. Ratio est, quia Relativum referri debet ad Nomen proximè præcedens; secundum istam autem interpretationem referatur non ad Nomen θάνατος quod proxime præcessit, neque ad κόσμος quod ante θάνατος legitur, sed ad ἑνὸς ἀνθρώπου quod ab illo Relativo ὃ immenso intervallo distat. Monendum præterea est, Præpositionem ἐπὶ Dativo junctam nusquam significare in, quo sensu interpretes illi in sumunt dum volunt ἐφ' ᾧ valere in quo Adamo. Scio huic assertioni opponi ex epistola ad Hebræos (Cap. IX) loca duo: διαθήκη ἐπὶ νεκροῖς βεβαία (ψ. 17) et ἐπὶ βρώμασι (ψ. 10), sed neuter est ad rem. Nam quod attinet ad priorem locum cuius sensus est, valere testamentum cum mortui sunt ii qui testamentum fecerunt, Præpositio ἐπὶ ibi non significat in, sed Nostratium op aut Gallicum sur, in Gallica dictione sur cela aut Nostratium daarop, eaque primaria ejus Præpositionis notio est²⁾. Ergo ἐπὶ νεκροῖς proprie est op dooden, i. e. quando mortui sunt. Quod vero spectat ad dictionem ἐπὶ βρώμασι, ibi Præpositio ἐπὶ valet Nostratium by (apud, unà cum), quæ notio cum primaria illa locali conjuncta est³⁾. Sermo ibi est de sacrificiis quæ solummodo usque ad tempus legis Evangelicæ imposita erant unà cum cibis (ἐπὶ βρώμασι), i. e. unà cum præceptis de cibis, etc.

(1) Vide quæ notavimus ad Act. XI. 19.

(2) Primaria illa notio localis est, sed mox transfertur ad tempus. Si qua res alteri rei imponitur, hæc jacet ordine secunda, adeoque post priorem.

(3) Nimirum si qua res alteri rei imposita est, erit hæc apud illam, unà cum illa.

Dicimus ergo dictionem ἕφ' ὧ (h. e. ἐπὶ τούτῳ ὅτι) valere eo quod vel quia, sicut Interpres noster 2 Cor. V. 4 ἕφ' ὧ illud reddidit. Nec aliter Syrus interpres ἕφ' ὧ hoc loco intellexit; vertit enim ܐܡܪܐ ܕܡܪܝܬܐ ܕܡܪܝܬܐ ܕܡܪܝܬܐ ܕܡܪܝܬܐ h. e. et sic in omnes homines transiit mors, eo quod (؟ ܡܪܝܬܐ) omnes peccaverunt. Et dictionem ἕφ' ὧ hoc sensu a Græcis adhibitam fuisse, ex Grammaticorum PHAVORINI et ΘΡΟΜΑΙ M. testimoniis indubitatum est²⁾. Addatur THEOPHILUS (ad AUTOL. 2): Ἐφ' ὧ οὐκ ἴσχυσε θανατῶσαι αὐτοὺς, quia non poterat eos occidere; et PLUTARCHUS (de Pyth.) Ἐφ' οἷς ἐγενόμην.... προθυμὸς, quia promptus fui.

Non me latet, posse $\epsilon\varphi' \omega$ etiam valere *ea conditione ut*, sed tum *ea dictio* con-
struitur aut cum Indicativo Futuri, aut, quod quidem frequentius fit, cum Infinitivo²⁾.
Ceterum notio hæc quæ $\epsilon\varphi' \omega$ valeat *ea conditione ut*³⁾ præsentī loco convenire nequit;
nam *peccatum* de quo hic dicitur $\epsilon\varphi' \omega \pi\acute{\alpha}\nu\tau\epsilon\varsigma \eta\mu\alpha\rho\tau\omicron\nu$, tale est quo peccasse
dicuntur etiam ii qui nullum potuerunt committere peccatum actuale, ut conficitur ex
y. 14. Ergo per illud $\epsilon\varphi' \omega \pi\acute{\alpha}\nu\tau\epsilon\varsigma \eta\mu\alpha\rho\tau\omicron\nu$ non potuit sibi voluisse PAULUS, *mors*
in omnes pertransiit ea conditione ut omnes (sicut ADAM) *peccarent*. $\epsilon\varphi' \omega$ etiam dici
potest de *causa finali*⁴⁾, sed hanc notionem $\epsilon\varphi' \omega$ præsens locus omninò respuit; di-

(1) Vide supra pag. 154.

(2) THOMAS M. (Edit. Bernard. p. 408) : 'Εφ' ᾧ, inquit, ἀντι τοῦ διοτι, εἰς παρωχημένον. Συνεσιος ἐν ἐπιστολῇ. 'Εφ' ᾧ Γενναδίου ἐγράψεν. h. e. « *Dicitur ἐφ' ᾧ pro διοτι, eo quod, quia, si referatur ad Tempus Præteritum. Synesius in epistola : Propterea quod Gennadium accusasset.* PHAVORINUS (apud Fritschium ad h. l.) : 'Εφ' ᾧ ἀντι τοῦ διοτι λεγουσιν Ἀττικοί.... οἷον, ἐφ' ᾧ τὴν κλοπὴν ἐργασώ' ἐτι καὶ ἐφ' οἷς τὸν νόμον οὐ τηρεῖς, κολασθήσῃ h. e. *Attici dicunt ἐφ' ᾧ pro διοτι, ut quia (ἐφ' ᾧ) furtum feceras ; atque etiam in Plurali, ut, quia (ἐφ' οἷς) legem non observas, punieris.* » Observat FRITSCHIUS (ibid.) Græcos ἐφ' οἷς sic magis frequentasse, quam ἐφ' ᾧ, idque mirum non esse, quippe quos etiam ἀνθ' ὧν, δι' ὧν et ἐξ ὧν ita adamasse constet, ut

interdum vel de unâ re Pluralem ponerent. — SYNESII locum, quem paulò ante recitavimus. ZEUNII (ad VIGER. Cap. II. X) reddiderat : *hac lege ut Gennadium in jus vocaret*. De quo HERMANNUS (ad VIGER. p. 710, Ed. 3) : « Imperitissime, inquit, SYNESII locum vertit ZEUNII. Hoc dicit SYNESIUS : *Solem videbat homo eam ob causum, quod Gennadium accusasset*. Itaque non THOMAS M. temerè ἐν ᾧ cum Præterito junctum per *διότι* explicat, sed ZEUNII temerè hanc explicationem improbat. »

(3) Cf. FISCHER *Animadv.* ad Gramm. WELLERI
Tom. IV. p. 17. KÜHNER §, 802 b. c. §. 828. 2.

(4) Cf. MATTHIÄ S. 583.

xisset enim Apostolus, *mors in omnes pertransiit in eum finem ut omnes peccarent*; id quod absurdè dictum sit; ut taceam, istiusmodi interpretationem reprobari vel solo verbo *ἡμαρτον*, verbo, inquam, Præteriti Temporis, quod PAULUS hoc loco adhibuit.

Relinquitur ergo ut *ἐφ' ᾧ* valeat *διότι*. Itaque *ἐπὶ* ibi dicitur de *causa* reddendumque est *propter*¹⁾, et Relativam *ᾧ* in Neutro Genere sumendum est, quandoquidem referri nequit nec ad *ἑνος ἀνθρώπου*, ut diximus, nec ad *θανάτος* aut ad *κόσμος*, quia absurda sic nascatur sententia. Denique *ἐφ' ᾧ*, quod est *ἐπὶ τούτῳ ὅτι*, plane est Latinum *propter id quòd*, vel ut Latini loqui amant, *propterea quòd*.

omnes peccaverunt). Ex superiore disputatione concludimus, Apostolum docere, ideò mortem in omnes homines pertransiisse *propterea quòd omnes peccarissent*. Hic verò quaeritur quodnam intelligatur peccatum illud *quo omnes peccarissent*: Sit-ne intelligendum peccatum illud quod commisit ADAMUS, quodque omnes in ipso peccante commiserint; an verò intelligantur peccata a posteris ADAMI ad hujus exemplum commissa, quod volebant Pelagiani. Prius affirmamus (Cf. p. 149), posterius vehementer negamus, quum isthæc interpretatio a mente Apostoli plane sit aliena. Cogitat enim peccatum ejus rei facti sint etiam ii qui minime peccassent ad exemplum ADAMI. Constat hoc ex versu 14, ubi morti, quæ pœna peccati est (*et per peccatum mors*), obnoxii fuisse dicuntur etiam ii, qui non peccassent sicut peccaverat ADAMUS, hoc est, peccato actuali et personali. Et confirmatur ex versu 19, ubi *instrumentalis* causa (*διὰ*) per quam effectum est ut homines omnes facti sint peccatores, constituitur in unius hominis ADAMI (*τοῦ ἑνος ἀνθρώπου*); inobedientiæ peccato⁵⁾.

Cum ergo ibi non agatur de peccato quod sua ejusque voluntate posteri ADAMI ad ejus exemplum commiserint, relinquitur ut verba ista, *omnes peccaverunt*, referantur ad peccatum illud quod humani generis Protoparens sua voluntate commisit ADAMUS; id quod disertis verbis deinceps docet Apostolus, dum dicit (ψ. 19) *per unius hominis ADAMI inobedientiam peccatores constitutos esse omnes*. Quod si quæras ab Apostolo, *quonam modo* id fiat, respondebit fieri *propagatione naturæ*. Neque enim aliud sibi velle potuit, ubi docet (Ephes. II. 3), nos esse NATURA *filios iræ*, quod profecto significat, nos ratione naturæ quam a primo parente trahimus esse divinæ iræ obnoxios, utique non aliam ob causam nisi ob peccatum. Quin et in præsentī epistolæ suæ loco idem hoc innuit; nam quod dicit, *PERTRANSIISSE mortem in omnes*, verbo usus est quo vitiatæ naturæ propagationem non obscurè significavit. Jam verò si

(1) Hanc notionem præsentī ἐφ' ᾧ subicere voluit ROTHE (*Versuch über Rom. V. 12. p. 17. sqq.*).

(2) Hanc notionem Præpositioni ἐπὶ subjecerunt quoque THEOPHYLACTUS et OECUMENIUS, ut colligi potest ex iis quæ ad hunc locum adnotarunt.

(3) *Per inobedientiam unius hominis*, inquit Apostolus, *peccatores constituti sunt multi* (οἱ πολλοί). Quibus verbis refellitur alter ille Pelagianorum error, quo dicebant, *mortem quidem in omnes homines transiisse, non verò peccatum*. Cf. S. AUG. Lib. IV. contra duas Ep. Pelag. Cap. IV.

propagatione pœna mortis in omnes pertransiit, utique pertransiit et pœnæ hujus meritum, quod quidem est peccatum. Atque ita jam AUGUSTINUS vocem istam pertransiit intellexerat. « Videte fratres, inquit ¹⁾, genus humanum a primi illius hominis morte defluisse : etenim peccatum a primo homine intravit in hunc mundum, et per peccatum mors ; et ita in omnes homines pertransiit. Attendite, fratres, et considerate verbum pertransiit. Inde enim est et parvulus reus ; peccatum nondum fecit, sed traxit ; etenim illud peccatum non in fonte mansit sed pertransiit, non in illum aut illum, sed in omnes homines pertransiit. Genuit peccatores morti obnoxios primus peccator et primus prævaricator. » Denique hoc docet Catholica Ecclesia, dum declarat, ADAMI peccatum, quod origine unum est, inesse unicuique proprium, non imitatione sed PROPAGATIONE transfusum omnibus ²⁾.

Ergo propagatione peccatum ADAMI ad posterios ejus transit omnes. De modo autem quo fiat ut per propagationem illud ADÆ peccatum transfundatur omnibus ejus posteris, non una est Theologorum sententia ; pendet enim hæc quæstio a quæstione de origine animæ humanæ post absolutum sex dierum opus ; de qua origine non omnes idem sentiunt. Sed nec hujus nec illius quæstionis tractatio ad Exegesis propriè pertinet ; quare propositum nobis est deinceps peculiari dissertatione quæstiones illas seorsim tractare, si Deo placuerit.

γ. 13—14. Usque ad legem enim peccatum erat in mundo : peccatum autem non imputabatur, cum lex non esset. ¹⁴ Sed regnavit mors ab ADAM usque ad MOYSEN etiam in eos, qui non peccaverunt in similitudinem prævaricationis ADÆ, qui est forma futuri.

γ. 13—14. Ἀχρι γὰρ νόμου ἁμαρτία ἦν ἐν τῷ κόσμῳ· ἁμαρτία δὲ οὐκ ἔλλογεῖται ^{a)} μὴ ὄντος νόμου· ¹⁴ ἀλλ' ἐβασίλευσεν ὁ θάνατος ἀπὸ Ἀδάμ μέχρι Μωϋσέως καὶ ἐπὶ τοὺς μὴ ^{b)} ἁμαρτήσαντας ἐπὶ τῷ ὁμοιώματι τῆς παραβάσεως Ἀδάμ, ὅς ἐστι τύπος τοῦ μέλλοντος,

Paraphrasis. Nam illo temporis spatio quod fuit inde ab ADAMI peccato usque ad legislationem Mosaicam, homines peccata committebant. Jam verò peccatum non imputatur ad pœnam temporalem, quando non exstat lex quæ istiusmodi pœnam in peccantem constituat. Atqui toto illo temporis spatio, ab ADAMO usque ad MOYSEM, mors, quæ pœna peccati est, dominium suum exercuit in homines omnes, etiam in eos qui non peccaverant ad exemplum ADAMI, qui homo typus est hominis illius qui venturus erat, JESU CHRISTI.

(1) Serm. IV, De verbis Apostoli.

(2) TRIDENT. Sess. V. Decretum de peccato originali. 3.

VARIANS LECTIO.

a) Pro ελλογείται occurrunt etiam lectiones ελλογᾶτο (sic.), ελλογείτο et λογογισται; sed constans omnium ferè Codicum lectio ελλογείται est, camque, ESTIO teste, exhibent quoque Vulgatæ Codices non pauci, ut in quibus hic legitur: *peccatum autem non imputatur cum lex non est*. Nec aliter legebatur in antiqua Italia. Vide SABBAT. ad h. l.

b) Vocula μη a nonnullis Minusculis hic abest; ceterum constanter hic legitur in omnibus Græcis Codicibus.

ψ. 13—14. *Usque ad legem enim peccatum erat in mundo*, etc.). Hic probat (γαρ) Apostolus id quod modò (ψ. 12) dixerat, scilicet, ideò omnes subiisse pœnam mortis, quia per unius illius hominis peccatum omnes peccassent. Probatio autem fit a posteriori, et sita est in eo quod quamquam inde a lapsu ADAMI usque ad Mosaicam legislationem nullâ lege pœna mortis 1) statuta erat peccantibus, eo tamen temporis spatio morti occubuerint non ii tantum qui peccassent, verum etiam illi qui nullum commisissent peccatum. Hinc enim conficitur, mortem, cum pœna sit peccati, quandoquidem non infligebatur hominibus ob peccata actualia, inflictam fuisse ob unius illius hominis peccatum, quo peccatores constituti fuerant omnes.

Sed jam singulas hujus loci partes distinctius explicemus.

usque ad legem). Mosaicam legem intelligit, ut contexta docet oratio: *Sed regnavit mors*, inquit, *ab ADAM USQUE AD MOYSEN*; nec tamen ideo cum Articulo scribendum erat *αχρει του νομου*. Nimirum vox *νομος* de Mosaica lege frequenter 2) legitur absque Articulo, ubi is nulla sermonis ambiguitate omitti poterat. Cf. WIN. §. 18.—*Αχρει νομου* notare quidem possit *usque ad finem legis* 3), *quamdiu Mosaica lex valebat*, *usque ad Christum*, quo sensu *αχρει* legitur in Ep. ad Hebr. III. 13; hoc vero loco *αχρει νομου* explicandum est *usque ad illud tempus quo lex data fuit*; postulat hanc interpretationem contexta oratio (ψ. 14 et 20), eoque sensu *αχρει* adhibetur Matth. XXIV. 38. Act. I. 2, et sæpius.

peccatum erat in mundo). Peccatum hic nonnulli intellexère peccatum illud de quo modò (ψ. 12) sermo fuerat, *peccatum*, inquam, *originale*. Sed si hoc sibi voluisset Apos-

(1) Mortem esse pœnam peccati in antegresso versiculo (ψ. 12) docuerat: *et per peccatum mors*,

(2) Ex. gr. Rom: II. 12. 23. III. 31. IV. 13, alibi.

(3) Cf. FRITSCHIUM ad h. l.

tolus, dixisset, addito Articulo, ἡ ἁμαρτία, ut ibi fecerat. Illud quoque quod statim subjicit, ἁμαρτία δε οὐκ ἐλλογείται, omnino prohibet quominus putemus per vocem ἁμαρτία indicari peccatum illud de quo agitur versu 12; nequit enim huic peccato convenire illud οὐκ ἐλλογείται. Restat igitur ut ἁμαρτία heic dicatur de peccatis *actualibus* et propria sua cujusque voluntate a posteris ADAMI commissis. Sensus ergo est: Inde ab ADAMO usque ad tempus Mosaicæ legislationis peccatum erat in mundo (*il y eut des pechés (ἁμαρτία) au monde*), non deerant, inquam, qui proprio opere peccarent.

peccatum autem non imputabatur, cum lex non esset.) Legendum hic est (Vide Var. Lect.) Verbum Temporis Præsentis ἐλλογείται, adeoque Græca ἁμαρτία δε οὐκ ἐλλογείται reddenda sunt: *Peccatum autem non imputatur*; et jam quod additur μὴ οὗτος νομου valebit *cum non existit lex*; nam cum præcesserit Verbum Temporis Præsentis ἐλλογείται, id quod inde pendet Participium ΟΥΤΟΣ jam pariter reddendum est per verbum Præsentis Temporis. Hæc autem sententia, *peccatum non imputatur cum non est lex*, ad modum axiomatis hic effertur, quare et per Verbum Præsentis Temporis enuntiatur, Cf. Hebr. Cap. VII. 7. Advertendum est, non haberi hoc versiculo illam *oppositionis* rationem, quæ indicari solet per Particulas μεν et δε, itaque non sic verba esse sumenda quasi scriptum sit *peccatum quidem erat... peccatum autem*, etc. Duæ sunt sententiæ, quæ nulla antithetica ratione a se invicem pendent; una hæc: *usque ad legem peccatum erat in mundo*; et altera hæc: *peccatum non imputatur, cum non existit lex*. Particula δε (ἁμαρτία δε) non vim *adversativam* hic habet, sed est *continuantis* incœptum ratiocinium.

Verba μὴ οὗτος νομου Gallice reddenda sint *quand il n'y a point de loi*. Hoc ipso enim quod hic enuntiatur sententia generalis (*peccatum non imputatur quando non existit lex*) vox νομου referri nequit ad certam quamdam legem, ut puta, Mosaicam; hanc legem si Apostolus hic cogitasset, non generalem enunciasset sententiam adeoque nec adhibuisset Verbum Præsentis Temporis ἐλλογείται, sed Imperfecti ἐνελογεῖτο. Porro vocem νομου nec ad legem naturæ hic posse referri vel ex eo patet quod lex naturæ non potest concipi *non existens*. Restat igitur ut illud μὴ οὗτος νομου dicatur indefinite de *positivâ* aliqua lege sive *moralī* sive *pœnali*. Sed de lege *positiva moralī* illa sententia accipi nequit; ponit enim *commissum* peccatum non existente lege; atqui ubi non existit *positiva* lex nec locum habere potest ejus legis transgressio, adeoque nec cogitari commissum peccatum. Relinquitur ergo ut sermo sit de lege *pœnali*. Atque hanc esse mentem Apostoli, id quidem demonstrat quoque ejus argumentatio, quæ constat imperfecto syllogismo, sive *enthymemate* hoc: *Peccatum non imputatur quando lex non existit; atqui fuere pœnâ mortis (εβασίλευσεν ὁ θάνατος) affecti homines inde ab Adamo usque ad Moysen omnes, etiam ii qui minime peccaverant sicut Adam*. Conclusio quæ supprimitur est: *Ergo ideo homines omnes pœnam mortis subierunt quia per unius illius hominis peccatum omnes peccaverunt*; id quod erat probandum.—In quo ratiocinio

Propositio minor hæc : *Atqui affecti fuere pœna mortis*, etc., logica necessitate postulat ut *lex*, de qua sermo est in Majore, intelligatur *lex pœnalis*. Quod si hoc, etiam necesse est ut *ἐλλογείται*, *imputatur*, explicetur per *imputatur ad pœnam*.

Ελλογεῖν, *imputare*, est *in rationes debiti referre*, (*op rekening zetten*, *porter en compte*) ; quæ significatio probatur ex hoc epistolæ ad Philemonem (ψ. 18) : *Εἰ δε τι ἡδικήσῃ σε ἡ οφείλει, τουτο εμοι ἐλλόγει*. Alibi in libris sacris vox *ἐλλογεῖν* non legitur ; apud scriptores verò profanos adhuc non occurrit. *Ελλογεῖσθαι* autem in præsentī loco valere *referre in rationes debite pœnæ sive pœnæ luendæ*, id quidem postulat contexta oratio (ψ. 14) : *ἀλλ' ἐβασίλευσεν ὁ Θάνατος*, *at* (*atqui*) *regnavit mors*. Mors autem *pœna* peccati est ; dixit enim : *et per peccatum mors*.

ψ. 14. *Sed regnavit mors ab Adam usque ad Moysen*). Sensus hujus partis in antegressis exposuimus. Superest ut observemus, *Prosopopœiam* esse in dictione *regnavit mors*, ut in hoc prioris epistolæ ad Corinthios (Cap. XV. 26) : *Novissima inimica destruetur mors*. Voces *ἀλλ' ἐβασίλευσεν* reddiderim *at* sive *atqui regnavit* ; nimirum hanc vim *ἀλλὰ* habet, docente SCHUTZIO ¹⁾, in syllogismis, ubi post propositionem universè negantem subjungitur assumptio affirmans ; ut ex. gr. in hoc XENOPHONTIS (*Cyrop.* l. 3. 11) : *Οὐ γὰρ τοι πῶ οὔτοι ἱκανοὶ εἰσιν ἀγωνισταί, οἳ ἂν τοξευώσιν, ἡ ἰππεύωσιν ἐπιστημονῶς, ἣν δε πονησαὶ δεῖ, τουτῷ λειπῶνται ἀλλ' οὔτοι ἰδιῶται εἰσι κατὰ τοὺς πόνους*. h. e. *Non sunt enim idonei bellatores, qui etiamsi bene sagittis aut jaculis utantur, ferre tamen laborem haud possunt. Atqui hostes nostri laboribus ferendis impares sunt*.

etiam in eos qui non peccaverunt in similitudinem prævaricationis Adæ). Græca *καὶ ἐπὶ τοὺς μὴ ἁμαρτήσαντας* reddenda sunt in Plusquamperfecto : *etiam* (*καὶ*) *in eos qui non peccaverant* ; postulat hoc Temporum in Latino sermone consecutio. Ceterum de notione Temporis Plusquamperfecti etiam formæ Aoristi nonnumquam tribuendâ, vide WINER §. 41. 3. *Ἐπὶ* ibi dicta est *de normâ*, ut Luc. l. 59 ; itaque veritas SECUNDUM sive AD *similitudinem prævaricationis Adami*. Quod autem dicit Apostolus *peccare ad similitudinem prævaricationis Adæ*, eo peccatum illud quod *propagatione* transit in posteros ejus omnes sive peccatum *originale* discernit ab *actuali*, quale fuerat inobedientiæ illud ADAMI peccatum. Est enim animadvertendum, Apostolum distinguere *duas* classes hominum in quos dominium suum mors exercuerit ; nam discernit eos qui *non peccassent in similitudinem prævaricationis Adæ*, h. e. qui non commisissent peccatum *actuale*, ab iis qui tale peccatum commisissent ; nec dubium est quin eos, quos dicit *non peccasse in similitudinem prævaricationis Adæ*, intellexerit *infantes*

(1) Cf. SCHÜTZ ad HOOGEVENII doctrinam Particularum Ling. Græc. ad voc. ἀλλὰ. VI.

vel *parrulos* ante ætatem rationis et consilii capacem defunctos. Si scripsisset *etiam in infantes*, minus luculenta fuisset instituta argumentatio.

Theologo Dogmatico ex præsentī loco sic argumentari licebit: Pœna peccati mors est (γ. 12). Grassatā autem mors est in omnes (γ. 14). Grassatā autem non est propter *actualia* eorum peccata; non quòd deëssent qui *actualiter* peccarent sicut peccaverat ADAM, sed quòd pœna non infligitur nisi delinquenti statuta sit; atqui pœna mortis non ut ADAMO ita et posteris ejus erat statuta, si peccassent sicut ipse. Moriebantur tamen omnes; moriebantur ergo quia peccaverant per ADAMUM perque ejus peccatum constituti fuerant peccatores; id quod luculentius adhuc inde apparet quòd morerentur etiam ii qui minimè sicut ADAM actualiter peccassent. Quum ergo pœna illa censi nequeat *actualis* peccati pœna, restat ut sit *originalis* peccati pœna; tertium enim non habetur. Exstat ergo *originale* aliquod peccatum.

qui est forma futuri). Pars hæc loco Apodoseos est continetque, variatā tamen oratione, alterum institutæ comparationis membrum. Vide suprā pag. 146.—Vox *Τυπος* (a *τυπτω*) si etymon spectes, notat id quod *percussione* vel *ictu impressum est*, hinc *testigium* (Joh. XX. 25); et mox *simulacrum*, ut Act. VII. 43; hic verò *metaphoricè* dicitur de eo qui *alterius imaginem refert*. Qui autem *ὁ μελλων* hic dicitur, Jesus CHRISTUS est, id quod patet ex instituta comparatione totaque serie orationis. Quum autem JESUM CHRISTUM Apostolus alibi (I Cor. XV. 45) vocet *novissimum ADAMUM*, illumque in præsentī loco cum ADAMO protoparente comparet, ambigendum non est quin verba *ὅς ἐστι τυπος του μελλοντος* valeant *ὅς ἐστι τυπος του μελλοντος Αδαμ*. Est ergo ADAM *imago* CHRISTI, puta per similitudinem *a contrario*: Sicut ille in humanum genus induxit peccatum et mortem, ita hic auctor illi exstitit justitiæ et vitæ per resurrectionem destructā morte recuperandæ.

γ. 15 — 17. Sed non
sicut delictum, ita et do-
num. si enim unius delicto
multi mortui sunt: multo
magis gratia Dei et donum
in gratia unius hominis JESU
CHRISTI in plures abunda-
vit. 16 Et non sicut per
unum peccatum, ita et do-
num. nam judicium quidem

γ. 15—17. Ἀλλ' οὐχ
ὥς τὸ παράπτωμα, οὐ-
τῶ καὶ τὸ χάρισμα. Εἰ
γὰρ τῷ τοῦ ἐνὸς πα-
ραπτώματι οἱ πολλοὶ
ἀπέθανον, πολλῷ μᾶλ-
λον ἢ χάρις τοῦ Θεοῦ
καὶ ἡ δωρεὰ ἐν χάριτι
τῇ τοῦ ἐνὸς ἀνθρώπου
Ἰησοῦ Χριστοῦ εἰς τοὺς

Paraphrasis. Verum non
sicut se habet damnum quod
humano generi fecit ADAMUS,
ita quoque sese habet divi-
næ gratiæ donum quod ho-
minibus obtingit per CHRIS-
TUM. Non est, inquam, par
utriusque ratio. Nam si,
quod profitemur, per unius
illius hominis lapsum tota
hominum multitudo mor-
ti occubuit, culpaque il-
lius in omnium nocumentum

ex uno in condemnationem : gratia autem ex multis delictis in justificationem. 17 Si enim unius delicto mors regnavit per unum : multo magis abundantiam gratiae, et donationis, et justitiae accipientes, in vita regnabunt per unum JESUM CHRISTUM.

πολλοὺς ^{a)} ἐπερίσσευσε. 16 Καὶ οὐχ ὥς δι' ἐνὸς ἁμαρτήσαντος ^{b)}, τὸ δῶρημα· τὸ μὲν γὰρ κρίμα ἐξ ἐνὸς εἰς κατάρχημα· τὸ δὲ χάρισμα ἐκ πολλῶν παραπτωμάτων εἰς δικαίωμα. 17 Εἰ γὰρ τῷ τοῦ ἐνὸς ^{c)} παραπτώματι ὁ θάνατος ἐβασίλευσε διὰ τοῦ ἐνὸς, πολλῷ μᾶλλον οἱ τὴν περισσείαν τῆς χάριτος καὶ τῆς δωρεᾶς τῆς δικαιοσύνης ^{d)} λαμβάνοντες ἐν ζωῇ βασιλεύσουσι διὰ τοῦ ἐνὸς Ἰησοῦ Χριστοῦ.

exuberavit, at multo abundantius Dei amor indeque profectum gratiae beneficium erga omnes homines sese effudit per gratiam unius hominis, JESU CHRISTI; neque eadem mensurâ nocuit ADAMUS quâ profuit CHRISTUS; verum multo magis profuit hic quam nocuit ille; nam causa condemnationis nostrae exstitit unius peccati reatus; gratuitum verò illud donum efficax est in justificationem ex multis peccatis. Non est, inquam, par ratio doni et delicti; nam si, quod profitemur, unius illius hominis lapsu mors per illum unum regnavit, at illi qui in dies participant abundantiam divini amoris indeque profectum justitiae donum, hi multo magis, destructâ morte, vitâ potiti regnabunt per unum illum JESUM CHRISTUM.


VARIANS LECTIO.

a) Pro τούς πολλούς est in Vulgata *plures*. Sed hæc lectio ne unius quidem græci Codicis testimonio nititur; imo si obvio sensu hic sumatur vox *plures*, falsum sequatur; scilicet, homines *plures* per CHRISTUM esse salvatos quam mortuos in ADAMO; atqui, docente Apostolo (I Cor. XV. 22), in ADAMO moriuntur OMNES. Dixeris interpretem nostrum voci *plures* tribuisse notionem vocis *multi*.

b) Pro ἁμαρτήσαντος est ἁμαρτηματος in Codd. DEFG et nonnullis Minusculis; quam lectionem referunt quoque versiones Syriaca (ܐܡܪ ܫܚܝܬܐ ܕܥܡܪܐ ܕܥܡܪܐ ܕܥܡܪܐ ܕܥܡܪܐ h. e. et non sicut peccatum unius, ita donum), Itala et Vulgata. Apud AUGUSTINUM legitur utrumque: sicut per unum peccatum, et sicut per unum peccantem; et apud BEDAM: sicut per unum peccatorem. Cf. SABATIER. Lectionem ἁμαρτήσαντος alteri prætulimus cum propter majorem numerum testium, tum etiam quòd suspicio sit, mutatum fuisse ἁμαρτήσαντος in ἁμαρτηματος ob oppositum δῶρημα, nam sic elegantior erat antithesis.

ο) Lectionem τῷ του ἑνος παραπτώματι exhibent Codd. BC1K, plurimæ versiones antiquæ; et Patres aliquot. Pro ea est ἐν ἑνὶ παραπτώματι in AFG, et ἐν τῷ ἑνὶ παραπτώματι in DE. Equidem lectionem τῷ του ἑνος παραπτώματι pro germana habuerim, tum quod alteri numero testium præstat, tum etiam quod probabiliter conjicias pro τῷ του ἑνος παραπτώματι repositum fuisse ἐν (τῷ) ἑνὶ παραπτώματι propter mutatum (γ. 16) ἁμαρτησαντος in ἁμαρτηματος. Nam illi Codices qui ἁμαρτηματος habent, iidem si A excipias, habent quoque ἐν (τῷ) ἑνὶ παραπτώματι.

α) Pro τῆς δωρεᾶς τῆς δικαιοσύνης doni justitiæ Vulgata habet donationis ET justitiæ; sed Conjunctionem ET hoc loco ex Græcis Codicibus ferè nullus agnoscit.



γ. 15. *Sed non sicut delictum, ita et donum.*) Quod modò (γ. 14) dixerat Apostolus, scilicet esse inter ADAMUM et CHRISTUM similitudinem *a contrario*, illud hic ita *corrigit* (ἀλλὰ) ut doceat, *inæqualitatem* tamen esse inter id quod effectum est ab ADAMO et illud quod præstitum fuit a CHRISTO, multoque plus humano generi profuisse CHRISTI gratiam quam obfuisset ADAMI peccatum. Quam sententiam mox (γ. 16) iterat, sed negativâ orationis formâ, dicens: *et non sicut per unum peccatum, ita et donum.*

Το παραπτώμα (la chute) est *lapsus* ille ADAMI, quem modò indicaverat per verba *sicut per unum hominem peccatum intravit in mundum*. *Το χάρισμα* verò intelligitur *donum* gratuitum justitiæ (Cf. γ. 17). In usu autem vocis *παραπτώμα* notanda hic est Metonymia *causæ pro effectu*; ergo cogitandum est *malum* illud quod per lapsum proto-parentis in humanum genus fuit inductum; atque ita elucescit oppositio quæ heic est inter *το παραπτώμα* et *το χάρισμα*.—Supplendum est *ἔστι* vel *ἔχει*. Sensus ergo est: *Sed non sicut se habet damnum quod humano generi fecit ADAMUS, ita quoque sese habet divinæ gratiæ donum, quod hominibus obtingit per CHRISTUM*. Disparitatem hanc inter ADÆ *παραπτώμα* et illud *χάρισμα* Apostolus statim exponit (γάρ) addens:

si enim unius delicto multi mortui sunt, multo magis etc.) Sensus est: *Nam MAJORIS EFFICACIÆ fuit donum Christi quam noxa ADAMI.*

Particula *εἰ* hoc loco rem non dubiam et incertam indicat, sed plane certam, ut in hoc Johannis (XIII. 14): *Εἰ οὖν ἐγὼ ἐνιψά ὑμῶν τοὺς πόδας, καὶ ὑμεῖς ὀφείλετε ἀλλήλων νίπτειν τοὺς πόδας*. Cf. Act. XI. 17 et I Cor. IX. 11.—*Πολλῷ μαλλόν* hic non habendum est pro formulâ argumentantis *a peiori ad melius*, sed formula est affirmantis et disertè pronunciantis *majoris efficacιæ* esse *χάρισμα* quam *παραπτώμα*. Itaque *πολλῷ μαλλόν* jungendum est cum *ἐπερίσσευσε*, ut sensus sit, *multò abundantior fuit*, hoc est, *χάρισμα* multo efficacioris effectûs fuit in bonum quam *παραπτώμα* in malum.—*Οἱ πολλοί* (de velen) utroque loco sunt *omnes*, quod patet cum ex contexta oratione (γ. 12), tum etiam ex collato versiculo decimo octavo,

ubi pro οἱ πολλοὶ eodem sensu scriptum est πάντες. Nimirum Apostolus omnes cogitat tamquam aliquam multitudinem quam opponit uni.—

Τῷ τοῦ ἑνός παραπτωμάτι Dativus Instrumenti est. Belgicè dixeris : *Door den val van dien éenen*. — Vox ἀπεθάνον etiam hic, ut supra γ. 12. (p. 150) sumenda est de morte *physica* sive *corporali*.— Ἡ χάρις τοῦ Θεοῦ καὶ ἡ δωρεὰ, supple τοῦ Θεοῦ, qui Genitivus *possessoris* sive *auctoris* pertinet ad utramque vocem χάρις et δωρεὰ. Inter quas voces eadem hic ratio est, quæ est inter *causam* et *effectum*; puta ad eum modum, quo in dono aliquo *causa* doni est amor donantis, ipsum autem donum illius causæ veluti *effectus*. Nam χάρις, *gratia*, hic sumitur *primariâ* sui notatione, qua significat gratuitum Dei favorem, benevolentiam, amorem erga homines; et ab hoc amore veluti *causâ* illa δωρεὰ provenit sive *efficitur* ¹⁾.

Quod sequitur ἐν χάριτι τῇ τοῦ ἑνός ἀνθρώπου, Ἰησοῦ Χριστοῦ, reddere maluerim *PER gratiam unius hominis*, JESU CHRISTI; nam Præpositio ἐν dicta ibi est de *causâ* mediatrice τοῦ χαρίσματος ²⁾. Sicut peccatum, inquit S. THOMAS (ad h. l.) *ex uno homine abundavit in multos ex prima suggestionem Diaboli, ita et gratia Dei per unum hominem processit ad multos. Unde signanter addit Apostolus, in gratia, id est, per gratiam unius hominis JESU CHRISTI. Sic enim a Deo gratia in multos effunditur ut eam per CHRISTUM accipiant, in quo omnis plenitudo gratiarum invenitur, secundum illud Joannis (Cap. I. 16): De plenitudine ejus omnes accepimus.* » Plenitudinem S. THOMAS hic intelligit plenitudinem quam vocat *efficientiæ* et *effluentiae*, quæ soli homini CHRISTO competit, ut *auctori gratiæ* ³⁾. — Postremò animadvertendum est, Apostolum adhibuisse Præteriti Temporis verba ἀπεθάνον et ἐπερίσσευσεν, quia utrumque hoc (ἀπεθάνον et ἐπερίσσευσεν), quamquam continuò fieri pergit, ipse considerat tamquam res jam plenè absolutas.

γ. 16. *Et non sicut per unum peccatum, ita et donum*). Voces *ita et* in Græco non leguntur; de suo eas addidit interpretes, propositionem habens pro bimembri. Vereor ut rectè. Nam si hoc sibi voluisset Apostolus, quid-ni scripsisset οὕτω καὶ τὸ δωρημα, sicut modò (γ. 15) fecerat, vel certè, οὕτω omisso, καὶ τὸ δωρημα. Ceterum elliptica oratio est; plenè sic enuntiari poterit: καὶ οὐκ ἔχει τὸ δωρημα ὡς ἔχει δι' ἑνός αμαρτησαντος, non se habet donum ut se habet res per unum qui peccaverat. Sententiam antegresso (γ. 15) versiculo expressam Apostolus hic iterat, sed negativâ orationis formâ. Et statim eam probat duplici argumento, quorum alterum

(1) Cf. Commentarium nostrum in Ep. ad Philipp. ad Cap. 1. γ. 2.

(3) Vide S. THOM. in Evang. S. JOAN. ad Cap. I. 16.

(2) Præpositio ἐν hoc sensu frequenter legitur in Græcitate Novi Testamenti.

exponitur versiculo 16, alterum præsenti (γ. 17); prius argumentum in eo est, quod cum ΑΔΑΜ unico peccato infecisset omnes, ΧΡΙΣΤΟΣ omnes sanet non ab illo tantum naturæ peccato, sed et ab omnibus iis, quæ proprio actu homines patraverint; alterum verò argumentum ductum est inde quod vitæ illud regnum, quod ΧΡΙΣΤΟΣ hominibus promeruit, multo *a contrario* præstet mortis regno, cujus auctor existit ΑΔΑΜΟΣ.

nam iudicium quidem ex uno in condemnationem, gratia autem ex multis delictis in justificationem). Etiam hic elliptica oratio est; plena sit ita: *το μὲν γὰρ κριμα ἐξ ἑνὸς παραπτώματος ἐγένετο εἰς κατακριμα· το δε χαρισμα ἐκ πολλων παραπτωμων ἐστι εἰς δικαιωμα*. Sensus autem est: *Nam causa condemnationis nostræ existit UNICI peccati reatus; gratuitum verò illud donum efficax est in justificationem ex MULTIS peccatis*. Si ΧΡΙΣΤΟΣ nos liberaret dumtaxat ab unico illo peccato quo facti sumus rei per ΑΔΑΜΟΝ, par foret ratio gratiæ per ΧΡΙΣΤΟΝ partæ, et condemnationis cujus causa existit ΑΔΑΜΟΣ; nunc verò quum a multis peccatis imò ab omnibus, quæ propria voluntate originali illi peccato addidimus per ΧΡΙΣΤΙ gratiam absoluti iustitiâ donemur, consequitur valentius esse ΧΡΙΣΤΙ *δωρημα* ad salvandum quam ΑΔΑΜΙ *ἁμαρτημα* ad perdendum; id quod erat probandum.

Εξ ἑνὸς scil. *παραπτώματος*, quod sumendum est ex insequenti *το δε χαρισμα ἐκ πολλων παραπτωμων*. Itaque antithesis est inter *ἐν παραπτωμα* et *πολλα παραπτωματα*. Sunt qui *ἐξ ἑνὸς* explicent *ἐξ ἑνὸς ἁμαρτησαντος*. Verum si hoc ponas, jam periit illa antithesis, et unà cum illa etiam theseos probatio. Quod si dicas, Apostolum scripsisse quidem *ex uno peccante*, attamen unà sibi voluisse *ex uno peccato*, mirer quî factum sit ut antithesin cogitare maluerit quam exprimere, hoc præsertim in loco, ubi tota argumentationis vis ex antithesi pendet.

Præpositionis *ἐκ* bis hoc versiculo positæ non est omninò eadem utroque loco significatio; nam priore quidem sumitur *causaliter* sive *de causa unde quid provenerit*, valetque *propter*, ut, v. g. in hoc CÆSARIS: *PROPTER frigora frumenta in agris maturæ non erant*. Hoc sensu *ἐκ* legitur Act. XIX. 25; 2 Cor. II. 2, alibi. In posteriore verò loco sumitur *de statu ex quo quis transeat in alium statum*, ut in hoc Apocalypseos (Cap. IX. 20.): *Μετενοησαν ἐκ των εργαων των χειρων αυτων*.—Præpositio *εἰς* utroque loco dicitur *de effectu*, ut 1 Cor. XI. 17 in illo *οὐκ εἰς το κρειττον, ἀλλ' εἰς το ἥττον συνερχεσθε*.

Το κριμα est (Dei) *iudicis sententia* illa quæ propter unicum ΑΔΑΜ inobedientiæ peccatum lata est. Atque hæc *sententia* (*κριμα*) cessit (*εἰς*) hominibus omnibus (Cf. γ. 18.) in *κατακριμα*, h. e. in *sententiam condemnatoriam*. Sed quum *ἐξ ἑνὸς* ad definitionem Subjecti (*το κριμα*) pertineat, accuratior Syntaxis postulasset ut scriberetur *το κριμα το ἐξ ἑνὸς*. Apostolus autem in simili structura nunc ponit Articulum, nunc omittit; quâ de re diximus ad Cap. I. 5 epistolæ ad Philippenses. — Vox

δικαιῶμα in Græcitate Novi Testamenti notat : 1^o id quod pro justo rectoque declaratum est sive *legem* aut *decretum*, ut v. g. Luc. I. 6 : *πόμενοι ἐν ταῖς ἐντολαῖς καὶ δικαιώμασι τοῦ κυρίου*. 2^o Dicitur de eo quod juste recteque factum est, eoque sensu legitur infra, versu decimo octavo, ubi opponitur voci *παράπτωμα*. 3^o Tandem hoc loco (ψ. 16) *δικαιῶμα* tantundem valet ac *δικαιῶσις*, nam opponitur voci *δικαιῶμα*, et quo sensu hoc versu dicitur *εἰς δικαιῶμα*, eodem sensu dicitur *εἰς δικαιῶσιν* versu decimo octavo.

ψ. 17. *si enim unius delicto mors regnavit per unum etc.*). Versus hic probationem (γαρ) continet non ejus sententiæ quæ proxime (ψ. 16) præcesserat (*το δὲ χάρισμα ἐκ πολλῶν παραπτῶματων εἰς δικαιῶμα*), sed illius quâ fuerat dictum (ψ. 16) *πολλῶ μαλλον ἢ χάρις.... εἰς τοὺς πολλοὺς ἐπερίσσευσε*.

Particula *εἰ* sumenda est ut suprâ, versu decimo quinto. *Τῷ παραπτῶματι* Dativus est *Instrumenti*.—*Τοῦ ἑνὸς* et *διὰ τοῦ ἑνὸς* scil. *ἀνθρώπου* (ψ. 12); hanc interpretationem postulat oppositum *διὰ τοῦ ἑνὸς Ἰησοῦ Χριστοῦ*. Imo vel ideo exponendum non est, *τοῦ ἑνὸς* et *διὰ τοῦ ἑνὸς* scil. *ἁμαρτήσαντος* (ψ. 16), quia notio *ἁμαρτήσαντος* jam continetur in voce *παραπτῶματι*. Sed cum satis esset dicere *mors regnavit delicto unius illius hominis* (*τοῦ ἑνὸς*), quid opus erat addere *per unum illum hominem* (*διὰ τοῦ ἑνὸς*)? Putaverim Apostolum id fecisse, majoris emphaseos causâ; nam statim dicturus erat *διὰ τοῦ ἑνὸς Ἰησοῦ Χριστοῦ*. — *Πολλῶ μαλλον* sumendum est ut versu decimo quinto. — *Οἱ λαμβονόντες* Participium Temporis Præsentis veluti *continui* de iis qui in dies accipiunt *τὴν περισσειαν*, etc. Verba ista *τὴν περισσειαν τῆς χάριτος καὶ τῆς δωρεᾶς τῆς δικαιοσύνης* respiciunt superiora illa (ψ. 13) *ἡ χάρις τοῦ Θεοῦ καὶ ἡ δωρεὰ ἐπερίσσευσε*. — Genitivus *τῆς δωρεᾶς* pendet a *περίσσειαν*. — Genitivus *δικαιοσύνης* Appositionis est; intelligitur ergo donum *justitiæ* sive *justificatio*.

Ἐν ζωῇ βασιλευσούσι διὰ τοῦ ἑνὸς est antegressi ὁ Θάνατος ἐβασίλευσε *διὰ τοῦ ἑνὸς* Antithesis, quæ magis appareret si Apostolus scripsisset ἡ ζωὴ βασιλευσεὶ διὰ τοῦ ἑνὸς. Nunc autem *vita* illud regnum, relicto tropo, in regnatos transtulit homines. Porro ad rem ipsam quod attinet, satis fuisset dicere *βασιλευσούσι διὰ Ἰησοῦ Χριστοῦ*, sed antitheseos causâ addendum erat *τοῦ ἑνὸς*. — *Ἐν ζωῇ* scil. *όντες*, *viventes*, q. d. *vita potiti, destructâ morte*. Sensem exposuimus in Paraphrasi.

ψ. 18—19. Igitur sicut	ψ. 18 — 19. Ἄρα οὖν	Paraphrasis. Itaque si-
per unius delictum in om-	ὥς δι' ἑνὸς παραπτῶ-	cut unum peccatum homi-
nes homines in condem-	ματος ^{a)} εἰς πάντας	nibus omnibus cessit in con-
nationem: sic et per unius	ἀνθρώπους εἰς κατὰ-	demnationem mortificam; ita
		quoque unum rectè fac-

justitiam in omnes homines in justificatione m vitæ.

19 Sicut enim per inobedientiam unius hominis, peccatores constituti sunt multi: ita et per unius obedientiam, justi constituentur multi.

ἡρίμα· οὕτω καὶ δι' ἑνὸς δικαίωματος^{b)} εἰς πάντας ἀνθρώπους εἰς δικαίωσιν ζωῆς. 19^a Ὡς περ γὰρ διὰ τῆς παρακοῆς τοῦ ἑνὸς ἀνθρώπου ἁμαρτωλοὶ κατεστάθησαν οἱ πολλοί, οὕτω καὶ διὰ τῆς ὑπακοῆς τοῦ ἑνὸς δίκαιοι καταστήσονται οἱ πολλοί.

tum hominibus omnibus cessit in justificationem quæ ad vitam æternam obtinendam perducatur. Etenim sicut per unius hominis inobedientiam omnes ex eo nati homines constituti sunt peccatores, ita quoque per unius obedientiam omnes constituentur justi, quotquot ex illo uno per fidem renascantur.

VARIANS LECTIO

a) Pro παραπτωματος est το παραπτωμα in Codd. FG et nonnullis Minusculis. Quæ scripturæ varietas tribuenda videtur correctioni Librarii, qui hic mendum suspicatus fuerit quum syntaxin verborum non intelligeret. Idem dicito de altera hujus versiculi lectionis varietate.

b) Pro δικαίωματος est το δικαίωμα in Codd. DEFG.

γ. 18. Igitur sicut per unius delictum. . . sic et per unius justitiam, etc). Ex illa dissimilitudine a contrario inter το χαρισμα et το παραπτωμα quam Apostolus decimo quinto versiculo enuntiaverat probaveratque duobus insequentibus, hic jam infert (ἄρα οὖν) similitudinem a contrario quæ sit inter Christum et Adamum, atque ita redit eò (γ. 12) unde fuerat egressus. Nota, ellipticam esse orationem in utroque membro institutæ comparationis. Supplendum autem est in priore quidem ἀπεβη (res cessit, Impersonaliter), in posteriore verò αποβησεται. Postulat insequens versiculus quo præsens versiculus explicatur (γὰρ), ut Verbum hic supplendum hac varietate Temporum adhibeatur; ibi autem in priore membro est κατεσταθσαν, in posteriore verò κατασταθσονται. Esse autem αποβαινειν vel simile aliquod Verbum supplendum, id quidem docet cum contexta oratio tum etiam repetita ibi Præpositio εἰς, quæ de effectu utriusque Christi et Adam actûs dicta est. Præterea animadvertendum est, repetitum illud δι' ἑνός utroque loco sumendum esse non Masculinè sed Neutraliter, adeoque Apostolum sibi velle non per unius delictum, per unius justitiam, sed per unum delictum, per unam justitiam; uno verbo, ἑνός sumendum est non Substantivè sed Ad-

jectivè. Ratio est, quia si Apostolus illud ἔνος Substantivè sumpsisset, addito Articulo scripsisset του ἔνος, ut modò (ψ. 17) bis fecerat, scribens *ει γαρ τω του ἔνος παραπτωmati ὁ θανατος εβασιλευσε δια του ἔνος*. Accedit, si ἔνος versiculi decimi octavi Substantivè accipiatur, tautologiam quamdam fore in versiculo insequenti. Illud ἐν παραπτωμα intelligitur ADAMI inobedientia (παρακοη), et ἐν δικαιωμα est CHRISTI obedientia (ὑπακοη); quod utrumque patet ex collato versiculo decimo nono cum præcedente. Itaque vox δικαιωμα; quæ in Græcitate sacra aliam atque aliam notionem obtinet¹⁾, hoc loco notat *recte factum aliquod*, quo sensu δικαιωμα legitur etiam apud Prophetam Baruch (Cap. II. 19): *Ουκ επι τα δικαιωματα των πατερων ημων καταβαλλομεν τον ελεον κατα προσωπον σου*, et iterum in Apocalypsi (Cap. XIX. 8.): *Το γαρ βυσσινον τα δικαιωματα εστι των αγιων* (Vulgat.): *Byssinum enim justificationes (recte facta) sunt sanctorum*. Denique in dictione δικαιωσις ζωης vox ζωης est Genitivus destinationis; intelligitur *justificatio quæ ad vitam æternam* (Cf. ψ. 21. *αιωνιον*) obtinendam perducatur. Evangelista JOANNES (Cap. V. 29) istiusmodi Genitivo usus scripsit *εις αναστασιν ζωης* et *εις αναστασιν κρισεως*.

Κατακριμα, *damnatorium judicium*, *condemnatio*, scil. *ad mortem*; nam hanc interpretationem postulat antitheton *εις δικαιωσιν ζωης*. *Mortem* autem hic cogitat non physicam tantum sed et spiritualem sive animæ. Nam versiculo insequenti quid intellexerit *εις κατακριμα* declarans, docet fuisse per illud homines omnes constitutos *peccatores*.

Sensus est: Itaque sicut unum peccatum hominibus omnibus cessit in condemnationem mortificam; ita quoque unum rectè factum hominibus omnibus cessit in vivificam justificationem.

ψ. 19. *Sicut enim per inobedientiam unius hominis etc.*). Est hic versiculus præcedentis elucidatio. Scilicet *declarat* (γάρ) hic Apostolus quid intellexerit illud ἐν παραπτωμα, et quid illud ἐν δικαιωμα, tum etiam quid sibi voluerit per κατακριμα et per oppositam δικαιωσιν. Ergò ἐν παραπτωμα est INOBEDIENTIA ADAMI (παρακοη) de qua Genes. Cap. II. 17. III. 11; et ἐν κατακριμα intelligitur illa condemnatio qua factum est ut ex damnatione ADAM posterius ejus omnes vitiatam peccato naturam parentis nascendo participantes ob peccatricem hanc naturam *constituantur peccatores*; ἐν δικαιωμα autem est Christi ὑπακοη sive obedientia, quæ causa est nostræ justificationis (δικαιωσις) meritoria. Intelligitur autem illa Christi Obedientia, qua humiliavit semetipsum factus obediens Patri usque ad mortem, mortem autem crucis. (Philipp.

(1) Vide supra ad ψ. 16.

Cap. II. γ. 8). Οἱ πολλοὶ opponuntur τῷ ἐνι, ceterum intelliguntur πάντες, nam sunt οἱ πολλοὶ ipsi illi, qui antegresso versiculo (γ. 18) dicti fuerant πάντες ἄνθρωποι. Ideo autem, inquit S. AUGUSTINUS (Contra JULIAN. Lib. VI. C. 4), et ibi omnes et hic omnes, quia nemo ad mortem nisi per illum, nemo ad vitam nisi per istum.—Καθιστάναι est constituere, facere aliquem aliquid, et Passive fieri aliquid, idque non externâ nescio quâ imputatione aut denominatione, sed vera acquisitione atque possessione. Vox καθιστάναι sicut frequentissime in Scripturis Novi Testamenti legitur, ita nusquam non hac significatione adhibetur. Quare præsens locus imprimis valet ad refellendam falsam illam Hæreticorum de imputatâ justitiâ opinionem, et ad firmandam Catholicæ Ecclesiæ de inhærente justitia doctrinam. Rectissime STAPLETONIUS ¹⁾: «Tota, inquit, Apostoli disputatio et hæc maxime conclusio (γ. 18 et 19) veram et inhærentem nobis justitiam per CHRISTUM impertitam luculentissimè probat. Ait enim Apostolus quod sicut per unius ADAMI delictum et inobedientiam omnes homines condemnati sunt et peccatores constituti, sic per unius CHRISTI justitiam et obedientiam omnes homines justificationem vitæ consequuti et justi constituti sunt. At vero per ADAMI delictum omnes homines sic peccatores constituti sunt, ut vere et realiter omnes ex eo propagati nascantur peccatores, nec per imputationem inobedientiæ ADAMI sed ex vero reatu singulis inhærente filii iræ (ut PAULUS alibi dicit) et veri peccatores sint. Hanc partem comparisonis BEZA hoc loco agnoscit, scribens omnes homines planè reos nasci, contracta inde a primo parente culpa. Ergo si collatio Apostoli vera est, per justitiam et obedientiam unius CHRISTI omnes in eo renati sic justi constituti sunt, ut inhærentem justitiam habeant vereque et realiter justi sint. Propagationi carnali ex ADAM, per quam culpa non imputatur sed verè contrahitur, respondet spiritualis regeneratio in CHRISTO (quam hic ab Apostolo intelligi negat BEZA, sed quæ necessario intelligenda est ut vera ac perfecta sit collatio) per quam justi constituuntur qui regenerantur. Dedit enim eis potestatem filios Dei fieri (non reputari aut haberi tantum) qui ex Deo nati sunt (Joh. 1.); et rursum: Videte qualem charitatem dedit nobis Deus, ut filii Dei nominemur et simus (1 Joh. IV). Quare sicut per inobedientiam ADAM peccatores nominamur et sumus, non nominamur aut reputamur tantum; sic per obedientiam CHRISTI justi nominamur et sumus, non nominamur aut reputamur tantum. Contractæ igitur per ADAM culpæ, verè singulis ex eo natis inhærenti, respondet data per CHRISTUM justitia, omnibus ex eo renatis verè inhærens. Propter hanc verè inhærentem justitiam, CHRISTI beneficio nobis impertitam, dicit Apostolus, justi constituentur multi, non dicit, deputabuntur justi». Hactenus STAPLETON.

(1) Antidota Apostolica in Ep. ad Rom. ad Cap. V. 18. 19.

γ. 20—21 Lex autem subintravit ut abundaret delictum. Ubi autem abundavit delictum, superabundavit gratia. 21 ut sicut regnavit peccatum in mortem: ita et gratia regnet per justitiam in vitam æternam, per JESUM CHRISTUM Dominum nostrum.

γ. 20 — 21. Νόμος δὲ παρεισῆλθεν, ἵνα πλεονάσῃ τὸ παράπτωμα. Οὗ δὲ ἐπλεόνασεν ἡ ἁμαρτία, ὑπερεπερίσσευσεν ἡ χάρις. 21 ἵνα ὥσπερ ἐβασίλευσεν ἡ ἁμαρτία ἐν τῷ θανάτῳ, οὕτως καὶ ἡ χάρις βασιλεύσῃ διὰ δικαιοσύνης εἰς ζωὴν αἰώνιον διὰ Ἰησοῦ Χριστοῦ τοῦ Κυρίου ἡμῶν.

Paraphrasis. Mosaica autem lex insuper in mundum introiit in eum finem ut illud naturæ peccatum per multiplices transgressiones redundaret. Sed postquam illud redundasset, copiosissime redundavit gratia; idque factum est in eum finem ut, sicut peccatum illud regnasset inferendo mortem tam animæ quam corpori, ita quoque gratia regnaret per collatam hominibus justitiam, qua perducantur ad vitam obtinendam æternam.

γ. 20. *Lex autem subintravit ut abundaret delictum. Ubi autem, etc.*) Obiter docet, id quod instituto suo mox inserviet, quorsum data fuerit Lex, unà oblique indicans non potuisse per eam auferri peccatum illud quo peccatores constituti fuerant homines omnes (γ. 19). Sensus est: Mosaica autem (δε) lex (νομος) insuper introiit in mundum (παρεισῆλθε), cum alios ob fines, tum etiam ut (ἵνα) peccatum illud (τὸ παράπτωμα), quo homines omnes tenebantur cujusque vi in vetitum propellebantur, occasione legis per multiplices transgressionem veluti redundaret (πλεονάσῃ). Ergo, occasione sumptâ ex Lege, peccatum illud per multiplicatas transgressionem redundavit. Cum autem (οὗ δὲ) sic illud unius peccatum (ἡ ἁμαρτία) redundasset (ἐπλεόνασε), copiosissimè redundavit (ὑπερεπερίσσευσεν) illa unius gratia (ἡ χάρις).

Νόμος, absque Articulo, de Mosaica lege. Vide suprâ p. 153. Et confirmatur hæc interpretatio ex loco parallelo Ep. ad Gal. III. 19: *Propter transgressionem posita est*, scil. lex Mosaica. Cf. ibid. γ. 17. Particula δε respicit illud quod supra (γ. 13) dixerat, usque ad legem peccatum erat in mundo, adeoque usum transitivum heic habet; transitur nempe a tempore quod fluxit ante legem publicatam ad Mosaicam legislationem. Παρεισερχεσθαι sæpe quidem notat¹⁾ clam intrare ac veluti irrepere, sed hæc notio præsentī loco non convenit. Nam quī tandem irrepsisse intelligatur Lex, quum sciamus (Exod. XIX. XX) eam publice fuisse promulgatam, idque non sine multis cæremoniis? Sed παρεισερχεσθαι valet etiam insuper intrare²⁾, qua notione ea vox hic sumenda

(1) Cf. FRITSCHÉ ad h. l. Ex libris N. T. pertinent huc voces παρεισάκτος (Gal. II. 4) subintroductus, irreptilius, et παρεισαγεν (2 Petr. II. 1) clam introducere.

(2) Hoc sensu παρεισερχομαι legitur apud PHILONEM De mundi opificio. 1. p. 36. ed. MANGÉY. Cf. FRITSCHÉ ad præsentem PAULI locum. Ex libris N. T. pertinet huc vox παρεισφέρει, 2 Petr. I. 5.

est. Scilicet dicitur per Prosopopœiam post ingressum in mundum peccatum (γ. 12), *insuper intrasse in mundum lex*.—

Particulam *ἐν α* plerique Interpretes hoc loco tamquam *ἐκ βατικῶς* sive de *rei eventu* dictam sumunt. Malè. Nam ut taceam adhuc disputari utrum nec-ne Particula *ἐν α* in libris Novi Testamenti alicubi *ἐκ βατικῶς* dicatur, in præsentī tamen loco *ἐν α* sumendum esse *τελικῶς* sive de *finē* aut *scopo rei*, certum est ex loco parallelo isto (ad Gal. III. 19): *Propter transgressionē posita est lex*, h. c. *ad augendas transgressionē*¹⁾; nam hunc sensum ut jam græca ejus loci verba *τῶν παραβάσεων χάριν*²⁾ valde commendant, ita eundem veluti postulat contexta oratio, nam statim pergit ibi dicere Apostolus: *Lex ergo adversus promissā Dei?* Ad quæ verba Estius: «Ex præcedenti, inquit, responsione (γ. 19. *Lex propter transgressionē posita est*) emergit hæc quæstio, quasi dicat Apostolus: Si propter transgressionē lex posita est, non impediendas (sic enim quæstio locum non haberet) sed augendas potius: num ergo fatebimur legem adversari promissionibus divinis easque evertere? Quoniam enim (lex) transgressores constituit homines, videtur obstare ne promissiones ipsi ABRAHÆ factæ ad eos perveniant et in iis impleantur; quandoquidem transgressoribus non benedictio, sed maledictio per ipsam legem denunciatur.» Hactenus Estius ad Gal. III. 19.

Igitur Particula *ἐν α* in dictione *ἐν α πλεονασῇ τὸ παραπτῶμα* sumenda est ut dicta de *causa finali*, Dicat quis: At si data fuerit lex in eum finem ut abundaret *τὸ παραπτῶμα*, nonne videatur consequi ipsum Deum legislatorem esse peccati auctorem? Ad hanc quæstionem statim respondebimus; sed prius dicendum est, quid hoc loco intelligendum sit *τὸ παραπτῶμα*, et porro etiam quid *ἡ ἁμαρτία* in sententia proximè insequente: *οὗ δὲ ἐπλεονάσεν ἡ ἁμαρτία*. Nam vulgò haberi solent duæ illæ voces, *τὸ παραπτῶμα* et *ἡ ἁμαρτία*, pro Singularibus collectivis, ita ut hic, nihil mutato verborum sensu, ex æquo scribi potuisset *τὰ παραπτώματα* et *αἱ ἁμαρτίαι*. Quod ego verum esse non putem; nam ut nuspiam alibi Apostolus addito Articulo *τὸ παραπτῶμα* aut *ἡ ἁμαρτία* collectivè dixit, sic plura suadent ut existimemus eas voces in præsentī loco dictas esse de Proto-parentis illo peccato, quo, ipso peccante, per ipsum in ipso peccavit natura quam gerebat humana. Ergo dixerim, utrumque, tam *τὸ παραπτῶμα* quam *ἡ ἁμαρτία*, intelligendum esse peccatum *originale*. Et ratio est, 1^o quia dicitur non in Plurali Numero sed in Singulari

(1) Plerique interpretantur: *ad coercendas transgressionē*.

(2) Bene ESTIUS ad Gal. III. 19. «Legem, inquit, ad hoc subintroductam esse ut augerentur transgressionē, Apostolus (Rom. V. 20.) disertè affirmat, dicens: *Legem subintrasse ut abundaret*

delictum. Cum quo loco ea quæ hic (ad Gal. III. 19) dicuntur omninò conferenda sunt. Ad eum intellectum invitat quoque Græca lectio præsentis sententiæ, quæ ita sonat quasi dicas, *Transgressionum gratiâ, vel ob transgressionum gratiam lex apposita est...* Jam quod alicujus gratiâ sit, non sit ad ejus destructionem, sed profectum».

το παραπτωμα et ἡ αμαρτια ¹⁾. 2° Quia Apostolus in contexta oratione (ϗ. 12-21) ipsis hisce vocibus (τὸ παραπτωμα et ἡ αμαρτια) nec aliis ²⁾ usus est ad naturam illud peccatum designandum. Cf. ϗϗ. 12. 15. 17. 18. 21.; ubi verò loquitur de variis posteriorum ΑΔΕ peccatis, ibi dicit aut αμαρτια absque Articulo (ϗ. 18), aut in Plurali παραπτωματα (ϗ. 16). 3° Quia το παραπτωμα hic sensu non differt ab ἡ αμαρτια, et ἡ αμαρτια pro *antitheto* hic (ϗ. 21) habet ἡ χαρις; atqui ἡ χαρις (το χαρισμα, το δωρημα) in tota hac pericopa (12-21) constanter opponitur non posteriorum ΑΔΕ peccatis *actualibus* sed uni illi peccato quo peccatrix facta est natura humana.

Igitur voces το παραπτωμα et ἡ αμαρτια significant *originale* peccatum. *Abundare* (πλεοναζειν) autem intelligitur illud naturæ peccatum quando in singulis inquinatis exitiale suum virus prodit per multiplices quos committunt actus peccaminosos. Mosaica autem lex divinitus data fuit cum ob alios fines, quos hic enumerare nihil attinet, tum etiam in eum finem ut peccatum illud eo quem dixi modo *abundaret*. Atque hoc est quod docet Apostolus ubi dicit: *Lex autem subintravit ut abundaret delictum*. Quæ interpretatio eo certior est, quòd Apostolus infra (Cap. VII. 7 — 25) rem, quam hic obiter significavit, de industria tractans disertis verbis idem docet, ut ibi sumus dicturi.

Ergo-ne Apostolus legis illius latorem Deum tamquam auctorem peccati hic traducat? Absit! verum sic rem habeto: Lex, ipso docente Apostolo (infra Cap. VII. 10), propriè data fuerat ut hominem perduceret *ad vitam* (εις ζωην) et salutem. Factum autem est, non ex indole legis, sed ex vitiatæ humanæ naturæ concupiscentiâ, ut, lege datâ, consecuta sit abundantia delictorum ³⁾. Quam rem ut Deus præviderat, ita et permisit in eum finem ut homines ex illa delictorum abundantia infirmitatem suam edocerentur atque ita implorarent auxilium liberatoris et liberarentur. Igitur lex cum ob alios fines, tum etiam ad hunc finem obtinendum data fuit; atque eo sensu Apostolus docet,

(1) Sermonem ibi esse non posse de peccato ΑΔΕ quatenus est peccatum hujus personæ *actuale*, vel ex eo patet quòd in præsentì loco agitur de peccato, quod abundaverit postquam in mundum introiisset Lex Mosaica.

(2) Ubi ΑΔΕ peccatum considerat tamquam *actuale* hujus personæ peccatum, ibi vocem παραβασις adhibet. Vide ϗ. 14.

(3) Operæ pretium fuerit hic recitasse quæ hanc in rem notat S. THOMAS (ad h. l.): «Non ad hoc, inquit, fuit data lex ut peccatum abundaret; quin potius lex quantum in se fuit, peccatum prohibuit, secundum illud Psalmi 118: In corde

meo abscondi eloquia tua, ut non peccem tibi. Sed lege data consecuta est abundantia delictorum. Lex enim licet peccatum demonstraret, peccati tamen concupiscentiam non auferebat. Cum autem alicui prohibetur quod concupiscit, vehementius in concupiscentiam illius exardescit, et sicut fluvius opposito obice fortius fluit et obicem frangit. Cujus ratio potest esse triplex. Una quidem, quia illud quod subjacet hominis potestati, non reputat aliquis pro magno, sed illud quod est extra hominis potestatem, apprehenditur ab homine quasi magnum. Prohibitio autem ejus quod concupiscitur ponit illud quod prohibetur quasi extra hominis potestatem; et ideò concupiscentia magis exardescit in rem concupitam, dum prohibetur.

legem subintrasse ut abundaret delictum. Nempe finis legis ibi intelligitur non quidem ipsa abundantia delicti, verum id quod ex illa delicti abundantia consequitur. « *Intentio Dei legem dantis*, ait S. THOMAS (ad h. l.), *non terminatur ad abundantiam peccatorum, sed ad humilitatem hominis, propter quam permisit abundare delicta.* » Quâ sententiâ THOMAS præiverat AUGUSTINUS : « *Hoc est, inquit¹⁾, in lege magnum mysterium, ideò eam datam, ut crescente peccato humiliarentur superbi, humiliati confiterentur, confessi sanarentur.... Non crudeliter hoc fecit Deus, sed consilio medicinæ; aliquando enim videtur sibi homo sanus et ægrotat, et in eo quod ægrotat et non sentit, medicum non quærit; augetur morbus, crescit malitia, quæritur medicus et totum sanatur.* »

ubi autem abundavit delictum, superabundavit gratia). Sensus hujus partis in antegressis fuit expositus. Adverbium *ŌŪ* utrum *Loci* sit an *Temporis* ambigi possit, quum utramque notionem habeat. Attamen in libris Novi Testamenti, *ŌŪ*, quod ibi legitur frequenter, nusquam non *localiter* sumitur. Quare in præsentī quoque loco *ŌŪ* *localiter* sumendum videatur. Tum verò sensus is sit, quem NATALIS ALEXANDER (ad h. l.) his verbis explicat : *In genus humanum, in quo (ŌŪ ubi) abundavit peccatum, misericors Deus superabundantem gratiam effudit.* Fieri tamen potest ut Apostolus Adverbium *ŌŪ* hoc loco sumserit *notione temporali*, quâ valet *quando*, *cum*, volueritque dicere quid factum sit *cum*, occasione legis, abundasset delictum. Interpretes quoque SYRUS *ŌŪ* hoc loco *temporaliter* accepit; nam vertit : *هنا كان* h. e. *et cum auctum esset peccatum.* ESTIUS hanc interpretationem alteri prætulisset, sed dubitabat utrum *ŌŪ* etiam *temporaliter* diceretur. De quo tamen dubitandum non erat, quum certissimum sit. — Verbum *ὑπερπερισσεύω* ut et reliqua Verba cum Præpositione *ὑπερ* composita notionem

Secunda ratio est, quia interiores affectiones quando interius retinentur ita quod exterius non deriventur, ex hoc ipso magis interius incenduntur, sicut patet in dolore et ira, quæ dum interius clausa tenentur magis augentur, si autem exterius quoquo modo prodeant, eorum virtus diminitur. Prohibitio autem propter timorem pænæ cogit hominem ut concupiscentiam suam ad exteriora non perducatur, et ideo ipsa concupiscentia interius retenta, magis inflammatur. Tertia ratio est, quia illud quod non est nobis prohibitum, apprehendimus quasi possibile fieri quandocumque nobis placuerit; et ideo multoties oportunitate existente illud vitamus; sed quando aliquid est prohibitum, apprehenditur a nobis ut non semper a nobis haberi possit; et ideo quando oportunitas datur sine timore pænæ illud consequendi, promptiores ad hoc sumus. Et inde est quod, data lege,

quæ concupiscentiæ usum prohibebat et ipsam concupiscentiam non mitigabat, concupiscentia ipsa magis ferventer homines ad peccata ducebat.»

(1) In Psalm. CII. n. 15. (apud KLEE. ad h. l.) Es scheint dieses DASZ hier wirklich nicht im Sinne der bloßen Folge, sondern des Entzweckes genommen werden zu müssen, in wiefern nämlich Gott durch das Gesetz die Menschheit, welcher es hingegeben war, zum Bewustseyn der Sünde, und durch die Uebertretung, die er freylich nicht wollte aber voraussah und zuließ, zur Anerkennung ihres groszen innern Elendes zu bringen, die Absicht hatte, damit die immer tiefer Sinkenden so mit vollkommener Einbusze ihres Selbstvertrauens endlich zum Herrn aufschreyen, und in ihrer Demuth der Erlösung würdig und fähig seyn möchten. » KLEE ad h. l.

habent non *comparativam* sed *superlativam*. Itaque sensus non est, *Gratia abundantior fuit*, sed *abundantissima fuit*. In his verbis Præpositio ὑπερ *auget* notionem verbi. Sic (2 Thess. I. 3) ὑπερᾶνξανω est *valde cresco*, et (Rom. VIII. 37.) ὑπερνικᾶω *egregiè vinco*. Meritò autem *gratia* (ἡ χάρις) *superabundasse* dicitur, dum non tantùm a peccatis liberat, sed et amicos Dei constituit, et hæredes, secundum spem, vitæ æternũ felicis;

γ. 21. *ut sicut regnavit peccatum in mortem ita et gratia regnet, etc.*) Pendet hæc a proximè antegressis ὑπερεπερίσσευσεν ἡ χάρις. Nam quominus Verba οὗ δε... ἡ χάρις pro parentheticis habeantur, multa prohibent. Itaque postremo hoc Capituli versiculo docetur *quemnam in finem* (ἵνα) *copiosissimè redundaverit gratia* (ὑπερεπερίσσευσεν ἡ χάρις). Nota, copiosissimæ redundantis illius gratiæ *effectum* ab Apostolo considerari tamquam ejusdem *finem* et *scopum*. Ergo copiosissimè redundantis illius gratiæ *finis* sive *scopus* is fuit, *ut sicut* ἄπερ peccatum (ἡ ἁμαρτία) *regnasset inferendo mortem* (ἐν τῷ θανάτῳ) *tam animæ quam corpori, ita etiam* (καὶ) *gratia* (ἡ χάρις) *regnaret per collatam hominibus justitiam* (διὰ δικαιοσύνης), *qua perducantur ad vitam obtinendam æternam* (εἰς ζωὴν αἰώνιον).

Ἡ ἁμαρτία de peccato *originali*, ut diximus ad γ. 20. Dictionem ἐν τῷ θανάτῳ Gallice reddideris *par la mort*; Præpositio ἐν ibi dicta est de *instrumento* quo peccatum illud *regnum* suum exercuit; Præpositioni ἐν hic in altero comparisonis membro respondet Præpositio διὰ, ubi dicitur διὰ δικαιοσύνης. Ceterum *mortem* intelligendam hic esse *mortem* tam *corporis* quam *animæ*, id quidem satis colligitur ex antitheto: διὰ δικαιοσύνης εἰς ζωὴν αἰώνιον. Nam sicut δικαιοσύνη *morti* spirituali sive *animæ* opponitur, ita quod dicitur εἰς ζωὴν αἰώνιον opponitur *morti* physicæ sive *corporis*. Δικαιοσύνη *justitia* intelligitur illa quæ supra (Cap. I. 17) ab Apostolo vocata fuit δικαιοσύνη Θεοῦ, illa, inquam, quæ non Dei sed hominis quæpiam qualitas est, quam dum homini impertit Deus, hominem *justum* facit; quâque fit ut homo, qui nascitur filius primi ADAMI, transferatur in statum gratiæ et adoptionis filiorum Dei per merita secundi ADAMI, JESU CHRISTI Salvatoris nostri; ut ad eò ex injusto fiat *justus*, et ex inimico amicus, atque, secundum spem, hæres vitæ æternæ¹⁾. — Δικαιοσύνη εἰς ζωὴν αἰώνιον ut suprâ (γ. 13) εἰς δικαιοσύνην ζωῆς.

(1) Cf. quæ notavimus ad Cap. I. γ. 17.

CAPUT SEXTUM.

ARGUMENTUM. *Pergit nunc Apostolus docere ad quem modum justificados vitam instituere oporteat. Transit autem ad eam rem tractandam, occasione captatâ ex modo dictis, undè nonnemini videri poterat innuisse, non esse a peccando desistendum ut gratia eo magis abundaret. Apostolus igitur falsam hanc conclusionem proponit, eamque mox abominatus tamquam insanam rejicit, ducto argumento a contrario effectu gratiæ (1-3). Atque hac transitione usus, deinceps pluribus probat, justificados esse planè mortuos peccato et novam Deoque dicatam inchoasse vitam; probat autem argumentando a sacramento Baptismatis significantis, esse nos cum CHRISTO mortuos et sepultos atque ad novam vitam excitatos (3-12). Estque hæc prior hujus Capituli pars; quam partem ejus doctrinalem recte vocaveris; nam quæ porro sequuntur usque ad finem capituli, exhortatoria sunt ferè omnia. Ergo illatione factâ ex præcedenti doctrinâ Apostolus Romanos adhortatur, ut quandoquidem mortui sunt peccato, deinceps, represso peccati fomite, Deo et justitiæ vivant. Et ad hoc præstandum animos illis addit, rem commendando a facili; faciliè poteritis, inquit, quod dico, facere, quippe qui non estis sub lege sed sub gratia (12-15). Hinc verò transiturus erat Apostolus ad novum quid tractandum, ad tractandum, inquam, de Evangelica a dominio legis libertate. Sed quum sentiret, posse id quod modò dixerat non estis sub lege, malè a nonnullis explicari de concessa peccandi licentia, prius falsam illam consequentiam cum indignatione rejicit, docetque liberatos a peccato per CHRISTI gratiam factos esse servos justitiæ; quam servitutem ut gnaviter serviant illos vehementer adhortatur, ducto argumento hinc quidem a pernicioso effectu peccati, illinc vero a præclarissimo fructu Christianæ servitutis (15-23). De Evangelica autem a dominio legis libertate dicturus est capite sequenti.*

ψ. 1—3. Quid ergo dicemus, permanebimus in peccato ut gratia abundet? ² Absit. Qui enim mortui sumus peccato, quomodo adhuc vivemus in illo? ³ An ignoratis quia quicumque baptizati sumus in CHRISTO JESU, in morte ipsius baptizati sumus?

ψ. 1—3. Τί οὖν ἐροῦμεν; ἐπιμενοῦμεν^{a)} τῇ ἁμαρτίᾳ, ἵνα ἡ χάρις πλεονάσῃ; ² Μὴ γένοιτο. Οἵτινες^{b)} ἀπεθάνομεν τῇ ἁμαρτίᾳ, πῶς ἔτι ζήσομεν ἐν αὐτῇ; ³ Ἡ ἀγνοεῖτε ὅτι ὅσοι ἐβαπτίσθημεν εἰς Χριστὸν Ἰησοῦν, εἰς τὸν θάνατον αὐτοῦ ἐβαπτίσθημεν;

Paraphrasis. Quæ cum ita sint, quid igitur inde conficiemus? Num maneamus peccato addicti, ut nostri respectu gratia sit abundans? Absit ut hoc fiat! Nam quomodo peccato vivamus nos qui Christiani sumus, tales, inquam, qui jam mortui sunt peccato? Aut num ignoratis, nos, quotquot fuimus per baptismum JESU CHRISTO addicti sacrati-que, baptizatos fuisse ad moriendum cum ipso?

VARIANS LECTIO.

^{a)} Pro ἐπιμενοῦμεν legitur ἐπιμενώμεν in Codd. ABCDEFG multisque Minusculis. Quæ lectio, quum alteri auctoritate testimoniorum tantopere præstet, indubie præferenda est, eoque magis quòd facile fieri potuerit, ut ob præcedens ἐροῦμεν librarius unus et alter etiam ἐπιμενοῦμεν scribendum esse existimaverit.

^{b)} Post οἵτινες additur γαρ in Codd. FG.; quod pro glossemate habuerim.

ψ. 1. Quid ergo dicemus? Permanebimus in peccato, ut gratia abundet? Progreditur jam Apostolus ad quem modum justificados vitam instituerè oporteat. Transit autem ad hanc materiam tractandam, occasione captatâ ex modò (ψ. 20) dictis, unde nonnemini videri poterat innuisse non esse a peccando desistendum ut efficacia gratiæ in nobis eo magis abundaret eoque illustrior appareret. Confer hujus capituli Argumentum.

Τί οὖν ἐροῦμεν; quid igitur (οὖν h. c. cum res ita sit ut dixi ψ. 20) dicemus indeque colligemus? Num in peccato (τῇ ἁμαρτίᾳ) permaneamus (ἐπιμενώμεν in Coniunctivo deliberantis) ut gratia abundet, dum scilicet peccando hoc effecimus ut numquam desit quod nobis condonetur?—Sive legas ἐπιμενοῦμεν in Futuro, sive ἐπιμενώμεν

in Præsenti Coniunctivi, sensus eòdem recidit; sed posterior hæc lectio, ut diximus (Vide Var. lect.) alteri præstat. Istiusmodi Coniunctivi *deliberantis* exemplum est in hoc Marci (Cap. XII. 14): *δῶμεν ἢ μὴ δῶμεν*; ceterum de isthoc Coniunctivi usu apud Græcos videsis KÜHNERUM §. 464. α.—Dictionem *ἐπιμενεῖν τῇ ἁμαρτίᾳ* pressius reddideris *immorari peccato*; sensus autem est: *Num maneamus addicti peccato?* Et nota, dici in Singulari Numero, addito Articulo, *τῇ ἁμαρτίᾳ*. Quem Singularem Numerum hoc loco pro *collectivo* habent plerique, quasi PAULUS sibi voluerit: *Num perseveremus in peccando?* Ego verò putaverim, Apostolum per peccatum, de quo hic dicit *ἐπινοῶμεν τῇ ἁμαρτίᾳ*, significare pravam illam concupiscentiam, quæ manet etiam in renatis *ad luctam*, quæque passim ab eo vocatur *ἡ ἁμαρτία*, quum orta sit ex peccato (originali) et ad peccatum committendum hominem inclinet ¹⁾. Cujus interpretationis ratio est, quia *ἡ ἁμαρτία*, quæ hic dicitur, profectò una eademque est cum ea de qua infra (§. 12), præsentem sermonem concludendo, Apostolus dicit: *Non ergo regnet peccatum (ἡ ἁμαρτία) in vestro mortali corpore, ita ut obediat concupiscentiis ejus*; quo loco vocem *ἡ ἁμαρτία* de *habituali concupiscentia* sumendam esse nemo facile negaverit. Igitur ex sententia Apostoli is hic intelligitur *ἐπιμενεῖν τῇ ἁμαρτίᾳ*, qui baptismo mundatus ab originali peccato, deinceps peccando obtemperet pravæ concupiscentiæ quæ ex illo peccato remanet etiam in renatis.

§. 2. *Absit! Qui enim mortui sumus peccato (τῇ ἁμαρτίᾳ), quomodo adhuc vivemus in illo?* Falsam illam quam dixi consequentiam Apostolus tamquam absurdam rejicit; statimque illius absurditatem probat ducto argumento ex repugnantibus; quasi dicat: Insania sit velle eidem rei et mori et vivere; atqui nos Christiani mortui sumus peccato (*τῇ ἁμαρτίᾳ*), quomodo (*πῶς*) ergo amplius illi vivere poterimus (*ζήσομεν*)?

Futurum *ζήσομεν* adhibitum hic est de *ethica*, ut vocant, *possibilitate*. Qualia Futura Latine expresseris *Modo Coniunctivo Potentiali*; ut hic: *Quomodo illi amplius vivamus?* Interrogatio *πῶς* est *Negantis*; itaque sensus est: *Non possumus (ethicè loquendo) amplius illi vivere.* *Ἡ ἁμαρτία* sumenda est eodem sensu, quo modò (§. 1.); postulat hoc contexta oratio. Dativus autem ille *τῇ ἁμαρτίᾳ* peccato (*mori*) notat *non obtemperare pravæ naturæ concupiscentiis*; ex quo unà intelligitur quid sit *ζῆν ἐν τῇ ἁμαρτίᾳ* vivere in peccato, pro quo Apostolus ex æquo scribere potuisset *ζῆν τῇ ἁμαρτίᾳ* vivere peccato, quo modo infra (Cap. XIV. 8) dixit *τῷ Κυρίῳ ζῶμεν*. Cf. etiam Gal. II. 8). Ceterum Præpositio *ἐν* ibi dicitur veluti *de spatio*, in quo quis positus versatur. Conferatur illud Luc. I. 6: *πορευόμενοι ἐν πάσαις ταῖς ἐντολαῖς τοῦ κυρίου*. Logicè ergo *ἐν τῇ ἁμαρτίᾳ* valet *secundum* sive *ad normam*, dic-tamen peccati. Non tamen rectè dixeris Præpositionem *ἐν* Grammaticè etiam valere *secun-*

(1) Vide supra, p. 149.

dum. — *Οἵτινες*, quod in principio hujus versiculi legitur, proprie reddendum sit : ut (tales) qui mortui sumus peccato, quomodo, etc.

ψ. 3. *An ignoratis quia quicumque baptizati sumus, etc.*) Illud quod modo dixerat, *Christianos esse mortuos peccato*, deinceps probat, ducto argumento ex eo quod in Sacramento Baptismatis significatur simul et efficitur. Sensus est : Aut num ignoratis, nos, quotquot fuimus per baptismum JESU CHRISTO addicti sacratique, baptizatos fuisse ad moriendum cum ipso? — Eā scilicet morte quæ sicut per Baptismum significatur, ita quoque per eundem efficitur.

De locutione βαπτίζεσθαι εἰς Χριστόν vide quæ notavimus ad Act. VIII. 16 et XX. 2. 3. Dictionem βαπτίζεσθαι εἰς τὸν Θάνατον αὐτοῦ reddiderim baptizari ad mortem ejus; quod explicaverim ad moriendum cum ipso. Atque hanc interpretationem omninò suadet id quod statim sequitur (ψ. 4) : συνεταφημεν συν αὐτῷ consepulti igitur sumus cum illo. Docet ergo Apostolus, ad hoc baptizari quotquot baptizantur, ut per baptismum moriantur cum CHRISTO. Quānam verò morte? *Symbolicā* simul et *reali*; nam qui baptizantur, h. e. aquis immerguntur, hoc signo CHRISTUM mortuum sepultumque repræsentant; sed quemadmodum CHRISTUS per mortem suam *mortuus est peccato* (τῇ ἁμαρτιᾷ), ut infra (ψ. 10) Apostolus dicit, ita quoque illi qui baptizantur verè moriuntur *peccato* (τῇ ἁμαρτιᾷ), vel, quod idem est, moriuntur *secundum veterem hominem*. Confer ψ. 6.

ψ. 4—7. Consepulti enim sumus cum illo per baptismum in mortem : ut quomodo Christus surrexit à mortuis per gloriam Patris, ita et nos in novitate vitæ ambulemus.

⁵ Si enim complantati facti sumus similitudini mortis ejus : simul et resurrectionis erimus. ⁶ Hoc scientes, quia vetus homo noster simul crucifixus est, ut destruat corpus pec-

ψ. 4—7. Συνεταφημεν οὖν ^{a)} αὐτῷ διὰ τοῦ βαπτίσματος εἰς τὸν θάνατον, ἵνα ὡσπερ ἠγέρθη Χριστὸς ἐκ νεκρῶν διὰ τῆς δόξης τοῦ πατρὸς, οὕτως καὶ ἡμεῖς ἐν καινότητι ζωῆς περιπατήσωμεν.

⁵ Εἰ γὰρ σύμφυτοι γεγόναμεν τῷ ὁμοιώματι τοῦ θανάτου αὐτοῦ, ἀλλὰ ^{b)} καὶ τῆς ἀναστάσεως ἐσόμεθα, ⁶ τοῦτο γινώσκοντες, ὅτι ὁ παλαιὸς ἡμῶν ἄνθρωπος συνεσταυρώθη, ἵνα καταργηθῇ τὸ σῶ-

Paraphrasis. Itaque per baptismum illum mortificantem sepulti sumus cum illo, idque in eum finem ut sicut CHRISTUS e mortuis suscitatus est per gloriosam potentiam Patris et Deo vivit, ita quoque nos e baptismi sepulcro ad novam vitam excitati in ea vitæ novitate vivere pergamus. Nam si CHRISTO conformes facti sumus per similitudinem mortis ejus, profectò etiam per similitudinem resurrectionis et novæ vitæ ejus conformes illi esse volemus, quippe qui scimus hoc, scilicet veterem nostrum hominem unā cum CHRISTO affixum fuisse cruci ut destrue-

eati, et ultra non serviamus peccato. 7 Qui enim mortuus est, justificatus est a peccato.

μα τῆς ἁμαρτίας τοῦ μηκέτι δουλεύειν ἡμᾶς ἢ τῇ ἁμαρτίᾳ. 7 Ὁ γὰρ ἀποθανὼν δεδικαίωται ἀπὸ τῆς ἁμαρτίας.

retur vetus illud corpus peccati in eum finem ut non ultra, sicut antea faciebamus, serviremus peccato. Et verò post mortem nemo peccat, liberatusque est a dominatu peccati.

VARIANS LECTIO.

a) Pro *enim*, quod Latina Vulgata hoc loco exhibet, constanter legitur οὖν igitur in Græcis Codicibus.

b) Pro *ἁμα* legitur ἡμα in Codd. FG., quam lectionem etiam Vulgata refert.

γ. 4. *Consepulti enim sumus cum illo per baptismum in mortem.*) Græcè est *consepulti igitur* (οὖν), quæ particula οὖν est hic *inferentis ex concomitanti*. Scilicet qui baptizantur, hi per baptismum sicut cum CHRISTO moriuntur ita et cum illo sepeliuntur. Vetus ille homo noster peccator (Cf. γ. 6) per Baptismi sacramentum, quod efficit id quod significat, cum CHRISTO et moritur et sepelitur.

Verba *εἰς τὸν Θάνατον* jungenda sunt non cum *συνεταφήμεν* sed cum *βαπτισματος*, ut adeò sensus sit: *Itaque per baptismum illum mortificantem (διὰ τοῦ βαπτισματος εἰς τὸν Θάνατον¹⁾) sepulti sumus cum illo, ut, etc.*

ut quomodo Christus surrexit a mortuis per gloriam Patris, ita et, etc. Exponit *quem in finem* ii qui baptizantur, per baptismum cum CHRISTO moriantur et sepeliantur. Et finis est, inquit, ut sicut CHRISTUS per *omnipotentiam* (διὰ τῆς δοξῆς) Patris e mortuis *suscitatus est* (ἠγερθῇ) Deoque vivit (γ. 10), ita quoque nos (*e baptismi sepulcro ad novam vitam excitati²⁾*) novæ huic, quam acquisivimus, vitæ convenienter, id est, Deo (Cf. γ. 11) viveremus,

(1) Accuratus, opinor, scripsisset, repetito Articulo, διὰ τοῦ βαπτισματος τοῦ εἰς τὸν θάνατον.

(2) THEOPHYL. ad Coloss. Cap. III. 1. : Το βαπτισμα ὡς περ διὰ τῆς καταδύσεως, θάνατον, οὕτω διὰ τῆς ἀναδύσεως τὴν ἀνάστασιν τυποῖ. h. e. Baptisma, ut per immersionem, mortem, sic per emersionem, resurrectionem

significat. CURYS. in Cap. 3 Joh. ad γ. 5 : Ἡμῶν καθάπερ ἐν τινι τάφῳ, τῷ ὕδατι καταδυνάμεν τὰς κεφαλὰς, ὁ παλαιὸς ἄνθρωπος βαπτίζεται· εἰτα ἀνανεοῦνται ἡμεῖς, ὁ καινὸς ἀνίστη παλιν. h. e. In aqua, tamquam in sepulcro quòpiam, caput immergentibus nobis, vetus homo sepelitur ,... deinde nobis emergentibus, novus inde exsurgit.

Pro *δοξα* alibi (2 Cor. XIII. 4. Eph. I. 10) Apostolus in simili sententia adhibuit voces *δυναμις*, et *κρατος της ισχυος αυτου*. Igitur *δοξα* hic intelligitur Dei gloria vel majestas quatenus conspicua fuit in potentia quam exseruit in Christo e mortuis resuscitando. Cf. Joh. XI. 40.

ψ. 5. si enim complantati facti sumus similitudini mortis ejus, etc.) . Apostolus hic confirmat (*γαρ*) superiorem sententiam qua innuerat, baptizatos vivere oportere convenienter novæ vitæ quam per baptismum acquisiverint. Sed interpretes nostri, ut mihi quidem videtur, in hoc versiculo reddendo mentem Apostoli non satis assecutus est. Ego, certe mentem Apostoli hanc esse putaverim: *Nam si Christo conformes facti sumus per similitudinem mortis ejus, profectò etiam per similitudinem resurrectionis et novæ vitæ ejus conformes illi erimus* (h. e. esse volumus). Quod quidem fiet, si quemadmodum CHRISTUS a mortuis resuscitatus *vivit Deo* (ψ. 10), ita quoque baptizati ad novam vitam excitati, in ea vitæ novitate vivere pergant, *Deo viventes* (ψ. 11).

Nota 1º, Post *συμφυτοι* supplendum esse *αυτω* ex (ψ. 4.) *συνεταφημεν αυτω*. 2º Ante *εσομεθα* mente repetendam esse vocem *συμφυτοι* ex antegresso *συμφυτοι γεγοναμεν*. 3º Dativum *τω ομοιωματι* non pendere a *συμφυτοι*, sed esse Dativum Instrumenti, ut adeo *τω ομοιωματι* valeat *per similitudinem*. 4º Secundum accuratorem syntaxin scribendum fuisse *τω (scil. ομοιωματι) της αναστασεως*. 5º Adeoque plenam Apostoli orationem fore hanc: *Ει γαρ συμφυτοι αυτω γεγοναμεν τω ομοιωματι του θανατου αυτου, αλλα και τω ομοιωματι της αναστασεως αυτου συμφυτοι αυτω εσομεθα*. 6º Si *τω ομοιωματι* penderet a *συμφυτοι*, Apostolus in altera parte sententiæ scripsisset non *αλλα και της αναστασεως* sed *αλλα και τη αναστασει*. 7º Particulam *αλλα* ¹⁾ hoc loco eam notionem habere, quam in Latino sermone habet Particula *at* post *si*. Vim ejus Particulæ in præsentī loco per *certe* recte reddideris. 8º Futurum *εσομεθα* hic adhiberi de consilio animique proposito. 9º Vocem *συμφυτος* etiam valere *συγγενης cognatus*, et *improprie* etiam *conformis*, *similis* ²⁾. 10º Resurrectionem (*αναστασις*) quæ hic dicitur, referri non posse ad resurrectionem carnis. Patet hoc ex contexta oratione; nam sermo ibi est non de morte *corporali*, sed de morte qua vetus homo noster per Baptismum moritur peccato; quia ergo agitur de morte *spirituali*, consequitur de *spirituali* quoque resurrectione sermonem ibi institui.

ψ. 6. hoc scientes, quia vetus homo noster simul crucifixus est, etc.) .

(1) De *αλλα* in fronte Apodoseos post Protasin hypotheticam, vidēsis KÜHNERUM §. 758. 1. a.; HARTUNG. Tom. II. p. 40. 8., et KLOTZ ad DE-VARIUM, Vol. 2. p. 93 sq.

(2) Vide HOMBERG Parerg. p. 222.

Nexus orationis hic est : Conformes illi esse volumus , *quum sciamus hoc , scilicet veterem nostrum hominem* , etc. Itaque versiculus hic *rationem* continet *paræneticam* , ob quam baptizati velle debeant *ambulare in novitate vitæ* (γ. 4) , atque ita Christo sese conformare , exprimendo in se per novam vitam , quam continuò agunt , *similitudinem resurrectionis ejus* (γ. 5).

Duos PAULUS homines distinguit , veterem et novum. Et *veterem* quidem appellat eum qui peccato ab ADAMO contaminatam vitiatamque naturam nascendo participavit corruptæque hujus naturæ concupiscentiis obsequitur. Cf. Ephes. IV. 22—25. Coloss. III. 9. 10. Itaque *veterem nostrum hominem* Apostolus dicit per Metonymiam *Subjecti pro Accidente*.¹⁾ Is autem *vetus homo noster unà cum Christo cruci affixus fuit* (ὁ παλαιος ἡμῶν ἀνθρώπος συνεσταυρώθη) , quia nempe in persona CHRISTI , qui factus est pro nobis *maledictum* (Gal. III. 13. Rom. VIII. 3. , 2 Cor. V. 21) , quippe qui semetipsum dedit ἀντιλυτρον pro omnibus (1 Tim. 6) , lapsum humanum genus universum cruci affixum fuit. Et factum hoc est ut (ἵνα) destrueretur (καταργηθῇ) *vetus ille homo peccator* , idque in eum finem ut (τοῦ μηκέτι δουλεύειν ἡμᾶς) non ultra , sicut antea faciebamus , serviremus peccato (τῇ ἁμαρτίᾳ).

Το σῶμα τῆς ἁμαρτίας intelligitur corpus quod gerit homo ut in ADAMO lapsus antequam restituatur in CHRISTO , quodque illi pro instrumento est ad obediendum corruptæ naturæ concupiscentiis. Cf. γ. 12. 13. — Τοῦ μηκέτι δουλεύειν ἡμᾶς est Infinitivus finis ; de quo videsis quæ notavimus in Commentario in Ep. ad Philipp. ad Cap. III. 10. Quod dicit Apostolus ut ne ultra (τοῦ μηκέτι) serviamus τῇ ἁμαρτίᾳ , peccatum intelligit quo sensu illud sumendum esse diximus supra γ. 2 , nec aliter vox ἁμαρτία capienda est in dictione το σῶμα τῆς ἁμαρτίας. Ceterum ἡ ἁμαρτία hic per Prosopopœiam sistitur tamquam domina , cui qui peccant , servitutem exhibeant.

γ. 7. Qui enim mortuus est , justificatus est a peccato). Quod in antegressa sententia docuerat , scilicet , oportere eos qui secundum veterem hominem cum CHRISTO sunt crucifixi mortuique peccato (τῇ ἁμαρτίᾳ) , non amplius *servire peccato* (δουλεύειν τῇ ἁμαρτίᾳ) , illud hic confirmat (γὰρ) per sententiam e vita communi depromptam hanc : *Post mortem nemo peccat*. Itaque confirmatio fit superioris sententiæ per comparisonem a simili. Quare id quod dicit Apostolus ὁ ἀποθανὼν is qui mor-

(1) S. THOMAS (ad h. l.) : « Hæc vetustas hominis per peccatum inducta est , in quantum per peccatum bonum naturæ corrumpitur ; quæ quidem vetustas in homine principatur , quamdiu

peccato homo subjacet ; et quia id , quod est principale in homine , dicitur esse ipse homo , inde est quod in eo qui peccato subicitur , ipsa vetustas peccati dicitur esse vetus homo. »

tuus est, illud de morte *physica* sumendum est; nam si ad mortem *ethicam* illud retuleris, nulla erit comparatio, adeoque nec ulla confirmatio. Inde verò consequitur, non esse *theologico* sensu sumendum id quod ibi additur *δεδικαιωται απο της αμαρτίας*, sed sensu *forensi*; eo, inquam, sensu quo *δικαιουσθαι απο* valet *ελευθερουσθαι liberari*: Qui mortuus est, *declaratus est liber* (*δεδικαιωται*) a peccato, puta hic, veluti a *Domino servitutem exigente*. Similem notionem hoc loco verbo *δικαιουσθαι* subji- ciunt quoque CHRYSOSTOMUS ¹⁾ et THEODORETUS ²⁾.

γ. 8—11. Si autem mortui sumus cum CHRISTO: credimus quia simul etiam vivemus cum CHRISTO: ⁹ scientes quòd CHRISTUS resurgens ex mortuis jam non moritur, mors illi ultra non dominabitur. ¹⁰ Quòd enim mortuus est peccato, mortuus est semel: quòd autem vivit: vivit Deo. ¹¹ Ita et vos existimate, vos mortuos quidem esse peccato, viventes autem Deo, in CHRISTO JESU Domino nostro.

γ. 8—11. Εἰ δὲ ἀπέθανομεν σὺν Χριστῷ, πιστεύομεν ὅτι καὶ σὺν ζήσομεν αὐτῷ, ⁹ εἰδότες ὅτι Χριστὸς ἐγερθεὶς ἐκ νεκρῶν, οὐκ ἔτι ἀποθνήσκει, θάνατος αὐτοῦ οὐκ ἔτι κυριεύει. ¹⁰ Ὁ γὰρ ἀπέθανε τῇ ἁμαρτίᾳ ἀπέθανεν ἐφάπαξ· ὁ δὲ ζῆ, ζῆ τῷ Θεῷ. ¹¹ Οὕτω καὶ ὑμεῖς λογίζεσθε, ἑαυτοὺς νεκροὺς μὲν εἶναι τῇ ἁμαρτίᾳ, ζῶντας δὲ τῷ Θεῷ ἐν Χριστῷ Ἰησοῦ τῷ Κυρίῳ ἡμῶν.

Paraphrasis. Quod si per baptismum peccato mortui sumus cum CHRISTO, ut sumus verà, confidimus fore ut sicut CHRISTUS e mortuis resuscitatus, novam vivit vitam, ita et nos haud amplius peccato servientes novam cum CHRISTO etiam vitam agamus, quippe qui scimus, CHRISTUM, quem vita nostra exprimere debemus, postquam e mortuis resuscitatus est, haud amplius mori, haud amplius mortem illi dominari; nam quam mortem mortuus est, peccato eam mortuus est semel, quam verò vivit vitam, Deo eam vivit. Atque ita vos quoque reputate vos tales esse qui mortui sint peccato, vivant autem in honorem et gloriam Dei.

(1) S. CHRYS. Hom. XI. in ep. ad Rom. ad verba Apostoli ὁ γὰρ ἀποθάνων δεδικαιωται απο της αμαρτίας, hæc notat: Περὶ παντός ἀνθρώπου, inquit, τούτο φησιν, ὅτι ὡς περ ὁ ἀποθάνων ἀπηλλαχται το λοιπόν του ἁμαρτανειν, νεκρός κειμενος, οὕτω καὶ ὁ ἀναβας απο του βαπτισματος· ἐπειδὴ γὰρ ἀπαξ ἀπεθανεν ἐκεί, νεκρον δει μενειν διαπαντος τῇ ἁμαρτίᾳ. Εἰ τοίνυν ἀπεθανες ἐν τῷ βαπτισμῷ, μὲν νεκρός· καὶ γὰρ ἕκαστος ἀποθάνων, οὐκετι ἁμαρτανειν δυναίτ' ἂν· εἰ δὲ ἁμαρτανεις, λυμάνη του Θεου την δωρεαν. h. e. « De omni homine hoc dicit, quod, quemadmodum qui mortuus est, deinceps liberatus est a peccando, mortuus quum jaceat; sic qui

adscendit a baptismo. Quia enim illic semel mortuus est, oportet ut omnino mortuus peccato maneat. Si ergo mortuus es in baptismo, mane mortuus; etenim quisquis mortuus est, non ultra peccare potest; si autem pecces, Dei donum labefactas.

(2) THEODORETUS (ad h. l.): Τίς γὰρ εθεασατο ποῖποτε νεκρον, ἢ γαμον ἀλλοτριον διορτυποντα, ἢ μιαιφονία τας χερας φοινιττοντα, ἢ ἄλλο τι τῶν ἀτοπῶν διαπραττομενον. h. e. « Quis enim unquam mortuum vidit vel alienum cubile constuprantem, vel homicidio manus suas cruentantem, vel aliquid aliud turpe et flagitiosum patrantem?

γ. 8. *si autem mortui sumus cum Christo, credimus etc.*). Series orationis hæc est : quinto versiculo duo dixerat Apostolus : *unum*, baptizatos esse mortuos cum CHRISTO ; *alterum*, eos oportere etiam vivere cum illo ; horum verò *prius* elucidavit versiculis sexto et septimo ; posterius autem elucidat hic, versiculis octavo, nono, et decimo.¹⁾ Undecimus versiculus conclusio est antegressæ (5-10) doctrinæ.

Particula *δε* est hic *transeuntis* ad elucidandam posteriorem partem sententiæ quinto versiculo propositæ. *Εἰ* de re certa hic dicitur, ut supra p. 163 ; reddi per *quandoquidem* hic possit. *Mortui sumus* scil. peccato per acceptum baptismum. Vide supra ad γ. 3. *Πιστευομεν* hoc loco referendum est non ad intellectum sed ad voluntatem, ut adeo hic valeat *confidimus*. Quod autem ibi dicitur *συζησομεν αὐτῷ*, pertinet hoc non ad gloriosam illam cum CHRISTO vitam post carnis resurrectionem, sed ad vitam gratiæ. Bene ESTIUS (ad h. l.) : « CHRYSOSTOMUS alique multi, *inquit*, dictum hoc accipiunt de *vita gloriæ*, quam expectamus per resurrectionem, ut simile sit illi quod ait (2 Tom. II) : *si commortui sumus, et convivemus ; si sustinebimus, et conregnabimus*. At certe contextus hic exigit, ut intelligatur de vita per novitatem CHRISTO resurgenti conformatâ, quæ est vita gratiæ ; ut sit sensus : Si mortui sumus peccato..., confidimus, sicut CHRISTUS resuscitatus a morte vivit novam vitam, ita nos quoque novam, id est a vetustate peccati repurgatam vitam deinceps acturos.... Sensum hunc, præter alia tam superiora quam sequentia, manifeste vult illa conclusio quam paulo post (γ. 11) infert : *Ita et vos existimate vos mortuos quidem esse peccato, viventes autem Deo in CHRISTO JESU.* » Hactenus ESTIUS. Addo, etiam S. BASILIUM²⁾ et THEOPHYLACTUM³⁾ præsentem locum retulisse ad spiritualem vitam gratiæ, quæ posita sit in hoc, quod justificati vitam gratiæ beneficio partam conservent novæque illius vitæ actiones edant continuò, hac ratione vitam illam imitantes quâ CHRISTUS e mortuis revocatus continuò vivit Deo (Cf. γ. 10). Ceterum, quod dicit *πιστευομεν* communicativè lo-

(1) THEOPHYLACTUS (ad h. l.) : Δοκει, *inquit*, παλιλλογειν, ἀλλ' οὐκ ἐστὶ. Καὶ γὰρ ἀνωτέρω μὲν περὶ τοῦ αἰ δαῖν νεκροῦς μένειν ἡμᾶς τῇ ἁμαρτίᾳ εἰλεγε· νῦν δὲ, περὶ τοῦ αἰ εἶναι ἐν ἑαυτοῖς τὴν ἀνάστασιν τῆς κατὰ Θεοῦ πολιτείας h. e. « Reiterare idem videtur, at secus se res habet. Supra enim dicebat, quod oporteret nos peccato semper manere mortuos ; nunc autem verba facit de resurrectione novæ vitæ, quam secundum Deum habere nos semper convenit. »

(2) Apud BEN. JUSTINIANUM (ad h. l.) : Non dubito, *inquit*, hæc de spiritali vita gratiæ accipienda esse.... ; quæ est interpretatio BASILII (Lib. de Baptismo) ; quamquam ORIGENES, CHRYSOSTOMUS,

THEODORETUS, ANSELMUS (Hervæus?) de immortalitate corporis explicant, quam justi aliquando assequuntur... Sed hoc ab instituta disputatione videtur alienum.

(3) THEOPHYLACTUS (ad h. l.) : Περι παντός ανθρωπου τούτο φησὶν, ὅτι ὡς περὶ ὁ ἀποθανὼν δεδικαιώται ἀπο τῆς ἁμαρτίας, τούτεστι, ἀπολεῖται, ἡλευθερῶται, οὕτω καὶ σὺ ὁ βαπτισθεὶς καὶ νεκρωθεὶς τῇ ἁμαρτίᾳ, μένεις νεκρός. h. e. De quolibet homine hoc ait : quemadmodum qui vita functus est, justificatus est a peccato, h. e. absolutus est, liberatus est ; ita et tu qui baptizatus et mortuus es peccato, mortuus ei persevera. »

quitur; et cum dicere potuisset simpliciter *καὶ συζήσομεν etiam vivemus*, maluit dicere modestius *πιστευομεν ὅτι συζήσομεν*, *confidimus fore ut etiam vivamus*; sed tamen sibi vult Apostolus: *Vivendum nobis est*, h. e. in nova vita gratiæ continuo perseverandum.

ψ. 9. *scientes quod Christus resurgens etc.*) . Pro *resurgens* Græce est Particip. Aor. Pass. *εγερθεις*, *suscitatus*, ut supra ψ. 4. Ratio hic exponitur superioris sententiæ: *πιστευομεν ὅτι καὶ συζήσομεν αὐτῷ*. Quæ quidem ratio sumpta est ab exemplo CHRISTI, ut qui a mortuis excitatus vitam vivit perpetuam, numquam denuò moriturus. Et docere vult Apostolus, quod hic ex ψ. 22 anticipamus, talem quoque esse debere vitam *ethicam* eorum qui per baptismum mortui peccato resuscitati sunt ad novam vitam gratiæ; et talis erit vita illa, si Deo continuo vivant nec unquam post hæc incidunt in mortem peccati.

Εἰδοτες ut suprà (ψ. 6) *τοῦτο γινώσκοντες*, nam etiam hic Participium verendum est in Verbum Finitum per *quippe qui* (scimus). Quod dicit Apostolus *οὐκ ἐτι ἀποθνήσκει* sensu non differt ab eo quod subjungit *Θάνατος αὐτῷ οὐκ ἐτι νύττει*, sed est ibi emphatica ejusdem sententiæ repetitio; id quod inde etiam patet quòd oratio hac parte *asyndetica* est.

Appositè hic TOLETUS (ad h. 1.): *Dominationem mortis*, inquit, *sustinuit Dominus*, sed *voluntate propter nos*; sicut etiam *suscepit servi formam*. Nos quidem *necessitate dominationem mortis sustinemus*, quia *nascimur filii iræ*; CHRISTUS verò *voluntate*, quia *voluit propter nostram salutem mortis corporalis in se sustinere virtutem*. Non ergo est contraria hæc sententia illi (Joh. VI.): *Potestatem habeo ponendi animam meam, et potestatem habeo iterum sumendi eam*.

ψ. 10. *Quod enim mortuus est, peccato mortuus est semel, quod autem vivit, vivit Deo*). His verbis Apostolus *explicat* (γὰρ) antegressam sententiam: *οὐκ ἐτι ἀποθνήσκει κ. τ. λ.*—Relativum ὅ quod ibi in uno et altero versiculi membro legitur, neutro loco reddendum est *quod attinet ad id quod*, sed habendum est ὅ pro Accusativo *objecti*, ut in hoc epistolæ ad Galatas (Cap. II. 20): ὁ δε νυν ζῶ ἐν σαρκί. Nempe *ἀποθνήσκειν τι* et *ζῆν τι* valent *aliquam mortem mori, aliquam vitam vivere*. Exempla dat FRITSCHIUS (ad h. 1.) hæc: LUCIAN. *Tim. c. 33*: *ἀνδρος βίον ζῆν*; GUARITO p. 12 (ed. D'ORVILLE): *ἀποθνήσκειν θάνατον μαζρον*. Confer etiam BERNHARDY, p. 106. sqq. Nec aliter THEOPHYLACTES rem intellexit; nam præsentem locum sic interpretatur: *Καὶ ἐκεῖνο γὰρ ὁ ἀπέθανε τῇ ἁμαρτίᾳ ἀπέθανε*. Itaque sensus est: *Nam quam mortem mortuus est, peccato eam mortuus est: quam verò vivit vitam, Deo eam vivit*. Belgice hic similiter dixeris: *Want wat hy stierf, dat stierf hy aan de zonde, eens voor al; doch wat hy leeft, dat leeft hy voor God*.

Verba hujus versiculi, quod interpretatione nostra jam innuimus, ita legenda sunt ut comma ponatur ante vocem *τῇ ἁμαρτίᾳ*, quam interpungendi rationem heic postulat Antithesis: quod autem vivit, vivit Deo. Dicitur autem CHRISTUS mortuus esse peccato *τῇ ἁμαρτίᾳ* (Dativ. Incommodi), quatenus se suâ obedientiâ¹⁾ liberavit a peccato mundi²⁾ quod illi innocenti divinitus fuerat impositum³⁾; quare et in secundo suo adventu sine peccato apparebit, ut docet Apostolus in Ep. ad Hebræos Cap. IX. 28. Denique vivere Deo (*τῷ Θεῷ* in Dativo Commodi) CHRISTUS dicitur, ut qui, a morte resuscitatus, vivit immortalis ad laudem et gloriam Dei. Cf. Coloss. III. 1—3. Recte MAJERUS (ad h. l.): « Es ist hier, inquit, die Reflexion ferne zu halten, dass ja CHRISTUS auch auf der Erde dem Willen Gottes ganz ergeben war und göttlichen Zwecken diene; auch darf man nicht in Frage stellen, ob etwa der Apostel sich das Willensverhältnisz bei CHRISTUS zu Gott nach dessen Erhebung als ein innigeres denke; es kommt hier den Apostel nur darauf an, in dem Herrn ein Vorbild zu zeichnen, und zu diesem Zwecke hebt er ohne Beziehung auf ein früheres verhältnisz die Richtung des auf die Auferweckung erfolgten Lebens JESU hervor. » Dr. ADALBERT MAIER. Commentar über den Brief PAULI an die Römer.

Vox *ἐφάπαξ*, semel, a fine sententiæ posita est, idque non sine emphasi, ut et Hebr. X. 10; itaque valet Gallicum *une fois pour toutes*, aut Nostratium *eens voor al*. Exempla locutionis *ζῆν τινι* plura collegit WETSTEINIUS ad Rom. VI. 10.

γ. 11. Ita et vos existimate, vos mortuos quidem esse peccato, viventes autem Deo, etc.) Fit superioris sententiæ parænetica applicatio⁴⁾, quâ unâ transitur ad insequentem (γ. 12—23) exhortationem. Sensus patet: Sicut CHRISTUS peccato semel mortuus vivit Deo, ita quoque et vos existimate vos esse mortuos, etc. Quod verò additur *ἐν Χριστῷ Ἰησοῦ* referendum hoc est ad mysticam illam baptizatorum cum CHRISTO unionem⁵⁾, de qua videsis quæ notavimus ad Philipp. Cap. 1. 1. pag. 17.

(1) Rom. V. 18: Sicut per inobedientiam unius hominis peccatores constituti sunt multi: ita et per unius obeditionem justii constituentur multi. Cf. etiam Philipp. II. 8.

(2) Joh. I. 29: Ecce agnus Dei, ecce qui tollit peccatum mundi (*τῇ ἁμαρτίᾳ τοῦ κόσμου*).

(3) Isaïæ LIII. 6: Posuit Dominus in eo iniquitatem omnium nostrum. 2 Cor. V. 21: Eum, qui non noverat peccatum, pro nobis peccatum fecit.

(4) THEOPHYLACTUS (ad h. l.): Ἐπειδὴ δὲ δευτέρου

οὐκ ἀποθνήσκει Χριστός, οὐδὲ ἡμεῖς δευτέρου θανάτου διὰ ἑτέρου βαπτισματος ἐχομεν. Μένωμεν τοίνυν ἐπὶ τοῖς προτέροις, τούτεστι, τοῦ θανάτου μὲν τῆς ἁμαρτίας, ἀναστασεὶς δὲ τοῦ κατὰ Θεὸν βίου. h. e. Quia Christus secundò non moritur, neque nos secundam mortem per alterum baptismum habemus. Maneamus igitur in prioribus, hoc est, in morte quidem peccati, in resurrectione autem vitæ quæ est secundum Deum.

(5) S. THOMAS ad h. l.: in Christo Jesu, id est, inquit, tamquam incorporati CHRISTO JESU.

Vox *εἶναι* post *νεκρῶν* a plerisque Codicibus Uncialibus abest ; glossema sapit, Quidquid sit , vox *εἶναι* ibi necessaria non est , quum *λογιζεσθαι* construat^{ur} etiam cum gemino Accusativo , ut Sap. XV, 15.

γ. 12-14. Non ergo regnet peccatum in vestro mortali corpore ut obediatis concupiscentiis ejus.¹³ Sed neque exhibeatis membra vestra arma iniquitatis peccato : sed exhibete vos Deo , tamquam ex mortuis viventes et membra vestra arma justitiæ Deo .¹⁴ Peccatum enim vobis non dominabitur : non enim sub lege estis , sed sub gratia.

γ. 12-14. Μὴ οὖν βασιλεύτω ἡ ἁμαρτία ἐν τῷ θνητῷ ὑμῶν σώματι εἰς τὸ ὑπακούειν αὐτῇ ἐν ^{a)} ταῖς ἐπιθυμίαις αὐτοῦ. ¹³ μηδὲ παριστάνετε τὰ μέλη ὑμῶν ὅπλα ἀδικίας τῇ ἁμαρτίᾳ· ἀλλὰ παραστήσατε ἑαυτοὺς τῷ Θεῷ ὡς ἐκ νεκρῶν ζῶντας, καὶ τὰ μέλη ὑμῶν ὅπλα δικαιοσύνης τῷ Θεῷ. ¹⁴ Ἀμαρτία γὰρ ὑμῶν οὐ κυριεύσει· οὐ γὰρ ἐστε ὑπὸ νόμον, ἀλλ' ὑπὸ χάριν.

Paraphrasis. Cavete ergo ne Peccatum dominium exerceat in mortali vestro corpore ita ut pravis hujus cupiditatibus obediatis ; neque committatis ut membra vestra in ministerium exhibeatis Peccato tamquam instrumenta ad patranda iniquitatem, sed contra totos Deo vos exhibete sicut facere decet homines qui mortui cum essent , divinitus resuscitati sunt ad novam vitam ; et membra vestra Deo exhibeantur tamquam totidem instrumenta ad præstanda opera justitiæ. Neque enim metuendum est ne Peccatum in vos dominium suum exerceat ; non enim sub lege jam estis sed sub gratia.

VARIANS LECTIO.

^{a)} Voces *αὐτῇ* *εν* non leguntur in Codd. ABC* ut nec in nonnullis Minusculis ; absunt pariter a Vulgata et plerisque antiquis versionibus . TISCHENDORFIUS voces illas in textum non recepit ; idque rectè fecit , ut ego quidem arbitror.

γ. 12. *Non ergo regnet peccatum in vestro mortali corpore, etc.*) Flexâ ad exhortationem oratione , Apostolus ex præmissa doctrina (γ. 3—10) infert (οὖν) , baptizatis deinceps , represso peccati fomite , studendum esse pietati morumque sanctitati ; nec interiori corde (γ. 12) , nec exteriori corpore (γ. 13) Peccato (τῇ ἁμαρτίᾳ) esse obediendum , sed utroque modo Deo serviendum (γ. 13). Peccatum autem (ἡ ἁμαρτία) quod

hic dicitur, improprio nomine, vel, si placet, *καταχρηστικῶς* ita appellatur; intelligitur autem *fomes peccati*, ut suprâ ad γ. 1. jam diximus¹⁾. Ceterum in præsenti oratione ut personæ sistuntur tam ἡ ἁμαρτία (γ. 12. 13. 16. 17. 19. 20. 22. 23.) quam ἡ δικαιοσύνη (γ. 18. 19. 20). Bene Estius: « Observanda est, inquit, personarum fictio quædam in peccato et justitia. Fingit enim eas ut reginas seu dominas (nam utrumque in Græco femininum est), singulas suum habentes regnum ac dominium, alterum alteri contrarium; humanum verò genus regno peccati subditum, per Christi gratiam paulatim ex ea servitute liberari ac transferri in regnum justitiæ. Sic autem liberatos hortatur, ne sese rursus per spontaneam obedientiam in priorem Peccati servitutem redigi sinant. »

Mortale (ὀνητον) autem Apostolus vocat *corpus*, quippe moriendi necessitati subiectum ob peccatum (Cap. V. 12), vel fortasse etiam ut significet, vitiositatem illam quam *peccatum* appellat, nobis inesse quamdiu *mortale* est corpus nostrum; quo sensu infra (Cap. VII. 17) dicturus est *peccatum* (τὴν ἁμαρτίαν) in nobis *habitare* (οἰκεῖν). Animadvertite Apostolum non dicere *ne sit peccatum illud in vestro mortali corpore*, sed μὴ βασιλευετο *ne regnum exerceat, ne regnet*, quo innuit, eos, qui peccent, peccare non vi aut necessitate sed liberæ voluntatis electione; quod tamen distinctius declarat dum addit εἰς τὸ ὑπακούειν ταῖς ἐπιθυμίαις αὐτοῦ scil. σώματος, h. e. *ita ut obediatis concupiscentiis ejus*, scil. corporis; ubi Præpositio εἰς dicta est de *eventu vel effectu*; ut supra Cap. I. 20.

γ. 13. *Sed neque exhibeatis membra vestra arma iniquitatis peccato*) Græce non legitur *sed neque*, sed simpliciter *neque*. Id quod modo dixerat Apostolus *ita ut obediatis concupiscentiis ejus*, ad consensum mentis pertinebat; quod nunc addit, *neque exhibeatis membra vestra* etc., ad peccaminosi operis executionem pertinet. Sensus est: *Nolite corporis vestri membris abuti ad patranda peccata*. Sed Apostolus loquitur metaphorice: oculos, manus, cetera corporis membra negat Peccato (τῇ ἁμαρτίᾳ) veluti Domino exhibenda esse tamquam totidem instrumenta exercendæ iniquitatis.

Παριστάναι τινι τι est exhibere alicui aliquid, et hic quidem in ministerium, ut patet ex contexta oratione γ. 16. 19. Confer etiam Matth. XXVI. 53. De verbi ἑστημι et Compositorum notione pro variis Temporibus variâ, diximus ad Act. I. 3.—*Τῇ ἁμαρτίᾳ* de *fomite* peccati, ut supra, γ. 12. *Ὀπλὰ* et *arma* sunt, et simpliciter *instrumenta* quibus aliquid efficitur; at posteriorem quidem ejus vocis significationem hic prætulerim, quum addatur *αδικίας*: agitur enim non de iniquitate defendenda, sed exercenda. *Ὀπλὰ ἀδικίας* est Accusativus *Prædicati*; *αδικίας* Genitivus *Objecti*.

sed exhibete vos Deo, tamquam ex mortuis viventes, et membra vestra arma justitiæ Deo). Excitat eos Apostolus ad præstanda duobus superioribus contra-

(1) Confer hic etiam quæ pag. 151 recitavimus ex S. THOMA.

ria (ἀλλὰ) ; et quidem , ad *interiorem* quod attinet hominem , hortatur ut Deo sese exhibeant *velut tales* (ὥς), h. e. ut facere decet homines qui *ex mortuis* (ἐκ νεκρῶν), quales olim erant antequam baptizarentur , nunc sunt *viventes* (ζῶντας) novâ vitâ gratiæ. Ad *exteriorem* verò hominem quod spectat, eos hortatur ut corporis sui membra Deo (τῷ Θεῷ) offerant tamquam totidem instrumenta ad justitiæ opera præstanda. — Νε-
κροῦς sumas non ut ψ. 11 , sed ut Ephes. II. 5. Vox τῷ Θεῷ , quæ a fine hujus versiculi legitur , ab antegresso Aoristo παραστήσατε pendet . Porro notandum est , Imperativum Aoristi eam quoque habere indolem ut præcipiat cum majore quadam vi quam Aoristus Præsentis ; quare mirum videri non debeat sicubi in eadem oratione , ut in præ-
senti loco Apostoli et Cap. XV. 11 , post Imperativum Præsentis sequatur Imperativus Aoristi. De his Imperativis SCHOEMANN ad ISÆUM (apud WIN. §. 44. 6) hæc notat : *Tenuis-
simum* , inquit , *discrimen esse apparet* , ut sæpenumero pro lubitu aut affectu loquentis variari oratio possit. Nam quid mirum qui modo lenius jusserat : ΣΚΟΠΕῖΤΕ (DEMOSTH. Lept. 542) , eundem statim cum majore quadam vi et quasi intentius flagitantem addere : ΛΟΓΙΣΑΣΘΕ. Et plerumque , si non semper , apud pedestres quidem scriptores , in tali diversorum Temporum conjunctione Præsens Imperativus antecedit , sequitur Aoristus.

ψ. 14. *Peccatum enim vobis non dominabitur : non enim sub lege estis , sed sub gratia*. Subjicit *rationem* (γὰρ) cur facile possint re præstare id ad quod præstandum illos adhortatur , atque ita animos illis addit. Sensus est : Nam *Peccatum* (ἁμαρτία) , inquit , quamquam vos oppugnabit , non tamen *poterit* in vos *dominari* (κυριεύσει) suamque exercere tyrannidem ; ratio est , quia non estis sub *lege Mosaica* (ὑπο νόμον) , sed sub *gratiâ* (ὑπο χάριν). Quod vero dicit Apostolus *non estis sub lege sed sub gratia* , statum statui opponit , œconomiam legis œconomiae gratiæ ; quasi dicat ; non estis *subditi* (ὑπο cum Acc.) legis Mosaicæ , sed legis Christianæ sive Evangelicæ. Mentem Apostoli recte explicavit TOLETUS (ad h. l.) « *Esse sub lege* , inquit , *significat esse in statu legis ; lex autem subintravit ut abundaret peccatum* (Cap. V. 20. 21) ; *non enim id tulit , sed potius occasionaliter auxit*. Nam lex præcipiens quædam , quædam autem prohibens , nec virtutem , qua ejus mandata et prohibitiones implerentur , exhibens , potius erat occasio peccandi ; idcirco in eo statu peccatum dominabatur. Dices : nonne in illo statu erant justî et remissio peccatorum , et gratia per quam lex implebatur ? Respondeo , ita esse ; tamen hæc dabantur non vigore legis , sed fidei futuri tunc Christi ; status autem legis , quantum ex se erat , peccatum non auferbat , nec virtutem , ut impleretur , dabat , ideo dicitur tunc dominari peccatum ; atque hoc est esse sub lege. Esse vero sub gratia significat esse in statu Evangelico , in quo prædicatur et confertur gratia , qua lex impleri possit , et qua peccatum vetus auferatur et robur ad non peccandum detur. Ideò in eo statu peccatum non dominatur , quia vires amisit per gratiam , quæ confertur in Evangelio , per quam peccatum vincitur et destruitur. Esse ergo sub gratia , non est , non teneri ad implenda legis præcepta , sed esse in statu , in quo datur gratia , per quam impleri possunt præcepta , et per quam destruitur peccatum. Multum

ergo errant Hæretici nostri temporis, non assequentes quid sit esse sub lege. Non enim est, non teneri lege, sed esse sub statu legis, quæ ex se non habet gratiam remissionis peccatorum, nec robur implendi mandata. Hæc enim facit fides viva in CHRISTUM, per quam gratia confertur, quæ ad statum Evangelii pertinet. Et propterea in eo dicitur peccatum non dominari; non quod non sit, sed quod non dominetur. Attende, per legem intelligi etiam moralem, sub qua in Evangelio non sumus, quamvis eam servare tenemur, quia status Evangelii non est status legis, propter causam dictam. » Hactenus CARD. TOLETUS. Confer hic quæ notavimus supra ad Cap. III. 20. pag. 90, sq. Item PETAV. de Prædestinatione, Lib. X. Cap. XXI, n. 14, et CAJETAN. ad Rom. VI. 14.

Peccatum quamquam hic dicitur absque Articulo (ἁμαρτία), tamen intelligendum est idem illud peccatum, de quo modo (γ. 12) dixerat: Μὴ οὖν βασιλεύετο ἡ ἁμαρτία ἐν τῷ θνητῷ ὑμῶν σωματι. Vide supra ad γ. 12. Abesse poterat Articulus ob eandem rationem ob quam hic pariter abest a vocibus νομον et χάριν; abesse poterat, inquam, quia ejusmodi sunt hæc Nomina, ut, in præsentī doctrina si adhibeantur, Propriorum Nominum naturam induant.—Futurum κυριεύσει est excitantis, et animos addentis.

γ. 15—16. Quid ergo? peccabimus, quoniam non sumus sub lege, sed sub gratia? Absit. ¹⁶ Nescitis quoniam qui ^{b)} exhibetis vos servos ad obediendum, servi estis ejus, cui obeditis, sive peccati ad mortem, sive obeditionis ad justitiam?

γ. 15—16. Τί οὖν; ἁμαρτήσομεν ^{a)} ὅτι οὐκ ἔσμεν ὑπὸ νομον ἀλλ' ὑπὸ χάριν; μὴ γένοιτο. ¹⁶ Οὐκ οἶδατε ὅτι ὃ παριστάνετε ἑαυτοὺς δούλους εἰς ὑπακοήν, δοῦλοί ἐστε ὃ ὑπακούετε, ἥτοι ἁμαρτίας εἰς θάνατον, ἢ ὑπακοῆς εἰς δικαιοσύνην;

Paraphrasis. Quid inde? ergo-ne peccemus quandoquidem non sumus sub lege sed sub gratia? Absit ut quis vestrum ita sentiat! Mutata servitus est, non ablata. Aut num forte ignoratis, cui servos ad obediendum adstrictos vos præbeatis, illius cui obeditis revera vos esse servos, servos, inquam, aut Peccati, cujus servitus ducit ad mortem, aut Obedientiæ, cujus servitus ducit ad justitiam?

VARIANS LECTIO.

a) Pro ἁμαρτήσομεν est ἁμαρτήσωμεν in Codd. ABCDEIK multisque Minusculis; quæ lectio priori præferenda est, cum quòd testes habet et plures et præstantiores, tum etiam quòd fieri potuit ut librarius unus et alter ἁμαρτήσωμεν pro mendosa scriptione habuerit ideoque pro ea reposuerit. ἁμαρτήσομεν. Vide Commentarium ad h. l.

b) Qui legitur non cui in Vulg. ed. Vatican. 1592. Mendosè.

ψ. 15. *Quid ergo? peccabimus, quoniam non sumus sub lege, sed sub gratiâ?*) Illud quod modo dixerat Apostolus *non estis sub lege*, cum ambigue dictum esset, male a nonnullis sumi poterat de concessâ ab illo peccandi licentiâ. Hunc ergo falsum intellectum ut refellat, eundem proponit, ut statim cum abominatione (*μη γενοιτο*) rejiciat. Falsus ille intellectus his verbis enunciari possit: Quandoquidem non sumus *sub lege*, profectò nec præceptis ejus tenemur, adeoque libera nobis facta est quidvis faciendi potestas.

Τί οὖν formula est *præoccupantis* objectionem sumptam ex *antegressis* (*οὖν*). Vido suprâ ad III. 9. Forma *ἁμαρτησώμεν* videatur esse Futurum Coniunctivi, sed non est; nam Græca lingua Futurum Coniunctivi non habet ¹⁾. Est autem forma *ἁμαρτησώμεν* habenda pro Aoristo Coniunctivi ²⁾, et hîc quidem *deliberantis*, ut ad eò ea vox reddenda sit *num peccemus*.

ψ. 16. *Nescitis quoniam cui exhibetis vos servos ad obediendum, etc.*). Falsum verborum suorum intellectum illum quem cum indignatione (*μη γενοιτο*) rejecerat, nunc etiam confutat argumentatione. Et argumentum quidem ducitur a natura servitutis: *Cui se quis devolet ad obediendum*, inquit, *illius est servus*. Hactenus generalis erat sententia, quare et per verba Præsens (*παριστάνετε* et *ὑπακούετε*) enuntiatur; sed per ea quæ continuâ oratione subdit, *sive peccati ad mortem, sive obeditionis ad justitiam*, per hæc, inquam, generalem illam sententiam ad propositum suum applicat, ut ad eò argumentatio huc redeat: An nescitis, quod nemo ignorare solet, cui servos *ad obediendum adstrictos* (*εἰς ὑπακοήν*) vos præbetis, illius cui obedientiam præstatis vos reverâ esse servos, servos, inquam, aut peccati, ejus servitus ducit ad mortem, aut obedientiæ, ejus servitus ducit ad justitiam?

Εἰς ὑπακοήν ad obedientiam præstandam. Pertinet hoc ad totam dictionem *παριστάνετε ἑαυτοὺς δούλους*. Rationem cur adhibita hic fuerint Verba Temporis Præsens, supra jam dedimus. — *Δούλοι εἰστε ᾧ ὑπακούετε* dictum est ellipticè pro *δούλοι εἰστε τοῦτου ᾧ ὑπακούετε*. — Genitivi *ἁμαρτίας* et *ὑπακοῆς* pendent ab antegressa voce *δούλοι*, quæ hic mente supplenda est. — Dictio disjunctiva *ἢτοι—ἢ* valet Nostratium *of wel—of*, ubi duo ponunt ad modum Dilemmatis ³⁾. Atque ita hic: *aut peccati servos vos esse, aut obeditionis*; nam utrique servire non poterant. Potuisset hoc loco scribere Apostolus *aut (servos) peccati ad mortem, aut (servos) justitiæ ad*

(1) De Futuris Coniunctivis, quæ esse videantur in libris Novi Testamenti, pluribus ago in *Grammatica Græcitalis librorum N. T.*, quam nunc prælo subjeci.

pro *ἁμαρτησώμεν* reposuerit Futurum Indicativi *ἁμαρτησομεν*.

(3) Cf. HARTUNG *Lehre von den Partikeln der Gr. Sprache* Th. 2. p. 356 sqq.

(2) Hoc non animadverterit librarius, qui id eò

vitam. Nam statim infra (γ. 18) peccato opponit justitiam, et (γ. 23) mortem vitæ. Quod si etiam hic fecisset concinnior fuisset oratio, et antithesis elegantior; cur vero non fecerit, me quidem latet. Ceterum obeditio ὑπακοή, quæ hic peccato ἁμαρτία opponitur, intelligenda est obedientia Deo præstanda; colligitur hoc ex collato versiculo vigesimo secundo: *Nunc vero liberati a peccato, servi autem facti Deo.* Hoc loco ὑπακοή per Prosopopœiam sistitur tamquam domina, cui opponitur domina ἁμαρτία.—Præpositio εἰς in dictionibus εἰς θάνατον et εἰς δικαιοσύνην dicta est de effectu utriusque servitutis; et δικαιοσύνη quidem intelligenda ibi est vitæ sanctimonia, quâcum Apostolus unâ cogitat vitam æternam, quæ vitæ sanctitatem consequitur; atque hoc sensu vocem δικαιοσύνη hoc loco sumendam esse satis constat ex collato versu vigesimo secundo, ubi fructus exhibitæ Deo servitutis vocatur ἁγιασμός (Vulg. sanctificatio), cujus merces sit vitæ æterna; Θάνατος autem ibi intelligitur mors æterna, quam interpretationem postulat collatio versûs vigesimi tertii, ubi morti, quæ stipendium sit peccati, opponitur vita æterna; ait enim: *Stipendia peccati, mors; gratia autem Dei, vita æterna.*

γ. 17—18. Gratias autem Deo quod fuistis servi peccati, obedistis autem ex corde in eam formam doctrinæ, in quam traditi estis. ¹⁸ Liberati autem a peccato, servi facti estis justitiæ.

γ. 17—18. Χάρις δὲ τῷ Θεῷ, ὅτι ἦτε δούλοι τῆς ἁμαρτίας, ὑπηκούσατε δὲ ἐκ καρδίας εἰς ὃν παρεδόθητε τυπον διδασχῆς, ¹⁸ ἐλευθερωθέντες δὲ ἀπὸ τῆς ἁμαρτίας, ἐδουλώθητε τῇ δικαιοσύνῃ.

Paraphrasis. At verò, gratiæ habeantur Deo, quod cum essetis servi Peccati, sincere et ex animo obedientiam præstiteritis doctrinæ evangelicæ in quam traditi estis, liberati autem a servitute Peccati, redacti fuistis in servitutem Justitiæ.

γ. 17. Gratias autem Deo, quod fuistis servi peccati, obedistis autem etc.) Versiculus antegressus continebat propositionem generalem hanc: *Cui se quis devovet ad obediendum, illius est servus.* Postulabat jam instituta argumentatio ut adderetur, *atqui a servitute peccati liberati ad obediendum Deo vos mancipastis; Ergo non est ulterius serviendum Peccato;* verum non ita hic Apostolus, sed Minorem illam effert sub formâ gratiarum actionis: *At (δὲ), inquit, gratiæ habeantur Deo (χαρις τῷ Θεῷ scil. εἰ), quod cum essetis servi Peccati, sincerè et ex animo obedientiam præstiteritis illi doctrinæ formæ, i. e. disciplinæ evangelicæ, in quam traditi fuistis.*

Verba ista, ὅτι ἦτε δούλοι τῆς ἁμαρτίας, ὑπηκούσατε δὲ verbotenùs redita valent quod eratis servi peccati, obedistis autem etc., sed profectò noluit dicere Apostolus, gratias agendas esse Deo, quod Romani aliquando fuissent servi peccati. Imò,

omninò hoc dicere voluisset, additâ Particulâ *μεν* scripsisset: *ὅτι ἤτε μεν δούλοι* κ. τ. λ. Quid igitur? scilicet Apostolus Participii loco ¹⁾ Verbum Finitum adhibuit, et sententiam *unam* (*ὅτι οντες ποτέ δούλοι της ἁμαρτίας ὑπηκουσατε*) Grammaticæ expressit per *duas* (*ὅτι ἤτε δούλοι της ἁμαρτίας et ὑπηκουσατε δε*); quo modo Lucas XXIV. 18 pro *σὺ μόνος παροικῶν Ἱερουσαλήμ οὐκ ἐγνώσ* dixit *σὺ μόνος παροικεῖς Ἱερουσαλήμ, καὶ οὐκ ἐγνώσ*, et Joh. III. 19: *Ἡ αὕτη ἐστὶν ἡ κρίσις, ὅτι τὸ φῶς ἐλήλυθεν εἰς τὸν κόσμον, καὶ ἠγάπησαν οἱ ἄνθρωποι μᾶλλον τὸ σκοτὸς*, pro *ὅτι τοῦ φωτός ἐλθόντος εἰς τὸν κόσμον οἱ ἄνθρωποι ἠγάπησαν μᾶλλον τὸ σκοτὸς*, et Matth. XI. 25: *Ἐξομολογούμεαι σοι, πατερ, . . . ὅτι ἀπεκρύψας ταῦτα ἀπὸ σοφῶν καὶ συνετῶν, καὶ ἀπεκαλύψας αὐτὰ νηπιῖς* pro *ὅτι ἀποκρύψας ταῦτα ἀπὸ σοφῶν ἀπεκαλύψας νηπιῖς*; neque enim, quod ad hunc Matthæi locum observat S. CHRYSOSTOMUS (apud MALDONATUM ad h. l.), gratias Deo Patri agebat CHRISTUS, quòd hæc sapientibus abscondisset, sed quòd cum abscondisset sapientibus, parvulis ea revelasset ²⁾. Nec obstat quod in citatis ex Evangelio locis membrum orationis unum alteri conjungitur per *καὶ*, in loco Paulino autem per *δε* (*ὑπηκουσατε δε*); ratio est, quia Particula *δε* ibi non habet vim *adversativam* sed *conjunctivam*, ut adeò idem ibi valeat quòd *καὶ* ³⁾.

Verba ista, *ὑπηκουσατε εἰς ὃν παρεδόθητε τυπὸν διδασκαλίας*, per *Attractionem* posita sunt pro *ὑπηκουσατε τῷ τυπῷ διδασκαλίας*, *εἰς ὃν παρεδόθητε*. Quod autem ibi dicit Apostolus *ὑπηκουσατε*, *obedivistis*, actum significat quo Romani Evangelicam fidei et morum doctrinam liberè amplexi atque ita per fidem et baptismum justificati, liberati fuerant a dominio Peccati (ψ. 18. *ἐλευθερωθέντες ἀπὸ της ἁμαρτίας*) *mancipati verò Justitiæ in servos* (*ἐδουλώθητε τῇ δικαιοσυνῇ*). — *Τυπὸς διδασκαλίας forma doctrinæ* (Vide supra pag. 161) intelligitur *ipsa doctrina Evangelica* ut distincta ab alia forma doctrinæ, ut puta Judaicæ. Ceterum, ad rem dogmaticam quòd attinet, rectissime ex hoc loco probantur tum humani arbitrii in obediendo Evangelio libertas, tum etiam divinæ gratiæ auxilium ad ipsum hoc præstandum. Nam quòd dicit Apostolus *ex corde obedistis*, humanæ voluntatis libertatem declarat; quòd verò ob eam obedientiam ipse *gratias Deo agit* (*χαρὶς τῷ Θεῷ*), monetque eos *fuisse traditos* (*παραδόθητε* Passivè) doctrinæ Evangelicæ, divinæ gratiæ auxilium ostendit.

(1) Puta *ὅτι οντες ποτέ δούλοι της ἁμαρτίας ὑπηκουσατε*, κ. τ. λ.

Οὐ τοίνυν διὰ τοῦτο (scil. τὸ ἀποκρυφῆναι ἀπὸ σοφῶν), χαίρει, ἀλλ' ὅτι ἂ σοφοὶ οὐκ ἐγνώσαν ἐγνώσαν οὗτοι.

(2) Verba CHRYSOSTOMI (Hom. 38) hæc sunt:


(3) De vi conjunctivæ Particulæ *δε*: videsis KÜPNER §. 738. b.

γ. 19. Humanum dico, propter infirmitatem carnis vestrae : sicut enim exhibuistis membra vestra servire immunditiae, et iniquitati ad iniquitatem, ita nunc exhibete membra vestra servire justitiae in sanctificationem.

γ. 19. (Ἀνθρώπινον λέγω διὰ τὴν ἀσθένειαν τῆς σαρκὸς ὑμῶν). Ὡς περ γὰρ παρεστήσατε τὰ μέλη ὑμῶν δοῦλα ^{a)} τῇ ἀκαθαρσίᾳ καὶ τῇ ἀνομίᾳ εἰς τὴν ἀνομίαν, οὕτω νῦν παραστήσατε τὰ μέλη ὑμῶν δοῦλα τῇ δικαιοσύνῃ εἰς ἁγίασμόν.

Paraphrasis. (Quod dico redacti fuistis in servitutem justitiae, similitudine e rebus humanis ducta utor propter imbecillitatem vestram). Sicut olim, inquam, membra vestra fecistis servire impuritati ad improba quaecumque perpetranda, ita nunc membra vestra facite servire Justitiae ad sanctificationem vestram.

VARIANS LECTIO.

Pro δοῦλα, quod hic et mox iterum hoc versiculo legitur, est utroque loco δουλεύειν in Codd. FG, quam lectionem pariter exhibent versiones Itala et Vulgata. Syrus circumlocutione usus scripsit ²⁰  ad servitutem.

γ. 19. *Humanum dico, propter infirmitatem carnis vestrae*). Referendum hoc est ad antecessa. Scilicet dixerat modò (γ. 18) *redacti fuistis in servitutem justitiae* (εδουλώθητε); atqui facere quae vult Deus, proprie non est *jugum* aliquod *subire*, sed verà demùm frui libertate¹⁾! Itaque excusat Apostolus quod dixerat *εδουλώθητε*, monendo se per similitudinem rei humanae ita loqui ut ad captum eorum sese demittat. Accommodate ad vestrum captum, inquit, obedientiam Deo præstandam servituti humanae assimilo, idque facio quia (δια) adhuc *carnales* estis et tamquam tales inepti ad intelligendum quod Deo servire revera sit regnare.

Dictionem *ανθρώπινον λέγω* ADALB. MAIER²⁾ interpretatur *rem cum rebus humanis comparo*; recte, ut ego quidem arbitror. Eodem sensu PHILO (De somn. pag. 1147. c)

(1) Οὐ γὰρ ἐστὶ τοῦτο κατὰ ἀληθειαν δουλεία το κατὰ δικαιοσύνην πολιτευσθαι, ἀλλὰ τοῦτο ἡ ἀληθὴς ἐλευθερία καὶ εὐδαιμονία. h. e. Neque enim id juxta rei veritatem servitus est, secundum justitiam videlicet

conversari, sed hoc vera libertas est ac felicitas. OECUMEN. ad h. l. ex PHOTIO.

(2) Commentar. über den Brief PAULI an die Römer. ad h. l.

scripserat *καὶ τι δεῖ τ' ἀνθρώπινα λεγεσθαι*¹⁾. Alibi (Gal. III. 15) pro ἀνθρώπινον λέγω Apostolus sensu non dissimili dixit *κατ' ἀνθρώπον λέγω*. Syrus quoque rem sic intellexit; nam ἀνθρώπινον λέγω reddidit *أَمْزَى حَيْثُ أَتَى* h. e. *sicut inter homines loquens ego*; iisdemque verbis vertit *κατ' ἀνθρώπον λέγω*, quod Gal III. 15 occurrit. TOLETUS (ad h. l.) aliique interpretes bene multi, præeunte S. CHRYSOSTOMO²⁾, dictionem ἀνθρώπινον λέγω in eum sensum capiunt ut illis valeat *non difficile aut molestum, sed facile aut leve quid postulo*. Verum Apostolus scripsit λέγω, non scripsit ἀπαιτῶ aut simili aliquo verbo usus est; nec contextus orationi convenit isthæc interpretatio; nam quod ibi dicit Apostolus *sicut exhibuistis membra vestra servire immunditiæ et iniquitati, ita nunc exhibete membra vestra servire justitiæ*, hoc profectò præceptum, quum sit universale et latissime pateat, non appellaverit *facile aut leve quid*. Denique si hoc dicere voluisset Apostolus, scripsisset, opinor; non simpliciter ἀνθρώπινον sed ἀνθρώπινον τι.

Ἀσθενεία defectus virium corporis, imbecillitas, translata hic dicitur de defectu intellectus in re religiosa; puta eos, quos hic cogitat Apostolus, tales esse qui nondum intelligant quod servire Deo re verà sit regnare. Simili notione voces *ασθενῶν* et *ασθενής* leguntur infra, Cap. XIV. 1, 2, et 1 Cor. VIII. 9, 10. *Τῆς σαρκος* est Genitivus originis: *ασθενεία* illa provenit a carne; Deo servire revera esse regnare, satis intelligerent si essent *πνευματικοί*, si minus *σαρκικοί*, si non *νηπιοὶ ἐν Χριστῷ*. Cf. 1 Cor. III. 1.

sicut enim exhibuistis membra vestra servire immunditiæ et iniquitati ad iniquitatem, ita nunc exhibete, etc.). Jam, post illam excusationem, redit ad ψ. 18 et distinctius explicat (*γὰρ*) quod ibi dixerat *ἐδουλώθητε τῇ δικαιοσυνῇ*; ita verò hoc facit ut in explicationis illius posteriore parte formâ orationis utatur exhortatoriâ. Particula *γὰρ* ibi *explicantis* est valetque latinum *videlicet, scilicet*, ut infra Cap. VII. 2 et 2 Cor. IV. 11. — Græca habent: *Sicut exhibuistis membra vestra serva immunditiæ* (*τὰ μέλη ὑμῶν δούλα τῇ ἀκαθαρσίᾳ*). . . . *ita nunc exhibete membra vestra serva justitiæ* (*δούλα τῇ δικαιοσυνῇ*), ubi *μέλη* Accusativus Subjecti, *δούλα* vero Accusativus Prædicati est. *Ἡ ἀκαθαρσία* impuritas, refertur ad peccata carnalia quibus in seipsum peccat homo, ἡ *ανομία* verò ibi intelligitur iniquitas qua peccatur aut in Deum aut in proximum; sed ibidem, in dictione *εἰς ανομίαν*, vox *ανομία* generalius sumta est et peccata quævis, etiam carnalia significat. *Τῇ ἀκαθαρσίᾳ καὶ τῇ ανομίᾳ* et *τῇ δικαιοσυνῇ* per Prosopopæiam dicuntur³⁾, et Dativi *commodi* sunt omnes.

(1) Apud LOESNER. observ. ad h. l.

(3) Vide suprâ ad ψ. 12.

(2) Hom. XII. in Ep. ad Rom.,

Ἁγιασμος intelligitur vitæ morumque *sanctificatio*, quæ continuò augeatur; nam, utpote baptizati, *sanctificati* (ἡγιασμενοι) jam erant. Cf. 1 Cor. VI. 11. Præpositio εἰς utroque loco de *proposito* sive *fine* dicitur. Interpretatio ferè communis heic talis est: *Adhibete nunc in colendis virtutibus TANTUM diligentiam QUANTUM olim adhibuistis studii ad peccandum*; sed *par* illud studium per verba ὥσπερ..... οὕτω non exprimitur; nam ὥσπερ..... οὕτω similitudinem quidem significant, non verò æqualitatem.

Præceptum Apostoli ORIGENES eleganter hisce verbis explicat (ad h. l.): *Dudum*, inquit, *currebant pedes vestri ad dæmonum templa, nunc autem currant ad ecclesiam Dei. Currebant prius ad effundendum, nunc ad liberandum sanguinem currant. Protendebantur manus prius ut aliena diriperent, nunc protendantur ut et propria largiantur. Circumspiciebant prius oculi mulierem aut alienum quid ad concupiscendum, nunc circumspiciant pauperes, debiles, egenos ad miserandum. Aures delectabantur auditu vano vel honorum derogationibus, nunc convertantur ad audiendum verbum Dei, ad explanationem legis et ad capiendam sapientiam et disciplinam. Lingua, quæ conviciis, maledictis, turpiloquiis assueta erat, nunc convertatur, etc.*

γ. 20—23. Cum enim servi essetis peccati, liberi fuistis justitiæ. 21 Quem ergo fructum habuistis tunc in illis, in quibus nunc erubescitis? Nam finis illorum mors est. 22 Nunc vero liberati a peccato, servi autem facti Deo, habetis fructum vestrum in sanctificationem, finem vero vitam æternam. 23 Stipendia enim peccati, mors. Gratia autem Dei, vita æterna, in Christo Jesu Domino nostro.

γ. 28—23. Ὅτε γὰρ δοῦλοι ἦτε τῆς ἁμαρτίας, ἐλεύθεροι ἦτε τῇ δικαιοσύνῃ. 21 Τίνα οὖν καρπὸν εἶχετε τότε ἐφ' οἷς νῦν ἐπαισχύνεσθε; τὸ γὰρ τέλος ἐκείνων, θάνατος. 22 Νυνὶ δὲ ἐλευθερωθέντες ἀπὸ τῆς ἁμαρτίας, δουλωθέντες δὲ τῷ Θεῷ, ἔχετε τὸν καρπὸν ὑμῶν εἰς ἁγιασμόν, τὸ δὲ τέλος, ζωὴν αἰώνιον. 23 Τὰ γὰρ ὀψώνια τῆς ἁμαρτίας, θάνατος· τὸ δὲ χάρισμα τοῦ Θεοῦ, ζωὴ αἰώνιος, ἐν Χριστῷ τῷ Ἰησοῦ τῷ Κυρίῳ ἡμῶν.

Paraphrasis. Nam, quo tempore servi eratis Peccati, Justitiæ jugum non subibat; quare vicissim neque nunc cum servi Justitiæ facti sitis, Peccati jugum vobis subeundum est. Quemnam igitur fructum habebatis tunc ex iis rebus de quibus si cogitetis, nunc erubescitis? Nullum sane; nam istæ res tandem perducunt ad mortem æternam. Nunc verò cum liberati estis a jugo Peccati, Deo autem in servitutem mancipati, habetis fructum, vestram, inquam, sanctificationem, quæ tandem perducit ad vitam æternam. Nam stipendium quod Peccatum servis suis solvit, mors est æterna; donum verò quod servis suis largitur Deus, æterna vita est, in CHRISTO JESU Domino nostro.

γ. 20. *Cum enim servi essetis peccati, liberi fuistis justitiæ*). Rationem dat (*γὰρ*) cur æquum sit ut faciant id ad quod antegresso versiculo eos adhortabatur. Sed Græca malim reddere *cum enim servi essetis* (*ἦτε*) *Peccati* (*τῆς ἀμαρτίας*), *liberi eratis* (*ἦτε*) *quod attinet ad Justitiam* (*τῇ δικαιοσυνῇ*), hoc est, *non eratis subditi Justitiæ*. *Τῇ δικαιοσυνῇ* Dativus relationis est, Cujusmodi Dativos habes quoque Act. XVI. 5. Rom. VI. 19. 20. Philipp. III. 5, alibi. Sententia Apostoli absoluta non est; ut sit, addas hæc: *Quare vicissim neque nunc, cum servi justitiæ facti estis, Peccati jugum vobis subeundum est.*

γ. 21. *Quem ergo fructum habuistis tunc in illis, in quibus nunc erubescitis?*) Adhortationem suam (γ. 19. 20) Apostolus corroborat argumento duoto ab effectu utriusque servitutis (γ. 21-23). Particula *οὖν* est colligentis ex antegresso *ἐλευθεροὶ ἦτε τῇ δικαιοσυνῇ*. Græca Latine sic reddere maluerim: *Quemnam igitur fructum tunc habebatis illarum rerum, de quibus nunc erubescitis?* Itaque antequam εἰς ὅς suppleverim *ἐκείνων* (in neutro Gen.), qui Genitivus a voce *καρπὸν* pendeat. *Res* autem illas (*ἐκείνα*) intelligo actus peccaminosos. *Καρπός* fructus, ut Philipp. I. 11. IV. 17. *Τότε*, *tunc*, id est, quo tempore servi eratis Peccati.

nam finis illorum mors est). Præcedens interrogatio *quem-nam igitur fructum*, etc, interrogatio est negantis. Itaque mens PAULI est dicere: *fructum omninò nullum habebatis illarum rerum, de quibus nunc erubescitis*; idque probat adjiciendo *nam* (*γὰρ*) *finis illorum* (*ἐκείνων*, illarum rerum, illarum actionum) *mors est*. *Τέλος finis*, *exitus rei*. *Θάνατος mors æterna*, ut patet ex antitheto (γ. 22), *ζωὴ αἰώνιος vita æterna*.

Sunt interpretes non pauci qui dicant, priora hujus commatis verba ita legenda esse ut signum interrogationis esse putetur post vocem *τότε*, adeòque sensus sit hic: *quem-nam igitur fructum tunc habebatis?* istiusmodi *de quibus nunc erubescitis*. Sed si hoc dicere voluisset Apostolus pro *εἰς ὅς*, opinor, scripsisset in Singulari *εἰς ὃν* quum præcessisset *καρπὸν*, Nomen, inquam, Singularis Numeri, ad quod Relativum *ὃν* referatur. Ad hæc, *erubescere de actionibus* quid sit, facile intelligitur, *erubescere autem de fructibus* obscurum habet intellectum.

γ. 22. *Nunc verò liberati a peccato, etc.*) Servitus Peccati quo tandem perducatur, antegresso versiculo dixerat; hic miserrimo illius servitutis exitui opponit duo quæ servitus Justitiæ adfert bona, quorum alterum sit *ἀγιασμός*, quod bonum præsentis vitæ est, alterum *ζωὴ αἰώνιος*, quod futuræ. In eo quod dicit Apostolus *ἔχετε τὸν καρπὸν ὑμῶν*, vox *ἔχετε* emphasim habet, quare et in fronte sententiæ posita est. Mens Apostoli est dicere: Cum servi essetis Peccati, nullum capiebatis ex illa servitute fructum; nunc verò aliter res habet; nunc enim cum servi estis Dei, nunc sanè capitis ex vestra hac servitute fructum, eum, inquam, ut in dies magis

magisque sanctificemini. — Præpositio *εἰς* hic dicitur *de effectu* : hæc illius fructus indoles est ut inde majus et majus in dies capiat sanctimonie incrementum, Confer quæ notavimus supra ad γ. 19 pag. 195.

γ. 23. *Stipendia enim peccati mors, etc.*) Confirmat (*γάρ*) quod modo (γγ. 21. 22) dixerat Apostolus de eventu utriusque servitutis, Peccati, inquam, et Justitiæ. Sed cum dixisset *merces quam Peccatum servis suis solvit mors est æterna*, pergere potuisset dicendo, *merces autem quam servis suis solvit Deus, vita est æterna*; nam et alibi (2 Tim. IV. 8) vitam æternum felicem vocavit *coronam justitiæ quam aliquando redditurus sit justus judex*; attamen maluit dicere *GRATIA autem Dei vita æterna est*, ut hac loquendi ratione unà significaret, justum non suis solius viribus sed Dei gratiâ adjutum vitam mereri æternam. — Audiatur S. AUGUSTINUS (Lib. de Corrept. et Grat. Cap. XIII.) : « *Quia, inquit, et ipsa vita æterna, quam certum est bonis operibus debitam reddi, a tanto Apostolo gratia Dei dicitur, cum gratia non operibus reddatur, sed gratis detur, sine ulla dubitatione confitendum est, ideo gratiam vitam æternam vocari, quia his meritis redditur quæ gratia contulit homini* ». *Εν Χριστῷ Ἰησοῦ* ut suprâ γ. 11.



CAPUT SEPTIMUM.

ARGUMENTUM. Quod suprà (Cap. VI. 14) Apostolus affirmaverat, Christianos non esse sub lege, hoc nunc it probatum. Probat autem hoc modo. Lex, inquit, dominatur subditis suis tantummodo dum illi vivunt; id quod illustrat exemplo mulieris maritatæ, quæ, mortuo marito, ulterius non teneatur lege conjugii, ut nubere jam possit alii viro. Deinde ea quæ dixerat ad propositum suum applicans docet, Christianos quoque secundum veterem hominem mortem obiisse adeòque liberatos fuisse a Lege; et hoc dicit factum fuisse in eum finem ut ita soluti a Lege mortifera junctique CHRISTO, deinceps vitam agerent novam Deoque grateam (1-7). Legem ergò appellaverat mortiferam; negat tamen se dicere voluisse Legem ex natura sua esse causam peccati, id quod nonnemo ex ejus verbis colligere potuisset. Ergo explicat quænam sit ratio legem inter et peccatum, concluditque legem ex natura sua esse sanctam, justam, bonam (7-13). Ergo-ne id quod ex natura sua bonum est, idem mortiferum sit? Respondet Apostolus, Legem non causam fuisse mortis, sed mortem a Peccato fuisse illatam occasione Legis; Legem autem per se esse bonam; id quod probat ex intestino illo bello inter spiritum et carnem, quod in se experitur ADÆ filius sub mera Lege constitutus (13-25).

γ. 1—3. An ignoratis fratres (scientibus enim legem loquor) quia lex in homine dominatur quanto tempore vivit? ² Nam quæ sub viro est mulier, vivente viro, alligata est legi: si autem mortuus fuerit vir ejus, soluta est a lege viri. ³ Igitur, vivente viro, vocabitur adultera si fuerit cum alio viro: si autem mortuus fuerit vir ejus, liberata est a lege viri, ut non sit adultera si fuerit cum alio viro.

γ. 1—3. Ἡ ἀγνοεῖτε, ἀδελφοὶ, (γινώσκουσι γὰρ νόμον λαλῶ) ὅτι ὁ νόμος κυριεύει τοῦ ἀνθρώπου ἐφ' ὅσον χρόνον ζῇ; ² Ἡ γὰρ ὑπανδρος γυνὴ τῷ ζῶντι ἀνδρὶ δέδεσται νόμῳ· ἐὰν δὲ ἀποθάνῃ ὁ ἀνὴρ, κατήργηται ἀπὸ τοῦ νόμου τοῦ ἀνδρός. ³ Ἀρα οὖν ζῶντος τοῦ ἀνδρός μοιχαλὶς χρηματίζει, ἐὰν γένηται ἀνδρὶ ἐτέρῳ· ἐὰν δὲ ἀποθάνῃ ὁ ἀνὴρ, ἐλευθέρα ἐστὶν ἀπὸ τοῦ νόμου, τοῦ μὴ εἶναι αὐτὴν μοιχαλίδά, γενομένην ἀνδρὶ ἐτέρῳ.

Paraphrasis. Scitis profectò, fratres, eos enim alloquor qui Legem Mosaicam cognoscunt, quod Lex in hominem dominetur quamdiu ille vivit. Etenim, ut hoc exemplo utar, Lex præcipit ut maritata mulier adstricta maneat viro suo quamdiu is vixerit; eo verò mortuo, mulier soluta est a lege quæ eam marito suo ligabat. Proinde si, vivente marito, alteri viro nupserit, adultera erit; si verò mortuus fuerit vir ejus, a lege conjugii libera est, ita ut non sit adultera si nupserit alteri.

γ. 1. *An ignoratis, fratres, etc.*). Antegresso capite (γ. 14) Apostolus dixerat *Christianos non esse sub Lege*, statimque ibi caverat ne forte in malum sensum effatum illud caperetur; ab hac ergo digressionem reversus, nunc probaturus et distinctius explicaturus est id quod ibi affirmaverat de Christianorum a dominio Legis libertate. Atque hinc patet quonam nexu præsens Caput cum antegresso cohæreat. *Num ignoratis?* Interrogatio est *negantis*, ut patet ex adjuncto: *loquor enim scientibus Legem*. Itaque sensus est: *Profectò non ignoratis.* — *Νόμος* et ὁ *νομος*, utrumque hic sumendum est de Lege Mosaicâ universâ; postulat hoc institutum Apostoli; assumsit enim probandum quod dixerat (Cap. VI. 14), *non sub Lege estis, sed sub gratia*, ubi status Legis Mosaicæ statui Evangelico opponitur. — *Ζῇ* scilicet ὁ *ανθρώπος*, non ὁ *νομος*, quod Estio aliisque placuit; vult enim docere Apostolus legem dominari non mortuis sed vivis, dum vivunt; patet hoc ex subjuncto exemplo (γ. 2), ubi sermo est de morte non *legis* sed *hominis*.

γ. 2—3. *Nam quæ sub viro est mulier, etc.*). Sententia superiori versiculo proposita, *legem Mosaicam dominari in hominem donec is vixerit, sive ad mortem ejus*

usque, hic illustratur (γαρ) exemplo mulieris nuptæ ¹⁾, ut quæ lege conjugii adstricta sit marito suo quamdiu is vixerit; eo autem mortuo soluta sit illius legis vinculo, ut alteri jam nubere possit. — Præmissæ (ψ. 13) doctrinæ applicatio fit versiculo quarto.

Vox ὑπανδρος, q. d. *subviralis*, dicitur ratione subjectionis de muliere viro juncta sive maritata. Græcorum hæc loquendi ratio est, quod multis exemplis probat WESTENIUS ad h. l. In dictione τῷ ζῶντι ἀνδρὶ δεδεταί *viventi viro alligata est*, vox ζῶντι *emphasin* habet et tantumdem hic valet ac si Apostolus scripsisset ἡ γυνὴ δεδεταί τῷ ἀνδρὶ αὐτῆς ἐφ' ὅσον χρόνον ζῇ ὁ ἀνὴρ αὐτῆς. Vox νομῷ *Dativus instrumenti* est: *lege* sive *per legem* mulier maritata alligata est viro suo. Intel-
ligitur autem Mosaica lex universè. Vulgata lectio hoc loco Græcæ non respondet. Con-
jeceris interpretem pro τῷ ζῶντι ἀνδρὶ legisse ζῶντος τοῦ ἀνδρός, sed istius-
modi lectionem nec Græcus codex ullus nec alia ulla antiqua versio exhibet. Etiam
antiqua Itala habet *viventi viro*. — Καταργεῖσθαι ἀπο quod hic et mox (ψ. 6)
iterum legitur, tantumdem valet ac (Cap. VI. 18) ἐλευθερῶσθαι ἀπο, *liberari ab*.
Cf. Gal. V. 3. 4. OECUMENIUS: κατηργηται, inquit, ἀντι τοῦ ἀπολελυται, ἐλευ-
θερωται. Est καταργεω idem quod ἀργον ποιεω *inertem facio, cessare facio*.
Ceterum, καταργεῖσθαι ἀπο dictum est præganter pro καταργεῖσθαι καὶ
χωριζεσθαι ἀπο. Simili modo 2 Cor. XI. 3 præganter dictum est φθειρεσθαι
ἀπο pro φθειρεσθαι καὶ χωριζεσθαι ἀπο. Cf. I Cor. VII. 20. Lex viri (ὁ
νόμος τοῦ ἀνδρός) h. e. *lex ad maritum pertinens, de eo lata* ²⁾, intelligitur lex con-
jugii, secundum quam mulier alligata est marito suo quamdiu is vixerit.

Bene SALMERON: « Quomodo verum est, inquit, quod mulier sit alligata viro secundum legem, quamdiu vivit vir ejus, cum in lege esset facultas repudiandi? . . . Dicendum est, Apostolum hic considerasse id quod est ex natura ipsa conjugii (Matth. X.) et quod etiam erat generali regula traditum et præceptum, non autem exceptiones quas lex habuerit ». In dictione ἄρα οὖν itaque ergo, prior Particula *concludentis* est, posterior *continuantis* sermonem. Cf. WIN. §. 57. 4. De notione verbi χρηματίζειν videsis quæ notavimus ad Act. Cap. XI. 26. Γίνεσθαι ἀνδρὶ de nubendo dicitur; confer (LXX) Ruth. 1. 2. Jud. XIV. 20; refert Hebraicum שִׁאֵרָה הָיָה. Ἐλευθερα

(1) Bene ADALB. MAIER: « Dieses Beispiel, Israël unter diesem Bilde dargestellt, » Cf. Ies. inquit, ist nicht zufällig gewählt, sondern es ist LVIV. 5. Hos. II. 19. 20. alib.

PAULUS dabei von seiner Gewohnheit geleitet, das verhältnisz zwischen der christlichen Kirche und Christus mit einer Ehe zu vergleichen (vgl. 2 Cor. XI. 2. Ephes. V. 23), worin er dem A. T. folgt, das häufig das Verhältnisz zwischen Iehova und

(2) WINER §. 30. b. Rom. VII. 2. νόμος τοῦ ἀνδρός Mannsgesetz, d. h. welche das Verhältnisz zum Ehemann festsetzt (Vgl. DEMOSTH. Mid. 390. A. ὁ τῆς βλάβης νόμος das Schadengesetz); oft in LXX, wie Levit. XIV. 2. ὁ νόμος τοῦ λεπροῦ.

ΕΣΤΙΝ ΑΠΟ ΤΟΥ ΝΟΜΟΥ scil. ΑΠΟ ΤΟΥ ΝΟΜΟΥ ΤΟΥ ΑΝΔΡΟΣ γ. 2. — De syntaxi του μη ειναι, adeo ut non sit, diximus ad Act. Cap. VII. 19.

γ. 4—6. Itaque fratres mei et vos mortificati estis legi per corpus CHRISTI, ut sitis alterius, qui ex mortuis resurrexit, ut fructificemus Deo. ⁵ Cum enim essemus in carne, passionibus peccatorum, quæ per legem erant, operabantur in membris nostris, ut fructificarent morti. ⁶ nunc autem soluti sumus a lege mortis, in qua detinebamur, ita ut serviamus in novitate spiritus, et non in vetustate litteræ.

γ. 4—6. Ὡστε, ἀδελφοί μου, καὶ ὑμεῖς ἐθανατώθητε τῷ νόμῳ διὰ τοῦ σώματος τοῦ Χριστοῦ, εἰς τὸ γενέσθαι ὑμᾶς ἀνδρὶ ^{a)} ἑτέρῳ, τῷ ἐκ νεκρῶν ἐγερθέντι, ἵνα καρποφορήσωμεν τῷ Θεῷ. ⁵ Ὅτε γὰρ ἡμεν ἐν τῇ σαρκί, τὰ παθήματα τῶν ἁμαρτιῶν, τὰ διὰ τοῦ νόμου, ἐνηργεῖτο ἐν τοῖς μέλεσιν ἡμῶν, εἰς τὸ καρποφορῆσαι τῷ Θανάτῳ. ⁶ Νυνὶ δὲ κατηργήθημεν ἀπὸ τοῦ νόμου, ἀποθανόντες ^{b)} ἐν ᾧ κατειχόμεθα, ὥστε δουλεύειν ἡμᾶς ἐν καινότητι πνεύματος καὶ οὐ παλαιότητι γραμματος.

Paraphrasis. Itaque, fratres, sicut istiusmodi mulier per mortem mariti soluta sit lege connubii, ita vos quoque, ut qui occisi estis secundum veterem hominem per occisum corpus CHRISTI quocum fuistis crucifixi, vos quoque, inquam, pariter facti estis liberi a dominio legis; quod quidem factum est in eum finem, ut per mysticam illam mortem vestram soluti a connubio cum Lege, alteri viro, illi, inquam, qui ex mortuis resurrexit, nuberetis, idque ut ex hac conjunctione fructum ferretis Deo. Nempe cum adhuc essemus in statu veteris et carnalis hominis, appetitus ad peccandum inducentes qui per legem in nobis excitabantur, vim suam in membris nostris exserebant eo eventu ut, peccantibus nobis, ipsi fructum ferrent Morti. Nunc verò liberati sumus a lege illa mortifera sub cuius dominatu antehac detinebamur, ita ut jam serviamus servitutem non illam veteris hominis sub lege constituti, quæ servitus præstabatur Peccato, sed eam servitutem, quæ novi hominis est sub gratia constituti, quæ servitus præstat Deo.

VARIANS LECTIO.

a) Vox ἀνδρι, quæ in nonnullis Minusculis hoc loco legitur, glossema est.

b) Pro ἀποθανόντες est του θανάτου in Codd. DEFG eamque lectionem exhibent quoque Itala et Vulgata. Sed priorem alteri prætulerim tum quòd plures habet testes, tum etiam quòd difficilior est. In paraphrasi tamen secuti sumus lectionem Vulgatæ.

γ. 4. Itaque fratres mei , et vos mortificati estis , per corpus Christi , etc.). Hic jam ad propositum suum Apostolus applicat (ὥστε) tum illud quod universè dixerat (γ. 1) de homine , si moriatur , lege soluto , tum etiam id quod ad modum exempli addiderat (γ. 2-3) de nupta muliere per mortem mariti lege connubii solutâ , ut jam nubere possit alteri . Sensus est : Itaque , fratres , sicuti istiusmodi mulier per mortem mariti soluta sit lege connubii , ita vos quoque (καὶ ὑμεῖς) qui occisi estis (mortem oppetivistis) per corpus CHRISTI , facti estis liberi a dominio Legis ; id quod factum est in eum finem ut (εἰς το) per mysticam illam mortem vestram soluti a connubio cum Lege , jam alteri viro , illi , inquam , qui ex mortuis resuscitatus est , nuberetis , idque ut ex hac conjunctione fructum ferremus Deo . Instituta oratio postulabat ut diceret fructum ferretis , sed modestiæ causâ personam mutavit .

Ὡστε quare , itaque , hoc loco Particula concludentis est , ut et infra XIII. 2. In epistolis Paulinis sæpè quoque construitur cum Imperativo , ut v. g. Philipp. II. 12. Oratio Apostoli , quod AD. MAIER hic notat ²⁾ , concinnior fuisset si scripsisset ita : ὥστε καὶ ὑμεῖς , οἱ θανατωθέντες δια τοῦ σώματος τοῦ Χριστοῦ , κατηργηθησθε ἀπο τοῦ νομοῦ , εἰς το κ. τ. λ. ; itaque vos quoque , qui occisi estis (mortem oppetivistis) per corpus CHRISTI , facti estis liberi a dominio Legis , idque in eum finem , ut , etc. .

Sed tria hic quærenda sunt : unum , quo sensu Christiani , qua tales , occisi dicantur ; alterum , quo sensu per Christi corpus occisi ; tertium , quo sensu Legi (τῷ νόμῳ) occisi per CHRISTI corpus . Ergo occisi dicuntur Christiani quatenus interfecti sunt secundum veterem hominem . Confer quæ notavimus supra ad Cap. VI. 6. Dicuntur autem non simpliciter mortui sed occisi , quia , utpote per baptismum insiti CHRISTO , unâ cum illo crucifixi fuerunt secundum veterem hominem adeoque hactenus violentâ morte sublati . Nam vetus homo noster , docente Apostolo (Cap. VI. 6) , unâ cum CHRISTO crucifixus fuit (συνεσταυρωθη) . Hinc verò patet , δια τοῦ σώματος τοῦ Χριστοῦ valere δια τοῦ θανατωθέντος σώματος τοῦ Χριστοῦ , per occisum corpus CHRISTI . Scilicet Christiani per baptismum occiso CHRISTO incorporati , ³⁾ per occisum corpus ipsius unâ etiam ipsi secundum veterem hominem fuere occisi ⁴⁾ . Recolenda hic sunt qua notavimus

(1) Comparationem hanc postulat vocula καὶ in dictione καὶ ὑμεῖς .

(2) Commentar über den Brief PAULI an die Römer. ad h. I. .

(3) THEODORETUS (ad h. I.) : Εἶπεν ἡμᾶς τεθανατωσθαι τῷ νόμῳ διὰ τοῦ σωτηρίου βαπτισματος· εἰτα πάλιν ἀναστάντας ἑτέρῳ συναρθεῖναι , τῷ ἐκ νεκρῶν ἐγερθέντι ,

τούτῃστι , τῷ δεσποτῇ Χριστῷ . h. e. Dixit nos legi mortificatos esse per baptismum salutarem ; deinde cum resurrexissemus , alteri conjunctos esse , illi qui ex mortuis resurrexit , hoc est , Domino CHRISTO .

(4) SOTO (ad h. I.) : In Baptismo , inquit , mortificari nos ait PAULUS per corpus CHRISTI quod efficimur .

suprà ad Cap. VI. 2—7. Tandem *Legi* (τῷ νόμῳ in Dativo *incommodi*) dicuntur occisi Christiani, quia ipsâ suâ illâ morte dominium¹⁾ Legis in illos cessavit; nam Legi nihil cum mortuis, ut dictum erat suprâ γγ. 1 et 2. Probavit ergo Apostolus id quod probandum assumpserat, scilicet *Christianos non esse sub Lege*, sive a dominio Legis esse liberatos.

ut sitis alterius, qui ex mortuis resurrexit). Græca habent: *Ut essetis alteri, (viro illi, inquam) qui a mortuis fuit excitatus*. Docet quem in finem Christiani fuerint *Legi occisi per corpus CHRISTI*. Finis autem erat, *ut fierent (εἰς τὸ γενεσθαι)* alterius viri sponsæ, ut, inquam, tamquam novo viro desponsi copularentur illi qui a mortuis resurrexit, id est, CHRISTO; quem Apostolus ideò illa periphrasi designat, quia modò eundem dixerat *occisum*. Ceterum, respicit hic exemplum nuptæ mulieris suprâ (γ. 2. 3) propositum.

ut fructificemus Deo). Græcè est *ἵνα καρποφορήσωμεν*, quod reddendum erat *ut fructificaremus Deo*. Persistit in similitudine exempli propositi (γ. 2. 3), et allusio fit ad finem conjugii. Benè THEOPHYLACTES (ad h. l.): *Ἰνα καρποφορήσωμεν τῷ Θεῷ, τουτέστιν, ἵνα ἐκ τῆς συζυγίας ταύτης τῆς πρὸς τὸν Χριστὸν τεκνογονήσωμεν τῷ Θεῷ, πράξεις ἀγαθὰς δηλαδὴ. Ut fructum ferremus Deo, hoc est, ut ex hoc conjugio quò CHRISTO juncti sumus, liberos progeneremus Deo, nempe bona opera. Τῷ Θεῷ in Dativo commodi. Fructus, hoc est, opera quibus glorificetur Deus.*

γ. 5—6. *Cum enim essemus in carne, etc.*) Docet (γ. 5—6) fructus illos proferri non potuisse dum adhuc erant in statu *veteris hominis*, sive, quod hic eòdem recidit, in statu Legis; proferri autem, soluto Legis dominio. Particula γὰρ hoc loco valet *nempe, scilicet*, ut Matth. I. 18. Sensus est: Nempe cum adhuc essemus in statu veteris et carnalis hominis, appetitus ad peccandum inducentes, qui per legem in nobis excitabantur, vim suam in membris nostris exserebant eò eventu ut, peccantibus nobis, ipsi fructum ferrent Morti. Nunc verò liberati sumus a lege illa mortifera, sub cujus dominatu antehac detinebamur, ita ut jam serviamus servitutem non illam veteris hominis quæ præstabatur Peccato, sed eam quæ novi hominis est quæque præstat Deo.

Εἶναι ἐν τῇ σαρκί dicitur de statu, in quo sunt homines ut lapsi Adami progenies, antequam ex Deo renascantur; hic status est *veteris* et carnalis hominis. Itaque *esse in carne* tantumdem est ac *esse in statu veteris hominis*. Status huic oppositus est status *τοῦ εἶναι ἐν πνεύματι*. Cf. γ. 6 et infra Cap. VIII. 3. Sunt autem adhuc *in carne* qui sunt in statu *meræ* Legis.— *Παθηματα* *passiones, affectus. Τῶν ἁμαρτιῶν* est Genitivus *Objecti*. Intelliguntur ergo appetitus ad peccata inducentes qui per Legem

(1) *Lex* ibi per Prosopociam exhibetur tamquam *maritus*.

(*τα δια του νομου*) excitabantur. Hæc *παθηματα*, inquit Apostolus, in membris nostris (Cf. VI. 19) *ἐνργεῖτο* (in forma Media) *operabantur*, *vim suam exercebant*, idque eo eventu ut (*εἰς*) fructificarent Morti (*τῷ Θανάτῳ* in Dativo *commodi*). *Θάνατος* hic per Prosopopœiam tanquam Persona sistitur, atque ita opponitur *τῷ Θεῷ* γ. 4. Per peccata regnum Mortis dilatatur; nam *stipendium peccati mors est æterna*, adeoque Morti obnoxii redduntur peccatores.— De *ἐνεργεῖσθαι* verbo Medio vide WINERUM §. 39. p. 299.

Ad rem TOLETUS (ad h. l.): « Adverte, inquit, PAULUM loqui de hominē sub lege posito, in quo statu peccato adhærebat; nam per legem solam nec a peccato in quo natus est, nec peccata omnia, quæ contra ipsam legem erant, vitare poterat; hoc enim facit gratia CHRISTI, quæ non per legem sed per fidem CHRISTI dabatur et datur. Lex ergo non habenti gratiam nec CHRISTO adhærenti occasio peccandi erat, quia præcipiebat et prohibebat ea quorum transgressio peccatum erat, nec tamen adhibebat auxilium quo transgressio vitari possit. Vetus ergo homo sive Peccatum per legem dominabatur homini et in eo suum exercebat imperium, quia ad peccandum et in consensum concupiscentiarum peccati hominem pertrahebat, cum is nec peccatis resistere, nec legem implere posset. Sicut igitur vir dominatur feminæ per legem quæ inter eos est, nec cessat dominium nisi viro mortuo, ita vetus homo et peccatum dominatur homini ut sibi consentiat et faciat peccati ac veteris hominis opera, donec ipsum peccatum et vetus homo vivit; quo mortuo ac peccato deleto, non amplius hoc dominium exercet, nec per legem ad peccandum pertrahit, existente jam gratia per novum hominem, qua lex impletur nec amplius peccati occasio est. »

γ. 6. *Nunc autem soluti sumus a lege mortis in qua detinebamur, etc.*) Si pro *του θανάτου* (Vide Var. Lect.) legere hic malueris *αποθανόντες*, præsentem locum Latinè ita reddideris: *Nunc autem a Legē sumus soluti*, utpote mortui ei (scil. Legi) *in qua* (*αποθανόντες ἐκείνῳ ἐν ᾧ*) *detinebamur*. Quod si mavis jungere *αποθανόντες* cum *κατηργηθῆμεν* ita ut *ἐν ᾧ* construatur cum *του νομου*, sensus sit: *Nunc verò quum simus mortui* (*αποθανόντες*); *soluti sumus a Legē, in quā detinebamur*. Puta PAULUM verba scripsisse hoc ordine: *Νυνὶ δὲ ἀποθανόντες κατηργηθῆμεν ἀπο τοῦ νομοῦ, ἐν ᾧ κατειχομεθα*. Secundum lectionem Vulgatæ sensus est: *Nunc autem soluti sumus a lege mortis*, i. e. per quam mortui fructificabamus, *in quā lege*, sub cuius legis dominio, antehac *detinebamur*.

Mentem Apostoli TOLETUS his verbis explicat: « Cum essemus in carne, nimirum quando vetus homo vivebat in nobis, passionēs peccatorum operabantur in nobis; at nunc quando mortuus est in baptismo, per quem homo ille vetus crucifixus est cum CHRISTO, non

(1) Vide suprā ad γ. 3.

sic est , sed soluti et liberi sumus a dominio jugoque legis mortis..... Jam enim peccatum per legem non dominatur nobis , pertrahens et impellens nos ad sibi consentiendum , sed liberi sumus , habentes virtutem gratiæ , qua legem implemus , et per eam non Peccato sed Deo servimus. »

ita ut serviamus in novitate Spiritûs , et non in vetustate litteræ). Ὡστε (*ita ut*) sequente Infinitivo , hic dicitur *de eventu* (ut infra Cap. XV. 19) , de eo , inquam , quod secutum sit inde quod soluti simus a dominio Legis , sive quod eodem recidit , quod cessaverimus *esse in carne* (γ. 5). Quod dicit *ita ut serviamus* (ὥστε δουλεύειν ἡμᾶς) , servitutem cogitat quæ aut Deo aut Peccato præstetur (Cf. Cap. VI. 16). Γράμμα (*litteram*) legem hic vocat (ut suprâ Cap. II. 29) ; Πνεύμα verò Spiritum sanctum intelligit. Καινοτης *novitas* et παλαιότης *vetustas* , utrumque dicitur *de statu* ; itaque *status legis* opponitur *statui Spiritûs* sive *gratiæ* . Illum autem statum *vetustum* nominat , quia erat *veteris hominis* status quem excepit *status novi hominis* . In illo Peccatum dominabatur per Legem ; in hoc gratia dominatur per quam lex impletur ; ibi *littera occidebat* , hic *Spiritus vivificat*¹⁾ . Cf. 2 Cor. III. 6. Nam *lex spiritus vitæ in Christo Jesu liberavit a lege peccati et mortis* . Vide infra Cap. VIII. 2. Præpositio *ἐν* hoc loco dicta est *de statu in quo quis operans versatur* .

« Servire in novitate Spiritûs , inquit TOLETUS (ad h. l.) , est incumbere mandatis divinis per gratiam acceptam Spiritûs sancti ; quæ nova dicitur , facta collatione ad peccatum , in quo prius fuimus et quod ab ADAMO traximus ; gratiam enim a secundo ADAMO CHRISTO , in quo denuò nati sumus , accepimus. Qui autem in hac gratia Spiritûs servit , Deo fructificat. Vetustas autem est peccatum , in quo prius fuimus et quod lex non potuit auferre. Qui autem in hac vetustate inservit et sub lege est , hic morti fructificat , quia legem non valet implere. Soluti ergo sumus a lege , id est , erepti a statu illo priore in quo peccatum dominabatur per legem ; et translati in statum gratiæ , ut per hanc divinis mandatis incumbamus , vetustate peccati , in qua sub lege sine Spiritu eramus , ablatâ et abjectâ. »

(1) Hoc PAULI effatum ut sæpissimè recitatur , ita plerumque intelligitur non rectè. Genuinum illius effati sensum S. AUGUSTINUS tradit : Attende , inquit , Apostolum ad Romanos explicantem satisque monstrantem quod scripsit ad Corinthios littera occidit ,

Spiritus autem vivificat , sic magis accipiendum , quemadmodum diximus , quoniam legis littera quæ docet non esse peccandum , si Spiritus vivificans desit , occidit . De Spiritu et litt. Cap. 5.

ψ. 7—8. Quid ergo dicemus? lex peccatum est? Absit. Sed peccatum non cognovi, nisi per legem: nam concupiscentiam nesciebam, nisi lex diceret: Non concupisces. ⁸ Occasione autem accepta, peccatum per mandatum operatum est in me omnem concupiscentiam. Sine lege enim peccatum mortuum erat.

ψ. 7—8. Τί οὖν ἐροῦμεν; ὅτι ^{a)} ὁ νόμος ἁμαρτία; Μὴ γένοιτο· ἀλλὰ τὴν ἁμαρτίαν οὐκ ἔγνων, εἰ μὴ διὰ νόμου· τὴν τε γὰρ ἐπιθυμίαν οὐκ ᾔδειν, εἰ μὴ ὁ νόμος ἔλεγεν· Οὐκ ἐπιθυμήσεις· ⁸ ἀφορμὴν δὲ λαβοῦσα ἡ ἁμαρτία, διὰ τῆς ἐντολῆς κατειργάσατο ἐν ἐμοὶ πᾶσαν ἐπιθυμίαν· χωρὶς γὰρ νόμου ἁμαρτία νεκρά.

Paraphrasis. Hæc cum ita sint, quid igitur inde colligemus? Num dicamus legem esse causam peccatorum? Absit! Verum per legem experientiam cognovi innatam mihi concupiscentiam malam; etenim actualem concupiscentiam malam, ex qua innatam illam cognovi, expertus non essem, si lex illam non prohiberet. Nacta autem occasionem incitantem ad vim suam exserendam innata mihi concupiscentia, per præceptum de non concupiscendo in me protulit omnigenam concupiscentiam actualem. Nam ubi lex positiva non adest, ibi innata concupiscentia, quum non habeat quo excitetur, vim suam non exerit ac veluti mortua jacet.

VARIANS LECTIO.

a) Vocula εἰ hoc loco non legitur nisi in paucissimis Minusculis; glossema est.

ψ. 7. Quid ergo dicemus? *Lex peccatum est?*) Dixerat modò (ψ. 5) Apostolus, παθηματα ἁμαρτιῶν vim suam in membris corporis exseruisse *per legem* (διὰ τοῦ νόμου), idque eo eventu ut hominem pertraherent ad peccatum. Hinc verò nonnemo conficere potuisset, legem ab eo traduci tamquam malam, quæ contumelia affecisset ipsum quoque legislatorem, Deum. Itaque falsam hanc consequentiam hic præoccupat.— De formula *τί οὖν ἐροῦμεν*, qua inducitur falsæ illius consequentiæ propositio, vide supra ad Cap. VI. 1. *Num lex peccatum est?* h. e. causa sive effectrix peccatorum. Nimirum est hic in usu vocis ἁμαρτία Metonymia quâ effectus ponitur pro re efficiente, ut mox (ψ. 13) iterum in usu vocis Θάνατος, et infrà Cap. VIII. 6.

Absit! sed (ἀλλὰ) peccatum non cognovi nisi per legem;) Falsam illam quam dixi consequentiam Apostolus tamquam absurdam rejicit. Particula ἀλλὰ falsæ illi

de lege sententiæ *opponit* quid ex rei veritate sentiendum sit de ratione quæ intercedit inter peccata et Legem. Itaque *ἀλλὰ* logicè afficit totum id quod dicitur ab hoc loco usque ad versiculum duodecesimum, ubi ex dictis suis Apostolus concludit, legem esse sanctam, justam, bonam.

Peccatum, inquit, *non cognovi nisi per legem*. Tria hic quærentur: *unum*, de quonam peccato sermo sit; *alterum*, ex cujusnam hominis persona PAULUS hic loquatur; *tertium*, quamnam legem cogitet.

Ergo, ad *primum* quod attinet, *peccatum* (*τὴν ἁμαρτίαν*), de quo hic agitur, intelligenda est *concupiscentia innata*¹⁾ sive *fomes*, aut, quod idem est, *lapsæ humanæ naturæ vitiositas* illa, quæ ab unoquoque homine²⁾ nascendo contrahitur. Nec alio sensu *peccatum* hic esse sumendum, id quidem constat ex tota contexta oratione, ex iis, inquam, quæ deinceps (§. 8. 9. 11. 13. 14) de eodem hoc peccato dicuntur, quæque talia sunt ut non nisi ad lapsæ humanæ naturæ illam, quam dixi, vitiositatem referri possint. Vitiositatem hanc Apostolus infrà (§. 17) vocat *τὴν οἰκουσαν ἐν ἐμοὶ ἁμαρτίαν* habitans in me peccatum.

Secundo loco quærebatur ex cujusnam hominis personâ Apostolus hic loquatur. Et respondendum est, PAULUM in præsentī pericopa (§. 7—25) per *metaschematismum* aliam atque aliam induere personam. Nam quæ leguntur versiculo vigesimo quinto (*Gratia Deo* (*τῷ Θεῷ*) per JESUM CHRISTUM *Dominum nostrum*) dicta sunt ex persona *novi hominis* sive justificati et sanati; in reliquis vero loquitur in persona *veteris hominis* sive necdum justificati et sanati atque sub lege constituti³⁾; excipe tamen ea quæ habentur versiculo nono ubi personam agit *veteris hominis necdum* sub lege constituti⁴⁾.

(1) Vocatur etiam *concupiscentia habitualis* a Theologis.

(2) Conferenda hic sunt quæ supra notavimus ad Cap. V. §. 12.

(3) Manifestò hoc patet ex iis quæ de se affirmat is qui ibi loquitur. Nam quod dicit (§. 14) *carnalis sum, venumdatus sub peccato*, et mox (§. 18) *perficere bonum non invenio*, et deinde (§. 23) *video legem in membris meis captivantem me in lege peccati*, et denique quod idem exclamat, *infelix ego homo quis me liberabit de corpore mortis hujus*, omnia hæc profectò talia sunt ut justificato minime convenient; relinquatur ergo ut referantur ad hominem necdum justificatum.

(4) Rectè SALMERON (Disput. ad h. l.) « Hic, inquit, observa quod PAULUS absque ulla controversia Judæi carnalis induit personam, sicut etiam

quædam alia loquitur in persona hominis existentis extra legem, ut cum ait: *Ego autem vivebam sine lege aliquando*. Alias verò loquitur in persona justificati et instaurati; quod diligentissime notandum est, quia ex eo pendet totius capituli vera intelligentia. » TOLETUS quoque in eadem est sententiâ. Nam postquam monuit, Augustinum in exponendo hoc capite aliter atque aliter sensisse de homine cujus personam PAULUS ibi agit, ita dicere pergit: *Nos tamen, inquit, priorem ejus* (Augustini) *expositionem magis probamus, nempe, hæc* (ea quæ dicuntur versiculo septimo) *et quæ sequuntur de homine sub legis statu esse dicta; hujus enim personam PAULUS repræsentat, ad legem ita commendandum et a peccato secernendam, ut postea impotentiam ejus ad liberandum se a peccato aperiat miseriamque statûs illius describat, et inde gratiæ virtus omnibus innotescat,*

Tandem ad *tertium* quod attinet, dubitari nequit quin PAULUS loquatur de lege Mosaica. De ea enim lege loquitur, quam suprâ videri poterat (ψ. 5) reprehendisse; atqui hæc erat lex Mosaica. Idem conficitur hæc quoque observatione: scilicet, Apostolum hic loqui de ea lege, de qua paulò ante (Cap. V. 20) dixerat: *Lex subintravit ut abundaret delictum*; atqui lex hæc indubitanter intelligenda est lex Mosaica; neque enim de lege naturæ dici potest quod *subintraverit*.

Sensus hujus partis est: *Peccatum (την ἁμαρτιαν) h. e. innatam mihi concupiscentiam malam non cognovi nisi per legem.*

nam concupiscentiam nesciebam, nisi lex diceret: Non concupisces). Probat (γαρ) quod modò dixerat: *peccatum* (innatam mihi concupiscentiam malam) *non cognovi nisi per legem*. Probat autem argumento ducto ex mala concupiscentia *actuali*. Argumentatio hæc est: Innatam mihi concupiscentiam malam non cognovi nisi per legem; etenim actualement concupiscentiam malam, ex quâ innatam illam cognovi, non novissem, si lex actualement illam concupiscentiam malam non prohiberet. — *Ουκ ᾔδειν* omisso *αν*, quod et poterat abesse. Cf. Joh. IX. 33. XIX. 11. *Τε γαρ*, etenim, ubi *τε* nectit, *γαρ* rationem reddit, ut supra Cap. I. 26. *Επιθυμια* concupiscentia quæ hic dicitur, sumenda est sensu generali, eo, inquam, sensu quo in epistola ad Galatas (Cap. V. 16) *επιθυμια τῆς σαρκος* singulas cupiditates malas comprehendit. Eodem sensu S. Jacobus vocem *επιθυμια* adhibuit cum scriberet (Cap. I. ψ. 14): *Unusquisque tentatur a concupiscentia sua (ὑπο τῆς ἰδίας ἐπιθυμίας) abstractus et illectus*. Quod autem Apostolus hoc loco *concupiscentiam* generali illo sensu intellexerit, hoc vel indè probatur quòd Decalogi (Exod. XX. 16) præceptum speciale: *Non concupisces proximi tui domum, uxorem, servum, cet.*, tamquam *generale* allegat, absolute dicendo: *Non concupisces*. Et verò radix et causa omnis peccati est aliqua concupiscentia specialis. Ceterum, quamquam affirmandum est, hominem etiam absque positiva lege per solam legem naturalem conscium fieri innatæ sibi concupiscentiæ malæ, tamen præcipuo et eminenti quodam modo illud fit per externum dictamen legis positivæ. Quare ea quæ ab Apostolo de lege hoc loco dicuntur, tamquam *comparativè* dicta sumenda sunt ¹⁾.

ψ. 8. *Occasione autem accepta, peccatum per mandatum operatum est in me omnem concupiscentiam*). Jungendum est *δια τῆς ἐντολῆς* non cum *αφορμην λαβουσα*, sed cum *κατειργασατο*. Quam structuram jam suadet ordo verborum;

(1) Auch durch das Naturgesetz tritt die Sünde in den Sinn, und wird der Hang nach dem Verbotenen als solchem rege, je nach dem Grade der Erkenntnis; dieses geschieht aber im eminenten Sinne durch dieses positive, in äusserlicher Sicht- und Hörbarkeit auf das deutlichste und ausdrücklichste redende Gesetz. KLEE. Commentar ad h. l.

nam si alteram voluisset, utique verba posuisset hoc ordine : *αφορμην δε λαβουσα δια της εντολης, η̄̄ αμαρτια κατειργασατο*, κ. τ. λ. Sed jungendum esse *δια της εντολης* cum *κατειργασατο* perspicuè patet ex loco parallelo (γ. 11); nam, ut FRITSCHIUS observat (ad h. l.), si ibi *δια της εντολης* cum *αφορμην λαβουσα* cohaereret, PAULUS ibi scripsisset *εξηπατησε με δι' αυτης και απεκτεινεν*. Accedit, dictionem *αφορμην λαμβανειν* solere aut *absolutè* poni, aut dici *αφορμην λαμβανειν απο*, *παρα*, aut *εκ τινος*, non verò *δια τινος*.

Αφορμη (ex *απο* et *ορμη impetus*) non quaecumque *occasio* est, sed talis quæ excitet ad agendum. Sensus est : *Nacta* (*λαβουσα*) *autem occasionem incitantem* (*αφορμην*) ¹⁾ ad vim suam exserendam *innata mihi concupiscentia* (*η̄̄ αμαρτια*) ²⁾, *per mandatum* (*δια της εντολης*) *de non concupiscendo operata est atque in me produxit* (*κατειργασατο*) *omnigenam* (*πασαν*) *concupiscentiam actualem*. Sermo hic est, quod ex versu 11 colligitur, de concupiscentiæ motibus iis quibus voluntas consentiat. Ceterum ut dicta *comparativè* hæc sumenda sunt. Cf. p. 208. *Vehementius* enim, ut hic notat ESTIUS, inardescit concupiscentiæ flamma dum lege premitur. Et notum est illud POËTÆ : *Nitimur in vetitum semper*. Cujus rei causa est naturalis amor libertatis, quæ restringi videtur et minui per legem; cui proinde natura corrupta resistens, in contrarium nititur.

sine lege enim peccatum mortuum erat). In Græco nullum hic verbum est; quare suppleverim non *erat* sed *est*. Quod modo dixerat de Peccato sive innatâ concupiscentiâ excitatâ et vim suam exserente per legem, illud hic *probat* (*γαρ*) *argumento a contrario*. Sensus est : Nam ubi lex positiva non adest, ibi innata concupiscentia, quum non habeat quo excitetur, vim suam non exserit ac veluti mortua jacet. Sed hæc quoque sumenda sunt tamquam *comparativè* dicta, ut supra ad γ. 7 (pag. 208) notavimus.

γ. 9—12. Ego autem γ. 9—12. Ἐγὼ δὲ ἔζων
vivebam sine lege aliquando. χωρὶς νόμου ποτέ· ἐλ-
Sed quum venisset man- θούσης δὲ τῆς ἐντολῆς,
datum, peccatum revixit. ἡ ἀμαρτία ἔζησεν, ^{a)}

Paraphrasis. Ego, inquam, aliquando vitam agebam necdum latâ lege; eoque tempore innata mihi concupiscentia iners ac veluti mortua

(1) Cf. WETSTEN. ad h. l., et VIGER. De Idiot. Cap. III. Sect. IV. Reg. 1.

(2) Ita quoque S. THOMAS (ad h. l.). Nam post recensitas interpretationes alias, ita dicere pergit : « Sed melius est, inquit, quod hoc referamus ad peccatum, quod supra dixerat (Cap. V), per

unum hominem in hunc mundum ingressum, scilicet ad peccatum originale, quod scilicet ante gratiam Christi est in homine secundum culpam et pœnam; sed veniente gratiâ transit reatu et permanet actu quantum ad fomitem peccati vel concupiscentiam habitualem, quæ operatur in homine omnem concupiscentiam actualem.

¹⁰ Ego autem mortuus sum: et inventum est mihi mandatum, quod erat ad vitam, hoc esse ad mortem.

¹¹ Nam peccatum occasione accepta per mandatum, seduxit me, et per illud occidit. ¹² Itaque lex quidem sancta, et mandatum sanctum, et justum, et bonum.

¹⁰ ἐγὼ δὲ ἀπέθανον καὶ εὑρέθη μοι ἡ ἐντολὴ ἢ εἰς ζωὴν, αὐτὴ εἰς θάνατον. ¹¹ Ἡ γὰρ ἁμαρτία ἀφορμὴν λαβοῦσα, διὰ τῆς ἐντολῆς ἐξηπάτησέ με, καὶ δι' αὐτῆς ἀπέκτεινεν. ¹² Ὡστε ὁ μὲν νόμος ἁγίος, καὶ ἡ ἐντολὴ ἀγία καὶ δικαία καὶ ἀγαθή.

jacebat; sed cum advenisset præceptum de non concupiscendo, tum vim suam exserere illa cœpit; ibi autem ego secundum animam mortuus sum; et comperi, legem, quæ data erat ad animæ vitam et salutem, ipsam hanc mihi fuisse mortiferam. Nam innata illa mihi concupiscentia, cum nacta esset occasionem eam incitantem ad vim suam exserendam, per præceptum de non concupiscendo operata in me concupiscentiam actualem me seduxit, trahendo voluntatem ad consensum, meque ita per præceptum occidit. Quum ergo lex homini data fuerit ut vitam haberet, innata autem illa concupiscentia mala ipsum occasione legis in peccata impulerit, profectò consequitur, legi nihil esse cum peccato commune, sed eam esse sanctam, et præceptum ejus esse sanctum et justum et bonum.

VARIANS LECTIO.

a) Pro ἐξῆσεν est ἀνεξῆσεν in plerisque Codicibus; hanc lectionem Latina Vulgata quoque exhibet.

ŷ. 9. *Ego autem vivebam sine lege aliquando*). Quæ adhuc (ŷ. 7 et 8) dixerat Apostolus de ratione quæ est inter legem et peccatum, hæc deinceps (ŷ. 9-12) distinctius explicat. *Explicationem* hanc inducit Particula δὲ, quæ adeo valet Latinum *inquam*, ut suprâ Cap. III. 22. Priora autem hujus versiculi verba ista, *ego vivebam*

sine lege aliquando, ab Apostolo dicuntur sub persona veteris hominis ut viventis priusquam Mosaica lex daretur, sive sub lege naturæ. Sensus est: *Ego, inquam, aliquando vitam agebam necdum latâ lege Mosaicâ*; supple ex contexta oratione: *eoque tempore innata mihi concupiscentia vim suam non exserbat ac veluti mortua jacebat.*

sed cum venisset mandatum, peccatum revixit). Græcè est ἀνεζήσεν, quod hic simpliciter valet *vivere cæpit*, si hoc dicatur de eo quod iners, languidum ac veluti mortuum adhuc jacebat. Conferri potest Germanicum *aufleben*, quando hoc usurpatur de arbuscula aut planta adhuc languente sed nunc revallescente. Ἀνα Præpositio in Compositis nunc *sursum* notat, nunc *iterum*; priorem notionem ἀνα hic obtinet in verbo ἀναζήν. PAULUS enim modò (γ. 8) negavit τὴν ἁμαρτίαν sive innatam concupiscentiam vivere ante legem latam. Bene ESTIUS: « Simpliciter, inquit, intelligi potest *revixit*, id est *excitatum est* aut *apparere cæpit*, ut AUGUSTINUS exponit. Itaque ἀνεζήσεν interpreteris *vim suam exserere cæpit*. Ἡ ἐντολὴ est præceptum de non concupiscendo, ut supra γ. 8.

γ. 10. *Ego autem mortuus sum*). Dicit quid acciderit cum innata concupiscentia hactenùs sopita, ad datam legem veluti evigilasset. Accidit autem ut hæc per legem mortem illi inferret illeque *moreretur* (ἀπεθανον); atque ita eventu comperit, legem, quæ data illi erat *ut vitam æternam haberet* (εἰς ζωὴν)¹⁾, ipsam hanc (αὕτη) illi fuisse *mortiferam* (εἰς θάνατον). Quod quomodo factum sit, mox (γ. 11) explicat.

Εὐρεθὴ μοι ἡ ἐντολὴ, compertum est a me ipso præceptum. Verbum Passivum ibi structum est cum Dativo, ut infrà Cap. X. 20. Præpositio εἰς, quæ bis hic legitur, priore loco dicitur *de fine in quem*, posteriore *de eventu*. Suffecerit post θάνατον mente supplevisse οὐσα.

γ. 11. *Nam peccatum occasione acceptâ, etc.*). Explicat (γάρ) quî factum sit ut lex illi fuerit εἰς θάνατον. Verba ista, ἡ γὰρ ἁμαρτία ἀφορμὴν λαβούσα, eodem sensu sumenda sunt quo suprâ, versu octavo; quod sequitur διὰ τῆς ἐντολῆς jungendum est cum ἐξηπάτησε με, ut ibidem jam diximus. Sensus est: *Peccatum (ἡ ἁμαρτία) h. e. innata mihi concupiscentia mala, operata in me per præceptum concupiscentiam actualem* (Cf. γ. 8) me seduxit trahendo voluntatem ad consensum, atque ita me per præceptum (δι' αὐτῆς) occidit.

(1) PETAVIUS (De Prædest. Lib. X. Cap. 24. n. 8.): « Cum adolescens ille (Matth. XIX. 16. 17) sciscitaretur: *Magister bone, quid boni faciam, ut habeam vitam æternam?* Christus illi respondit: *Si vis ad vitam ingredi, serva mandata.* Ergo ejusmodi erant mandata legis, et hoc ex instituto et latoris intentione ac consilio, id est *ex professo* spectabat ipsa, ut ad vitam æternam ac salutem perduceret; idque si minus in plerisque consecuta

est, non eo contigit quòd vel mali aliquid et alieni ab salute præciperet, vel legi subjuncta supraque captum ejus ac meritum impensa Christi gratia deesset; verum improbitatē culpæque factum est eorum qui oblatis adminiculis recte uti noluerunt, ac medicinam verterunt in perniciem. Sic *inventum est illis mandatum, quod erat ad vitam, hoc esse ad mortem.* » Confer etiam quæ notavimus supra ad Cap. VI. 14,

γ. 12. Itaque lex quidem sancta , et mandatum sanctum et justum et bonum). *Conclusio* (ὥστε ut suprà γ. 4) hic fit ex iis quæ respondit (γ. 7—12) ad quæstionem (γ. 7) : *Num lex peccatum est ?* Sensus est : Cum ergo lex homini data fuerit ut vitam haberet (εἰς ζωὴν), innata autem illi concupiscentia mala ipsum occasione legis in peccata impulerit , profectò consequitur , legi nihil esse cum peccato commune , sed eam esse sanctam , et præceptum ejus esse sanctum et justum et bonum.

Post Protasin ὥστε ὁ μὲν νομος expectasses Apodosin inducendam per Particulam δε , sed Apodosis orationi hic deest. Itaque μὲν hoc loco *solitarium* est. Apodosis fuisset hæc : *mala autem concupiscentia (ἡ δε ἁμαρτία) bonâ lege malè usa est* , secundum id quod mox (γ. 13) dicitur : ἡ ἁμαρτία . . δια τοῦ αγαθοῦ μοι κατεργαζομένη θάνατον.

γ. 13. Quod ergo bonum est , mihi factum est mors ? Absit. Sed peccatum , ut appareat peccatum , per bonum operatum est mihi mortem : ut fiat supra modum peccans peccatum per mandatum .

γ. 13. Τὸ οὖν ἀγαθὸν ἐμοὶ γέγονε θάνατος ; μὴ γένοιτο . ἀλλὰ ἡ ἁμαρτία· ἵνα φανῇ ἁμαρτία , διὰ τοῦ ἀγαθοῦ μοι κατεργαζομένη θάνατον , ἵνα γένηται καθ' ὑπερβολὴν ἁμαρτωλὸς ἡ ἁμαρτία διὰ τῆς ἐντολῆς.

Paraphrasis. Ergo-ne id quod per se bonum est, mihi causa fuit mortis ? Absit ! verùm innata mihi concupiscentia mala, hæc demùm causa mortis mihi fuit ; factumque hoc est ut illa concupiscentia mala adhuc latens sic manifesta fieret et cognosceretur tamquam peccatrix , quippe quæ per ipsum id quod bonum est mortem mihi intulisset , ut , inquam , tamquam insigniter peccatrix manifesta illa fieret per præceptum.

γ. 13. Quod ergo bonum est , mihi factum est mors ?) Mandatum modò (γ. 12) affirmaverat esse *bonum* (αγαθόν), et in antegressis (γ. 10) dixerat illud sibi fuisse *mortiferum* (εἰς θάνατον). Hinc nova oppositio hæc : *Ergo-ne id quod per se bonum est , mihi causa fuit mali ?* In voce θάνατος Metonymia est qua effectus ponitur pro re efficiente , ut suprà γ. 7, et infrà Cap. VIII. 6.

Absit ! Sed peccatum , ut appareat peccatum , etc.). Consequentiam illam cum abominatione rejicit ; docetque non legem bonam sed concupiscentiam malam (ἡ ἁμαρτία) bonâ lege malè usam illatæ mortis exstitisse causam ; unâque ibi aperit quem in finem hoc factum sit. Sed non satis recte Interpres noster Græca hoc loco reddidit ; neque enim in Græco legitur Verbum Finitum *operatum est* , sed Participium κατεργαζομένη , idque nullâ lectionis varietate ; deinde non animadvertit id quod dicitur ἀλλὰ ἡ ἁμαρ-

τια, dictum esse ellipticè pro *ἀλλὰ ἡ ἁμαρτία ἐμοὶ γέγονε Θάνατος*. Itaque Græca sic Latine reddiderim : *Quod ergo bonum est, mihi factum est mors? Absit! sed Peccatum mihi factum est mors; ut Peccatum appareret esso peccatum, quippe per bonum mihi operans mortem; ut esset supra modum peccator Peccatum per mandatum. Quorum verborum sensus hic est: Ergo-ne id quod per se bonum est, mihi causa fuit mortis? Absit! verum innata mihi concupiscentia mala causa mortis mihi fuit; factum-que hoc est ut (ἵνα) latens illa concupiscentia mala (ἡ ἁμαρτία) sic manifesta fieret (φανῇ) et cognosceretur tamquam peccatrix (ἁμαρτία), quippe quæ per ipsum id quod bonum est (scil. per præceptum) mortem mihi intulisset; ut (ἵνα), inquam, tamquam insigniter (καθ' ὑπερβολὴν) peccatrix (ἁμαρτωλὸς) manifesta illa fieret (γενῆται) per præceptum.*

Nota 1°. In verbis istis, *ἵνα φανῇ ἁμαρτία.... ἵνα γενῆται.... ἁμαρτωλὸς ἡ ἁμαρτία*, orationis Subjectum est *ἡ ἁμαρτία*, κατεργαζομένη, Prædicata verò sunt *ἁμαρτία* et *καθ' ὑπερβολὸς ἁμαρτωλὸς*. Facilis erit præsentis loci intellectus grammaticus, si verba putaveris hoc ordine posita : *ἵνα ἡ ἁμαρτία, δια τοῦ αγαθοῦ μοι κατεργαζομένη Θάνατον, φανῇ ἁμαρτία. ἵνα ἡ ἁμαρτία γενῆται δια τῆς ἐντολῆς καθ' ὑπερβολὴν ἁμαρτωλὸς*. 2°. Particula *ἵνα*, quæ bis hic legitur, utroque loco dicta est de *causa finali*¹⁾. 3°. In utraque illa sententia *finali* idem dicitur, *ad rem* quod attinet; crescit tamen oratio in posteriore. 4°. *Γενῆται* intelligendum est *logicè*, hoc est, cogitandum est *fieri* tale quo quid fit *in mente*; ergo *γενῆται* hic sensu non differt ab antegresso *φανῇ*²⁾. 5°. Vox *Ἀμαρτωλὸς* (η, ον) non Adjective sed Substantive (*peccator*) sumenda est.

Ceterum, ad pleniorē præsentis loci intelligentiam conferenda sunt ea omnia quæ notavimus supra (Cap. V. 20) ad locum parallelum istum : *Lex subintravit ut abundaret delictum*. Cf. etiam PETAVIUM *De Prædestinatione*. Lib. X. Cap. XXV. n. 8.

(1) Ita quoque S. AUGUSTINUS (Serm. 6. de Verbis Apostoli) sensit : « Quid est, inquit, supra modum? Ut addatur prævaricatio. Data est ergo lex illa ut inveniretur infirmitas. Parum est hoc; non solum ut inveniretur, sed etiam ut augetur, et vel sic medicus quæreretur.

τεχνῆς, ὥς μὴ ὑπερβυμενον ὑπ' αὐτῆς. h. e. Illud ut fiat positum est pro ut appareat quanta pernicies sit peccatum; quemadmodum et illud (Cap. III. 4), Sit autem Deus verax, pro appareat. Istud autem per mandatum demonstratum est. Usus est enim Peccatum mandato ad mortem; perinde ac morbus, quando per medica pharmaca redditur deterior, malam sui habitudinem per medicam artem declarare dici queat, quum ex ea nihil juvetur.» THEOPHYLACTUS (ad h. l.).

(2) Το, ἵνα γενῆται, ἀντι τοῦ, ἵνα φανῇ ἡλικὸς οὐλεθρὸς ἡ ἁμαρτία ὥσπερ καὶ το, Γενεσθὼι δὲ ὁ Θεὸς ἀληθείης, ἀντι τοῦ, φανῇ τῷ. Τοῦτο δὲ διὰ τῆς ἐντολῆς εἰδείχθη· ἐχρητάτο γὰρ τῇ ἐντολῇ εἰς Θάνατον ὥσπερ καὶ νόσημα, ὅταν διὰ τῶν ἰατρικῶν φαρμάκων χειρὸν γενῆται, τὴν κακοήθειαν αὐτοῦ ἐκφανεῖν λεχθεῖν διὰ τῆς ἰατρικῆς

γ. 14 — 17. Scimus enim quia lex spiritualis est : ego autem carnalis sum venumdatus sub peccato. 15 Quod enim operor , non intelligo . non enim quod volo bonum , hoc ago : sed quod odi malum , illud facio . 16 Si autem quod nolo , illud facio , consentio legi , quoniam bona est. 17 Nunc autem jam non ego operor illud , sed quod habitat in me peccatum.

γ. 14 — 17. Οἶδα-
μεν γὰρ ὅτι ὁ νόμος
πνευματικός ἐστίν· ἐγὼ
δὲ σαρκικός^{a)} εἰμι , πε-
πραμένος ὑπὸ τὴν ἁμαρ-
τίαν. 15 Ὁ γὰρ κατερ-
γάζομαι , οὐ γινώσκω·
οὐ γὰρ ὃ θέλω , τοῦτο
πράσσω· ἀλλ' ὃ μισῶ ,
τοῦτο ποιῶ. 16 Εἰ δὲ
ὃ οὐ θέλω , τοῦτο ποιῶ ,
σύμφημι τῷ νόμῳ ὅτι
καλός. 17 Νυνὶ δὲ οὐκ
ἔτι ἐγὼ κατεργάζομαι
αὐτὸ , ἀλλ' ἡ οἰκοῦσα
ἐν ἐμοὶ ἁμαρτία.

Paraphrasis. Et verò sci-
mus omnes , legem non hu-
manæ esse originis sed divi-
næ ; ast ego malos sensuum
appetitus sequor , atque instar
venumdati mancipii subjectus
sum innatæ mihi concupis-
centiæ malæ. Etenim quæ
perpetro opera, non intelligo;
nam bonum quod facere volo
non facio ; sed contrà facio
malum , quod facere nolo.
Quod si facio malum , quod
velim non facere , profectò
eo ipso consentio legi bonam
se esse prædicanti eamque
bonam esse profiteor. Sic verò
non ego malum illud facio ,
sed facit illud habitans in me
Peccatum sive innata mihi
concupiscentia mala , cui in-
star venumdati mancipii sub-
jectus sum.

VARIANS LECTIO.

a) Pro σαρκικός legitur et σαρκινός, eaque lectio , si ex Codicum testimonio res dijudicetur , multo majorem quam altera habet auctoritatem. Sed σαρκινός proprie notat *carneus* , sicut pleraque Nomina in ινός exeuntia significant *materiam ex qua* ; v. g. ξυλινός *ligneus* ; atqui præsentī loco non videtur convenire ut dicatur quod homo *carneus* sit. Porro notandum est , non hoc solum loco , sed quatuor aliis in locis (1 Cor. III. 1. 3. 2 Cor. I. 12. Hebr. VII. 16) , ubi contexta oratio itidem σαρκικός postulabat , occurrere eandem illam lectionis varietatem ; e contra 2 Cor. III. 3 ubi sensus postulat σαρκινός , in nullo Codice σαρκικός legitur. Hinc verò conjeceris Græcos librarios vocī σαρκινός tribuisse etiam notionem vocis σαρκικός , atque ita factum fuisse ut voces illas in scribendo frequenter confuderint ; id quod certe eo facilius accidere potuit quòd ductus litterarum K et N magnam inter se habent similitudinem.

γ. 14. Scimus enim quia lex spiritualis est). Hic probat (γὰρ) id quod in antegresso versiculo dixerat : causa mortis mihi exstitit non lex sed Peccatum sive (ἡ ἁμαρτία) innata mihi concupiscentia mala, Probat autem tum ex communi consensu

affirmando (οιδαμεν) legem esse spiritualem, tum etiam ostendendo vitiatam esse hominis naturam.

Lex hoc loco *spiritualis* (πνευματικός) dicitur, quatenus tribuenda est legislatori Deo, adeoque originem habet non humanam sed divinam. Hoc sensu *manna*, ut quæ non humanâ operâ sed divinitus per miraculum suppeditabatur, Apostolus (1 Cor. X. 3) βρῶμα πνευματικόν vocavit¹⁾; eodemque sensu ISAAC ab illo dicitur (Gal. IV. 29) κατὰ πνεῦμα γεννηθεῖς. Nec alio sensu THEODORETUS²⁾ vocem πνευματικός hoc loco accepit. Ex sententia S. JOANNIS DAMASCENI³⁾ lex dicitur *spiritualis*, quia sit *magistra virtutis*. At enim probare volebat PAULUS, *legem hominibus non exstitisse per se causam mortis*; atqui hoc ut negari non poterit ab eo qui fateatur legem divinæ esse originis, ita apud eum qui putet legem exstitisse causam mortis parum profeceris monendo legem esse magistrā virtutis.

ego autem carnalis sum, venundatus sub peccato). Apostolus, ut jam diximus ad ψ. 7, tota hâc epistolæ parte (ψ. 10—25) loquitur in persona *veteris hominis*⁴⁾. Hic autem homo, qua talis, *carnalis* (σαρκικός) est, hoc est carni obtemperat, non rationis dictamen, sed sensuum appetitum sequens, *desideria carnis perficiens* (Gal. V. 16). Quod additur πεπραμένος ὑπο τὴν ἁμαρτίαν, dictum hoc est Metaphoricè, *prægnanter*⁵⁾, et per Prosopopœiam. Sensus est: *instar venundati mancipii*

(1) Cf. THEOPHYLACTUS ad h. 1.

(2) Τι ταύτης τῆς προσηγορίας σεβασμιωτερον; Θεὸς γὰρ, φησιν, ἐγραψεν πνευματὶ ταύτης μετέχον τῆς χάριτος ὁ μακάριος Μωϋσῆς τὸν νόμον συνεγράψεν. h. e. Quid hac appellatione honorabilius? Divino quippe, ait, spiritu scripta est; hujus gratiæ particeps factus, beatus MOYSES legem conscripsit. THEODORETUS ad h. 1.

(3) S. JOANNES DAMASCENUS in Ep. Pauli ad h. 1.) Πνευματικὸν δὲ αὐτὸν (scil. τὸν νόμον) εἰπὼν, διδασκαλὸν ἀρετῆς αὐτοῦ δεικνύσιν ὄντα καὶ κακίας πολεμῖον. Τοῦτο γὰρ ἐστὶν ὅπερ καὶ ὁ νόμος ἐποιεῖ, νοθεύων, φοβῶν, κολάζων, διορθούμενος, τὰ περὶ ἀρετῆς συμβουλευσὼν. Ἀλλ' οὐκ ἐδύνηθη τὴν ἁμαρτίαν ἀνελθεῖν· εἰκότως· τῆς γὰρ χάριτος μόνῃς τοῦτο ἐργὸν ἔστιν. h. e. «Spiritualē eam (legem) dicendo, ipsam virtutis esse magistrā et nequitiae adversariam commonstrat. Nam hoc est quod lex præstabat, ut commonefaceret, terreret, corrigeret, patranda virtutis consilia præberet. Verum peccatum non valebat auferre; nec abs re quidem; istud enim gratiæ solius opus erat.»

(4) Infra ad ψ. 23 enumerabimus SS. Patres et interpretes antiquiores qui hac sententia nobis præiverunt. Suffecerit hic audivisse CHRYSOSTOMUM et THEODORETUM. Ergo S. CHRYSOSTOMUS (Hom. XIII. in Ep. ad Rom.) ad verba ista, Ἐγὼ δὲ σαρκικός εἰμι, hæc notat: Τὸν ἐν τῷ νόμῳ καὶ πρὸ τοῦ νόμου πολιτευόμενον ἀνθρώπον ὑπογράφων. h. e. Eum qui in lege et ante legem vixerat hominem indicat. Et ad verba πεπραμένος ὑπο τὴν ἁμαρτίαν idem hæc habet: Οὐ περὶ τῶν ἐν τῷ νόμῳ λέγει μόνον, inquit, ἀλλὰ καὶ περὶ τῶν πρὸ τοῦ νόμου βεβιωκότων, καὶ τῶν ἐξ ἀρχῆς γενομένων ἀνθρώπων. h. e. Non de iis qui in lege erant loquitur tantum, sed etiam de iis qui ante legem vixerant, et de hominibus qui inde a principio fuerunt. Nec aliter THEODORETUS, qui ad ipsa illa verba Apostoli notat: Τὸν πρὸ τῆς χάριτος ἀνθρώπον εἰσαγεῖ πολιορκούμενον ὑπο τῶν παθῶν. h. e. Introducit hominem ante gratiam ab animi passionibus obsessum.

(5) Quod prægnans sit locutio, id quidem inde colligitur quod περιπρασσεσθαι proprie non construitur cum ὑπο sed cum Dativo, ut Jes. L. 1.: ἰδοὺ ταῖς ἁμαρτίαις ἐπραθητε.

subjectus dominio Peccati (innatæ concupiscentiæ malæ). Recolenda hîc sunt ea quæ notavimus supra, Cap. VI. 14, ad verba : *Peccatum vobis non dominabitur ; non enim sub lege estis , sed sub gratia*. Itaque Apostolus hîc docet , *veteri homini causam peccati et mortis existitisse non legem , sed corruptam hominis naturam*.

S. AUGUSTINUS cum primùm sensisset¹⁾ describi hac epistolæ parte (v. 9—23) *hominem sub lege positum ante gratiam* , deinde , mutatâ sententiâ²⁾ , docuit PAULUM ibi perpetuò loqui in sua justorumque personâ , totumque adeò locum retulit ad hominem in gratia existentem. Hinc verò enatæ sunt interpretationes sane quam violentæ . Sic , quod ad præsentem versiculum (v. 14) attinet , hominem justum dicit vocari *carnalem et venundatum sub peccato* , quia nondum habeat *corpus spirituale* , et quia adhuc patitur *carnis rebellionem* , *quæcum sine consensione confligat*³⁾. Quasi verò hoc vocet *venundari sub Peccato* Apostolus , qui idem docet justificatum esse liberatum a dominio Peccati (Cap. VI. 18. 22) negatque Peccatum illi *amplius* dominari (ibid. v. 14.) ?

v. 15. *Quod enim operor , non intelligo ; non enim quod volo bonum*⁴⁾ , etc.). Probat (γαρ) id quod modo (v. 14) dixerat : *carnalis sum , venundatus sub Peccato*. Probat autem ex effectis , profitendo se non facere quod facere velit bonum , facere autem quod nolit malum ; adeoque duci se non rectæ rationis dictamine , sed perversi appetitûs dominio . Quod quid aliud est quam mancipium esse Peccati ? *Quæ perpetro opera* , inquit , (οὐ γινώσκω) *non intelligo* (q. d. Je ne me reconnais pas dans mes œuvres). *Nam bonum quod facere volo , non facio ; sed contrà facio malum quod facere nolo*. — Bonum hîc vocat *observationem præceptorum* ; malum autem eorundem violationem. Conficitur hoc ex versiculo decimo sexto.

(1) Proposit. 44 in Ep. ad Rom. «Nunc , inquit , homo describitur sub lege positus ante gratiam. Item Prop. 43. et Lib. 1. AD SIMPLICIANUM, Quæst. 1. n. 7 et 9.

(2) Suprà (ad v. 7 in nota 4) lectorem jam monuimus , AUGUSTINUM in exponenda hac parte capitis septimi aliter atque aliter sensisse. Ipse hoc de se narrat (*contra duas epist. Pelagian. Lib. 1. Cap. X. n. 22*) causamque exponit mutatæ sententiæ. « Visum autem , inquit , aliquando etiam mihi fuerat , hominem sub lege isto Apostoli sermone describi. Sed vim mihi fecerunt postea ista verba , quod ait , Nunc autem jam non ego operor illud. Ad hoc enim pertinet illud quod ait et postea , Nulla ergo condemnatio est nunc his qui sunt in Christo Jesu ; et quia non video

quomodo diceret homo sub lege , Condelector legi Dei secundum interiorem hominem ; cum ipsa delectatio boni , quod etiam non consentit ad malum , non timore pænæ , sed amore justitiæ (hoc est enim condelectari) , nonnisi gratiæ deputanda sit. » Ostendemus infra , in verbis Apostoli quæ priori suæ sententiæ opposuit AUGUSTINUS , nihil esse dictum quod comprobet sententiam quam idem deinceps tenendam existimavit.

(3) Cf. S. AUGUSTINI Contra duas epist. Pelagian. Lib. 1. Cap. X. n. 17.

(4) Voces istæ , bonum et malum , quas Vulgata hoc loco habet , in nullo Græco Codice leguntur. Glossema sunt , ad mentem tamen Apostoli , ut patet ex versiculo decimo nono.

Is, qui hic loquitur, ut sæpè jam diximus, *vetus* sive *lapsus homo* est; qui dupliciter considerari potest: et quatenus *rationalis* est, et quatenus *animalis*. Cumque *vetus homo*, quatenus *rationalis* est, ab Apostolo vocetur *homo interior* (γ. 22), eundem, quatenus *animalem*, vocare licebit *hominem exteriorem*. Jam verò qui hic (γ. 15) dicit *ου γινωσκω*, et *Θελω*, et *μισῶ*, is *homo interior* sive *rationalis* est; sed *vetus homo totus* ibi (γ. 15) dicit *κατεργαζομαι*, et *πρασσω*, et *ποιῶ*; illius voluntas est *imperfecta*, et, ut Scholastici loquuntur, non nisi quædam *velleitas*¹⁾; hujus verò voluntas est *absoluta*; opus autem (*κατεργαζομαι*, *πρασσω*, *ποιῶ*) absolutam sequitur voluntatem²⁾.

Voces *ου γινωσκω* plerique interpretantur *non approbo*; sed, ut taceam nullo exemplo certò probari possi Verbo *γινωσκω* istiusmodi notionem alicubi fuisse subjectam, obstat quoque huic interpretationi contexta oratio; nam si ponas *ου γινωσκω* valere *non approbo*, jam tautologicus fit sermo; ipsum hoc enim exprimunt quæ statim sequuntur verba ista: *ὁ μισῶ, τουτο ποιῶ*. Itaque *ου γινωσκω* simpliciter valet *non intelligo*, quo sensu dictionem hanc sumendam esse supra (p. 216) docuimus, secuti in hac interpretatione JOANNEM DAMASCENUM³⁾, alios.

γ. 16—17. *Si autem quod nolo, illud facio, etc.*). Ex antecessa (γ. 15) professione istâ, *quod velim facere bonum, non facio; e contrâ, facio quod nolim malum*, duo infert: *unum*, legem esse bonam, *alterum*, quod ob γ. 14 (*πεπραμένος ὑπο*

(1) Nota, humanam naturam per Peccatum originale non fuisse *totaliter corruptam*; lapsum hominem posse absque gratiæ auxilio præstare opera faciliora quædam quæ sint *moraliter bona*, in eoque amorem honesti non fuisse extinctum; eundem verò non posse absque gratiæ auxilio aut graves superare tentationes, aut difficiliora observare præcepta. Cf. ANDRÆ VEGÆ *de Justificatione* Lib. 2. Cap. X. sqq. PERRONE *Tractatus de Gratia*. Part. I. Cap. 2. Art. III. Pertinent huc Propositiones aliquot damnatæ; et BAJANARUM quidem vigesima quinta: *Omnia infidelium opera sunt peccata*; vigesima septima: *Liberum arbitrium sine gratiæ Dei adjutorio non nisi ad peccandum valet*; trigesima septima: *Cum Pelagio sentit, qui boni aliquid naturalis, hoc est, quod ex naturæ solis viribus ortum ducit, agnoscit*; vigesima octava: *Pelagianus est error dicere, quod liberum arbitrium valet ad ullum peccatum vitandum*; Trigesima: *Fures sunt qui docent, tentationi ulli sine gratiæ Christi adjutorio resistere hominem posse sic ut in eam non inducatur, aut ab ea non superetur*. QUESNELLIANARUM autem, inter

alias, trigesima octava: *Peccator non est liber nisi ad malum sine gratia liberatoris*; et quadragesima octava: *Quid aliud esse possumus, nisi tenebræ, nisi aberratio, et nisi peccatum sine fidei lumine, sine Christo, et sine charitate*.

(2) Bene AD. MAIER (ad h. l.): « Das *θελεν* und *μισειν*, und das *πρασσειν* fällt zeitlich auseinander; denn im Augenblicke der That hat sich der Wille aufgegeben; aber vor dem Andrang der sinnlichen Begierlichkeit will das höhere Ich das Gute mit Entschiedenheit, verwirft das Böse, und verurtheilt auch die böse That, wenn sie geschehen ist. »

(3) Ὡς περ καὶ ἡμεῖς εἰσθαμεν λέγειν* οὐκ οἶδα ὅποις ὁ δεινὰ ἐλθὼν συνήρπασεν* οὐκ ἀγνοίαν προβαλλόμενοι, ἀλλὰ ἀπατην τινὰ ἐμφαινόντες. h. e. Velut nos quoque dicere consuevimus: nescio quid factum sit ut hic adveniens res meas rapuerit; non ut ignorantiam obtendamus, sed ut deceptionem quamdam indicemus. S. JO. DAMASC. ad h. l.

την ἁμαρτιαν) imprimis spectat, se esse sub dominium Peccati. Sic ergo Apostolus ratiocinatur: *Si autem facio malum quod velim non facere, profectò eo ipso consentio legi bonam se esse prædicanti eamque bonam esse profiteor. Sic verò non ego malum hoc facio, sed illud facit habitans in me Peccatum sive innata mihi concupiscentia mala, cui instar venundati mancipii subjectus sum. Nempe vetus homo cum vult non facere malum quod tamen facit, ideò illud facere non vult quia malum est; idcirco autem malum est, quia contra legem est; ex quo conficitur legem esse bonam; nam quia lex bona est, ideò malum est quod contra eam fit. Ergo vetus homo quum ita animo comparatus sit ut velit non facere malum quod tamen facit, eo ipso legem bonam esse profitetur. Et itidem hoc profitetur cum non facit bonum quod tamen facere velit. Neque enim id quod non facit, facere velit, nisi quia bonum est; bonum autem est quia secundum legem est; profitetur ergo legem esse bonam. Quum vero quod facere malum nolit faciat tamen, non autem faciat bonum quod facere velit, consequitur exstare in vetere homine aliquid, quod hunc volentem bonum et nolentem malum in contraria abripiat; hoc autem est inhabitans in ipso Peccatum (ἡ οἰκουσα ἐν ἐμοὶ ἁμαρτία). Sed is qui bonum velit, malum nolit, homo rationalis sive interior (ψ. 22. ὁ ἐσὼ ἀν-Ὀρωπος) est; hunc vero in contraria abripit inhabitans in exteriori sive animali homine (Cf. ψ. 18. ἐν τῇ σαρκί) Peccatum. Est ergo vetus homo sub dominio Peccati. Quod erat probandum¹⁾.*

Particula δε est hic *continuantis* argumentationem. Voces συμφημι τῷ νόμῳ ὅτι καλὸς scil. ἐστὶ, propriè valent: *Je dis avec la loi qu'elle est bonne. Νόμος* hic tamquam persona sistitur, ipsa se bonam prædicans. Cf. Deuter. IV. 8.—*Νυνὶ δε* et *οὐκέτι* non *temporaliter* dicuntur sed *logicè*, ut 1 Cor. V. 11. XV. 20. Itaque sensus harum Particularum hic est: *Nunc autem*²⁾ (*νυνὶ δε*), h. e. quum legi consentiam, *haud amplius* (*οὐκ ἐτι*) EGO (homo interior) dici possum malum illud facere, sed, etc.

Quod hoc loco (ψ. 15—17) dicitur, *operor, ago, facio*, S. AUGUSTINUS refert ad motus concupiscentiæ involuntarios, quos justus patitur quidem sed a quibus minime superetur, *gratiâ delectationem voluntatis liberante a consensione cupiditatis*³⁾. Sed, ut taceam quam violentum sit Verbis quæ actum significant, *passivam* subicere notionem, quid hoc, quæso, ad propositum Apostoli? Nam vult docere, non quam sit impotens concupiscentia *post gratiam*, verùm quam sit potens sub lege *ante gratiam*.

(1) Cf. TOLETUS ad h. l.

supra (pag. 267. nota 4) ex illius scriptis recitavi.

(2) SALMERON (Disputat. X. in Ep. ad Rom), sentit, PAULUM inde ab hisce verbis, *nunc autem jam non ego*, loqui in persona justificati. Notandum hoc est ut recte intelligantur verba quæ

(3) Contra duas epistolas Pelagian. Lib. 1. Cap. X.

Inter interpretes illos qui heic a nobis dissentiunt, Estius quoque negat, ea quæ hæc epistolæ parte (γ. 14—23) dicuntur, ad *veterem hominem* esse referenda. Et ad verba quidem ista (γ. 17), *Nunc autem jam non ego operor illud, sed quod in me habitat peccatum*, ut suam, hoc est posteriorem AUGUSTINI sententiam stabiliat, hæc notat: «*Hoc certe, inquit, homo sub lege constitutus et adhuc dominio peccati subjectus dicere non potest. Talis enim non solum carne, sed etiam mente ac voluntate, et proinde simpliciter operatur malum.*» At verò quum Apostolus in homine distinguat hominem interiorem sive rationalem ab exteriori sive animali (γ. 22), doceat autem interiorem hominem (το εγω) nolle malum, profectò *vetus homo* hactenùs rectè dicere potest: *Non ego operor illud. Actio enim, ut docet S. THOMAS (ad h. l.), maxime attribuitur principali agenti quod secundum proprietatem suam movet; non autem agenti quod movet vel agit secundum proprietatem alterius a quo movetur. Manifestum est autem, quod ratio hominis, secundum illud quod est proprium sibi, non inclinatur ad malum, sed secundum quod movetur a concupiscentia. Et ideò operatio mali quam ratio facit, prout est a concupiscentia victa, non attribuitur principaliter rationi, quæ hic per hominem intelligitur, sed potius ipsi concupiscentiæ vel habitui ex quo ratio inclinatur ad malum.* »

γ. 18—20. Scio enim quia non habitat in me, hoc est in carne mea, bonum. Nam velle, adjacet mihi: perficere autem bonum, non invenio. ¹⁹ Non enim quod volo bonum, hoc facio: sed quod nolo malum, hoc ago. ²⁰ Si autem quod nolo, illud facio: jam non ego operor illud, sed quod habitat in me, peccatum.

γ. 18—20. Οἶδα γὰρ ὅτι οὐκ οἶκεί ἐν ἐμοί, τοῦτ' ἐστίν ἐν τῇ σαρκί μου, ἀγαθόν· τὸ γὰρ θέλειν παράκειται μοι, τὸ δὲ κατεργάζεσθαι τὸ καλὸν οὐχ εὐρίσκω ^{a)}. ¹⁹ Οὐ γὰρ ὃ θέλω, ποιῶ ἀγαθόν· ἀλλ' ὃ οὐ θέλω κακόν, τοῦτο πράσσω. ²⁰ Εἰ δὲ ὃ οὐ θέλω ἐγὼ ^{b)}, τοῦτο ποιῶ, οὐκέτι ἐγὼ κατεργάζομαι αὐτὸ, ἀλλ' ἡ οἰκοῦσα ἐν ἐμοὶ ἁμαρτία.

Paraphrasis. Etenim experientiâ edoctus scio, non esse in me, hoc est, in parte mei animali, inclinationem ad bonum; nam velle bonum in promptu quidem mihi est, non verò itidem perficere illud quod velim bonum; bonum enim quod facere velim, non facio, sed e contra facio malum, quod facere nolum. Quod si malum, quod facere nolim, facio tamen, jam non ego malum illud facio, sed facit illud habitans in me Peccatum.

VARIANS LECTIO.

a) Pro ουχ εὐρισκω legitur simpliciter Particula negativa ου in Codd. ABC et nonnullis Minusculis; sed altera lectio retinenda est, tum quòd plures habet testes, tum etiam quòd fieri potuit ut ob sequens ου (ψ. 19) librarii oculus aberraverit.

b) Vocula εγω abest a Codd. BCDEFG. Glossema videtur, et sumptum quidem ex verbis mox insequentibus istis: ουκετι εγω καταργαζομαι αυτο.

ψ. 18—20. Scio enim quia non habitat in me, hoc est in carne mea, bonum, etc.). Confirmat antegressum effatum istud: Quod in me habitat Peccatum operatur malum. Confirmat (γαρ) autem indè quòd experientiā edoctus scire (οιδα) se ait, non inesse in se, hoc est, in carne sua bonum (αγαθον); id quod statim probat ex eo quòd velle quidem bonum in sua potestate sit, non vero item perficere id quod velit bonum. Quod autem perficere bonum non sit in sua potestate, ita probat (ψ. 19): Nam, inquit, bonum quod facere velim, non facio, sed facio malum, quod facere nolim. Hinc vero conficit (ψ. 20), non a se (interiori sive rationali homine) malum illud perfici, sed ab habitante in sua carne Peccato; id quod erat probandum.

Quod dicit οιδα (novi), id ad rei experientiam referendum esse constat ex eo quòd in probatione dicit παρακειται μοι et ουχ εὐρισκω. — Quod autem dicit εν εμοι, τουτ' εστιν εν τη σαρκι μου, in vetere homine distinguit partem sensualem, quæ caro dicitur, a parte rationali, quam et interiorem hominem (τον εσω ανθρωπον ψ. 22) et mentem (νουν ψ. 25) vocat. — Habitare (οικειν) in carne Peccatum per Prosopopœiam dicitur. Ergo negat in carne sua inesse αγαθον (du bon), hoc est, in parte sui animali non esse inclinationem ad bonum sed propensionem ad malum. — In dictionibus παρακειται μοι et ουχ εὐρισκω Metaphora est, ducta ab eo qui quærit aliquid: unum præ manibus habet illique veluti adjacet (παρακειται); alterum verò quod quærit, non invenit (ουχ εὐρισκω).

Etiam hæc (ψ. 18—20), ut supra jam monuimus, ab Apostolo dicuntur in persona veteris hominis. Et sanè quomodo PAULUS hic neget novum hominem non posse bonum perficere (κατεργαζεσθαι), quum alibi ad ipsum hoc præstandum renatos adhortetur: Cum metu et tremore, inquit (Ep. ad Philipp. Cap. II. 12), vestram salutem operamini (κατεργαζεσθε). Numquid salutem suam quis operetur, nisi idem bonum perficiat? aut numquid forte PAULUS adhortatus sit ad id quod idem neget posse præstari? S. AUGUSTINUS qui hæc ad novum hominem refert, bonum perficere exponit de bono quod fiat extincta prorsus in homine omnimoda concupiscentia, quale bonum

justi in hoc sæculo non faciant ¹⁾. Sed isthæc interpretatio omninò arbitraria est, et qui verbis Apostoli per eam subicitur sensus, is nullatenus ad præsentem PAULI disputationem pertinet.

Ceterum, quod hic dicit Apostolus *velle adjacet mihi, perficere autem bonum non invenio*, nequaquam hoc pugnat cum eo quod scripsit ad Philippenses (Cap. II. 13): *Deus operatur in vobis et velle et perficere*. Nam ibi Apostolus loquitur de eo voluntatis actu qui *salutaris* esset quique exordium sive initium foret *operis salutaris*; cujusmodi voluntatem suscipere homo nequit absque prævenientis gratiæ auxilio. In præsentem autem epistolæ loco, ut supra (p. 217) jam docuimus, agitur de imperfectâ quâdam voluntate sive *velleitate naturali*, susceptâ ex amore honesti qui in lapso homine non est extinctus.

γ. 21 — 23. Invenio igitur legem, volenti mihi facere bonum, quoniam mihi malum adjacet: ²² condelector enim legi Dei secundum interiorem hominem: ²³ video autem aliam legem in membris meis, repugnantem legi mentis meæ, et captivantem me in lege peccati, quæ est in membris meis.

γ. 21 — 23. Εὐρίσκω ἄρα τὸν νόμον τῷ θέλοντι ἑμοὶ ποιεῖν τὸ καλὸν, ὅτι ἑμοὶ τὸ κακὸν παράκειται. ²² Συνήδομαι γὰρ τῷ νόμῳ τοῦ Θεοῦ κατὰ τὸν ἔσω ἄνθρωπον. ²³ βλέπω δὲ ἕτερον νόμον ἐν τοῖς μέλεσί μου ἀντιστρατεύόμενον τῷ νόμῳ τοῦ νοός μου, καὶ αἰχμαλωτίζοντά με ἐν α) τῷ νόμῳ τῆς ἁμαρτίας τῷ ὄντι ἐν τοῖς μέλεσί μου.

Paraphrasis. Invenio igitur mihi bonum facere volenti positam hanc veluti legem, ut mihi in promptu sit facere malum, ut sim, inquam, pronus in malum, huc propendam, huc procliner; nam delectatur legi Dei mens mea et mihi dictat eam esse observandam; verum experior adesse in membris meis aliud dictamen quod se opponit adversaturque dictamini mentis meæ, et servire me facit dictamini malæ concupiscentiæ quod est in membris meis.

VARIANS LECTIO.

a) Præpositio ἐν non legitur hoc loco in Codd. ABCJ.

(1) Contra duas Epist. Pelag. Lib. 1 Cap. X. *«Hoc est enim perficere bonum, inquit, ut nec concupiscat homo. Imperfectum est autem bonum, quando concupiscit, etiamsi concupiscentiæ non consentit ad malum.»*

ψ. 21. *Invenio igitur legem, volenti mihi, etc.*). Apostolus hic *concludit* (ἄρα) ex disputatis inde a ψ. 14; sed oratio ejus paulò obscurior est.¹⁾ Sunt qui dicant trajectam ibi esse Particulam ὅτι et sine causâ repetitum ἐμοι, adeòque PAULUS voluisse dicere: *Εὕρισκω ἄρα τὸν νομὸν, ὅτι τῷ Θελοντι ἐμοι ποιεῖν τὸ καλὸν παρακεῖται τὸ κακόν*, hoc est, *Invenio igitur legem hanc (τὸν), scilicet quod volenti mihi facere bonum adjaceat malum*. Alii verò verba ista τῷ Θελοντι ἐμοι ποιεῖν τὸ καλὸν jungunt cum εὕρισκω, ut PAULUS dicere voluerit: *εὕρισκω ἄρα τῷ Θελοντι ἐμοι ποιεῖν τὸ καλὸν τὸν νομὸν, ὅτι ἐμοι τὸ κακόν παρακεῖται*, hoc est, *Invenio mihi volenti facere bonum legem hanc, scilicet quod mihi malum adjaceat*. Et posteriorem quidem hanc structuram alteri prætulerim, tum quòd simplicior est, tum etiam quòd causam video cur PAULUS τὸν νομὸν ponere voluerit non post τὸ καλὸν sed ante τῷ Θελοντι. Et verò si τὸν νομὸν posuisset post τὸ καλὸν, ambigua fuisset oratio, quum sic τὸν νομὸν haberi potuisset pro Appositione ad τὸ καλὸν (*facere bonum, scil. legem; puta Mosaicam*). Ceterum, sive hanc sive illam structuram eligas, sensus eòdem recidit.

Νομὸν (legem) Apostolus hic per *Catachresin* vocat inclinationem illam quâ volens facere bonum veluti secundum legem quamdam promptus fertur in malum. Legem hanc mox vocat *legem membrorum (νομὸν ἐν τοῖς μέλεσι)*.

Articulus τὸν ante νομὸν, vim obtinet Demonstrativi Pronominis quia sequitur ὅτι *exegeticum*. Cf. Act. XX. 35. *Τῷ Θελοντι ἐμοι* est Dativus *incommodi*, q. d. *invenio contra me volentem, etc.* Sensus est: *Invenio igitur mihi bonum facere volenti positam hanc veluti legem, ut mihi in promptu sit (παρακεῖται) facere malum; ut in malum, inquam, pronus sim, huc propendam, huc procliner.*

ψ. 22—23. *Condelector enim legi Dei, etc.*). Dissidium illud quod in antegresso (ψ. 21) versiculo assignaverat, hic (ψψ. 22—23) exponit (γὰρ) distinctius.—Præpositionis συν in Composito *συννηδομαι* forsitan hæc vis est, ut notet eum qui hic loquitur, *reterem, inquam; hominem, lege Dei delectari cum interiore suo homine.*—Ὁ νομὸς τοῦ Θεοῦ intelligitur Mosaica lex, de qua supra (ψ. 14) dixerat *οὐδαμὲν ὅτι ὁ νομὸς πνευματικὸς ἐστὶ*.—Is qui modò (ψ. 17 et 20) *emphaticè* dicebatur *ἐγώ*, hic definitur esse ὁ ἐσὼ *ἄνθρωπος homo interior*; est autem PAULO, quod ex ψ. 23 patet, interior homo ὁ νοῦς hominis. Ὁ νομὸς τοῦ νοῦς μου = ἐν τῷ νοῦ μου opponitur ἑτέρῳ νομῷ ἐν τοῖς μέλεσι μου. Est autem illa *mentis (τοῦ νοῦς) lex, ut delectetur (ψ. 22) lege Dei.*—Ὁ νομὸς τῆς ἁμαρτίας unus idemque est cum

(1) Sensit hoc et ΤΙΘΕΟΡΗΥΛΑΚΤΟΣ; qui tamen in elucidando hoc loco mentem Apostoli non est assecutus. Ἀτάφες τὸ εἰρημενον, inquit, ὡς ἐλλειπῶς ἐχόν· ἐδεῖ γὰρ οὕτω λεχθῆναι·) Εὕρισκω ἄρα τὸν νομὸν συνηγορουντα μοι, θελοντι μὲν ποιεῖν τὸ καλόν, μὴ ποιοῦντι δὲ, διότι ἐμοι

παρακεῖται τὸ κακόν. h. e. Obscurè hoc dictum est, quasi quicquam desit; debebat enim sic dici: *Invenio itaque legem patrocinantem mihi, volenti quidem facere bonum; quod tamen non facio, eo quòd malum mihi adjacet.*

τῷ νομῷ ἐν τοῖς μέλεσι μου. Vox νομος in versiculo 23 ubique adhibetur per *Catachresin*. Ἐτερος νομος et ὁ νομος τοῦ νοοῦ μου dicta sunt ibi per *Prosopopœiam*, et in verbis ἀντιστρατευέσθαι et αἰχμαλωτίζειν (i. q. αἰχμαλωτον ποιεῖν) Metaphora est a re bellicâ ducta. Malim legere, Præpositione ἐν demtâ, τῷ νομῷ (Dativ. *Commodi*) τῆς ἁμαρτίας. Sensus ergo horum versiculorum (22—23) hic est: *Delectatur mens mea*, (interior homo sive intellectus et voluntas) *lege Dei mihi* dictat eam esse observandam; *verum experior* adesse in membris meis (in homine animali) *aliud dictamen quod se opponit* (ἀντιστρατευόμενον in Depon. Med.) *adversaturque dictamini mentis meæ, et servire me facit dictamini malæ concupiscentiæ τῆς ἁμαρτίας) quod est in membris meis.*

Verba quoque ista (ψ. 22), *condelector legi Dei*, S. AUGUSTINUS (vide supra p. 216 in nota 2) vult esse dicta in persona justorum; quia nempe vetus homo verè dicere nequeat *condelector legi Dei*; quod autem ibidem (ψ. 23) sequitur αἰχμαλωτίζοντά με (ἐν) τῷ νομῷ τῆς ἁμαρτίας, id exponit de concupiscentia captivante justum *motione*, *non consensione*²⁾. Sed AUGUSTINUS heic refutavit Card. TOLETUS, (ad h. l.) et rectissimè quidem. « AUGUSTINUS, inquit, suam probat sententiam ex illo verbo, *condelector legi Dei*³⁾; attendens autem verbum sequens (*captivantem me in lege peccati*) non sibi favere, interpretatur sic ut dicit, concupiscentiam captivare justum *motione non consensione*. Horum tamen prius inefficax est; posterius autem accommodari non potest. Prius, inquam, inefficax est, quia peccator (*vetus homo*) condelectari justo et honesto voluntate imperfecta, iudicium etiam rectum in universali habere potest; vox enim peccatoris illa celebris est: *video meliora proboque, deteriora sequor*; et incontinens iudicat probatque legem in universali, et vellet, imperfecta voluntate, secundum eam vivere; tamen tractus concupiscentiâ particulari eam transgreditur. Non ergo rectum argumentum sumitur ex illo verbo (*condelector secundum interiorem hominem legi Dei*) ad probandum id justis convenire; non enim aliud significat, nisi mente et animo video et probo legem Dei et vellem me implere illam; tamen non id facio quod mente probo; hoc autem est peccatoris. Posterius illud de captivitate, nulla ratione videtur sustineri posse. Sunt enim duo a PAULO prolata de lege membrorum: unum est, eam repugnare legi mentis; alterum est, captivare hominem. Non ergo exponere possumus: Captivat me in lege peccati; id est, *movet me ad peccandum*; hoc enim jam significatum est quando dicta est *repugnare legi mentis*. Præterea *movere* est ante victoriam: *captivare* autem supponit victoriam; nemo enim dicitur captivare alterum quando movet bellum contra ipsum, nisi partâ victoriâ. Igitur PAULUS significare

(1) Cf. 1 Thess. V. 23; ubi pro νοοῦ est πνεύματι.

(3) Puta, quia hoc dicere sit justorum (sive novi hominis, non verò peccatorum sive veteris

(2) Contra duas Epist. Pelag. Lib. 1. Cap. X. hominis.
nº 20.

voluit peccatorem, in quo concupiscentia pugnat contra legem mentis et eam vincit, faciens hominem sibi obedire suisque consentire motionibus et affectibus; ideo captivat eum in lege peccati, quia ad peccatum trahit, cum peccator non habeat nec ex ipsa mentis lege vires, quibus resistat et vincat pugnantem legem membrorum contra mentis legem. Simili usus est verbo PAULUS 2. Cor. X in bonam partem de mentis captivitate ad obediendum fidei: *In captivitatem, inquit, redigentes omnem intellectum in obsequium fidei.* » Hactenus TOLETUS.

γ. 24—25. Infelix ego homo, quis me liberabit de corpore mortis hujus? 25 Gratia Dei per Jesum Christum Dominum nostrum. Igitur ego ipse mente servio legi Dei: carne autem legi peccati.

γ. 24—25. Ταλαίπωρος ἐγὼ ἄνθρωπος! τίς με ῥύσεται ἐκ τοῦ σώματος τοῦ θανάτου τούτου!

25 Εὐχαριστῶ τῷ Θεῷ
a) διὰ Ἰησοῦ Χριστοῦ τοῦ Κυρίου ἡμῶν.

Ἄρα οὖν αὐτὸς ἐγὼ τῷ μὲν νοῖ δουλεύω νόμῳ Θεοῦ, τῇ δὲ σαρκὶ νόμῳ ἁμαρτίας.

Paraphrasis. O me miserum hominem! Quis me eripiet e captivitate corporis quod istam mortem mihi infert!

Gratias ago Deo quod ex hac captivitate per merita JESU CHRISTI Domini nostri me eripuit.

Itaque ipse ego mente meā servio legi Dei, carne autem legi Peccati.

VARIANS LECTIO.

a) Pro εὐχαριστῶ τῷ Θεῷ, occurrit in Codd. Mss. et χάρις τῷ Θεῷ et ἡ χάρις τοῦ Θεοῦ. hanc lectionem versio Vulgata exhibet; sed tertia hæc lectio pauciores habet testes quam aut prior aut altera, et utrâque facilius est, ut dicturi sumus in commentario. Itaque non putem lectionem ἡ χάρις τοῦ Θεοῦ genuinam exhibere PAULI scripturam. Inter duas verò reliquas lectiones utram eligam, anceps sum.

γ. 24. Infelix ego homo, quis me liberabit de corpore mortis hujus!). Epiphonema est, quo ad miserabilem illam captivitatem in persona veteris hominis gembundus exclamat: O me miserum hominem! Quis me eripiet (ῥύσεται) a captivitate

corporis quod istam mortem mihi infert! Desiderat liberari a corpore non simpliciter, sed quatenus illud est το σωμα της ἁμαρτίας (Cap. VI. 6) et qua tale mortem illi infert spiritualem. Τουτου, quod ad Θανατος pertinet, demonstrat mortem illam quam cogitabat quum scriberet (ῥ. 23) captivantem me in lege Peccati; nam hujus captivitatis exitus mors est æterna, ut dictum erat supra Cap. VI. 21. 23. — Ρυσεται respicit antegressum αιχμαλωτιζοντα, et εκ του σωματος refertur ad εν τοις μελεσι μου (ῥ. 23).

In dictione ταλαιπωρος εγω ανθρωπος notandus est Nominativus exclamantis, ut in hoc HOMERI (Iliad. α. 231): Δημοβόρος βασιλεύς, ἐπεὶ οὐτιδανοῖσιν ἀνάσσεις¹⁾.

Illi interpretes, qui existimant ΠΑΥΛΟΝ hic (14—25) loqui in persona justorum sive novi hominis, exclamationem istam, Quis me liberabit de corpore mortis hujus, referunt ad mortem physicam, quam is qui hic loquitur obire optet, ut pro mortali hoc corpore recipiat immortale. At verò istiusmodi votum ad institutam a ΠΑΥΛΟ διαputationem nihil pertinet. Neque enim hac parte epistolæ (ῥ. 14—25) sermo illi est de justo sive novo homine, sed de captivitate quam sub dominio Peccati subit homo vetus. Ad hæc, si de morte physica hic ageretur, dixisset, opinor, non quis me liberabit, sed quando liberabor. Denique, animadvertendum est non dici de corpore mortis hoc, sed de corpore mortis hujus (του Θανατου τουτου); quod autem Estius illud τουτου jungere vult cum antegresso σωματος, violentum hoc est et contra regulas Grammatices. Itaque, quod dictum sit contra interpretationem S. AUGUSTINI²⁾, non ea hic intelligitur liberatio quæ futura est in altera vita, sed ea qua vetus homo per JESU CHRISTI gratiam eripitur e captivitate illa, quæ superiori versiculo (ῥ. 23) fuit descripta.

ῥ. 25. Gratia Dei per Jesum Christum Dominum nostrum). Si Vulgatæ lectionem sequaris, habes in his verbis responsum ad antegressam exclamationem istam, Quis me liberabit de corpore mortis hujus, et sensus sit: Gratia Dei est, quæ per JESUM CHRISTUM me liberabit a corpore mortis hujus. Sed, ut dixi (vide Var. Lect.), Vulgatæ lectio non videtur hoc loco referre genuinam ΠΑΥΛΙ scripturam. Ego certe malim legere aut ευχαριστῶ τῷ Θεῷ gratias ago Deo, aut χάρις τῷ Θεῷ gratiæ agantur Deo. Igitur Apostolus non dat hic (ῥ. 25) responsum ad superiorem exclamationem³⁾, sed, sicut

(1) Cf. KÜPNER (§. 507. Anm.) qui ad istiusmodi structuras hæc ibi notat: «In diesen Beispielen, inquit, muss man einen prädikativen Satz anerkennen, der durch die Auslassung der Kopula ἔστιν mit energischer Kürze ausgedrückt ist.»

(2) Contra duas epist. Pelag. Cap. XI.

(3) Si hoc facere voluisset, scripsisset, opinor, non χάρις τοῦ Θεοῦ, sed, pro more, addito Articulo, ἡ χάρις τοῦ Θεοῦ.

modò (ψ. 24) in persona *veteris hominis* gemitundus ex abrupto exclamabat , *quis me liberabit de corpore mortis hujus* , ita nunc , CHRISTUM liberatorem cogitans , in persona *novi hominis* lætabundus erumpit in gratiarum actionem. Gratias , *inquit* , ago Deo quòd me per merita ¹⁾ JESU CHRISTI liberaverit de corpore mortis hujus , hoc est , a miserrabili illa captivitate (ψ. 23) , quâ vetus homo detinebar. *Res* de qua gratias agit , non exprimitur ; nimirum ex antegressa exclamatione satis illa intelligebatur , et qui loquitur commoto animo est , ut adeò hic sit Aposiopesis quædam ,

Igitur ego ipse mente servio legi Dei ; carne autem legi peccati.) Concludit (ἄρα) totam superiorem (7—25) disputationem. Sensus est : *Itaque* (absque liberatore CHRISTO) *ipse ego* (vetus homo) *mente* (τῷ νοῦ Dativ. Instrumenti) *servio legi Dei* , *carne autem legi Peccati* (τῇ σαρκὶ Dativ. Instrumenti). Quod dicit *mente mea servio legi Dei* , sumendum hoc est eo sensu quo suprâ (ψ. 22) dixerat : *Condelector legi Dei secundum interiorem hominem* ; quod autem addit *carne servio legi Peccati* , id quidem intelligendum est secundum antegressum illud effatum (ψ. 19) , quo declaraverat *se non facere bonum quod facere velit , e contra facere malum quod facere nolit*.

ΑΥΤΟΣ ΕΓΩ non significat *idem ego* , ut sensus sit : *Ego unus idemque mente servio legi Dei , carne autem legi Peccati* ; nam si hoc dicere voluisset Apostolus , utique scripsisset , addito Article , ὁ αὐτός. Ergo *αὐτός ἐγώ* simpliciter valet *ipse ego*. Belgicè dixerim : *Ik zelf alzoo , ik dien* , etc. ; et Gallicè : *Moi-même donc je sers* , etc.

PAULUM tota hac epistolæ suæ parte (ψ. 7—25) per *Metaschematismum* locutum fuisse in persona veteris hominis , sententia est SS. Patrum et scriptorum antiquiorum , quorum nomina hic subjicimus : ORIGENIS (ad Cap. VII. 18) ; BASILII (Reg. brev. resp. 16. Apud Card. TOLETUM) ; CHRYSOSTOMI (Hom. XIII in Ep. ad Rom.) ; THEODORETI (in Ep. ad Rom. ad Cap. VII. 14) ; HIERONYMI (in *Habacuc Cap. I. et in Danielelem, Cap. 3*) ; AMBROSII (*Lib. de Isaac et anima Cap. 2*) ; THEOPHYLACTI (in Ep. ad Rom. ad Cap. VII. 14) ; OECUMENII (in Ep. ad Rom. ad Cap. VII. 8) ; JOH. DAMASCENI (in Ep. ad Rom. ad Cap. VII. 9) ; TITELMANNI (ad Cap. VII. 14) ; Card. HOSH (Op. Omn. pag. 151) ; Card. TOLETI (*Commentar. in Ep. ad Rom.*) ; JUSTINIANI (ad Cap. VII. 18).

(1) Ita THEOPHYLACTUS : Δι' Ἰησοῦ Χριστοῦ , inquit , τούτεστιν , αἰτίου οὗτος τῆς εὐχαριστίας τοῦ Χριστοῦ. Αὐτός γάρ , φησι , κατωρθώσεν , ἃ ὁ νόμος οὐκ ἠδυνήθη· αὐτός με ἐρρύσατο ἐκ τῆς ἀσθενείας τοῦ σώματος , ἐνδυναμώσας αὐτό , ὥστε μὴ κεῖται τυραννισθῆναι ὑπὸ τῆς

ἀμαρτίας. « Per JESUM CHRISTUM , hoc est , causâ gratiarum actionis existente CHRISTO. Ipse enim inquit , præstitit quæ lex non potuit ; ipse ab imbecillitate corporis me liberavit , confortans illud ut non porro Peccati tyrannide opprimatur. »

CAPUT OCTAVUM.

ARGUMENTUM. *Suprà (cap. VI. 11—13) Romanos suos adhortatus Apostolus ut quoniam renati essent in CHRISTO deinceps Deo et justitiæ viverent , rationes cur facile id præstare possent duas addiderat (§. 14) , scilicet quod non essent sub lege , et quod essent sub gratia. Priorem rationem deinde distinctius exposuit capite septimo , alteram verò in primâ præsentis capitis parte explicat , dum docet , eos , utpote CHRISTI meritis justificados atque a statu veteris hominis in statum novi hominis translatos , liberatos esse a dominatu Peccati , ut jam valeant Dei legem adimplere , et carni reluctantes vitam instituere spiritualem (1—5). Dicit porro quid sit vitam instituere secundum carnem , quid secundum spiritum , et quis sit utriusque institutionis fructus (5—12). Deinde, flexâ ad exhortationem oratione, parænesin suprà (Cap. VI. 14) abruptam continuat. Itaque Romanos suos monet ut pro conditione suæ dignitatis vitam agant non secundum carnem sed secundum spiritum ; quam monitionem roborat memorando iterum utriusque vitæ fructum ; et illos quidem qui vixerint secundum spiritum , aliquando futuros esse hæredes Dei , cohæredes autem CHRISTI pronunciat , si tamen , CHRISTI exemplo , tribulationes et afflictiones , quæ illis obvenissent , constanti animo pertulissent. (12—17) ; ad quod faciendum eosdem adhortatur , rem suadendo a magnitudine præmii futuræ felicitatis , quam certò repositam illis esse obiter probat ex gemebundo desiderio quo tum mundana creatura universa liberationem sui a servitute corruptionis , tum etiam Christiani salutis suæ consummationem expectant (17—24). Necdum enim fruimur , inquit , consummata illa salute , sed speramus fore ut eâdem aliquando fruamur ; interim ergo eam expectamus , adversa quæque patienter tolerantes ; qua in re Spiritus sanctus adjutor nobis adest , atque hoc etiam animos nobis addit , quod scimus omnia quantumcumque tristia et adversa in bonum cedere nobis Christianis , utpote talibus quos Deus gratuito ad fidem vocavit ; in qua gratuita vocatione posita ratio est cur nobis omnia cedant in bonum (24—29) ; nam vocavit nos ut justificaret , justificavit autem ut dirigeret ad æternam gloriam aliquando obtinendam (29—31). Cum ergo Deus pro nobis sit , quis tandem nocere nobis possit ? et qui proprium filium suum pro nobis in mortem tradidit , num idem patiatur deesse nobis quidquam . quod ad obtinendam salutem necessarium sit ? An accusaturus sit Deus eos quos justificavit ? An condemnaturus sit JESUS CHRISTUS quos suo sanguine redemit ? Quis impedire poterit quominus CHRISTUS nos constanter diligat ? Nemo plane , nihil prorsus efficere potest ut cesset Deus diligere quos justificavit , modò illi constanter eum diligant (31—39).*

ψ. 1. Nihil ergo nunc damnationis est iis, qui sunt in CHRISTO JESU : qui non secundum carnem ambulant.
 2 Lex enim spiritus vitæ in CHRISTO JESU liberavit me a lege peccati et mortis.

ψ. 1. Οὐδὲν ἄρα νῦν κατάκριμα τοῖς ἐν Χριστῷ Ἰησοῦ, μὴ κατὰ σάρκα περιπατοῦσιν, ἀλλὰ κατὰ πνεῦμα. ^{a)} 2 ὁ γὰρ νόμος τοῦ πνεύματος τῆς ζωῆς ἐν Χριστῷ Ἰησοῦ ἠλευθέρωσε με ἀπὸ τοῦ νόμου τῆς ἀμαρτίας καὶ τοῦ θανάτου.

Paraphrasis. Nihil ergo nunc damnationis reliquum est iis qui CHRISTO sunt incorporati; nam Spiritus sanctus vivificator me per CHRISTUM JESUM liberavit a tyrannide Peccati et Mortis.

VARIANS LECTIO.

a) Postrema hujus commatis verba ista, *μὴ κατὰ σάρκα περιπατοῦσιν*, ἀλλὰ κατὰ πνεῦμα, non leguntur in Codd. BCD*FG; desunt pariter in Minusculis aliquot, ut et in nonnullis versionibus antiquis. In Codd. AD* ut et in Vulgata Latina et nonnullis aliis versionibus antiquis leguntur tantum hæc: *μὴ κατὰ σάρκα περιπατοῦσιν*. Sed cum id quod dicitur verbis istis, *μὴ κατὰ σάρκα περιπατοῦσιν*, ἀλλὰ κατὰ πνεῦμα, præsentī loco non conveniat, legantur autem verba ista eodem ordine omnia infra (ψ. 4), probabilissima conjectura est, habenda illa esse pro glossemate quod ex versu quarto desumptum ad marginem versiculi primi scriptum fuerit, atque hinc deinceps in textum irrepserit; quæ quidem conjectura eo firmior est quod nulla ratio probabilis assignari possit, cur in plerisque Codicibus fuerint omīssa.

ψ. 1. Nihil ergo nunc damnationis est iis qui sunt in Christo Jesu). In antegressa (Cap. VII. 25) conclusione dictum fuerat *veterem hominem* servire Peccato, cujus servitutis exitus esset damnatio ad mortem æternam (ψ. 24). Hinc verò jam (ψ. 1) *concludit* (ἄρα) *a contrario*, damnationi huic non subiacere Christianum, quippe quem (ψ. 2) CHRISTO per Baptismum incorporatum vivificator Spiritus Sanctus liberaverit a tyrannide Peccati et Mortis.

Quod dicit Apostolus *νῦν nunc*, statum indicat *novi hominis*, atque ita transit a statu *veteris hominis*, cujus status descriptionem supra (Cap. VII. 24) per gemebundam illam exclamationem absolverat. Ad hunc statum *κατάκριμα* damnatio pertinebat;

nam profectò quidni *damnabilis* sit is qui *serviat Peccato* (Cap. VII. 25); exclusum autem hoc *κατακριμα* est ab iis qui sunt in CHRISTO JESU. *Κατακριμα* est *sententia condemnatoria*. *Τοις εν Χριστῳ Ἰησου* scil. *ουσι*. Quid PAULO sit *εν Χριστῳ ειναι*, *esso in CHRISTO*, infra γ. 9—11. distinctius dicitur.

γ. 2. *Lex enim Spiritûs vitæ in CHRISTO JESU liberavit me a lege peccati et mortis*). Exponit (*γαρ*), ut jam diximus (supra ad γ. 1), causam cur *nihil damnationis* (*ουδεν κατακριμα*) sit *existentibus in CHRISTO JESU* (*τοις εν Χριστου Ἰησου ουσι*). Et causa est, inquit, quia Spiritus sanctus vivificator me per CHRISTUM JESUM liberavit a tyrannide Peccati et Mortis.

Ὁ νομος της ἁμαρτίας intelligitur innata concupiscentia mala (Confer Cap. VII. 23), quæ et ὁ νομος του θανατου vocatur ideò, quia efficiebat ut *vetus homo* sibi attraheret *κατακριμα* *mortis æternæ*. Cf. Cap. VII. γ. 24, et VI. γ. 21. 23. Ceterum ἡ ἁμαρτια et ὁ θανατος per Prosopopæiam dicuntur. *Legi Peccati et Mortis* opponitur *lex*¹⁾ *Spiritûs vitæ* (ὁ νομος του Πνευματος της ζωης), hoc est *το ζωοποιον Πνευμα* *Spiritus sanctus vivificator*. *Της ζωης* est Genitivus effectûs. Intelligitur autem *vita gratiæ*, illa, inquam, *vita*, quâ Deo vivimus; quam vitam dum *reteri homini* renascenti confert Spiritus sanctus, eundem simul liberat *a lege Peccati et Mortis*, hoc est, frangit in illo vim concupiscentiæ mortiferæ²⁾. Voces *εν Χριστῳ Ἰησου* jungendæ sunt cum *ελευθερωσε με*, *liberavit me*³⁾. Dicere vult Apostolus, *causam* meritoriam illius liberationis esse in CHRISTO JESU. Illam quam dixi verborum structuram postulat comma sequens, ubi *explicatur* (*γαρ*) quo modo per JESUM CHRISTUM facta sit illa liberatio. Itaque Præpositio *εν* hoc loco dicta est *de causa*, ut Matth. IX. 34, et Act. XVII. 31,

γ. 3 — 4. Nam quod γ. 3—4. Τὸ γὰρ ἀδύ-
impossibile erat legi, in *νατον τοῦ νόμου*, *ἐν*
quo infirmabatur per car- *ᾧ ἡσθένει διὰ τῆς σαρ-*
nem: Deus Filium suum *κος, ὁ Θεὸς τὸν ἑαυ-*
mittens in similitudinem car- *τοῦ υἱὸν πέμψας ἐν*

Paraphrasis. Nam Deus
Filium suum in assumpta
carne carni nostræ pecca-
trici simili in mundum mit-
tendo et quidem ob Pecca-
tum, damnavit Peccatum

(1) Quia occidentem vim Peccati et Mortis per *Catachresin* vocaverat *legem*, ideò et vivificantem Spiritûs sancti *ἐνεργειαν* eodem modo *legem* vocat.

(2) S. Aug. Lib. 1. contra duas epist. Pelagian. Cap. X: « *Liberavit te a lege peccati et mortis, ne scilicet consensionem tuam sibi vindicans car-*

nis concupiscentia in peccatum te ac mortem pertrahat. »

(3) Etiam hic per *Metaschematismum* Apostolus loquitur, sed nunc in persona novi hominis sive regeneratorum.

nis peccati, et de peccato damnavit peccatum in carne, ⁴ ut justificatio legis impleretur in nobis, qui non secundum carnem ambulamus, sed secundum spiritum.

ὁμοιώματι σαρκὸς ἁμαρτίας καὶ περὶ ἁμαρτίας, κατέκρινε τὴν ἁμαρτίαν ἐν τῇ σαρκί.
⁴ ἵνα τὸ δικαίωμα τοῦ νόμου πληρωθῇ ἐν ἡμῖν τοῖς μὴ κατὰ σάρκα περιπατοῦσιν ἀλλὰ κατὰ πνεῦμα.

dominium ejus abolendo in carne; quæ res effici non poterat a Lege, quippe quæ imbecillis erat per carnem rationi rebellem. In eum autem finem Deus Peccati dominium abolevit in carne, ut Legis præceptorum adimpletio fieret in nobis, qui vitam instituimus non secundum dictamen carnis sed secundum dictamen spiritûs.

ψ. 3. Nam quod impossibile erat legi in quo infirmabatur per carnem, cet.) Explicat (γὰρ) quo modo per JESUM CHRISTUM facta sit illa liberatio. Particula *causalis* γὰρ pertinet ad ὁ Θεός... πεμψας κατέκρινεν. Cum dicatur το αδυνατον του νομου, non verò τῷ νομῷ, consequitur αδυνατον hic sumi non adjectivè sed substantivè, adeoque tantumdem valere ac ἡ αδυναμια imbecillitas. Verba autem illa, το αδυνατον του νομου ἐν ᾧ ησθενει δια της σαρκος, habenda sunt pro Appositione ad ista, ὁ γὰρ Θεός... πεμψας... κατέκρινε τὴν ἁμαρτίαν ἐν τῇ σαρκί. Puta PAULUM heic scripsisse ita: ὁ γὰρ Θεός, τὸν ἑαυτοῦ υἱὸν πεμψας ἐν ὁμοιώματι σαρκὸς ἁμαρτίας καὶ περὶ ἁμαρτίας, κατέκρινε τὴν ἁμαρτίαν ἐν τῇ σαρκί· ὅπερ ἦν το αδυνατον του νομου, ἐν ᾧ ησθενει δια της σαρκος. Est ergo το αδυνατον του νομου... σαρκος Nominativus Appositionis ad principalem quæ insequitur sententiam: ὁ Θεός τὸν ἑαυτοῦ, κτλ. Similis structuræ exempla FRITSCHIUS (ad h. l.) nonnulla affert ut hoc ex EURIPIDE (Troad. ψ. 494 sq.): Το λοισθιον δε, θριγκος αθλιων κακων, δουλη γυνη γρavs Ἑλλαδ' εἰσαφιξομαι, h. e. extremum autem, fastigium miserorum malorum, senex ego tamquam serva ibo in Græciam; hoc est, εἰσαφιξομαι δε δουλη γυνη γρavs Ἑλλαδ', ὁ εσται το λοισθιον, θριγκος αθλιων κακων.

Voces istas, πεμψας... κατέκρινε, rectius reddideris misso (scil. in mundum) filio suo... damnavit. Quod autem dicitur πεμψας τὸν υἱόν... ἐν ὁμοιώματι σαρκὸς ἁμαρτίας, id quidem, si voces spectes, divini Verbi incarnationem tantum significat; attamen dubitari nequit quin Apostolus verbis illis integrum opus redemptionis exprimere voluerit. Cf. ψψ. 32. 34. Itaque synecdochicè locutus est. Auctor Vulgatæ dixit in similitudinem, quod est contra mentem Apostoli, qui scripsit ἐν ὁμοιώματι in similitudine carnis peccati, ubi Præpositio in cum Ablativo dicitur de eo quo quis

indutus est, ut in hoc Matthæi Cap. VII. 13 : *οἵτινες ἐρχονται πρὸς ὑμᾶς ἐν ἐνδυμασί προβάτων*; refertur autem illa dictio ad hypostaticam unionem, qua Verbum humanam naturam induit quasi *vestimentum* quoddam *substantiale*. Dico *substantiale*, nam hoc differt incarnatio Verbi a vestitione quâpiam, quod in incarnatione unio sit *substantialis*, in vestitione verò sit *accidentalis*. Confer hic quæ notavi in Commentario in epistolam ad Philippenses, ad Cap. II. ψ. 7. Ergo sensus est: *Deus misit Filium suum indutum similitudine carnis peccati*. Σαρξ hic per Synecdochen vocatur *humana natura*, ut in hoc Joh. I. 14 : *καὶ ὁ λόγος σαρξ ἐγένετο*. Dicitur autem humana natura *σαρξ ἁμαρτίας*, quatenus est *peccato originali infecta*. Ceterum observandum est, Apostolum non dicere *ἐν σαρκὶ ἁμαρτίας*, sed *ἐν ὁμοιωματι σαρκὸς ἁμαρτίας*, et ratio est, quia Dei Verbum humanam quidem assumpsit naturam sed eam peccato originali non infectam¹⁾, quum non esset naturali generatione per semen viri propagata, sed per supernaturalem Spiritûs sancti operationem ex substantia beatissimæ virginis MARIE producta. — Σαρξ ἁμαρτίας tantumdem hic valet ac *σαρξ ἁμαρτωλὸς caro* (humana natura) *peccatrix*, hoc est, Peccato originali infecta.

Quod sequitur, *καὶ περὶ ἁμαρτίας*, ESTIUS (ad h. l.) S. CHRYSOSTOMUM aliosque secutus, conjunxit cum subsequente verbo *κατέκρινε*, ut sensus sit: *Deus de peccato damnavit peccatum*; quasi tu dicas: peccati condemnavit Peccatum scelerisque reum illud peregit²⁾.

Verùm istam interpretationem nec Grammatica fert, nec contexta oratio. Et Grammatica quidem, quia secundum illam interpretationem Participium *πεμψας* careat Verbo Finito a quo pendeat; sequitur enim Conjunctio *καὶ*; dicere autem hanc Conjunctionem

(1) THEODÔRETUS (ad h. l.): Οὐκ εἶπεν ἐν ὁμοιωματι σαρκὸς, ἀλλ' ἐν ὁμοιωματι σαρκὸς ἁμαρτίας. Φύσιν μὲν γὰρ ἀνθρώπειαν ἐλάβεν, ἁμαρτίαν δὲ ἀνθρώπειαν οὐκ ἐλάβε. Τοῦτου δὲ χάριν το ληφθὲν οὐχ ὁμοίωμα σαρκὸς, ἀλλ' ὁμοίωμα σαρκὸς ἁμαρτίας ἐκάλεσε. h. e. « Non dixit *in similitudine carnis*; sed *in similitudine carnis peccati*. Naturam enim humanam accepit, sed peccatum humanum non accepit, et ideo id quod acceptum est (*naturam humanam*) non *similitudinem carnis*, sed *similitudinem carnis peccati* appellavit.» In eandem sententiam scripsit S. AMBROSIVS (Lib. 1. de Pœnitentia Cap. 2): « Non dictum est, *inquit*, missus *in similitudinem carnis*, sed *in similitudinem carnis peccati*. Si carnem veram non accepisset, *in similitudinem carnis* diceretur missus; at dum *in similitudinem* non *carnis* sed *carnis peccati* missus dicitur, veram carnem accepisse demonstratur, sine peccato

quidem, sed similem ei quæ infecta erat peccato.»

(2) ESTIUS (ad h. l.): « *De peccato damnavit peccatum*, ipsumque sceleris reum peregit, quod non solum fuisset *supra modum peccans*, augendo prævaricationes in humano genere, ut dictum est capite superiori, verùm præterea manum misisset in CHRISTUM innocentem et tamquam peccatorem egisset in mortem; ut eam ob causam meritissimè condemnandum fuerit atque e medio tollendum. Nam licet Deus solo nutu voluntatis abolere potuisset peccatum, convenientius tamen ei visum fuit, si hac justitiæ viâ procederet ad destruendum regnum peccati. Hæc autem de peccato per Prosopopœiam dicuntur, velut de tyranno quopiam et injusto dominatore.... Hæc Græcorum expositio ita placet, ut eam ceteris anteponendam censeam.»

την ἐν τῇ σαρκί¹⁾; sed pertinet ad κατεργινε, ut adeò sensus hujus partis sit: *Deus.... debilitavit fomitem Peccati in carne nostra (ἐν τῇ σαρκί, in het vleesch), puta, per lavacrum regenerationis et renovationis Spiritûs sancti, quem effudit in nos abunde per JESUM CHRISTUM salvatorem nostrum. Tit. III. 6.*

quod impossibile erat legi, in quo infirmabatur per carnem). Τὸ αδυνατον, ut jam diximus, substantivè sumendum est, atque hic tantumdem valet quod ἡ αδυναμία, imbecillitas, impotentia. Impotens, inquit, erat Lex, qua talis, ad Peccati dominium abolendum in homine lapso, eo quòd (ἐν ᾧ) infirma erat (ἡσθενει) per carnem rationi rebellem (δια της σαρκος). Cf. Cap. VII, 23. Ἐν ᾧ, eo quod, quia; ut Hebr. II. 18.

At dicat quis: Dominium Peccati non aboletur in homine nisi per gratiam Justificationis; atqui hæc gratia per Legem nullo modo conferri poterat (Gal. III. 21). Quid igitur illa legis impotentia hic tribuitur infirmitati carnis? Difficultatem hanc sensit quoque DOMINICUS SOTO (ad h. l.) eamque ita solvit: « Subiit me hic, inquit, ratio nonnulla dubitandi: nam Legis impotentia et infirmitas ne efficax per se esset justitiæ apud Deum, non illi accidebat ab infirmitate carnis; sed hæc est justificationis natura, ut cum sit supranaturalis, vires cujuscunque creaturæ et potestatem cujusvis per se legis exsuperet. Quocirca primi parentes in statu naturæ integræ, licet possent in natura illâ sanâ jus omne implere quantum ad substantiam operis, tamen justi esse apud Deum nequiverant nisi per gratiam Dei; hoc est, per singulare ejus auxilium præter originalem justitiam. PAULUS vero nihil horum hic diffidetur; at cum loquitur de statu hominis in peccato, in quo præter ipsam justificationis excellentiam nova causa, ratione carnis, accedit, ut non solum non valeat justitiam promereri apud Deum, verum neque legem totam implere quoad substantiam operis, priori causâ subtacitâ, hujus solius, quam in superioribus discusserat, commemorat. » Hactenùs DOMINICUS SOTO.

γ. 4. ut justificatio legis impleretur in nobis, qui etc.). Docet quem in finem (ἵνα) Deus, misso proprio suo Filio, dominium Peccati aboleverit in carne. Finis autem hic erat, inquit, ut adimpletio præceptorum Legis fieret a nobis, hoc est, ab existentibus in CHRISTO JESU (Cf. γ. 1). Τὸ δικαιωμα του νομου, in Singulari Collectivo; pro eo est suprâ, Cap. II. 26, in Plurali, eodem sensu, τα δικαιωματα του νομου. Sunt autem in Græcitate sacra τα του νομου δικαιωματα (מִצְוֹת מֹשֶׁה) divinæ legis præcepta. Cf. Luc. I. 6. LXX. Deuteron. IV. 1. VI. 2. Quod dicit ἐν ἡμῖν (inter nos, ut Act. II. 29. IV. 34), eo indicat a quibus divinæ legis præcepta impleantur. Quod autem

(1) Hæc tamen ratio non est nimis urgenda. ad Philippenses ad Cap. I. γ. 5. Confer quæ notavimus in Commentario in Ep.

addit, qui non secundum carnem ambulamus, sed secundum spiritum, eo declarat, a qualibus fiat adimpletio praeceptorum Legis, puta moralis.

Περιπατεῖν, ambulare, ex Hebræorum more loquendi (Cf. *לָּכַח* Ps. 1. 1.) hic dicitur de instituta vitæ ratione, ut in hoc epistolæ ad Galatas (Cap. V. 16): *πνευματι* (in Dativo normæ) *περιπατεῖτε*, *καὶ ἐπιθυμίαν σαρκὸς οὐ μὴ τελέσητε*, secundum spiritum ambulate, et desideria carnis non perficietis. Itaque ambulare secundum carnem est vivere carnaliter sive carnis concupiscentias sequi¹⁾; ambulare autem secundum spiritum est vivere spiritualiter sive instinctum sequi Spiritus sancti, ut S. THOMAS hoc loco *κατὰ πνεῦμα* interpretatur. In dictione *κατὰ πνεῦμα*, vox *πνεῦμα* neque ipsum Spiritum sanctum significat, neque simpliciter unum idemque est ac mens humana (*ὁ νοῦς* Cap. VII. 23); sed est mens humana quatenus recta ab inhabitante (ψ. 11) Spiritu sancto. Cf. ψ. 9 et 16.

Card. TOLETUS legem, de qua hic dicitur (ψ. 3), quod impossibile erat legi, falsò intellexit *legem mentis* (Cap. VII. 23). Ceterum recta est ejusdem ad præsentem locum adnotatio: « Attende, inquit, carnem nobis fuisse causam, ne legem possemus implere, non propter ipsam carnis substantiam, sed propter peccatum quod ipsam rebellem effecit rationi, arbitriumque ita debilitavit, ut adversantem carnem vincere non valeret. Ut ergo mens a carnis hujus dominio liberaretur, potensque fieret ad legem implendam carnisque legi resistendum, opus fuit destruere peccatum;.... hoc autem in nobis per redemptionis CHRISTI gratiam abolito factaque cum Deo reconciliatione, legem implere nobis est jam possibile et facile; id quod peccato in nobis regnante aut manente impossibile erat. Nemo ergo poterat nec potest legem implere sine CHRISTO; quia nemo potuit nec potest sine eo a peccato se liberare Deoque reconciliari. Liberatione autem non factâ, infirmum manet hominis arbitrium, caroque prævalet donec in ipso homine per CHRISTUM aboleatur peccatum. »

ψ. 5—8. Qui enim secundum carnem sunt: quæ carnis sunt, sapiunt. qui vero secundum spiritum sunt: quæ sunt spiritus, sentiunt. 6 Nam pruden-

ψ. 5—8. Οἱ γὰρ κατὰ σάρκα ὄντες, τὰ τῆς σαρκὸς φρονοῦσιν. οἱ δὲ κατὰ πνεῦμα, τὰ τοῦ πνεύματος. 6 Τὸ γὰρ φρόνημα τῆς σαρ-

Paraphrasis. Nam carnales qui sunt, ea cogitant, amant, curant, quæ vult Caro; spirituales verò iis student quæ cupit mens directa a Spiritu sancto, quum sciant studia et desideria Carnis

(1) Aliud quid est ambulare in carne; hoc enim simpliciter notat mortalem hanc agere vitam. Audi Apostolum (2 Cor. X. 3): In carne, in-

tia carnis, mors est : prudentia autem spiritus vita, et pax. ⁷ quoniam sapientia carnis inimica est Deo : legi enim Dei non est subjecta : nec enim potest. ⁸ Qui autem in carne sunt, Deo placere non possunt.

κὸς, θάνατος· τὸ δὲ φρόνημα τοῦ πνεύματος, ζωὴ καὶ εἰρήνη· ⁷ διότι τὸ φρόνημα τῆς σαρκὸς, ἔχθρα εἰς Θεόν· (τῷ γὰρ νόμῳ τοῦ Θεοῦ οὐχ ὑποτάσσεται· οὐδὲ γὰρ δύναται·) ⁸ οἱ δὲ ἐν σαρκὶ ὄντες, Θεῷ ἀρέσαι οὐ δύνανται.

æternam afferre mortem, studia verò Spiritus vitam æternam et pacem cum Deo; ratio est, quia studia Carnis inimiciæ sunt cum Deo; (nam rebellat illa contra Deum nec legibus ejus sese subjicit; neque enim se subjicere illis potest, quum in opposita tendant Carnis studia et leges divinæ); carnales, inquam, qui sunt, Deo placere non possunt.

γ. 5. Qui enim secundum carnem sunt, cet.). Rationem (γὰρ) dat cur modò (γ. 4) antitheticè dixerit : qui non secundum carnem ambulamus, sed secundum spiritum; et ratio est, quia alterum ab altero excluditur. Nam, inquit, qui carnales sunt (κατὰ σὰρκα ὄντες = σαρκικοί), ea cogitant, amant, curant, quæ carnalis concupiscentia suggerit atque desiderat; spirituales verò qui sunt (κατὰ πνεῦμα ὄντες = πνευματικοί) iis student quæ cupit mens ducta a Spiritu sancto. Manifesta sunt autem opera carnis : quæ sunt fornicatio, immunditia, impudicitia, luxuria, idolorum servitus, veneficia, inimiciæ, contentiones, æmulationes, iræ, rixæ, dissensiones, sectæ, invidiæ, homicidia, ebrietates, commensationes, et his similia¹). Fructus autem Spiritus est charitas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas. Gal. V. 19—24.

γ. 6. Nam prudentia carnis mors est : prudentia autem Spiritus, vita et pax). Assignat causam (γὰρ) cur οἱ κατὰ πνεῦμα scil. ὄντες, cogitent, desiderent, persequantur τὰ τοῦ πνεύματος.

Sensus est : Ideò spirituales ea quæ sunt Spiritus φρονοῦσιν, quia φρόνημα ²) Carnis affert mortem æternam (Cf. γ. 13, et Cap. VI. 23), φρόνημα autem Spiritus vitam æternam et pacem cum Deo. Cf. γ. 7.

(1) Ex hac enumeratione patet opera carnis ab Apostolo non ea tantum dici peccata quæ corporis delectatione perficiuntur, quæque 2 Cor. VII. 1 inquinamenta carnis vocantur.

reddidit prudentia, quamquam modò (γ. 5) vocem φρονεῖν verterat sapere. Quæ translationis varietas nonnihil obscuritatis intulit Vulgatæ versionī.

(2) Vocem φρόνημα Interpres noster hoc loco

γ. 7. *quoniam sapientia carnis inimica*¹⁾ *est Deo ; legi enim Dei non est subjecta ; nec enim potest*). Rationem dat (*διότι*) cur ad mortem æternam (γ. 6) perducatur *φρονημα της σαρκος*. Et ratio est, quia *φρονημα* carnis est *inimicitia contra Deum* (*εχθρα εις Θεον*). Quare ? Quia *φρονημα* carnis divinæ legi non se subicit atque ita contra Deum rebellat. Et quare *φρονημα* carnis divinæ legi non se subicit ? quia *non potest* (*ου δυναται* scil. *υποτασσεσθαι*) qua tale legi Dei se subicere ' sive adimplere a quæ lex jubet. Nimirum in opposita tendunt *φρονημα* Carnis et Lex Dei.

γ. 8. *qui autem in carne sunt , Deo placere non possunt*). Particula *δε* hic valet *inquam*, ut 2 Cor. V. 8, et est *resumentis* sermonem quo dixerat (γ. 7) : *sapientia carnis inimica est Deo ;* qui sermo abruptus fuerat per interpositam sententiam istam : *legi enim Dei non est subjecta ; nec enim potest*. Ceterum , *in carne esse*, ad rem quod attinet , nihil differt ab antegresso (γ. 5) *secundum carnem esse*. Confer quæ notavimus ad Cap. VII. 5. Quod autem dicitur *non possunt*, absolutè hoc sumendum est , sicut modò (γ. 7) illud *nec enim potest*. Et verò *nemo potest duobus Dominis servire*. Matth. VI. 24. Litotes est in illo *Deo placere non possunt* ; negando contrarium , inquam , plus significat quam dicit ; vult enim dicere : *Qui in carne sunt*, subjacent *κατακριματι* (γ. 1) , *condemnationi*.

γ. 9—11. Vos autem in carne non estis , sed in spiritu : si tamen Spiritus Dei habitat in vobis. Si quis autem Spiritum CHRISTI non habet , hic non est ejus. ¹⁰ Si autem CHRISTUS in vobis est : corpus quidem mortuum est propter peccatum , spiritus vero vivit propter justificationem. ¹¹ Quod si Spiritus ejus ,

γ. 9 — 11. Ὑμεῖς δὲ οὐκ ἐστε ἐν σαρκί , ἀλλ' ἐν πνεύματι , εἴπερ Πνεῦμα Θεοῦ οἴκεῖ ἐν ὑμῖν. Εἰ δέ τις Πνεῦμα Χριστοῦ οὐκ ἔχει , οὗτος οὐκ ἐστὶν αὐτοῦ. ¹⁰ Εἰ δὲ Χριστὸς ἐν ὑμῖν , τὸ μὲν σῶμα νεκρὸν διὰ ἁμαρτίαν , τὸ δὲ πνεῦμα ζῶν a διὰ δικαιοσύνην. ¹¹ Εἰ

Paraphrasis. Vos autem non estis homines carnales sed spirituales ; si tamen Spiritus sanctus, quem in Baptismo accepistis , etiamnum in vobis permaneat. Si quis autem Spiritum sanctum , qui Spiritus CHRISTI est, non habet in se inhabitantem , nec, ad CHRISTUM hic non pertinet ; carnalis is est, non spiritalis . Si autem CHRISTUS est in vobis per Spiritum suum , obnoxium quidem morti est corpus vestrum propter originale peccatum , anima au-

(1) In editione Vaticana Anni 1598 legitur *inhibita* pro *inimica* ; nec fuit in Correctoriis adnotatum mendum illud typographicum.

qui suscitavit JESUM a mortuis, habitat in vobis: qui suscitavit JESUM CHRISTUM a mortuis, vivificabit et mortalia corpora vestra propter inhabitantem Spiritum ejus in vobis.

δὲ τὸ Πνεῦμα τοῦ ἐγείραντος Ἰησοῦν ἐκ νεκρῶν οἰκεῖ ἐν ὑμῖν, ὁ ἐγείρας τὸν Χριστὸν ἐκ νεκρῶν, ζωοποιήσῃ καὶ τὰ θνητὰ σώματα ὑμῶν, διὰ ^{b)} τοῦ ἐνοικοῦντος αὐτοῦ πνεύματος ἐν ὑμῖν.

tem vestra vivens est propter gratiam justificationis a Spiritu sancto vobis impertitam. Quod si Spiritus illius qui suscitavit JESUM a mortuis habitat in vobis, ipse ille Pater æternus qui JESUM CHRISTUM, caput vestrum, a mortuis excitavit, aliquando mortalia quoque corpora vestra vivificabit, idque propter inhabitantem in vobis Spiritum CHRISTI.

VARIANS LECTIO.

a) Pro ζῶν est ζῆ, quam lectionem etiam Vulgata exhibet, sed ea tantum occurrit in Codd. FG, adeoque testes non habet nisi paucissimos. Lectionem ζῆ tribuerim librario qui aut pro ΖΩΗ per errorem scripserit ΖΗ, aut pro ζῶν de industria reposuerit ζῆ, mendum suspicatus quum non satis intelligeret quid hic esset το δε πνευμα ζῶν.

b) Pro διὰ τοῦ ἐνοικοῦντος αὐτοῦ πνεύματος legitur διὰ τοῦ ἐνοικοῦντος αὐτοῦ πνεύματος in Codd. DEFGIK, in Minusculis plerisque, ut et in antiquis versionibus non paucis; adde, Patres Græcos benè multos sic quoque legisse. Quare quum posterior hæc lectio numero et auctoritate testium priori tantopere præstet, non perspicio quid TISCHENDORFIUM movere potuerit ut lectionem διὰ τοῦ ἐνοικοῦντος αὐτοῦ πνεύματος alteri præferret.

γ. 9. Vos autem in carne non estis, sed in spiritu: si tamen, cet.). Omissâ probatione posterioris partis versûs sexti, Apostolus id quod modò (γ. 8) dixerat, *antithetecè* jam applicat ad Christianos Romanos. Vos autem, inquit, utpote in Baptismi sacramento per Spiritum S. renati, *non estis in carne sed estis in spiritu*, si tamen (εἰπερ) Spiritum Dei Patris, h. e. Spiritum sanctum, quem in baptismo accepistis, nullo graviore peccato a vobis propuleritis isque adeò etiamnum in vobis permaneat.

Valet imprimis præsens locus Apostoli ad firmandam Ecclesiæ doctrinam ¹⁾ de non

(1) Cf. Trid. Sess. VI. Cap XIII.

pollicendo sibi absoluta certitudine perseverantiam. Confer quæ hac de re notavimus in Commentario in epistolam ad Philippenses ad Cap. II. γ. 12. et Cap. III. γ. 11. — *Εἴπερ* reddendum est non *quandoquidem*, sed *si tamen*; nam in eo quod statim insequitur, Apostolus ponit, fieri posse ut quis acceptum Spiritum sanctum a se propulerit¹⁾.

si quis autem Spiritum Christi non habet, hic non est ejus). Ad terrendum hoc adjicit, quo majori sollicitudine curent ne graviore peccato acceptum Spiritum sanctum a se propellant. Potuisset pergere Apostolus: *si autem Spiritum Christi non habetis*; sed quum heic triste quid dicturus esset, maluit mutare personam dicereque *si quis* etc., nec addendo *vestrū*. Si quis autem, inquit, Spiritum CHRISTI, h. e. Spiritum sanctum, non habet in se inhabitantem, hic ad CHRISTUM non pertinet, puta tamquam vivum ejus membrum; nec est is in spiritu sed in carne. S. THOMAS (ad h. l.) : *Sicut non est membrum corporis quod per spiritum corporis non vivificatur, ita non est membrum Christi, qui Spiritum CHRISTI non habet*. Ceterum adnotandum est, eundem Spiritum ab Apostolo hic vocari et *Πνεῦμα Θεοῦ* et *Πνεῦμα Χριστοῦ*; ex quo conficitur et CHRISTUM esse Deum, et Spiritum sanctum procedere a Patre Filioque, ut definitum fuit in Concilio Florentino hisce verbis : *Definimus... quod Spiritus S. ex Patre et Filio æternaliter tamquam ab uno principio et unica spiratione procedit*.

γ. 10. *Si autem Christus in vobis est, corpus quidem* etc.). Antithesis est antegressi effati : *Si quis Spiritum CHRISTI non habet, hic non est ejus*. Itaque Apostolus, ad rem quod attinet, pro eodem habet, quempiam habere Spiritum CHRISTI, et CHRISTUM in quopiam esse. Cujus identitatis ratio posita est in divinarum Personarum *περιχωρησεῖ*, quam Latini Theologi *circuminsessionem* appellarunt. Oritur autem illa divinarum Personarum *περιχωρησις* ex unitate et identitate divinæ naturæ, in eoque consistit quod dividi ac separari Persona una non potest ab altera, sed citra confusionem ac servato discrimine insunt in se invicem; ut adeo ubi est divina natura, ibi quoque sint tres Persona divinæ²⁾. Audiatur S. CHRYSOSTOMUS, qui ad verba Apostoli,

(1) Bene ESTIUS (ad h. l.) : « *Εἴπερ* alii vertere malunt *si quidem* vel *quandoquidem*, ut sermo sit non dubitantis sed ratiocinantis cum affirmatione, quasi dicat : quandoquidem jam Spiritus Dei in vobis habitat, propterea in spiritu estis; atque sensum hunc tradit Theophylactus. Sed sciendum est, etiam infra (γ. 19) cum dicitur, *si tamen compatimur, ut et conglorificemur*, haberi eandem dictionem *εἴπερ*, ubi conditionalem esse sermonem, satis res ipsa loquitur. Et hujusmodi sensus etiam huic loco optimè quadrat. Nam

etsi de Romanis, id est, ecclesia Romanorum, non dubitabat Apostolus, an Spiritus Dei in illis habitaret, quos initio salutavit *dilectos Dei, vocatos sanctos*, et quibus scribit (Cap. XV) : *certus sum de vobis, quia pleni estis dilectione*, meritò tamen de quibusdam illorum dubitare poterat, unde subjungit : *si quis autem Spiritum CHRISTI non habet, hic non est ejus*. »

(2) Confer PETAVIUM de Trinitate Lib. IV. Cap. XVI.

si autem Christus in vobis est, hæc notat : α Dicebat hoc, inquit, non Spiritum sanctum vocans CHRISTUM, absit, sed ostendens eum, qui Spiritum sanctum habet, non modo CHRISTI esse dici, sed etiam ipsum habere CHRISTUM. Non potest enim, Spiritu sancto præ-sente, non adesse CHRISTUS. Ubi enim una Trinitatis Persona adest, tota adest Trinitas; nam inseparabiliter existit et omninò unita sibi. Itaque in quo est Spiritus sanctus qui est Spiritus CHRISTI, in hoc et CHRISTUS est per Spiritum suum, et pariter adest Deus Pater.

corpus quidem mortuum est propter peccatum, Spiritus verò vivit propter justificationem). Malim vertere propter justitiam, nam Græce hic legitur vox δικαιοσύνη, non verò aut δικαιώσις, ut supra Cap. IV. 25. V, aut δικαίωμα ut γ. 18 ibidem. Sensus est : Si autem CHRISTUS est in vobis per Spiritum suum, corpus quidem vestrum obnoxium est morti (νεκρον) propter originale peccatum (δι' ἁμαρτιαν), anima autem vestra est vita (ζωη Vid. Var. lect.) sive vivens propter justitiam (δια δικαιοσύνην) a S. Spiritu vivificatore (γ. 2) imperitam. Cf. Cap. 1. γ. 19. Plerique νεκρον hic interpretantur mortale; sed mortale Græce θνητον dicitur, νεκρον verò mortuum significat. Apostolus autem hoc loco corpus propter originale peccatum morti obnoxium per Prolepsin vocavit mortuum (νεκρον), idque fecit, ut MAJERUS observat¹⁾, ob antithesin quæ ibi est inter νεκρον et ζωη. Νεκρος, inquit, ist nicht synonymisch mit θνητος, STERBLICH, sondern gibt diesen Sinn nur mittelbar; es ist ein proleptischer Gebrauch anzunehmen, nach welchem das sicher eintretende als bereits eingetreten bezeichnet wird, und so wandelt sich das TODT allerdings in STERBLICH (?) um, oder DEM TODE UNTERWORFEN²⁾; es wurde dieses νεκρος statt θνητος wegen des Gegen-

(1) S. CHRYS. Hom. XIII. in Ep. ad Rom : Τουτο δε ειπεν, ου το Πνευμα Χριστον λεγων, απαγε, αλλα δεικνυς οτι ο το Πνευμα εχων, ου μονον του Χριστου χρημαθιζει, αλλα και αυτον εχει τον Χριστον. Ου γαρ εστι, Πνευματος παροντος, μη και Χριστον παρειναι. 'Οπου γαρ αν μια της Τριαδος υποστασις παρη, πασα παρεστιν η Τριας· αδιασπαστως γαρ εχει προς εαυτην και ηνωται μετ' ακριβειας απασης.

(2) Quod hic dicit MAJERUS νεκρον (mortuum) per Prolepsin dici, id quidem recte; minùs vero rectè se habet quod dicit νεκρον hic (per Prolepsin) valere sterblich (mortale); ratio est, quia corpus propter peccatum originale (δι' ἁμαρτιαν) necessitatem quidem moriendi contraxit sive factum est morti obnoxium, sed non factum est mortale propter illud peccatum. Erat enim mortale corpus et ante lapsum sive in statu innocentiae. Audiatur S. AUGUSTINUS (De peccatorum meritis

et remissione Lib. 1. Cap. V.) : Corpus illud, inquit, jam erat mortale; quam mortalitatem fuerat absumptura mutatio in æternam incorruptionem, si in homine justitia, id est, obedientia permaneret; sed ipsum mortale non est factum mortuum nisi propter peccatum. Quia vero illa in resurrectione futura mutatio non solum nullam mortem, quæ facta est propter peccatum, sed nec mortalitatem habitura est, quam corpus animale habuit ante peccatum; non ait (γ. 11): qui suscitavit CHRISTUM JESUM a mortuis, vivificabit et mortua corpora vestra, cum supra (γ. 10) dixisset corpus mortuum (νεκρον), sed vivificabit, inquit, et mortalia (θνητα) corpora vestra; ut scilicet jam non solum non sint mortua, sed nec mortalia, cum animale resurget in spiritale, et mortale hoc induet immortalitem, et absorbebitur mortale a vita. Cf. 1 Cor. XV. 44. 53. 2 Cor. V. 4.

satzes ζῶν gesetzt. » ADALB. MAIER *Comment.* ad h. l. *Peccatum*, ut jam innuimus, originale peccatum hic intelligitur; nam, sicut supra (Cap. V. 12) docuit Apostolus, per peccatum Protoparentis mors in hunc mundum intravit, et in omnes homines mors pertransiit, proptereaquod, eo peccante, omnes peccaverunt. Nec obstat quod non scripserit cum Articulo *δια την ἁμαρτιαν*, sed absque Articulo *δι' ἁμαρτιαν*. Vide supra ad Cap. VI. 14. Præpositio *δια* seq. Acc. bis hoc versu dicitur de causa propter quam quid fit, ut supra III. 25. Bene ESTIUS: « Ex eo, inquit, quod dicit Apostolus propter peccatum, rectè docent Theologi mortem et misérias hujus vitæ etiam in hominibus justis esse pœnas peccati originalis, ut quod perfecte quidem remissum est in Baptismo quoad culpam et pœnam futuri sæculi, qua scilicet homo retardetur ab ingressu regni cœlestis, non autem quantum ad pœnalitates hujus sæculi. De qua re disputatur in 4. Sent. Dist. 4. »

Spiritus verò vivit, Græce: *το δε πνευμα ζῶν*, Spiritus vero vita est. *Πνευμα* ibi simpliciter *humanus animus est*, ut 1 Cor. II. 11. Dicere potuisset Apostolus, *spiritus vero vivens* (ζῶν) est, sed pro *Concreto ζῶν* maluit *Abstractum ζῶν*, in quo major vis est: q. d. *Spiritus vero tota quanta vita, non nisi vita est*. Ceterum illa ζῶν intelligitur vita gratiæ quam secutura est vita gloriæ; intelligitur, inquam, vita illa quæ a justificatione incipit, et in beata immortalitate perficitur.

γ. 11. *Quod si Spiritus ejus qui suscitavit JESUM a mortuis, habitat in vobis*, cet.) Nexus orationis hic est: Dixerat modò: Corpus quidem vestrum morti obnoxium est, animus vero jam vivit; addit nunc: sed et corpus quoque vestrum mortale aliquando donabitur beata immortalitate. Sensus est: *Quod si Spiritus Dei Patris qui suscitavit JESUM a mortuis, habitat¹⁾ in vobis, idem ipse Pater æternus qui JESUM CHRISTUM, caput vestrum, a mortuis suscitavit, aliquando mortalia quoque corpora vestra vivificabit idque propter inhabitantem Spiritum ejus (CHRISTI, αὐτοῦ) in vobis.*

Futuram corporum nostrorum immortalitatem dicturus Apostolus, Deum Patrem per

(1) Intellige ἐνοικηστω quæ sit non simpliciter κατ' ἐνέργειαν sed et κατ' οὐσίαν, de qua diximus suprâ ad Cap. V. 5. pag. 137. Lege etiam PETAVIUM (de Trinitate Lib. VIII. Cap. IV et seqq.), qui pro more suo eruditissimè hanc quæstionem tractavit. Idem explicat ibidem (Cap. VII) quomodo distincta sit illa Personæ Spiritûs sancti cum justis unio ab hypostatica Verbi conjunctione cum humana natura. Alibi (de Trinitate Lib. VIII. Cap.) de hac quæstione sic pronunciat PETAVIUS: « Quum fidelibus ac justis impertiri communicarique Spiritus sanctus legitur, non ipsammet illius Personam tribui sed ejus efficientiam, communis fere sensus habet

eorum, qui in Patrum veterum lectione minus excercitati sunt; quos qui attentè pervestigare voluerit, intelliget, occultum quemdam et inusitatum communicationis modum apud illos celebrari, quo Spiritus ille divinus in justorum sese animos insinuans cum illis copulatur, eumque non accidentarium, ut ita dicam, esse, hoc est, qualitate dumtaxat illa cœlesti ac divina perfici quam in pectora nostra diffundit idem cœlestium donorum largitor ac procreator Spiritus, sed οὐσιωδῶς, hoc est, substantialem; ita ut substantia ipsa Spiritûs sancti nobiscum jungatur, nosque sanctos ac justos ac Dei denique filios efficiat. »

Periphrasin vocat *eum qui suscitavit Jesum a mortuis*, idque ideo fecit quia JESU CHRISTI ad vitam immortalem et gloriosam resurrectio exemplar est resurrectionis nostrae ad vitam immortalem et gloriosam; quam ob causam JESUS CHRISTUS alibi (1 Cor. XV. 20) ab Apostolo vocatur *ἀπαρχὴ τῶν κεκοιμημένων*, *primitiae dormientium*.

JESUS CHRISTUS qui, *ut Deus de Deo*, propria virtute ¹⁾ a mortuis resurrexit ad vitam immortalem et gloriosam, *ut homo*, ad illam vitam resuscitatus in Scripturis dicitur a Deo Patre, idque *per appropriationem*; nam quamquam omnia opera *ad extra*, ut vocant Theologi, tribus Personis sunt communia, tamen ex loquendi ratione sacrarum Scripturarum sicut alia Filio, alia Spiritui sancto appropriantur, ita quae sunt potentiae opera, ut est mortui ad vitam resuscitatio, appropriantur Patri ²⁾.

vivificabit et mortalia corpora vestra). Duplicis speciei *ἀνάστασις* in S. Scripturis distinguitur, quarum altera vocatur (Joh. V. 29) *ἀνάστασις ζωῆς*, altera *ἀνάστασις κρίσεως*. Resurgent a mortuis omnes (2 Cor. V. 10), sed alii ad subeundam condemnationem sempiternam, eaque est *ἀνάστασις κρίσεως*, alii autem ad fruendum vitâ aeternum beatâ, quae resurrectio *ἀνάστασις ζωῆς* a JOHANNE nominatur. Atque hanc *ἀνάστασιν* PAULUS hic respicit, non tamen directò eam memorat sed ex obliquo; nam verba ejus proprie significant, futurum esse ut justorum corpora *mortalia* ³⁾ (*ὀνῆτα*) *indutura sint immortalitatem*. Cf. 1 Cor. XV. 53. 54.

propter inhabitantem Spiritum ejus in vobis). Causam exponit propter quam (*διὰ*) Deus vivificaturus sit *mortalia justorum corpora*; quae causa posita est in eo quòd Spiritum CHRISTI (*αὐτοῦ*) habeant in se manentem.

γ. 12—13. Ergo fratres debitores sumus non *ἀδελφοὶ, ὀφειλέται ἑσ-*
καρτί, ut secundum car-
nem vivamus. ¹³ Si enim *κατὰ σὰρκα ζῆν.* ¹³

γ. 12—13. Ἀρὰ οὖν,

ἀδελφοὶ, ὀφειλέται ἑσ-

καρτί, ut secundum car-

νὴν ζῆν.

Paraphrasis. Ergo, fratres, debitores sumus Spiritui sancto ut ad ejus instinctum vitam instituere debeamus; non verò debitores sumus

(1) Joh. X. 18: *Nemo tollit eam (animam) a me; sed ego pono eam a me ipso, et potestatem habeo iterum sumendi eam.* »

(2) De attributis essentialibus Personis divinis appropriatis agit S. THOMAS 1. p. q. 39. Art. VII et VIII.

(3) « Non dicit *mortua*, sed *mortalia*; quia in resurrectione non solum a corporibus vestris

auferetur quod sint *mortua* (γ. 10), id est, necessitatem mortis habentia, sed etiam quod sint *mortalia*, id est, potentia mori, quale fuit corpus ADAMI ante peccatum. Nam post resurrectionem corpora nostra erunt penitus immortalia. » S. THOMAS ad h. l. Legatur etiam hic S. AUGUSTINUS, *De pecc. meritis*, cct. Lib. 1. Cap. IV. sqq.

secundum carnem vixeritis , moriemini : si autem spiritu facta carnis mortificaveritis , vivetis .

Εἰ γὰρ κατὰ σάρκα ζῆτε , μέλλετε ἀποθνήσκειν· εἰ δὲ πνεύματι τὰς πράξεις τοῦ σώματος ^{a)} θανατοῦτε , ζήσεσθε.

Carni , ut huic nobis præstanda servitus sit. Nam si vivitis obsequentes pravis Carnis concupiscentiis , moriemini morte æternâ ; contrâ , si per Spiritum malas actiones , ad quas Caro impellit , inhibetis , vitam vivetis æternam beatam.

VARIANS LECTIO.

a) Pro του σώματος legitur της σαρκος in Codd. DEFG , quam lectionem exhibet Latina quoque Vulgata. Crediderim lectionem σώματος referre genuinam PAULI scripturam , tum quod hæc lectio plures et graviores habet testes , tum etiam quod probabiliter conjicias pro του σώματος a librario repositum fuisse της σαρκος , quia existimaret PAULUM reapse sic scripsisse quum proximè præcessisset κατὰ σάρκα ζῆτε. Fieri etiam potest ut lectio της σαρκος nata sit ex glossemate quo illud του σώματος explicaretur , quodque , deletâ deinceps in textu codicis voce του σώματος , librarius , qui hoc codice uteretur , in textum admiserit.

ψ. 12. *Ergo , fratres , debitores sumus non carni , ut secundum carnem vivamus*). Apostolus jam , flexâ ad exhortationem oratione , parænesin supra (Cap. VI. 14) abruptam continuat . Continuat autem per exhortatoriam illationem (ἄρα οὖν) ex proximè antegressis (ψ. 1—11) , et sumit , Spiritum sanctum habitare in iis ad quos sermonem suum dirigit. Ceterum observandum est , PAULI orationem hic aliquo modo defectivam esse ; nam ut prorsus esset absoluta , sic ei scribendum fuisset : *Ergo , fratres , debitores sumus non Carni ut secundum Carnem vivamus , sed debitores sumus Spiritui sancto , ut secundum Spiritum vivamus* . Sensus est : Ergo , fratres , quum a dominatu concupiscentiæ mortiferæ liberati simus per Spiritum sanctum , perque eundem in nobis manentem jam nunc animus noster vivat vitâ gratiæ in vitam gloriæ commutandâ , et beatâ immortalitate aliquando donanda sint mortalia corpora nostra , profectò consequitur , nos utpote tot tantisque beneficiis dignatos , debitores esse non Carni , ita ut huic nobis præstanda servitus sit ejusque pravis desideriis obsequendum , sed contrâ debitores nos esse Spiritui sancto , adeò ut ad ejus instinctum vitam nostram instituere debeamus.

De Particulis ἄρα οὖν vide supra pag. 200. In dictione του κατὰ σάρκα ζῆν Infinitivus ad modum Nominis positus est in Genitivo , qui quidem pendet a Substantivo οφείλεται ; dicitur enim οφείλετην εἶναι τινι τινος. Puta latine dici : non Carni

sumus debitores vitæ secundum Carnis desideria instituendæ. Cf. FRITSCHII *Excurs. II*, qui legitur a fine ejusdem Commentarii in Evangelium ΜΑΤΘΑΙ. Σαρξ in illa dictione tamquam persona sistitur, ut ἡ ἁμαρτία suprâ passim, exempli gratiâ Cap. VI. 12.


γ. 13. si enim secundum carnem vixeritis, etc.). Superiorem exhortationem roborat adjiciendo quò tandem perducatur vita aut secundum Carnem aut secundum Spiritum instituta. Nam si vivitis (ζῆτε), inquit, pravis Carnis concupiscentiis obsequentes, moriemini mortē aeternā (Cf. Cap. VI. 23); si contrâ per Spiritum (πνεύματι Dativ. instrumenti) malas actiones ad quas Caro impellit (τας πράξεις του σώματος) inhibetis ac veluti necatis (θανατοῦτε), vitam vivetis aeternum beatam (Conf. Cap. VI. 23).

γ. 14—17. Quicumque enim spiritu Dei aguntur, ii sunt filii Dei. ¹⁵ Non enim accepistis spiritum servitutis iterum in timore, sed accepistis spiritum adoptionis filiorum, in quo clamamus: Abba (Pater). ¹⁶ Ipse enim Spiritus testimonium reddit spiritui nostro quod sumus filii Dei. ¹⁷ Si autem filii, et heredes: heredes quidem Dei, coheredes autem CHRISTI: si tamen compatimur, ut et conglorificemur.

γ. 14—17. Ὅσοι γὰρ Πνεύματι Θεοῦ ἁγίζονται, οὗτοί εἰσιν υἱοὶ Θεοῦ. ¹⁵ Οὐ γὰρ ἐλάβετε πνεῦμα δουλείας πάλιν εἰς φόβον, ἀλλ' ἐλάβετε πνεῦμα υἰοθεσίας, ἐν ᾧ κράζομεν Ἀββᾶ, ὁ πατήρ. ¹⁶ Αὐτο ^{a)} τὸ Πνεῦμα συμμαρτυρεῖ τῷ πνεύματι ἡμῶν, ὅτι ἐσμέν τέκνα Θεοῦ. ¹⁷ Εἰ δὲ τέκνα, καὶ κληρονόμοι κληρονόμοι μὲν Θεοῦ, συγκληρονόμοι δὲ Χριστοῦ· εἴπερ συμπάσχομεν, ἵνα καὶ συνεδοξασθῶμεν.

Paraphrasis. Nam quicumque ab inhabitante in se Spiritu sancto aguntur, hi sunt filii Dei, ut estis vos. Neque enim, quem in Baptismo Spiritum accepistis, talis est qui vos, sicut olim Mosaica Lex Judæos, servos effecerit ut iterum servili animo legislatorem Deum timeretis; sed accepistis Spiritum qui nos effecit adoptivos Dei filios, quo Spiritu nos agente, magno animi affectu Deum compellamus Patrem nostrum. Ipse ille Spiritus affectuosâ illa compellatione unâ cum spiritu nostro contestatur, nos esse filios Dei. Quod si filii sumus, utique et heredes aliquando erimus; heredes, inquam, Dei, coheredes autem CHRISTI; si tamen cum CHRISTO patimur, quo fiet ut et cum ipso glorificemur.

VARIANS LECTIO.

a) Post αὐτο legitur γὰρ apud Patres nonnullos. Interpres Syrus habet ibi , et ipse Spiritus.

ψ. 14. *Quicumque enim Spiritu Dei aguntur, ii sunt filii Dei*). Hac parte (ψ. 14—18) Apostolus probat (γαρ) id quod modò (ψ. 13) Romanis suis dixerat, scilicet eos, si *Spiritu* opera carnis cohiberent atque reprimerent, aliquando potituros esse vitâ æternûm beatâ. Argumentatio ejus talis est: Quicumque ab in habitante in se Spiritu sancto aguntur (ut certò aguntur ii qui opera carnis reprimunt), hi sunt filii Dei (ψ. 14); qui autem filii sunt, hoc ipso et heredes erunt, puta vitæ æternûm beatæ (ψ. 17). Ergo si opera carnis reprimitis, potituri estis vitâ æternûm beatâ.— Sed nota, Apostoli argumentationem quodammodo abrumpi per ea quæ versiculis decimo quinto et sequenti continentur quæque ad modum parentheses legi possunt. In sententia illa interposita, *non enim accepistis..... quod sumus filii Dei*, eos esse filios Dei probat tum ex affectu amoris quo Deum compellant *Patrem* suum (ψ. 15), tum ex testimonio Spiritûs sancti.

Observat ad præsentem locum CHRYSOSTOMUS, PAULUM non dixisse *quicumque Spiritum Dei acceperunt*, sed *quicumque Spiritu Dei aguntur*, quia nempe ad obtinendam filiorum Dei hæreditatem prius illud non sufficiat. « *Ne lavacri doni confisi*, inquit, *subsequens vitæ institutum negligerent*, dicit, *te*, *etiamsi baptismum acceperis*, *collatam dignitatem et adoptionis prærogativam perdidisse*, *nisi deinceps a Spiritu sancto in agendo ducaris*¹⁾. » In eandem sententiam THEOPHYLACTUS (ad h. l.) dixit: *Omnes quidem Spiritum accipimus per regenerationis lavacrum, agi autem per omnem vitam, istud a nobis tamquam nostrum exigitur. Ideo non dixit*, quotquot Spiritum acceperunt hi sunt filii Dei, *sed* quotquot Spiritu Dei aguntur²⁾.

Ceterum, sentit Apostolus ita eos agi a Spiritu sancto, ut ipsi quoque qui aguntur agant dum aguntur. Præmiserat enim (ψ. 13): *Si secundum carnem vixeritis, moriemini, si autem Spiritu facta carnis mortificaveritis, vivetis*; adeòque ita Spiritûs sancti ενεργειαν prædicat, ut tamen non tollat humani arbitrii libertatem. Atque ita quoque Philippenses quidem docuit (Cap. II. 12. 13), *Deum esse qui in illis operetur et velle et perficere*, sed et eosdem unâ monuit, ut *cum timore et tremore salutem suam operarentur*.

ψ. 15—16. *Non enim accepistis spiritum servitutis, etc.*). Eos esse filios Dei (adoptivos) obiter hic comprobatur, ut diximus, ex filialis amoris affectu, quo Deum solent compellere *Patrem* suum. Neque enim, inquit, cum in CHRISTO per Baptismum

(1) ἵνα μὴ τῇ δωρεᾷ τοῦ λουτροῦ θαρρησάντες, τῆς μετὰ ταῦτα ἀμελήσωσι πολιτείας, φησὶν, ὅτι καὶ βάπτισμα λαβὴς, μὴ μελλῆς δε Πνεύματι μετὰ ταῦτα ἀγεσθαι, ἀπωλεσας τὴν δεδομένην ἀξίαν καὶ τῆς υἰοθεσίας τὴν προσδορίαν. S. CHRYS. Hom. XIV in Ep. ad Rom.

(2) Πάντες μὲν γὰρ Πνεῦμα λαμβάνομεν διὰ τοῦ λουτροῦ· το δε ἀγεσθαι παρὰ πάντα τὸν βίον, τοῦτο ἀπαιτούμεθα ὡς ἡμετέρον. Διὸ οὐκ εἶπεν, ὅσοι Πνεῦμα ἐλάβον, οὗτοι εἰσιν υἱοὶ Θεοῦ, ἀλλ' ὅσοι Πνεύματι Θεοῦ ἄγονται.

renascere mini , Spiritum accepistis qui vos , sicut olim Mosaica lex Judæos , servos effecerit (*Πνευμα δουλειας*) , ut iterum servili animo legislatorem Deum timeretis (*παλιν εις φοβον*) ; sed accepistis Spiritum qui nos constituit adoptivos Dei filios (*Πνευμα υιοθεσιας*) , quo Spiritu nos agente , Deum invocantes magno animi affectu dicimus : o Pater ! Ipse ille Spiritus unà cum spiritu nostro testatur quod simus filii Dei.

Πνευμα hic intelligitur non *affectus* aut *sensus* animi quispiam , ut *πνευμα δουλειας* sit *affectus* animi qualis solet esse servorum , et *πνευμα υιοθεσιας* *affectus* qui conveniat filiis adoptivis ; sed per vocem *πνευμα* hoc loco significatur *Spiritus sanctus*. Atque hoc probatur ex loco parallelo isto (Gal. IV. 6) : *Quoniam autem estis filii , misit Deus Spiritum Filii sui in corda vestra , clamantem , Abba , Pater !* Itaque Genitivi illi , *δουλειας* et *υιοθεσιας* , sunt Genitivi *effectus* , qualis est et Genitivus *του Θανατου τουτου* in illo (Cap. VII. 24) : *τις με ρυσεται εκ του σωματος του Θανατου τουτου*. Spiritus sanctus quem in Baptismo acceperant non est *πνευμα δουλειας* , *Spiritus servitutis* , hoc est , *Spiritus qui eos effecerit servos* , sed est , *πνευμα υιοθεσιας* , *Spiritus adoptionis* , hoc est , *Spiritus qui illos constituit filios Dei adoptivos*. Nota , vocabulum *παλιν* , ut patet ex loco quem hic occupat , pertinere ad *εις φοβον* , non autem ad antegressum *ελαβετε*. Hinc verò conficitur , Apostolum non distinxisse hic duplicem Spiritus sancti *acceptionem* , unam , qua acceptus fuerit *spiritus servitutis* , alteram , qua *spiritus adoptionis* ; sed cum menti suæ exprimendæ suffecisset semel posuisse verbum *ελαβετε* , dicendo *ου γαρ ελαβετε Πνευμα δουλειας παλιν εις φοβον* , *αλλα Πνευμα υιοθεσιας* , majoris emphaseos causâ , repetito *ελαβετε* , dicere maluit *ου γαρ ελαβετε Πνευμα δουλειας παλιν εις φοβον* , *αλλ' ελαβετε Πνευμα υιοθεσιας*. Simili modo ad Ephesios scripsit (Cap. II. 19) : *Αρα ουν ουκετι εστε ξενοι και παροικοι αλλ' εστε συμπολιται των αγιων* , ubi sanè suffecisset Verbum *εστε* posuisse semel , si non voluisset per repetitum illud *εστε* vim addere orationi ¹⁾.

iterum in timore). Græcè *εις φοβον* in *timorem* , seu rectius *ad timorem* , hoc est , *ad timendum*. Hæc scilicet antiquæ legis indoles erat , ut præciperet tantum variasque pœnas statueret delinquentibus , *per se* autem nulla præberet gratiæ auxilia ad Dei mandata servanda ; itaque *per se* illa lex subditos suos faciebat veluti *servos* qui timore pœnarum a violatione præceptorum deterrentur. In nova autem Lege confertur Spiritus sanctus , quo effecti filii Dei adoptivi non servili pœnarum timore sed filiali amore Deum timemus et amamus. Non quod sub prisca illa lege dēssset divina gratia

(1) Cf. quæ notavimus ad C. III. 20. p. 91 , item ad Cap. VI. 14.

qua homines justificarentur et vires acciperent ad Dei præcepta implenda, sed gratia illa hominibus non obtingebat vi Legis sed per fidem in CHRISTUM venturum, adeoque non ad statum Legis sed ad statum Evangelii pertinebat.

Sed de gratia illa sanctificante, qua sub vetere Testamento constituti fuere iusti quicumque fuerunt, quæri hic potest num quid diversum sit a Spiritu *υιοθεσιας* (adoptionis), quem in nova lege Christianis conferri Apostolus hic docuit. Qua de re quid SS. Patres sensisse videantur, a PETAVIO¹⁾ docemur. « Non dubito, inquit, quin si quis ista ipsa loca veterum²⁾ accurate considerare velit, sensisse illos existimet, propriam quamdam, post adventum CHRISTI atque obitum, communicationem cœpisse esse Spiritus sancti, qualis antea non erat: cujus etiam ab eo tempore factum initium docent, quo in Apostolos sub ignis specie descendit: tamquam hactenùs *κατ' ἐνεργειαν*, id est operatione tenùs, in sanctis fuerit, deinceps autem *ουσιωδως*, id est substantialiter; quod GREGORIUS NAZIANZENSUS disertè prædicat, nec obscurè certè reliqui omnes asserunt. Atque haud paucos ex his existimasse vidimus, talem in primo nostro parente, cum in eum Deus inspiravit spiraculum vitæ, Spiritus sancti fuisse præsentiam, cujusmodi a CHRISTO restituta est. BASILIUS, CYRILLUS, et alii, manifesto docent, alio modo in Patriarchis ac Prophetis resedissee Spiritum sanctum, necdum illis *ουσιωδως* obtigisse. » Quod dicit Apostolus iterum (*παλιν*), speciatim id respicit illos ex Romanis Christianis, qui relictâ synagogâ Christo nomen dederant³⁾.

sed accepistis Spiritum adoptionis filiorum in quo clamamus, Abba, Pater). Sensus est: sed Spiritus sanctus quem accepistis, adoptivos Dei filios vos esse fecit. Quod addit Apostolus *in quo clamamus Abba, Pater*, ex eo arguit eos accepisse illum Spiritum *υιοθεσιας* adeoque esse adoptivos Dei filios. Nam, docente CHRYSOSTOMO⁴⁾,

(1) *De Trinitate* Lib. VIII, Cap. VII,

(2) Illa SS. Patrum loca intelligit, quæ (ibid) capite quarto et quinto plura recitaverat, inter quæ erat et hic NAZIANZENI locus (Orat. in Pentecost.): Το δε νυν, inquit NAZIANZENUS, τελευτερον, ουκ ετι ενεργεια παρον ως προτερον, ουσιωδως δε, ως αν ειποι τις, συγγινομενον τε και συμπολιτευομενον, h. e. Nunc vero (id est, post CHRISTI in cœlum adscensum), perfectius (datus est Spiritus sanctus), ut qui non jam operatione sola præsens sit, ut antea sed substantiali, ut sic loquar, modo adsit ac simul versetur.

(3) VASQUEZ (ad h. l.): « Dicit iterum respectu temporis, quo populus Judæorum accepit legem in timore.... Lex ipsa ex se tantum proponebat pœnam, quam timorem appellat PAULUS, neque

vero suggerebat interius bonum timorem, quo interdum homines moventur a Deo ad bene operandum: quòd enim positâ pœnâ per legem homo timore sancto et bono moveatur ad bene operandum et servandam legem, non legis est sed gratiæ Dei. Præterea PAULUS non negat populum Judæorum præter legis litteram et timorem, habuisse interiorem gratiam per CHRISTUM: sed ostendit quid habuerint ex sola virtute legis exterius sonantis. »

(4) Hom. XIV in Ep. ad Rom. Ὡςπερ ισμεν το πνευμα της προφητειας αψ' ου ο εχων αυτο προλεγει τα μελλοντα, ουκ οικεια φθεγγομενος διανοια αλλ' υπο της χαριτος κινουμενος, ούτω δη και Πνευμα υιοθεσιας αψ' ου ο λαβων Πατερα καλει τον Θεον υπο του Πνευματος κινουμενος.

sicut novimus Spiritum prophetiae, inde quod is qui habet illum, futura praedicat, non ex propria mente loquens, sed a gratia motus: sic et Spiritum adoptionis novimus inde quod is, qui accepit eum, Patrem vocat Deum, motus a Spiritu sancto. Illud *ἐν ᾧ* (in quo) non est hic idem quod *δι' οὗ* per quem, sed Praepositio *ἐν* referenda est ad unionem illam Spiritus sancti, ut ita dicam, substantialem, qua fit ut Spiritus sanctus animum nostrum veluti pervadat ita, ut nos in eo (*ἐν ᾧ*) veluti in circumfusi et undique penetrantis aëris elemento versemur. S. BASILIUS ³⁾ cum Spiritus sanctus *ἐν ἡμῖν* (in nobis) inesse dicitur, ait sic inesse, ut forma est in materia, et virtus in eo quod illius est capax; aut ut habitus in eo quod illo afficitur. Quod sic declarat: Itaque quatenus Spiritus sanctus vim habet perficiendi ratione praeditas creaturas, earum summam perfectionem absolvens, formae rationem obtinet. Qui enim secundum carnem non amplius vivit, sed Spiritu Dei ducitur, et filius Dei nominatur, et conformis fit imagini Filii Dei, spiritualis appellatur. Item ut videndi facultas inest in sano oculo, sic operatio Spiritus in anima purgata.

Clamamus, *κραζομεν*, sumendum hic est non de magno sonitu vocis, sed de vehementi animi affectu. *Abba* (*Αββα*) vox Chaldaica ³⁾ est, quae ibi explicatur per insequentem Græcam *ὁ πατήρ*. Nota, Vocativi loco adhibitum ibi esse Nominativum cum Articulo, ut Matth. XI. 26 et alibi. Sunt interpretes qui dicant ³⁾, AUGUSTINUM secuti, Apostolum vocem Chaldaicam hic conjunxisse cum Græca, quia, quum scriberet ad Christianos Romanos, quorum alii ex Judaismo alii ex Gentilismo ad CHRISTUM venissent, sic voluerit significare utriusque populi in uno angulari lapide CHRISTO conjunctionem, tamquam pariter vocatorum ad filiorum Dei adoptionem. — Sed huic conjecturae obstande videtur quod etiam apud MARCUM (Cap. XIV. 36) similiter legitur *Αββα, ὁ Πατήρ*; et verò ibi eâ vocum geminatione spectatum fuisse ad Ecclesiam ex Judæis et Gentilibus colligendam, nulla probabili ratione suaderi poterit. Ceterum *Paternitas* quæ hic dicitur, illa intelligitur quæ toti SS. Trinitati communis est. Observatio hæc non fugit ESTII diligentiam. « Nomen *Patris*, ut hic accipitur, inquit, non est proprium primæ Personæ in Deo, sed toti Trinitati commune. Nam Deus non dicitur *Pater* filiorum quos adoptavit a relatione qua refertur ad filium suum naturalem, (sic enim solius secundæ Personæ *Pater* est), sed ab ea qua nos respicit ut adoptator noster, et vitæ spiritualis, id est, justitiæ per regenerationem nobis auctor. Quæ paternitas utique toti Trinitati communis est. »

γ. 16. *Ipse enim Spiritus testimonium reddit Spiritui nostro, quod sumus filii Dei*). Elucidat Apostolus id quod modo dixerat: *in quo clamamus, Abba, Pater*;

(1) Apud PETAVIUM, *De Trinitate* Lib. VIII. Cap. V. XIV. (2) ESTIUS, alii.

(2) *πατήρ* (Pater), in statu emphatico *πατήρ* le père. *père*

in Græco tamen contextu non legitur hic γὰρ Particula *elucidantis*, sed *asyndeticè* præsens sententia antegressæ subicitur. — Si Deum appellamus *Patrem nostrum*, utique testamur esse nos ipsius *filios*; quod si in *Spiritu sancto* (ἐν ᾧ), hoc est, movente et excitante Spiritu sancto Deum hoc nomine invocamus, Spiritus sanctus ipsa hac invocatione, veluti quodam testimonio ¹⁾, unà cum Spiritu nostro *contestatur* (συμμαρτυρεῖ) nos esse filios Dei. Itaque vult dicere Apostolus: *Ipse ille Spiritus* (αὐτο το Πνεύμα Cf. ψ. 26), de quo modò dixerat ἐν ᾧ κρᾶζομεν, quum auctor sit istius clamoris quo elamamus *Abba Pater*, ipso hoc clamore unà nobiscum *contestatur* nos esse filios Dei ²⁾. — Testimonium hoc quamquam in se certissimum est, attamen nemini eorum quibus illud datur ita certò cognitum est, ut absque speciali revelatione *hinc certitudine fidei* colligere possit aut debeat se esse justificatum ³⁾; nam, docente Ecclesia ⁴⁾, *nullus scire valet certitudine fidei, cui non potest subesse falsum, se gratiam Dei esse consequutum*. Quibus verbis non negatur, fuisse qui ex speciali revelatione id scirent, neque etiam negatur, posse absque speciali revelatione haberi ea de re certitudinem, quam vocant, *moralem*, sed tantum negatur, seclusâ speciali revelatione, sciri hoc posse *certitudine fidei, cui non potest subesse falsum*, hoc est, certitudine fidei divinæ ⁵⁾.

ψ. 17. *Si autem filii, et heredes: heredes quidem Dei, coheredes autem Christi*). Arete hæc cohærent, ut diximus suprâ, cum versiculo decimo quarto: *Quicumque Spiritu Dei aguntur, ii sunt filii Dei*. Oratio autem elliptica est; puta scriptum ibi esse sic: *si autem filii sumus, consequenter heredes quoque aliquando erimus*. Ratiocinatur autem Apostolus ex analogia juris humani ⁶⁾, ex titulo filii concludendo ad jus cernendæ hæreditatis. Si filii sumus, inquit, ergo et heredes aliquando erimus: et heredes quidem Dei (Θεου) veluti parentis nostri, *coheredes autem Christi* (Χριστου), id est, unà cum CHRISTO, qui, ut homo est, confrater noster est primogenitus inter multos fratres (Vide infra ψ. 29). Hæreditas autem sive patrimonium quod hic cogitat

(1) Gal. IV. 6: *Quoniam estis filii, misit Deus Spiritum Filii sui in corda vestra, clamantem: Abba, Pater.*

(2) S. JO. DAMASCENUS (ad h. l.) Οὗ τοῦ χαρισματος ἐστὶ μόνου φωνή, ἀλλὰ καὶ τοῦ δόντος τὴν δωρεάν Παράκλητου· αὐτὸς γὰρ ἡμᾶς οὕτως ἐδίδαξεν διὰ τοῦ χαρισματος φθεγγεσθαι. «Vox ista, inquit, non solum doni illius est, sed et ipsius Paracleti, qui donum largitus est. Ipse enim nos per donum istud docuit, ut hunc in modum loqueremur.»

(3) «Siquidem aut Spiritus sanctus certos nos facit de suo testimonio, et tunc certi poterimus esse per fidem de nostra justificatione; sed hoc erit per revelationem, quia hoc testimonium quædam reve-

latio est; aut certos nos minimè facit, se esse qui nostram adoptionem contestatur, et ambigua manebit illa nobis, non obstante ipsius testimonio.» ANDREAS VEGA, *De Justificatione* Lib. IX, qui inscribitur *De incertitudine gratiæ*. De qua quæstione VEGA toto illo libro copiose et subtiliter disputat. Eandem quæstionem latè quoque tractat DOMINICUS SOTO, *De natura et Gratia* Lib. III. Cap. X. sq. Lutheranos refellit, sed et Catholicos nonnullos non satis recte hac in re sentientes.

(4) Trid. Sess. VI. Cap. IX.

(5) Cf. AND. VEGA. Ibid. Cap. VIII.

(6) Secundum jus Romanum heredes erant etiam adoptivi filii.

Apostolus, gloria (δοξα) cœlestis est, ut patet ex eo quod statim ibi subjicit: *si tamen compatimur ut et conglorificemur* (συνδοξασθώμεν); Existimo enim quod non sunt condignæ passionēs hujus temporis ad futuram gloriam (δοξαν), quæ revelabitur in nobis. Cf. etiam 2 Cor. IV. 17. Hanc hereditatem consequentur, hoc est æterni Patris gloriam (Cf. 1 Thess. II. 12) participabunt adoptivi filii Dei, sicut et JESUS CHRISTUS, naturalis Dei Filius, merito suarum perpassionum eandem secundum humanam naturam participavit¹).

Opportuna est ad hunc locum dogmatica hæc ESTII adnotatio: « Ex hoc loco, inquit, nequaquam consequens est, ut adversarii ratiocinantur, justos bonis suis operibus non mereri vitam æternam, quod nimirum eam ut filii hereditario jure sint accepturi. Nam optime consistunt hæc duo: percipere vitam æternam jure hereditario, et percipere ex meritis, præsertim si jus hereditarium ex adoptione tantum quis habeat. Quemadmodum enim filius, etsi patris heres, obedire tamen debet præceptis patris alioqui jure exheredandus, atque eâ obedientiâ nihilominus hereditatem meretur; sic et nos filii Dei per adoptionem facti eoque jure Dei heredes, præcepta tamen ejus, ut filii, servare debemus et eâ observatione per ipsius gratiam nos hereditate dignos reddere, alioqui jus illud amissuri. Igitur qui sumus adoptionis filii, et hoc titulo heredes, dum præcepta patris servamus, veluti novo titulo ad priorem accedente, sine quo tamen prior retineri non possit, hereditatem paternam nobis debitam facimus. Etenim ita congruentissime et æquissimè divinitus ordinatum est, ut hereditatem illam cœlestem adoptivi filii non consequantur nisi in eo quod renati sunt et filii Dei facti, studio bonorum operum quibus et patri obediant et hereditatem promereantur, perseverent. Quamvis enim esse possit ea filiatio in homine qui opera nondum habeat; retineri tamen et conservari sine illis non potest. Quod et PAULUS significat in eo quod hic statim subjicit: *Si tamen compatimur ut et conglorificemur*.

si tamen compatimur ut et conglorificemur). Conditionem addit sub qua licebit nobis adire hereditatem, et heredes esse unâ cum CHRISTO. Conditio autem hæc in eo posita est, ut cum CHRISTO patiamur (συμπάσχειν), quo fiet ut et cum ipso glorificemur (συνδοξέσθαι). Pati autem cum CHRISTO Apostolus intellegit æquo et constanti animo perferre tribulationes et afflictiones, quæ CHRISTI causâ nobis illatæ fuerint. Confer 2 Tim. II. 8—13. 2 Thess. I. 4—6. Locus parallilius est hic PETRI (1 Petri IV. 12—14): *Charissimi, nolite peregrinari in fervore* (μη ξενιζέσθε τη πυρώσει²), qui ad

(1) Hebr. II. 11: Qui enim sanctificat, et qui sanctificantur, ex uno omnes. Propter quam causam non confunditur fratres eos vocare. Joh. XX. 17. Dicit ei Jesus: vade ad fratres meos, et dic eis: adscendo ad Patrem meum et Patrem vestrum, Deum meum et Deum vestrum.

(2) Græcum ξενιζεσθαι τινα valet turbari aliqua re tamquam inopinata. Cf. nostratium: het bevreemd my, dat. Πυρωσις (Vulg. fervor) ibi intelligitur incendium persecutionis. Confer Latinorum incendium belli civilis.

tentationem vobis fit, quasi novi aliquid vobis contingat, sed communicantes CHRISTI passionibus gaudete, ut in revelatione gloriæ ejus gaudeatis exsultantes; si exprobramini in nomine CHRISTI, beati eritis. Præpositio *συν* in Composito *συμπασχομεν* (scil. *Χριστῷ*) heic communionem aut societatem notat, quod et de altero Composito *συνδοξασθωμεν* dicendum est.

γ. 18 — 22. Existimo enim quod non sunt condignæ passionibus hujus temporis ad futuram gloriam, quæ revelabitur in nobis. 19 Nam expectatio creaturæ, revelationem filiorum Dei expectat. 20 Vanitati enim creatura subjecta est non volens, sed propter eum, qui subjecit eam in spe: 21 quia et ipsa creatura liberabitur a servitute corruptionis in libertatem gloriæ filiorum Dei. 22 Scimus enim quod omnis creatura ingemiscit, et parturit usque adhuc.

γ. 18—22. Λογίζομαι γὰρ, ὅτι οὐκ ἄξια τὰ παθήματα τοῦ νῦν καιροῦ πρὸς τὴν μέλλουσαν δόξαν ἀποκαλυφθῆναι εἰς ἡμᾶς. 19 Ἡ γὰρ ἀποκαταδοκία τῆς κτίσεως τὴν ἀποκάλυψιν τῶν υἱῶν τοῦ Θεοῦ ἀπεκδέχεται. 20 Τῇ γὰρ ματαιότητι ἡ κτίσις ὑπετάγη, οὐχ ἐκούσα^{a)}, ἀλλὰ διὰ τὸν ὑποτάξαντα, ἐπ' ἐλπίδι 21 ὅτι καὶ αὐτὴ ἡ κτίσις ἐλευθερωθήσεται ἀπὸ δουλείας τῆς φθορᾶς εἰς τὴν ἐλευθερίαν τῆς δόξης τῶν τέκνων τοῦ Θεοῦ. 22 Οἶδαμεν γὰρ ὅτι πᾶσα ἡ κτίσις συστενάζει καὶ συνωδίνει ἄχρι τοῦ νῦν.

Paraphrasis. Nec grave hoc nobis videatur. Sic enim existimo: ea quæ in præsentī sæculo patimur mala, nullius esse ponderis si comparantur cum pondere gloriæ in futuro sæculo in nos conferendæ. Quæ quam certò conferenda sit vel ex eo patet, quod illam filiorum Dei glorificationem irrationalis creatura constanter expectat. Fragilitati enim hæc se subjecit non sua sponte, sed ut Dei eam subjiçentis obsequeretur voluntati, hanc interim divinitus spem habens, fore scilicet ut ipsa quoque liberetur a servitute corruptionis ab eaque servitute transeat ad libertatem gloriosæ incorruptionis filiorum Dei. Et verò novimus omnes, irrationalem creaturam universam inde a lapsu proto-parentis ad præsens usque tempus continuo ingemiscere ac veluti parturire ut liberetur ab istius oneris servitute.

a) Pro οὐχ ἐκούσα legitur ου θελούσα in Codd. FG.

γ. 18. *Existimo enim quod non sunt condignæ passiones huius temporis ad futuram gloriam*). Ad unâ patiendum (συμπασχειν γ. 17) suadet ducto argumento a certitudine futuri præmii. Post lectum versum decimum septimum mente supplendum est : *nec grave nobis hoc* (scil. συμπασχειν Χριστῷ γ. 17) *videri debet*. Hinc verò pendet nexus orationis : *existimo ENIM* (Belgicè : *ik meen ja toch dat etc.*). Vox λογίζομαι sumenda hic est non de opinione incerta sed de certa scientia , ut suprâ Cap. III. 28, Nam alibi (2 Cor. IV. 17) Θεοπνευστος Apostolus edixit : *Id, quod in præsenti est momentaneum et leve tribulationis nostræ, supra modum in sublimitate æternæ gloriæ pondus operatur in nobis*. Sensus est : Quæ in præsenti sæculo patimur mala , ea nullius ponderis (οὐκ αξία) sunt si comparantur cum pondere gloriæ in futuro sæculo in nos (εἰς ἡμᾶς) conferendæ (μελλούσαν αποκαλυφθῆναι).

Vox αγειν , ubi de lancibus dicitur , valet Gallicum *peser*, ut si dicas τοσουτον αγειν *peser autant*. Hinc derivata vox αξιον primùm significat *pesant*, adeoque οὐκ αξιον est *non (rien) pesant*; atque hoc sensu dictio οὐκ αξία in præsenti loco sumenda est. Præpositio προς autem ibi dicitur de instituta unius rei cum altera comparatione per earumdum collationem. Comparationi simili modo nonnumquam inservit Latinorum Præpositio *ad*, veluti in hoc CORN. NEPOTIS (Epam. Cap. 2) : *hæc ad nostram consuetudinem sunt levia*. Participium μελλούσαν pertinet ad αποκαλυφθῆναι, ut Gal. III. 28. Pro eo scribi poterat, aut προς την μελλούσαν αποκαλυφθῆναι εἰς ἡμᾶς δοξαν (Cf. 1 Petr. V. 1), aut προς την δοξαν την μελλούσαν αποκαλυφθῆναι εἰς ἡμᾶς. De Infinitivo Aoristi juncto verbo μελλειν videsis WILNERUM §. 45. 8. pag. 388. Αποκαλυπτεσθαι hic dicitur de ea manifestatione, qua id ipsum, quod adhuc absconditum erat, jam reapse fit aut confertur. Legantur quæ notavimus suprâ ad Cap. I. γ. 17. pag. 24. Quia Verbo αποκαλυπτεσθαι tribuerat notionem *conferendi*, ideo adjecit non ἡμῖν sed εἰς ἡμᾶς.

γ. 19. *Nam expectatio creaturæ revelationem filiorum Dei expectat*). Obiter hic probat (γὰρ) Apostolus quam certò futurum sit ¹⁾, ut incomparabilis illa gloria (γ. 18) in Dei filios conferatur. Argumentum autem ad probandum ex eo ducit quòd in confesso sit (Cf. γ. 22) futuram illam filiorum Dei glorificationem expectari a creatura universa (πᾶσα ἡ κτίσις), quippe quæ tunc unâ liberanda sit a servitute corruptionis. Πᾶσα ἡ κτίσις, *universa creatura*, de qua hic (γ. 19 et 22) sermo est, quum distinguatur (γ. 23) a creatura humana, nec intelligi possit Angelica, ut de

(1) S. CHRYS. Hom. XIV. in Ep. ad Rom. Οὐ παραμυθεται δε μονον, αλλα και αξιοπιστα δεικνυσι τα λεγομενα. Εἰ γὰρ ἡ κτίσις ἐλπίζει διὰ σε πάντα γενομένη, πολλῶι μᾶλλον συ, οἷον ἡ κτίσις ἀπολαυσει μελλει των αγαθων εκεινων. h. e. Nec te consolatur solum,

sed et dicta fide digna ostendit. Si enim creatura, propter te omnino facta, sperat, multo magis tu, propter quem creatura, bonis illis omnibus fruetur.

qua dici nequeat quod sit *subjecta vanitati* (ψ. 20) aut *liberanda a servitute corruptionis* (ψ. 21), relinquitur ut intelligatur *creatura rationis experts* ¹⁾. Atque ita sentiunt antiqui Scriptores non pauci ²⁾; quorum tamen nonnulli ita locuti sunt ut ambigas utrum heic intellexerint *universam* creaturam irrationalem, an vero orbes cœlestes et terrarum orbem tantum. Ex recentioribus autem interpretibus Card. TOLETUS vocem *κτίσις* refert ad *sola corpora elementaria et cœlestia*; JUSTINIANUS verò ad *res omnes corporeas*. Atque ita ESTIUS ³⁾ quoque, CORNELIUS A LAPIDE ⁴⁾, KLEE ⁵⁾, ADALB. MAIER ⁶⁾, alii, vocem *κτίσις* referunt ad creaturam rationis expertem universam. Recte, ut ego arbitror; nam quum PAULUS dicat (ψ. 22) *πᾶσα ἡ κτίσις*, *universa creatura*, nec in contexta oratione quidquam legatur quod præcipiat illius dictionis sensum aliter quam supra diximus coaretare, quid-ni Apostolicum effatum universaliter accipiamus?

(1) Hoc sensu vox *κτίσις* legitur Rom. I. 25. Sap. II. 6. V. 18. XVI. 24. Pro *κτίσις* est *κτίσμα* 1 Tim. IV. 4; quæ purioris Græcitatæ vox est.

(2) S. IRENÆUS (Lib. V contra Hær. Cap. XXX. 11): « Oportet ergo et ipsam conditionem reintegratam ad pristinum, sine prohibitione servire justis; et hoc Apostolus fecit manifestum in ea quæ est ad Romanos sic dicens: Nam expectatio creaturæ revelationem filiorum Dei expectat; vanitati enim creatura subjecta est non volens, sed propter eum qui subiecit eam in spe, quoniam et ipsa creatura liberabitur a servitute corruptionis in libertatem gloriæ filiorum Dei. » Græca quidem IRENÆI verba hoc loco non amplius supersunt; sed tamen dubitari nequit quin pro eo quod in Latina versione sonat oportet ergo et ipsam conditionem, Græce scriptum fuerit *δεῖ οὖν καὶ αὐτὴν τὴν κτίσιν*, ut conficitur ex argumento quod ad confirmationem suæ sententiæ ducit ex subjecto ibi loco Paulino. — S. CHRYS. (Hom. XIV in Ep. ad Rom.: Προσώποποιεῖ τὸν κόσμον ἅπαντα τοῦτον, h. e. *Universum hunc mundum ut personam inducit*, Cf. etiam THEODORETUM (ad h. l.). Hic tamen etiam *Angelos* nomine *κτίσεως* comprehendit. Sed, ut diximus, angelica creatura excludenda est ob contextam orationem ψ. 20. Addantur S. HILARIUS (de Trinitate Lib. XII. 5); S. AMBROSIIUS (Hexameron Lib. 1. Cap. VI); THEOPHYLACTUS (ad h. l.) et OECUMENIUS (ad h. l.). PETAVIUS (de opificio sex dierum Lib. I. Cap. XII. n° XI) recitatæ verbis Apostoli istis, nam expectatio creaturæ, cet., Ibi, inquit, creaturæ nomine totam hanc

rerum universitatem significari plerique Veterum existimant, ut ORIGENES, CHRYSOSTOMUS, THEODORETUS, THEOPHYLACTUS, OECUMENIUS, PROCOPIUS (in Genesim), GREGORIUS NAZIANZENUS (Lib. I. Contr. JUL.).

(3) Sensus, inquit, est: Tota hæc creatura quæ hominum usibus subservit, attentissime tempus illud expectat, quo gloria filiorum Dei manifestabitur, id est, quo filii Dei gloriosi apparebunt.

(4) « Omnes creaturæ, inquit, etiam insensibiles, avidissime expectant tempus, quo filii Dei gloriā donabuntur, ut cum eis, quibus servierunt quasi dominis, ipsæ quoque suam gloriā, renovationem ac perfectionem, tamquam famuli accipiant. Creatura hic sunt cæli, elementa, omniaque creata. »

(5) « Diese, den vorliegenden Vers von der nicht intelligenten Schöpfung verstehende Auslegung erscheint daraus als die richtige, dasz nach ihr die Deutung des Ganzen so schön und natürlich flieszt; weshalb sie auch von den Meisten als die richtige angenommen ist. » KLEE Commentar über des Apostel PAULUS Sendschreiben an die Römer (ad h. l.).

(6) « Unter *κτίσις* ist die Natur in Gegensatze gegen die Menschheit zu verstehen; der Begriff der Natur ist aber in der allgemeinsten Ausdehnung zu nehmen, und nicht auf die leblose Schöpfung zu beschränken. »

Vox αποκαρδοκία (ex απο et καρα — δοκειν ¹⁾) *expectationem* notat, et hoc certe loco non qualemcumque sed intensam atque constantem ²⁾; conficitur hoc ex eo quod de illa creaturæ *expectatione* statim (γ. 22.) dicitur.

Αποκαλυψις των υιών του Θεου, ut ex γ. 18 colligitur, concisè dictum est pro αποκαλυψις της δοξης των υιών του Θεου, hoc est, *fulura glorificatio filiorum Dei*, nam vox αποκαλυψις eodem sensu hic sumenda est, quo supra (γ. 18) vox αποκαλυφθηναι.

Ceterum, ΠΑΥΛΙ oratio heic (γ. 19—23) tota prosopopœica est ³⁾; et in præsentī quidem versiculo non tantum ἡ κτισις sed et ipsa quoque illa της κτισεως αποκαρδοκία tamquam persona sistitur.

γ. 20—21. Vanitati enim creatura subjecta est, cet.). Affert rationem (γαρ) Apostolus cur irrationalis creatura illam filiorum Dei αποκαλυψιν tantopere expectet. Et ratio est, quia *servituti corruptionis subjecta ad tempus*, ab hac servitute liberanda sit tum cum fiet illa filiorum Dei αποκαλυψις.

Ἡ ματαιιοτης (vanitas), quæ hic per Prosopopœiam tamquam Dominatrix quædam exhibetur, intelligitur ἡ φθορα corruptio (Cf. γ. 21) ⁴⁾, a cujus servitute ἡ κτισις aliquando liberanda sit. Igitur *vanitati sive corruptioni ἡ κτισις se subjecit* (ὑπεταγη); dico *se subjecit*, non dico *subjecta fuit*; nam Aoristo Pass. ὑπεταγη danda hic est notio reflexiva ⁵⁾ quum per illud ὑπεταγη actus aliquis tribuatur τη κτισει, ut patet ex eo quod dicitur ἡ κτισις id quod fecit fecisse ουχ ἐκουσα, non sua sponte, sed ut Dei obsequeretur voluntati (δια τον ὑποταξαντα). Corruptioni autem sub-

(1) Si vocis etymon attendas, αποκαρδοκειν τε est veluti *exporrecto capite spectare*; hinc notio sollicitè *expectandi*.

(2) S. CHRYS. Hom. XIV in Ep. ad Rom. Αποκαρδοκία ἡ σφοδρά προσδοκία ἐστι. « Vox αποκαρδοκία *vehementem expectationem significat*.

(3) S. CHRYS. (Hom. XIV. in Ep. ad Rom.) : Προσωποποιεῖ τον κοσμον ἅπαντα ἄπερ καὶ οἱ προφηται ποιουσιν, ποταμους κροτουντας χειρῶν εισαγοντες, καὶ βουνους ἄλλομενους, καὶ τα ορη σκιρτωντα. h. e. Totum hunc mundum personam esse fingit; quod et Prophetæ faciunt, dum fluvios manibus plaudentes inducunt, et colles salientes, et montes exsultantes. Et ibidem post pauca (ad γ. 22) Προσωποποιεῖ, inquit, την κτισιν ενταυθα, καὶ φησι στεναζειν αυτην καὶ ωδινειν· ουκ ἐπειδὴ στεναγμου τι-

νος ηκουσεν απο γης καὶ ουρανου φερομενου, κτλ. h. e. Creaturam ibi personam esse fingit, atque illam *ingemiscere et parturire*; non quod gemitum quempiam audierit a terra et caelo emissum, etc.

(4) S. CHRYS. Hom. XIV in ep. ad Rom. Τὴ ἐστι, Τὴ ματαιιοτητι ἡ κτισις ὑπεταγη; Φθαρτη γεγονη. Τινος ἐνεκεν;.... δια σε τον ανθρωπον. h. e. Quid est illud *vanitatis creatura subjecta est? Corruptioni subjecta est. Quare? Propter te hominem*. THEODORETUS (ad h. l.) : Ματαιιοτητα καλεῖ την φθοραν. h. e. Vanitatem appellat corruptionem.

(5) Sicut infra Cap. X. 3. Confer etiam Aoristos κολληθεντες Act. XVII. 34, χωρισθεις Ibid. XVIII. 1. ἀγνισθητε et ἀγνισθεις Act. XXI. 24. 26.

jecit se *οὐχ ἔχουσα invita*, non sua sponte; nam, ut notat S. THOMAS (ad h. l.), corruptio et senium et alii hujusmodi defectus qui consequuntur sensibilis creaturæ *vanitatem* sive mutabilitatem, sunt contra naturam particularem hujus vel illius rei, *cujus appetitus est ad conservationem*, licet sint secundum naturam universalem. Itaque non sponte sua ἡ *κτισις* se subiecit corruptioni, sed *δια τον ὑποταξαντα*, propter eum qui illam corruptioni subiecit, hoc est, propter voluntatem Dei, qui eam ob peccatum Proto-parentis et lapsam in illo humanam naturam corruptioni voluit esse subiectam, non in perpetuum tamen sed ad tempus, ut statim dicitur: *in spe* etc.

in spe). Græcè ἐπ' ἐλπίδι, quod valet Nostratium *by* vel rectius *or hoop*. Verba ista, ὅτι και αυτη κτλ., illius ἐλπιδος exprimunt *objectum*. Itaque Particula ὅτι ibi reddenda erat non *quia* sed *quod*, nec ulla interpunctio admittenda inter ἐλπίδι et ὅτι¹⁾. Ceterum, ἐπ' ἐλπίδι jungendum est non cum ὑποταξαντα, sed cum ὑπεταγη. Sensus ergo est: *Nam fragilitati (τῇ ματαιιοτητι) creatura irrationalis se subiecit (non sua sponte, sed ut obsequeretur subjicienti), eam divinitus spem habens, fore ut, etc.*

et ipsa creatura liberabitur a servitute corruptionis in libertatem gloriæ filiorum Dei). His verbis, ut diximus ad ψ. 20, exprimitur quænam sit illa spes facta creaturæ (ψ. 20). Est autem hæc, scilicet *fore ut ipsa quoque (και αυτη)*, liberetur a servitute Corruptionis ab eaque servitute transeat ad (εις) libertatem gloriosæ incorruptionis filiorum Dei. Quod dicit Apostolus και αυτη ἡ κτισις eam vim habet ac si dixisset: *non solum filii Dei, sed ipsa quoque creatura irrationalis. Ελευθερωθησεται απο...εις* prægnanter dictum est pro *ελευθερωθησεται απο...και κατασταθησεται εις*, cet. Opponuntur sibi *ελευθερια της δοξης*, et *δουλεια της φθορας*, adeoque *ελευθερια* ibi intelligitur *libertas* a corruptione, quæ *libertas* competat gloriosæ conditioni filiorum Dei; itaque της δοξης Genitivus *subjecti* est.

(1) Ita jam S. CHRYSOSTOMUS Particulam ἐτι hoc loco intellexerat (Hom. XIV in Ep. ad Rom.): Εἶπε δὴ, καὶ ποῖα ἐλπίδι; ὅτι καὶ αὐτὴ ἡ κτίσις ἐλευθερωθησεται. h. e. Dicito, *qua spe? fore ut ipsa quoque ἡ κτίσις liberetur.*

Nec aliter THEODORETUS (ad h. l.): Τοῦτου δὲ γε δια τῆς ἀναστασεως τὴν ἀθανασίαν λαμβάνοντος, κακείνα ὡσαυτως μεταλαγχάνει τῆς ἀφθαρσίας. Λέγει τοίνυν, ὅτι ταύτην ἀναμένει τῶν πραγμάτων τὴν μεταβολὴν ἢ ὁρώμενη κτίσις. Τρεπτή γὰρ ἐγενετο, οὐχ ἔχουσα μὲν, τὸν δὲ δημιουργήσαντος ἀσπασαμένη τὸν

ὄρον. Τὴν δὲ περὶ ἡμᾶς ὁρῶσα κηδεμονίαν, ἐχέει τῆς μεταβολῆς τὴν ἐλπίδα, ὅτι καὶ αὐτὴ ἡ κτίσις ἐλευθερωθησεται ἀπο τῆς δουλείας τῆς φθοράς. h. e. α Ipso autem (homine) per resurrectionem immortalitatem accipiente, illa quoque similiter incorruptionem participat. Dicit ergo quod eam rerum mutationem exspectat creatura visibilis. Mutabilis enim facta est non sua sponte, sed creatoris parens decreto. Videns autem eam nostri curam gerere, habet spem mutationis, fore ut ipsa quoque liberetur a servitute corruptionis.»

γ. 22. *Scimus enim quod omnis creatura ingemiscit et parturit usque adhuc*). Probat hic (γαρ) Apostolus id quod modo (γ. 21) dixerat de creatura a servitute corruptionis liberandā. Probat autem ex eo quod in confesso sit (οιδαμεν, ut Cap. VII. 14), creaturam universam (πασα ἡ κτίσις) inde a lapsu proto-parentis ad præsens usque tempus (αχρὶ τοῦ νῦν) ingemiscere et parturire, puta, ut liberetur ab onere istius servitutis¹⁾.

Præpositio *συν* in Compositis *συστενάζει* et *συνωδίνει* hoc loco non eam vim habet ut significetur, creaturam universam unā nobiscum, filiis Dei, gemere et parturire; huic enim interpretationi obstat insequens (γ. 3) Antithesis: *non solum autem illa, sed et nos ipsi*. Itaque *συν* hic refertur ad *creaturarum collectionem* quæ exprimitur per voces *πασα ἡ κτίσις*, ut sensus sit: *creaturæ unā inter se omnes ob communem dolorem ingemiscunt*, cet.

Sed ad distinctiorem intelligentiam eorum quæ hac parte Epistolæ (γ. 19—23) de creatura gemebunda ab Apostolo dicuntur, notandum hic est, sanctos Patres magno consensu docere, cum in ADAMO lapsa esset natura humana ideoque dejecta ab eo statu in quo fuerat constituta, tunc et reliquam aspectabilis hujus mundi creaturam in deteriorem statum fuisse conversam, ita tamen ut aliquando in pristinum statum esset restituenda, quod quidem futurum sit tum cum fiet illa filiorum Dei glorificatio²⁾.

(1) GROTIUS (ad h. l.): « Translatio, inquit, sumpta est a femina, quæ cum magno dolore ac gemitu parturit, expectans ut onere liberetur; στενάζειν (ingemiscere) est etiam parturientium. »

(2) S. AUGUSTINUS (De civitate Dei Lib. XX. Cap. XV): « Judicatis, inquit, his qui scripti non sunt in libro vitæ et in æternum ignem missis (qui ignis cujusmodi, et qua mundi vel rerum parte futurus sit, hominum scire arbitror neminem, nisi forte cui Spiritus divinus ostendit), tunc figura hujus mundi mundanorum ignium conflagratione præteribit, sicut factum est mundanarum aquarum inundatione diluvium. Illa itaque, ut dixi, conflagratione mundanā elementorum corruptibilium qualitates, quæ corporibus nostris corruptibilibus congruebant, ardendo penitus interibunt; atque ipsa substantia eas qualitates habebit, quæ corporibus immortalibus mirabili mutatione convenient; ut scilicet mundus in melius innovatus, apte accommodetur hominibus etiam carne in melius innovatis. »

XIV. ad ISAÏAM Cap. γ. 6), recitatis verbis Psalmi CI. istis, sicut pallium involves cælos et mutabuntur, sic dicere pergit: « Hinc, inquit, ostenditur, perditionem cælorum non interitum sonare sed mutationem in melius. De quibus dicitur (Apoc. XXI): Erit cælum novum et terra nova; quæ ego faciam permanere in conspectu meo... Unde et omnis creatura congemiscit et parturit (Rom. VIII), expectans revelationem filiorum Dei, ut mutetur in melius... Quum autem cælum veterascat et terra, consequenter et ea quæ cæli circulo continentur, et homines, qui sunt habitatores terræ, sicut hæc morientur; non in interitum sui, sed in absolutionem vilitatis antiquæ et innovationem futuræ gloriæ, quando fulgebunt justi sicut sol, et abeuntibus præteritis atque antiquis, facta fuerint omnia nova. »

S. CHRYS. (Hom. XIV in Ep. ad Rom.): φθαρτὴ γέγονε (scil. ἡ κτίσις). Τίνος ἐνεκεν καὶ διὰ τί; Διὰ σε τὸν ἀνθρώπον... Κακῶς ἐπάθε διὰ σε καὶ φθαρτὴ γέγονεν, ... καὶ ἀφθάρτος ἐστὶ διὰ σε πάλιν· τοῦτο γὰρ ἐστὶ τὸ 'Επ' ἐλπίδι... Εἶπε δὲ καὶ ποία ἐλπίδι; ὅτι καὶ αὕτη ἡ κτίσις ἐλευθερω-

S. HIERONYMUS (Commentar. in ISAÏAM Lib.

Sacrarum Scripturarum oracula quæ huc pertinent præcipua hæc sunt : α) Genes. III. 17 : *Maledicta terra in opere tuo*, ubi primigenius textus habet בְּכִבְרֶךָ, hoc est, *propter te*. β) Psalm. CI. 28 : *Sicut opertorium mutabis eos* (scil. cælos), *et mutabuntur*. Cf. S. Hieron. in Isaiam ad Cap. LXV. 17. S. Cyrillus. Hom. XIV in Ep. ad Rom. γ) 2 Petr. III. 13. *Novos cælos et novam terram secundum promissa ipsius exspectamus*. Cf. S. Hieron. in Isaiam ad Cap. LXX. 17. δ) Apoc. Cap. XXI. 1. *Et vidi cælum novum et terram novam*. Cf. S. Aug. De Civitate Dei Lib. XX. Cap. 14.

θησεται. Τι ἐστὶ καὶ αὕτη; Οὐχὶ σὺ μόνος ἀλλὰ καὶ ὁ σὺν ἐστὶ καταδεέστερον, καὶ ὁ σὺν μετεχέ λογισμῶν οὐδὲ αἰσθησεως, καὶ τοῦτο σοὶ κοινωνήσει τῶν ἀγαθῶν. Ἐλευθερωθήσεται γὰρ, φησὶν, ἀπο τῆς δουλείας τῆς φθοράς· τοῦτεστιν, οὐκετι ἐστὶ φθαρτὴ, ἀλλὰ ἀκολουθήσει τῇ τοῦ σώματος εὐμορφίᾳ τοῦ σὺν. Ὅπερ γὰρ σὺν γενομένου φθαρτοῦ, γεγόνε φθαρτὴ καὶ αὕτη· οὕτως ἀφθαρτοῦ κατασταντος, καὶ αὕτη ἀκολουθήσει καὶ ἐφέται παλιν· ὅπερ οὖν καὶ δεῖκνυς ἐπηγάγεν· εἰς τὴν ἐλευθερίαν τῆς δοξῆς τῶν τέκνων τοῦ Θεοῦ... Σὺ διασέαυτον πασχεις, ἡ κτίσις διασέ· h. e. «*Corruptioni subjecta est (creatura). Quare? Propter te hominem.... Male affecta est propter te et corruptibilis facta est, ... et propter te incorruptibilis rursus futura est; hoc enim sibi vult illud in spe (ψ. 20)...Dicito qua spe? fore ut et ipsa creatura liberetur. Quid est illud et ipsa? Non tu solum, sed et quod te inferius est, et quod nec cogitationem nec sensum habet, hoc etiam bonorum tecum consortium habebit. Liberabitur enim, inquit, a servitute corruptionis; id est, non ultra corruptibilis erit sed corporis tui pulchritudinem sequetur. Sicut enim te corruptibili effecto, ipsa quoque corruptibilis facta est; sic cum incorruptibilis factus es, ipsa quoque incorruptibilis fiet. Quod ut ostendet, subjungit: in libertatem gloriæ filiorum Dei.... Tu propter te ipsum pateris, creatura propter te.*»

EUSEBIUS CÆSARIENSIS (Commentar. in Psalmos) ad Psalmi CI verba ista : *velut amictum volves eos* (scil. cælos), hæc notat : Καὶ οἱ οὐρανοὶ δεῖ καὶ μέγα καὶ ἐξαιρετὸν τι τυγχάνουσι κτίσμα, ἀλλ' ὅμως καὶ αὐτοὶ ὑποβληθήσονται φθορᾷ· ἡ δὲ φθορὰ αὕτη γενήσεται αὐτοῖς εἰς ἀνακαινισμόν.... Ἀλλαγῶσονται καὶ τροπὴν ἀγαθὴν ὑπομενοῦσι, τὴν ἀπο τῆς παλαιότητος ἐπὶ τὴν ἀνακαινίσιν καὶ τὴν ἀφθαρσίαν. h. e. Cæli quoque etiamsi magnum præstantissimumque sint opificium, attamen ipsi quoque corrup-

tionem subicientur. Hæc autem corruptio ipsis in renovationem cessura est.... Mutabuntur atque conversionem optimam subibunt, a vetustate nempe ad renovationem et incorruptionem translati.

S. CYRILLUS HIEROSOLYMITANUS (Catech. XV. de secundo CHRISTI adventu). Ἐλλίσσει, inquit, τοὺς οὐρανοὺς ὁ Κύριος, οὐχ ἵνα ἀπολέσῃ τοὺς, ἀλλ' ἵνα αὐτοὺς καλλιονὰς ἐγειρῇ. h. e. Convulvet cælos Dominus, non ut iis inferat interitum sed ut rursus excitet pulchriores.

THEODORETUS (in Ep. ad Gal. ad Cap. VI. 15) «*Tote* (scil. post resurrectionem mortuorum) καὶ ἡ κτίσις τῆς ἐπικειμένης ἐλευθεροῦται φθοράς, καὶ τῶν ἀνθρώπων ἡ φύσις τὴν ἀθανάσιαν ἐνδύεται. h. e. Tunc et creatura (rationis expers) liberatur ab imminente corruptione, et humana natura immortalitatem induit.

GENNADIUS (De dogmatibus ecclesiasticis Cap. LXX) : *Elementa*, inquit, *id est, cælum et terram non credamus abolenda per ignem, sed in melius commutanda; figuram quoque mundi, id est, imaginem, non substantiam transiturem.*

OECUMENIUS (Commentar. in Ep. ad Rom.) ad verba ψ. 19 hæc notat : Ὁ δὲ λέγει τοιοῦτον ἐστὶ· Καὶ αὕτη, φησὶν, ἡ κτίσις σφοδρὰ προσδοκᾷ τὴν μελλούσαν ἡμῶν δοξάν. Διὰ τί; ἀφθαρτός, φησὶ, πλασθεῖσα, διὰ τὰς τῶν ἀνθρώπων ἁμαρτίας φθαρτὴ γεγόνεν, ἐπεὶ καὶ ἡμεῖς ἐξ ἀφθαρτῶν φθαρτοὶ γεγόναμεν. Βούλεται οὖν ἡ κτίσις, φησὶ, τοὺς ἀνθρώπους τὴν ἀφθαρσίαν ἀπολαβεῖν (ἐστὶ δὲ τοῦτο ἐν τῇ ἀναστάσει), ἵνα καὶ αὕτη τὴν οἰκίαν ἀφθαρσίαν ἀπολαβῇ. Τοῦ γὰρ ἀνθρώπου, δεῖ ὅν γεγόνε φθαρτὴ, τὴν ἀφθαρσίαν ἀπολαμβανόντος, καὶ αὕτη τὴν οἰκίαν ἀφθαρσίαν συνἀποληφθείη. h. e. «*Est autem quod dicit huiusmodi : Ipsa quoque creatura futuram nostram gloriam vehementer exspectat. Quare? Incorruptibilis, inquit, formata, propter peccata hominum*

SS. Patrum et veterum scriptorum doctrinæ concinit antiquioris Synagogæ traditio. Audiatur Rabbi BERACHJAH, cujus verba recitavit RAYMUNDUS MARTINI (in Pugione fidei Part. 3. Dist. 2. Cap. VIII.) אַז פֿיר שװעראַן דערברעם ער מלואתן כיוון שחטת אדם הראשון נחלקלו ועוד h. e. *Quamquam res creatæ fuerint perfectæ, fuerunt: אינם חוזרים לחיקונן עד שיבוא פרץ tamen corruptæ postquam primus homo peccasset, nec redibunt ad rectum statum suum donec veniat filius PHARETZ, hoc est, MESSIAS.* » In eandem sententiam dixit RABBI BECHAI (apud BERTHOLDT in Christologia Judæorum §. 45) : בזמן ההוא ישתנה כל מעשה בראשית h. e. *Tempore illo: לשוב וישוב לשלמותו וזכותו כמו שהיה בזמנו של אדם הראשון קודם החטא mutabitur totum opus creationis in melius, et redibit in statum suum perfectum ac purum, ut erat tempore primi hominis, ante peccatum.*

§. 23—25. Non solum autem illa, sed et nos ipsi primitias Spiritûs habentes: et ipsi intra nos gemimus, adoptionem filiorum Dei expectantes, redemptionem corporis nostri. ²⁴ Spe enim salvi facti sumus. Spes autem, quæ videtur, non est spes: nam quod videt quis, quid spe-

§. 23—24. Οὐ μόνον δὲ, ἀλλὰ καὶ αὐτοὶ ^{a)} τὴν ἀπαρχὴν τοῦ Πνεύματος ἔχοντες, καὶ ἡμεῖς ^{b)} αὐτοὶ ἐν ἑαυτοῖς στενάζομεν, νιόθεσίαν ^{c)} ἀπεκδεχόμενοι, τὴν ἀπολύτρωσιν τοῦ σώματος ἡμῶν. ²⁴ Τῇ γὰρ ἐλπίδι ἐσώθημεν. Ἐλπὶς δὲ βλεπομένη, οὐκ

Paraphrasis. Non solum autem universa irrationalis creatura gemebundè expectat, sed ipsi quoque nos regenerati, quamquam Spiritûs sancti prima dona jam habentes, ipsi quoque in cordis nostri penetralibus ingemiscimus, quippe qui ardentè expectamus adoptionem nostram perfectam, id est, liberationem corporis nostri a servitute corruptionis. Hanc, inquam; *expectamus.* Nam adhuc non jam ipsa *re* sed *spe* tantum perfectam illam salu-

facta est corruptibilis, postquam etiam nos ex incorruptilibus facti sumus corruptibiles. Cupit itaque creatura homines suscipere incorruptibilitatem (quod in resurrectione erit), ut et ipsa suam accipiat incorruptibilitatem. Nam homine, propter quem facta est corruptibilis, incorruptibilitatem suscipiente, ipsa quoque unâ suam accipiet incorruptibilitatem.»

S. THOMAS (ad h. l.) : « Sensibilis creatura dupliciter aliquid expectat. Nam expectatio creaturæ sensibilis, secundum quod est a Deo, ordinatur ad aliquem finem, quod quidem contingit dupliciter: uno modo secundum quod Deus

imprimit aliquam formam et virtutem naturalem hujusmodi creaturæ, ex qua inclinatur ad aliquem finem naturalem, puta si dicamus quod arbor expectat fructificationem, et ignis expectat locum sursùm; alio modo creatura sensibilis ordinatur a Deo ad aliquem finem qui superexcedit formam naturalem ipsius. Sicut enim humanum corpus induetur quadam forma gloriæ supernaturali, ita tota creatura sensibilis in gloria illa filiorum Dei quamdam novitatem gloriæ consequetur, secundum illud Apocalypseos (Cap. XXI) : Vidi cælum novum et terram novam. Et per hunc modum creatura sensibilis expectat revelationem gloriæ filiorum Dei. »

rat? 23 Si autem quod ἔστιν ἐλπίς· ὃ γὰρ βλέ-
non videmus, speramus : πει τις, τί καὶ ἐλπί-
per patientiam expecta- ζει ; 23 Εἰ δὲ ὁ οὐ
mus. βλέπομεν, ἐλπίζομεν,
δι' ὑπομονῆς ἀπεκδε-
χόμεθα.

tem obtinemus. Atqui spes non est rei præsentis. sed futuræ ; nam quod quis jam obtinet, cur illud porro speret? Si autem verum est, ut est verissimum, nos, quam nondum tenemus rem, sperare tamen, profectò consequitur nos patienter eam expectare.

VARIANS LECTIO.

a) Vocula ἡμεῖς a nonnullis Codicibus abest, in aliis alio atque alio ponitur loco ; unde magna heic est lectionis varietas, quæ tamen hujus versiculi sensum parum aut nihil afficit.

b) Post αὐτοὶ legitur αὶ sed solum in Codd. D et nonnullis Minusculis. Correctio Librarii sit.

c) Vox υἰοθεσίαν non legitur in Codd. DFG. Vocem Librarius omiserit ob ψ. 13.

ψ. 23. *Non solum autem illa, sed et nos ipsi, cet.).* Certitudinem futuræ glorificationis quam Apostolus modò (ψ. 18—23) probaverat ex gemebundo illo desiderio quo irrationalis creatura glorificationem filiorum Dei exspectat, nunc (ψ. 23) confirmat ex ipsorummet filiorum Dei sive regeneratorum desiderio, quo etiam ipsi cum gemitu exspectant corporis sui liberationem a servitute corruptionis (Cf. ψ. 21). Dicit ergo : *Non solum autem universa irrationalis creatura gemebundè exspectat, sed ipsi quoque nos (καὶ ἡμεῖς αὐτοὶ¹) regenerati, quamquam Spiritus Sancti primitias habentes, ipsi quoque (καὶ αὐτοὶ) in cordis nostri penitralibus (ἐν ἑαυτοῖς), ingemiscimus, quippe qui ardentè exspectamus (ἀπεκδεχόμενοι) adoptionem nostram perfectam, liberationem, inquam, corporis nostri a servitute Corruptionis.*

Quod hic dixit Apostolus, *sed et ipsi nos primitias (τὴν ἀπαρχὴν) Spiritus habentes*, utrum dictum ab eo sit in persona omnium regeneratorum, an vero Apostolorum tantum, inter veteres disputatur. Et Græci quidem interpretes, CHRYSOSTOMUS²), THEODORE-

(1) Sic legitur in Codd. DFG.

(2) Vide infra pag. 260 notam 2.

TUS¹⁾, CYRILLUS²⁾, OECUMENIUS³⁾, THEOPHYLACTUS⁴⁾, ita præsentem locum exponunt ut dubitare nequeas ipsos sensisse, Apostolum quæ hic dicit dixisse in persona omnium regeneratorum; nec aliter S. AUGUSTINUS⁵⁾ hoc loco PAULUM intellexit. Sanctus THOMAS⁶⁾ autem existimat verba ista, *ipsi nos primitias habentes*, per periphrasin indicare Apostolos, adeoque PAULUM locutum ibi fuisse in persona Apostolorum tantum. In qua sententia fuere etiam recentiores nonnulli interpretes, inter quos adnumerandi sunt SALMERON (ad h. l.) et BEN. JUSTINIANUS. Et hic quidem Apostoli verba hac interpretatione exponit: *Etiam nos Apostoli, quorum singularia munera divinitus accepta jure miramini, hujus tamen mortalitatis molestissima servitute pene oppressi, unà cum ceteris rebus creatis ex animo dolemus et ingemiscimus.* Sed huic interpretationi plura obstant. Et primò quidem, vocabulum *primitiæ* (απαρχη) JUSTINIANUS et qui cum eo faciunt, eo sensu accipiunt ut significet *id quod in genere suo præstantissimum est*. Atqui vox *απαρχη*, quamquam in Scripturis Novi Testamenti sæpe obvia est, nuspiam tamen ibi hac significatione occurrit⁷⁾. Ad hæc, quum et reliqui regenerati Spiritus sancti gratiam accepissent et eorum plures certe peculiaribus ejusdem charismatibus essent donati, non tantopere ceteris fidelibus præstabant Apostoli, ut credibile sit PAULUM ab hac qualicumque præstantia in præsentem re argumentari voluisse. Præterea, obstat huic interpretationi cum locus parallelus (2 Cor. IV. 17—V. 3) qui ad omnes regeneratos pertinet, tum etiam tota præsentis loci contexta oratio; nam et in antegressis et in iis quæ insequuntur ubique Apostolus loquitur in persona omnium regeneratorum. Itaque Græcorum interpretatio sequenda est, et verba ista, *sed et ipsi nos primitias Spiritus habentes*, accipienda sunt tamquam dicta a PAULO in persona omnium regeneratorum.

Per formulam istam, *ου μονον δε, αλλα και*, oratio crescit; at hæc elliptica est; nam plena sit ita: *ου μονον δε πασα η κτισις συστεναζει, αλλα και*,

(1) Ad h. l. Ἡμεῖς γὰρ αὐτοὶ, πολλὰ τῶν μελλόντων εἰληροῦτες ἐνεχυρὰ, καὶ πρὸ τῶν ἄλλων τῆν τοῦ Πνεύματος χάριν, στενομένης τῆς ἀπαλλαγῆς ἐπιμενοί. h. e. Nos ipsi quoque qui futurorum multa pignora accepimus, et ante omnia gratiam sancti Spiritus, gemimus liberationem desiderantes.

inquit, et Spiritus primitias habemus, quia jam spiritu adhæremus Deo per fidem... tamen *et ipsi in nobismetipsis ingemiscimus; adoptionem expectantes, redemptionem corporis nostri.* »

(6) In Commentario ad h. l.

(2) Apud JUSTINIANUM (ad h. l.).

(3) In Commentario ad h. l.

(4) In Commentario ad h. l.

(5) In opere quod inscribitur, *Expositio quarundam Propositionum ex Ep. S. PAULI ad Romanos*. 53. « Etiam nosmetipsi qui credimus,

(7) Attamen non negaverim vocabulum *απαρχη* posse ex adjuncto etiam significare *id quod in suo genere eximium est*. Nam et in septuaginta-virali versione vox *απαρχη* legitur hoc sensu adhibita, et Scholiastes ad EURIPIDIS *Orest.* γ, 96. dixit: *Απαρχη ελεγετο ου μονον το πρωτον τη ταξει, αλλα και το πρωτον τη τιμη.* h. e. *Απαρχη dicitur non solum illud quod ordine primum est, verum etiam illud quod pretio primum est.*

cet. Confer quæ notavimus supra ad Cap. V. §. 3.—Quum scriptum non sit eum Articulo, οἱ τὴν ἀπαρχὴν τοῦ Πνεύματος ἔχοντες, sed, absque Articulo, τὴν ἀπαρχὴν τ. II. ἔχοντες, ideò nec erat vertendum, ut quidam fecerunt, qui *primitias Spiritus habemus*. Resolvendum autem Participium *ἔχοντες* est in verbum Finitum per Conjunctionem *etsi*, quam contexta oratio hic postulat, ut et supra Cap. I. 32. Scilicet mens Apostoli est dicere: regeneratos etsi primordia donorum Spiritus sancti (τὴν ἀπαρχὴν τοῦ Πνεύματος) jam possident ideòque in læto præclaroque versantur statu atque ut tales videantur non habere, sicut creaturæ irrationales, cur ingemiscant, nihilominus tamen ingemiscere propterea quod secundum corpus adhuc subiaccent mutabilitati et corruptioni.—Vox ἀπαρχὴ per Metaphoram ductam a primitiis frugum Deo sub vetere Testamento offerendis, hic dicitur de eo quod ordine primum est; quo sensu ἀπαρχὴ quoque legitur infra Cap. XVI. 5 et 1 Cor. XV. 20 (coll. Coloss. I. 18). Genitivus τοῦ Πνεύματος est Genitivus *partitivus*. Itaque ἡ ἀπαρχὴ τοῦ Πνεύματος est veluti prælibatio ac pars quædam Spiritus sancti gratiæ¹⁾, sive prior pars redemptionis, uno verbo, *justificationis gratia*²⁾. «Comparantur, inquit ESTIUS (ad h. l.), primitiæ seu primordia Spiritus hoc loco ad integrum plenumque proventum, id est, ad eam Spiritus abundantiam, quam accepturi sumus in futuro sæculo.» Si rem spectes, non vocem, ἡ ἀπαρχὴ τοῦ Πνεύματος idem est quod (2 Cor. I. 22) ὁ ἀρράβων τοῦ Πνεύματος, *pignus Spiritus*.

Ἀπεκδεχόμενοι υἱοθεσίαν quippe qui *expectamus adoptionem*; sic enim Participium hoc resolvendum est in verbum *finitum*, quum ratio detur *cur* ingemiscamus. At

(1) S. IRENÆUS (contra Hær. Lib. V. Cap. VIII): Nunc autem partem aliquam a Spiritu ejus sumimus, ad perfectionem et præparationem incorruptelæ paulatim assuescentes capere et portare Deum; quod et pignus dixit Apostolus in epistola quæ ad Ephesios est, dicens: In quo et vos, audito verbo veritatis, Evangelio salutis vestræ, in quo credentes signati estis Spiritu promissionis sancto, qui est pignus hæreditatis nostræ... Si nunc pignus habentes clamamus Abba, Pater, quid fiet, quando resurgentes, facie ad faciem videbimus eum; quando omnia membra affluenter exsultationis hymnum protulerint, glorificantia eum qui suscitaverit ea ex mortuis, et æterna vita donaverit? Si enim pignus complectens hominem in semetipsum jam facit dicere Abba, Pater, quid faciet universa Spiritus gratia, quæ hominibus dabitur a Deo. » THEODORETUS (ad h. l.): Διὰ τῆς ἀπαρχῆς ἐσημειώσεν ὡς ἐν τῷ μέλλοντι αἰῶνι πολλαπλασίαν τὴν τοῦ Πνεύματος δεξιόμεθα

χαρὲν. h. e. «Per primitias significavit quod in futuro sæculo multiplicatam Spiritus gratiam recipiemus. » Atque ita quoque OECUMENIUS τὴν ἀπαρχὴν interpretatur ἀρχὴν τινὰ μικρὰν καὶ γευσὶν Πνεύματος; parvum aliquod principium gustumque Spiritus.

(2) In hanc sententiam jam CHRYSOSTOMUS (Hom. XIV. in Ep. ad Rom.) τὴν ἀπαρχὴν τοῦ Πνεύματος interpretatus est: Εἰ γὰρ ἡ ἀπαρχὴ τοσούτη, inquit, ὡς δι' αὐτῆς καὶ ἁμαρτημάτων ἀπαλλαγῆναι, καὶ δικαιοσύνης ἐπιτελεῖν καὶ ἁγιάσμου, τοὺς δὲ τότε καὶ δαίμονας ἐλαυνεῖν καὶ νεκροὺς ἐγείρειν διὰ σκίας καὶ ἱματίων ἐννοήσων τοῦ ὅλου ἡλικίου. h. e. » Nam si primitiæ tantæ sunt, ut per illas a peccatis liberemur atque justitiam et sanctificationem consequamur, illi verò, qui tunc vivebant, etiam demones pellerent et mortuos suscitarent per umbram ac vestimenta, totum illud cogita quantum sit.

supra (γ. 15—16) Apostolus dixerat regeneratos *jam accepisse Spiritum adoptionis* (*ελαβετε Πνευμα υιοθεσιας*), qui igitur nunc dicat eos *expectare adoptionem* ? Solvendæ huic difficultati suffecerit S. THOMÆ ad hunc locum adnotatio : « *Adoptionem*, inquit, *filiorum Dei expectantes*, id est, completionem hujus adoptionis. Inchoata enim est hujusmodi adoptio per Spiritum sanctum justificantem animam ; *accepistis Spiritum adoptionis filiorum* ; supra γ. 15 ; consummabitur autem per ipsius corporis glorificationem , unde supra Cap. V. *gloriamur in spe gloriæ filiorum Dei* ; et hoc est quod subdit : *redemptionem corporis nostri* ; ut scilicet , sicut spiritus noster redemptus est a peccato , ita corpus nostrum redimatur a corruptione et morte. » Præiverat S. AUGUSTINUS (in *Expositione quarumdam Propositionum ex Ep. ad Rom.* 53.) « *Adoptio*, inquit, quæ jam facta est in iis qui crediderunt , spiritu non corpore facta est. Nondum enim etiam corpus reformatum est in cœlestem illam immutationem , sicut spiritus jam mutatus est reconciliatione fidei , ab erroribus conversus ad Deum. Ergo etiam in iis qui crediderunt , expectatur adhuc illa manifestatio , quæ in corporis resurrectione proveniet. » Igitur *adoptionem* hoc loco Apostolus intelligit *corporis liberationem a servitute corruptionis* (γ. 21), cui adhuc subjacet. — *Την απολυτρωσιν* (in *Accusativo* epexegetico) *του σωματος ημων*. Liberationem hanc *απολυτρωσιν*, *redemptionem*, vocat , quia *pretio* sanguinis CHRISTI comparata est.

γ. 24. *Spe enim salvi facti sumus. Spes autem , cet.)*. Declarat (*γαρ*) Apostolus id quod modò (γ. 23) dixerat : *adoptionem expectamus*. *Τη ελπιδι* *secundum spem*, in *Dativo relationis*, ut suprâ Cap. VI. 20. Emphasis est in dictione *τη ελπιδι* : Nam , inquit , adhuc non jam ipsa re sed spe tantum (*τη ελπιδι*) *salvati sumus* (*εσωθημεν*). Atqui (*δε*) *spes quæ jam videtur* (i. e. jam obtinetur) *spes non est* ; nam quod quis jam videt (i. e. obtinet), cur illud porrò (*και*) *speret* ?

Quod dicit Apostolus *εσωθημεν*, *salvati sumus*, salutem intelligit consummatam atque perfectam , quæ includit corporum nostrorum glorificationem. Inchoatam salutem , quæ præsentis sæculi est , intelligit cum scribit ad Ephesios Cap. II. 8 : *Gratia estis salvati per fidem*.—Aoristus *εσωθημεν* refertur ad tempus quo per Sacramentum Regenerationis consummatæ illius salutis spes facta ipsis fuerat. Pro *τη ελπιδι* Apostolus ex æquo scribere hic potuisset *κατ' ελπιδα*, ut in hoc epistolæ ad Titum (Cap. III. 7) : *ινα δικαιωθεντες τη εκεινου χαριτι , κληρονομοι γενωμεθα κατ' ελπιδα ζωης αιωνιου*. Quod autem dicit Apostolus *spes quæ videtur non est spes*, vocabulum *spes*, priore loco positum dicitur per Metonymiam de *re sperata*. Quare acutè dictum est : *Spes quæ videtur , non est spes*. Eodem tropo usus Apostolus scripsit ad Colossenses (Cap. I. 5) : *Propter spem quæ reposita est vobis in cælis , quam audistis in verbo veritatis Evangelii*.

ψ. 25. *Si autem quod non videmus, speramus, per patientiam exspectamus*). Concludit superiorem (ψ. 24) argumentationem. *Si autem verum est*, inquit, *ut est verissimum*, nos, quam nondum tenemus rem (scil. *ὁδοθεσίαν* perfectam), sperare tamen, profectò consequitur nos patienter (*δι' ὑπομονῆς*) eam exspectare; id quod erat probandum. Ad recte concludendum ex præmissis suffecisset dicere, *consequitur nos eam exspectare*, nec opus erat addere *δι' ὑπομονῆς*, patienter. Hoc tamen conclusioni suæ inserere voluit Apostolus, ut sic unà Romanos suos adhortaretur ad faciendum id quod supra (ψ. 17) dixerat conditionem esse, sub qua liceret speratâ illâ felicitate potiri; ibi autem dixerat: *Si tamen compatimur*.

ψ. 26 — 27. Similiter autem et Spiritus adjuvat infirmitatem nostram: nam quid oremus, sicut oportet nescimus: sed ipse Spiritus postulat pro nobis gemitibus inenarrabilibus. 27 Qui autem scrutatur corda, scit quid desideret Spiritus: quia secundum Deum postulat pro sanctis.

ψ. 26 — 27. Ὁσαύτως δὲ καὶ τὸ Πνεῦμα συναντιλαμβάνεται ταῖς ἀσθενείαις ^{a)} ἡμῶν· τὸ γὰρ τί προσευξώμεθα καθὸ δεῖ, οὐκ οἶδαμεν· ἀλλ' αὐτὸ τὸ Πνεῦμα ὑπερεντυγχάνει ὑπὲρ ἡμῶν ^{b)} στεναγμοῖς ἀλαλήτοις. 27 Ὁ δὲ ἐρευνῶν τὰς καρδίας, οἶδε τί τὸ φρόνημα τοῦ Πνεύματος, ὅτι κατὰ Θεὸν ἐντυγχάνει ὑπὲρ ἁγίων.

Paraphrasis. Sicut autem nostrum est patientiâ uti, ita vicissim Spiritus sanctus infirmitatem nostram adjuvat. Nam in ærumnis positi quid divinæ voluntati convenienter petere debeamus, nos nescimus; sed ipse Spiritus sanctus nostri vice Deum orat per tacita suspiria quibus ingemiscere nos facit. Scrutator autem cordium Deus desiderium illud, quo Spiritus sanctus gemere facit gementem, novit atque probat, quia nempe id quod Spiritus sanctus pro regeneratis a Deo petit tale est, ut conveniat divino beneplacito.

VARIANS LECTIO.

a) Pro *ταῖς ἀσθενείαις* legitur *τῇ ἀσθενείᾳ* in Codd. ABCD, ut et in plurimis Minusculis. In Codd. FG est hic *τῆς δεινείας*, et in Codd. JK *ταῖς ἀσθενείαις*. Lectio *τῇ ἀσθενείᾳ*, quam Vulgata quoque exhibet, reliquis duabus auctoritate et multitudine testium multum præstat.

b) Voces *ὑπὲρ ἡμῶν* non leguntur in Codd. ABDFG. Forsitan glossema sunt ex ψ. 27.

ψ. 26. *Similiter autem et Spiritus adjuvat infirmitatem nostram*). Dicendo *δι' ὑπομονης απεκδεχομεθα*, *patienter exspectamus*, Apostolus insinuaverat interea dum sperata salus exspectatur opus esse patientiâ, quâ comprehendebat malorum illam et tribulationum tolerantiam, quam supra (ψ. 17) suaserat dicendo : *ειπερ συμπασχομεν*, *si tamen compatimur*. Hinc verò petendus est præsentis orationis *nexus*, quem hunc esse putem ut mens Apostoli sit dicere : *Sicut nostrum est patientiâ uti, ita (ὡσαντως) vicissim (και) Spiritus sanctus infirmitatem nostram adjuvat*. Hic autem, ut patet ex insequentibus, eam potissimum cogitat *infirmitatem*, quæ sita sit in eo quod a nobis nesciatur quid in tribulatione positi petere secundum Dei voluntatem debeamus. — *Συναντιλαμβανεσθαι* ut Luc. X. 40.

nam quid oremus sicut oportet, nescimus, sed ipse Spiritus, cetera). Explicat (γαρ) Apostolus quam ratione Spiritus sanctus infirmitatem nostram adjuvet: Nam, inquit, in tribulatione positi quid divinæ voluntati convenienter (καθὸ δει=κατὰ Θεον ψ. 27) petere debeamus, nos nescimus; sed ipse Spiritus sanctus Deum nostri vice orat (ὑπερεντυγχάνει) per tacita suspiria (στεναγμοῖς ἀλάλητοις), quibus ingemiscere nos facit; Scrutator autem cordium Deus desiderium illud quo Spiritus sanctus gemere facit gementem (το φρονημα του Πνευματος) novit atque probat (οἶδε), quia nempe (ὅτι) id quod Spiritus sanctus pro regeneratis a Deo petit tale est, ut conveniat divino beneplacito.

Per Articulum το ponuntur verba ista, τι προσευξομεθα καθο δει, veluti in Accusativo, qui regitur ab ουκ οιδαμεν. Articulus non rarò in scriptis Lucæ et Pauli hoc modo integræ cuiuspiam sententiæ præpositus occurrit, veluti in hoc Lucæ (Cap. IX. 46): εισηλθε διαλογισμος εν αυτοις, το τις αν ειη μειζων αυτων. — Quum Apostolus ibi non scripserit τι και καθο δει, sed, absque illa copula, τι καθο δει, hæc verba non significant quid et quomodo, ut multi interpretantur. Καθο δει notione non differt a κατα Θεον, ut patet ex oratione contexta (ψ. 27); κατα Θεον autem illud esse intelligitur quod sit secundum sensum sive beneplacitum Dei²⁾,

(1) Exemplo sit PAULUS ipse. S. CHRYSOSTOMUS (Hom. XIV in Ep. ad Rom.) : Ἀδιαλείπτως ἐπὶ τῶν προσευχῶν αὐτοῦ τὴν Ῥωμὴν ἰδεῖν ἐδεῖτο, καὶ οὐχ ὅτε ἐδεῖτο, τότε ἐπετύχε· καὶ ὑπὲρ τοῦ σχολοῦτος τοῦ δεδομένου αὐτῷ ἐν τῇ σαρκί, τούτεστι, ὑπὲρ τῶν κινδύνων παρεκάλετο, καὶ ὁλοσχερῶς ἀπέτυχε. h. e. *Indesinenter (PAULUS) in precibus suis Romam videre orabat, nec tum tamen cum hoc precaretur, illud impetravit; et pro stimulo sibi in carne dato sæpe rogavit, nec impetravit.*

(2) Jam Syrus interpres κατὰ Θεον sic interpre-
pretatus est; nam verba ista (ψ. 27), ἐπεὶ κατὰ
Θεοῦ εὐτυχᾷ ὑπὲρ ἀγγέλων reddidit: اَمْرٌ صَدَقَ
وَصَلَّى لَكَ سُبْحَانَكَ وَبِحَمْدِكَ
h. e. Quia sicut voluntas Dei est precatur pro
sanctis.

ut 2 Cor. VII. 9 — 11. Itaque a Deo postulare *τι καθο δει*, quid aliud sit quam hoc petere a Deo quod conveniat divino ejus beneplacito? *Εντυγχανειν τινι* incidere in aliquem, adire aliquem, in usu loquendi etiam valebat supplicandi causam quempiam adire; hinc et *εντευξεις* supplicationes sunt 1 Tim. II. 1. Est autem *υπερεντυγχανειν τινι υπερ τινος*, vel, quod purioris Græcitatatis sit, *υπερεντυγχανειν τινι τινος*, alterius vice aliquem supplicare, quemadmodum *υπεραποθανειν τινος* est alterius vice mori. Sed PAULUS neque *ημων* neque *υπερ ημων* scripsisse videtur; et certè post *υπερεντυγχανει* non scripsit *τω Θεω*, sed hoc ob contextam orationem abesse poterat. Itaque Spiritus sanctus vice nostri Deum supplicat *sicut oportet*, h. e. ea petendo quæ secundum divinam voluntatem a nobis petenda sunt. Hæc autem Spiritus sancti supplicatio non fit verbis precanti homini suggestis aut cogitationibus menti illius injectis, sed fit *στεναγμοις αλαλητοις* (Dativ. instrumenti) per tacita suspiria a Spiritu sancto precanti mota. Tacita (*αλαλητοι*¹⁾) sunt illa suspiria, quippe quæ nec ore verbis externis, nec mente verbis internis efferruntur, adeoque talia sunt ut gemens ipse nesciat quid per suos gemitus a Deo postulet²⁾. Atque hoc sensu vocem *αλάλητος* hic accipiendam esse, id quidem patet ex ea quæ statim insequitur antitheticâ sententiâ istâ: *ο δε ερευνων τας καρδιας οιδε τι το φρονημα του Πνευματος*. Is ergo qui hosce gemitus edit nescit, quidnam sit id quod Spiritus sanctus per hos gemitus ipsi a Deo petit; at *Scrutator cordium* (*ο δε ερευνων τας καρδιας*, Periphrasis Dei argumentosa) quid sit id quod Spiritus sanctus per hos gemitus desideret (*τι το φρονημα του Πνευματος*) novit illudque approbat (*οιδε*), quia postulat (*εντυγχανει* scil. *τω Θεω*) pro regeneratis (*υπερ αγίων*) talia quæ sunt secundum divinum beneplacitum (*κατα Θεον*). Quod divinum beneplacitum latere non potest Spiritum sanctum, quum scrutetur profunda Dei, ut ait Apostolus 1 Cor. II. 10. — Vocabulum *οιδε* hoc loco, (ut et 1 Thess. V. 12. 2 Tim. II. 19) præganter dictum est ita, ut notet scit atque probat.

(1) Verbalia in *τος* significatione conveniunt partim cum Participiis et Adjectivis latinis in *tus*, ut *απαίδευτος* ineptus, partim cum Adjectivis in *bilis*, ut *δρατος* visibilis.

(2) Card. TOLETUS (ad h. l.) : « Explicat nunc Apostolus, inquit, quodnam sit illud Spiritus sancti adjutorium; et est sensus: Cum nos nesciamus gemere nec petere sicut oportet, ipse Spiritus sanctus postulat pro nobis ut oportet et ea quæ

conveniunt et utilia sunt, et sic fiunt petitiones nostræ impetratoriæ; quod sic fit: ipse Spiritus sanctus facit se auctorem nostrorum gemituum et petitionum et in nobis pro nobis ipsis petit; et gemitus isti ac petitiones nostræ, quæ non sunt ut oportet, si considerentur ut a nobis et quæ nobis videntur, accipiunt et induunt quamdam rationem petitionis, quæ nobis non apparet ut petentes sæpe quæ nobis non conveniunt, per easdem petitiones obtineamus quæ conveniunt,

γ. 28—31. Scimus autem quoniam diligentibus Deum omnia cooperantur in bonum, iis, qui secundum propositum vocati sunt sancti. ²⁹ Nam quos præsclivit, et prædestinavit conformes fieri imaginis Filii sui, ut sit ipse primogenitus in multis fratribus. ³⁰ Quos autem prædestinavit, hos et vocavit: et quos vocavit, hos et justificavit: quos autem justificavit, illos et glorificavit. ³¹ Quid ergo dicemus ad hæc? si Deus pro nobis, quis contra nos?

γ. 28—31. Οἶδαμεν δὲ ὅτι τοῖς ἀγαπῶσι τὸν Θεὸν πάντα ^{a)} συνεργεῖ εἰς τὸ ^{b)} ἀγαθόν, τοῖς κατὰ πρόθεσιν κλητοῖς οὖσιν. ^{c)} ²⁹ ὅτι οὗς προέγνω, καὶ προώρισε συμμόρφους τῆς εἰκόνος τοῦ υἱοῦ αὐτοῦ, εἰς τὸ εἶναι αὐτὸν πρωτότοκον ἐν πολλοῖς ἀδελφοῖς. ³⁰ οὗς δὲ προώρισε, τούτους καὶ ἐδικαίωσεν. οὗς δὲ ἐδικαίωσεν, τούτους καὶ ἐκάλεσε. καὶ οὗς ἐκάλεσε, τούτους καὶ ἐδόξασεν. ³¹ Τί οὖν ἐροῦμεν πρὸς ταῦτα; εἰ ὁ Θεὸς ὑπὲρ ἡμῶν, τίς κατ' ἡμῶν;

Paraphrasis. Ad hæc, notum nobis est, omnia ad salutem prodesse veris Christianis, utpote talibus quos Deus non ob eorum merita verum ex æterno misericordiæ et amoris sui decreto ad hanc gratiam elegit; quos ergo non est deserturus, ut deinceps salutem eorum non procuret; proinde quæ illis inferuntur mala, quum hoc sine ejus permissu fieri nequeat, eisdem non nisi adminicula salutis esse poterunt; et quam incepit in illis salutem, illam et perficiet. Nam quos ab æterno præsclivit futuros esse tales qui gratuito vocati deinceps sui forent eumque diligere, illos quoque ab æterno prædestinavit ad consortium gloriæ Filii sui, eo fine ut is haberet multos fra-

tres gloriæ suæ cohæredes, inter quos ipse primatum teneret. Quos autem Deus ad illud gloriæ consortium ab æterno prædestinavit, illos quoque in tempore vocavit, et quos vocavit, illos quoque justificavit; quos autem justificavit illos quoque glorificavit. Hanc ergo Dei curam de nobis considerantes nonne profiteri debemus Deum nos tueri? Quod si hoc, quid-ni saluti nostræ prosint afflictiones, persecutiones, quæcumque denique mala? nam quis aut quid tandem nocere nobis poterit, si Deus est pro nobis?

VARIANS LECTIO.

a) Post πάντα legitur ὁ Θεός in Codd. AB. Glossema est.

b) Articulus το heic non nisi paucissimos habet testes; expungendus est.

c) Post οὖσιν legitur ἀγίοις in Velesiano aliquo Codice; sed Velesianus ille Codex ad versionem Vulgatam interpolatus fuerit. Nam ex tot Codicibus qui adhuc collati fuerunt, ne unus quidem est qui hanc lectionem exhibeat; nulla pariter, præter Vulgatam, antiqua versio est quæ lectioni ἀγίοις suffragetur; frustra quoque hanc lectionem apud Græcos Patres quæsieris.

etiam contraria iis quæ petebamus. Nisi enim Spiritus sanctus nos adjuvaret et per nos postulare,

orationes et gemitus sæpe inutiles fierent, quia petimus quæ non conveniunt et sic non impetra-

ψ. 28. Scimus autem quoniam diligentibus Deum omnia cooperantur in bonum, cet.) In antegressis Apostolus dixerat (ψ. 17) si tamen compatimur, atque ad compatiendum Romanos suos adhortatus fuerat argumentando primùm quidem a magnitudine futuri præmii (ψ. 18), deinde verò a Spiritus sancti auxilio (ψ. 26); quibus duobus argumentis heic (ψ. 28) nunc adjungit tertium¹⁾, quod ducit ab eo quod ipsæ quoque afflictiones ad salutem prosint diligentibus Deum, utpote talibus qui ex gratuita misericordiæ divinæ decreto ad fidem et gratiam vocati, vocanti obediverunt atque ita ingressi sunt viam salutis factique sunt εκλεκτοι (ψ. 33).

Nota Apostolum quod hic dicit non de omnibus dicere sed de iis qui diligunt Deum, hoc est, de iis qui Dei mandata observant, adeoque piè, justè, ac sobriè vitam suam instituunt; uno verbo, loquitur PAULUS de veris Christianis. His, inquit, omnia coöperantur in bonum (παντα συνεργει εις αγαθον). Afflictiones, quibus istiusmodi Christiani premantur, Apostolus habet pro adminiculis salutis²⁾, eaque adminicula cogitatione jungens cum ceteris, quæ habeant, salutis subsidiis, omnia (παντα) illis in bonum coöperari dicit. Hæc parandæ salutis subsidia unâ cum (συν) afflictionibus illis, adeoque omnia (παντα) coöperantur (συνεργει) in bonum diligentibus Deum. Dixit quidem infinitè εις αγαθον, in bonum, absque Articulo, sed tamen definitè cogitavit supremum bonum, æternam, inquam, salutem.

iis, qui secundum propositum vocati sunt). Sunt hæc verba ad antegressa diligentibus Deum Appositio, qua ratio exponitur cur diligentibus Deum omnia coöperantur in bonum. Et ratio est, quia οἱ αγαπῶντες Θεον homines sunt ejusmodi qui ex gratuita misericordiæ divinæ decreto (κατα προθεσιν) ad fidem et gratiam vocati vocanti obtemperarunt atque ita ingressi sunt viam salutis (κλητοις ουσιν), quique adeò sunt electi (εκλεκτοι). Nam κλητοι (non dixit κεκλημενοι), geroepen, des appelés, qui hic dicuntur, tales intelliguntur qui divinæ vocationi paruerunt, uti patet ex contexta oratione; nam κλητοι illi modò dicti sunt οἱ αγαπῶντες τον Θεον, diligentes Deum, et mox (ψ. 33) iidem vocantur εκλεκτοι, electi, quo nomine

remus; at dum a Spiritu sancto sunt et ipse est qui per nos petit et gemit, non fiunt inutiles sed impetrant ea quæ conveniunt et nobis sunt utilia, quamvis nos ignorantes non ea petiverimus. Idèò dicitur Spiritus sanctus gemitibus inenarrabilibus petere; quia nobis occulta sunt ea, ad quæ Spiritus sanctus dirigit petitiones nostras. Mirabile est profectò hoc beneficium, ut eadem oratio petens sæpe quæ utilia non sunt, impetret ea quæ conveniunt, quia oratio hæc Spiritus sancti in nobis et per nos postulantis est.»

(1) Ad enunciandum tertium hoc argumentum

transit per voculam δε, quæ hic est Particula transeuntis.

(2) «Sicut sub uno igne aurum rutilat, palea fumat, et sub eadem tribula stipulæ comminuuntur; frumenta purgantur, nec ideo cum oleo amurea confunditur, quia eodem preli pondere exprimitur; ita una eademque vis irruens bonos probat, purificat, eliquat, malos damnat, vastat, exterminat. Unde in eadem afflictione mali Deum detestantur atque blasphemant, boni autem precantur et laudant; tantum interest, non qualia sed qualis quisque patiat. Aug. de Civit. Dei Lib. 1. Cap. VIII.

alibi quoque Apostolus (Coloss. III. 12; Tit. 1. 1.) *τους κλητους* designat; ut adeò hic pro *τοις κατα προθεσιν κλητοις ουσιν* scribere potuisset *τοις κατα προθεσιν εκλεκτοις ουσιν*.

Sed jam ulterius hic quæsieris, *quare* in hoc Dei proposito sita causa sit cur κλητοις sive εκλεκτοις omnia cooperentur in bonum. Responsum verò ad hoc quæsitum continent ea quæ statim ibi addit Apostolus (Ψ. 29) : *Nam quos præscivit, cet.*

Disputatur de notione quæ hoc loco subjicienda sit voci *προθεσις*, *propositum*. CYRILLUS HIEROSOLYMITANUS ¹⁾ *προθεσιν* hic intelligit *humanæ voluntatis bonum propositum*; in qua sententia pariter sunt THEODORETUS ²⁾, S. CHRYSOSTOMUS ³⁾, ORIGENES ⁴⁾, JO.

(1) In *Præfatione suarum Catecheseon*, statim a principio. Αψευδης, inquit, ὁ εἰπὼν ὅτι τοῖς ἀγαπῶσι τὸν Θεὸν πάντα συνεργεῖ εἰς τὸ ἀγαθόν. Ὁ μὲν γὰρ Θεὸς δαφίλης ἐστὶν εἰς εὐεργεσίαν· περιμένει δὲ ἑκάστου τὴν γῆσιαν προαίρεσιν· διὰ τοῦτο ἐπηγάγεν ὁ Ἀποστόλος, λέγων· τοῖς κατὰ προθεσιν κλητοῖς οὐσί· ἡ προθεσις γῆσια οὐσα κλητὸν σε ποιεῖ. h. e. *Neque enim mendax est qui dicit, quod diligentibus Deum omnia coöperentur in bonum. Nam liberalis quidem Deus est in benefaciendo, sed tamen expectat sinceram cujusque voluntatem; ideo adjecit Apostolus: secundum propositum vocatis. Propositum tuum cum sincerum est vocatum te facit.* Catholice hæc intelligas! Sed cum hic locus sat opportunus sit, operæ pretium fuerit hic recitasse PETAVIANAS regulas illas quatuor, apprimè utiles ad veteres scriptores, ubi de gratia loquuntur, recte interpretandos. *Prima* est: Nonnumquam illos cum de gratia loquuntur et eam meritis obtineri dicunt, de externa vocatione et beneficio intelligendos esse, non de interiori ac prima motione. *Secunda*: Nihil illos velle aliud, nisi Deum gratiam et inspirationem, quam ex sola gratuita liberalitate imperitari statuit, iis plerumque tribuere, quos consensuros et quo tempore consensuros esse præscivit; non ut meritum sit ista consensus, sed occasio tantum et conditio. *Tertia* regula est: Sæpe gratiæ nomine eam Patres appellare dumtaxat, quæ uberior perfectiorque sit et saluti propior; primam autem motionem et communem, quasi ordinarium aliquid et minus singulare, ac veluti fundamentum spiritualis ædificii prætermittere. *Quarta* regula est: Interdum illos inchoatam et rudem adhuc gratiam perfectæ salutis et æternæ

vitæ, hoc est, absolutæ completæque gratiæ nomine significare; quòd initia illa divinæ vocationis afflatusque cœlestis, nisi per nos steterit, certissimâ nos ad salutem viâ perducant. Cf. PETAVIUM de Deo Lib. IX, qui de *Prædestinatione* est primus. Cap. IV.

(2) In *Commentario in Ep. ad Rom. ad h. I.* Σφοδρὰ δὲ ἀκριβῶς, inquit, συνέκρουε τὴν κλήσιν τὴν προθεσιν· οὐ γὰρ ἀπλῶς καλεῖ, ἀλλὰ τοὺς προθεσιν ἔχοντας· h. e. *Valde autem appositè vocationi propositum adjunxit; non enim vocat simpliciter, sed eos qui propositum habent.*

(3) Hom. XV. in Ep. ad Rom. ad h. I, Προθεσιν δὲ ἐνταυθα φησιν, ἵνα μὴ τὸ παντὶ τῇ κλήσει δῶς.... Εἰ γὰρ ἡ κλήσις ἤκει μόνον, τίνος ἕνεκεν οὐ πάντες ἐσωθήσαν; Διὰ τοῦτο φησιν ὅτι οὐχ ἡ κλήσις μόνον, ἀλλὰ καὶ ἡ προθεσις τῶν καλουμένων τὴν σωτηρίαν ἐργάσατο· οὐ γὰρ ἠναγκασμένη γεγονεν ἡ κλήσις οὐδὲ βεβιασμένη. Πάντες γοὺν ἐκληθήσαν, ἀλλ' οὐ πάντες ὑπήκουσαν. h. e. *Propositum autem hic dicit, ut ne totum vocationi tribuas.... Si enim sola vocatio sufficiebat, cur non omnes salvi facti sunt? Ideo dicit non solam vocationem sed et vocatorum propositum salutem effecisse; neque enim necessitatem aut vim intulit vocatio. Omnes igitur sunt vocati sed non omnes vocanti obedierunt.*

(4) ORIGENES (apud PETAVIUM. De *Prædestinatione* Lib. IX. Cap. III. 3) ambigit; nam προθεσιν ita ad *humanæ voluntatis propositum* refert, ut tamen significet fieri quoque posse ut ea vox ad *divinæ voluntatis propositum* pertineat.

DAMASCENUS (ad h. l.), OECUMENIUS ¹⁾, et THEOPHYLACTUS (ad h. l.) ²⁾. Contrà, ex mente S. AUGUSTINI, *propositum* (προθεσις) quod hic dicitur, *Dei sit propositum* sive decretum, et quidem tale quo Deus ex lapsi humani generis *massâ damnatâ* homines certo numero quosdam secrevisset quos ad cœlestem gloriam destinasset, idque ita ut hæc prædestinatio non pependerit ex prævisis eorum meritis et perseverantia, sed e contrario merita eorum et perseverantia ex illa prædestinatione profluxerint. Illos ergo quibus hæc prædestinatio obtigit AUGUSTINUS nominat *vocatos secundum propositum*, quos adeò distinguit ab iis qui vocati quidem sint sed *non secundum propositum*. Hanc nec aliam fuisse AUGUSTINI de prædestinatione sive *proposito* sententiam luculenter probat PETAVIUS ³⁾. Scio VASQUEZIUM (in 1. P. Dist. 89. C. 4 et 8) docuisse *prædestinationis* vocabulum apud AUGUSTINUM ad solam *gratiam* esse referendam; scio GAMMACHÆUM ⁴⁾ negasse AUGUSTINUM umquam docuisse prædestinationem ad gloriam ante prævisa merita; sed, ut mihi videtur, neque VASQUEZIO neque GAMMACHÆO facile quis consenserit qui PETAVIUM de Augustiniana prædestinatione disserentem attento animo perlegere voluerit. Quidquid sit, sententiam unius doctoris, etiamsi nomen AUGUSTINI illi sit, nemo sequi tenetur ⁵⁾. Audiatur PETAVIUS ⁶⁾ qui in Augustinianam illam prædestinationem inquisiturus, sic præfatur: « Priusquam in AUGUSTINI opinionem inquirimus, *inquit*, illa primùm detrahenda est invidia, quam ex AUGUSTINI nomine conflare in nos audebunt aliqui; quasi nefas sit ab illius præscriptis quasi dictatis magistri ejusdam desciscere; præsertim iis in quæstionibus quæ ad gratiam et æternæ salutis adipiscendæ rationem spectant: in quibus ducem illum sequi se Romani Pontifices, et vetera concilia quæ sunt adversus Pelagianos coacta, testantur. Verùm non omnia, quæ in refellendis hæreticis istis ab AUGUSTINO proposita sunt, pro catholicis immotisq; decretis habentur ab iis ipsis, qui illius doctrinam commendant, summis Pontificibus et Synodis. Sed quædam verè certòque constituta, quædam dicta probabiliter arbitrati sunt; ac prioribus ad Catholicæ dogma religionis assumptis, de posterioribus velut in medio positis libera posteritati judicia reliquerunt. Exstat hac de re luculentum COELESTINI Papæ decretum (*Epist. ad Episcopos Galliæ*), quod legis instar

(1) In Ep. ad Rom. ad h. l. Οἱ κατὰ οικίαν προθεσιν γενομενοὶ κλητοὶ. Qui secundum proprium ipsorum propositum facti sunt κλητοὶ (vocati).

(2) Contradicit JUSTINIANUS in Commentario (ad h. l.), affirmans THEOPHYLACTUM vocem προθεσις hoc loco retulisse ad divinæ voluntatis beneplacitum, sed fallitur. Verba, quæ ex latino THEOPHYLACTO recitat, hoc quidem sonant quod vult JUSTINIANUS, sed Græcus THEOPHYLACTUS omninò contrarium docet.

(3) Confer PETAVIUM de Deo Lib. IX, qui est de Prædestinatione primus. Cap. VI.

(4) GAMMACHÆUS in 1. P. q. 23. In eadem sententia est etiam STAPLETON in oratione ex professo hac de re habita.

(5) Regula quam Tridentini Patres interpreti statuere (Sess. IV.) hæc est, ut *ne sacram Scripturam in rebus fidei et morum ad ædificationem doctrinæ Christianæ pertinentium interpretari audeat contra unanimem consensum Patrum*.

(6) De Deo Lib. X, qui est de Prædestinatione secundus. Cap. 1.

edidit Gallicanis Episcopis ac toti adeò Catholicæ Ecclesiæ, hodieque Theologis positum ante oculos esse debet, ut quatenus de his rebus sentiendum sit, ex eo cognoscant. Postquam igitur Pelagianæ hæresis capita præcipua damnavit, iisque Catholica dogmata ex Romanorum Pontificum epistolis et Synodalibus sanctionibus opposuit, demum ita concludit: *Profundiores verò difficilioresque partes occurrentium quæstionum, quas latius pertractarunt qui hæreticis restiterunt, sicut non audemus contemnere, ita non necesse habemus adstruere; quia ad confitendum gratiam Dei, cujus operi ac dignationi nihil penitus subtrahendum est, satis sufficere credimus quicquid secundum prædictas regulas Apostolicæ sedis scripta nos docuerunt; ut prorsus non opinemur Catholicum, quod apparet præfixis sententiis esse contrarium.* Ex eo genere profundiorum quæstionum, quæ nihil ad negotium gratiæ pertinent, est illa de Prædestinatione controversia¹⁾, de qua cuivis utrum volet sequi, Romani Pontificis sententiâ illâ permittitur. Quamobrem sepositâ magnorum virorum auctoritate, causa cum causa, res cum re, rationes cum rationibus comparandæ sunt, ex eoque solo dijudicandum est, utra sit opinio versimilior. » Hactenus PETAVIUS.

Sed jam e diverticulo in viam. Ergo quærebamus quid intelligeretur *propositum* (*προθεσις*) in verbis Apostoli istis: *qui vocati sunt secundum propositum.* Respondemus autem, sermonem ibi esse non de *humanæ* cujuscumque voluntatis proposito sed de proposito aliquo voluntatis *divinæ*, atque, rejectâ Græcorum sententiâ, hactenùs quidem AUGUSTINI sententiam probamus; negamus verò, quod idem affirmavit, *Dei hoc propositum* intelligendum esse decretum Dei aliquod quo homines certo numero quosdam non ex prævisis meritis sed ex sola absolutaque sua voluntate ad cœlestem gloriam elegisset. Docemus autem, *Dei propositum* intelligendum ibi esse illud Dei decretum quo ab æterno statuit lapsum perditumque hominum genus ex mera sua bonitate et clementia per CHRISTUM restituere in viam salutis. Atque hanc nec aliam esse mentem Apostoli, id quidem luculenter constat ex loco parallelo isto (2 Tim. I. 9) : *Vocavit nos Deus non secundum opera nostra sed secundum propositum suum et gratiam* (*κατ' ἰδίαν προθεσιν καὶ χάριν*), quæ data est nobis in CHRISTO JESU ante tempora sæcularia.

γ. 29—31. *Nam quos præscivit, et prædestinavit, cet.*). Dicit hic Apostolus *quam ob causam* (*ὅτι*) diligentibus Deum *ideò* omnia cooperentur in bonum *quia sunt secundum propositum κλητοὶ* sive *ἐκλεκτοὶ*. Verba ista, *οὓς προέγνω*, præsentis orationis Protasis sunt, cujus Apodosis incipit a verbis (*τούτους*) *καὶ προώρισε*. Demonstrativum *τούτους* supplendum est ex antegresso Relativo *οὓς*. Versiculus vigesimus nonus cum trigesimo ita cohæret, ut in illo enarrentur æterni actus Dei, in

(1) Probat PETAVIUS (*ibidem*) quæstionem hanc, utrum electio ad gloriam fiat nec-ne ex prævisis meritis, pertinere ad profundiores illas quæstiones quas vocat COELESTINUS.

(2) Multi (omnes) sunt vocati, pauci verò electi. Matth. XX. 16. Cf. MALDONAT. ad h. l.

hoc verò dicatur quid Deus secundum *æternos* hosce actus præstiterit *in tempore*. Sensus autem præsentis loci hic mihi esse videtur : Nam illos quos Deus ab *æterno* præcognovit (*προεγνώ*) futuros esse *κλητους* sive *εκλεκτους* (*ψ. 28*), hos quoque ab *æterno* prædestinavit (*προωρίσε*) ad gloriam cælestem. Quos autem ab *æterno* ad illam gloriam prædestinavit, illos quoque *in tempore* ad fidem vocavit ; et quos ad fidem vocavit, illos quoque justificavit ; quos autem justificavit, illos quoque glorificavit. Declarat igitur hic Apostolus, Deum, ad se quod attinet, firmissimo consilio statuuisse *κλητους* sive *εκλεκτους* illos (*ψ. 28*) ad cælestem gloriam dirigere eaque illos donare. Ex quo consequebatur, id quod probandum erat, mala illa quibus Christus causâ afficerentur, illis ad salutem prodesse, quum non inferrentur absque Dei prædestinantis permissu. Causa ergo, ob quam diligentibus Deum *ideo* omnia cooperentur in bonum *quia* sunt secundum propositum vocati, in eo sita est quod quæ talibus facere decrevit Deus, hæc, ad se quod attinet, certissime quoque iis sit factururus : ad cælestem gloriam tales destinavit, ad cælestem gloriam eosdem quoque certissimè adducet, modo ipsi suâ culpâ ab adducente non se subtraxerint. Itaque afflictiones, persecutiones et quæcumque præterea sunt hujus generis mala, adeò per se non officient prædestinatis, ut contra illis profutura sint, quum illis non inferantur absque permissu illius qui sua providentia ad hanc gloriam illos dirigit. Et verò quomodo tandem mala illa per se officere possint prædestinatis, quum Deus sit pro iis. Nam si Deus nos defendit, quis tandem nocere nobis poterit (*ψ. 31*), ut ratiocinium suum concludit Apostolus.

Præpositio *προ* in Compositis *προεγνώ* (*præscivit, præcognovit*) et *προωρίσε* (*prædefinit, prædestinavit*), per se non notat nisi *ante* ; sed *ante* illud explicandum esse ab *æterno*, id quidem certissimò constat ex loco parallelo isto (*Ephes. 1. 4*) : *εξελεξατο ήμας εν αυτω (εν Χριστω) προ καταβολης κοσμου, ειναι ήμας άγιους και αμωμους κατενωπιον αυτου* : Elegit nos in ipso (in CHRISTO) ante mundi constitutionem, ut essemus sancti et immaculati in conspectu ejus.

Προγινώσκειν propriè est *ante cognoscere* ¹⁾, ut 2 Petr. III. 17, et hic quidem actum notat divini intellectus. Relativum *ούς* refertur ad antegressum *κλητοίς*, unde peti quoque possit Accusativus Prædicati ; nam mens Apostoli est dicere : *ότι ούς προεγνώ τοιουτους* vel *κλητους*, i. e. tales qui vocanti essent obtemperaturi. Sumendum est, ut jam diximus, objectum Verbi *προωρίσε*, quod est *τουτους*, ex antegresso Relativo *ούς*. Verba *και προωρίσε κ. τ. λ.* sunt Apodosis, nam nisi hoc

(1) Cf. dicta infra ad Cap. XI. 2.

sumatur, præsens oratio Apodosi careat. Προοριζειν autem simpliciter est *ante* (ab æterno) *destinare*, et hic quidem actum notat divinæ voluntatis; nam *destinare* voluntatis est. Προορισμος hic veluti nititur in illa προγνωσει¹⁾.

conformes fieri imaginis filii sui). His verbis exprimitur *ad quid* illos ab æterno destinaverit. Interpres noster de suo addendo *fieri*, verba Græca perspicuè reddidit, nisi quod pro *imaginis* maluissem *imagini*. Cave tamen putes in græca phrasi Infinitivum γενεσθαι aut ειναι desiderari; hæc enim Verborum προοριζω, αποδεικνυμι (1 Cor. IV. 9), ποιεω (Joh. VI. 15), et similium structura est, ut duplicem admittant Accusativum, unum *Subjecti* et alterum *Prædicati*. Adjectivum συµμορφος, quod Philipp. III. 21 structum est cum Dativo, hic jungitur cum Genitivo: συµμορφους της εικονος. Utrumque fieri licet. Cf. MATTHIÄ §. 379. Quid vero sit *conformes fieri imagini filii sui* intelligitur ex loco parallelo isto (Philipp. III. 21): ός μετασχηματισει το σωµα της ταπεινωσεως ήµων εις το γενεσθαι αυτο συµμορφον τω σωµατι της δοξης αυτου. quæ verba ita reddiderim: *Qui transformabit corpus nostræ afflictionis, quo fiet ut sit conforme corpori ipsius glorioso*²⁾. Itaque *imago* (εικων) filii Dei hic intelligitur *gloriosum* ejusdem *corpus*, ut ad præsentem locum docet etiam THEODORETUS³⁾. Illius autem *imagini conformari* est indui corpore glorioso simili CHRISTI corpori glorioso, puta, quod attinet ad gloriæ *qualitatem*, non vero quod attinet ad illius *quantitatem*, ut idem THEODORETUS alibi⁴⁾ monuit.

ut sit ipse primogenitus in multis fratribus). Hæc verba declarant *in quem finem* (εις) Deus illos (τους κλητους) prædestinaverit ad eam cum Filio suo *conformitatem*. Qui quidem finis is erat ut CHRISTUS, Dei Filius, multos haberet fratres unâ cum ipso cœlestis gloriæ *cohæredes* (vide suprâ §. 17), inter quos omnes ipse primatum teneret tamquam *primogenitus*. Cf. Coloss. 1. 18. Vox πρωτότοκος etiam *excellentiæ* notionem hic continet.—«Significat Apostolus, inquit ESTIUS (ad h. l.), conformitatem de qua locutus est, redundare in gloriam CHRISTI. Nam ex ea consequitur quædam dignitas

(1) THEODORETUS (ad h. l.): Ουκ απλως προωρισεν, αλλα προγνους προωρισεν. h. e. Non simpliciter, sed cum præcognitione prædestinavit. τας της εικονος του υιου συµμορφους ωνοµασε; τούτεστι του σωµατος του υιου. h. e. Conforme erit corpus nostrum corpori gloriæ ipsius. Ita et hic quoque, eos qui vocatione digni habiti sunt, imaginis filii conformes nominavit, hoc est, corporis filii.

(2) Videsis quæ ad hunc locum notavi in Commentario in epistolam ad Philippenses (secunda edit.).

(3) Συµμορφον ήµων εσται το σωµα τω σωµατι της δοξης αϊτου. Ούτω κληθαι τους της κλησεως αξιοθεν-

(4) In Commentario in Ep. ad Philippenses; ad Cap. III. 21: ου κατὰ την ποσοτητα της δοξης, αλλα κατὰ την ποιότητα.

et prærogativa CHRISTI, ut sit primogenitus inter multos fratres; dum videlicet qui per naturam est unigenitus Dei filius, Deo nos in filios adoptante ac naturali ipsius Filio per gratiam et gloriam conformante, multos fratres acquirit gloriæ suæ cœlestis cohæredes; inter quos omnes ipse primatum teneat, tamquam primogenitus. Etenim CHRISTUS Dei filius est quidem *unigenitus* ut Deus, sed *primogenitus* ut homo-Deus; scilicet per gratiam unionis, non per gratiam adoptionis, quam a CHRISTO penitus removemus, damnantes eorum sententiam, utpote jam olim a Patribus damnatam, qui ex hoc loco et aliis similibus ostendere nitebantur, CHRISTUM secundum naturam assumptam esse Dei Filium adoptivum. »

Quos autem prædestinavit, hos et vocavit; et quos vocavit, hos et justificavit; quos autem justificavit, illos et glorificavit). Apostolus in antegressis (ϣ. 29) assignaverat æternos Dei actus, *præscientiam*, inquam, et *prædestinationem*; hic verò exponit quid ad exequendum prædestinationis suæ decretum *in tempore* præstet. Ergo quos *ab æterno* destinavit ad consortium gloriæ filii sui (ϣ. 17), illos quoque *in tempore* vocavit, et quos vocavit, illos quoque justificavit; quos autem justificavit, illos quoque glorificavit. Observa, Apostolum, dum Prædestinationis effectus illos tres ordine recenset, ea tantum respicere quæ in procurandâ æternâ hominum salute præstantur a Deo; nam de eo quod homo salvandus pro liberi sui arbitrii usu ibi præstare ipse debeat, PAULUS hic tacet, quum pro instituti sui ratione de hoc non esset nunc dicendum. *Glorificatio* autem, quæ hic dicitur (*illos et glorificavit*), intelligitur ipsum illud *conformari imagini Filii Dei*, de quo modo (ϣ. 29) sermo fuerat; nec differt hoc a perfecta illâ *ὁμοθεσία*, quam paulò ante (ϣ. 23) Apostolus definierat. Ceterum, de *futurâ* glorificatione dixit *ἐδοξασε*, Præteriti Temporis verbo usus per Prolepsin, ad rei certitudinem indicandam.

ϣ. 31. *Quid ergo dicemus ad hæc?* cet.). Hac formula Apostolus lectores suos invitat ad concludendum ex præmissis, ut et infra Cap. IX. 30. Gallicè dixisset: *Que dirons nous donc, vu tout cela* (*προς ταυτα, ad hæc*)? Et ad propositam quæstionem respondere potuisset: *Que Dieu est pour nous*. At non ita PAULUS, sed ipsam hanc conclusionem, variatâ orationis conformatione, effert per triumphalem exclamationem hanc: *Si Deus nos tuetur, quis tandem nobis noceat?* Sensus est: *Hanc ergo Dei curam circa nostram* (gratis justificatorum) *salutem considerantes, nonne profiteri debemus Deum nos tueri?* Quod si hoc, *quid-ni saluti nostræ prosint mala quæris, quum hæc inferri nobis non possint nisi ipsius permissu?* Et verò quis aut quid tandem nocere nobis poterit, si Deus nos tuetur? Atque ita Apostolus plenissimè probavit quod supra (ϣ. 28) affirmaverat, scilicet, *omnia coöperari in bonum diligentibus Deum*.

Ex theologis recentioribus plures, nec ii infimi subsellii, præsertim ex sacra Augustinianorum et Dominicanorum familia, doctores suos SS. AUGUSTINUM et THOMAM secuti existimarunt, PAULUM tum infra (Cap. IX.) tum etiam hoc loco (§. 28—32) Christianos Romanos docuisse, Deum æterno decreto ex tota humani generis *massa damnata* homines certo numero quosdam elegisse atque destinasse ad gloriam æternam, idquo non *post prævisa* ab ipso eorum *merita* ¹⁾, quæ communior est Theologorum hac in re sententia, verùm *ante prævisa* eorundem *merita*. Probè nota, minime disputari de hoc; utrum nec-ne ex PAULI doctrina hominibus gratuitò et sine ullo suo merito obtingat gratia justificationis. Et verò Catholicæ fidei dogma est, gratiam justificationis homini obtingere ad modum *doni* adeò gratuiti, ut hæc nullo modo aliquam *mercedis* rationem habeat ²⁾; e contrà, donum *gloriæ* sive vitæ æternæ felicitis justificatis proponitur *et tamquam GRATIA per CHRISTUM JESUM misericorditer illis promissa, et tamquam MERCES ex ipsius Dei promissione bonis ipsorum operibus et meritis fideliter reddenda* ³⁾; quam gratiam atque mercedem PAULUS (2 Tim. IV. 7. 8) *vocat coronam justitiæ sibi post suum certamen et cursum a justo Iudice reddendam*. Sed hoc quæritur, utrum nec-ne PAULUS in præsentī loco (§. 28—32) et infra (Cap. IX) docuerit *prædestinationem*, quam vocant *ad gloriam ante prævisa merita*. Et de argumento quidem quod affirmativæ sententiæ patroni ducunt ex nono hujus epistolæ Capite, ubi JACOBUM et ESAVUM ab Apostolo exhibitos esse dicunt in typum prædestinatorum et reprobatorum, dicturus sum ubi ad eum locum pervenero ⁴⁾. Ad præsentem autem locum quod attinet, existimaverim eos, qui illam quam dixi *prædestinationem ad gloriam ante prævisa merita* ibi doceri affirmarunt, et falsas vocabulis subjecisse notiones, et ad institutum Apostoli minimè attendisse.

Nam, ut a priori illo vitio ducam exordium, vox *προθεσις*, absolutè posita ⁵⁾,

(1) Illa intellige *merita*, quæ sibi, post gratuitam justificationem, justificati, auxiliante eos divinâ gratiâ, comparassent, faciendo id ad quod Apostolus Christianos omnes adhortatur dicens: *Abundate in omni opere bono, scientes quod labor vester non est inanis in Domino*. Cf. Tridentin. Sess. VI. Cap. XVI. Qualia quidem opera docente Ecclesia (Trid. Sess. XVI. Can. 32), *ita sunt dona Dei, ut sint etiam bona ipsius justificati merita*.

(2) *Gratis justificamur*, inquit Apostolus (supra Cap. III. §. 24); docent autem Tridentini Patres (Sess. VI. Cap. VIII), nos ab Apostolo *gratis* justificari ideò dici, *quia nihil eorum quæ justificatio- nem præcedunt, sive fides, sive opera, ipsam justificationem promeretur*.

(3) Vide Tridentin. Sess. VI. Cap. XVI; Cf. etiam Can. 32.

(4) Ibidem etiam ad trutinam accuratæ interpretationis revocabimus ea sacrarum Scripturarum effata, quæ præterea afferri solent ad probandam *prædestinationem ad gloriam ante prævisa merita*.

(5) Infra Cap. IX. §. 11 occurrit dictio ἡ κατ' ἐκλογὴν προθεσις (*propositum sive decretum quod, facto personarum delectu, fiat secundum illum delectum*), quæ verba *prædestinationem* quidem aliquam significant; nam decretum Prædestinationis est *electivum* aliquod decretum; sed prædestinatio, de qua ibi agitur, non est prædestinatio *ad gloriam*, ut ibidem sumus probaturi.

nec uspiam de divina Prædestinatione, qualis hîc agitur, a PAULO adhibetur, nec *per se* ea vox hanc potestatem habet, quippe quæ simpliciter notat *propositionem* aut etiam *propositum* aliquod. Quonam verò sensu in præsentî quidem loco vox *προθεσις* ab Apostolo fuerit adhibita, supra (p. 269) jam diximus. Porro quod attinet ad vocem *προωρισε*, recte quidem huic vocabulo subijcitur theologica *prædestinandi* notio; et contexta ibi oratio præcipit ut referatur ad prædestinationem, quam vocant, *ad gloriam*; utrum verò *absoluta* ibi intelligenda sit prædestinatio, an verò talis cujus causa pendeat a prævisis justificatorum meritis, illud quidem ipsa vox *προωρισε* minimè docet, ut quæ non minus rectè adhiberi possit de decreto aliquo *absoluto*, quam de eo quod non sit tale. Certe *προωρισε* illud, quod in Actis Apostolorum (Cap. IV. 28) legitur, de *absoluto* decreto nemo Catholicus acceperit¹⁾. Itaque ex vocibus illis *προθεσις* et *προωρισε* minimè conficitur, PAULUM Romanos suos hoc epistolæ suæ loco docuisse *prædestinationem ad gloriam ante prævisa merita*.

Verbum *προωρισε*, ut jam dixi, vox est significationis ambiguae, ut quæ non minus recte referri queat ad prædestinationem ad gloriam quæ facta sit *post prævisa merita*, quam ad eam quæ facta sit *ante prævisa merita*. Itaque ex contexta oratione et scopo Apostoli discernendum est, utra notio voci *προωρισε* hoc loco sit subijcienda. Igitur peto, unde egressa est præsens Apostoli oratio? Profectò egressa est ab eo quod supra (ψ. 17) dixerat: *Si tamen compatimur ut et conglorificemur*; quibus verbis significaverat sub quânam conditione liceret justificatis sperare fore ut aliquando essent *Christi gloriæ coheredes*. Itaque Apostoli propositum ibi est, Romanos suos adhortari *ad compatiendum* (*Χριστῷ συμπάσχειν*); et statim, quo efficacius illud faciat, rationes *ad compatiendum* adducit tres, quarum prima petita est a magnitudine futuri præmii (ψ. 18), altera a Spiritûs sancti auxilio (ψ. 26), tertia ab eo quod ipsæ quoque afflictiones diligentibus Deum prosint ad salutem (ψ. 28). Cum ergo Apostolus totus in eo sit ut Romanos suos adhortetur ad faciendum id quo pervenire possint ad gloriam cœlestem, sanè parum efficaciter eos excitaret, si idem ibidem doceret, rem omnem pendere a voluntate Dei *absoluta*, hoc est tali, cujus causa minimè pendeat a prævisis justifica-

(1) Bene PETAVIUS (*De Deo* Lib. X. Cap. I. III.) : « In Actibus Apostolorum (Cap. IV. 27 28) legitur : *Convenerunt in civitate ista adversus sanctum puerum tuum JESUM, quem unxisti, HERODES et PONTIUS PILATUS cum gentibus et populis Israël, facere quæ manus tua et consilium decreverunt* (*προωρισε*) fieri. Ibi Verbum est *προωρισε*. At perspicuum est, non id *absolutè* decrevisse Deum ut Judæi et Gentiles nefarium illud facinus admitterent, neque ut decretum

suum exequeretur voluntates eorum impulsisse. Soli hoc CALVINUS, BEZA, ceteræque pestes usurpare possunt, quæ communem sensum cum pietate perdiderunt. Sanus quidem ac sobrius nemo dixerit, decrevisse Deum ut peccatum ullum fieret. Quare ex verbo *προωρισε* dijudicari nequit, utrum in merita singulorum futura intuens ab æterno Deus eos ad salutem elegerit ac prædestinaverit, an absoluta voluntate, ex qua merita deinde consecuta sint.»

torum meritis. Quæ cum ita sint, non injuriâ dixerim, eos qui ex præsentī loco Apostoli probare conati sunt *prædestinationem ad gloriam ante prævisa merita*, nec rectas vocabulis subjecisse notiones, nec satis attendisse ad Apostoli institutum.

γ. 32—36. Qui etiam proprio Filio suo non percit, sed pro nobis omnibus tradidit illum: quomodo non etiam cum illo omnia nobis donavit? ³³ Quis accusavit ¹⁾ adversus electos Dei? Deus qui justificat, ³⁴ quis est qui condemnet? CHRISTUS JESUS, qui mortuus est, immo qui et resurrexit, qui est ad dexteram Dei, qui etiam interpellat pro nobis. ³⁵ Quis ergo nos separabit a charitate CHRISTI? tribulatio? an angustia? an fames? an nuditas? an periculum? an persecutio? an gladius? ³⁶ (sicut scriptum est: Quia propter te mortificamur tota die: æstimati sumus sicut oves occisionis).

γ. 32—36. Ὁσγε τοῦ ἰδίου υἱοῦ οὐκ ἐφείσατο ἀλλ' ὑπὲρ ἡμῶν πάντων παρέδωκεν αὐτόν, πῶς οὐχὶ καὶ σὺν αὐτῷ τὰ πάντα ἡμῖν χαρίζεται; ^{a)} ³³ Τίς ἐγκαλέσει κατὰ ἐκλεκτῶν Θεοῦ; Θεὸς ὁ δικαίων; ³⁴ Τίς ὁ κατακρίνων; Χριστὸς ὁ ἀποθανὼν, μᾶλλον δὲ καὶ ἐγερθεὶς, ὃς καὶ ^{b)} ἔστιν ἐν δεξιᾷ τοῦ Θεοῦ, ὃς καὶ ἐντυγχάνει ὑπὲρ ἡμῶν; ³⁵ Τίς ^{d)} ἡμᾶς χωρίσει ἀπὸ τῆς ἀγάπης τοῦ Χριστοῦ; θλίψις, ἢ στενοχωρία, ἢ διωγμὸς, ἢ λιμὸς, ἢ γυμνότης, ἢ κίνδυνος, ἢ μάχαιρα; ³⁶ καὶ οὕτως γέγραπται· Ὅτι ἐνεκά σου θανατούμεθα ὅλην τὴν ἡμέραν· ἐλογίσθημεν ὥς πρόβατα σφαγῆς.

Paraphrasis. Qui quidem proprio suo Filio non percit, sed pro nostrâ omnium expiatione tamquam victimam piacularem in mortem tradidit, quid-ni is etiam, unâ cum Filio, nobis donaturus sit omnia quæ ad perficiendam salutem nostram nobis sunt necessaria? Ecquis accusationem instituet adversus electos Dei? Num forte hoc faciat Deus eorundem justificator? Ecquis est qui electos Dei condemnet? Num forte hoc faciat JESUS CHRISTUS, qui pro nobis electis mortuus est, imo vero etiam resurrexit, qui etiam sedet ad dexteram Dei, qui etiam deprecatur ibi pro nobis? Quis nos divellere poterit ab amore CHRISTI? Num afflictio? Num angustia? Num persecutio? Num fames? Num nuditas? Num periculum? Num gladius? ita ut fiat in nobis sicut scriptum est: *Propter te interficimur tota die; reputamur pro ovibus mactationi destinatis.*

(1) Pro accusabit mendosè legitur accusavit in tertiâ Vaticanâ edit. a. 1598.

VARIANS LECTIO.

a) Pro Futuro *χαριζεται* est in Vulgata Præteritum *donavit*; sed Præteritum hoc loco neque in ullo græco codice legitur, neque in ulla antiqua versione, si Italiam excipias. Itaque ambigendum non est quin legendum sit non *donavit* sed *donabit*, eoque minus quod contexta etiam oratio Futurum postulat. Existimaverim præsentem locum pertinere ad ea de quibus in Præfatione ad lectorem præmissa Vulgatæ dictum est: *Sicut nonnulla consulto mutata, ita etiam alia, quæ mutanda videbantur, consulto immutata relictæ sunt.*

b) Particula *καὶ* hoc loco non legitur in Codd. AC. Omissa ibi fuerit aut librarii incuriâ, aut quod incommoda illi videretur.

c) Voculam *οὐ* hoc loco exhibent Codd. FG.

ψ. 32. *Qui etiam proprio Filio suo non pepercit*, cet.). Conclusionem antegressam (ψ. 31: *Deus est qui nos tuetur; ipsi salus nostra curæ est*) Apostolus hic confirmat (γε)¹⁾ argumentando a summo Dei erga homines amoris documento, ut qui non dubitaverit Pater vitam proprii Filii in illorum impendere salutem. Itaque argumentatio fit *a majori ad minus*. Ad formam autem dictionis quod attinet, notandum est, Apostoli sermonem tota hac parte epistolæ (ψ. 32—36) interrogativis tantum constare sententiis, quo fit ut maximè incitata ac veluti vibrans sit ejusdem oratio. Præsentis versiculi sensus hic est: *Qui quidem (ὁσγε) proprio suo Filio non pepercit sed pro nostra omnium expiatione (ὑπερ ἡμῶν πάντων) cum tamquam victimam piacularem in mortem tradidit (παρεδωκεν. Cf. Cap. IV. 25), quid-ni is etiam (πῶς οὐχι καὶ), quum proprium suum Filium nobis donaverit, unâ cum Filio (συν αὐτῷ) nobis donaturus sit omnia quæ (τὰ πάντα) ad perficiendam salutem nostram nobis sunt necessaria? Quum maxima dederit, profectò non recusabit ea quæ sunt minora²⁾;*

(1) De vi confirmante Particulæ γε videsis HARTUNG. 1 Th. pag. 344 sqq. Particulam γε Belgicè hoc loco reddiderim *ja*; puta, si dixerim: *die, ja, zynen eigen zoon niet gespaard heeft*, cet.

(2) S. CUNY. Hom. XV in Ep. ad Rom. ad h. l. Ο δε λεγει, τοιουτον εστι· ει τον υιον εχαρισατο, και ουχ ἁπλως εχαρισατο; αλλα και σφαγη παρεδωκε,

τι λοιπον περι των αλλων αμφιβαλλεις, τον Δεσποτην λαβων;.... 'Ο γαρ το μειζον τοις εχθροις δεδωκας, ποις τα ελαττονα ου δωσει τοις φιλοις; h. e. Quod autem dicit, tale est: Si filium suum largitus est, nec modo largitus est, sed et neci tradidit, quid postea de reliquis ambigis, cum Dominum acceperis?.... Qui enim id quod majus erat inimicis dedit, quomodo non minora dabit amicis?

atque adeò non potest non tueri suos. Quonam vero sensu Deus intelligatur Filium suum morti tradidisse, diximus in Commentario in Acta Apostolorum ad Cap. II. γ. 23.

γ. 33. *Quis accusabit, cet.*) Duas præsens versiculus interrogativas sententias continet; unam hanc: *Quis accusationem instituet* (εγκαλεσει) *adversus* (κατα cum Genit.) *electos Dei?* alteram hanc plenam sanctâ quâdam ironiâ: *Num forte facturus hoc sit Deus eorumdem justificator* (ὁ δικαιῶν)? Quod autem etiam posterius hoc membrum, Θεος ὁ δικαιῶν, interrogativam sententiam continet¹⁾, id quidem satis jam docet collatio præsentis versiculi cum insequenti, cujus pars posterior Χριστος ὁ αποθανων—ἡμων interrogativè legenda est, quum, uti patet, haberi nequeat pro responso ad antegressam interrogationem istam: *τις ὁ κατακρινων*; Quum ergo versus trigesimus quartus duas interrogationes contineat, ipsa jam orationis concinnitas suadet ut existimemus etiam antegressum versum duabus interrogationibus constare²⁾. Accedit quod si membrum istud, Θεος ὁ δικαιῶν (γ. 33), responsum sit ad antegressam interrogationem *τις εγκαλεσαι κατα εκλεκτων Θεου*, scribendum fuisset Θεος ἐστὶ ὁ δικαιῶν.

Ceterum, notandum est, ea quæ versibus hoc et insequenti leguntur, respicere ad id quod Apostolus in principio hujus capituli dixerat (γ. 1): *Nihil ergo nunc damnationis est iis quæ sunt in Christo Jesu*; adeòque eò nunc redit ejus oratio, undè fuerat egressa; ita tamen ut unâ hic distinctius explicet antegressum illud (γ. 31) *τις καθ' ἡμων*.

Alibi (Act. XXIII. 28) *εγκαλειν* construitur cum Dativo Personæ, hic vero cum Præpositione *κατα* et Genitivo Personæ, *contra, adversus*. SOPHOCLES (*Philoct.* 327) sic dixit: *χολον κατ' αὐτῶν εγκαλῶν ἐληλυθας* (apud FRITSCHÉ ad h. l.). *Κατα εκλεκτων Θεου*, *contre des élus de Dieu*, i. e. contra tales quos Deus elegit. Intelleguntur autem ipsi illi quos supra (γ. 28) vocavit *τους κατα προθεσιν κλητους*. Bene CORNELIUS A LAPIDE (ad h. l.): *Electos*, inquit, *hic et alibi PAULUS intelligit eos qui electi sunt ad fidem et gratiam Christianismi. Omnes ergò verè Christiani sunt electi, nimirum completè ad gratiam, inchoatè verò ad gloriam. 'Ο δικαιῶν*, Participium Præ-

(1) Secundum interpunctionem Vulgatæ verba ista, *Deus qui justificat*, jungenda sint in unam sententiam cum insequentibus illis, *quis est qui condemnet*, ut sensus sit: *Quum Deus eos justificet, equis illos condemnet?* At verò si PAULUS hoc dicere voluisset, omninò otiosum erat addere id quod porrò ibi legitur, *Christus Jesus, qui mortuus est, cet.*

(2) S. AUG. *De Doct. Christ.* III. 3: «Pronuntiabitur ergo ita, ut post percontationem, qua dicimus: *Quis accusabit adversus electos Dei?* illud quod sequitur sono interrogantis enuntietur: *Deus qui justificat?* ut tacite respondeatur: Non. Et idem percontetur: *Quis est qui condemnet?* rursusque interrogemus: *Christus Jesus, cet.*

sentis cum Articulo ad modum Substantivi : *Justificator*. Est autem hic intelligenda illa *δικαιοσύνη Θεου*, de qua dixerat Apostolus in principio suæ epistolæ, Cap. 1. ῥ. 17. Confer quæ ad hunc locum adnotavimus.

ῥ. 34. *Quis est qui condemnet?* CHRISTUS JESUS, *qui*, cet.). Sententiam antegresso versiculo (ῥ. 33) propositam Apostolus hic replicat, ita tamen ut pro *accusatione* ponat *condemnationem*, et quod ibi dixerat de Deo, hoc nunc transferat in CHRISTUM. Ceterum eadem est utriusque versiculi sententia. Est autem hic verborum sensus : *Ecquis est qui electos Dei* (ex versu 33) *condemnet* (ὁ κατακρινων) ? Num forte hoc faciat JESUS CHRISTUS qui pro nobis electis (ῥ. 33) mortuus est, imò verò (μαλλον δε) etiam (και) resurrexit; qui etiam (και) sedet ad dexteram Dei; qui etiam (και) deprecatur ibi pro nobis ?

Pertinet ὑπερ ἡμῶν ad ὁ ἀποθανων et ad reliqua membra hujus interrogationis. Cf. Cap. IV. 25. *Μαλλον δε* formula est *se corrigentis*. Nimirum ad præsens Apostoli institutum CHRISTUS, ut S. THOMAS notat (ad h. l.), *potius commemorandus erat ex virtute resurrectionis, quam ex infirmitate passionis*. Magna quædam emphasis est in repetito illo ὅς και. *Ειναι εν δεξια τινος* est IN eo loco esse ubi alicui dexter assideas. Metaphorica autem locutio est. Quonam vero sensu CHRISTUS intelligendus sit esse vel sedere ad dexteram Dei Patris, explicavimus in Commentario in Acta Apostolorum ad Cap. II. ῥ. 35 De notione Verbi *εντυγχανειν* diximus suprâ, ad ῥ. 26 pag. 264. Benè ESTIUS (ad h. l.): « Quod CHRISTUS ad dexteram Dei collocatus adhuc dicitur *interpellare* sive *intercedere pro nobis*, non ita accipiendum est ac si in cœlo supplicem se Patri prosternat; uti fecit in diebus mortalitatis et humanitatis suæ, quemadmodum satis imperitè docet ORIGENES (Hom. 7 super Leviticum), addens id eum facere non sine lacrynis et mœrore quo de malis nostris afficitur. Quem sensum sana fides omnino respuit. Neque enim sinit Pater Filium suum jam in gloria assumptum amplius humiliari quoquo modo nostri causâ. Sed interpellat pro nobis CURISTUS, quomodo post veteres interpretes et GREGORIUM (Lib. XII Moral. Cap. 13) doctè et breviter id explicat THOMAS in commentario; quatenus humanitatem pro nobis assumptam, et mysteria in ea celebrata conspectui paterno repræsentat, utique cum desiderio nostræ salutis. Neque enim negandum est, quod ob invidiam intercessionis sanctorum negant hæretici quidam nostræ ætatis, CHRISTUM in cœlo verè et propriè Patrem suum pro nobis orare. Nam dicta repræsentatio cum salutis nostræ desiderio conjuncta, non consistit absque oratione saltem interiore. Quamquam nec vetat quin etiam voce exprimat illud desiderium, sed verbis convenientissimis. Tantum illa supplicandi humilitas, CHRISTO jam glorificato indigna, ab ejus oratione removenda est. »

ῥ. 35. *Quis ergo nos separabit a charitate CHRISTI?*) Particula *ergo*, ut dixi (vide Var. Lect.), non videtur ad contextum pertinere; certe eam non poscit con-

texta oratio. Futurum *χωρισει* hic valet *separare poterit*. Nimirum, de Futuro illud notandum, significari eo interdum *id*, quod *possit fieri*, veluti Act. VII. 49. Cf. HERMANNUM ad VIGERUM, p. 747. Scripsit Apostolus *τις quis*, non *τι quid*, quamquam enumeraturus erat non *personas* sed *res*; forsitan quia *res* illas per Prosopopœiam finxerit personas. Quod autem ibi dicitur *απο της αγαπης του Χριστου*, Genitivus *του Χριστου* non *Objecti* Genitivus est sed *Subjecti*, adeòque ibi intelligitur amor non is quo CHRISTUM diligunt justificati, sed is quo illos diligit CHRISTUS. Interpretes plerique, tam veteres quam recentiores, existimarunt sermonem ibi esse de amore illo quo justificati CHRISTUM diligunt; sed contexta oratio perspicuè docet Apostolum loqui de amore CHRISTI *erga nos*. Nam post enumerata gravissima aliquot mala quæ justificatis CHRISTI causâ accidere possint, statim addit (γ. 37), eosdem de illis omnibus plus quam triumphare *δια του αγαπησαντος*, per eum¹⁾ qui eos DILEXIT (non dixit *per eum quem diligunt*), hoc est, per CHRISTUM eos opitulantem; ubi profectò non alius intelligitur amor quam illius de quo modo dixerat: *Quis nos divellere poterit (χωρισει) ab amore CHRISTI?* Ad hæc, nota, ipsam illam sententiam, *quis nos divellere poterit ab amore CHRISTI (απο της αγαπης του Χριστου)*, iterari versibus trigesimo octavo et sequenti; atqui ibi pro *απο της αγαπης του Χριστου* legitur *απο της αγαπης του Θεου, της εν Χριστω Ιησου*, a charitate Dei, quæ est in CHRISTO JESU; quibus verbis profectò significatur non amor quo justificati Deum diligunt, sed amor ille quo Deus justificatos diligit²⁾; cujus quidem amoris documentum est in Christo Jesu, ut qui merito suarum perpersionum atque mortis hunc Dei erga nos amorem nobis conciliavit. Ceterum, vide quæ scripsimus infra ad γ. 38. et seq.

γ. 36. *Sicut scriptum est: quia*³⁾, *propter te mortificamur tota die: æstimati sumus sicut oves occisionis*). Nihil opus erat hæc verba habere pro interposita sententia sive Parenthesi; neque enim interrupta est Syntaxis, et quod versu 37 dicitur, etiam ad versum 36 refertur. Adducit præsentem Psalmi (Vulg. 43. γ. 22. Hebr. 44. γ. 23) locum Apostolus ad declarandum id quod postremò dixerat: *an gladius?* Inquiunt ibi pii ΙΗΟΥÆ cultores, *se* (nunc hos, nunc illos,) *ipsius causâ (ένεχα σου)* continuo ac veluti quotidie (Hebr. בְּלִי-יָדָיו⁴⁾) *mortis supplicio affici atque*

(1) Interpres noster habet *propter eum*; nimirum legerit *δια του αγαπησαντα*. Sed huic lectioni omninò præferenda est lectio *δια του αγαπησαντος*, ut dicturi sumus infra ad γ. 37.

(2) Card. TOLETUS: *Hæc sententia*, inquit, *confirmat de dilectione Dei activa, qua diligit electos*, PAULUM loqui.

(3) *Quia* non est tibi logica Particula Apostoli, sed pars citati testimonii.

(4) Όλην την ήμεραν, quod PAULUS hic habet secundum LXX, proprie valet Nostratium *den ganschen dag*.

adeò haberi (ελογισθημεν) veluti pro grege mactando. Quæ verba quonam modo Apostolus ad propositum suum accommodet ex Paraphrasi intelligi poterit.

γ. 37—39. Sed in his omnibus superamus propter eum, qui dilexit nos. 38 Certus sum enim quia neque mors, neque vita, neque angeli, neque principatus, neque virtutes, neque instantia, neque futura, neque fortitudo^{b)}, 39 neque altitudo, neque profundum, neque creatura alia poterit nos separare a charitate Dei, quæ est in CHRISTO JESU Domino nostro.

γ. 37—39. Ἀλλ' ἐν τούτοις πᾶσιν ὑπερνικῶμεν διὰ τοῦ ἀγαπήσαντος ἡμᾶς^{a)}. 38 Πέπεισμαι γὰρ, ὅτι οὔτε θάνατος, οὔτε ζωὴ, οὔτε ἄγγελοι, οὔτε ἀρχαὶ, οὔτε δυνάμεις, οὔτε ἐνεστῶτα, οὔτε μέλλοντα, 39 οὔτε ὑψώματα, οὔτε βάθος, οὔτε τίς κτίσις ἑτέρα δυνήσεται ἡμᾶς χωρίσαι ἀπὸ τῆς ἀγάπης τοῦ Θεοῦ, τῆς ἐν Χριστῷ Ἰησοῦ τῷ Κυρίῳ ἡμῶν.

Paraphrasis. At enim verò in his omnibus egregiè victores sumus per auxilium nobis latum ab eo qui nos dilexit. Certus enim sum, neque mortem, neque vitam, neque ullam vim angelicam, neque præsentia, neque futura, neque sublimia, neque infima, neque aliam quamvis rem creatam divellere posse nos justificatos ab amore Dei nobis exhibito in JESU CHRISTO salutis nostræ mediatore.

VARIANS LECTIO.

a) Pro διὰ τοῦ ἀγαπήσαντος ἡμᾶς legitur διὰ τοῦ ἀγαπήσαντα ἡμᾶς in Codd. DEFG, quam lectionem exhibent quoque Itala et Vulgata. Contrà, Codd. ABCI, antiquæ versiones pleræque, multi-que Patres Græci habent διὰ τοῦ ἀγαπήσαντος ἡμᾶς. Itaque hæc lectio alteri omnino præferenda videtur, eoque magis quòd contexta quoque oratio (γ. 39) eidem favet.

b) Voces illæ *neque fortitudo* in Græco non leguntur.

γ. 37. *Sed in his omnibus superamus, propter eum qui dilexit nos.*) Jam diximus (vide Var. Lect.), præferendam esse lectionem *δια του αγαπησαντος ηµας*, h. e. *per eum qui dilexit nos*. *Υπερνικῶμεν*, *plus quam vincimus*, non tantum non ab hoste opprimimur, verum etiam multum sumus illo superiores. Amat PAULUS istiusmodi Composita : *ὑπερπλεονάζω* (1 Tim. 1. 14.), *ὑπεραυξάνω* (2 Thess. 1. 3), *ὑπερυψοῶ* (Philipp. II. 9), *ὑπερεκτείνω* (2 Cor. X. 14), alia. Sensus est : *At enim (ἀλλὰ) ubi positi sumus IN (εν) his malis (γ. 35, in tribulatione, in angustiis, in periculis, cet.), in illis omnibus egregie victores sumus (ὑπερνικῶμεν), idque per eum (per auxilium nobis latum ab eo) qui nos dilexit, h. e. per Deum. Aoristus (αγαπησαντος) refertur ad eximium illud amoris argumentum, de quo Apostolus paulo ante (γ. 32) locutus fuerat. — Ἀλλὰ eam hoc loco vim habet ut opponat aliquid ex quo infertur remotio illius quod objectum fuerat.*

γ. 38—39. *Certus sum enim, quia neque mors, neque vita, cet.).* Id quod modò (γ. 37) dixerat Apostolus, *in his omnibus egregie victores sumus*, illud hic *confirmat* (γαρ) profitendo, certò sibi constare (πεπεισμαι), in tota rerum universitate nihil esse quod efficiat ut Deus justificatos deserat, puta, ipsis Deum non deserentibus. Sed quo efficacius doceat Apostolus, *nihil quicquam* esse quod justificatos removeat ab amore Dei, multa enumerat quibus id fieri posse negat. *Neque mors, neque vita*; h. e. sive vivant justificati, sive moriantur, in utrovis statu versentur, amor Dei erga illos perseverat. *Neque angeli, neque principatus, neque virtutes*; tribus hisce nominibus integrum Angelorum chorum significat. Cf. Ephes. 1. 21. Coloss. I. 16. Sensus est : Nulla vis angelica, si qua attentaret¹⁾ nos divellere ab amore Dei, efficere illud possit. *Neque instantia (ενεστῶτα, præsentia), neque futura*; h. e. neque res quæ nunc sunt, neque illæ quæ futuræ sunt. *Neque altitudo, neque profundum*; obscurum est quid rerum PAULUS his verbis significare voluerit. *Ἡ ἀγάπη του Θεου* quæ hic dicitur, intelligendus est amor Dei erga justificatos, ut diximus ad γ. 35. Qui verò existiment intelligendum esse *amorem justificatorum erga Deum*, videant quid respondeant illis qui hoc sensu præsentem locum interpretati eundem opposuere Catholicæ Ecclesiæ doctrinæ²⁾ de finalis perseverantiæ incertitudine.

De amore Dei erga justificatos præsentem locum interpretatus quoque est S. ATHANASIUS (Orat. 3. contra Arianos) : *Id quod Verbo in Patre naturā inest, inquit, hoc nobis per Spiritum ita vult dari ut sit irrevocabile. Quod cum non ignoraret Apostolus, ait : Quis nos separabit a charitate CHRISTI ? Nam Dei dona et grutia vocationis irrevoca-*

(1) Ratiocinatur Apostolus ab impossibili, ut Gal. 1. 9 : *Sed licet nos aut Angelus de cælo evangelizavimus vobis præterquam quod evangelizavimus vobis, anathema sit.*

(2) Trident. Sess. VI. Cap. XIII, et Can. XVI.

CAPUT NONUM.

ARGUMENTUM. *Pertractato præcipuo suæ epistolæ themate de gratuita justificatione per fidem, Apostolus deinceps, capitibus tribus insequentibus, agit de Judæorum plerorumque exclusionem ab evangelica illa gratia deque Gentilium ad eandem admissionem. Dicturus ergo de exclusionem Judæorum, ne forte cuipiam videretur eâ de re sermonem instituere ex odio suorum popularium ut a quibus acerbissima quæque fuisset perpessus, orditur a declarando quantopere doleat vicem gentis suæ, cujus et dignitatem, quam habeat præ ceteris gentibus, ibi prædicat. Exclusionem tamen illam, de qua dicturus erat, cum res odiosa esset, nondum exprimit, sed tamen aliquo modo significat (1—6). Atque ita disputationem dexterè ingressus primùm docet, quòd pars Abrahamidarum exclusa sit ab evangelica salute, non ideò putandum esse eventum carere promissionem Dei ABRAHÆ et semini ejus factam de salute per Messiam obtinendâ; neque enim promissionem hanc pertinere ad omnes, sed dumtaxat ad electos; id quod ex typica ISAACI et JACOBI historia ostendit (6—14). At si Deus non omnibus evangelicam salutem impertitur, nonne injustus videatur? Respondet Apostolus impiam hanc cogitationem abominando, et docendo Deum nemini quidquam debere, sed intribuendis suis beneficiis agere pro libertate gratuitæ suæ bonitatis; idque tum ex aliquo Scripturæ sacræ effato tum ab exemplo PHARAONIS indurati comprobatur (14—19). Fingit porrò, esse qui sumpto argumento a PHARAONIS illa obduratione, falsò inde inferat Deum injuriâ punire rebelles ut qui velit eos esse tales. Et ad blasphemam hanc illationem Apostolus respondet primò quidem indirectè, retundendo impudentem audaciam hominis qui non vereatur disceptare cum Deo quasi is injustè quid ageret; deinde verò directò, et responsum suum applicando materiæ quam tractat, scilicet ad Judæorum plerorumque exclusionem a salute evangelica et Gentilium ad illam salutem admissionem; quod utrumque ibi demonstrat a Prophetis quoque fuisse prædictum (19—30). Postremò declarat causam cur plerique Judæi exclusi sint a salute evangelicâ ipsorummet esse incredulitatem (30—33).*

γ. 1 — 5. Veritatem dico in CHRISTO, non mentior: testimonium mihi perhibente conscientia mea in Spiritu sancto: ² quoniam tristitia mihi magna est, et continuus dolor cordi meo. ³ Optabam enim ego ipse anathema esse a CHRISTO pro fratribus meis, qui sunt cognati mei secundum carnem, ⁴ qui sunt Israëlitæ, quorum adoptio est filiorum, et gloria, et testamentum, et legislatio, et obsequium, et promissa: ⁵ quorum patres, et ex quibus est CHRISTUS secundum carnem, qui est super omnia Deus benedictus in sæcula. Amen.

γ. 1 — 5. Ἀλήθειαν λέγω ἐν Χριστῷ, οὐ ψεύδομαι, συμμαρτυρούσης μοι τῆς συνειδήσεώς μου ἐν Πνεύματι ἁγίῳ, ² ὅτι λύπη μοι ἐστὶ μεγάλη, καὶ ἀδιάλειπτος ὁδύνη τῇ καρδίᾳ μου. ³ ἠὲ χόμην γὰρ αὐτὸς ἐγὼ ^{a)} ἀνάθεμα εἶναι ἀπὸ τοῦ Χριστοῦ ὑπὲρ τῶν ἀδελφῶν μου, τῶν συγγενῶν μου κατὰ σάρκα. ⁴ οἵτινές εἰσιν Ἰσραηλίται, ὧν ἡ υἰοθεσία, καὶ ἡ δόξα, καὶ αἱ διαθήκαι ^{b)}, καὶ ἡ νομοθεσία, καὶ ἡ λατρεία, καὶ αἱ ἐπαγγελίαι. ⁵ ὧν οἱ πατέρες, καὶ ἐξ ὧν ὁ Χριστὸς τὸ κατὰ σάρκα, ὁ ὧν ἐπὶ πάντων θεὸς εὐλογητὸς εἰς τοὺς αἰῶνας. Ἀμήν.

Paraphrasis. Veritatem dico CHRISTO unitus, non mentior, rem unā mecum attestante meā sub ductu Spiritūs sancti conscientiā: magnā me affici tristitiā et animum meum in continuo esse dolore. Optarem enim, si hoc modo saluti eorum consulere possem, æterno exitio a CHRISTO separari pro salute fratrum meorum, cognatorum, inquam, meorum secundum carnem; quippe qui Israëlitæ sunt, ii, quos Deus præ aliis gentibus sibi in filios adoptavit, quos sensibili sua præsentia dignatus est, cum quibus pacta iniit, quibus legem dedit, et religiosum præscripsit cultum, et Messiam promisit; qui progenitores habent Patriarchas Abrahamum, Isacum et Jacobum; denique, ex quibus ortus est CHRISTUS secundum humanam naturam, qui Deus est super omnia, laudandus in æternum. Amen.

VARIANS LECTIO.

a) Voces istæ, αὐτός ἐγώ, leguntur post ἀνάθεμα εἶναι in Codd. ABDEFG, eaque lectio alteri præferenda est.

b) Pro Plurali αἱ διαθήκαι est Singularis ἡ διαθήκη in Codd. BDEFG.

Ex iis quæ Apostolus hactenùs docuerat *de justificatione* sive Evangelica salute *gratuitò per fidem in CHRISTUM* obtinendâ, consequebatur exclusos ab hac salute fuisse Judæos plerosque, ut qui CHRISTO fidem habere denegassent; e contra Gentiles magno jam numero ad hanc salutem fuisse admissos, ut qui CHRISTO credidissent. Atqui ea vulgò erat Judæorum falsa persuasio ut putarent, salutem a MESSIÂ afferendam ex Dei promissione pertinere, Gentilibus exclusis, ad omnes et solos Israëlitas. Itaque duplex heic erat offensio: *una*, quòd plerique Judæorum ab hac salute excidissent; *altera*, quòd Gentiles quoque illius salutis facti fuissent participes. PAULUS igitur corrigere volens falsam hanc persuasionem, deinceps (Cap. IX—XII) disputat de Judæorum a Messiana salute exclusionem, deque Gentilium ad eandem admissionem. Atque hoc logico nexu dici potest hæc pars (Cap. IX—XII) epistolæ cum prima ejus parte (Cap. I—IX) cohærere.

γ. 1. *Veritatem dico in CHRISTO, non mentior, cet.*). Dicturus ergo de Judæorum ab evangelica salute exclusionem, ne cuiquam videretur eâ de re sermonem instituere ex odio suorum popularium ut a quibus acerbissima quæque fuisset perpressus, orditur a declarando quantopere doleat vicem gentis suæ et quam impenso amore fratres suos amet. *Ἀληθειαν* (sine Articulo) *λέγω* valet Nostratium *waarheid zeg ik*, aut Gallicum *je dis une vérité*. Quod additur *ἐν Χριστῷ* non est formula juratoria quæ referat Hebraicum אֲנִי אֵלֶיךָ (Genes. XXII. 16); neque enim PAULUS scripsit *ὁμνυμι ἐν Χριστῷ* (Cf. Matth. V. 34), sed simpliciter *ἐν Χριστῷ*, nec probari potest *προμοσαι ἐν τινι* alicubi ellipticè dictum fuisse simpliciter *ἐν τινι*. Habet tamen, ut mihi quidem videtur, illa dictio *ἐν Χριστῷ* hoc loco eam vim, ut mens loquentis sit dicere: *Testis mihi CHRISTUS est, me verum dicere*. Scilicet, dicendo *ἐν Χριστῷ* Apostolus se cogitat esse IN CHRISTO tamquam mystici ejus corporis membrum, eumque sic sibi præsentem testem invocat se verum dicere. Adjecit *οὐ ψευδομαι*, id quod affirmatione dixerat, negatione replicando ad majorem veritatis obtestationem, ut 1 Tim. II. 7. Cf. Joh. I. 20.

testimonium mihi perhibente conscientia mea in Spiritu sancto). His verbis confirmat Apostolus quod modò dixerat *non mentior*. Græcè est *συμμαρτυρουσης μοι τῆς συνειδήσεως μου*, quæ verba ob Compositum *συμμαρτυρουσης* maluerim reddere *unâ mecum rem attestante conscientia meâ*, ut dicere velit Apostolus: Non mentior, nam hoc verbis dico quod mente sentio. Quod autem additur *ἐν Πνεύματι ἁγίῳ*, jungendum id est cum *συμμαρτυρουσης*, ut sensus sit: *rem simul attestante meâ sub ductu Spiritûs sancti conscientia*.

γ. 2. *quoniam tristitia mihi magna est, et continuus dolor cordi meo*). Pro *quoniam* rectius interpres noster scripsisset *quod*; nam *ὅτι* quod Græcè hic legitur, inservit ad *indicandum* quid sit id quod tantâ asseveratione affirmat. Est autem hoc: scilicet, *magna se affici tristitiâ et animum suum in continuo esse dolore*. Quam

ob rem? Tristitiæ suæ et doloris causam, quæ quidem erat Judæorum plerorumque ab Evangelica salute exclusio, in sequenti versu indicat, non tamen verbis apertis, sed tecto quodam modo, quum res odiosa esset.

ψ. 3. *Optabam enim ego ipse anathema esse a Christo pro fratribus meis, cet.*). Hoc argumento *confirmat* (γὰρ) quod dixerat antegresso versiculo, et simul doloris sui causam subindicat.—Vocem *ὑποχόμεν*, quam Vulgata reddidit *optabam*, rectius reddideris *optarem*. Vult enim PAULUS hoc argumento probare *præsentem* suum erga Judæos amorem; quem profectò malè probasset ex eo quòd *aliquando antea* *tempore* eos amasset. Simile Imperfectum legitur in hoc epistolæ ad Galatas (Cap. IV. 20): *Ἦθελον δὲ παρεῖναι πρὸς ὑμᾶς ἄρτι, καὶ ἀλλάξαι τὴν φωνήν μου*, ubi rectè Vulgata: *Vellem autem esse apud vos modò et mutare vocem meam*. Hujusmodi Imperfecta, ut monet FRITSCHIUS (ad h. l.), ad suppressam sententiam conditionalem referenda sunt ¹⁾. Sensus ergo est: *Si hoc modo possem fratrum meorum saluti consulere, optarem, cet.* *Αὐτὸς ἐγώ*, ipse ego, hoc sensu ut valeat ego, *ad me quod attinet*. Nota Apostolum scripsisse *ἀνάθεμα εἶναι* non *ὑπὸ Χριστοῦ*, sed *ἀπὸ Χριστοῦ*. Est autem *ἀνάθεμα εἶναι ἀπο Χριστοῦ*, dictum *prægnanter* pro *ἀνάθεμα εἶναι καὶ χωρίζεσθαι ἀπο Χριστοῦ*. Ab *ἀνατιθεμί* (*sursum pono*) derivata vox est *ἀναθήμα*, quo nomine a Græcis significabantur *donaria*, ut puta clypeus, phiala, alia, Diis *consecrata* ideòque in edito aliquo et conspicuo templi loco exposita vel e parietibus templi suspensa. Hoc sensu vox *ἀναθήμα* in libris sacris Novi Testamenti semel tantum occurrit in hoc Lucæ (Cap. XXI. 5): *καὶ τινῶν λεγοντῶν περὶ τοῦ ἱεροῦ, ὅτι λίθοις καλοῖς καὶ ἀναθήμασι κεκοσμηται*, cet. Pro *ἀνάθεμα*, quæ scriptura vocis Attica est, in recentiore Græcitate ²⁾ scribi solebat *ἀνάθεμα*, sub quâ formâ hæc vox in libris Novi Testamenti aliquoties legitur, sed eo sensu ut significet rem aut personam exitio *sacratam* sive devotam. Atque hoc sensu, quo respondet Hebraico *קִרְבָּן*, vox *ἀνάθεμα* in præsentī quoque loco sumenda est. Dicit ergo PAULUS: *Optarem, si hoc modo saluti eorum consulere possem, æterno exitio a CHRISTO separari pro (ὑπὲρ), salute fratrum meorum* ³⁾, cognatorum, inquam, meorum secundum carnem.

(1) Cf. KÜNNER §. 438. 3; item BERNHARDY p. 374, qui de istiusmodi Imperfectis hæc notat: *In allen solchen Fälle, geht das Imperfectum auf eine begleitende oder vorgängige Bedingung zurück, sie mag nun ausgesprochen oder aus ihm selber zu entnehmen sein.*

(2) MOERIS (p. 28 apud FRITSCHIUM ad h. l.): *Ἀνάθεμα ἀττικῶς, ἀνάθεμα ἑλλητικῶς*. Cf. LÖBECK ad PHRYNICHUM p. 249.

(3) «Hinc patet, ait CORNELIUS A. LAPIDE (ad h. l.), cuilibet viro sancto idem licere optare, scilicet, ut deleatur de libro vitæ, et separetur a fruitione et beata societate CHRISTI et sanctorum in cœlis, sine tamen sua culpa; dummodò hac ratione et conditione positâ, multi alii Deum agnoscerent, diligerent et bearentur. Hoc enim majus est Dei bonum et gloria quam sit mea unius beatitudo.... Optatio hæc PAULI pia, sancta, et efficax fuit ex parte et voluntate ipsius; ex

γ. 4—5. *qui sunt Iraēlitæ*, cet.). Græce *οἱ τιτες*, quippe qui, ut supra Cap. I. 25. Apostolus hic exponit varias (γγ. 4—5) rationes ob quas populares suos tantopere diligat, ut optaret pro iis *anathema esse a Christo*. Sunt autem petitæ rationes illæ omnes a Judaicæ Gentis præcellentia. *Israēlitæ sunt*. Hoc *Prædicato* continentur omnes quæ porro enumerantur Judaicæ Gentis prærogativæ.

quorum adoptio est filiorum). Obscurius hæc reddita sunt. Græce est composita vox *υἱοθεσία*, *adoptio*. Sensus est: Quos Deus præ aliis gentibus elegerat ac veluti in filios adoptaverat. Bene ESTIUS (ad h. l.): Apostolus, *inquit*, non eam intelligit *adoptionem*, de qua locutus fuerat capite superiori, quæ Novi Testamenti filiis propria est; dicuntur enim hæc de Judæis reprobis, quorum cæcitatem luget PAULUS; sed *adoptionem* significat, qua filios ISRAËL, præteritis aliis gentibus, sibi in peculium Deus elegerat. unde populum illum ut *filium* habuit ac fovit, multis ac præclaris in eum collatis beneficiis; imo *filium* nominavit; ut Exodi IV: *Filius meus primogenitus ISRAËL*; et iterum (ibid.): *Dimitte filium meum, ut serviat mihi.* »

et gloria). Græcè *καὶ ἡ δόξα*. Intelligitur divinæ majestatis præsentia Israēlitis olim in nube et igne conspicua¹⁾; quæ quidem gratiosa Dei præsentia Exod. XL. 34 vocatur *יהוה בְּכֹרֶת*, *ἡ δόξα τοῦ Κυρίου*. Ejus vocis loco Judæi seriores ad hanc rem indicandam usi sunt voce *שְׁכִינָה* (a שָׁכַן), h. e. *habitatio*, *cohabitatio* divina, sive Dei præsentia.

et testamentum). Græcè in Plurali, *αἱ διαθήκαι*, quæ lectio alteri præferenda est. Intelliguntur autem varia illa *pacta* (*διαθήκαι*) a Deo cum Israēlitarum progenitoribus inita, de possidenda terra CANAAN, de sacerdotio, de regno, cetera. Cf. Ephes. Cap. II. 12. Sunt interpretes qui existiment *testamenta* (*αἱ διαθήκαι*), ea hic intelligi quæ dicuntur *testamentum vetus et novum*; sed quid Judæis carnalibus, de quibus hic agitur, cum fœdere gratiæ? Alii existimarunt designari *duas tabulas*, quibus digito Deo inscripta fuere Decalogi præcepta; sed quod Israēlitæ divinitus legem

parte tamen objecti non fuit omninò absoluta et efficax. Optabat enim rem impossibilem et repugnantem ordinationi divinæ. Deus enim ordinavit ut mea salus et beatitudo sit medium ad Dei gloriam et salutem ac beatitudinem proximorum promovendam et augendam; non autem ordinavit ut privatio beatitudinis meæ sit medium et procuratio salutis alienæ, idque optimè sciebat PAULUS; unde simpliciter loquendo actus hic sive votum et optatio hæc in eo non potuit esse plane absoluta et efficax.»

(1) Exod. XIII. 21 sq. *Dominus autem præcedebat eos ad ostendendam viam per diem in columna nubis, et per noctem in columna ignis; ut dux esset itineris utroque tempore. Numquam defuit columna nubis per diem, nec columna ignis per noctem, coram populo.* Confer etiam Exod. XXIV. 17. XL. 32—36. Num. Cap. IX. 15 sqq. 3 Reg. VIII. 10—11.

acceperint, deinceps dicitur; pergit enim *καὶ ἡ νομοθεσία*, et *legislatio* (scil. Sinaitica).

et obsequium et promissa). Pro obsequium Græce est *ἡ λατρεία*, qua voco hic significatur præscriptus a Deo Israëlitis *cultus* externus, ejus potior pars sacrificiis constabat. Promissa autem (*αἱ ἐπαγγελίαι*) intelliguntur repetitæ illæ promissiones divinæ de venturo MESSIA.

quorum patres). Græcè *ὧν οἱ πατέρες* scil. *εἰσι*. Sensus est: Qui progenitores habent eximios illos sanctosque viros, Patriarchas ABRAHAMUM, ISACUM et JACOBUM.

et ex quibus est Christus secundum carnem, qui est super omnia Deus benedictus in sæcula. Amen). Postremo loco recensetur præcipua Israëlitarum prærogativa; hæc scilicet, quod ex illis¹⁾ ortus esset MESSIAS secundum humanam naturam (*τὸ κατὰ σὰρκα*). Quod dicit Apostolus secundum humanam naturam, eo præparat insequentem antithesin, qua divinam quoque MESSIÆ naturam prædicat, dicens *qui est super omnia Deus*. Quod additur, *εὐλογητός εἰς τοὺς αἰῶνας. Ἀμήν*, laudandus in æternum. Amen, doxologia est in CHRISTUM Deum-hominem.²⁾ Præsens locus imprimis notandus est ob præclarissimum CHRISTI divinitatis testimonium. Quare et antiqui Patres, ATHANASIUS³⁾, HILARIUS⁴⁾, AMBROSIIUS⁵⁾, CYRILLUS ALEXANDRINUS⁶⁾, alii, hoc Scripturæ testimonio passim usi sunt contra Arianos. Ex quo concludere licet quid dicendum sit

(1) Ex illis, scil. Israëlitis; scribitur enim *et ex quibus*; si deesset conjunctiva Particula *et*, ἐξ ὧν referendum foret ad antecessum οἱ πατέρες.

(2) Aliquantulum liberius; ceterum perspicue Syrus Interpres hunc locum sic reddidit:

ⲉⲃ ⲟⲩⲛ ⲉⲃⲣⲁⲓⲛ ⲉⲃⲣⲁⲓⲛ ⲉⲃⲣⲁⲓⲛ ⲉⲃⲣⲁⲓⲛ
ⲉⲃⲣⲁⲓⲛ ⲉⲃⲣⲁⲓⲛ ⲉⲃⲣⲁⲓⲛ ⲉⲃⲣⲁⲓⲛ
ⲉⲃⲣⲁⲓⲛ ⲉⲃⲣⲁⲓⲛ ⲉⲃⲣⲁⲓⲛ ⲉⲃⲣⲁⲓⲛ
ⲉⲃⲣⲁⲓⲛ ⲉⲃⲣⲁⲓⲛ ⲉⲃⲣⲁⲓⲛ ⲉⲃⲣⲁⲓⲛ

h. e. Ex quibus apparuit MESSIAS in carne, qui est Deus super omnia, cui (sint) laudes et benedictiones in sæculum sæculorum. Amen.

(3) Ep. ad EPICTETUM contra Hæreticos; item Orat. 1. contra Arianos.

(4) De Trinitate, Lib. VIII. 37.

(5) De Fide, Lib. 1. Cap. IX.

(6) Ῥωμαίοις δὲ πάλιν ἐπιστελλὼν, ἰνκὺι, οὕτω φησιν (ὁ Παῦλος). ἐξ ὧν ὁ Χριστὸς τὸ κατὰ σὰρκα, ὁ ὧν ἐπὶ πάντων θεὸς εὐλογητὸς εἰς τοὺς αἰῶνας. ἀμήν. Εἰ δὲ ἀνθρώπον ἠπιστάτο τὸν Χριστὸν, εἰδὲ λέγειν· ἐξ ὧν ὁ Χριστὸς τὸ κατὰ σὰρκα, ἐν ᾧ ὁ ἐπὶ πάντων θεός· νῦν δὲ τοῦτο μὲν οὐκ εἰρήκε, θεὸν δὲ τὸν Χριστὸν ἐπὶ πάντων μεγαλοφωνῶς ἀπεφῆνεν. Οὐ μὲν δὲ, ἀλλὰ γε κακῆινο διασκεψόμεθα, ὥς εἰ μὴ θεὸν ἅμα καὶ ἀνθρώπον ἠπιστάτο τὸν Χριστὸν, οὐκ ἂν εἶπεν τὸ κατὰ σὰρκα· τοῦτο γὰρ φανερώς ἐπὶ τὸν μόνον ἀνθρώπον ἀλλὰ καὶ καθ' ἕτερον τι τὴν οὐσίαν ὄντος λέγεται· ὥσπερ οὖν καὶ ἐπηγάγεν, ὁ ὧν ἐπὶ πάντων θεός· διπλὴν γὰρ ἐνταῦθα τὴν περὶ τοῦ σωτήρος ἡμῶν ὁμολογίαν παραδεδωκεν, καὶ τὸ κατὰ σὰρκα ἐπιδείξας, καὶ θεὸν ἀνακηρύξας. S. CYRILLUS ALEXANDRINUS. *Homilia de virgine Deipara*. Hoc CYRILLI opus recentissime in Codicibus Vaticanis repertum fuit editumque ab Em. Card. ANG. MAIO in *Scriptorum Veterum Nova Collectione*, Romæ, 1833. Tom. VIII. p. 118, ad calcem voluminis, sed græcè tantum; quare meam hic subijcio latinam Cyrilliani illius loci interpreta-

de HENR. MEYERO exclamante, rem notatu dignam esse, præsentem Apostoli locum a Patribus non fuisse adhibitum in controversiis cum Arianis ¹⁾.

De Accusativo το in dictione το κατα σαρκα, videsis KUHNERUM §. 557. Ann. 4. Ceterum, observandum est ὁ ὧν dici relative pro ὅς ἐστι, ut 2 Cor. XI. 31 : ὁ Θεός και πατήρ του Κυρίου Ἰησοῦ οἶδεν, ὁ ὧν εὐλογητός εἰς τοὺς αἰῶνας, ὅτι οὐ ψευδομαι; et Joh. I. 18 : ὁ μονογενὴς υἱὸς ὁ ὧν εἰς τὸν κόλπον του Πατρὸς, ἐκεῖνος ἐξηγήσατο. Confer etiam Joh. XII. 17. In dictione illa ὁ ὧν notandus est usus Articuli loco Pronominis Relativi. Qua de re vide MATTHIÄ §. 292 et KUHNER §. 482. Itaque verba ista, ὁ ὧν ἐπὶ παντῶν Θεός, Prædicatum sunt CHRISTI JESU. In dictione ἐπὶ παντῶν, vox παντῶν Neutro Genere sumenda est et referenda ad creaturarum rerum universitatem ²⁾; dicitur autem CHRISTUS Θεός ἐπὶ παντῶν, quia, sicut alibi (Coloss. I. 17—16.) docet Apostolus, ἐν αὐτῷ ἐκτίσθη τα πάντα, τα ἐν τοῖς οὐρανοῖς και τα ἐπὶ τῆς γῆς, τα ὁράτα και τα ἀόρατα, τα πάντα δι' αὐτοῦ και εἰς αὐτὸν ἐκτίσται, και ἐν αὐτῷ συνεστήκε. Verba ὁ ὧν ἐπὶ παντῶν Θεός Belgicè reddiderim *die over alles God is* : ὁ παντοκράτωρ, Apoc. XV. 3.

TISCHENDORFIUS, ERASMUS secutus, præsentis loci verba in recentissima sua Novi Testamenti Græci editione ita interpunxit : και ἐξ ὧν ὁ Χριστός το κατα σαρκα. Ὁ ὧν ἐπὶ παντῶν Θεός εὐλογητός εἰς τοὺς αἰῶνας, ἀμην. Quæ interpunctio si admittenda foret, jam nullum amplius ex hoc loco haberetur divinitatis CHRISTI testimonium, quum sic verba illa, ὁ ὧν ἐπὶ παντῶν Θεός εὐλογητός, non ad CHRISTUM sed ad Deum essent referenda. Atque ipsa hæc Rationalistarum de Paulino hoc loco sententia est; et monent, istiusmodi doxologias, qualem verba illa

tionem. « Et iterum ad Romanos scribens sic dicit (Paulus) : Ex quibus est CHRISTUS secundum carnem, qui est super omnia Deus benedictus in sæcula. Amen. Si autem hominem tantum cognovisset CHRISTUM, oportebat eum dicere : Ex quibus est CHRISTUS secundum carnem, IN quo est super omnia Deus. Nunc verò non hoc dixit, sed CHRISTUM sublimiter Deum super omnia prædicavit. Neque hoc solum, sed et illud consideremus, quod nempe si CHRISTUM non cognovisset Deum pariter atque hominem, non diceret, secundum carnem, hoc enim evidenter dicitur de eo qui non solummodo homo est sed et secundum aliud quid οὐσιωδῶς existit, quemadmodum igitur etiam adjecit, Qui est super omnia Deus. Etenim duplicem ibi de Salvatore nostro confessionem tradidit, et homi-

nem eum secundum carnem demonstrans, et eundem Deum prædicans.

(1) HENR. MEYER (*Kommentar über den Römerbrief*. Gottingen. 1836. ad h. l.) : « Merkwürdig, inquit, dass in den Arianischen Streitigkeiten kein Gebrauch von unsere Stelle gemacht ward. Erst Spätere wenden sie ausdrücklich gegen ARIUS an, zum Beyspiel, OECUMENIUS. »

(2) S. HILARIUS, *de Trinitate* Lib. VIII. 37 : « Non ignorat PAULUS, inquit, CHRISTUM Deum, dicens : Quorum patres et ex quibus CHRISTUS, qui est super omnia Deus. Non hic creatura in Deum deputatur; sed creaturarum Deus est, qui super omnia Deus est.

ὁ ὢν ἐπὶ, cet. exprimunt, nusquam de CHRISTO dici, imò nec omnino CHRISTUM a PAULO Deum vocari.

Sed WINERI isthæc interpunctio et falsissima est, et maximam arguit in editore temeritatem; nam ex Codicibus, qui quidem verborum interpunctionem habent, Wineriana illa interpunctio in uno tantum Codice 47 cernitur. Ad hæc, antiquæ versiones aut omninò eam respuunt, aut certè eidem non suffragantur. Denique ex Græcis Patribus nullus est qui in hoc loco aut interpretando aut usurpando verba Apostoli sic intellexerit ut intelligenda forent secundum Winerianam illam interpunctionem¹⁾.

(1) Negat hoc HENR. MEYERUS (ad h. l.), ut qui WETSTENIUM (ad h. l.) secutus affirmat, IGNATIUM, ORIGENEM, ATHANASIUM, BASILIUM, et GREGORIUM NYSSENUM illa PAULI verba, ὁ ὢν ἐπὶ πάντων Θεός cet., non retulisse ad CHRISTUM, sed ea habuisse pro doxologia ad Deum Patrem referendâ.

Falsa heic omnia. Nam ut ab IGNATIO ordiamur, is, quem citat WETSTENIUS, non est IGNATIUS, sed auctor epistolarum ad Tarsenses et ad Philippenses; quæ epistolæ feruntur quidem sub nomine IGNATI, sed supposititiæ sunt. Ad hæc, pseudo-Ignatius ille non agit de Paulino illo loco; imò PAULUM ne nominat quidem, sed simpliciter increpat (Ep. ad Tarsenses Cap. II et V; et Ep. ad Philippenses Cap. VII) *quosdam ministros Satanæ* (sc. Novatianos. Cf. EPIPHAN. Hær. 57), qui dicebant CHRISTUM non esse ex Virgine sed esse ipsum eum qui est super omnia Deus, negantes divinarum Personarum trinitatem.

Ad ORIGENEM verò quod attinet, apertè ille PAULINUM illum locum ad CHRISTUM refert. «Miror, inquit (Commentar. Lib. VII ad h. l.), quomodo quidam legentes quod idem Apostolus in aliis dicit: *Unus Deus Pater, ex quo omnia, et unus Dominus Jesus Christus, per quem omnia*, negent Filium Dei Deum debere dici, ne duos Deos dicere videantur. Et quid de hoc loco Apostoli (Cap. IX. 5) facient, in quo aperte Christus *super omnia Deus* esse perhibetur?

Porrò, de ATHANASIO suffecerit monuisse, eum in epistola secunda ad SERAPIONEM scripsisse in hanc sententiam: *Λιθίου τοιγαρουν οντος του Πατρος, αναγκη και τον υιον αιδιον ειπαι ὁ γαρ ανεν του Πατρι*

*νοησωμεν, ταυτα και εν τω υιω ειπαι ουκ αμφιβολου, λεγοντος αυτου του Κυριου. Παντα, ὅσα εχει ὁ Πατηρ, εμα εστι και τα εμα παντα του Πατρος εστιν. Αιωνιος γουν εστιν ὁ Πατηρ, αιωνιος εστι και ὁ υιος, δι' αυτου γαρ οἱ αιωνες γεγονασιν. Ὡν εστι ὁ Πατηρ, αναγκη και ὁ υιος, ὁ ἐπὶ παντων θεος ευλογητος εις τους αιωνας, αμην, ὡς ειπεν ὁ Παυλος. h. e. «Itaque quia æternus est Pater, necesse est Filium quoque esse æternum. Quæcumque enim in Patre esse intellexerimus, non est dubitandum quin hæc eadem sint in Filio, cum ipse Dominus dicat: *Omnia quæcumque habet Pater mea sunt*, et mea omnia Patris sunt. Itaque æternus est Pater; æternus item est Filius, siquidem per illum facta sunt sæcula. Æternum existens est Pater; æternum existens quoque est Filius, qui ὢν (æternum existens) est super omnia Deus benedictus in sæcula, Amen, ut ait PAULUS.»*

BASILIIUS itidem (adv. EUNOMIUM Lib. IV. Cap. 2) disertis verbis docet PAULI illa verba, ὁ ὢν ἐπὶ πάντων θεός ad CHRISTUM esse referenda: *Πασαν δε φιλονεικίαν αυτων, inquit, αποκλειουσιν αἱ θειαι γραφαι, Μωσεως μεν βοωντος περι του υιου ὁ ὢν με απεστειλε του δε ευαγγελιστου εν αρχη ην ὁ λογος και ὁ Παυλος ὁς ὢν απαυγασμα της δοξης και ὁς εν μορφη θεου υπαρχων και παλιν ὁ ὢν ἐπὶ παντων θεος ευλογητος. h. e. «Omnem autem ipsorum contentionem excludent divinæ Scripturæ, cum MOSES quidem clamet de Filio: *Qui est misit me*; et Evangelista: *In principio erat Verbum*; et PAULUS: *Qui cum sit splendor gloriæ*; et, *Qui cum in forma Dei esset*; et rursus, *Qui est super omnia Deus benedictus.*»*

Denique GREGORIUS NYSSENUS et ipse quoque

Quod verò dicunt Rationalistæ , doxologias , qualem præsens PAULI locus continet , nuspiam alibi de CHRISTO adhiberi , id quidem falsissimum est . Nam et similis doxologia in CHRISTUM legitur 2 Petr. III. 18 , et ipse PAULUS in posteriore epistola ad TIMOTHÆUM (Cap. IV. 18) in *Dominum* JESUM dixit : ὃ ἡ δόξα εἰς τοὺς αἰῶνας τῶν αἰώνων. *Αμην*. Scio esse qui negent posteriorem hunc locum ad CHRISTUM esse referendum ; sed eum , quem Apostolus ibi κυριον vocat , intelligendum esse τον κυριον Ἰησουν Χριστον , certum est ex contexta oratione. Conferantur (ibid.) versus octavus et vigesimus secundus.

Tandem , quod iidem affirmant CHRISTUM a PAULO nuspiam Deum vocari , id etiamsi verum esset , causam tamen eorum nihil juvaret. Fac enim , PAULUM CHRISTO passim ea tribuisse , ut re vera fecit , quæ soli Deo conveniunt , profectò non minus apertè eum sic Deum prædicasset quam si ipsum hoc nomen *Dei* eidem tribuisset. Verùm falsissimum est , CHRISTUM nuspiam a PAULO *Dei* nomine vocari . Nam , ut hoc utar , in Paulino illo sermone , quem LUCAS recitavit (Act. Ap. Cap. XX. 28), Apostolus τον Θεον vocat eum qui suo sanguine Ecclesiam sibi acquisivit . Et in epistola ad TITUM CHRISTUS vocatur a PAULO ὁ μέγας Θεός και σωτήρ ἡμῶν ¹⁾. Addantur Philipp. II. 6. Coloss. II. 9.

Rationalistarum interpretationi etiam hoc obstat , quod , si verba ista , ὃ ὦν ἐπὶ πάντων Θεός εὐλογητός εἰς τοὺς αἰῶνας· ἀμην, doxologia forent non in CHRISTUM , quod SS. Patres docent , sed in Deum Patrem , quod ipsi volunt , PAULUS non illo ordine verba sua posuisset , sed scripsisset εὐλογητός εἰς τοὺς αἰῶνας ὃ ὦν ἐπὶ πάντων Θεός , quemadmodum fecit 2 Cor. I. 3 et Ephes. I. 3. Confer etiam Luc. I. 68 et 1 Petr. I. 3. Obstat etiam hoc , quod scilicet nulla ratio apparet cur Apostolus heic doxologiam in Deum Patrem dicere voluisset , quum de Deo Patre non loqueretur , sed de CHRISTO et de gentis Israëliticæ prærogativis.

apertissimis verbis Paulinam illam doxologiam ad CHRISTUM retulit in decima sua oratione contra EUNOMIUM . Παῦλος , inquit , ὃς οὐ μόνον Θεόν , ἀλλὰ και μέγαν Θεόν , και ἐπὶ πάντων Θεόν ὀνομαζει τον Κυριον , προς μεν Ρωμαιοὺς λεγων· ὅτι ὦν οἱ πατέρες και ἐξ ὧν ὁ Χριστός το κατὰ σάρκα , ὃ ὦν ἐπὶ πάντων Θεός εὐλογητός εἰς τοὺς αἰῶνας· Προς δε τον μαθητην ἑαυτου Τιτον γραφει· κατὰ την ἐπιφανειαν του μεγάλου Θεου και σωτηρος ἡμῶν Ἰησου Χριστου. Τιμοθεῶν· δε διαρρηθὴν βόῃ· ὅτι ὁ Θεός ἐφανερωθὴν σαρκει , ἐδικαιώθη ἐν πνεύματι . h. e. « Paulus , qui non solum Deum , sed etiam magnum Deum ,

et super omnia Deum nominat Dominum ; ad Romanos quidem dicens : *Quorum patres , et ex quibus est Christus secundum carnem qui est super omnia Deus benedictus in sæcula*. Ad TITUM autem discipulum suum scribit : *In apparitione magni Dei et Salvatoris nostri JESU CHRISTI* ; et ad TIMOTHÆUM apertè clamat : *Deus manifestatus est in carne , justificatus in Spiritu*. »

(1) Vide quæ de hoc loco notavi in *Grammatica Græcitatibus librorum Novi Testamenti* , quæ nunc prælo subjecta est. Pag. 123 , sqq.

γ. 6—9. Non autem quodd exciderit verbum Dei. Non enim omnes qui ex Israël sunt, ii sunt Israëlitæ : 7 neque qui semen sunt ABRAHÆ, omnes filii : sed in ISAAC vocabitur tibi semen : 8 id est, non qui filii carnis, hi filii Dei : sed qui filii sunt promissionis, aestimantur in semine. 9 Promissionis enim verbum hoc est : Secundum hoc tempus veniam : et erit SARÆ filius.

γ. 6—9. Οὐχ οἶον δὲ ὅτι ἐκπέπτωκεν ὁ λόγος τοῦ Θεοῦ. οὐ γὰρ πάντες οἱ ἐξ Ἰσραήλ, οὗτοι Ἰσραήλ^{a)}. 7 οὐδ' ὅτι^{b)} εἰςὶ σπέρμα Ἀβραάμ, πάντες τέκνα. ἀλλ' ἐν Ἰσαὰκ κληθήσεται σοι σπέρμα. 8 τουτέστιν, οὐ τὰ τέκνα τῆς σαρκὸς, ταῦτα τέκνα τοῦ Θεοῦ. ἀλλὰ τὰ τέκνα τῆς ἐπαγγελίας λογίζεται εἰς σπέρμα. 9 Ἐπαγγελίας γὰρ ὁ λόγος οὗτος. Κατὰ τὸν καιρὸν τοῦτον ἐλεύσομαι, καὶ ἔσται τῇ Σάρρᾳ υἱός.

Paraphrasis. Quamquam verò lugeo tot Israëuitarum a Messiana salute exclusionem, nequaquam tamen dixerim irritas factas fuisse promissiones Dei de beandis Abrahamidis per MESSIAM. Neque enim omnes qui carnali propagatione ex ISRAËLE orti sunt, jam eo ipso Israëlitæ sunt tales ad quos Dei illæ promissiones pertinent. Neque omnes qui ex semine ABRAHÆ nati erant pro filiis ejus fuere habiti, sed solus ISAAC, dicente Deo ABRAHÆ : ISAAC filius et heres tuus erit. Qua re gesta typicè significabatur, eos demum pro Dei filiis censi non quos naturalis vis generandi procreasset, sed qui filii essent promissionis, hoc est qui supernaturali divinæ gratiæ virtute nascerentur. Nam divinitus promissus fuit ISAAC parentibus ad generandum ineptis hoc sermone : Ipso hoc tempore post annum revolutum redibo, et erit SARÆ filius.

VARIANS LECTIO.

a) Pro Ἰσραήλ est Ἰσραηλεῖται in Codd. DFG, et nonnullis Minusculis, eamque lectionem exhibent quoque versiones Itala et Vulgata. Lectio Ἰσραηλεῖται correctio videtur librarii, qui quum sentiret vocem Ἰσραήλ secundo loco positam referendam esse ad ISRAËLIS sive JACOBI posteros, putaverit pro Ἰσραηλεῖται mendosè scriptum fuisse Ἰσραήλ.

b) Pro ὅτι est in Vulgata *qui* ; sed putaverim auctorem Vulgatæ scripsisse *quia*, quum *ἔτι* hoc loco constanter legatur in Græcis Codicibus et antiquis versionibus. Accedit, *quia* heic lectum quoque fuisse AMBROSIO, PRIMASIO, aliis. Vide SABATIER. Nec desunt Codices Vulgatæ qui lectionem *quia* exhibent.

γ. 6. *Non autem quod exciderit verbum Dei*). Quum Judæi vulgo essent in falsa illa sententia ut putarent salutem a MESSIA afferendam ex Dei promissione pertinere, Gentilibus exclusis, ad omnes et solos Judæos, jam ex illa tot Judæorum ab illa salute exclusione, quam PAULUS deplorabat, consequi videbatur irritam factam fuisse promissionem Dei de semine Abrahæ sive Israëlitica gente per MESSIAM beandâ. Quam falsam consequentiam Apostolus hic præoccupaturus hac transitione utitur ut dicat : *οὐχ οἶον δε ὅτι ἐκπεπτῶκεν ὁ λόγος τοῦ Θεοῦ*. Quorum verborum sensus hic est : Quamquam verò lugeo tot Israëliitarum a Messiana salute exclusionem, nequaquam tamen dixerim irritas factas fuisse *promissiones Dei* (*τον λόγον τοῦ Θεοῦ*) de beandis Abrahamidis per MESSIAM.—Elliptica est hoc loco Apostoli oratio, et supplenda vox *λέγω*, *dico*. Puta PAULUM scripsisse : *οὐ λέγω δε οἶον ὅτι ἐκπεπτῶκεν ὁ λόγος τοῦ Θεοῦ*, *non dico autem* (per id quod dixi me deplorare, cet.) *quale est hoc quod exciderit verbum Dei*. Ὁ λόγος τοῦ Θεοῦ intelliguntur illæ *επαγγελίαι*, quas paulò ante (γ. 4) memoraverat. Quæ irrita cadunt promissa, *excidere* (*ἐκπιπτειν*) dicuntur, hebraica phrasi, ut videtur ¹). Confer נָפַל, *cecidit*, in illo JOSUE Cap. XXI. 45 : לֹא נָפַל דְּבַר מִכָּל הַדְּבָר הַשֵּׁב אֲשֶׁר-דִּבֶּר יְהוָה אֶל-בֵּית יִשְׂרָאֵל הַכֹּל בָּא : quæ in Vulgata liberius sic reddita sunt : *Ne unum quidem verbum, quod illis præstiturum se esse promiserat, irritum fuit, sed rebus expleta sunt omnia*. Pro simplici נָפַל plenius quoque dicebatur אֲרָצָה נָפַל *cecidit in terram*, ut in hoc 2 (Vulg. 4) Reg. X. Cap. 10 : לֹא יָפַל אֲרָצָה מִדְּבַר יְהוָה. Verbo נָפַל hoc sensu adhibito respondet בָּה, *evenit*. Metaphora unde ducta sit, non satis constat.

non enim omnes qui ex Israël sunt, ii sunt Israëlitæ). Assumptum probat (*γαρ*), monendo non omnes qui carnali propagatione ex ISRAËLE (h. e. JACOBO) orti sunt, jam eo ipso esse Israëlitæ, quos divinæ promissiones respiciant. *Neque enim omnes*, inquit, *qui ex ISRAËLE*, h. e. *ex JACOBO patriarcha* (Cf. Genes. XXXII. 28) *carnaliter sunt prognati, eo ipso jam sunt verus ISRAËL*, ISRAËL, inquam, ille ad quem propriè pertinent divinæ promissiones (ὁ λόγος τοῦ Θεοῦ. γ. 4). Vocem ISRAËL bifariam hoc versu Apostolus adhibet. Nam priori quidem loco dicitur de ISRAËLE sive JACOBO patriarcha (Cf. Genes. XXXII. 28), posteriori verò de Israëliticâ Gente ex ipso oriundâ. Quinam verò sint Israëlitæ tales ad quos divinæ promissiones pertinent, Apostolus hic nondum dicit, dicturus infra.

γ. 7—8. *Neque qui semen sunt ABRAHÆ, omnes filii, sed in ISAAC vocabitur tibi semen; id est: non qui filii carnis, cet.*). Quod antegresso versu

(1) Nam et Græcos simili modo locutos invenias. Certe PINDARUS (Pyth. VI, 37) dixit χαμαι- πετὲς ἐπος. Latinis quoque vota cadere dicuntur cum irrita fiunt.

Apostolus universè monuerat , hoc distinctius hic explicat , argumentando ex iis quæ de varia ABRAHAM prole sacra historia enarrat ; cujus historiæ typicum sensum (ψ. 8. *ΤΟΥΤΕΣΤΙΝ*) aperit.

Oeconomia salutis in regno CHRISTI sive in Ecclesia consequendæ per quædam veluti lineamenta adumbrata fuit in rebus et personis theocratici illius regni , quod exordium duxit a vocatione ABRAHÆ ex UR civitate Chaldæorum. Typicum hunc sacræ historiæ sensum Apostolus cum alibi docuit , tum etiam in præsentī loco indicat.

Filios ABRAHAM progenuit , ut sacra historia narrat , ex AGARE , ex CETURA , et ex SARA. Atqui exclusis ISMAËLE et qui deinceps ex CETURA nati sunt filiis , solus ISAAC ex SARA genitus a Deo electus est qui pro ABRAHÆ filio haberetur . Hoc Apostolus significat dum dicit : *Neque propterea quod (ὅτι) semen ABRAHÆ sunt (ex semine ABRAHÆ nati sunt) , jam eo ipso omnes qui inde nati sunt pro ABRAHÆ filiis habentur ; sed solus ISAAC pro ABRAHÆ filio habitus fuit , sicut Deus illi dixit (Genes. XXI. 12) : IN ISAAC VOCABITUR TIBI SEMEN ; h. e. ISAAC , promissionis sive gratiæ filius , hic demum , non ISMAËL , filius tuus erit et heres honorum quæ tibi sponendi.*

Erat in quo ISAACI nativitas a ceterorum ABRAHÆ filiorum nativitate differebat ; nam ceteri omnes sola naturali gignendi virtute fuere procreati , ISAAC autem progenitus fuit præter naturæ vim , a parentibus , inquam , jam per ætatem ad generandum ineptis , imo et e matre per naturam sterili ; divinitus quoque *promissus* filius erat ISAAC , non item reliqui ABRAHÆ filii. Igitur pro ABRAHÆ filio a Deo habitus is tantum fuit , qui non simpliciter ab ABRAHAMO fuerat procreatus sed hoc fuerat vi divinæ promissionis et gratiæ , qua parentibus ceteroquin ad generandum jam ineptis concessa fuit nova generandi facultas ; ut adeò ISAAC ob supernaturalem ejus nativitatem esset quodam modo filius Dei. Erat autem , interprete Apostolo (ψ. 8) , ISAACI hæc nativitas figura sive typus illius nativitatis , qua ex ABRAHAMO nati renasci debebant quotquot futuri essent participes salutis a MESSIA afferendæ. Cum ergo Abrahamidæ sive Israëlītæ , ad quos quidem promissa ABRAHÆ Messiana salus pertineret , ii demum essent qui divinâ gratiâ adeoque supernaturaliter essent nati , eaque nativitas penderet a fide MESSIÆ habendâ , consequbatur id quod erat probandum , scilicet , *verbum Dei non excidisse* (ψ. 6) , quamquam Israëlitarum plerique a participatione MESSIANÆ salutis fuissent exclusi , quum hi , utpote increduli adeoque nec sicut ISAAC supernaturaliter nati , non ii essent Israëlītæ , ad quos *Dei illud verbum* pertinebat.

(1) Nota , Apostolum hoc loco verba S. Scripturæ ista , *εν Isaac κληθησεται σοι σπέρμα* , orationi suæ inseruisse , nulla præmissâ formulâ , quâ moneret lectores , irè se Scripturæ effatum aliquod adductum. Adduxit autem secundum Versionem Sep-

tuaginta-viralem , quæ hic verbotenus refert Hebraicum *בְּרַצְחָךְ יִקְרָא לְךָ יִשְׂרָאֵל* , In (personâ) ISAAC vocabitur tibi (in Dativo Commodi) semen = proles , filius.

MESSIAS in propria venerat, sed sui magnam partem eum non receperant. Quotquot autem receperunt eum, dedit eis potestatem filios Dei fieri, his, qui credunt in nomine ejus; qui non ex sanguinibus, neque ex voluntate carnis, neque ex voluntate viri, sed ex Deo nati sunt. Joh. I. II. 13 11—13.

Typicum historiæ ISMAELIS et ISAACI sensum de quo diximus, Apostolus aperit (γ. 3) hisce verbis: *Id est, non filii carnis*, h. e. non ii qui humana tantum et naturali generatione ABRAHÆ filii sunt, jam eo ipso quoque *sunt filii Dei* ¹⁾, *sed illi demum pro Dei filiis censentur* (λογιζεται εις σπέρμα) *qui filii sunt promissionis*, hoc est, nati supernaturali divinæ gratiæ virtute.²⁾

Σαρκος est Genitivus causæ sive originis: quos caro genuerit. Dictio λογιζεται εις, reputari in, refert Hebraicam לְנַחֲשֵׁב.

γ. 9. *Promissionis enim verbum hoc est: secundum hoc tempus veniam; et erit SARÆ filius*). Typica Apostoli argumentatio in eo nitebatur quod natus esset ISAAC non naturalibus parentum ad procreandum viribus, sed divinæ promissionis gratiâ atque virtute. Hoc ergo hic *probat* (γὰρ) Apostolus; sed cum historia esset notissima, contentus est tribus verbis lectorum suorum animos revocare ad memoriam rei Geneseos Capite XVIII. 9—16 enarratæ. Quæ autem inde affert, verba sunt angeli ex persona Dei ad ABRAHAMUM loquentis. Ceterum locum adduxit non verbotenùs, sed ad sensum. Nam in versione Septuaginta-virali legitur ibi: επαναστρεφων ἤξω προς σε κατα τον καιρον τουτον εις ὥρας, και ἔξει υἱον Σαρῶρα ἡ γυνη σου. Hebræus autem habet: וְהָיָה בֶן לְשָׂרָה אִשְׁתְּךָ ³⁾ בְּעֵת חַיָּהָ; שׁוּב אֲשׁוּב אֵלֶיךָ בְּעֵת חַיָּהָ; quo loco בְּעֵת חַיָּהָ

(1) Etiam hoc, quod Apostolus hic dicit *filii Dei* non vero *filii ABRAHÆ*, argumento est, eum typicum historiæ sensum hic aperire. Idem conficitur ex eo quod dicit in Plurali τέκνα της επαγγελίας, quum secundum historiæ litteram unus ISAAC fuerit τέκνον της επαγγελίας.

(2) THEODORETUS (ad h. l.): Καλει δε σαρκος μεν τεκνα, τα κατα την της φυσεως ακολουθιαν γεγεννημενα. επαγγελίας δε, τα κατα χαριν παρεσχημενα. h. e. *Vocat autem carnis quidem filios, qui naturæ propagatione sunt geniti; promissionis autem, qui ex gratia dati sunt.*

(3) Voces בְּעֵת חַיָּהָ in Vulgata redditæ sunt *vita comite*. Quam versionem minime probaverim, tum quòd Hebraica verba eam non ferunt (Cf.

2 Reg. Cap. VI. 171: וַתֵּחֶר הָאִשָּׁה וַתֵּלֶךְ בֵּן לְמוֹעֵד חַיָּה בְּעֵת חַיָּה אֲשֶׁר-דָּבָר אֵלֶיהָ אֶל-יֵשַׁע.) tum etiam quòd dicere *vita comite* non convenit illi qui ibi cum ABRAHAMO loquebatur. Itaque putem hoc loco interpretem nostrum verba Scripturæ non satis recte reddidisse; sicut a sensu Scripturæ aberravit quoque Sophon. III. 18, ubi Hebraica מְמוֹעֵד נִיגֵי אֶסְפְּתִי reddidit *nugas qui a lege recesserant congregabo*; atqui vox נִיגֵי (Particip. Nikt. a נִיגָה pro נִיגֵי, ut Thren. I. 4 נִיגֹתָ pro נִיגֵי, Syntaxis ut בֹּי חֹסֵי Ps. II. 12) vertenda erat *mæstos* ut est apud LXX: τους συνημιμηνους. Satis autem mirari nequeo HIERONYMUM in Commentario ad hunc SOPHONIE locum scribere potuisse: « *Id quod diximus NUGAS, sciamus in Hebræo ipsum Latinum esse sermonem, et propterea a nobis ita, ut in Hebræo erat, positum.* »

proprie valet *quando* (כִּי temporis) *hoc* (præsens) *tempus* (הַיּוֹם) erit *rius* (הַיּוֹם), i. e. Quando revixerit, redierit præsens dies ¹⁾. Nota כִּי valere כִּי . Illo sensu LXX quoque voces כִּי intellexerunt; nam reddunt *κατα τον καιρον τουτον* ²⁾.

ψ. 10 — 13. Non solum autem illa : sed et REBECCA ex uno concubitu habens, ISAAC patris nostri. ¹¹ Cum enim nondum nati fuissent, aut aliquid boni egissent, aut mali, (ut secundum electionem propositum Dei maneret) ¹² non ex operibus, sed ex vocante dictum est ei : ¹³ Quia major serviet minori, sicut scriptum est : JACOB dilexi, ESAU autem odio habui.

10 — 13. Οὐ μόνον δὲ, ἀλλὰ καὶ Ῥεβέκκα ἐξ ἐνὸς κοίτην ἔχουσα, Ἰσαὰκ τοῦ πατρὸς ἡμῶν. ¹¹ Μήπω γὰρ γεννηθέντων, μηδὲ πραξάντων τι ἀγαθὸν ἢ κακὸν ^{a)}, ἵνα ἡ κατ' ἐκλογὴν τοῦ Θεοῦ ^{b)} πρόθεσις μένη, ¹² οὐκ ἐξ ἔργων, ἀλλ' ἐκ τοῦ καλοῦντος, ἐρρέθη αὐτῇ· Ὅτι ὁ μείζων δουλεύσει τῷ ἐλάσσονι. ¹³ καθὼς γέγραπται· Τὸν Ἰακώβ ἠγάπησα, τὸν δὲ Ἡσαὺ ἐμίσησα.

Paraphrasis. Non solum verò SARÆ filius typicè hoc docuit, sed docuit etiam REBECCA, cum ex uno ISAACO patre nostro concepisset. Nam pueris nondum natis adeoque nec boni aut mali quidquam operatis, ut immobile esse cognosceretur Dei secundum electionem factum propositum, factum, inquam non propter opera sed gratuito, ideò REBECCÆ divinitus dictum fuit : Major natu serviet minori; sicut de hæc JACOBI præ ESAU prælatione scriptum est apud MALACHIAM : JACOB dilexi, ESAU autem odio habui.

VARIANS LECTIO.

a) Pro κακον est φαυλον in Codd. AB.

b) Voces του Θεου leguntur post vocem προθεσις in Codd. ABDEFGJK multisque Minusculis ac plerisque antiquis versionibus.

(1) Verba כִּי כִּי ψ. 9 in versione Septuagintavirali reddita sunt *κατα τον καιρον τουτον εις ωρας*. Videtur autem illud *εις ωρας* a glossatore quopiam illic illatum fuisse ex versu decimo quarto, ubi *εις ωρας* respondet Hebraico לְמוֹצַיִת . Nota, promissi-

onem Angeli Genes. XVIII. ψ. 9 relatam ibidem iterum legi versu decimo quarto; sed pro אֲשֶׁר כִּי אֲשֶׁר quod illic legitur, est hic לְמוֹצַיִת כִּי אֲשֶׁר , quæ verba LXX reddiderunt : *Εις τον καιρον τουτον αναστρεψω προς σε εις ωρας*.

§. 10. *Non solum autem illa : sed et REBECCA ex uno concubitu habens ISAAC patris nostri*). Opponi poterat Apostolo , ISAACUM et ISMAËLEM ex diversis matribus fuisse genitos ; ISMAËLEM ex AGARE ancilla ; ISAACUM verò ex SARA libera uxore ; adeoque nec debuisse ISMAËLEM pro ABRAHÆ filio et herede reputari. Apostolus ergo hanc exceptionem præoccupaturus alio utitur argumento et eo quidem ducto a typicis personis JACOBI et ESAVI , ex quibus Deus , jam antequam in lucem editi fuissent , alterum tantum voluisset pro filio et herede haberi , quamquam uterque ab eodem patre eademque matre SARA , libera uxore , imo et gemelli fuissent procreati. Ex quo profectò consequabatur , pro veris Abrahamidis reputatos fuisse non eos qui hoc tantum essent carnali propagatione , sed eos quos gratuita Dei electio ad hoc designasset. Atque ita , translata ro a typo ad antitypum , thesin suam Apostolus firmissime probaverat.

Versio Vulgatæ hoc loco , ut nunc ibi legitur , nullum habet intellectum. Notat ESTIUS (ad h. l.) , veteres Bibliorum , ut vocant , *Concordantias* ut et nonnullos Codices exhibere *non solum autem* , nec addere *το illa* ; item Codices non paucos , suffragantibus iterum Concordantiis , pro *patris nostri* exhibere *patre nostro*. Observat idem , proclive fuisse librariis ut *concubitum* , quod ex Græco hic legendum est , mutarent in *concubitu* , propter antegressum *ex uno*. Græci codices , nullâ lectionis varietate , constanter hic habent : *ου μονον δε , αλλα και 'Ρεβεκκα εξ ενος κοιτην εχουσα , Ισαακ του πατρος ημων*. Quare credibile non est , sic a principio hunc locum in Vulgata lectum fuisse , ut nunc ibi legitur. Si putemus primitivam lectionem fuisse hanc , *Non solum autem , sed et Rebecca ex uno concubitum habens , Isaac (Isaaco) patre nostro* , omnia rectè habent , et Vulgatæ versio Græco textui ad amussim respondet.

Sermo Apostoli in præsentī loco bis imperfectus est ; nam et quod dicit *ου μονον δε* dictum est per Ellipsin , et reliqua quoque hujus versûs oratio , quum Verbo Finito careat , pariter manca est. Puta Apostolum voluisse dicere : *Ου μονον δε Σαρρα τουτο δεικνυσι , αλλα και 'Ρεβεκκα* , cet. , ut sensus sit : *Non solum verò SARA (SARÆ filius typice hoc quod dico docet) , sed docet hoc etiam REBECCA ex uno viro (εξ ενος) genituram (κοιτην) habens , ex ISAACO , inquam , patre nostro*.

Κοιτη (*α κειω , κειμαι*) primum notat *cubile* , *lectum* (Luc. XI. 7) , et mox *thalamum conjugalem* (Hebr. XIII. 4) ; hinc autem translata vox est ad ipsum *coitum* veracunde significandum , ut infra Cap. XIII. 13 , et Sapient. Cap. III. 13. In præsentī verò loco quum dicatur *κοιτην εχειν εκ τινος* , vocem *κοιτη* putaverim respondere Hebraico כִּבְּתָ , quo sensu hoc vocabulum legitur Levitic. Cap. XX. 13 ; pro voce כִּבְּתָ illo sensu adhibita , alibi (Levit. XV. 17) dicitur כִּבְּתָ זָרָע , quod LXX reddunt per *κοιτη σπερματος*. — Genitivi *Ισαακ του πατρος* Appositio sunt ad *ενος* , pendentque ab antegressa Præpositione *εκ*.

ψ. 11—13. Cum enim nondum nati fuissent, aut aliquid boni egissent aut mali, cet.) Hic probat (γαρ) Apostolus id quod modò (ψ. 10) dixerat: *ἀλλὰ καὶ Πεβεῖκα*, cet. Ad formam orationis (ψ. 11—12) quod attinet, notandum est, Protasin contineri verbis *μηπω*—*κακον*, Apodosin autem inchoari a verbis *ἐνα ἡ κατ' ἐκλογην*; denique, præmitti propositionem illam *finale* *ἐνα ἡ κατ' ἐκλογην* cet., quam a fine totius hujus orationis expectasses. Sensus est: *Nam pueris* (JACOBO et ESAVO) *nondum natis* (*γεννηθεντων* scil. *αυτων*) (Genes. XXV. 23), adeoque neque boni aut mali quidquam operatis (*πραξαντων*), ut firmum esse cognosceretur (*ἐνα μενη*) *Dei secundum electionem factum propositum* (*ἡ κατ' ἐκλογην προθεσις του Θεου*), factum non propter opera sed gratuitò (*ἐκ του καλουντος*), ideò REBECCÆ (*αυτη*) divinitus dictum fuit: *Major natu serviet natu minori*; sicut de hac prælatione JACOBI præ ESAVO scriptum est apud MALACHIAM: *JACOB dilexi, ESAU autem odio habui*.

Subjectum Participiorum *γεννηθεντων* et *πραξαντων* ex versu undecimo (*ὁ μειζων*, cet.) intelligitur. Voces *κατ' ἐκλογην* non sunt jungendæ cum insequenti *μενη*, sed cum voce *προθεσις*¹⁾, quam illud *κατ' ἐκλογην* ad modum Adjectivi afficit; nam scribitur, præmisso Article, *ἡ κατ' ἐκλογην προθεσις*. Porro quod ibi dicitur, *οὐκ ἐξ εργαων, ἀλλ' ἐκ του καλουντος*, jungi nequit cum *ἐρρεθη αυτη*; nam si hoc voluisset Apostolus, aut aliâ usus esset orationis conformatione, aut certe pro *ἀλλ' ἐκ του καλουντος* dixisset *ἀλλὰ χαριτι του καλουντος*. Cf. Cap. XI. 6. Pariter nec potest illud *οὐκ ἐξ εργαων, ἀλλ' ἐκ του καλουντος* jungi cum *μενη*; nam, quid tandem, quæso, hoc sit, *propositum Dei firmum esse* (*μενη*) *non ex operibus sed ex vocante*? Relinquitur ergo ut verba ista, *οὐκ ἐξ εργαων, ἀλλ' ἐκ του καλουντος*, jungantur cum *ἡ κατ' ἐκλογην προθεσις του Θεου*; idque ita ut proxime pertineant ad vocem *προθεσις*, quæ adeò *Dei προθεσις* hic, sicut 2 Tim. Cap. I. ψ. 9, dicitur esse *prorsus gratuita*; nam hoc significatur per verba ista: *non ex operibus sed ex vocante*.

Dicitur autem illud *propositum Dei tale quod factum sit secundum electionem*, (*ἡ κατ' ἐκλογην προθεσις*), quia cum potuisset ad hanc gratiam admittere *qualescumque*, non hoc fecit, sed decrevit admittere *electos tantum*; elegit autem *omnes qui essent credituri*²⁾; et præscivit quinam futuri essent tales ut vocanti ad fidem obtemperarent; quorum fides tamen non habitura erat rationem aliquam meriti, cujus causâ gratia illa ipsis obtingeret, sed mera foret *conditio sine qua non*. Nam ea

(1) Legendum est non του Θεου προθεσις sed προθεσις του Θεου, ut jam diximus; itaque nec jungendum est κατ' ἐκλογην cum του Θεου.

(2) Confer ψψ. 31—33, et porro Cap. X. 4—13. XI. 20—23.

est illa Dei προθεσις , ut sit ουκ εκ εργαων αλλ' εκ του καλουντος , non ex operibus , sed ex pura vocantis misericordia¹⁾.

Quod dicit Apostolus ενα μενη , logicè hoc sumendum est , sicut supra Cap. II. §. 4 γενεσθω , et ibid. §. 19 γενηται , et Cap. III. §. 26 εις το ειναι. Neque enim in Deum cadit facere aliquid in eum finem ut aliquod ejus propositum *firmum sit* ; sed potest aliquid facere in eum finem ut aliquod ejus propositum esse *firmum* ab hominibus *cognoscatur*. Illa verò κατ' εκλογην προθεσις του Θεου intelligitur *Dei decretum quo statuit perditum humanum genus ex mera sua bonitate et clementia per Christum restituere in viam salutis*. Confer quæ diximus supra pag. 269. Vocationem ad hanc salutem , hoc est , ad Evangelium Christique gratiam non pendere a carnali ab ABRAHAMO origine aut a cujuspiam operibus (ουκ εξ εργαων) , sed a pura vocantis Dei gratia (εκ του καλουντος) et misericordia , hoc , interprete Apostolo , typicè divinitus declaratum fuerat , primùm quidem in ISAACO electo præ ISMAËLE , et iterum , ad ostendendam hujus propositi firmitatem , in JACOBO electo præ ESAVO.

Quod hic priori loco Apostolus adducit Scripturæ testimonium , depromptum est hoc ex libro Geneseos Cap. XXV. 33 , ubi legimus REBECCAM cum in utero materno conceptos fœtus inusitato motu veluti conflictare sensisset , eâ de re sollicitam consuluisse JEHOVAM , illique divinitus responsum fuisse in hanc sententiam : *Duæ gentes sunt in utero tuo , et duo populi ex ventre tuo dividuntur , populusque populum superabit , et major (natu) serviet (natu)²⁾ minori*. Quæ verba ad duas gentes , Israëliticam et Idumæam , ita pertinent , ut tamen ipsi quoque harum Gentium satores , JACOBUS et ESAVUS , unâ spectentur ; patet hoc ex postremis illius oraculi verbis istis , *major serviet minori* ; ubi voces illæ , *major* et *minor* , commodè non nisi ad ætatem referri possunt. PAULUM quoque præsens oraculum ad ipsas JACOBI et ESAVI personas retulisse , manifestum est ex contexta ejus oratione ; nam cum dicit *major serviet minori* , eos profectò cogitat de quibus modò in principio præsentis periodi (§. 11) dixerat : *cum nondum nati essent pueri*.

Alterum quod ibi recitat Apostolus Scripturæ testimonium (JACOB dilexi , ESAU autem odio habui) ex MALACHIA (Cap. I. 3) depromptum , per solitam formulam *sicut scriptum est* , in confirmationem prioris testimonii ab eodem adducitur. Rectè ; nam et MALACHIE ille locus ita ad gentes Israëliticam et Idumæam pertinet , ut tamen utriusque

(1) Confer illud 2 Tim. I. 9 : qui nos liberavit et VOCAVIT VOCATIONE SUA SANCTA , non secundum opera nostra sed secundum propositum suum et gratiam (h. e. secundum gratuitum suum propositum).

(2) Gen. XXV. 24 : Jam tempus pariendi advenerat , et ecce gemini in utero ejus reperti sunt. Qui prior egressus est , rufus erat , vocatumque est nomen ejus ESAU. Protinus alter egrediens plantam fratris tenebat manu ; et idcirco appellavit eum JACOB.

gentis satores, JACOBUS et ESAVUS, unà et primùm quidem spectentur. Memorat enim ibi Deus per os prophetæ, qualiter jam ab ipsa gentis origine Israëlitas dilexerit. In quam sententiam Hieronymus quoque Malachiæ locum interpretatus est, Dei illa verba, JACOB dilexi ESAU autem odio habui, hac periphrasi exponens: *Ut cetera taceam, et quod nuper de Babylonica captivitate venistis, incunabula vestra tractabo: antequam nascere-mini, imo priusquam REBECCA utero suo ESAU et JACOB funderet, in JACOB vos dilexi, in ESAU Idumæos odio habui.*

Exposuit ergo Apostolus, ex duobus ISAACI filiis iisque gemellis, ESAVO et JACOBO, nullo eorum merito sive bono sive malo, alterum præ altero a Deo, fuisse electum qui inter Abrahamidas recenseretur; ex quo novo argumento patebat, non omnes qui carnali propagatione ab ABRAHAMO ducerent originem jam eo ipso pro Abrahamidis a Deo fuisse habitos, sed eos dumtaxat quos gratuita Dei electio ad hanc felicitatem vocasset, quique adeo ab ipso Deo filii ABRAHÆ constituerentur. Hinc vero, translata re a typico populo Dei ad anti-typicum, consequebatur id quod Apostolus assumerat probandum (v. 6), scilicet, *quod Israëuitarum plerique exclusi essent a Messiana salute, non ideò putandum esse irritam factam fuisse promissionem Dei de semine Abrahæ per Messiam beando.*

Operæ pretium fuerit hic observasse, quam longe a mente Apostoli adeòque a vero Scripturæ sensu aberraverint qui ex præsentī potissimum loco efficere voluerunt, Deum homines certo numero quosdam, quorum typus sit JACOB, ad æternam gloriam prædestinasse, idque decreto absoluto adeòque *ante prævisa*, ut ajunt, ipsorum *merita*, ea, puta, quæ gratiæ cooperando sibi parassent. At, si JACOB sit typus prædestinatorum, profecto ESAU vicissim typus erit reprobatorum; et quemadmodum illi dicendi sint absoluto decreto ad æternam gloriam destinati, ita et hi vicissim dicendi erunt absoluto decreto ad æternum destinati supplicium. Nam quod ibi dicitur *cum nondum nati essent aut aliquid boni egissent aut mali*, id profectò eodem jure tam ad JACOBUM pertinet quam ad ESAVUM; et si *diligere sit ad æternam prædestinare gloriam*, id quod in Antithesi dicitur *odio habere*, quid aliud sit quam *ad æternum prædestinare supplicium*? Atque hoc sensu Calvinistæ¹⁾, Prædestinatos²⁾

(1) Ut MARCKIUS (*Exercit. Vet. Test.* Amstelodami 1700. Exercit. IV. p. 299): *Hinc, inquit, PAULUS argumentum petiit ad asserendam personalis electionis et reprobationis divinæ summam absolutamque a præviso bono et malo omni libertatem.*

(2) Prædestinatorum Heresin, quæ sæculo V Ecclesiam turbavit, commentitiam esse, probare conatus est JANSENIUS Yprensis in Tractatu de

Hæresi Pelagiana, quem præmisit AUGUSTINI sui libro octavo (ad Cap. 23). Eidem causæ patrocinatus quoque est CABASSUTIUS, secundum quem semi-Pelagiani Catholicis affinxissent falsa quædam dogmata, quasi ex AUGUSTINI doctrina consectanea, eosque tamquam hæreticos sub nomine Prædestinatorum traduxissent. PETAVII autem (*De Prædestinatione* Lib. IX. Cap. II. 2), hac de re judicium tale est: «Non approbo, inquit, illorum conjecturam, qui Prædestinatorum

secuti, illud *ESAU autem odio habui* reapse interpretantur indèque docent, *Deum absoluto decreto, adeoque ex solo suo beneplacito absque ulla prævii peccati prævisione, homines certo numero quosdam positivè reprobasse*. A qua blasphema impietate catholici interpretes quotquot sunt abhorrent omnes, quamquam eorum plures in ea sunt sententia ut credant *PAULUM* hoc loco reapse docere hinc quidem *prædestinationem ad gloriam ante prævisa merita*, illinc vero reprobationem sed ejusmodi quæ facta sit *post prævisa mala merita*; et *JACOBUM* quidem gerere typum prædestinatorum, reprobatorum autem *ESAVUM*. Quâ verò exegeticâ ratione ex hoc loco efficiant, prædestinationem ad gloriam fieri *ante prævisa merita*, prædestinationem autem ad supplicium *post prævisa merita*, illorum nemo, quod sciam, exponere conatus est.

Sed ad propositum redeamus. Nam ex ea quam fecimus præsentis loci exegetica expositione, ostendere volebamus quam sint a vero Scripturæ sensu remoti interpretes illi qui verba ista, *JACOB dilexi, ESAU autem odio habui*, ad æternam prædestinationem et reprobationem referunt voluntque *JACOBUM* quidem ibi gerere typum prædestinatorum, reprobatorum autem *ESAVUM*. Et verò *MALACHIÆ* illa verba, *JACOB dilexi, ESAU autem odio habui*, nequaquam dicta sunt de æterna utriusque fratris salute aut interitu, neque agitur ibi de *salvifico* Dei erga *JACOBUM* et *ESAVUM* amore, sed de ejusdem erga eos amore *benefico*, quo, ad temporalia et terrena bona quod attinet, *JACOBO* posthabuit ¹⁾ *ESAVUM*. Contexta *MALACHIÆ* oratio (§. 3 *et posui montes ejus in solitudinem*) apertissimè hoc indicat. Patet hoc quoque ex antegresso effato (*major serviet minori*), cujus probandi causâ *MALACHIÆ* illa verba *Apostolus* adduxit. Nam ad temporalem felicitatem effatum illud referendum esse, indubium est. Legatur *Genes. XXVII. 29*, ubi *ISAAC JACOBO*: *Esto*, inquit, *Dominus fratrum tuorum*, *ESAVO* autem (§. 37): *Dominum tuum illum constitui, et omnes fratres ejus servituti illius subjugavi*; quibus verbis quum *ESAU* constituatur *servus*, eo ipso excluditur a paterna hereditate, Deo volente ut hæc obtingeret soli *JACOBO*, quem et voluit, *ESAVO* neglecto, pertinere unâ cum *ABRAHAMO* et *ISAACO* ad populum suum electum.

Sed et ex scopo *Apostoli* et ex tota contextâ præsentis loci oratione refellitur sen-

hæresin nullam in rerum natura fuisse putant, sed meram *Augustinianæ* doctrinæ calumniam.... Apparet *AUGUSTINI* quidem sententiam ab æmulis et obtrectatoribus hac infami appellatione traductam esse, non tamen idcirco nulli exstiterunt, qui, quod scriptores a nobis supra laudati referunt, illâ *AUGUSTINI* opinione freti extra *Catholicæ* fidei regulas procederent. Quemadmodum non ideo nulli vel *Eutychiani* vel *Nestoriani* fuerunt, quod *Catholicos* in medio positos utroque nomine ex di-

verso appellarent contrariæ invicem hæreses. Igitur *Prædestinatos* proprium quemdam errorem habuisse ex *LUCI* præbyteri recantatione verisimile est.»

(1) Quod ibi dicitur *odio habui*, comparative dictum est valetque *minus amavi*; de qua loquendi ratione confer *Genes. XXIX. 31. Deuteron. XXI. 15—16. Luc. XIV. 26. Joh. XII. 25.*

tentia illorum qui dicant sermonem ibi esse de æterna prædestinatione et reprobatione. Nihil enim aliud ibi agit Apostolus quam ut doceat, ex eo quòd Israëlitæ quis sit et ad typicum Dei populum pertineat, non jam eo ipso illum pertinere ad populum Dei antitypicum sive Christianos habereque jus ad gratiam evangelicam; sed quemadmodum in typico Dei populo illi demum habebantur pro Abrahamidis qui ad hanc felicitatem gratuita electione a Deo vocabantur, ut, ISMAELE excluso, vocatus fuit ISAAC, et JACOB, excluso ESAYO, — ita quoque fieri in antitypico Dei populo, ut scilicet ad hunc nemo pertineat nisi qui divinitus ad hanc felicitatem vocetur, quæ quidem vocatio pariter prorsus gratuita sit, minime vero hoc pendere ab eo quod quis natus sit Israëlitæ; adeoque *ex eo quod Israëliitarum plerique exclusi essent a Messiana salute, nequaquam inde conficiendum esse irritam factam fuisse promissionem Dei de semine Abraham per Messiam beando.* Itaque Apostolus de prædestinatione ad gloriam aut de reprobatione ne verbo quidem loquitur, sed *tantum agit de gratuita ad evangelicam gratiam vocatione.* Il ergo qui ex præsentī ¹⁾ loco firmare conantur sententiam suam de prædestinatione ad gloriam *ante prævisa merita* sive prorsus gratuita, illi in hoc interpretationis vitium incidunt ut ex iis quæ Apostolus de gratuita ad evangelicam gratiam electione disseruit, suo Marte, nullo exegetico jure conficiant, *gratuitam* pariter esse *electionem ad gloriam æternam* eamque unā hic ab Apostolo doceri; quæ interpretandi ratio profectò improbanda est etsi auctorem habet S. AUGUSTINUM. ¹⁾

(1) Is, quem hic tractavimus, Scripturæ locus imprimis urgetur ab iis qui propugnant *prædestinationem ad gloriam ante prævisa merita*. De iis verò Scripturæ testimoniis, quæ præterea adducuntur ab illius sententiæ patronis, dicturi sumus ad calcem præsentis Capituli.

(2) Rectissimè PETAVIUS (*De Prædestinatione* Lib. X. Cap. 1. 5): De solâ, *inquit*, vocatione ad Evangelium Christique fide m̃t gratiam propositum est Apostolo scribere. Electio vero ad gloriam non-nisi consequenter et ex accidenti locum habet in illa disputatione, quatenus quos vocat, et quibus gratiam istam Evangelii ac vocationis impertit, non alium in finem destinât, quam salutem et gloriam. Non tamen necesse est eodem modo disponi et ordinari utrumque, ut ad gloriam una sit atque ad gratiam perveniendi ratio... Ad gratiam vocari homines ac trahi nullis suis meritis, sed absoluta Dei voluntate, inter omnes convenit; ut qui aliter sentiat, non Catholicus sed Pelaginus habeatur. Ad salutem autem et sempiternam

gloriam destinari eosdem ex prævisione honorum operum ac meritorum, salva integritate fidei complures existimant. Quare non est consequens, ea quæ PAULUS de vocatione ad Evangelium et CHRISTI fidem docuit, de electione ad gloriam et salutem interpretari. Quod tamen argumentando sumpsit AUGUSTINUS ac pro concessio habuit. Nisi enim id certo persuasisset sibi, non ex illis verbis Apostoli concludisset perinde ad gloriam destinari eligique homines a Deo ex sola voluntate et gratuita propensione, atque ad gratiam et evangelicam fidem. Atqui si ea mens fuisset Apostoli, atque ita judicassent Romani Pontifices et Ecclesia ipsa in Synodalibus decretis loquens; cum ex illis PAULI testimoniis primam gratiam nullis ex meritis destinari statuebant, idem etiam de gloria ipsa constituissent, et AUGUSTINI sententiam hac etiam ex parte ratam esse jussissent. Quod quia minime fecerunt, et disertè, præter gratiam, cetera doctorum arbitrio ac disputationi permiserunt, evidens est, de æterna salute nullam ab Apostolo mentionem illuc habitam fuisse. »

γ. 14—18. Quid ergo dicemus? numquid iniquitas apud Deum? Absit. 15 MOYSI enim dicit: Miserebor cuius misereor: et misericordiam præstabo cuius miserebor. 16 Igitur non volentis, neque currentis, sed miserentis est Dei. 17 Dicit enim Scriptura PHARAONI: Quia in hoc ipsum excitavi te, ut ostendam in te virtutem meam: et ut annuntietur nomen meum in universa terra. 18 Ergo cuius vult miseretur, et quem vult indurat.

γ. 14—18. Τί οὖν ἐροῦμεν; μὴ ἀδικία παρὰ τῷ Θεῷ; Μὴ γένοιτο. 15 Τῷ γὰρ Μωϋσῇ λέγει· Ἐλεήσω ὃν ἂν ἐλεῶ, καὶ οἰκτειρήσω ὃν ἂν οἰκτείρω. 16 Ἄρα οὖν οὐ τοῦ θέλοντος, οὐδὲ τοῦ τρέχοντος, ἀλλὰ τοῦ ἐλεοῦντος Θεοῦ. 17 Λέγει γὰρ ἡ γραφή τῷ Φαραῳ· Ὅτι εἰς αὐτὸ τοῦτο ἐξήγειρά σε, ὅπως ἐνδείξωμαι ἐν σοὶ τὴν δύναμίν μου, καὶ ὅπως διαγγέλῃ τὸ ὄνομά μου ἐν πάσῃ τῇ γῇ. 18 Ἄρα οὖν ὃν θέλει ἐλεεῖ, ὃν δὲ θέλει σκληρύνει.

Paraphrasis. Quid igitur inde colligemus? Num putemus, injustum esse Deum in hac agendi ratione? Absit! Ipse enim MOYSI dicit: *Beneficia mea nemini debeo; benignum me præsto cui volo, et cuius misereri volo, ejus misereor.* Itaque Dei gratiam consequi non pendet ab humano desiderio aut studio, verum ex libero beneplacito miserentis Dei. Nam, ut ab exemplo negatæ gratiæ rem confirmem, PHARAONI Deus dicit: *Hoc sine incitavi te ad mihi resistendum, ut ostenderem in te potentiam meam et prædicaretur nomen meum in universa terra.* Ergo, unius miseretur, alterum reddit pervicacem, pro suo beneplacito; neque ulla est in hac agendi ratione injustitia.

γ. 14—15. Quid ergo dicemus? numquid iniquitas apud Deum? Absit. MOYSI enim dicit: Miserebor, cet.) Apostolus in antegressa disputatione (6—14) significaverat, vocationem ad gratiam evangelicam esse prorsus gratuitam nec pendere a cuiuspiam rectè aut pravè factis. Hinc verò nonnemo intulerit, iniquum videri Deum, ut qui probè factis hanc gratiam non rependat. Apostolus ergo falsam hanc illationem repulsurus, eandem per interrogationem proponit, præmissâ formulâ *τί οὖν ἐροῦμεν*, ut supra Cap. III. 5 et VI. 1. Sensus est: *Quid igitur (οὖν h. e. cum res ita sit ut dixi γγ. 6—14) inde colligemus? An non sit injustitia in hac Dei erga homines agendi ratione? Absit!* Falsam illationem Apostolus, adhibitâ solitâ formulâ *μὴ γένοιτο*, cum detestatione rejicit; et statim (γ. 15) cur rejiciat rationem reddit (γὰρ) ex Scripturæ aliquo effato ostendens, *Deum beneficia sua nemini DEBERE.* Quæ ibi adducuntur Scripturæ verba, leguntur Exod. Cap. XXXIII. γ. 19; dicta autem fuere ad MOYSEN cum is a Deo petivisset *ut illi ostenderet gloriam suam*. Hebraice ibi est: *הִנֵּנִי אֶת־אֲשֶׁר אֶתֵּן יְרַחֲמִי אֶת־אֲשֶׁר אֶרְחֶם*, quæ verba Latine reddiderim: *Faveo cui faveo, et misereor cuius misereor.* Cujus interpretamenti rationes exponere longum sit, nec in præsentī necessarium est.

γ. 16. *Igitur non volentis neque currentis, sed miserentis est Dei*). Infert (αρα ουν) ex Dei illo effato (γ. 15), *Dei gratiam consequi non pendere ab humano desiderio* (του θελοντος) aut studio (του τρεχοντος), verum ex libero beneplacito miserentis Dei. Ad formam orationis quod attinet, nota ex antegresso effato sumendum esse το ελεηθῆναι (bege-nadigd worden) misericordiam consequi, et supplendum εστι. Puta PAULUM scripsisse ita: "Αρα ουν το ελεηθῆναι ουκ εστι του θελοντος ουδε του τρεχοντος, αλλα εστι του ελεοῦντος Θεου. Dictio autem ειναι τι τινος inter alia plura etiam significat aliquid ex aliquo pendere. Cf. KUHNER §. 517. Quod dicit Apostolus του τρεχοντος, currentis, Metaphorâ utitur desumptâ a stadiodromorum contentione, ut fecit sæpe alibi.

γ. 17. *Dicit enim Scriptura PHARAONI: Quia in hoc ipsum excitavi te, cet.*) Id quod modò (γ. 16) intulerat, hic confirmat (γαρ) sed a contrario; scilicet Deum beneficia sua nemini debere ostendendo ex negatâ PHARAONI abundantiori gratiæ mensurâ. Nam PHARAO, qui alibi (Exod. VIII. 15. IX. 35) ipse indurasse cor suum dicitur, hic (γ. 18) a Deo esse induratus eatenus tantum intelligendus est, quatenus Deus, concessâ illi gratiâ quæ cooperanti ad recte operandum suffecisset, gratiam uberiores negavit neganti cooperari, atque ita hominem in malo obdurari permisit, vel, si ita loqui mavis, obduravit; de qua Scripturæ loquendi ratione conferenda sunt quæ notavimus supra Cap. 1, 24 (pag. 35. sqq.) ad verba ista: tradidit illos Deus in immunditiam.

Sed jam ipsa PAULI verba inspiciamus. *Dicit, inquit, Scriptura Pharaoni*. Est hic quædam sermonis improprietas, ut Gal. III. 8; neque enim Scriptura locuta est PHARAONI, sed MOYSES ex persona Dei. "Οτι non est pars recitandi testimonii sed est ὅτι recitativum. Vide supra ad Cap. III. 10. pag. 87. Scripturæ testimonium quod ibi recitat Apostolus, depromptum est ex libro Exodi Cap. IX. 16; sed Apostolus illud hic recitat paulò aliter quam apud Septuaginta legitur. Nam pro eo quod PAULUS dicit εις αυτο τουτο εξηγειρα σε, apud Septuaginta est ἐνεκεν τουτο διετηρηθης, propter hoc conservatus es (in vita). In Hebraico texto legitur hic הִצַּמְתִּיךָ (feci consistere te, Hikt. a הִצַּר), quod ob contextam ibi orationem¹⁾ omninò reddendum est incolumem te servavi, quo sensu eam vocem reddiderunt Septuaginta. Concinit Chaldæus, qui vertit אֲרַמְתִּיךָ stare feci te. Quod autem dicit PAULUS εξηγειρα σε, illud non rectè aliter reddideris quam excitavi te, ut est in Vulgata. Quamnam verò notionem huic voci Apostolus hoc loco subicere voluerit, non parum disputatur. Ego quidem existimaverim,

(1) Versus 15 et 16., quibus illa quam dico fuissesque deletus de terra; veruntamen ideo te contexta oratio continetur, minus recte redditi stare feci (הִצַּמְתִּיךָ, incolumem hactenus te fuere in Vulgata. Equidem Hebraica sic reddere servavi) ut tibi potentiam meam demonstrarem. maluerim: Nam jam nunc extendissem manum et ut prædicaretur nomen meum in universa terra, meam et percussissem te populumque tuum peste

quæ et antiquorum nonnullorum sententia est, ex mente PAULI illud ἐξηγειρά σε eo sensu hic sumendum esse ut valeat *incitavi te*, scilicet *ad resistendum mihi*. Atque hanc interpretationem quodammodo postulat collectio Apostoli ista (γ. 18) : *Ergo cujus vult miseretur, et quem vult indurat*; nam ex hac collectione patet eum verbo ἐξηγειρειν hoc loco notionem subjecisse talem ex qua το σκληρυνειν logicè consequeretur. Legitur autem vox ἐξηγειρειν hac *excitandi* notione adhibita etiam 2 Macc. XIII. 4 et apud HERODIANUM (Lib. I. 6. 6. V. I. 6. apud ADALB. MAIER ad h. l.)¹⁾. Ceterum, *incitare ad malum* Deus hic dicitur, sicut mox (γ. seq.) dicitur *hominem indurare*; quod quo sensu intelligendum sit, ibidem dicemus.

ut ostendam in te virtutem meam, et ut annuntietur nomen meum in universâ terra.) Consecutio Temporum postulabat ut verteretur : *ut ostenderem.... et ut annuntiaretur*, cet. Illis autem verbis exprimitur *in quem finem* (ὅπως) DEUS PHARAONEM incitaverit ad resistendum. Et finis hic erat ut *in personâ PHARAONIS* (εν σοι), stupendis ad vincendam ejusdem pervicaciam patrandis miraculis, *potentiam suam* (την δυναμιν μου) ostenderet, atque ita fieret ut nominis sui fama divulgaretur (διαγγελη) in toto orbe terrarum.

γ. 18. *Ergo cujus vult miseretur, et quem vult indurat*). Generalis est conclusio ex utroque (γ. 15 et γ. 17) Scripturæ loco. Ut autem absoluta sit argumentatio, ex γ. 14 mente addas : *ergo nulla est apud Deum injustitia*; nam hoc Apostolus probandum suscepserat²⁾. Ceterum observa, ellipticam heic esse PAULI orationem; nam, ut plena esset, scribendum erat : *Αρα ουν ὃν θελει ελεειν, ελεειν ὃν δε θελει σκληρυνειν, σκληρυνει*. Mens autem Apostoli est dicere : Ex utroque illo, quod recitavi, Dei de se effato consequitur, Deum in conferendo gratiæ suæ beneficio agere pro sua libertate et arbitrio.—Potuisset Deus, si hoc illi placuisset, uberiores PHARAONI concessisse gratiam et talem quæ hujus pervicaciam certo fregisset; noluit autem ita cum PHARAONE agere hominemque suæ malitiæ permisit, et hoc fecit ad finem op-

(1) Ex recentioribus interpretibus ADALB. MAIER (ad h. l.) quoque in hanc sententiam præsentem locum interpretatus est : *Man nimmt ἐξηγειρειν besser, inquit, im Sinne AUFREGEN, nämlich zur widersetzlichkeit; ZUM WIDERSTANDE ERWECKEN, was dem Sprachgebrauche und dem gefolgertem σκληρυνειν entspricht.*

(2) Præsens locus adhiberi potest ad probandam

omnimodam gratuitatem gratiæ justificationis. Nam is qui *jam est* justificatus, docente Ecclesiâ (Trid. Sess. VI. Can. 32), mereri potest augmentum gratiæ sanctificantis. Ex quo consequitur eum per justificationem acquirere jus ad gratias actuales, quæ necessariae sunt ad opera bona perficienda ex quibus illud augmentum pendet. Cf. PERRONE. Tract. de Gratia. Part. III. Cap. IV.

timum ¹⁾ suâque omnia regente providentiâ dignissimum. *Indurasse* autem Deus PHARAO-
NEM eatenus dicitur ²⁾, quatenus per ea omnia quæ ad frangendum pervicacem ejus ani-
mum benigne ab illo præstita fuerant, quibusque et poterat et debuerat animus ejus
emolliri ad obedientiam, negatâ ei uberiori illâ gratiâ quæ ejusdem pervicaciam certò
superasset, occasio imo et causa *negativa* ³⁾ exstitit illius obdurationis ⁴⁾; atque eo quoque
sensu sumendum est id quod suprâ (ψ. 17) dicitur: *incitari te* (ἐξεγειρα σε),
scil. ad mihi resistendum.

ψ. 19--21. Dicis ita-
que mihi: Quid adhuc
queritur? voluntati enim
ejus quis resistit? ²⁰ O
homo, tu quis es, qui
respondeas Deo? Num-
quid dicit figmentum ei,
qui se finxit: Quid me
fecisti sic? ²¹ An non
habet potestatem figulus
luti ex eadem massa fa-
cere aliud quidem vas in

ψ. 19--21. Ἐρεῖς οὖν
μοι· Τί ἐτι μέμφεται;
τῷ γὰρ βουλήματι αὐ-
τοῦ τίς ἀνθέστηκε;
²⁰ Μενούγγε α) ὦ ἄν-
θρωπε, σὺ τίς εἶ ὁ
ἀνταποκρινόμενος τῷ
Θεῷ; μὴ ἐρεῖ τὸ πλάσ-
μα τῷ πλάσαντι· Τί
με ἐποίησας οὕτως; ²¹
ἢ οὐκ ἔχει ἐξουσίαν
ὁ κεραμεὺς τοῦ πηλοῦ

Paraphrasis. Ad id quod
dixi, *pervicaces reddit quos
vult*, mihi ergo ita repones:
*Quum ipse Deus illos reddat
pervicaces, cur idem adhuc
eosdem reprehendit? Pervica-
ciam istorum sibi imputet, non
ipsis! nam voluntati ejus quis
resistere potest?* Imo verò,
O homuncule, quin tu mihi
dicito: tu quis tandem es,
qui responsas Deo? quum
tantillus tu sis, pudeat te ob-
loqui Deo conditori tuo! Num-
quid licebit vasi fictili fictori
suo dicere: cur mihi hanc
dedisti formam? Aut num
forte potestatem non habet

(1) BOETIUS (Lib. IV. De consolat. Philosophiæ):
*Sola, inquit, est divina vis, cui mala quoque
bona sunt, cum competenter eis utendo, boni ali-
cujus inde elicit effectum. Ordo enim quidam cuncta
complectitur, ut quod ab assignata ordinis rati-
one discesserit, hoc idem, licet in alium, tamen
in ordinem relabatur; ne quid in Providentiæ reg-
no liceat temeritati.*»

(2) Probè notandum est, in illo Scripturæ loco
ubi PHARAO-NIS enarratur historia, frequenter quo-
que dici, PHARAO-NEM ipsum suum indurasse ani-
mum. Vide Exod. VIII. 15. IX. 34. Confer etiam
Cap. X. 3, et XIII. 15.

(3) Confer quæ notavimus supra ad Cap. 1. ψ. 24.
p. 35, sq.

(4) In hanc sententiam Card. TOLETUS quo-
que præsentem locum interpretatus est. « Di-
citur Deus indurare, inquit, quando permittit
hominem in sua malitia perseverare, et secundum
eam agere; ipso enim non permittente, nemo
malus malè ac perversè ageret. Igitur non emol-
lire cor hominis nec a malitia retrahere est indu-
rare hominem. Sic induravit Deus cor PHARAO-
NIS, quem sivit et reliquit in populum Judæorum
invehi, ipsumque affligere; tot etiam ac tantis
signis editis non credere nec moveri ut popu-
lum dimitteret.»

honorem , aliud verò in ἐκ τοῦ αὐτοῦ φυρά- figulus in terram figlinam
contumeliam ? ματος ποιῆσαι ὃ μὲν ut non liceat illi ex eadem luti
εἰς τιμὴν σκεῦος , ὃ massa fingere aliud quidem
δὲ εἰς ἀτιμίαν ; vas in usus honestos , aliud
verò in sordidos ?

VARIANS LECTIO.

a) Dictio ista μενούγγε abest a Codd. D*EFG , sed legitur in Codd. D**JK et in plerisque versionibus antiquis ; item apud ORIG. CHRYS. THEOD. alios ; et Codd. AB exhibent μενουυ. Itaque censuerim eam dictionem ad genuinam PAULI scripturam pertinere.

γ. 19. *Dicis itaque mihi : Quid adhuc (Deus) queritur ? Voluntati enim ejus quis resistit ?*) Fingit Apostolus , esse qui ex eo quod modò (γ. 18) dixerat , quem vult indurat , jam inferat , Deum injuriâ culpâre induratos , quandoquidem ipse velit eos esse tales ejusque voluntati nemo resistere possit. — Quæ hic leguntur verba sic explicaverim : *Dices (ἐρεῖς) itaque (οὖν , h. e. quoniam dixi : et quem vult indurat) mihi : Cur (τι) Deus adhuc (ετι , h. e. postquam ipse voluit eos esse induratos) queritur (μεμφεται , h. e. culpat , reprehendit , scil. induratos) ? Pervicaciam istorum sibi imputet , non ipsis ! nam (γαρ) voluntati ejus quis resistere potest (ἀνθέστηκε) ?*

Τί, cur , ut Luc. XX. 23. *Τί* ibi positum est in *Accusativo Adverbiali* , de quo videsis KUENERUM §. 557 , et BERNHARDY p. 130. — Particula *ετι* hoc loco , ut et supra Cap. III. 7 , non temporaliter sed *logicè* significat. — *Μεμφεται* Hesychio valet *αἰτιᾶται* , *ἐξουθενεῖ* , *καταγινώσκει*. Utrumque , et *Subjectum* (Deus) et *Objectum* (induratos) Verbi *μεμφεται* , ex contexta oratione (γ. 18) intelligebatur. — *Ἀνθεστηκε* , *resistit* , (ab *ανθιστημι*) forma Præteriti est cum notione Præsentis , ut *οἶδα* (*novi*) quod valet *scio*. Hac de re videsis WINERUM §. 41. 4. b. MATTHIÄ §. 211.

γ. 20—21. *O homo , tu quis es , qui respondeas Deo ? Numquid dicit figmentum , cet.)*. Quid PAULUS ad illam (γ. 19) expostulationem ? Non statim ad eam respondet , sed primum retundit taliter expostulantis impudentiam , deinde verò (γ. 22—24) recta solutione id quod objectum fuerat expedit. Sensus versiculorum vigesimi et sequentis hic est : *Imo verò (μενούγγε) , O homuncule , tu quis es qui responsas (ὁ ανταποκρινόμενος) Deo (τῷ Θεῷ) , (qui êtes-vous donc , qui con-*

testez avec Dieu , qui osez répliquer a Dieu?)? q. d. O homuncule , quum tantillus sis , pudeat te obloqui Deo conditori tuo !— Quam verò turpe sit creaturam obloqui Deo creatori declarat adhibitâ similitudine vasis figlini , quod cum figulo suo expostulet cur se in hanc potius quam in aliam formam finxerit. Quam similitudinem per interrogationem proponit , quod quidem orationi ejus majorem quamdam vim conciliat¹). Dicit ergo : *Numquid licebit vasi fictili (το πλασμα) fictori suo (τω πλασαντι) dicere (ερεϊ) : Cur mihi hanc dedisti formam? Aut num forte potestatem non habet figulus in terram figlinam, ut non liceat illi ex eadem massa fingere aliud quidem vas in usus honestos, aliud verò in sordidos?* Qua similitudine, ut ex contexta oratione patet, nihil aliud Apostolus intendit quam docere dilucidius quam turpe sit homini disceptare cum Deo ; quod et S. CHRYSOSTOMUS ad præsentem epistolæ locum observat et diligenter explicat¹). Itaque MASSA quæ hic dicitur , lutea massa simpliciter intelligitur ; nec dubitamus pro erroneâ habere interpretationem AUGUSTINI existimantis , Apostolum massam ibi intellexisse naturam humanam originali peccato infectam. Audiatur PETAVIUS , qui postquam notavit præsentem PAULI locum imprimis usurpari ab *absoluti decreti* propugnatoribus , sic dicere pergit : « Hunc locum , inquit , AUGUSTINUS sic passim accipit , ut ex eo concludat , Deum sola inductum voluntate sua , quos libitum est ad æternam salutem eximere et detrahare de corrupta et damnable massa : alios in ea relinquere ac reprobare. Massam enim intelligit genus omne hominum ac naturam ipsam , non ex sese ac secundum id quod a Creatore primum accepit , sed ut primi nostri vitio parentis infecta , tota in labem ac damnationem incurrit....Atque hæc Apostolici dicti illius explicatio , ut massa in similitudinem assumpta non naturam simpliciter multitudinemque hominum significet , sed peccato contaminatam depravatamque naturam ; tum ut vasorum ex illa massa dissimilium molitio , prædesti-

(1) Eadem similitudo in Scripturis Veteris Testamenti occurrit : Isaïæ XXIX. 16 : Μη ερεϊ το πλασμα τω πλασαντι , κ. τ. λ. ; et iterum Cap. XLV. 9 : μη ερεϊ ο πληος τω κεραμεϊ , κ. τ. λ.

(2) S. CHRYS. Hom. XVI. in Ep. ad Rom. ad h. l. : Ενταυθα ου το αυτεξουσιν αναιρων τουτο λεγει , αλλα δεικνυς μεχρι ποσου δει πειθεσθαι τω Θεω. Εις γαρ το τον Θεον απαιθειν ευθυνας , ουδεν μαλλον του πληου διαχεισθαι δει. Ουδε γαρ μονον αντιλεγειν ου χρη , ουδε ζητειν , αλλ' ουδε φθεγγεσθαι ολως , ουδε εννοειν , αλλ' εοικεναι εκεινω τω αψυχω και ταις χερσιν επομενω του κεραμεως , και περιαγομενω όπουπερ αν εκεινος εβηλη. Εις τουτο γαρ μονον το υποδειγμα ελαβεν , ουκ εις την της πολιτειας επιδειξιν , αλλ' εις την υποτεταγμενην υπακοην και σιγην. Και τουτο πανταχου δεϊ παρατηρειν , οτι τα υποδειγματα ου

παντα καθολου δεϊ λαμβανειν , αλλα το χρησιμον αυτων εκλεξαμενους και εις οπερ παρειληπτει , το λοιπον απαν εαν. h. e. Hic non liberum arbitrium tollens hoc dicit , sed ostendens quousque Deo obtemperandum sit. Nam ad exigendas a Deo rationes non magis quam lutum paratum esse oportet. Non modo enim contradicere non oportet nec quæstiones movere , sed etiam ne loquendum quidem omnino est nec cogitandum ; sed similem esse oportet luto inanimato , figuli manibus obtemperanti et quò ille velit circumacto. Ad hoc enim solum hoc exemplo usus est , non ad instituti vitæ declarationem sed ad subditam obsequentiam et silentium. Et hoc ubique observandum : exempla non in universum assumenda esse , sed quò usu venit eligendum ad quam rem assumptum est , ac reliquum totum missum faciendum esse. »

natio sit aliorum hominum ad æternam salutem, aliorum ad interitum, — AUGUSTINUM habet auctorem, ante quem nemini prorsus Græcorum Latinorumve, post illum verò nec omnibus istis (Latinis), nec illorum (Græcorum) cuiquam ita PAULUM interpretari placuit.¹⁾

Μενοῦνγε heic dictio *corrigentis* est ut et Luc. XI. 28, ubi recte Vulgata *quin imo*; est et *affirmantis*¹⁾, ut infra Cap. X. 18. Ceterum quod a fronte sententiæ ponitur, hoc ad usum serioris Græcitatæ pertinet. Exempla collegit WETSTENIUS (ad h. l.). Legesis etiam LOBECKIUM ad PHRYN. p. 342. Apostrophē illam, *ὦ ἀνθρώπε*, quum sit revocantis hominem ad suæ vilitatis considerationem, explicaverim: *O homuncule!* Hoc sensu eam vocem adhibuit CICERO cum scriberet (Ep. Tam. IV. 5): *Hem! nos homunculi! indignamur si quis nostrum interiit, cum uno loco tot oppidorum cadavera projecta jaceant.* — *Ἀνταποκρινεσθαι* est *respondendo contradicere*³⁾, ut Luc. XIV. 6. Latinorum *responsare*, quum *respondendi* simul et *repugnandi* notionem habeat, præsentī loco satis convenit. — *Μὴ ἔρεῖ*, *Futurum* est latine reddendum per Præsens conjunctivi: *num dicat.* — *Του πηλου* jungendum est non cum proximo *ὁ κεραμευς* sed cum antegresso *ἐξουσιαν*. Recte hoc jam viderunt interpretes Syrus⁴⁾ et Arabs⁵⁾. Nimirum fit nonnumquam, maxime in epistolis Paulinis, ut Genitivus interposito aliquo vocabulo separetur a Nomine abs quo pendet, exempli gratiâ 1 Tim. III. 6; Ephes. II. 3, alibi. *Εἰς τιμὴν* et *εἰς αἰτίαν* referuntur ad vasorum usus varios, *honestos* aut *sordidos*. Cf. 2 Tim. II. 20 et Sapient. XV. 7.

γ. 22—24. Quod si Deus volens ostendere iram, et notam facere potentiam suam, sustinuit in multa

γ. 22—24. *Εἰ δὲ θεῶν ὁ Θεὸς ἐνδείξασθαι τὴν ὀργὴν καὶ γνωρίσαι τὸ δυνατόν*

Paraphrasis. Quid verò iniqui sit in hoc, quod Deus vasa iram suam merita utque talia ad interitum parata, multâ longanimitate tulit, tan

(1) De *Prædestinatione* Lib. X. Cap. 1. VIII.

أَو لَنْ مَكَلَمِي قَسْرًا كَلَّ مَلَكِي (4)

(2) Cf. KÜNNER §. 840. g.

h. e. Aut non est dominium habens figulus in lutum suum?

(3) S. CHRYS. Hom. XVI in Ep. ad Rom. (ad h. l.): Οὐκ εἶπε, σὺ τις εἶ ὁ ἀποκρινόμενος τῷ Θεῷ ἀλλ' ὁ ἀνταποκρινόμενος, τοῦτεστιν, ὁ ἀντιλέγων, ὁ ἐναντιούμενος. Το γὰρ εἶπεν, ὅτι οὕτως εἶδει, καὶ οὕτως εἶδει, ἀνταποκρινόμενου ἐστίν. h. e. Non dixit, tu quis es qui respondes Deo, sed ὁ ἀνταποκρινόμενος, hoc est, qui contradicis, qui resistis. Nam dicere, sic esse oportebat, vel non sic esse oportebat, contradicentis est.»

أَوْ لَعَدَّ الْفَاحِرَانِي لَيْسَ كَلَّ (5)

سُلْطَانٌ عَلَى الطِّينِ *

h. e. Aut fortasse figulo non est dominium in lutum?

patientia vasa iræ, apta in interitum, ²³ ut ostenderet divitias gloriæ suæ in vasa misericordiæ, quæ præparavit in gloriam. ²⁴ Quos et vocavit nos non solum ex Judæis, sed etiam ex Gentibus,

αὐτοῦ, ἤνεγκεν ἐν πολλῇ μακροθυμίᾳ σκεύη ὀργῆς κατηρτισμένα εἰς ἀπώλειαν, ²³ καὶ α) ἵνα γνῶρίσῃ τὸν πλοῦτον τῆς δόξης αὐτοῦ ἐπὶ σκεύη ἐλέους, ἃ προητοίμασεν εἰς δόξαν, ²⁴ οὓς καὶ ἐκάλεσεν ἡμᾶς οὐ μόνον ἐξ Ἰουδαίων ἀλλὰ καὶ ἐξ ἐθνῶν.

dem verò confregit, volens hac agendi ratione hinc quidem ostendere vindicativam suam justitiam notamque facere suam potentiam, illinc verò manifestare eximiam suam benignitatem erga vasa misericordiam suam experta, quæ per hoc præparavit ad consequendam salutem æternam; quæ vasa misericordiæ sumus nos, quos ut per justificationis gratiam ad gloriam præparavit. ita etiam ad fidem vocavit tam ex Judæis quam ex Gentibus.

VARIANS LECTIO.

a) Particulam καὶ hoc loco exhibent Codices unciales omnes, si Codicem B excipias; ut adeò non sit dubitandum quin καὶ ad genuinam PAULI scripturam pertineat.

γ. 22—24. *Quod si Deus volens ostendere iram, et notam facere, cet.).* Illic jam Apostolus quem sibi finxit (γ. 19) adversarium directè refellit idque ita ut responsum suum accommodando ad materiam quam tractat, scilicet ad Judæorum a Messiana salute exclusionem et Gentilium ad illam salutem admissionem, ostendat in hac Dei agendi ratione nihil esse iniqui.

Ad directum illud responsum fit transitio per Particulam δε. Sed statim observa, imperfectam esse PAULI orationem; caret enim Apodosi et quidem tali: *Quæ tandem iniquitas est in hac Dei agendi ratione?* Quæ Apodosi excipere debebat verba (γ. 24) ἀλλὰ καὶ ἐξ ἐθνῶν. Ibi vero Apostolus, dum id quod dixerat variis Scripturarum testimoniis it probatum, Apodosin omittit. Simili modo anapodotica est oratio Joh. VI. 62 et Act. XXIII. 9. Quo facilius præsentis loci sensum exponamus, omissam illam Apodosin vertemus in Protasin, et Protasin in Apodosin. Ergo quod dicere vult Apostolus tale est: *Quid*

verò (δε) *iniqui sit in hoc, quod*¹⁾ *Deus vasa iram suam merita* (σκευη οργης) *atque utpote talia ad interitum parata* (κατηρτισμενα εις απωλειαν) *multa longanimitate* (εν πολλη μακροθυμια) *tulit* (ηνεγκε) *atque toleravit*²⁾, *tandem verò confregit*³⁾, *volens* (Θελων) *hac agendi ratione hinc quidem ostendere vindictivam suam justitiam* (την οργην αυτου) *notamque facere suam potentiam* (το δυνατον αυτου), *illinc verò manifestare eximiam suam benignitatem* (τον πλουτον της δοξης αυτου)⁴⁾ *erga vasa misericordiam suam experta* (επι σκευη ελεους), *quæ per hoc præparavit ad consequendam salutem æternam* (ἃ προητοιμασεν εις δοξαν), *cet.*

Deus, docente Apostolo, vasa iræ longanimitèr tolerata tandem confregit, in eoque duplicem finem habuit: unum, ut manifestaret iram suam et potentiam, hoc est, vindictivæ suæ justitiæ potentiam; alterum, ut vicissim manifestaret eximiam suam benignitatem. Unus illorum finium enunciatur per verba ista, *Θελων ενδειξασθαι την οργην και γνωρισαι το δυνατον αυτου*, alter autem finis, variatâ formâ orationis, exprimitur verbis istis: *και ενα γνωριση τον πλουτον της δοξης αυτου*. Si pro *και ενα γνωριση* Apostolus scripsisset *και Θελων γνωρισαι*, eâdem formâ orationis utrumque illum finem expressisset. Causa mutatæ formæ orationis esse potuit, quia utrumque illum finem assignavit non continuo sermone sed interrupto per illud *ηνεγεν — απωλειαν*. Puta Apostolum verba sua posuisse hoc ordine atque hac syntaxi: *ει δε ο Θεος σκευη οργης κατηρτισμενα εις απωλειαν ηνεγκεν εν πολλη*

(1) Græcè est *ει*; sed *ει* ibi valet *quod*, ut 1 Cor. IX. 11. Cf. VIGERUM Cap. VIII. Sect. VI. III.

(2) Vox *ηνεγκε* per se non notat *sustinuit, toleravit*, sed habet eam notionem quia componitur cum vocibus *εν πολλη μακροθυμια*.

(3) Quod ea tandem confregerit, Apostolus non hic dixit quidem, sed tamen sensit, ut constat ex loco parallelo (Cap. XI. 20—22): *Propter incredulitatem fracti sunt; tu autem fide stas. Vide ergo bonitatem et severitatem Dei; in eos quidem qui ceciderunt; severitatem; in te autem bonitatem Dei*. Et vero ex mente Apostoli τὸ tandem verò confregit heic esse supplendum, etiam inde constat, quòd ex Dei longanimitate patescat non ira Dei, sed ejusdem bonitas et benignitas improbos ad pœnitendum alliciens, dicente Apostolo (Cap. II. 4—5): *An divitias bonitatis ejus*

et patientiæ et longanimitatis contemnitis? Ignoras quoniam benignitas Dei ad pœnitentiam te adducit? secundum autem duritiam tuam et impœnitens cor thesaurizas tibi iram.

(4) In dictione *τον πλουτον της δοξης* vox *δοξα* Dei *benignitatem* notat. Quæ interpretatio ne cui arbitraria videatur, monendum est, orationem in præsentī loco esse antitheticam, et sicut sibi opponuntur *εις δοξαν* et *εις απωλειαν*, ita pariter sibi opponi *οργην* Θεου et *τον πλουτον της δοξης αυτου*, atque adeò oppositionis rationem postulare ut vox *δοξα* versu 23 priorī loco posita ad Dei referatur *benignitatem*. Simili modo vox *δοξα* interpretanda est in hoc epistolæ ad Ephesios (Cap. III. 16): *ut det vobis secundum divitias gloriæ suæ* (κατα τον πλουτον της δοξης αυτου) *virtute corroborari per Spiritum ejus in interiorem hominem*. Intelligitur ergo Dei *δοξα*, *majestas*, ut conspicua in eximia ejusdem benignitate.

μακροθυμία, θελών ενδειξασθαι την οργην και γνωρಿಸαι το δυνατον αὐτου και θελών γνωρಿಸαι τον πλουτον της δοξης αὐτου, cet. Ex punitione incredulorum magis elucescit beneficium gratiæ collatum iis qui credentes fuere justificati.

Σκευη, *vasa*, utroque loco intelliguntur non instrumenta quibus aliquid fit ¹⁾, sed vasa quæ aliquid in se recipiunt, ut hic, *iram*. Confer illud Cap. II. 5: *Theaurizas tibi iram*. Dementâ autem Metaphorâ, σκευη, *vasa*, sunt Judæi aut *increduli* aut *credentes*.

Οργη est Dei *ira* quam sibi contraxerunt Judæi increduli, et per quam exclusi fuere a salute Messiana. Constat hoc ex loco parallelo, qui legitur infra Cap. XI. 20. Illa Dei *ira* ibidem (ψ. 22) Dei *αποτομία*, *severitas*, dicitur. Ελεος est Dei *miseri-cordia*, quam Judæis qui crediderant exhibuit, conferendo illis gratuitò nulloque eorum merito gratiam justificationis. Confer Cap. XI. 20. Dei hæc misericordia ibidem vocatur ejusdem *χρηστοτης*, *bonitas*. Igitur Judæi increduli sunt ibi *vasa iræ*, et Judæi credentes *vasa misericordiæ*. Jam *vasa* illa *iræ* dicuntur ibi *κατηρτισμένα* (Particip. Passiv. sumptum *adjectivaliter*) *εις απώλειαν*, hoc est, *ad sempiternam perniciem*, quippe *vasa iræ*, *parata* (tout prêts, tout disposés). *Vasa* autem *miseri-cordiæ* Deus ibi dicitur *præparasse* (ὁ προητοιμασεν) *ad gloriam* sive salutem sempiternam (*εις δοξαν*), puta misericorditer nihil tale merentibus largiendo justificationis gratiam, quæ *præparatio* est ad æternam salutem hujusque veluti inchoatio. Itaque *præparare ad gloriam* tantumdem est ac *justificare et per justificationem ordinare ad gloriam*. Ipsam autem justificationem præcessit gratuita ad fidem *vocatio* ²⁾; quam *vocationem* Apostolus hic quoque memorat, adjiciens οὗς και εκάλεσεν ἡμᾶς ³⁾, ubi pro ὧς (scil. σκευη) scriptum est οὗς per Attractionem insequentis ἡμᾶς. Sensus est: quæ *vasa misericordiæ* sumus nos, quos ut per justificationis gratiam ad gloriam præparavit, ita etiam ad fidem vocavit (*και εκάλεσεν*) tam ex Judæis quam ex Gentibus.

(1) Hoc sensu ab ISAIA XIII. 8 Medi et Persæ vocantur כְּלֵי מָוֶת *vasa iræ*, h. e. instrumenta iræ divinæ ad perdendam Babyloniam.

(2) Cf. Cap. VIII. 30: quos vocavit, hos et justificavit.

(3) Nota, non dici οὗς και ἡμᾶς εκάλεσεν, sed οὗς και εκάλεσεν ἡμᾶς. Itaque Particula και non afficit ἡμᾶς sed εκάλεσεν. Ceterum intelligitur *vocatio* cui obtemperarunt *vocati*; id quod facere noluerunt illi *vocati* de quibus queritur Salvator (Matth. XXIII.

37): *Jerusalem, Jerusalem, quæ occidis Prophetas et lapidas eos qui ad te missi sunt, quoties volui congregare filios tuos, quemadmodum gallina congregas pullos suos sub alas, et noluisti. Qui vero vocati ad fidem vocanti obtemperarunt atque ita consecuti sunt gratiam justificationis, hanc tamen consecuti non sunt merito suæ fidei, sed prorsus gratuitò, ut adeò fides fuerit non causa meritoria eorum justificationis sed conditio sine qua non.*

Superest ut dicam cur existimem Participium *κατηρτισμενα* heic sumendum esse *adjectivaliter*; id quod et Vulgatæ auctor existimavit, quum *κατηρτισμενα* reddiderit per *apta*. Igitur, si *κατηρτισμενα* sumas tamquam *participialiter* dictum, necesse est ut mente addas *ὑπ' αὐτου*, *a se*, h. e. a Deo, ut sensus sit: *patienter tulit Deus vasa iræ a se (a Deo) parata ad interitum*. Sed si hoc dicere voluit Apostolus, quid-ni scripsit *κατηρτισμενα ὑπ' αὐτου*? aut potius, quum præsens oratio tota antithetica sit, quid-ni pro *κατηρτισμενα* scripsit *ἃ κατηρτισε*? Quid-ni, inquam, si hoc dicere voluisset, antitheticâ orationis formâ usus contra *ἃ προητοιμασε* posuisset *ἃ κατηρτισε*, sicut contra *σκευη ελεους* posuerat *σκευη οργης* et *εις δοξαν* contra *εις απωλειαν*? Hoc ergo quum non fecerit Apostolus nec scripserit *ἃ κατηρτισε*, quod conformatio orationis postulabat, non injuriâ inde concluserim, Apostolum neque hoc voluisse dicere quod verbis istis, *ἃ κατηρτισε*, significatur, adeoque nec vocabulum *κατηρτισμενα* *participialiter*, sed, quod relinquitur, *adjectivaliter* esse sumendum; eo modo quo Participium *κατηρτισμενος* adhibitum quoque legitur Luc. VI. 40 et 1 Cor. 1. 10. Nec aliter Participium hoc intellexerunt antiquissimi interpretes Latinus et Syrus¹⁾. Si quis tamen, his rationibus non persuasus, omninò velit vocabulum *κατηρτισμενα* sumendum esse *participialiter*, equidem nolim cum eo multum contendere, modo eo sensu intelligat vasa iræ ad exitium esse *parata a Deo*, quo sensu supra diximus PHARAONEM fuisse *a Deo excitatum* ad resistendum, et *induratum* fuisse regis animum.

γ. 25 — 29. sicut in Osee dicit: Vocabo non plebem meam, plebem meam: et non dilectam, dilectam: et non misericordiam consecutam, misericordiam consecutam.²⁶ Et erit: in loco, ubi dictum est eis: Non plebs

γ. 25—29. ὡς καὶ ἐν τῷ Ὡσηὲ λέγει· Καλέσω τὸν οὐ λαόν μου, λαόν μου· καὶ τὴν οὐκ ἡγαπημένην ἡγαπημένην. α) ²⁶ Καὶ ἔσται, ἐν τῷ τόπῳ οὗ ἐρῶμένη αὐτοῖς· Οὐ λαός μου ὑμεῖς, ἐξεῖ

Paraphrasis. Et Gentiles quidem Messianam salutem participaturos esse, olim prædictum erat ab Hosea, in cuius vaticinio Deus sic fatur: *Vocabo non populum meum, populum meum; et non dilectam, dilectam; et misericordiam non consecutam, misericordiam consecutam;*

١) ٢٦ ٢٧ ٢٨ ٢٩ ٣٠ ٣١ ٣٢ ٣٣ ٣٤ ٣٥ ٣٦ ٣٧ ٣٨ ٣٩ ٤٠ ٤١ ٤٢ ٤٣ ٤٤ ٤٥ ٤٦ ٤٧ ٤٨ ٤٩ ٥٠ ٥١ ٥٢ ٥٣ ٥٤ ٥٥ ٥٦ ٥٧ ٥٨ ٥٩ ٦٠ ٦١ ٦٢ ٦٣ ٦٤ ٦٥ ٦٦ ٦٧ ٦٨ ٦٩ ٧٠ ٧١ ٧٢ ٧٣ ٧٤ ٧٥ ٧٦ ٧٧ ٧٨ ٧٩ ٨٠ ٨١ ٨٢ ٨٣ ٨٤ ٨٥ ٨٦ ٨٧ ٨٨ ٨٩ ٩٠ ٩١ ٩٢ ٩٣ ٩٤ ٩٥ ٩٦ ٩٧ ٩٨ ٩٩ ١٠٠ ١٠١ ١٠٢ ١٠٣ ١٠٤ ١٠٥ ١٠٦ ١٠٧ ١٠٨ ١٠٩ ١١٠ ١١١ ١١٢ ١١٣ ١١٤ ١١٥ ١١٦ ١١٧ ١١٨ ١١٩ ١٢٠ ١٢١ ١٢٢ ١٢٣ ١٢٤ ١٢٥ ١٢٦ ١٢٧ ١٢٨ ١٢٩ ١٣٠ ١٣١ ١٣٢ ١٣٣ ١٣٤ ١٣٥ ١٣٦ ١٣٧ ١٣٨ ١٣٩ ١٤٠ ١٤١ ١٤٢ ١٤٣ ١٤٤ ١٤٥ ١٤٦ ١٤٧ ١٤٨ ١٤٩ ١٥٠ ١٥١ ١٥٢ ١٥٣ ١٥٤ ١٥٥ ١٥٦ ١٥٧ ١٥٨ ١٥٩ ١٦٠ ١٦١ ١٦٢ ١٦٣ ١٦٤ ١٦٥ ١٦٦ ١٦٧ ١٦٨ ١٦٩ ١٧٠ ١٧١ ١٧٢ ١٧٣ ١٧٤ ١٧٥ ١٧٦ ١٧٧ ١٧٨ ١٧٩ ١٨٠ ١٨١ ١٨٢ ١٨٣ ١٨٤ ١٨٥ ١٨٦ ١٨٧ ١٨٨ ١٨٩ ١٩٠ ١٩١ ١٩٢ ١٩٣ ١٩٤ ١٩٥ ١٩٦ ١٩٧ ١٩٨ ١٩٩ ٢٠٠ ٢٠١ ٢٠٢ ٢٠٣ ٢٠٤ ٢٠٥ ٢٠٦ ٢٠٧ ٢٠٨ ٢٠٩ ٢١٠ ٢١١ ٢١٢ ٢١٣ ٢١٤ ٢١٥ ٢١٦ ٢١٧ ٢١٨ ٢١٩ ٢٢٠ ٢٢١ ٢٢٢ ٢٢٣ ٢٢٤ ٢٢٥ ٢٢٦ ٢٢٧ ٢٢٨ ٢٢٩ ٢٣٠ ٢٣١ ٢٣٢ ٢٣٣ ٢٣٤ ٢٣٥ ٢٣٦ ٢٣٧ ٢٣٨ ٢٣٩ ٢٤٠ ٢٤١ ٢٤٢ ٢٤٣ ٢٤٤ ٢٤٥ ٢٤٦ ٢٤٧ ٢٤٨ ٢٤٩ ٢٥٠ ٢٥١ ٢٥٢ ٢٥٣ ٢٥٤ ٢٥٥ ٢٥٦ ٢٥٧ ٢٥٨ ٢٥٩ ٢٦٠ ٢٦١ ٢٦٢ ٢٦٣ ٢٦٤ ٢٦٥ ٢٦٦ ٢٦٧ ٢٦٨ ٢٦٩ ٢٧٠ ٢٧١ ٢٧٢ ٢٧٣ ٢٧٤ ٢٧٥ ٢٧٦ ٢٧٧ ٢٧٨ ٢٧٩ ٢٨٠ ٢٨١ ٢٨٢ ٢٨٣ ٢٨٤ ٢٨٥ ٢٨٦ ٢٨٧ ٢٨٨ ٢٨٩ ٢٩٠ ٢٩١ ٢٩٢ ٢٩٣ ٢٩٤ ٢٩٥ ٢٩٦ ٢٩٧ ٢٩٨ ٢٩٩ ٣٠٠ ٣٠١ ٣٠٢ ٣٠٣ ٣٠٤ ٣٠٥ ٣٠٦ ٣٠٧ ٣٠٨ ٣٠٩ ٣١٠ ٣١١ ٣١٢ ٣١٣ ٣١٤ ٣١٥ ٣١٦ ٣١٧ ٣١٨ ٣١٩ ٣٢٠ ٣٢١ ٣٢٢ ٣٢٣ ٣٢٤ ٣٢٥ ٣٢٦ ٣٢٧ ٣٢٨ ٣٢٩ ٣٣٠ ٣٣١ ٣٣٢ ٣٣٣ ٣٣٤ ٣٣٥ ٣٣٦ ٣٣٧ ٣٣٨ ٣٣٩ ٣٤٠ ٣٤١ ٣٤٢ ٣٤٣ ٣٤٤ ٣٤٥ ٣٤٦ ٣٤٧ ٣٤٨ ٣٤٩ ٣٥٠ ٣٥١ ٣٥٢ ٣٥٣ ٣٥٤ ٣٥٥ ٣٥٦ ٣٥٧ ٣٥٨ ٣٥٩ ٣٦٠ ٣٦١ ٣٦٢ ٣٦٣ ٣٦٤ ٣٦٥ ٣٦٦ ٣٦٧ ٣٦٨ ٣٦٩ ٣٧٠ ٣٧١ ٣٧٢ ٣٧٣ ٣٧٤ ٣٧٥ ٣٧٦ ٣٧٧ ٣٧٨ ٣٧٩ ٣٨٠ ٣٨١ ٣٨٢ ٣٨٣ ٣٨٤ ٣٨٥ ٣٨٦ ٣٨٧ ٣٨٨ ٣٨٩ ٣٩٠ ٣٩١ ٣٩٢ ٣٩٣ ٣٩٤ ٣٩٥ ٣٩٦ ٣٩٧ ٣٩٨ ٣٩٩ ٤٠٠ ٤٠١ ٤٠٢ ٤٠٣ ٤٠٤ ٤٠٥ ٤٠٦ ٤٠٧ ٤٠٨ ٤٠٩ ٤١٠ ٤١١ ٤١٢ ٤١٣ ٤١٤ ٤١٥ ٤١٦ ٤١٧ ٤١٨ ٤١٩ ٤٢٠ ٤٢١ ٤٢٢ ٤٢٣ ٤٢٤ ٤٢٥ ٤٢٦ ٤٢٧ ٤٢٨ ٤٢٩ ٤٣٠ ٤٣١ ٤٣٢ ٤٣٣ ٤٣٤ ٤٣٥ ٤٣٦ ٤٣٧ ٤٣٨ ٤٣٩ ٤٤٠ ٤٤١ ٤٤٢ ٤٤٣ ٤٤٤ ٤٤٥ ٤٤٦ ٤٤٧ ٤٤٨ ٤٤٩ ٤٥٠ ٤٥١ ٤٥٢ ٤٥٣ ٤٥٤ ٤٥٥ ٤٥٦ ٤٥٧ ٤٥٨ ٤٥٩ ٤٦٠ ٤٦١ ٤٦٢ ٤٦٣ ٤٦٤ ٤٦٥ ٤٦٦ ٤٦٧ ٤٦٨ ٤٦٩ ٤٧٠ ٤٧١ ٤٧٢ ٤٧٣ ٤٧٤ ٤٧٥ ٤٧٦ ٤٧٧ ٤٧٨ ٤٧٩ ٤٨٠ ٤٨١ ٤٨٢ ٤٨٣ ٤٨٤ ٤٨٥ ٤٨٦ ٤٨٧ ٤٨٨ ٤٨٩ ٤٩٠ ٤٩١ ٤٩٢ ٤٩٣ ٤٩٤ ٤٩٥ ٤٩٦ ٤٩٧ ٤٩٨ ٤٩٩ ٥٠٠ ٥٠١ ٥٠٢ ٥٠٣ ٥٠٤ ٥٠٥ ٥٠٦ ٥٠٧ ٥٠٨ ٥٠٩ ٥١٠ ٥١١ ٥١٢ ٥١٣ ٥١٤ ٥١٥ ٥١٦ ٥١٧ ٥١٨ ٥١٩ ٥٢٠ ٥٢١ ٥٢٢ ٥٢٣ ٥٢٤ ٥٢٥ ٥٢٦ ٥٢٧ ٥٢٨ ٥٢٩ ٥٣٠ ٥٣١ ٥٣٢ ٥٣٣ ٥٣٤ ٥٣٥ ٥٣٦ ٥٣٧ ٥٣٨ ٥٣٩ ٥٤٠ ٥٤١ ٥٤٢ ٥٤٣ ٥٤٤ ٥٤٥ ٥٤٦ ٥٤٧ ٥٤٨ ٥٤٩ ٥٥٠ ٥٥١ ٥٥٢ ٥٥٣ ٥٥٤ ٥٥٥ ٥٥٦ ٥٥٧ ٥٥٨ ٥٥٩ ٥٦٠ ٥٦١ ٥٦٢ ٥٦٣ ٥٦٤ ٥٦٥ ٥٦٦ ٥٦٧ ٥٦٨ ٥٦٩ ٥٧٠ ٥٧١ ٥٧٢ ٥٧٣ ٥٧٤ ٥٧٥ ٥٧٦ ٥٧٧ ٥٧٨ ٥٧٩ ٥٨٠ ٥٨١ ٥٨٢ ٥٨٣ ٥٨٤ ٥٨٥ ٥٨٦ ٥٨٧ ٥٨٨ ٥٨٩ ٥٩٠ ٥٩١ ٥٩٢ ٥٩٣ ٥٩٤ ٥٩٥ ٥٩٦ ٥٩٧ ٥٩٨ ٥٩٩ ٦٠٠ ٦٠١ ٦٠٢ ٦٠٣ ٦٠٤ ٦٠٥ ٦٠٦ ٦٠٧ ٦٠٨ ٦٠٩ ٦١٠ ٦١١ ٦١٢ ٦١٣ ٦١٤ ٦١٥ ٦١٦ ٦١٧ ٦١٨ ٦١٩ ٦٢٠ ٦٢١ ٦٢٢ ٦٢٣ ٦٢٤ ٦٢٥ ٦٢٦ ٦٢٧ ٦٢٨ ٦٢٩ ٦٣٠ ٦٣١ ٦٣٢ ٦٣٣ ٦٣٤ ٦٣٥ ٦٣٦ ٦٣٧ ٦٣٨ ٦٣٩ ٦٤٠ ٦٤١ ٦٤٢ ٦٤٣ ٦٤٤ ٦٤٥ ٦٤٦ ٦٤٧ ٦٤٨ ٦٤٩ ٦٥٠ ٦٥١ ٦٥٢ ٦٥٣ ٦٥٤ ٦٥٥ ٦٥٦ ٦٥٧ ٦٥٨ ٦٥٩ ٦٦٠ ٦٦١ ٦٦٢ ٦٦٣ ٦٦٤ ٦٦٥ ٦٦٦ ٦٦٧ ٦٦٨ ٦٦٩ ٦٧٠ ٦٧١ ٦٧٢ ٦٧٣ ٦٧٤ ٦٧٥ ٦٧٦ ٦٧٧ ٦٧٨ ٦٧٩ ٦٨٠ ٦٨١ ٦٨٢ ٦٨٣ ٦٨٤ ٦٨٥ ٦٨٦ ٦٨٧ ٦٨٨ ٦٨٩ ٦٩٠ ٦٩١ ٦٩٢ ٦٩٣ ٦٩٤ ٦٩٥ ٦٩٦ ٦٩٧ ٦٩٨ ٦٩٩ ٧٠٠ ٧٠١ ٧٠٢ ٧٠٣ ٧٠٤ ٧٠٥ ٧٠٦ ٧٠٧ ٧٠٨ ٧٠٩ ٧١٠ ٧١١ ٧١٢ ٧١٣ ٧١٤ ٧١٥ ٧١٦ ٧١٧ ٧١٨ ٧١٩ ٧٢٠ ٧٢١ ٧٢٢ ٧٢٣ ٧٢٤ ٧٢٥ ٧٢٦ ٧٢٧ ٧٢٨ ٧٢٩ ٧٣٠ ٧٣١ ٧٣٢ ٧٣٣ ٧٣٤ ٧٣٥ ٧٣٦ ٧٣٧ ٧٣٨ ٧٣٩ ٧٤٠ ٧٤١ ٧٤٢ ٧٤٣ ٧٤٤ ٧٤٥ ٧٤٦ ٧٤٧ ٧٤٨ ٧٤٩ ٧٥٠ ٧٥١ ٧٥٢ ٧٥٣ ٧٥٤ ٧٥٥ ٧٥٦ ٧٥٧ ٧٥٨ ٧٥٩ ٧٦٠ ٧٦١ ٧٦٢ ٧٦٣ ٧٦٤ ٧٦٥ ٧٦٦ ٧٦٧ ٧٦٨ ٧٦٩ ٧٧٠ ٧٧١ ٧٧٢ ٧٧٣ ٧٧٤ ٧٧٥ ٧٧٦ ٧٧٧ ٧٧٨ ٧٧٩ ٧٨٠ ٧٨١ ٧٨٢ ٧٨٣ ٧٨٤ ٧٨٥ ٧٨٦ ٧٨٧ ٧٨٨ ٧٨٩ ٧٩٠ ٧٩١ ٧٩٢ ٧٩٣ ٧٩٤ ٧٩٥ ٧٩٦ ٧٩٧ ٧٩٨ ٧٩٩ ٨٠٠ ٨٠١ ٨٠٢ ٨٠٣ ٨٠٤ ٨٠٥ ٨٠٦ ٨٠٧ ٨٠٨ ٨٠٩ ٨١٠ ٨١١ ٨١٢ ٨١٣ ٨١٤ ٨١٥ ٨١٦ ٨١٧ ٨١٨ ٨١٩ ٨٢٠ ٨٢١ ٨٢٢ ٨٢٣ ٨٢٤ ٨٢٥ ٨٢٦ ٨٢٧ ٨٢٨ ٨٢٩ ٨٣٠ ٨٣١ ٨٣٢ ٨٣٣ ٨٣٤ ٨٣٥ ٨٣٦ ٨٣٧ ٨٣٨ ٨٣٩ ٨٤٠ ٨٤١ ٨٤٢ ٨٤٣ ٨٤٤ ٨٤٥ ٨٤٦ ٨٤٧ ٨٤٨ ٨٤٩ ٨٥٠ ٨٥١ ٨٥٢ ٨٥٣ ٨٥٤ ٨٥٥ ٨٥٦ ٨٥٧ ٨٥٨ ٨٥٩ ٨٦٠ ٨٦١ ٨٦٢ ٨٦٣ ٨٦٤ ٨٦٥ ٨٦٦ ٨٦٧ ٨٦٨ ٨٦٩ ٨٧٠ ٨٧١ ٨٧٢ ٨٧٣ ٨٧٤ ٨٧٥ ٨٧٦ ٨٧٧ ٨٧٨ ٨٧٩ ٨٨٠ ٨٨١ ٨٨٢ ٨٨٣ ٨٨٤ ٨٨٥ ٨٨٦ ٨٨٧ ٨٨٨ ٨٨٩ ٨٩٠ ٨٩١ ٨٩٢ ٨٩٣ ٨٩٤ ٨٩٥ ٨٩٦ ٨٩٧ ٨٩٨ ٨٩٩ ٩٠٠ ٩٠١ ٩٠٢ ٩٠٣ ٩٠٤ ٩٠٥ ٩٠٦ ٩٠٧ ٩٠٨ ٩٠٩ ٩١٠ ٩١١ ٩١٢ ٩١٣ ٩١٤ ٩١٥ ٩١٦ ٩١٧ ٩١٨ ٩١٩ ٩٢٠ ٩٢١ ٩٢٢ ٩٢٣ ٩٢٤ ٩٢٥ ٩٢٦ ٩٢٧ ٩٢٨ ٩٢٩ ٩٣٠ ٩٣١ ٩٣٢ ٩٣٣ ٩٣٤ ٩٣٥ ٩٣٦ ٩٣٧ ٩٣٨ ٩٣٩ ٩٤٠ ٩٤١ ٩٤٢ ٩٤٣ ٩٤٤ ٩٤٥ ٩٤٦ ٩٤٧ ٩٤٨ ٩٤٩ ٩٥٠ ٩٥١ ٩٥٢ ٩٥٣ ٩٥٤ ٩٥٥ ٩٥٦ ٩٥٧ ٩٥٨ ٩٥٩ ٩٦٠ ٩٦١ ٩٦٢ ٩٦٣ ٩٦٤ ٩٦٥ ٩٦٦ ٩٦٧ ٩٦٨ ٩٦٩ ٩٧٠ ٩٧١ ٩٧٢ ٩٧٣ ٩٧٤ ٩٧٥ ٩٧٦ ٩٧٧ ٩٧٨ ٩٧٩ ٩٨٠ ٩٨١ ٩٨٢ ٩٨٣ ٩٨٤ ٩٨٥ ٩٨٦ ٩٨٧ ٩٨٨ ٩٨٩ ٩٩٠ ٩٩١ ٩٩٢ ٩٩٣ ٩٩٤ ٩٩٥ ٩٩٦ ٩٩٧ ٩٩٨ ٩٩٩ ١٠٠٠ ١٠٠١ ١٠٠٢ ١٠٠٣ ١٠٠٤ ١٠٠٥ ١٠٠٦ ١٠٠٧ ١٠٠٨ ١٠٠٩ ١٠١٠ ١٠١١ ١٠١٢ ١٠١٣ ١٠١٤ ١٠١٥ ١٠١٦ ١٠١٧ ١٠١٨ ١٠١٩ ١٠٢٠ ١٠٢١ ١٠٢٢ ١٠٢٣ ١٠٢٤ ١٠٢٥ ١٠٢٦ ١٠٢٧ ١٠٢٨ ١٠٢٩ ١٠٣٠ ١٠٣١ ١٠٣٢ ١٠٣٣ ١٠٣٤ ١٠٣٥ ١٠٣٦ ١٠٣٧ ١٠٣٨ ١٠٣٩ ١٠٤٠ ١٠٤١ ١٠٤٢ ١٠٤٣ ١٠٤٤ ١٠٤٥ ١٠٤٦ ١٠٤٧ ١٠٤٨ ١٠٤٩ ١٠٥٠ ١٠٥١ ١٠٥٢ ١٠٥٣ ١٠٥٤ ١٠٥٥ ١٠٥٦ ١٠٥٧ ١٠٥٨ ١٠٥٩ ١٠٦٠ ١٠٦١ ١٠٦٢ ١٠٦٣ ١٠٦٤ ١٠٦٥ ١٠٦٦ ١٠٦٧ ١٠٦٨ ١٠٦٩ ١٠٧٠ ١٠٧١ ١٠٧٢ ١٠٧٣ ١٠٧٤ ١٠٧٥ ١٠٧٦ ١٠٧٧ ١٠٧٨ ١٠٧٩ ١٠٨٠ ١٠٨١ ١٠٨٢ ١٠٨٣ ١٠٨٤ ١٠٨٥ ١٠٨٦ ١٠٨٧ ١٠٨٨ ١٠٨٩ ١٠٩٠ ١٠٩١ ١٠٩٢ ١٠٩٣ ١٠٩٤ ١٠٩٥ ١٠٩٦ ١٠٩٧ ١٠٩٨ ١٠٩٩ ١١٠٠ ١١٠١ ١١٠٢ ١١٠٣ ١١٠٤ ١١٠٥ ١١٠٦ ١١٠٧ ١١٠٨ ١١٠٩ ١١١٠ ١١١١ ١١١٢ ١١١٣ ١١١٤ ١١١٥ ١١١٦ ١١١٧ ١١١٨ ١١١٩ ١١٢٠ ١١٢١ ١١٢٢ ١١٢٣ ١١٢٤ ١١٢٥ ١١٢٦ ١١٢٧ ١١٢٨ ١١٢٩ ١١٣٠ ١١٣١ ١١٣٢ ١١٣٣ ١١٣٤ ١١٣٥ ١١٣٦ ١١٣٧ ١١٣٨ ١١٣٩ ١١٤٠ ١١٤١ ١١٤٢ ١١٤٣ ١١٤٤ ١١٤٥ ١١٤٦ ١١٤٧ ١١٤٨ ١١٤٩ ١١٥٠ ١١٥١ ١١٥٢ ١١٥٣ ١١٥٤ ١١٥٥ ١١٥٦ ١١٥٧ ١١٥٨ ١١٥٩ ١١٦٠ ١١٦١ ١١٦٢ ١١٦٣ ١١٦٤ ١١٦٥ ١١٦٦ ١١٦٧ ١١٦٨ ١١٦٩ ١١٧٠ ١١٧١ ١١٧٢ ١١٧٣ ١١٧٤ ١١٧٥ ١١٧٦ ١١٧٧ ١١٧٨ ١١٧٩ ١١٨٠ ١١٨١ ١١٨٢ ١١٨٣ ١١٨٤ ١١٨٥ ١١٨٦ ١١٨٧ ١١٨٨ ١١٨٩ ١١٩٠ ١١٩١ ١١٩٢ ١١٩٣ ١١٩٤ ١١٩٥ ١١٩٦ ١١٩٧ ١١٩٨ ١١٩٩ ١٢٠٠ ١٢٠١ ١٢٠٢ ١٢٠٣ ١٢٠٤ ١٢٠٥ ١٢٠٦ ١٢٠٧ ١٢٠٨ ١٢٠٩ ١٢١٠ ١٢١١ ١٢١٢ ١٢١٣ ١٢١٤ ١٢١٥ ١٢١٦ ١٢١٧ ١٢١٨ ١٢١٩ ١٢٢٠ ١٢٢١ ١٢٢٢ ١٢٢٣ ١٢٢٤ ١٢٢٥ ١٢٢٦ ١٢٢٧ ١٢٢٨ ١٢٢٩ ١٢٣٠ ١٢٣١ ١٢٣٢ ١٢٣٣ ١٢٣٤ ١٢٣٥ ١٢٣٦ ١٢٣٧ ١٢٣٨ ١٢٣٩ ١٢٤٠ ١٢٤١ ١٢٤٢ ١٢٤٣ ١٢٤٤ ١٢٤٥ ١٢٤٦ ١٢٤٧ ١٢٤٨ ١٢٤٩ ١٢٥٠ ١٢٥١ ١٢٥٢ ١٢٥٣ ١٢٥٤ ١٢٥٥ ١٢٥٦ ١٢٥٧ ١٢٥٨ ١٢٥٩ ١٢٦٠ ١٢٦١ ١٢٦٢ ١٢٦٣ ١٢٦٤ ١٢٦٥ ١٢٦٦ ١٢٦٧ ١٢٦٨ ١٢٦٩ ١٢٧٠ ١٢٧١ ١٢٧٢ ١٢٧٣ ١٢٧٤ ١٢٧٥ ١٢٧٦ ١٢٧٧ ١٢٧٨ ١٢٧٩ ١٢٨٠ ١٢٨١ ١٢٨٢ ١٢٨٣ ١٢٨٤ ١٢٨٥ ١٢٨٦ ١٢٨٧ ١٢٨٨ ١٢٨٩ ١٢٩٠ ١٢٩١ ١٢٩٢ ١٢٩٣ ١٢٩٤ ١٢٩٥ ١٢٩٦ ١٢٩٧ ١٢٩٨ ١٢٩٩ ١٣٠٠ ١٣٠١ ١٣٠٢ ١٣٠٣ ١٣٠٤ ١٣٠٥ ١٣٠٦ ١٣٠٧ ١٣٠٨ ١٣٠٩ ١٣١٠ ١٣١١ ١٣١٢ ١٣١٣ ١٣١٤ ١٣١٥ ١٣١٦ ١٣١٧ ١٣١٨ ١٣١٩ ١٣٢٠ ١٣٢١ ١٣٢٢ ١٣٢٣ ١٣٢٤ ١٣٢٥ ١٣٢٦ ١٣٢٧ ١٣٢٨ ١٣٢٩ ١٣٣٠ ١٣٣١ ١٣٣٢ ١٣٣٣ ١٣٣٤ ١٣٣٥ ١٣٣٦ ١٣٣٧ ١٣٣٨ ١٣٣٩ ١٣٤٠ ١٣٤١ ١٣٤٢ ١٣٤٣ ١٣٤٤ ١٣٤٥ ١٣٤٦ ١٣٤٧ ١٣٤٨ ١٣٤٩ ١٣٥٠ ١٣٥١ ١٣٥٢ ١٣٥٣ ١٣٥٤ ١٣٥٥ ١٣٥٦ ١٣٥٧ ١٣٥٨ ١٣٥٩ ١٣٦٠ ١٣٦١ ١٣٦٢ ١٣٦٣ ١٣٦٤ ١٣٦٥ ١٣٦٦ ١٣٦٧ ١٣٦٨ ١٣٦٩ ١٣٧٠ ١٣٧١ ١٣٧٢ ١٣٧٣ ١٣٧٤ ١٣٧٥ ١٣٧٦ ١٣٧٧ ١٣٧٨ ١٣٧٩ ١٣٨٠ ١٣٨١ ١٣٨٢ ١٣٨٣ ١٣٨٤ ١٣٨٥ ١٣٨٦ ١٣٨٧ ١٣٨٨ ١٣٨٩ ١٣٩٠ ١٣٩١ ١٣٩٢ ١٣٩٣ ١٣٩٤ ١٣٩٥ ١٣٩٦ ١٣٩٧ ١٣٩٨ ١٣٩٩ ١٤٠٠ ١٤٠١ ١٤٠٢ ١٤٠٣ ١٤٠٤ ١٤٠٥ ١٤٠٦ ١٤٠٧ ١٤٠٨ ١٤٠٩ ١٤١٠ ١٤١١ ١٤١٢ ١٤١٣ ١٤١٤ ١٤١٥ ١٤١٦ ١٤١٧ ١٤١٨ ١٤١٩ ١٤٢٠ ١٤٢١ ١٤٢٢ ١٤٢٣ ١٤٢٤ ١٤٢٥ ١٤٢٦ ١٤٢٧ ١٤٢٨ ١٤٢٩ ١٤٣٠ ١٤٣١ ١٤٣٢ ١٤٣٣ ١٤٣٤ ١٤٣٥ ١٤٣٦ ١٤٣٧ ١٤٣٨ ١٤٣٩ ١٤٤٠ ١٤٤١ ١٤٤٢ ١٤٤٣ ١٤٤٤ ١٤٤٥ ١٤٤٦ ١٤٤٧ ١٤٤٨ ١٤٤٩ ١٤٥٠ ١٤٥١ ١٤٥٢ ١٤٥٣ ١٤٥٤ ١٤٥٥ ١٤٥٦ ١٤٥٧ ١٤٥٨ ١٤٥٩ ١٤٦٠ ١٤٦١ ١٤٦٢ ١٤٦٣ ١٤٦٤ ١٤٦٥ ١٤٦٦ ١٤٦٧ ١٤٦٨ ١٤٦٩ ١٤٧٠ ١٤٧١ ١٤٧٢ ١٤٧٣ ١٤٧٤ ١٤٧٥ ١٤٧٦ ١٤٧٧ ١٤٧٨ ١٤٧٩ ١٤٨٠ ١٤٨١ ١٤٨٢ ١٤٨٣ ١٤٨٤ ١٤٨٥ ١٤٨٦ ١٤٨٧ ١٤٨٨ ١٤٨٩ ١٤٩٠ ١٤٩١ ١٤٩٢ ١٤٩٣ ١٤٩

mea vos : ibi vocabuntur filii Dei vivi. 27 Isaias autem clamat pro Israël : Si fuerit numerus filiorum Israël tamquam arena maris, reliquiae salvæ fient. 28 Verbum enim consummans, et abbrevians in æquitate : quia verbum breviatum faciet Dominus super terram : 29 et sicut prædixit Isaias : Nisi Dominus sabaoth reliquisset nobis semen, sicut Sodomam facti essemus, et sicut Gomorrha similes fuissimus.

κληθήσονται υἱοὶ Θεοῦ ζῶντος. 27 Ἡσαΐας δὲ κρᾶζει ὑπὲρ τοῦ Ἰσραήλ· Ἐάν ἢ ὁ ἀριθμὸς τῶν υἱῶν Ἰσραήλ ὡς ἡ ἄμμος τῆς θαλάσσης, τὸ κατὰ λείμμα σωθήσεται. 28 Λόγον γὰρ συντελῶν καὶ συντέμνων ἐν δικαιοσύνῃ^{b)}, ὅτι λόγον συντετμημένον ποιήσει Κύριος ἐπὶ τῆς γῆς. 29 Καθὼς^{c)} προεΐρηκεν Ἡσαΐας· Εἰ μὴ Κύριος σαβαὼθ ἐγκατέλιπεν ἡμῖν σπέρμα, ὡς Σόδομα ἂν ἐγενήθημεν, καὶ ὡς Γόμορρα ἂν ὁμοιωθῆμεν.

futurumque est ut ibi ubi prius dicebatur, vos non estis populus meus, ibi vocentur filii Dei. Prædicta autem fuit et Judæorum plerorumque a Messiana salute exclusio ab ISAIA ita vaticinante : *Etsi populus tuus Israël*, inquit, *numerosus esset sicut arena in littore maris, attamen pauci tantum ad Deum convertentur. Excidium decisum instar aquarum inundantium inferet justitiam vindictivam*; nam excidium et decretam pœnam Dominus exercebit in universa terra Judæorum. Nisi Dominus Deus exercituum reliquisset nobis sementem, sicut Sodomam et Gomorrham penitus periissemus.

VARIANS LECTIO.

a) Adduntur his in Latina Vulgata verba ista : *et non misericordiam consecutam, misericordiam consecutam*. Sed hæc verba in nullo græco codice leguntur; absunt pariter ab Itala ceterisque antiquis versionibus. Itaque dixerim ea esse latinum aliquod glossema, undecumque tandem illud provenerit.

b) Voces omnes istæ, ἐν δικαιοσύνῃ, ὅτι λόγον συντετμημένον, non leguntur in Codd. B ut nec in nonnullis Minusculis. LACHMANNUS verba illa non recepit in textum Græcum Novi Testamenti a se editum; id quod in tanta multitudine et præstantia testium, qui hæc verba retinenda esse docebant, temerarie factum est; eoque magis quod ob vocum συντέμνων et συντετμημένον similitudinem facile fieri potuit ut oculus librarii a voce συντέμνων ad vocem συντετμημένον aberraverit.

c) Plerique Codices habent καὶ καθὼς, quam lectionem Latina Vulgata quoque exhibet.

§. 25 sicut in Osee dicit : Vocabo , cet.). Id quod Apostolus modò (§. 24) dixerat de Gentilibus quoque ad Messianam salutem admissis , illud hic probat fuisse etiam (και) multo ante quam fieret prædictum. In quem finem affert HOSEÆ prophetæ vaticinia duo , quæ in unum conjungit. Prius , quod hic versu 25 recitatur , sumptum est ex HOSEÆ Cap. II. 23—24 (Hebr. §. 25) ; alterum vaticinium quod allegatur versu 26 , ductum est ex HOSEÆ Cap. I. 10 (Hebr. Cap. II. 1.). Et prius quidem illud vaticinium apud HOSEAM sic legitur : רַחֲמֵי אֶת־לֹא רַחֲמָה וְאַמְרֹתַי לֹא־עָמִי עַמִּי־אַתָּה : h. e. *Misertus sum* (in Præterito prophetico) *non-miserandæ* , et *dixi ad non-populum-meum* ¹⁾ , *populus meus tu es* ²⁾ . Ex quo patet Apostolum non tam verba Prophetæ quam verborum ejus sensum expressisse. Sciendum autem est ad hujus vaticinii intelligentiam , voces illas לֹא־עָמִי (*le-non-mon-peuple*) et לֹא־רַחֲמָה ³⁾ (*la-non-compassionnée* , sit venia verbo) esse nomina symbolica HOSEÆ filio et filiæ divinitus imposita (Cf. Hos. Cap. I.) , quibus Israëlitis h. e. subditis regni decem tribuum significaretur , eos , quippe idololatræ et criminosos , haud amplius a Deo haberi pro peculiari suo populo et gravem illis imminere afflictionem. Jam verò in loco HOSEÆ a PAULO allegato prædicitur fore ut post gravem illam afflictionem Deus cum Israëlitis in gratiam redeat , ita ut gens quæ hactenus ab eo vocaretur לֹא־עָמִי (ὁ οὐ λαὸς μου , *le-non-mon-peuple*) et לֹא־רַחֲמָה (ἡ οὐκ ἐλεημένη , *la-non-compassionnée*) , jam vocentur בְּנֵי אֱלֹהִים filii Dei vivi. Itaque HOSEÆ verba litterali sensu pertinent ad Israëlitæ ; Israëlitæ autem idololatræ typum gerebant Gentilium idololatrarum ; PAULUS ergo ex HOSEANI loci sensu typico , quem hic nobis aperit ⁴⁾ , argumentatur ut probet prædictam olim fuisse vocationem Gentilium ad populum Dei sive ad MESSIANAM salutem , qua nempe fit ut filii Dei nominemur et simus (1 Joh. III. 1) ⁵⁾ .

(1) Puta *non-miseranda* et *non-populus-meus* esse propria Nomina ex pluribus vocibus composita , ut erat compositum nomen Carthaginensis illius Episcopi qui vocabatur QUODVULTDEUS.

(2) LXX Hebraica sic græce reddiderunt : Ελεῖσθαι τὴν οὐκ ἐλεημένην , καὶ ἐρῶ τῷ οὐ λαῷ μου , λαὸς μου εἶ συ.

(3) רַחֲמָה est Particp. formæ *Kuttal*. Dictum autem est pro מְרַחֲמָה ut 2 Reg. II. 10 לִקְחָהּ pro מְלַקְחָהּ , et Ezech. XXVI. 27 נִתְחַמָּה pro מִתְחַמָּה. Cf. GESENI Lehrgebäude der hebräischen Sprache §. 94. Anm. 6.

(4) Eundem HOSEANI hujus loci sensum typicum docet quoque S. PETRUS (1 Petr. II. 10).

(5) KLEE (in Commentario ad h. l.) « Die Stelle des Propheten , inquit , bezieht sich auf

Israel (die zehn Stämme) , von welchem hier vorherverkündet wird , dasz es in die Gefangenschaft geführt , und darnach von Gott wieder zu Gnaden soll aufgenommen werden. Der Apostel deutet aber die auf das den Heiden gleichgewordene Israel sich buchstäblich beziehende Stelle von den Heiden selbst , von welchen auch PETRUS sie auslegt ; und wie Israel , das auf eine kleine Weile , in zeitlich theokratischem Sinne , sein Volk nicht war , und nachdem es sich gebessert und seine Sünde gebüßt , wiederum sein Volk wurde und seine geliebte Tochter , so werden die Heiden , welche an der zeitlichen Theokratie keinen Theil gehabt und in diesem Sinne nicht geliebt waren , als Genossen des höheren , geistigen Theokratischen Bundes , in vorzüglicher Weise sein Volk und seine Geliebten seyn und heißen.»

Idem dicito de altero HOSEÆ testimonio, quod cum priori Apostolus in unum conjunxit. Nam et ibi secundum litteralem sensum prædicatur Dei cum Israëlitis reditus in gratiam; eo vere reditu typice præsignificabatur Gentilium vocatio ad regnum Dei sive ad Messianam *ὑιοθεσίαν*.

Particula καὶ non pertinet ad ἐν τῷ Ὡση, quasi sensus sit: *cum in aliis Scripturis, tum ETIAM (καὶ) in HOSEÆ propheta*; sed eam habet vim ut significet, Gentilium ad salutem Messianam vocationem quemadmodum erat facta (ῥ. 24) ita *etiam (καὶ)* antea fuisse prædictam. *Λέγει* scil. ὁ Θεός. Particula καὶ (ῥ. 27) non est conjunctio qua PAULUS unum Scripturæ locum cum altero nectat, sed est pars contextûs HOSEANI, qui Hebraice sic legitur: וְהָיָה בְּמָקוֹם אֲשֶׁר-יִגְאָמַר לָהֶם לֹא-עֲמִי אֲתָם יִגְאָמַר לָהֶם בְּנִי אֶל-חָיִי; quæ verba a Septuaginta verbotenûs Græcè reddita ita sonant, ut a PAULO recitantur.

ῥ. 27 — 29. *Isaias autem clamat pro Israël: Nisi Dominus, cet.*). Probato ex HOSEÆ prophetia prædictum olim fuisse, fore ut Gentiles Messianam salutem participarent, statim quoque probat, adducto ISAIÆ vaticinio, olim itidem prænunciatam fuisse Judæorum plerorumque a Messiana salute exclusionem. Et duo ad hoc probandum adducit ISAIÆ testimonia; prius recitatur versiculis vigesimo septimo et octavo; posterius vigesimo nono. Leguntur autem apud ISAIAM illa testimonia, prius Cap. X. 22. 23, posterius Cap. I. 9. Et prius quidem Hebraice sic legitur: אִם-יִהְיֶה עַמִּי וְיִשְׂרָאֵל בְּחֹל הָיִם שָׂאָר וְשׁוּב בֶן בְּלִיּוֹן; h. e. *Etsi populus tuus Israël¹⁾, fuerit (numerosus) sicut arena maris, tamen reliquæ tantum (pauci tantum) revertentur ex eo (ad Deum);²⁾ excidium decisum inundabit³⁾ justitiam (vehementer ad instar aquarum inundantium inferet justitiam vindicativam): nam excidium et decretam pœnam⁴⁾ Dominus Deus exercituum factururus est in medio universæ terræ (h. e. in universa Judæorum terra⁵⁾*. Prædicatur autem hoc vaticinio ingens illa clades, quæ

(1) Nomine ISRAËLIS hic intelliguntur Judæi, subditi, inquam, regni JUDÆ. Constat hoc ex contexta oratione præsentis vaticinii.

(2) Hebraicè בן in eo, ubi Affixum pertinet ad antegressum עַמִּי, *populus tuus*.

(3) Hebraicè שׁוּב Particip. cum notione Futuri, ut mox עֲשֵׂה. Verbum autem שָׂאָר, quod alias intransitivam notionem habet, hic *transitive* significat. Confer Nostratium *stroomen*, quod et intransitive et transitive significat; dixeris hic: *verdelging is besloten, geregtigheid stroomend*.

(4) Vox נִתְרָצָה (Particip. Niktal a חָרַץ) hic sumitur ad modum substantivi nominis, ut in

hoc DANIELIS (Cap. XI. 36): בִּי-נִתְרָצָה נִעְשָׂתָה; quod valet *nam decretum (pœna decreta) peragitur*.

(5) Præsens locus recte in Vulgata redditur, nisi quod pro consummatio abbreviata malletm consummationem et abbreviationem maluerim consummationem et decretum (decretam pœnam). Vulgatæ versio hæc est: *Si enim fuerit populus tuus Israël quasi arena maris, reliquæ convertentur ex eo, consummatio abbreviata inundabit justitiam. Consummationem enim et abbreviationem Dominus Deus exercituum faciet in medio omnis terræ.*

sub EZECHIA rege Judæis illata fuit a SENNACHERIB rege Assyriorum (Cf. 4 Reg. Cap. XVIII. 13. 2 Paralip. Cap. XXXII. 1.) ; qua quidem clade plerisque oppressis, pauci illi qui ab eadem superstites (Cf. 4 Reg. Cap. XIX. 4. 30. 31) ad JEHOVAM sunt conversi, typum gesserunt, PAULO docente, exigui numeri Judæorum qui Jesum Messiam recipiendo viam salutis ingrederentur, plerisque ob incredulitatem suam ab hac felicitate exclusis.

Sed jam age, ipsa quoque PAULI verba consideremus. Ἡσαΐας δε κραζει, inquit, ὑπερ του Ισραηλ. Probatâ (ψ. 25 et 26) Gentilium ad Messianam salutem admissione, jam probatum quoque it plerorumque Judæorum ab hac salute exclusionem; ad quam probationem transit per Particulam δε. Quod autem dicit κραζει, *clamat*, emphatica hæc est Scripturas allegandi formula¹⁾. Præpositio ὑπερ, quam Vulgata reddidit *pro*, maluerim reddere *de*, quam notionem præsens locus omninò postulat. Observandum autem est Præpositionem ὑπερ eo etiam sensu adhiberi ut valeat *super*²⁾, *de*, veluti in hoc PAULI (2 Cor. I. 8) : Ου γαρ θελομεν ὑμας αγνοειν, αδελφοι, ὑπερ της Ολιψεως ἡμων; Vulgata : *Non enim volumus ignorare vos, fratres, de tribulatione nostra*. Recitatur autem ab Apostolo ISAÏE illud oraculum iisdem fere verbis quibus legitur in versione Septuaginta-virali, quæ sic habet : Και εαν γενηται ο λαος Ισραηλ ὡς ἡ αμμος της θαλασσης, το καταλειμμα αυτων σωθησεται. Λογον συντελῶν και συντεμνων εν δικαιοσυνη· ὅτι λογον συντετμημενον Κυριος ποιησει εν τη οικουμενη ὅλη. Quæ ibi, ut et in Paulina recitatione, leguntur Participia συντελῶν και συντεμνων, suppleto εσται³⁾, valent συντελεσει και συντεμει, scil. ὁ Κυριος. Quid autem Septuaginta dicere voluerint per vocem λογον⁴⁾ non satis liquet. Obscurum pariter est quam ratione Græcæ voces Hebraicorum vocabulorum sensum heic exprimant, eoque magis quod in eorum versione nullum est vocabulum quo vox הַיָּוֵשׁ reddatur. Ut mihi quidem videtur, fieri non potest ut præsentem locum Septuaginta sic legerint, ut is nunc habet in Bibliis Hebraicis. Quidquid sit, ad rem quod attinet, non dissonat ab Hebraico textu Græca versio licet obscurior. Græca reddideris : *Verbum suum*, (id quod comminatus est Dominus) *perficiet* (συντελῶν scil. εσται) *et mature perficiet* (και συντεμνων) *in aequitate* (εν δικαιοσυνη), q. d. ad normam justitiæ vindicativæ; *nam* (ὅτι) *utique verbum maturatum* (λογον συντετμημενον q. d. cujus eventum maturum esse voluit)

(1) Veteres Hebræorum doctores in allegationibus suis emphaticè exprimendis quoque dicere soliti fuerunt הַיָּוֵשׁ הַתִּנְחֻם *lex clamat*, vel הַיָּוֵשׁ הַתִּנְחֻם *Propheta clamat*. Cf. SURENHUSII Βιβλ. καταλλ. pag. 468.

(2) Confer VIRGILIANUM illud (Æneid. I. 734) :

Multa super PRIAMO rogitans, super HECTORE multa.

(3) Ob insequens ποιησει.

(4) Quin vocem הַיָּוֵשׁ reddiderint per λογον dubitari nequit, quum insequentem ejusdem notionis vocem הַיָּוֵשׁ pariter per λογον reddiderint.

facturus est Dominus in universa (Judæorum) terrâ. Patet ex hac versione quid intelligam id quod in Vulgata dicitur verbum...abbrevians, et verbum breviatum.

γ. 29. *Et sicut prædixit Isaias : Nisi Dominus Sabaoth , cet.)*. Alterum hoc est vaticinium (καθως προειρηκεν Ἰσαΐας) quod Apostolus affert ad probandam Judæorum plerorumque a Messiana salute exclusionem ; et recitat illud iisdem plane verbis , quibus illud legitur in versione Septuaginta Interpretum , qui hoc loco Hebraica ¹⁾ perspicue et fere verbotenus reddiderunt. Loquitur autem ISAIAS de ingenti clade Judæis ab Assyriis inferenda , a qua non nisi paucissimi forent superstites ; hi verò , docente PAULO , typum gerebant paucorum illorum Judæorum , qui in communi ceterorum infidelitate , Evangelio essent credituri atque ita participaturi Messianam salutem. —

Pro Hebraico שְׂרִיר (*superstes*, i. q. פְּלִיט) Græce est σπέρμα , *semen* , puta quod servatur ad sementem. In dictione ista , ὡς Γομορρᾶ ἀν ὁμοιωθημεν duæ permixtæ sunt structuræ hæ : ὡς Γομορρᾶ ἀν ἐγεννηθημεν et Γομορρᾶ ὁμοιωθημεν.

γ. 30—33. Quid ergo dicemus ? Quod gentes , quæ non sectantur justitiam , apprehenderunt justitiam : justitiam autem , quæ ex fide est . ³¹ Israël verò sectando legem justitiæ , in legem justitiæ non pervenit . ³² Quare ? Quia non ex fide , sed quasi ex operibus : offenderunt enim in lapidem offensionis ,

γ. 30—33. Τί οὖν ἐροῦμεν ; Ὅτι ἔθνη τὰ μὴ διώκοντα δικαιοσύνην , κατέλαβε δικαιοσύνην ^{a)} , δικαιοσύνην δὲ τὴν ἐκ πίστεως . ³¹ Ἰσραὴλ δὲ διώκων νόμον δικαιοσύνης , εἰς νόμον διέσσε . ³² Διὰ τί ; ὅτι οὐκ ἐκ πίστεως , ἀλλ' ὡς ἐξ ἔργων νόμου . ^{b)} Προσ-

Paraphrasis. Quum hæc ita habeant , quid igitur ad ea dicendum est ? Omnino dicendum est id quod res est , scilicet , quod Gentiles , qui minimè studebant assequendæ justitiæ , justitiam sunt adepti , eam , inquam , justitiam , quam Deus gratuito efficit in credente ; Israëlitæ autem dum student assequi justitiam , justitiam non sunt adepti. Et quare hoc ? Quia studuerunt eam sibi comparare non ex fide , sed ita quasi ea ex præstitis operibus Legis haberi po-

(1) לְגִלִּי יְהוָה צְבָאוֹת הוֹתִיר לָנוּ שְׂרִיר
בְּמַעַט בְּסֻדָּם הִירִינוּ לְעֶמְרָה הַמִּיָּנִי
h. e. Nisi JEHOVAH (Deus) exercituum fecisset
nobis residuum perexiguum (perpaucos nobis
reliquisset superstites) , sicut Sodoma fuisset

et similes Gomorrhæ (h. e. penitus periissemus).
בְּמַעַט , UT PARUM, dictio Adverbialis , ubi ad modum Adjectivi jungitur Substantivo , hujus notionem auget.

33 sicut scriptum est : *έκοψαν γάρ c) τῷ*
 Ecce pono in Sion lapi- *λίθῳ τοῦ προσκόμμα-*
 dem offensionis , et petram *τος· 33 καθὼς γέγραπ-*
 scandali : et omnis , qui *ται· Ἴδου ἐγὼ τίθημι*
 credit in eum , non con- *ἐν Σιών λίθον προσ-*
 fundetur. *κόμματος , καὶ πέτραν*

σκανδάλου· καὶ πᾶς d)
ὁ πιστεύων ἐπ' αὐτῷ ,
οὐ καταισχυνηθήσεται.

tuisset. Non ex fide , inquam ,
 justitiam sibi comparare stu-
 duerunt ; etenim in CHRIS-
 TUM tamquam in offendiculi
 lapidem increduli impege-
 runt ; quæ eorum offensatio
 olim prædicta fuerat hisce
 verbis : *Ecce pono in Sione*
lapidem in quem impingent ,
et petram in quam incurrent ;
quicumque vero in illum
crediderit , non erubescet.

VARIANS LECTIO.

a) Vox *δικαιοσύνη* secundo loco posita abest a Codicibus ABDEG. Attamen cum LACHMANNO, qui eam e suo contextu expunxit, nolim facere ; cum quodd præsens oratio illâ voce carere nequit, tum etiam quia error librarii hoc loco erat proclivis.

b) Vox *νομου* non legitur in Codd. ABFG, ut nec in nonnullis Minusculis ; abest pariter a versionibus Latina (Vulgata) et Coptica. Glossema quidem olet ibi vox *νομου*, multum tamen dubito an glossema sit.

c) Vocula *γάρ* non legitur in Codicibus ABD*FG.

d) Vox *πᾶς* abest a Codicibus ABDEFG.

γ. 30—33. *Quid ergo dicemus ? Quod Gentes , cet.)* Hic jam declarat Apostolus quam tandem ob rem Judæi plerique exclusi fuerint a Messiana salute sive a gratia justificationis evangelicæ , Gentilibus illam salutem participantibus . Et docet Judæos ab evangelica justificatione ideò fuisse exclusos , quia CHRISTO credere noluerint ; atque idem hoc thema toto insequenti capite uberius pertractat. Transit autem Apostolus ad hanc declarationem per formulam *τι οὖν ερουμεν* , ubi *οὖν* referendum est ad antegressa (γ. 25—29) de Judæis et Gentilibus vaticinia , quæ eventu comprobata fuisse manifestum erat. Sensus est : *Quum hæc ita habeant , quid igitur (οὖν) ad ea dicendum est ? Omnino dicendum est id quod res est , scilicet , quod Gentiles qui minime studebant assequendæ justitiæ (τα μη διωκοντα δικαιοσύνην) , justitiam sunt*

adepti, eam, inquam, justitiam, quæ ex fide oritur, hoc est, quam Deus gratuito efficit in credente; Israëlitæ autem dum student assequi (διωκων) justitiam (νομον δικαιοσύνης), justitiam non sunt adepti. Et quare justitiam non sunt adepti? Quia studuerunt eam sibi comparare non ex fide (ουκ εκ πιστεως) sed quasi ex præstitis Legis operibus illa haberi potuisset (αλλ' ὡς ἐξ ἔργων νομου). Non ex fide, inquam, justitiam sibi comparare studuerunt; etenim (γαρ) in CHRISTUM tamquam in offendiculi lapidem increduli impegunt; quæ ipsa offensatio olim prædicta fuerat hisce verbis: Ecce pono in Sione lapidem in quem impingent, et petram in quam incurrent; quicumque verò in illum crediderit, non erubescet.

ΕΘνη intelliguntur Gentiles universe. Articulus abest, ut supra Cap. II. 14 et III. 29; et poterat abesse quum vox εθνη in his adhibeatur ad modum Nominis non appellativi sed proprii. Quod additur τα μη διωκοντα δικαιοσυνην, emphatice hoc additur et in hunc quidem sensum: Quando Gentiles, ii, inquam, homines, qui minime studebant assequendæ justitiæ. – Gentiles qui nihil minus curabant quam ut justii essent Deoque accepti, tales tamen effecti sunt; justitiam, inquam, sunt adepti, Evangelicam videlicet, quæ divinitus cuicumque credenti tribuitur gratis, illa quæ ab Apostolo vocatur (Cap. III. 22) justitia Dei per fidem JESU CHRISTI. Recolenda hic sunt ea quæ notavimus supra ad Cap. III. 21, sq. Pro repetito illo (ψ. 31) νομου δικαιοσύνης Apostolus bis scribere potuisset simpliciter δικαιοσυνην, neque sic, si rem spectes, aliud quid dixisset quam nunc dicere voluit; sed acutius loqui maluit. Verba διωκειν et καταλαμβάνειν ducta sunt a Cursu publico in stadio; itaque mataphorica est præsens oratio. Videsis quæ notavi in Commentario in Epistolam ad Philippenses ad Cap. III. 12. Quod autem dicit Apostolus προσεκοψαν γαρ, eo probat (γαρ) Israëlitæ non ex fide (ουκ εκ πιστεως) quæsisisse justitiam; nam, inquit, JESU Messie humilitate offensi fidem illi adhibere noluerunt. Non erant ex iis de quibus ipse dixerat (Matth. XI. 6): Beatus, qui non fuerit scandalizatus in me. Ceterum lapis offensionis dicitur CHRISTUS ab eventu, ut ad præsentem locum notat THEOPHYLACTUS¹. Ideo autem PAULUS hac MESSIE nomenclatura hic usus est, quia ut probaret eam rem olim fuisse prædictam, recitaturus erat vaticinium in quo promissus MESSIAS sic lapis offensionis et petra scan-

(1) Προσεκοψαν τῷ Χριστῷ, τοῦτέστιν, ἠπιστήσαν. ἢ fuerunt. Lapis autem offensionis et petra scandali a fine et eventu eorum qui non crediderunt CHRISTUS nominatus est. Ipse enim ad se masται ὁ Χριστος. Αυτος γαρ καθ' ἑαυτον θεμελιος quod attinet positus est in fundamentum et και ἐδραιωμα ετεθη. φησι γαρ Πας ὁ πιστευων ἐν αὐτῷ ου καταισχυθησεται, και Ἕλλην, και Ιουδαίος. pudefiet, sive Græcus sit sive Judæus. h. e. In CHRISTUM impegunt, id est, increduli-

dali ab eventu erat vocatus. Quod autem ibi recitat Apostolus vaticinium, est hoc ex duobus ISAIÆ locis compositum; scilicet ex Isaia Cap. XXVIII. §. 16 et Cap. VIII. §. 14. Subjicimus hic duo illa ISAIÆ loca: et prior quidem Hebraice sic sonat: ¹ בְּצִיּוֹן יִסַּד אֶבֶן יָקָרָה אֶבֶן בְּחֵן פְּנֵי יְקָרָת מוֹסַד מוֹסַד הַמָּאֲמִין לֹא יִחְיֶשׁ h. e. *Ecce pono in Sione lapidem, lapidem probatum* (exploratæ firmitatis) *angularem* (lapidem) *pretiosum, bene fundatum* ²; *qui crediderit non trepidabit* ³; alter vero locus sic legitur: וְהָיָה לְאַבֶּן נִגָּה וּלְצִוִּיר מִכְשׁוֹל מְכֻשָּׁל h. e. *et erit lapis offendiculi, et petra offensionis* (Vulg. *petra scandali*). Apostolus, uti patet, duo hæc Prophetica loca in unum composuit, idque ita tamen ut pro instituti sui ratione omiserit verba מוֹסַד מוֹסַד יְקָרָת פְּנֵי אֶבֶן בְּחֵן. Quod posteriori loco recitavimus ISAIÆ vaticinium in litterali quidem sensu ad JEHOVAM pertinet et ad theocratiam Israëliticam, typice autem ad regem MESSIAM et antitypicam Novi Fœderis theocratiam. Illud verò ISAIÆ vaticinium, quod priori loco posuimus, si litterali sensu non ad MESSIAM pertineat sed ad EZECHIAM, id quod nonnemini placuisse video, typico certe sensu ad MESSIAM erit referendum. Quidquid sit, dubium esse nequit quin utrumque vaticinium ad MESSIAM et Evangelii tempus pertineat, quum hoc Apostoli PETRUS (1 Petr. II. 6—11) et PAULUS disertè nos doceant.

Superest ut hic, sicut promisimus (supra p. 302), ad modum cujuspian exeursus percurramus ea S. Scripturæ loca, quæ præterea adduci solent a defensoribus *Prædestinationis ad gloriam* quæ facta sit *ante prævisa merita*. Sunt autem quæ huc pertinent loca præcipua hæc: 1. Cor. IV. 7; Ephes. 1. 4; 2 Tim. I. 9; Tit. III. 5; Rom. VI. 23; Act. XIII. 48. De quibus omnibus dicturi sumus eo ordine, quo hic fuere recensita.

1). 1 Cor. IV. 7: *Quis te discernit? quid autem habes, quod non accepisti?* « His verbis, inquit GOUDINUS ⁴, omnis discretio bonorum a malis, proindeque electorum a reprobis, quæ omnium præcipua est, gratuito Dei beneficio palam adscribitur. » Ita

(1) יִסַּד pro יִסַּד, ut אָבֵד 2 Reg. XXI. 3 pro אָבֵד. Syntaxis est 3^a Personæ cum הִנֵּנִי, quemadmodum Isaiæ Cap. XXIX. 14. XXXVIII. 5. Dictionem הִנֵּנִי יִסַּד, resolves in יִסַּד אֲשֶׁר הוּא אֲנִי הִנֵּנִי, *ecce ego is sum qui posuit*.

(2) Hebraice est מוֹסַד מוֹסַד, *foundationis fundatæ* (lapidem).

(3) Hebraice est יִחְיֶשׁ, cujus vocabuli notio obscurior est. Septuaginta Interpretes hic pro

יִחְיֶשׁ videntur legisse יִחְיֶשׁ *pudescet*. LXX præsentem locum sic reddunt: Ἰδοὺ ἐγὼ ἐμβάλλω εἰς τὰ θεμελίαι Σιών λίθον πολυτελεῖν, ἐκλεκτον, ἀκρογωνιαίον ἐν τιμῇ, καὶ ὁ πιστεύων ἐπ' αὐτῷ οὐ μὴ καταίσχυσθῇ.

(4) F. ANT. GOUDIN, ordinis Prædicatorum, in sacra Facultate Parisiensi Doctoris Theologi Tractatus de Gratia. Part. 1. pag. 523 sq. Ed. Colon. Agripp. 1723.

GOUDINUS, qui et putat præsentem Apostoli locum habere præcipuam quamdam vim ad firmandam doctrinam quam propugnat; nam post recitata in eundem finem alia nonnulla Scripturæ loca, exclamat: *Nisi his testimoniis gratuita meritumque antevertens prædestinatio (ad gloriam) exprimatur, non video plane quibus exprimi poterit.*

Theologis qui de re dogmatica scripserunt identidem accidit ut in sacrarum Scripturarum studio non satis versati, ad confirmanda dogmata Catholica aut etiam ad sua placita tuenda incongrua adducant testimonia, atque ita ad suum sensum trahant Scripturam repugnantem. Quod et GOUDINO hic accidit; enimvero, ut rectissimè jam PETAVIUS ¹⁾ admonuit, *nequaquam est Apostolo illic sermo de sempiterna salute et electione vel prædestinatione, sed de ornamentis ac dotibus ob quas aliis alii anteferebant se vel a discipulis præponebantur.* Addit idem (*ibid.*), verba Apostoli in eam quam dixit sententiam explicari tum a Græcis omnibus et vulgò a Latinis, tum etiam ab Arausicana Synodo, Canonibus sexto et vigesimo quinto.

II). Ephes. I. 4: *Sicut elegit nos in ipso (CHRISTO) ante mundi constitutionem, ut essemus sancti.* Etiam hunc locum GOUDINUS recitat ²⁾ ad probandam sententiam suam de gratuita meritumque antevertente prædestinatione ad gloriam. Et quasi rem confecisset, triumphabundus exclamat: *Vides, non elegisse quia meliores præviderat, sed ut nos meliores faceret, proindeque ante merita.* Profectò agitur eo loco de electione sive prædestinatione prorsus gratuita, sed de eâ-ne agitur quæ sit ad gloriam? Minimè verò. Contra, tota illius loci contexta oratio ostendit sermonem ibi esse de electione, quam vocant, ad fidem et gratiam Evangelicam. PAULUS in illo Epistolæ suæ ad Ephesios exordio, post solitam gratiæ et pacis appreciationem, suo et omnium Ephesiorum Christianorum sive sanctorum ³⁾ nomine Deo gratias agit ⁴⁾, quòd illis in CHRISTO ⁵⁾ contulisset quævis bona spiritualia, sicut (καθώς) in illo ab æterno eos elegisset ut essent sancti ⁶⁾.

(1) De Deo Deique proprietatibus Lib. X (qui est secundus de Prædestinatione) Cap. 1. n° 13.

(2) In laud. op. pag. 526.

(3) PAULUS Apostolus omnibus sanctis qui sunt Ephesi. ψ. 1. De illa nomenclatura qua Christiani in Scripturis Novi Testamenti passim vocantur sancti, videsis quæ notavi in Commentario in Ep. ad Philipp. ad Cap. 1. ψ. 1.

(4) Solenne PAULO est epistolarum suarum exordium facere a gratiarum actione. Vide Rom.

I. 8. 1. Cor. I. 4. 2 Cor. I. 3. Coloss. I. 3. 1 Thess. I. 2. 2 Thess. I. 3. 2 Tim. I. 3. Philem. ψ. 4.

(5) Quid valeat illud in Christo, videsis in Commentario in Ep. ad Philipp. ad Cap. 1. 1. p. 17.

(6) Καθώς, sicut, in præsentì oratione eam vim habet ut significet Deum, conferendo illa bona spiritualia, ita fecisse in tempore sicut (καθώς) facere ab æterno decreverat.

Ergo agitur de electione *ad sanctitatem*. Atqui *sanctitas* illa Apostolo alia non est ac ea quam docet contingere omnibus *justificatis per fidem*; quod vel inde patet quòd eos quos *sanctificatos* vocat, eosdem sub eodem respectu pariter vocat *justificatos* ¹⁾. Sed et contexta Apostoli oratio hoc liquidò probat; nam quos versu quarto dicit a Deo *electos ut essent sancti*, eosdem mox, insequenti versu, eadem ratione *prædestinatos* dicit *in adoptionem filiorum*, *εἰς υἰοθεσίαν*; id quod indicio est Apostolum loqui de gratia *justificationis*; nam alibi ²⁾ *justificatos*, mutatâ denominatione, vocat filios Dei *adoptivos*.

Ad hæc, si putemus Apostolum dicendo, *elegit nos ut essemus sancti*, illis verbis significasse electionem sive prædestinationem ad gloriam, jam, quandoquidem ad omnes Christianos Ephesios sermonem suum dirigit, consequatur eundem sensisse Christianos Ephesios ad unum omnes esse prædestinatos, eamque rem illis revelasse; ibi verò mirum videri debeat quid causæ sit cur post hæc nihilominus eosdem adhortetur tamquam tales quos minime oporteret de sua salute esse securos. Vide Ephes. Cap. VI. 11—14.

Ex disputatis concludimus, *eligi ad sanctitatem* non esse Apostolo *eligi ad gloriam*, sed *eligi ad gratiam* ³⁾. Itaque nullum ex illis PAULI verbis duci potest argumentum ad

(1) Cf. 1. Ep. ad Corinth. VI. 11: *Et hæc quidam fuistis; sed abluti estis, sed sanctificati estis, sed justificati estis* (ἐδικαιώθητε).

(2) Cf. Rom. VIII. 15. Gal. III. 26. 27. Ibid. IV. 2.

(3) Illos, qui hanc Justificationis gratiam *reapse* jam consecuti sunt, Apostolus promiscue vocat nunc κλητους, nunc κλητους ἁγίους, nunc ἐκλεκτους. Cf. dicta ad Cap. VIII. 28. Ceterum via ad hanc gratiam consequendam nulli hominum non aperta est; nam *Deus*, docente Apostolo (1 Tim II. 4), *omnes homines vult salvos fieri et ad agnitionem veritatis venire*. « Est autem, ait PETAVIUS (*De Prædest. Lib. X. Cap. III. V.*) ex hac generali communique Dei voluntate consequens, ut omnibus gratiam ac necessaria comparandæ salutis præsidia et adjumenta suppeditet... Nisi enim ita faceret sed certis quibusdam tantummodo necessaria præberet auxilia, cum sine iis

salus æterna obtineri nequeat, non omnes salvos velle diceretur, sed eos dumtaxat quibus opem ferret, reliquos nolle omnino salvos esse. Habet enim hoc voluntas omnis si est firma et seria, ut quidquid appetit, ejus obtinendi causâ quæ sunt necessaria conquirat ac sibi aliisve procuret; præsertim cum voluntas ista amoris est ac benevolentiæ.... Quare quum voluntas illa Dei, qua salutem vult omnium, ex amore in eos proficiscatur ac benevolentia qua nullo suo emolumento illos prosequitur, *πρακτική*, id est, *efficax* esse debet eorum quæ sunt ipsis commoda.... Itaque gratiam omnibus necessariam impertitur, et quam vocant *sufficientem*.» De seria Dei omnes homines salvandi voluntate accuratè copiosè eruditè et tersâ latinitate tractavit KAROLUS PASSAGLIA, sodalis e societate JESU, in præclaro suo opere quod inscribitur: *Commentariorum Theologorum Pars tertia. De partitione divinæ voluntatis in primam et secundam deque universali reparati ordinis amplitudine*. Romæ, 1851.

probandam gratuitam ad gloriam prædestinationem; nam, ut ostendimus, Apostolus ea de re ne loquitur quidem:

III). Præter illa PAULI loca de quibus adhuc disputavimus, GOUDINUS ¹⁾ adduxit etiam 2 Tim. I. 9 ²⁾, item Tit. III. 5 ³⁾, aliaque hujusmodi; in quo incassum laboravit; nam in omnibus iis locis Apostolo sermo non est nisi de sola gratuita justificatione aut de gratuita vocatione ad fidem et gratiam evangelicam. Quod si hoc nec GOUDINUS latuit, vitioso tamen usus est interpretandi genere, PAULI effata de gratuita justificatione aut vocatione *ad gratiam* nullâ exegeticâ ratione extendens ad gratuitam prædestinationem *ad gloriam*.

IV). Rom. VI. 23: *Gratia Dei vita æterna*. Ibi, inquiunt, vita æterna vocatur gratia, quia *gratis* ad illam eligimur sive prædestinamur; ergo non ex prævisis meritis. Respondeo, nullo modo ibi sermonem esse de Prædestinatione, sed de æternæ vitæ mercede retribuenda bonis *justorum* operibus, quæ quidem opera ideo *gratiam Dei* Apostolus ibi vocavit, ut hac loquendi ratione unâ significaret, justum non suis solius viribus sed gratiâ Dei adjutum vitam mereri æternam. Confer quæ supra ad hunc locum adnotavimus.

V). Act. XIII. 48. *Crediderunt quotquot erant præordinati ad vitam eternam*. Vide quæ ad hunc locum diximus in Commentario in Actus Apostolorum.—

(1) Ibid. p. 327.

(2) Vocavit nos vocatione sua sancta, non secundum opera nostra, sed secundum propositum suum et gratiam.

(3) Non ex operibus justitiæ, quæ fecimus nos, sed secundum suam misericordiam salvos nos fecit.

CAPUT DECIMUM.

ARGUMENTUM. Quod sub finem antegressi Capitis uno verbo dixerat Apostolus (Cap. IX. 32), scilicet a Messiana salute exclusos fuisse Judæos propter suam incredulitatem, illud toto hoc capite docet explicatius. Orditur autem, quippe dicturus de re odiosa, a declarando se ex animo bene velle suis popularibus Deumque orare pro ipsorum salute, idque quia studiosi essent divinæ legis observandæ; quod bonum testimonium illis haud negaverit; addit verò, ad propositum suum jam veniens, præpostero eos ibi duci studio, quum justi esse coram Deo quærerent per legis observantiam, eam quam Deus instituisset acquirendæ justitiæ rationem ignorantes adeoque divinæ ejus voluntati sese non submittentes; finem enim legis esse CHRISTUM ad justitiam cuivis credenti (1—5). Probat porro Apostolus, adductis variis sacræ Scripturæ testimoniis, per fidem CHRISTI obtineri justitiam quæ coram Deo valeret, et sicut unicuique credenti, nullo gentis discrimine, illa justitia offerretur obtinenda, ita quoque per legatos divinitus missos qui CHRISTUM prædicarent factam esse cuivis credendi potestatem; Judæorum autem plerosque credere noluisse, eoque re eventu fuisse comprobatum quod vaticinatus esset ISAIAS quum diceret: Domine, quam pauci sunt qui fidem adhibent nostræ prædicationi (5—17). Ex hoc ISAIÆ oraculo infert ibi Apostolus, ex divini verbi prædicatione exsistere fidem, prædicationem autem institui ex divino mandato. Atque hac transitione usus, occurrit Judæorum incredulorum excusationi qua forte dicerent, aut ad se non pervenisse Evangelii prædicationem, aut se ignorasse etiam Gentiles ad Messianam salutem esse vocandos, atque ideo noluisse fidem adhiberi prædicato Evangelio, quòd viderent ibi Messianam salutem offerri etiam Gentilibus (17—21).

γ. 1—4. Fratres, voluntas quidem cordis mei, et obsecratio ad Deum, fit pro illis in salutem. ² Testimonium enim perhibeo illis quod æmulationem Dei habent, sed non secundum scientiam. ³ Ignorantes enim justitiam Dei, et suam quærentes statuere, justitiæ Dei non sunt subiecti. ⁴ Finis enim legis, CHRISTUS, ad justitiam omni credenti.

γ. 1—4. Ἀδελφοί, ἡ μὲν εὐδοκία τῆς ἐμῆς καρδίας καὶ ἡ δέησις ἡ ^{a)} πρὸς τὸν Θεὸν ὑπὲρ τοῦ Ἰσραὴλ ^{b)} ἐστίν ^{c)} εἰς σωτηρίαν. ² Μαρτυρῶ γὰρ αὐτοῖς ὅτι ζῆλον Θεοῦ ἔχουσιν, ἀλλ' οὐ κατ' ἐπίγνωσιν. ³ Ἀγνοοῦντες γὰρ τὴν τοῦ Θεοῦ δικαιοσύνην, καὶ τὴν ἰδίαν δικαιοσύνην ^{d)} ζητοῦντες στήσαι, τῇ δικαιοσύνῃ τοῦ Θεοῦ οὐχ ὑπετάγησαν. ⁴ Τέλος γὰρ νόμου Χριστὸς, εἰς δικαιοσύνην παντὶ τῷ πιστεύοντι.

Paraphrasis. Fratres, cordis mei desiderium meæque pro popularibus meis preces sunt ut Messianam salutem participant. Nam hoc bonum illis do testimonium: ducuntur illi zelo observandæ legis divinæ; at verò non intelligenter illo zelo ducuntur. Nam dum ignorant modum quo ex Dei instituto perveniri debeat ad statum justitiæ, illi suo modo eò pervenire quærunt, atque ita fit ut Dei instituto non sint subiecti. *Finis enim legis est CHRISTUS ad justitiam cuius credenti.*

VARIANS LECTIO.

a) Articulus ἡ ante πρὸς non legitur in Codd. ABDEFG.

b) Pro τοῦ Ἰσραὴλ est αὐτῶν in Codd. ABDEFG, quam lectionem Latina Vulgata quoque exhibet. Lectio τοῦ Ἰσραὴλ ex aliquo glossemate nata videtur.

c) Vocolam ἐστίν, quæ heic abest a Codd. ABDEFG, pro glossemate habuerim.

d) Post τὴν ἰδίαν non legitur vox δικαιοσύνην in Codd. ABDE ut nec in Vulgata aliisque nonnullis antiquis versionibus; sed exhibent ibi vocem δικαιοσύνην Codices FGIK, Minusculi plerique et antiquæ versione pleræque. Ego quidem vocem pro genuina habuerim, quamquam sapit glossema.

γ. 1. *Fratres, voluntas quidem cordis mei et obsecratio ad Deum fit pro illis in salutem.*) Id quod modò (Cap. IX. 31. 32) unò verbo dixerat Apostolus, scilicet sui temporis Judæos plerosque, dum præpostere student assequendæ justitiæ

eam minimè fuisse adeptos, eosque ideò ab evangelica justificatione fuisse exclusos quòd CHRISTO credere noluissent, illud heic jam explicatius est docturus unàque ostensurus incredulitatem ipsorum nullam habere excusationem (1—21). Itaque dicturus de re odiosa, quo suspicionem malevolentiae erga populares suos a se amoveat, exorditur a declarando denuò ¹⁾ quam sit propensâ in eos voluntate ac benevolentia. *Desiderium* (ἡ εὐδοκία) cordis mei, inquit, et (inde natae) preces quas Deo adhibeo pro illis (ὑπερ αὐτῶν) sunt ut salventur (εἰς σωτηρίαν), puta, ut ab incredulitate sua resipiscant atque ita gratiam evangelicae justificationis participant. Apostoli verba Gallice accuratius sic reddideris: *Le desir de mon cœur et mes prières pour eux à Dieu sont pour leur salut.*

Ἀδελφοί, fratres! Alloquitur eos ad quos scribit, Romanos, inquam, Christianos, tam ex Judæis quam ex Gentilibus collectos; non verò ibi alloquitur, ut nonnemo putavit, populares suos, incredulos, inquam, Judæos. Patet hoc ex contexta oratione ubi de Judæis incredulis continuò loquitur non in *secunda* sed in *tertia* persona; sic, ut hoc utar, non dixit ἡ δεησις ὑπερ ὑμῶν sed ὑπερ αὐτῶν.— Ἡ μὲν εὐδοκία (Vulg. voluntas quidem): μὲν ibi ponitur non sequente δέ. Putat Dr. ADALB. MAIER ²⁾ oppositam sententiam quæ per δέ adjicienda fuisset, variatâ orationis formâ, ad rem quod attinet contineri verbis insequentibus istis (γ. 2. 3.): ἀλλ' οὐ κατ' ἐπιγνώσιν ἀγνοοῦντες γάρ, cet. Quod mihi quidem non probatur, cum quòd illa verba non talem exprimunt rem quæ PAULI desiderio et precationi satis aptè opponatur, tum etiam quòd minime necesse est ubicumque μὲν ponitur non sequente δέ, ibi quoque cogitare aliquid quod quoquo tandem modo opponatur rei significatæ in ea orationis parte quæ habet μὲν. Nonnumquam enim fit, quod docet DEVARIES ³⁾, ut μὲν sine δέ subsequente non ad sejungenda differentia seu diversa vel opposita adhibeatur sed per se posita sit habeatque vim simpliciter περιγραφικὴν et περιοριστικὴν, veluti in hoc ARISTOPHANIS (in *Pluto* γ. 58): Ἐγὼ μὲν οἰμῶζειν λέγω σοι, Tibi ego dico, ut male pereas, ubi μὲν ad nullam δέ referendum sit. Tale μὲν illud quoque est quod legitur Act. Ap. Cap. XIX. 4: Ἰωάννης μὲν ἐβαπτισε βαπτισμα μετανοίας ⁴⁾. Nec aliud dixerim esse μὲν quod hoc epistolæ loco occurrit.

(1) Confer dicta ad Cap. IX. 1.

(2) *Commentar über den Brief PAULI an die RÖMER.* (ad h. l.): « Dem distinguirenden μὲν fehlt wieder das entsprechende δέ, vgl. VII. 12; aber es ist der parallele Satz, der mit δέ folgen sollte, dem Gedanken nach in ἀλλ' οὐ κατ' ἐπιγνώσιν ἀγνοοῦντες γάρ λ. enthalten: meinerseits is zwar der Wunsch etc. vorhanden, aber anderseits stellt

sich der Erfüllung desselben ein Hindernisz entgegen. »

(3) *De Græcæ linguæ Particulis.* Cap. XIII.

(4) Vide quæ ad hunc locum notavimus in Commentario. Istiusmodi μὲν non satis rectè vocaveris μὲν solitariū.

Utrumque, et ἡ δεισις et ἡ εὐδοκία τῆς ἐμῆς καρδίας, jungendum est cum ὑπὲρ αὐτῶν. Et verò quid, quaeso, in presenti oratione significet ἡ εὐδοκία τῆς ἐμῆς καρδίας, si illud ab ὑπὲρ αὐτῶν sejungas? Est autem εὐδοκία hic, THEODORETO ¹⁾ interprete, ἐπιθυμία, desiderium; eaque notio hoc loco voci εὐδοκία, quia jungenda est cum ὑπὲρ αὐτῶν, recte subjicitur; nam absolutè posita non valet ἐπιθυμία, desiderium ²⁾, sed propensa voluntas, benevolentia, quo sensu auctor Vulgatæ et Syrus interpres vocem εὐδοκία hoc loco reddiderunt. ³⁾ — Articulus ἡ ante πρὸς τὸν Θεόν secundum accuratam Grammaticam quidem repetendus sit; in istiusmodi tamen vocum conjunctione repetitio Articuli negligitur etiam a scriptoribus bene Græcis. Sic, ut hoc utar, POLYBIUS (III, 48. II): dixit: Τὴν τῶν ὀχλῶν ἀλλοτριότητα πρὸς Ῥωμαίους. Confer quæ notavimus in Commentario in epistolam ad Philippenses ad Cap. 1. §. p. 22. — Præpositio εἰς ibi dicitur θεληκῶς, atque adeò εἰς σωτηρίαν (scil. ἐστὶ) valet ἵνα σωθῶσι.

γ. 2. Testimonium enim perhibeo illis quod æmulationem Dei habent, sed non secundum scientiam.) Exponit rationem cur (γὰρ) desideret Deumque precetur ut populares sui Messianam participant salutem. Et ratio erat, quia divinæ legis essent studiosi, Evangelio autem credere negarent non tam ex malitia quam potius ex ignorantia. Hoc enim, inquit, bonum testimonium illis do (μαρτυρῶ αὐτοῖς. Dativus Commodi): ducuntur studio zeloque Dei (Θεοῦ Genitivus objecti, ut Joh. II. 17: ὁ ζήλος τοῦ οἴκου σου), sed eo ducuntur non intelligenter, non sapienter (κατ' ἐπιγνώσιν). Zelus Dei qui heic dicitur, intelligendus est ut conspicuus in illorum studio observandæ legis Mosaicæ. Docet hoc contexta oratio. Sed vitiosum erat illud studium quum non esset κατ' ἐπιγνώσιν, secundum scientiam; quod quo modo hic intelligendum sit ipse Apostolus statim explicat, dicens:

(1) Ad h. I. Εὐδοκίαν, inquit, ἐνταῦθα τὴν ἐπιθυμίαν ἐκαλεσε καὶ γὰρ ἐπιθυμῶ, φησι, καὶ προσευχομαι τῆς σωτηρίας αὐτοὺς τυχεῖν. h. e. Εὐδοκίαν hoc loco desiderium appellavit; cupio enim, inquit, et precor, ut salutem consequantur. In eamdem sententiam eam vocem interpretatus est et THEOPHYLACTUS: Ἡ μὲν εὐδοκία, inquit, τοῦτεστιν, ἡ θελήσις μου καὶ ἡ σφοδρὰ ἐπιθυμία· καὶ οὐ μόνον τοῦτο, ἀλλὰ καὶ ἡ δεισις ὑπὲρ ὧν μόνον ἐστὶν h. e. Εὐδοκία, hoc est, voluntas mea et vehemens desiderium; et non solum hoc, verum etiam obsecratio pro vobis est.

(2) Pariter nec εὐδοκεῖν illud quod legitur 2 Cor. V. 8. 1 Thess. II. 8 et III. 1 valet desiderare. Nam εὐδοκούμεν μαλλον 2 Cor. V. 8 est malumus; εὐδοκούμεν (Imperf. sive augmento) 1 Thess. II. 8 est cupide volebamus; denique εὐδοκησάμεν 1 Thess. III. 1 valet placuit nobis.

وَصَلِّئَا بِقَسْدٍ وَتَقَرُّوْا بِقَسْدٍ (3)

وَقَسْدِيْ بِقَسْدِيْ

h. e. Voluntas cordis mei et precatio mea ad Deum pro illis (est) ut salventur.

γ. 3. *Ignorantes enim justitiam Dei, et suam quærentes statuere, justitiæ Dei non sunt subjecti.*) Ostendit Apostolus causam cur (γὰρ) illorum ζῆλος non sit κατ' ἐπιγνώσιν, secundum scientiam. Et causa erat quia dēssset illis scientia justitiæ Dei (τῆς τοῦ Θεοῦ δικαιοσύνης), hoc est, quia ignorarent modum quo ex Dei instituto perveniri deberet ad statum justitiæ; ex qua ignorance fiebat ut dum stabilire conarentur (ζητούντες στησαι) suam justitiam (τὴν ἰδίαν δικαιοσύνην), hoc est, dum suo modo quærent pervenire ad statum justitiæ sive gratos acceptosque esse Deo, sese non submitterent (οὐχ ὑπεταγῆσαν¹) justitiæ Dei (τῇ δικαιοσύνῃ τοῦ Θεοῦ), hoc est, non eo modo justitiam quærent, quo Deus præcepisset eandem esse acquirendam.

Institutum Dei est ut homines justificentur gratis per fidem²). Illi autem merito suorum operum justificari contendebant, et credere Evangelio negabant (Cf. Cap. IX. 32). Justitiam Dei, quam alibi (Cap. IV. 13) Apostolus justitiam fidei) vocat, intellige justitiam quam Deus gratuito impertitur credenti³), sicut Cap. I. γ. 17. Sed nota, justitiam Dei ab Apostolo hic exhiberi tanquam legem aliquam, cui obtemperare debeat quicumque voluerit justificari; dicit enim: justitiæ Dei non sunt SUBJECTI. Est autem subjectus justitiæ Dei tanquam legi is qui ad gratuitum justitiæ donum per fidem⁴) contendit. Hanc verò legem illi ignorabant⁵) (αγνοοῦντες), neque adeò eidem sese submiserunt (οὐχ ὑπεταγῆσαν). Pro Dei justitiâ gratis per fidem obtinendâ illi suam quærebant statuere (στησαι⁶) justitiam (τὴν ἰδίαν δικαιοσύνην), hoc est, sibi absque fide ex suorummet operum meritis parare justitiam⁷). Ceterum, alio modo idem hic dicit Apostolus quod modò dixerat: (Cap. IX. 31. sq.) *Israël sectando legem justitiæ,*

(1) Aor. Pass. cum notione Mediâ.

(2) Cf. hic quæ notavimus supra ad Cap. III. γ. 28. p. 103. sq.

(3) THEODORETUS (ad h. l.): Θεοῦ δικαιοσύνην, inquit, προσήγορευσε τὴν κατὰ χάριν διὰ τῆς πίστεως γενομένην. h. e. DEI JUSTITIAM vocavit eam quæ gratuito per fidem obtingit. Et THEOPHYLACTUS: Θεοῦ δικαιοσύνη, ἡ ἐκ πίστεως. Οὐ γὰρ πόνους ἔχει ἡμετέροις, ἀλλὰ τὸ ὅλον χάρισμα ἐστὶ Θεοῦ. h. e. DEI JUSTITIA, illa quæ ex fide est; neque enim habet labores nostros, sed totum gratia Dei est.

(4) Justitia Dei per fidem Jesu Christi. Cap. III. 22.

(5) Ignorantia sanè quam graviter culpabili;

oriebatur enim hæc ignorantia ex gravi culpa incredulitatis qua Evangelio credere negabant, ut jam dictum est supra Cap. IX. 32, et iterum hic dicitur infra γ. 16. Locus parallelus est illud PAULI de se testimonium (1 Tim. 1. 13): Prius blasphemus fui et persecutor et contumeliosus; sed misericordiam Dei consecutus sum, quia ignorans feci in incredulitate.

(6) Στησαι, statuere, hic dicitur metaphora ductâ ab ædificatione.

(7) Confer illud Apostoli ad Philippenses (Cap. III. 9): Et inveniar in illo non habens meam justitiam quæ ex lege est, sed illam quæ ex fide est Christi Jesu; quæ ex Deo est justitia in fide.

in legem justitiæ non pervenit. Quare? Quia non ex fide, sed quasi ex operibus: offenderunt enim lapidem offensionis.

Bene ESTIUS (ad h. l.): « Observa, inquit, non dixisse PAULUM et propriam justitiam statuentes, sed statuere quærentes, quemadmodum et superius (Cap. IX. 32) dixerat: quasi ex operibus; quia scilicet hæc propria justitia non est vera justitia, quæ statui possit ».

γ. 4. *Finis enim legis, Christus, ad justitiam omni credenti*). Explicat (γαρ) quod præmiserat: *justitiæ Dei non se submiserunt*. Neque enim, inquit, ut facere debuissent, credendo agnoscere voluerunt JESUM Messiam qui *scopus*¹⁾ est Legis *ad justitiam* (εις δικαιοσύνην) conferendam cuivis credenti. In eandem sententiam ad Galatas Cap. III. 24) Apostolus scripsit: *Lex pædagogus noster fuit in Christo* (Græce εις Χριστον, in Christum) *ut ex fide justificemur*.

γ. 5—10. Moyses enim scripsit, quoniam justitiam, quæ ex lege est, qui fecerit homo, vivet in ea.⁶ Quæ autem ex fide est justitia, sic dicit: Ne dixeris in corde tuo: quis ascendet in cælum? id est, Christum deducere: ⁷ Aut quis descendet in abyssum? hoc est, Christum a mortuis revocare. ⁸ Sed quid dicit Scriptura? Prope est verbum in ore tuo, et in corde tuo: hoc est verbum fidei, quod prædicamus. ⁹ Quia si confi-

γ. 5—10. Μωϋσῆς γὰρ γράφει^{a)} τὴν δικαιοσύνην τὴν ἐκ τοῦ νόμου, ὅτι ὁ ποιήσας αὐτὰ ἄνθρωπος, ζήσεται ἐν αὐτοῖς. ^{b)} ⁶ Ἡ δὲ ἐκ πίστεως δικαιοσύνη οὕτω λέγει· Μὴ εἶπῃς ἐν τῇ καρδίᾳ σου, τίς ἀναβήσεται εἰς τὸν οὐρανόν; τοῦτ' ἐστὶ Χριστὸν καταγαγεῖν. ⁷ ἢ τίς καταβήσεται εἰς τὴν ἄβυσσον; τοῦτ' ἐστὶ Χριστὸν ἐκ νεκρῶν ἀναγαγεῖν. ⁸ Ἀλλὰ τί λέγει ^{c)}; Ἐγγύς σου τὸ ῥῆμά ἐστιν ἐν τῷ στόματί

Paraphrasis. MOYSES enim de justitia ex lege consequenda scribit: Qui fecerit mandata Dei, per earum observationem vitam obtinebit. Sed justitia fidei sic apud eum loquitur: Noli incredulus cogitare: quis ascendere potest in cælum (puta ad CHRISTUM inde in terram deducendum); aut, quis potest descendere in abyssum? (puta, ad CHRISTUM inde a mortuis revocandum). Sed quid dicit justitia fidei? Sic dicit: Res prope tibi adest, scilicet in ore tuo est et in corde tuo. Res autem illa est fides quam

(1) Τελος, *scopus*, ut in hoc EPICTETI (apud ELSNERUM ad h. l.): οἱ τέλος ποιούμενοι τὴν ἡδονήν, qui pro scopo voluptatem habent. S. THOMAS (ad h. l.): Lex, inquit, ordinat homines in Christum quem promittebat et præfigurabat. CAJETANUS

(ad h. l.): « Per hoc quod CHRISTUS finis est ad quem ordinatur lex ut omnis credens consequatur justitiam, probat quod Judæi non fuerunt subditi justitiæ Dei; nam repellendo finem legis Christum, repulerunt justitiam Dei. »

tearis in ore tuo Dominum Jesum, et in corde tuo credideris quod Deus illum suscitavit a mortuis, salvus eris. ¹⁰ Corde enim creditur ad justitiam : ore autem confessio fit ad salutem.

σου καὶ ἐν τῇ καρδίᾳ σου. Τοῦτ' ἔστι τὸ ῥῆμα τῆς πίστεως ὃ κηρύσσομεν. ⁹ Ὅτι εἰς ὁμολογήσης ἐν τῷ στόματί σου Κύριον Ἰησοῦν, καὶ πιστεύσης ἐν τῇ καρδίᾳ σου, ὅτι ὁ Θεὸς αὐτὸν ἡγειρεν ἐκ νεκρῶν, σωθήσῃ. ¹⁰ Καρδίᾳ γὰρ πιστεύεται εἰς δικαιοσύνην· στόματι δὲ ὁμολογεῖται εἰς σωτηρίαν.

prædicamus ut necessariam ad justitiam consequendam ; quia si ore tuo professus fueris JESUM esse filium Dei, et corde tuo credideris quod Deus illum suscitaverit a mortuis, salvus eris. Etenim per fidem cordis acquirimus justitiam, et perprofessionem oris salutem.

VARIANS LECTIO.

a) Pro γράφει, scribit, Vulgata habet in Præterito *scripsit*; sed hæc lectio in nullo Græco Codice invenitur.

b) In Codice A sic legitur : . . . ὅτι τὴν δικαιοσύνην τὴν ἐκ νόμου ὁ ποιήσας ἄνθρωπος, ζήσεται ἐν αὐτῇ, quam lectionem Vulgata Latina exhibet. Vox αὐτὰ post ποιήσας pariter deest in Codd. DE, et pro ἐν αὐτοῖς legitur ἐν αὐτῇ etiam in Codice B. Mitto reliquas quæ hic occurrunt lectiones variantes. Collatis autem testimoniis Codicum et antiquarum versionum pro genuina PAULI scriptura eam habuerim quam exhibet editio Complutensis:

c) Post τι additur ἡ γραφή in Codd. DE, et post λέγει additur ἡ γραφή in Codd. FG. Glossema est. Subjectum orationis ibi est ἡ ἐκ πίστεως δικαιοσύνη (γ. 6).

γ. 5—10. *Moyses enim scripsit, quoniam justitiam, quæ ex lege est, cet.)* Versus 5 Græcè sic legitur : *Moyses enim de justitia, quæ ex lege est, scribit : Qui fecerit ea (præcepta divina), vivet per ea.* Ad firmandum id quod modo dixerat de justitia consequenda *per fidem*, Apostolus in medium profert MOYSEN describentem utramque justitiam, *legis et fidei*. MOYSES enim ¹⁾, inquit PAULUS, *de justitia ex lege consequenda scribit*

(1) Vide Levitic. XVIII. 5.

(γραφει ¹ την δικαιοσύνην): Qui praecepta fecerit (ὁ ποιήσας αὐτὰ ²), vitam per (ἐν instrumenti) earum observationem obtinebit. Sed justitia fidei sic apud eum loquitur: Noli incredulus in corde tuo dicere (cogitare): Quis adscendere potest ³ (ἀναβησεται) in cælum (puta ⁴ ad CHRISTUM inde in terram deducendum ⁵); aut quis potest descendere in abyssum? (puta, ad CHRISTUM inde a mortuis revocandum). Sed quid dicit justitia fidei ⁶? Sic dicit: Res prope tibi adest, scilicet in ore tuo et in corde tuo ⁷). Res autem illa est fides quam prædicamus ut necessariam ad justitiam est consequendam; quia si ore tuo professus fueris JESUM esse filium Dei, et corde tuo credideris quod Deus illum suscitaverit a mortuis, salvus eris (scilicet, salute inchoatâ, quæ posita est in gratia Justificationis). Bene ESTIUS (ad h. l.): « Observabis, inquit, Apostolum volentem commendare justitiam fidei, primum remove infidelitatem ei contrariam, qua scilicet dubitaret quispiam de CHRISTI incarnatione aut resurrectione; sub quibus cetera de CHRISTO mysteria comprehensa intellige. Deinde vero fidem ipsam exigit, dicens: Sed quid dicit Scriptura? Propè est, cet. ».

Disputatur utrum verba Mosis, *quis adscendet*, et reliqua, liberius hic a PAULO recitata ⁸), sensu aliquo, aut litterali, aut prophetico, reapse dicta sint de *justitia per fidem consequenda*, an verò PAULUS verba Mosis, quamquam de justitia fidei minime loquantur, ad eam tamen rem accommodatione quadam transtulerit. Et in priori quidem sententia

(1) Γράφειν τι eo sensu ut valeat γράφειν περί τινος legitur etiam Joh. 1. 46: ὃν ἐγράψεν Μωϋσής, cet.

(2) Voces αὐτὰ et ἐν αὐτοῖς referuntur ad *leges meas et judicia*. Scilicet citatus a PAULO locus (Levitic. XVIII. 5) sic legitur: *Custodite leges meas atque judicia, quæ faciens homo vivet in eis*.

(3) Ἀναβησεται, Futurum de eo quod fieri possit; quam vim Futuri Latini exprimunt per Præsens Coniunctivi: *quis adscendat*?

(4) Græce τοῦτ' ἐστὶ, quæ formula est aliquid interpretantis.

(5) Καταγαγεῖν et mox ὕ. 7 ἀναγαγεῖν sunt Infinitivi finis, ut Matth. 11. 2: ἤλθομεν προσκυνῆσαι αὐτῷ.

(6) Vide lect. var.

(7) S. CHRYS. (Hom. XVII in Ep. ad Rom.:

Τι δὲ ἐστὶν, Ἐγγὺς σου τὸ ῥημᾶ ἐστὶ; Τοῦτεστιν, εὐχολοῦν ἐστὶν... ἐν γὰρ τῇ διανοίᾳ σου καὶ τῇ γλώσσῃ ἡ σωτηρία. h. e. Quid vero tibi vult illud: *Prope te verbum est*? Nempe facile est; nam in mente et in lingua tua sita est salus.

(8) Verbotenus locus ille sic legitur (Deuteron. XXX. 11—15): *Mandatum hoc, quod ego præcipio tibi hodie, non supra te est, neque procul positum, nec in cælo situm, ut possis dicere: quis nostrum valet ad cælum adscendere, ut deferat illud ad nos, et audiamus atque opere compleamus? neque trans mare positum, ut causeris et dicas: quis ex nobis poterit transfretare mare et illud ad nos usque deferre, ut possimus audire et facere quod præceptum est? sed juxta te est sermo valde, in ore tuo et in corde tuo, ut facias illum*.

esse video CAJETANUM ¹, DOMINICUM SOTO ², SALMERONEM ³, BEN. JUSTINIANUM ⁴, TOLETUM ⁵, alios; in altera verò S. CHRYSOSTOMUM ⁶, THEODORETUM ⁷, ESTIUM ⁸, alios. Et cum his sentire equidem malim quam cum illis, cum quòd partim arbitrariæ, partim violentæ mihi videntur interpretationes eorum qui Mosis illa verba sensu aut litterali, aut mystico, aut allegorico sive prophetico, ad justitiam fidei referre conantur, tum etiam quòd video PAULUM in adhibendo Mosis illo loco agere quam liberrimè, alia omittere, alia addere aut mutare. Fateor tamen PAULI orationem hoc loco (5—8) ita conformatam esse ut omnino videatur voluisse Mosis effatum non simpliciter accommodare ad rem quam tractabat, sed plane illud adducere tamquam argumentum ad eam rem probandam. Quare non nisi invitus in eam ivi sententiam, quæ PAULUM in illo Mosis effato adhibendo *accommodatio*, ut vocant, sensu usum fuisse existimat.

§. 9. *Quia si confitearis in ore tuo Dominum Jesum, et in corde tuo credideris, quod, cet.)* Explicat quod modò dixerat, *hoc est verbum fidei*, et exponit cur dicatur (§. 8.) *in ore tuo, et in corde tuo*. Et ratio est, quia ad salutem requiritur ut et corde credas, et quæ credideris, ore, ubi res poposcerit, profitearis. *Quia* inquit, *si ore tuo* (εν ⁹ τῷ στόματι σου) *professus fueris* (ὁμολογήσης) *Jesum* (Ἰησοῦν) *esse Filium Dei* (Κυρίου ¹⁰) *et corde tuo* (εν τῇ καρδίᾳ σου) *credide-*

(1) CAJETANUS (ad h. l.) ad verba ista: quæ autem ex fide est justitia sic dicit, hæc notat: Adverte quod PAULUS non inducit Moysen dicentem quæ subjunguntur sumpta ex Deuteronomii trigesimo capite, sed inducit justitiam quæ est ex fide loquentem non sine mysterio. Sciebat siquidem verba ista apertè dici in persona Moysis; sed quoniam acutissimè vidit quod hæc dicebantur ratione justitiæ fidei, ideo induxit justitiam fidei dicentem quæ pro ipsa dicuntur.

(2) SOTO (ad h. l.): Apostolus, inquit, hic non citat hanc sententiam in sensu litterali, is enim erat de præceptis legis, quæ in promptu erant et ob oculos posita, sed in sensu mystico.

(3) SALMERON (Disputat. in Ep. ad Rom. Lib. 3. Disputat. 32.).

(4) BEN. JUSTINIANUS (ad h. l.): Equidem, inquit, si quidquam conjectura assequor, verba Mosis proximè legem illam veterem spectare mihi facile persuaserim, nec tamen continuo in hæc PAULI sententia simplicem allegoriam aut appli-

cationem admiserim; sed in eam potius sententiam propensior sum, quæ in illo velut historico et litterali sensu alterum propheticum magisque proprium latuisse existimat.»

(5) In Ep. ad Rom. ad h. l.

(6) Hom. XVII in Ep. ad Romanos: Κεχρηται, inquit, ῥημασι τοις εν τη παλαιᾷ κειμενῶς... Τοῦτο γὰρ ὁ περὶ πίστεως εὐθαντα φησι, περὶ τῆς ἐντολῆς αὐτοῖς λέγει Μουσις. h. e. Utilitur (PAULUS) verbis ex Vetere Testamento desumptis... Quod enim hic de fide dicit, de præcepto dicit illis MOYSES.

(7) Ad h. l. (8) ad h. l.

(9) Εν instrumenti, ut Apoc. XIV. 13: κραζειν εν μεγάλῃ φωνῇ. Pro εν τῷ στόματι (met den mond) mox (§. 10) dicitur στόματι, in Casu instrumentali. Idem dictum puta de locutione εν τῇ καρδίᾳ (met het hart), pro quo mox ibidem (§. 10.) pariter in Casu instrumentali dicitur καρδίᾳ.

(10) Κυρίου est hic Prædicatum, ut Philipp. II, 11. Cf. 1 Joh. IV. 15.

ris, quod Deus illum suscitaverit a mortuis, salvus eris, puta salute inchoatâ, quæ salus posita est in gratia justificationis. Externam fidei professionem Apostolus hic nominavit ante actum fidei internum, quia in verbis Mosis (ψ. 8.) primo loco dictum est *in ore tuo*; deinde verò *in corde tuo*; et quia *os* ibi distinguitur a *corde*, PAULUS quoque externam fidei professionem ab interno fidei actu distinguere voluit; nam alibi, ex. gr. Cap. I. 16. III. 28. 30, *salutem* sive gratiam justificationis simpliciter fidei tribuere solet; non quòd sentiat necessarium non esse ut quis fidem suam, ubi res poposcerit, exterius profiteatur, sed quòd professionem oris a credulitate cordis non separat, quum duo hæc ex natura rei intime sint conjuncta. Quo verò sensu fidei tribuatur *justificatio*, supra (ad Cap. I. ψ. 17. pag. 25—28) diligenter explicatum fuit.

ψ. 10. *Corde enim creditur ad justitiam: ore autem confessio fit ad salutem*). Quod modò (ψ. 9) dixerat Apostolus de salute (σωθηση) sive gratia Justificationis obtinenda per fidem et fidei professionem, illud hic repetit atque *confirmat* (γαρ). Quod autem *justitia* (δικαιοσυνη) sive gratia justificationis ibi tribuitur fidei cordis, *salus* (σωτηρια) autem oris confessioni, non est de hoc subtilius disserendum. Potuisset Apostolus, nullâ sententiæ varietate, etiam scribere: *Corde enim creditur ad salutem; ore autem confessio fit ad justitiam*. Nimirum, sicut salus illa alia non est quam ipsa gratia justificationis sive justitia, ita quoque fides et fidei professio proprie non differunt; quid enim aliud est fidei professio quam ipsa concepta animo fides exterius manifestata? Apostolus, inquam, non discernit, ad rem quod attinet, aut *justitiam* a *salute*, aut *oris confessionem* a *fide cordis*. Præp. εις dicta ibi est de effectu.

ψ. 11—13. Dicit enim Scriptura: Omnis, qui credit in illum, non confundetur. 12 Non enim est distinctio Judæi et Græci: nam idem Dominus omnium, dives in omnes, qui invocant illum. 13 Omnis enim, quicumque invocaverit nomen Domini, salvus erit.

ψ. 11—13. Λέγει γὰρ ἡ γραφή· "Οτι πᾶς ὁ πιστεύων ἐπ' αὐτῷ, οὐ καταισχυνθήσεται. 12 Οὐ γὰρ ἐστὶ διαστολὴ Ἰουδαίου τε καὶ Ἑλλήνος· ὁ γὰρ αὐτὸς Κύριος πάντων, πλουτῶν εἰς πάντας τοὺς ἐπικαλούμενους αὐτόν. 13 Πᾶς γὰρ ὃς ἂν ἐπικαλέσῃται τὸ ὄνομα Κυρίου, σωθήσεται.

Paraphrasis. Dicit enim Scriptura: Quicumque in illum crediderit, speratam salutem consequetur. Neque enim est ibi inter Judæos et Gentiles discrimen; oblata salus est ex æquo omnibus; nam unus idemque est omnium hominum, Judæorum æque ac Gentilium, salvator atque Dominus, qui gratiæ suæ divitias effundit in omnes qui JESUM Messiam invocant. Nam, teste JOËLE, quicumque nomen Domini JESU invocaverit, salutem consequetur.

γ. 11. *Dicit enim Scriptura : Omnis qui credit in illum , non confundetur*). adducto S. Scripturae testimonio Apostolus confirmat , quod modò (γ. 10) dixerat , scilicet *justificari hominem per fidem* . Sumptum est testimonium illud ex Isaïæ de MESSIA vaticinio (Cap. XXVIII. 16). Dicitur ibi יְהוָה אֱלֹהֵינוּ (LXX : *ὁ πιστευων*) , *qui credit* , generali sententiâ ; quare Apostolus in recitando illo loco de suo addere potuit voculam *πας* , *omnis* . *Ὅτι* recitativum est. Ceterum , vide quæ notavimus supra ad Cap. IX. 33. pag. 321.

γ. 12. *Non enim est distinctio Judæi et Græci*). Rationem dat (*γαρ*) Apostolus cur in antegresso testimonio dicatur *πας* . Et ratio est , quia justificationis gratia divinitus offertur , nullo gentis discrimine , omni credenti. Cf. Cap. III. 22. Bene ESTIUS : « Urget Apostolus , *inquit* , non tam universale signum *omnis* , quod apud ISAÏAM non habetur , quam ipsius sententiæ propheticae indefinitam generalitatem , qua nemo a salute excluditur , modò credat , sive Judæus ille sit sive Græcus , id est , Gentilis ; species enim nominatissima pro toto genere ponitur » .

nam idem Dominus omnium , dives in omnes , qui invocant illum). Ratio datur cur (*γαρ*) ad gratiam Justificationis admittantur qui crediderint *omnes* , nullo gentis discrimine. Et ratio est quia *unus idemque* (*ὁ αὐτος*) est *omnium* hominum , Judæorum æque ac Gentilium , salvator atque *Dominus* (*κυριος* ¹) , qui gratiæ suæ divitias effundit non in Judæos solùm , sed in omnes qui illum *invocant* , adèoque profitentur illum *esse Filium Dei* (γ. 9). Dicitur *πλουτειν εις παντας* , ut suprâ (Cap. V. 15) *περισσευειν εις τινας* .

γ. 13. *Omnis enim , quicumque invocaverit nomen Domini , salvus erit*). Quod modò (γ. 12) dixerat Apostolus , scilicet *gratiam justificationis* , nullo gentis discrimine , *omnibus esse oblatam* , idipsum *comprobat* (*γαρ*) testimonio Prophetæ Joëlis (Cap. II. 32. Hebr. Cap. III. 5) , quod hic adducit nullâ præmissâ citandi formulâ , quia Scripturae verba facit sua. Recitata autem verba Joëlis ad CHRISTUM Dominum esse referenda , etiam PETRO interprete (Act. Ap. Cap. II. 17—37) novimus.

(1) Ὁ αὐτος in præsentī oratione *Subjectum* , Κυριος autem *Prædicatūm* est.

γ. 14—17. Quomodo ergo invocabunt, in quem non crediderunt? Aut quomodo credent ei, quem non audierunt? ¹⁵ Quomodo autem audient sine prædicante? Quomodo vero prædicabunt nisi mittantur: sicut scriptum est: Quam speciosi pedes evangelizantium pacem, evangelizantium bona! ¹⁶ Sed non omnes obediunt Evangelio. Isaïas enim dicit: Domine quis credidit auditui nostro? ¹⁷ Ergo fides ex auditu, auditus autem per verbum CHRISTI.

14—17. Πῶς οὖν ἐπικαλέσονται εἰς ὃν οὐκ ἐπίστευσαν; πῶς δὲ πιστεύσουσιν οὐ οὐκ ἤκουσαν; πῶς δὲ ἀκούσουσι χωρὶς κηρύσσοντος; ¹⁵ πῶς δὲ κηρύξουσιν ἐὰν μὴ ἀποσταλῶσι; καθὼς γέγραπται· Ὡς ὠραῖοι οἱ πόδες τῶν εὐαγγελιζομένων εἰρήνην, τῶν εὐαγγελιζομένων τὰ ἀγαθὰ. ¹⁶ Ἀλλ' οὐ πάντες ὑπήκουσαν τῷ εὐαγγελίῳ. Ἡσαΐας γὰρ λέγει· Κυριε, τίς ἐπίστευσε τῇ ἀκοῇ ἡμῶν; ¹⁷ Ἄρα ἡ πίστις ἐξ ἀκοῆς, ἡ δὲ ἀκοὴ διὰ ῥήματος Θεοῦ. ^{a)}

Paraphrasis. Quum ergo salus pendeat ab invocando Jesu Messia, quomodo, inquam, invocare queant eum cui non crediderunt? Aut quomodo credant illi, de quo non audierunt? Quomodo autem de illo audiant, nisi sit qui prædicando illum annuntiet? Quomodo verò præconem quis agat, nisi divinitus ad hoc officium mittatur? De qua missione vaticinatus est ISAÏAS, cum diceret: *Quam gratus est adventus evangelizantium salutem et pacem!* Et sanè, apparuere, sicut prædictum erat, divini illi præcones; sed non nisi pauci fidem adhibuere Evangelio quod prædicabant; evenitque ibi quod olim fuerat prædictum ab ISAÏA exclamante: *Domine, quam pauci sunt qui fidem adhibuere prædicationi nostræ!* Ergo fides nascitur ex prædicatione, prædicatio autem instituitur ex mandato Dei.

VARIANS LECTIO.

a) Pro Θεοῦ legitur Χριστοῦ in Codd. BCD'E; reliqui autem Codd. unciales, minusculi multi, versiones quoque pleræque, ut et Græci Patres, exhibent lectionem Θεοῦ. Quare hanc lectionem equidem alteri prætulerim, eoque magis quòd lectio Χριστοῦ tribui possit correctioni Librarii, qui putaverit debuisse Apostolum hoc loco nominare non *Deum*, sed *CHRISTUM*, existimans sermonem hic esse *directo* et *peculiariter* de mandato prædicandi Evangelii.

§. 14 — 15. *Quomodo ergo invocabunt, in quem non crediderunt? aut quomodo; cet.)* Ex *invocatione*, quam modò (§. 13) dixerat, Apostolus infert necessitatem credendi: *Quomodo ergo* (οὐν i. e. quum Messiana salus pendeat, ut dictum est, ab *invocando* Messia) *homines ex animo invocare poterunt eum cui non crediderunt?* deinde ex necessitate credendi infert necessitatem audiendi de illo cui fides adhibenda sit: *Quomodo fidem adhibere poterunt illi de quo non audierunt?* ex necessitate verò audiendi de illo cui credas infert necesse esse ut aliquis prædicando annuntiet eum cui fides adhibenda sit: *Quomodo autem de eo audire poterunt, nisi quis sit qui illum prædicando annuntiet?* tandem ex necessitate prædicationis infert necessitatem legitimæ missionis ad prædicandum sive Apostolatûs: *Quomodo autem homines divinitus docere poterunt homines, nisi a Deo ad hoc missi fuerint?* Argumentationis hujus, quam *sorten* recte appellaveris, finis est demonstrare, ad salutarem illam *invocationem* (§. 13.) opus esse præconibus divinitûs ad prædicandum ablegatis. Illam autem demonstrationem Apostolus per formulam *καθως γεγραπται* deinde confirmat auctoritate ISAÏE prophetæ Apostolorum adventum prænunciantis. (Isaïæ Cap. LII. 7).

ISAÏE autem illud vaticinium PAULUS recitat *ad sensum* tantum; nam verbotenûs sic habet: מִהֲצָאוּ עַל-הַהָרִים רִגְלֵי מְבַשֵּׂר מְשֻׁמֵּר שְׁלֹמֹם מְבַשֵּׂר טוֹב מְשֻׁמֵּר הַשְׁמֵרָה אָמַר לְצִיּוֹן מְלֶכֶת אֱלֹהִים h. e. *Quam grati sunt in montibus pedes (adventus) annunciantium pacem, nunciantium bona, nunciantium salutem, clamantium ad Sionem: Deus tuus regnat!* Quæ verba in recitato ISAÏE loco litterali quidem sensu dicta sunt de annuntiatione solutæ captivitatis et reditûs ab exilio Babylonico; sed corporalis hæc liberatio, ut PAULO interprete hic docemur, typus erat spiritualis liberationis a MESSIA procurandæ atque ab Apostolis promulgandæ. Synagogæ quoque notam fuisse typicam illius vaticinii rationem, WESTENIUS probavit ad Cap. X. 15 epistolæ ad Romanos.

§. 16. *Sed non omnes obediunt Evangelio*) Apparuerunt, inquit Apostolus, sicut prædictum erat (§. 15. ex Isaïæ LII. 7), illi qui divinitûs missi prædicaverunt eum cui quotquot crediderunt verâ justitiâ fuêre donati, *at verò* (ἀλλὰ), illis prædicantibus, *non omnes obediabant* (ὀυκ ὑπήκουσαν¹) *Evangelio.*— Quod dicit *non omnes* ibi valet *admodum pauci, rari*; constat hoc ex insequentibus istis: ISAÏAS enim dicit, *Domine, quis credidit prædicationi nostræ*²? Nota, causam cur Judæorum plerique

(1) Vulgata hic habet verbum Temporis præsentis *obediunt*; sed Græci codices constanter hoc loco exhibent ὑπήκουσαν in Aoristo historico. Ex historica autem illa notitia, *non omnes OBEDIEBANT Evangelio*, petenda est ratio nexûs quo præsens versiculus cum antegressis 14 et 15 cohæret.

(2) Græce τῇ ἀκοῇ pro quo Hebraice est vox שְׁמִיעָה h. e. *id quod auditum est*, et mox ipsa *annunciatio, prædicatio*. Hinc Chaldæus paraphrastes hic habet מִן הַדְמִיָּה לְבִסְרָתָהּ h. e. *Quis credidit evangelizationi nostræ.*

exclusi fuerint a Messiana salute ab Apostolo asferri non *absolutum* aliquod *decretum*, sed negationem obedientiae præstandæ Evangelio divinitus illis prædicato. Ideò, inquam, Messiana salute fuere exclusi, quia credere noluerunt.

Isaias enim dicit: Domine, quis credidit auditui nostro?) Ostendit Apostolus Judæorum plerorumque illam incredulitatem olim fuisse prædictam.— Particula *γὰρ* hoc loco vim habet non tam *argumentativam* quam potius *explicativam*, et hoc quidem sensu: Judæorum plerique fuere increduli evenitque ibi quod olim fuerat prædictum, vaticinante ISAIA: *Domine, quis credidit*, etc. Verba *Ἰσαΐας γὰρ λέγει* Belgicè reddiderim: ISAIAS zegt ja: *Heere*, cet. Qui hic ab Apostolo recitatur ISAIAE locus, sumptus is est ex Cap. LIII, quod secundum litteralem sensum ad JESUM Messiam pertinet totum. cf. Joh. XII. 38.

γ. 17. *Ergo fides ex auditu, auditus autem per verbum Christi.*) Ex antegresso ISAIAE effato, DOMINE, *quis CREDIDIT AUDITUI nostro*, fit collectio (*ἄρα*) hæc: *ergo fides nascitur ex prædicatione* (*ἐξ ἀκοῆς*); *prædicatio autem* (*ἣ δὲ ἀκοή*) *instituitur per mandatum* (*διὰ ρήματος*) *Dei*, ut a quo mittendi sint qui prædicent. Confirmat in hac collectione Apostolus id quod paulò ante (γ. 14 et 15) pluribus dixerat; simul autem transitionem facit ad refellendas rationes quibus Judæorum incredulitas excusari posse videretur.

γ. 18—21. Sed dico: γ. 18—21. Ἀλλὰ λέγω· Μὴ οὐκ ἤκουσαν; Et quidem in omnem terram Μενοῦνγε εἰς πᾶσαν τὴν γῆν ἐξῆλθεν ὁ φθόγος αὐτῶν, καὶ εἰς τὰ πέρατα τῆς οἰκουμένης τὰ ρήματα αὐτῶν. 19 Ἀλλὰ λέγω· Μὴ οὐκ ἔγνων Ἰσραήλ^{a)}; Πρῶτος Μωϋσῆς λέγει· Ἐγὼ παραζηλώσω ὑμᾶς ἐπ' οὐκ ἔθνει, ἐπὶ ἔθνει ἀσυνέτῳ παροργιῶ ὑμᾶς. 20 Ἡσαΐας δὲ ἀποτολμᾷ καὶ λέγει· Εὐρέθην τοῖς ἐμὲ μὴ ζητοῦ-

Paraphrasis. Ast heic ego dico: Numquid forte defuere Judæis Evangelii prædicatores, quo factum sit ut de doctrina salutis non inaudierint? Imo verò, vox præconum Evangelii per universum terrarum orbem personuit, et verba eorum penetrarunt ad terminos usque terræ. At dico: Numquid forte Judæos latuit Gentiles quoque ad Messianam salutem esse vocandos? Nequaquam. Prædicta erat res. Primum MOYSES dicit: *Zelotypiam vestram concitabo propter gentem, gentis nomine indignam; propter gentem veræ religionis ignaram ad iram vos commovebo.* ISAIAS autem nihil veritus suo-

Israël autem dicit : Tota die expandi manus meas ad populum non credentem ; et contradicentem.

σιν, ἐμφανῆς ἐγενόμην τοῖς ἐμὲ μὴ ἐπερωτῶσι. 21 Πρὸς δὲ τὸν Ἰσραὴλ λέγει· Ὅλην τὴν ἡμέραν ἐξεπέτασα τὰς χεῖράς μου πρὸς λαὸν ἀπειθοῦντα καὶ ἀντιλέγοντα.

rum popularium offensionem de Gentiliū ad Messianam salutem admissione aperte sic loquitur : *Inventus sum ab eis qui hactenus non quærebant me ; manifestus factus sum illis qui hactenus non interrogabant me.* De Israëlitis autem dicit : *Continuè expansis brachiis illos ut ad me venirent invitavi ; verum illi contumaces ad me venire negarunt.*

VARIANS LECTIO.

a) Pro μη ουκ εγνω Ισραηλ legitur alio verborum ordine μη Ισραηλ ουκ εγνω in Codd. ABCDEFG multisque Minusculis, ut et in plerisque versionibus antiquis. Quare ambigendum non est quin posterior hæc lectio alteri sit præferenda.

γ. 18. *Sed dico : Numquid non audierunt ? Et quidem in omnem terram, cet.)* Duo erant quæ afferri posse viderentur ad Judæorum incredulitatem excusandam ; nam *aut* dicerent ad se non pervenisse Evangelii prædicationem , *aut* etiam se ignorasse Gentiles quoque ad Messianam salutem esse vocandos atque ideò noluisse fidem adhibere prædicato Evangelio quòd viderent ibi Messianam salutem etiam offerri Gentilibus. Utramque excusationem Apostolus ipse affert ad modum objicientis per formulam ἀλλὰ λέγω , *at dico* , statimque refellit ; et priorem quidem versu decimo octavo , alteram verò versibus tribus insequentibus. Sensus est : *Ast heic ego dico : Numquid forte (μη) defuerunt Judæis Evangelii prædicatores , quo factum sit ut de doctrina salutis non inaudierint ?* Et respondet : *Imo verò (μενουυγε¹) vox præconum Evangelii per universum terrarum orbem personuit , et verba eorum penetrarunt ad terminos usque terræ.* Verba ista , *in omnem terram exivit sonus eorum* , et cetera , desumpta sunt ex Psalmo XVIII. 5 (Hebr. XIX). Utitur autem illis Apostolus sensu , ut vocant , *accommodatio* , et loquitur hyperbolice. In Psalmo verba illa proprie dicta sunt de cælo astrifero ubique locorum Dei gloriam enarrante.

(1) De dictione μενουυγε vide supra ad Cap. IX. 21. p. 309.

γ. 19. *Sed dico : Numquid Israël non cognovit?*) Proponit hic Apostolus et mox refellit alteram Judæorum excusationem, quam sumerent ab *universalitate* Evangelicæ prædicationis. Nota, hanc *universalitatem* in versiculo proximè antegresso ab Apostolo fuisse indicatam cum diceret *in omnem terram* (non in Judæam tantum) *exivit sonus eorum*. Atque inde factum est ut in præsentī versiculo dixerit simpliciter *numquid Israël non cognovit*, nec addiderit illius cognitionis *Objectum*. Itaque sensus est: *At dico : numquid forte Judæos latuit Gentiles quoque ad Messianam salutem esse vocandos?*

Primus Moyses dicit : Ego ad æmulationem vos adducam, cet.) Ostendit Apostolus vocationem Gentilium primùm a MOYSE ¹⁾, deinde et ab ISAIA fuisse prædictam, adeoque eam rem non potuisse Judæos latere. Vaticinium quod Apostolus ibi recitat, legitur in cantico Moysis Deuteron. Cap. XXXII. 22, ubi Deus introducit loquens in hanc sententiam : וַיֹּאמֶר אֱלֹהִים בְּלִבִּי-אֶתְּמַלֵּא בְּגִוִּי נֶבֶל אֲכַזְרִים , quæ verba in versione septuaginta-virali sic sonant : καγω παραζηλωσω αυτους 'επ' ουκ εθνει , ἐπ' εθνει ασυνετω παροργιῶ αυτους. h. e. Quemadmodum illi zelotypiam meam concitarunt Deos amando qui Dii non sunt, ita vicissim ego (καγω) zelotypiam eorum concitabo (παραζηλωσω αυτους) propter (επι) gentem hoc nomine indignam, propter gentem insciam (veræ religionis ignaram) ad iram eos commovebo (παροργιῶ). Oratio allegorica est, ductâ metaphorâ a re matrimoniali; IEHOVAM cogita sponsum, et sponsam Gentem Israëliticam, quæ neglecto JEOVA et idola amando conjugalem fidem fregerit.

PAULUS præsentem Deuteronomii locum recitavit secundum LXX, nisi quod bis αυτους in ὑμᾱς mutavit, ut indicaret quinam essent illi αυτοι. Sciendum autem est, in recitatis ab Apostolo verbis Moysis secundum litteralem quidem sensum Deum dici Israëlitas idololatræ posthabiturum Gentilibus populis finitimis atque his favendo illos provocaturum ad iram; sed ea res, PAULO interprete, typicè portendebat Gentilium ad Dei favorem sive Messianam salutem admissionem. — *Επι*, propter, ut Cap. V. 12. *Παροργιῶ* Fut. Atticum a παραοργίζω.

γ. 20. *Isaias autem audet et dicit : Inventus sum*, cet.) Alterum est hoc testimonium quod Apostolus adducit ad probandum, Gentilium ad Messianam salutem admissionem jam olim fuisse prædictam. ISAIAS autem, inquit Apostolus, nihil veritus (αποτολμᾷ ¹⁾) suorum popularium offensionem Gentilium admissionem ad Messianam salutem aperte prænunciat, dicens (Cap. LXV. 1.) : *Inventus sum ab eis* (εὗρεθην τοῖς ²⁾) qui (hactenus) non quærebant me; manifestus factus sum (εμφανὴς ἐγενό-

(1) Πρωτος (pro πρωτερος, ut Act. I. 1) prior; (2) Nota structuram verbi Passivi cum Dativo nam refertur ad ISAIAM, quem secundo loco citat. pro ἑπο cum suo Casu.

μην) illis qui (hactenus) non interrogabant me. — ISAÏÆ locum Apostolus recitavit ad sensum tantum; nam verbotenus sic legitur: נִדְרַשְׁתִּי לָלוֹא שָׂאֵלֹוּ נִמְצָאתִי לֹא בְקִשְׁנִי אֲמַרְתִּי לֹא-קָרָא בְשִׁמִּי הַנִּנִּי הַנִּנִּי אֶל-גּוֹי לֹא-קָרָא בְשִׁמִּי h. e. *Quæsitus sum ab his qui (antehac) me non interrogabant; repertus sum ab iis qui me (antehac) non inquirebant. Dixi, Ecce me, Ecce me, ad gentem non appellatam nomine meo*¹ (non appelé du nom de peuple de Dieu). Sola gens Israëlitica hoc nomine appellabatur.

§. 21. *Ad Israël autem dicit: Tota die expandi manus meas ad populum non credentem et contradicentem.*) Post illa verba, *inventus sum a non quærentibus me*, et reliqua, Propheta, nullâ transitione statim pergit dicere: *Tota die expandi manus meas, cet.*; hæc autem verba ad Israëlitas esse referenda PAULUS unâ hic docet, dicens: πρὸς δε τον Ισραηλ λεγει, h. e. *in (πρὸς²) Israëlitas (i. e. de Israelitis) autem dicit*, scil. idem ISAÏAS. Prædicat ibi Propheta, PAULO interprete, Judæorum incredulitatem et pervicaciam. *Continuè (ὅλην την ἡμεραν)*, inquit Propheta ex persona Dei, *expansis brachiis illos ut ad me venirent invitavi; verum illi contumaces ad me venire renuerunt.* Ergo quod plerique Judæorum exclusi fuerint a Messiana salute,tribuendum hoc est non *absoluto* nescio cui decreto Dei, sed illorum malitiæ qua ad hanc salutem vocanti Deo obtemperare pertinaciter recusarunt. *Jerusalem, Jerusalem*, exclamat Salvator, *quoties volui congregare filios tuos, quemadmodum gallina congregat pullos suos sub alas, et noluisti!* Et iterum (Joh. XV. 22): *Si non venissem et locutus fuissém eis, peccatum non haberent: nunc autem excusationem non habent de peccato suo.*

(1) Vulgata paulo liberius: *Quæsierunt me qui ante non interrogabant; invenerunt qui non quæsierunt me; dixi: Ecce ego, ecce ego, ad gentem, quæ non invocabat nomen meum.* (2) Præpositio πρὸς hoc sensu legitur etiam Hebr. I. 7.

CAPUT UNDECIMUM.

ARGUMENTUM. *Cavet Apostolus ne quis ex recitatis postremo loco (Cap. X. 20. 21) vaticiniis colligat, universam gentem Israëliticam a Messiana salute fuisse exclusam, adeoque Deum populum suum, qua talem, omninò repulisse. Itaque docet non fuisse gentem Israëliticam qua talem a Deo rejectam, idque probat contrariis exemplis (1—7). Post hæc apertis verbis declarat pauciores ex Israëlitis Messianam salutem participasse, reliquos verò suâ culpâ ab illa salute fuisse exclusos, et horum quidem excæcationem olim fuisse a Prophetis prædictam (7—11). Deinde quærit, sit-ne lapsus illorum sine ulla spe resurgendi. Respondet autem negativè, docetque incredulitatis illorum delicto factum fuisse ut evangelicam salutem citius participarent Gentiles, eoque Deum hac in re spectasse ut Israëlitæ increduli per Gentiles credentes atque ad Messianam salutem admissos salutari æmulatione excitati ab incredulitate suâ resipiscerent; et subindicat, id quod deinceps docet distinctius, fore aliquando ut universa gens Israëlitica ad Christum convertatur (11—13). Hinc speciatim ad Ethnico-Christianos sermonem suum convertit, et respiciens ad id quod modò dixerat de Judæis æmulatione Gentilium ab incredulitate revocandis, declarat se in ipsum hunc quoque finem Apostolico suo officio gnaviter fungi inter Gentiles; Judæorum ad Messianam salutem admissionem omninò exspectandam esse; Gentem enim Israëliticam qua talem in suis Patriarchis veluti in sua stirpe Deo esse consecratam; nam si stirps sancta sit, sanctos quoque esse et ramos (13—17). Porro, in oratione metaphorica persistens, incredulos Judæos vocat defractus olivæ ramos, Gentiles autem excisos oleastri ramos in defractorum loco olivæ insertos et inter hujus ramos accitos; unde conficit non esse cur Gentiles superbe se efferant et defractus olivæ ramos fastidiant; meminissent se portari a stirpe, non verò stirpem portari ab ipsis; cogitarent defractus fuisse naturales illos ramos ob eorum incredulitatem, et se quidem in oliva manere juvante fide, sed et facere posse fidei jacturam et sua culpa pariter ab oliva defringi; perpenderent hinc quidem severitatem Dei in defractus illos ramos, illinc verò Dei in se bonitatem; illos jure fuisse defractus, ipsos non suis meritis insertos; denique et defractus illos ramos iterum esse olivæ inserendos, si tamen non permanerent in incredulitate (17—25). Deinde docet Apostolus, futurum esse ut Israëlitica gens universa Messianam salutem participet quo tempore universa Gentilitas in Ecclesiam intraverit, idque tum aliis argumentis, tum S. Scripturæ testimoniis confirmat. Tandem altissima divinæ erga Judæos et Gentiles providentiæ consilia admiratus, cum Dei laude priorem epistolæ suæ partem claudit (25—36).*

§. 1—6. Dico ergo : Numquid Deus repulit populum suum ? Absit. Nam et ego Israëlita sum ex semine Abraham , de tribu Benjamin. ² Non repulit Deus plebem suam , quam præscivit. An nescitis in Elia quid dicit Scriptura : quemadmodum interpellat Deum adversum Israël ? ³ Domine, Prophetas tuos occiderunt, altaria tua suffoderunt : et ego relictus sum solus, et quæerunt animam meam. ⁴ Sed quid dicit illi divinum responsum ? Reliqui mihi septem millia virorum, qui non curvaverunt genua ante Baal. ⁵ Sic ergo et in hoc tempore reliquiæ secundum electionem gratiæ salvæ factæ sunt. ⁶ Si autem gratia, jam non ex operibus : alioquin gratia jam non est gratia.

§. 1—6. Λέγω οὖν· Μὴ ἀπώσατο ὁ Θεὸς τὸν λαὸν αὐτοῦ; Μὴ γένοιτο. Καὶ γὰρ ἐγὼ Ἰσραηλὶ-
της εἰμὶ, ἐκ σπέρματος Ἀβραὰμ, φυλῆς Βενιὰ-
μίν· ² Οὐκ ἀπώσατο ὁ Θεὸς τὸν λαὸν αὐτοῦ, ὃν προέγνω· Ἡ οὐκ οἶ-
δατε ἐν Ἠλίᾳ τί λέγει
ἡ γραφή; ὥς ἐντυγχά-
νει τῷ Θεῷ κατὰ τοῦ Ἰσραήλ, λέγων· ^{a)} ³ Κύ-
ριε, τοὺς προφῆτας σου ἀπέκτειναν, καὶ ^{b)} τὰ θυσιαστήριά σου κατέ-
σκαψαν, καὶ γὰρ ὑπελείφ-
θην μόνος, καὶ ζητοῦσι τὴν ψυχὴν μου. ⁴ Ἀλλὰ τί λέγει αὐτῷ ὁ χρη-
ματισμός; Κατέλιπον ἐμαντῷ ἑπτακισχιλίους ἄνδρας, οἵτινες οὐκ ἔκαμψαν γόνυ τῇ Βάαλ.
⁵ Οὕτως οὖν καὶ ἐν τῷ νῦν καιρῷ λείμμα κατ' ἐκλογὴν χάριτος γέγο-
νεν. ⁶ Εἰ δὲ χάριτι, οὐκέτι ἐξ ἔργων· ἐπεὶ ἡ χάρις οὐκέτι γίνεται χάρις. Εἰ δὲ ἐξ ἔργων ^{c)}, οὐκέτι ἐστὶ χάρις, ἐπεὶ τὸ ἔργον οὐκέτι ἐστὶν ἔργον.

Paraphrasis. Quæro igitur : Quum talia de Judæis et Gentilibus vaticinatus sit ISAIAS, numquid Deus forte a se repulit populum suum, quem in peculiarem gentem suam olim sibi elegerat ? Absit ! Et verò etiam ego, Messianæ salutis ipse præco, ego quoque Israëlita sum, ex Abrahæ semine procreatus, pertinens ad tribum Benjamiticam. Non repulit, inquam, Deus populum suum, quem ab æterno in populum suum peculiarem sibi elegit. Profectò non fugit vos quod legitur eo Scripturæ loco ubi de Elia sermo est, quomodo ibi Israëlitas apud Deum accuset : *Domine*, inquit, *prophetas tuos occiderunt, altaria tua diruerunt, solus prophetarum tuorum relictus sum ego, et me quoque occidere quæerunt.* Sed quid divinitus responsum est ELIÆ ? *Servari mihi septem millia virorum, qui non curvarunt genua coram Baäl.* Igitur quemadmodum ELIÆ illâ ætate supererant qui a cultu JEHOVÆ non defecissent, ita et nunc temporis pauci aliqui Dei gratiâ Messianam participarunt salutem. Quod si tribuendum hoc est gratiæ beneficio, profectò non est acceptum referendum operibus ; alioquin gratia non verè rectèque gratia appellari possit.

VARIANS LECTIO.

- a) Vox λεγων non legitur in Codd. ABCDEFG. Glossema est.
- b) Vocula και ante τα θυσιαστηρια σου a plerisque Codd. et versionibus antiquis abest. Librarii correctio est.
- c) Verba ista ει δε εξ εργαων et quæ sequuntur omnia absunt a Codd. ACDEFG, item a plerisque versionibus antiquis. Tribuenda mihi videntur cuiquam glossatori, qui voluerit antegressam PAULI sententiam antitheticâ sententiâ suo modo elucidare.

ψ. 1. *Dico ergo : Numquid Deus repulit populum suum?*) Vaticiniorum quæ postremo loco Apostolus recitaverat alterum (ψ. 20) portendebat vocationem Gentilium, alterum (ψ. 21) Judæorum repulsionem. Poterat autem falsò nonneminî videri ex vaticiniis istis colligendum esse, Gentiles, tamquam novum Dei populum, fuisse substitutum in locum gentis Israëliticæ, hanc autem omninò a Deo fuisse repulsam. Ergo falsam illam collectionem præoccupaturus Apostolus, ipse eam proponit et statim refellit, unâ sic transiens ad ea monenda, quæ ad absolutam suscepti thematis tractationem dicenda supererant. Sensus est : *Quæro igitur* (ουν, i. e. quia talia de Judæis et Gentilibus vaticinatus est ISAÏAS) : *numquid fortè repulit a se Deus populum suum quem in peculiarem gentem suam olim sibi elegerat?* Emphasin in præsentî sententiâ habet vox *repulit* (απωσατο); et mens interrogantis est dicere : *numquid Israëliticam gentem qua talem rejecit universam?* Patet hoc ex insequentibus. Απωσατο (Aor. 1. Med. ab απωθεισθαι) senioris Græcitatîs forma est pro Attica απεωσατο cum Augmento syllabico.

Absit! Nam et ego Israëlita sum ex semine Abraham, de tribu Benjamin.) Falsam illam collectionem cum abominatione rejicit exclamans μη γενοιτο, absit! et suo statim exemplo falsitatem ejus probat (γαρ) : *nam etiam ego* (και γαρ εγω¹) inquit, Messianæ salutis ipse præco, quem profectò non dixeritis a Messiana salute exclusum, ego quoque *Israëlita sum*, et germanus Israelita quippe ex Abrahæ semine procreatus, *Benjaminita*.

ψ. 2. *Non repulit Deus plebem suam quam præscivit.*) Denuò rejicit falsam illam collectionem, apertissimis verbis declarans, *Deum non repulisse populum suum*²⁾;

(1) « Wenn και γαρ verbunden sind, so gehört geschlossen, weil es die zweite Stelle im Satze einzunehmen liebt. » KÜNNER §. 154. Anm. 3.
AUCH; γαρ hat sich bloss deshalb an και ange-

(2) Auctor Vulgatæ heic vertit non repulit Deus

quod verò addit *quem præscivit* (ὃν προεγνώ), est hoc argumentum quo confirmat antegressam declarationem qua dixerat *Deum non repulisse populum suum*; ut adco sensus sit: *Deum pænitere non posse beneficiorum suorum* (cf. ψ. 29); *ergo nec potuisse gentem Israëliticam qua talem repulisse*, quippe qui ab æterno illam gentem in populum suum peculiarem sibi elegerat.

Quem versu secundo *populum Dei* vocat PAULUS, est is profectò unus idemque cum eo de quo versu primo dixerat: *Numquid Deus repulit populum suum?* Ergo sicut illic intelligenda est *gens Israëlitica universa*, ita et hic. Itaque falsa est interpretatio eorum qui dicant versu secundo intelligendum esse non Israëliticum populum universum qua talem, sed tantum Israëlem, ut vocant, *spiritualem*. Falsa pariter ea interpretatio est, qua Relativum *quem* exponitur per *quatenus*, quasi sensus sit: « Deus non repulit populum suum, *quatenus* sive *qua parte* eundem præscivit. Cum ergo *populus*, *quem præscivit*, intelligendus sit Israëliticus populus, qua talis, universus, consequitur vocem προεγνώ in præsentī loco tale quid notare quod de universo populo Israëlitico verè prædicari possit. Itaque προεγνώ est *præscivit*, *præcognovit* eo sensu ut valeat *quem ante* (ab æterno) ex multis aliis populis in populum suum peculiarem *elegit*.

γ. 2—6. *An nescitis in Elia quid dicit Scriptura, quemadmodum interpellat Deum adversum Israël? Domine, prophetas, cet.*) Israëliticam Gentem, qua talem, non fuisse a Deo rejectam Apostolus hic novo argumento inde probat quòd ex popularibus suis coævis non omnes fuissent increduli, sed plures, evangelicam fidem professi, Messianam salutem *reapse* participassent, quemadmodum et ELIÆ Prophetæ temporibus non omnes Israëlitæ a cultu veri Dei ad idololatriam defecissent; cujus rei historiam ad suorum lectorum memoriam revocat. Dicit ergo: *Profectò non fugit vos id quod legitur eo Scripturæ loco ubi de ELIÆ sermo est* (ἐν Ηλιᾷ), *quomodo ibi Israëlitæ apud Deum accuset* (ἐντυγχάνει τῷ Θεῷ κατὰ τοῦ Ισραὴλ): *Domine, inquit, dereliquerunt pactum tuum filii Israël, prophetas tuos occiderunt, altaria tua funditus everterunt* (κατέσκαψαν); *solus prophetarum tuorum relictus sum ego et me quoque occidere quærunt. Sed quid divinitus responsum est ELIÆ? Servavi mihi septem millia virorum qui non curvarunt genua coram Baäl. Igitur* (οὐν, h. e. ut illud exemplum applicem ad id de quo sermo est) *quemadmodum luctuosâ illâ ELIÆ ætate supererant qui a cultu JEHOVÆ non defecissent, ita et nunc temporis* (οὕτως καὶ ἐν τῷ νῦν καιρῷ) *pauci aliqui* (λείμματα) *Dei gratiâ Messianam participarunt salutem, h. e. doctrinam evangelicam fide amplexi consecuti sunt gratiam justificationis.*

Formula ἢ οὐκ οἰδατε, vel, absque Particula ἢ interrogativâ, οὐκ οἰδατε,

PLEBEM SUAM; cum versu primo scripsisset num- utroque loco dici τὸν λαὸν αὐτοῦ.
quid Deus repulit POPULUM SUUM. Nota, Græcè

inservit revocando ad memoriam rem quam turpe sit nescire, aut etiam talem quæ notissima sit, sicut hoc loco et 1 Cor. IX. 24. Quod ibi dicitur *ἐν Ηλίᾳ*, exponendum hoc est: *in ea sectione librorum Regum ubi enarrantur res gestæ ELIÆ*. Antiquitūs Scripturæ sacræ veteris Testamenti distinctæ non erant in Capita et Versus 1), sed ex præcipuo aliquo argumento sumi solebat locorum indicatio. Exempla hujus rei varia collegit SURENHUSIUS 2). Sic, ut hoc utar, in Talmude (Tract. *Berachoth*, Fol. 2. Col. 1) legitur *מה שנאמר במיכאל*, id quod dictum est in MICHAËLE, id est, quo loco de MICHAËLE agitur, nempe Isaïæ Cap. VI. 6. Ex Novo Testamento huc pertinet Marc. XII. 26: *Non legistis in libro Moysis, ἐπὶ τοῦ βατοῦ (in rubo)*, hoc est, eo in loco qui historiam rubi ardentis continet (Exod. III. 6).

Verba *ὥς ἐντυγχάνει* sicut et antegressa *τι λέγει* pendent ab *οὐκ οἶδατε*. Confer Luc. VI. 4. Act. XX. 20. Dictio *ἐντυγχάνειν τινὶ κατὰ τινος* notat *convenire aliquem in alicujus damnum*, h. e. quempiam apud aliquem *accusare*. Cf. I. Macc. VIII. 32. X. 16. Nec aliud quid dicere voluisse videtur auctor Vulgatæ cum hic scriberet *quemadmodum interpellat Deum adversum Israël*; nam *interpellare aliquem* inter alia etiam notat *precibus aliquem adire*. Vide FACCIOLATI ad vocem *interpellare*.

Domine, Prophetas tuos occiderunt, altaria tua suffoderunt, cet.) Scripturam PAULUS hoc loco recitat *ad sensum tantum*; nam verbotenus sic ibi (3 Reg. XIX. 14) legitur: *Zelo zelatus sum pro Domino Deo exercituum: quia dereliquerunt pactum tuum filii Israël: altaria tua destruxerunt, prophetas tuos occiderunt gladio, derelictus sum ego solus, et quærun animam meam ut auferant eam*. JUSSU IEZABELIS, impiissimæ reginæ, prophetæ quotquot inveniri poterant in regno decem tribuum, occisi fuerunt. 3 Reg. XVIII. 4. Sed de *suffossis*, hoc est, funditūs dirutis altaribus istis quæritur quænam ibi altaria intelligantur, quandoquidem lege vetitum erat offerre sacrificia extra Ierosolymam. GROTIUS (ad h. l.) KIMCHII sententiam secutus respondet, *altaria* quæ hic *eversa* dicuntur, ea esse quæ pii in decem tribubus sibi struxerant ex quo permissi non erant ad templum ire; quo tempore lex de altaribus alibi struendis cessare videretur. » Rectissimè, ut mihi quidem videtur. In eamdem sententiam inclinat ESTIUS. » Quomodo, inquit, altaria Domini suffossa, quum fas non esset Domino Deo sacrificium offerre nisi in uno loco quem Deus ad hoc elegisset? Qui locus utique erat Ierosolymæ. Verisimile est ELIAM loqui de altaribus, quæ passim in excelsis studio quodam pietatis Deo vero erecta fuerant, maxime postquam decem tribus regum suorum tyrannide prohibitæ fuerunt, ne Ierosolymam adscenderent sacrificii causâ. Quamvis enim id lege vetitum esset, ac

(1) Scripturæ veteris Testamenti in Capita et Versus sæculo demum duodecimo distinxit Cardinalis HUGO, novi autem Testamenti libros ROBERTUS STEPHANUS, typographus, sæculo XVI.

(2) Βιβλος καταλλαγης Lib. 1. De formulis allegandi Scripturas sacras. Thesis 49.

recte fecerint EZECHIAS et JOSIAS, reges Juda, etiam ejusmodi aras evertendo; tamen impium erat eas subvertere odio cultûs Dei Israël, uti fecerunt ACHAB et IEZABEL cum suo populo. » *Κατεσκαψαν suffoderunt, puta suffodiendo everterunt.*

et ego relictus sum solus) Num ELIAS dicere vult *solus ex prophetis*, an verò *solus ex veri Dei cultoribus*? Interpretes plerosque in ea video esse sententia, ut putent ELIAM verbis istis, *ego relictus sum solus*, dicere voluisse, *ex veri Dei cultoribus* in regno decem tribuum se *solum* fuisse superstitem, ceteris omnibus ad idololatriam deficientibus. Sed huic interpretationi obstare mihi videtur series narrationis in libro Regum (Reg. XIX. 14), ubi ELIÆ ad Deum verba sic recitantur: *Zelo zelatus sum pro Domino Deo exercituum: quia dereliquerunt pactum tuum filii Israël: altaria tua destruxerunt, prophetas tuos occiderunt gladio*¹⁾, *derelictus sum ego solus, et quærunt animam meam ut auferant eam.* Scilicet verba ista, *derelictus sum ego solus*, quum subjiciantur proxime antegressis, *prophetas tuos occiderunt*, omninò postulare mihi videntur ut putemus ELIAM dicere voluisse: *ex prophetis ego solus, reliquis occisis, superstes remansi.* Cui interpretationi non obstat quod legimus (3 Reg. XVIII. 13) ABDIAM, regis œconomum, in Prophetarum illa interneccione abscondisse prophetas centum in speluncis, atque ita e præsentī morte illos eripuisse; nam poterant illi deinde deprehensi fuisse et pariter occisi²⁾. Nec magis obstat illi interpretationi quod ELIÆ respondetur, superesse *septem millia cultorum veri Dei.* Neque enim alienum hoc responsum est ab ELIÆ quærimonia istâ, *Ego solus* (ex prophetis) *remansi superstes*; nam cum idem modò dixisset, *dereliquerunt pactum tuum filii Israël*, dici potest loquentem animo agitasse cogitationem hanc: *ex prophetis ego remansi solus, plebs autem universa Baälem adorat, itaque IEOVÆ cultores supersunt nulli.* Quod si ita comparatus erat animus lamentantis se *solum* esse relictum, optime quadrat divinum responsum: *Servavi mihi septem millia virorum qui genua sua non curvarunt coram Baäle.*

γ. 4. *Sed quid dicit illi divinum responsum? Reliqui mihi septem millia, etc.)* Pro eo quod in Vulgata dicitur *divinum responsum*, Græce est unica vox *χρηματισμος*, qua voce significatur *responsum aut monitum aliquod*, ut 2 Macc. XI. 17, speciatim autem *responsum aut monitum divinitus datum, oraculum*, ut hoc loco et 2 Macc. II. 4; confer *χρηματιζειν* Matth. II. 12. Act. X. 22. Græcis *oraculum* vulgo dicebatur *χρησμος*.

(1) PAULUS inverso ordine dixit: *prophetas tuos occiderunt, altaria tua suffoderunt.*

(2) Hebræi interpretes aliter hunc nodum solvunt. Et LEVI BEN GERSOM ait; הרגה אותם איובל... ונשא אליו לברו מן הנביאים הידועים לה. h. e. *Occiderat eos (Prophetas) IEZABEL relictusque fuerat Elias solus ex prophetis illi (Iezabeli) cognit.* KIMCHI verò ad verba ואחר אני לברך

(et relictus sum ego solus) hæc notat: והלא נותרו המאה שהחביא עובדיה אלף לפי שלא היו נודעים אולם הרי הם כאלו אינם h. e. *Ast nonne superstites erant centum (prophetæ) illi quos absconderat ABDIAS?* Sic est. *Sed quia ignoti erant, ideo erant quasi non essent.* Memineris centum ex prophetis curâ ABDIÆ in speluncis fuisse absconditos.

Ceterum videsis quæ notavimus ad Act. X. 22 et XI. 26; et quæ SUICERUS habet in suo *Thesauro* ad voces *χρηματιζω* et *χρηματισμος*. Quod autem dicit oraculum *reliqui mihi*, hoc eo sensu sumendum est ut valeat *vivos servari*; patet hoc ex contexta oratione loci ab Apostolo recitati (3 Reg. XIX. 17. 19). *Septem millia* intelliguntur, ut videtur, *multa millia*; septenarius enim numerus multitudinem notat. Scripsit PAULUS non τῷ Βααλ, sed cum Articulo feminini Generis τῇ Βααλ, quod passim quoque faciunt Septuaginta¹; hi verò cur hoc generis discrimine nunc ὁ Βααλ nunc ἡ Βααλ dixerint, adhuc certò dici nequit².

ψ. 5. Sic ergo in hoc tempore, reliquæ secundum electionem gratiæ salvæ factæ sunt.) Sensus est: Igitur (οὖν, h. e. ut hæc ad rem nostram accommodem) quemadmodum ELIÆ illâ ætate non omninò defuere ΙΗΟΥÆ cultores, ita quoque (οὕτως καὶ) nunc temporis, exclusis a Messiana salute Israëlitis plerisque, λειμμα γέγονεν (il y eut un reste), residuum aliquod fuit Judæorum Messianam salutem participantium. — Inde verò consequbatur, Deum minime repulisse populum suum, qua talem; id quod erat probandum. Λειμμα dixit Apostolus in accommodando exemplo, quia in proposito exemplo (ψ. 5) dictum erat κατελιπον. Verba ista, κατ' ἐκλογὴν χάριτος (Vulg. secundum electionem gratiæ) non significant secundum electionem ad gratiam, verùm secundum electionem gratuitam; itaque χάριτος non est Genitivus Objecti sed Subjecti, ut sensus sit: secundum electionem quam fecit gratia, quæque adeò non sit tribuenda cujuscumque operibus tamquam meritis; atque hanc esse mentem Apostoli, id quidem liquido patet ex eo quod ibi statim pergit dicere: si autem gratia, jam non ex operibus, id est, si autem gratuita fuit hæc electio, profecto non est accepta referenda operibus. Recte PETAVIUS³: «Hebræorum more, inquit, qui Substantiva nomina pro Adjectivis usurpare solent, dicitur ibi electio gratiæ (κατ' ἐκλογὴν χάριτος) pro electio gratuita. Proinde electio gratiæ est non quæ fit ad gratiam sed quæ fit ex gratia, sive gratis, non ex operibus. Quod et sequentia demonstrant;

(1) In præsentī tamen loco (3 Reg. XIX. 18) legitur ὁ βααλ, in iis certe codicibus qui adhuc supersunt.

(2) Dr. ADALB. MAIER. (Commentar über den Brief Pauli an die Römer ad h. l.): «Unter den mehrfachen Hypothesen, inquit, hat die am meisten Wahrscheinlichkeit, dass sie das Hebr. הַבַּעַל als generis communis ansahen, womit ebensowohl die männliche Gottheit dieses Namens, der Hauptgott der phöniciſchen Stämme (die Sonne),

als auch die mit Baal häufig verbundene weibliche Gottheit Astarte (אַשְׁתֹּרֶת) bezeichnet werde; diesem zufolge hätten sie es nun aus dem Zusammenhange beurtheilt, ob die männliche oder weibliche Gottheit gemeint sein könnte; und hiernach das Geschlecht gewählt. Sed huic conjecturæ obstat quod 1. Reg. (1. Sam.) Cap. VII. 4 conjunguntur αἱ βααλμ cum Astarte.

(3) Theol. dogm. De Deo ejusque proprietatibus Lib. IX. (de Prædestinatione) Cap. XIII. 5.

Superest ut notemus voces græcas *λειμμα γεγονεν*, *reliquiæ factæ sunt*, in Vulgatâ reddi *reliquiæ salvæ factæ sunt* ¹⁾; quæ latina interpretatio quamquam non est contra mentem Apostoli, tamen fidelis non est, quum in primigenio PAULI textu ²⁾ nullum vocabulum sit cui vox *salvæ* respondeat. Nec magis vocem *salvæ* agnoscunt antiquissimæ quotquot exstant versiones; imo, Estio teste (ad h. l.), nec in omnibus latinis Codicibus vox *salvæ* in præsentī loco legitur. Utrum vero vox *salvæ* tribuenda sit Vulgatæ auctori, an potius adscribenda Librario, quæ ESTII sententia est, ambigi potest, ut mihi quidem videtur.

<p>γ. 7—10. Quid ergo ? quod quærebat Israel, hoc non est consecutus : electio autem consecuta est : ceteri</p>	<p>γ. 7—10. <i>Τί οὖν ; ὁ ἐπιζητεῖ ^{a)} Ἰσραὴλ, τοῦ- του ^{b)} οὐκ ἐπέτυχεν· ἡ δὲ ἐκλογὴ ἐπέτυχεν· οἱ</i></p>	<p><i>Paraphrasis.</i> Quid igitur dicendum est? nam, ut os- tendimus, dici nequit Deum repulisse populum suum. Di- cendum est, Israëlitas, ma-</p>
--	---	---

(3) *Gratia nisi gratis sit, gratia non est.*
S. AUG.

vero excæcati sunt : ⁸ sicut scriptum est : Dedit illis Deus spiritum compunctionis : oculos ut non videant, et aures ut non audiant, usque in hodiernum diem. ⁹ Et David dicit : Fiat mensa eorum in laqueum, et in captionem, et in scandalum, et in retributionem illis. ¹⁰ Obscurentur oculi eorum ne videant : et dorsum eorum semper incurva.

δὲ λοιποὶ ἐπαρώθησαν, ⁸ καθὼς γέγραπται· Ἐδωκεν αὐτοῖς ὁ Θεὸς πνεῦμα κατανύξεως, ὀφθαλμοὺς τοῦ μὴ βλέπειν καὶ ὦτα τοῦ μὴ ἀκούειν, ἕως τῆς σήμερον ἡμέρας. ⁹ Καὶ Δαβὶδ λέγει· Γεννηθήτω ἡ τράπεζα αὐτῶν εἰς παγίδα καὶ εἰς θήραν καὶ εἰς σκάνδαλον, καὶ εἰς ἀνταπόδομα αὐτοῖς. ¹⁰ Σκοτισθήτωσαν οἱ ὀφθαλμοὶ αὐτῶν τοῦ μὴ βλέπειν· καὶ τὸν νῶτον αὐτῶν διαπαντὸς σύγκαμψον.

ximam partem, quam cupide quærebant justitiam non fuisse consecutos; electos eamdem fuisse consecutos, reliquos verò fuisse obcæcatos, sicut erat prædictum hisce verbis : *Dedit illis Deus mentem stupore oppressam, oculos cæcos, aures surdas, usque in præsentem diem.* David quoque hoc prædixerat : *Fiant ipsis, inquit, epulæ eorum laqueus et tendicula et decipulum, atque hoc illis contingat in justam pœnam, in retributionem; dorsumque eorum perpetuò incurva.*

VARIANS LECTIO.

a) Pro ἐπιζητεῖ est ἐπεζητεῖ (in Imperf.) in Codd. FG et nonnullis Minusculis; quam lectionem exhibent etiam versiones Itala, Syriaca (ܠܥܬܝܢ ܠܥܬܝܢ ܠܥܬܝܢ) et Vulgata.

b) Pro τοῦτου est τουτο in Codd. ACDEFGJ multisque Minusculis.

γ. 7. Quid ergo? quod quærebat Israël (scil. justitiam), hoc non est consecutus : electio consecuta est : ceteri verò excæcati sunt). Apostolus post memoratam obiter (γ. 6) Justificationis omnimodam gratuitatem, revertitur ad antegressam (γ. 1.) dubitationem illam : numquid Deus repulit populum suum? Itaque præsens versus proximè cohæret cum versibus 2—5, et hoc quidem nexu : Quum ex disputatis consequatur, dici non posse Deum repulisse populum suum, quid igitur (τι οὖν) dicendum est? Respondet autem Apostolus, dicendum esse : Israëlitas, maximam partem,

quam cupide quærebant (επεζήτει¹) justitiam, minimè fuisse consecutos; electos (ἡ δὲ ἐκλογή) eandem fuisse consecutos, reliquos verò fuisse obcæcatos (ἐπωρώθησαν).

Quod ibi dicitur ἐκλογή, Abstractum est nomen pro Concreto ἐκλεκτοί, sicut alibi dicuntur circumcisio et præputium, pro hominibus circumcisis aut præputium retinentibus, Judæis aut Gentilibus. Articulus autem in dictione ἡ ἐκλογή demonstrat λειμμα κατ' ἐκλογὴν χάριτος (ψ. 5.). Pro ἡ ἐκλογή Apostolus, nullâ sententiæ varietate, hoc loco scribere potuisset το λειμμα κατ' ἐκλογὴν χάριτος. Electi Israhelitæ consecuti sunt justitiam quia studuerunt eam sibi comparare non quasi ex operibus, sed gratuitò ex fide, neque offenderunt in lapidem offensionis (Cf. Cap. IX. 32). Erant autem electi quicumque oblatam omnibus Justificationis gratiam sub eâ quâ hæc offerrebatur conditione accipere non recusabant². Qui vero recusabant, ut fecerunt plerique, adeoque offendeabant in lapidem offensionis, neque gratis ex fide sed quasi ex operum suorum meritis justitiam quærebant, hi fuere excæcati. (ἐπωρώθησαν), id est, exclusi a Messianâ salute sive a gratia Justificationis³; non ita tamen ut deinceps non potuerint ab incredulitate sua resipiscere atque ita ad participandam illam salutem admitti. Vide infra ψ. 14. Ἐπωρώθησαν scil. a Deo; quod eo modo capiendum est quo antegressum (Cap. IX. 18) illud: Deus quem vult indurat.

Ἐπιτυγχάνω assequor, nanciscor, multo quidem frequentius construitur cum Genitivo rei; non raro tamen, etiam in scriptoribus bene Græcis, occurrit et cum Accusativo rei. » Quum Attici, ait FRITSCHIUS (ad h. l.), τυγχάνειν τι rem consequi haud rarò dixerint (vid. Herm ad Vig. pag. 160, et Wunderum Advers. in Soph. Philoct. p. 82), quin seniores scriptores ἐπιτυγχάνειν τι eodem sensu usurpaverint dubitari vix

(1) Si mavis legere in Præsenti ἐπιζητεῖ, quæ lectio alteri præferenda videtur, Apostolus dicendo quam cupide quæerunt, significat etiamnum fieri id quod dicit.

(2) Causam ejus rei Apostolus jam supra assignaverat, scilicet Cap. IX. 31. 32, et iterum Cap. X. 3.

(3) S. Jo. CHRYSOSTOMUS Hom. XIX. in Ep. ad Rom. ad verba ista, λειμμα κατ' ἐκλογὴν χάριτος γεγονεν, hæc notat: Τὸ γὰρ εἰπεῖν ἐκλογὴν, εἰδείξεν ἐκεῖνων τὴν δοκιμὴν· τὸ δὲ εἰπεῖν χάριτος, εἰδείξε τοῦ Θεοῦ τὴν δωρεάν. h. e. « Dicendo electionem, illorum (qui salute donati fuere) ostendit probitatem; quod verò ait gratiæ, Dei donum demonstrat. » Et paulò infrà: Καὶ εἰ χάριτι, φησιν, διὰ τι μὴ πάντες

σωζομεθα; Ὅτι μὴ βουλευθε· ἡ γὰρ χάρις, καὶ χάρις ἡ, τοὺς ἐθελοντάς σωζει, οὐ τοὺς μὴ βουλομένους καὶ ἀποστρεφόμενους αὐτὴν, καὶ πολεμούντας αὐτὴν διηνεχώς καὶ ἐναντιούμενους. h. e. « Si per gratiam, inquires, cur non omnes salute donamur? Quia non vultis. Gratia quippe, licet gratia sit, volentes se servat, non nolentes qui ipsi perpetuò adversantur, ipsamque propulsant. » In justificatione totum ita debetur gratiæ, ut tamen necessaria ibi sit liberi arbitrii coöperatio; quæ tamen coöperatio nullo modo meriti cuspispiam rationem habet.

(4) Horum πῶροιςιν CHRYSOSTOMUS vocat τὴν τῶν λοιπῶν ἐκβολὴν. Ibid. Hom. XIX. OECUMENIUS (ad h. l.): Οἱ δὲ λοιποὶ ἐπωρώθησαν. Τίνες; ὅσοι ἐναπεμείναν τὸν Ἰουδαϊσμῶ. h. e. Ceteri autem excæcati sunt. Quinam? Quotquot in Judaismo permanserunt.

ad explicandum propheticum illud ISAÏÆ effatum : *effudit super eos JEHOVA spiritum compunctionis*. In qua sententia ESTIUS quoque fuisse mihi videtur. Nam postquam significavit se cum iis sentire qui affirmant PAULUM respicere ad locum Deuteronomii ¹⁾ (Cap. XXIX. 3) quem supra recitavimus , sic dicere pergit : « Nec refert , *inquit* , quod ad alios MOYSES , ac de aliis PAULUS loquatur ; quodque diversum diem indicent *hodiernum*. Nam illi ad quos MOYSES , erant patres eorum de quibus PAULUS et ad quos Dominus (Matth. XXIII. 32) : *Implete mensuram patrum vestrorum* ; ut proinde quæ in illos a MOYSE dicta sunt , appositè etiam in istos dicantur a PAULO ; maxime quod horum etiam typum quemdam præferrent illâ suâ animi duriâ et obstinatione. » Verbis istis , *usque in hodiernum diem* , PAULUS significare voluerit , Judæorum illam , de qua loquitur , obcæcationem perdurare ad ipsum illud quo scribebat tempus. Ceterum quod dicitur *Dedit illis Deus spiritum compunctionis* ²⁾ , cet. , eodem modo hoc intelligendum est , quo supra (Cap. I. 24. pag. 35) interpretati sumus verba *tradidit illos Deus in desideria cordis eorum* etc. , aut ista (Cap. IX. 18. pag. 305) , *Deus quem vult indurat*. Infinitivos nominascentes *του μη βλέπειν* , *του μη ακουειν* , reddideris *ad non videndum* , *ad non audiendum* (pour ne pas voir , pour ne pas entendre) , ut sensus sit : *Dedit illis Deus mentem stupore oppressam* , *oculos (mentis) cæcos* , *aures (mentis) surdas* , cet. Nota , Infinitivum cum Genitivo Articuli post verbum Finitum inservire tum ad indicandum *effectum* aut *consequentiam actionis* , tum etiam ad docendum *finem in quem* , veluti Act. IX. 15. XIII. 47 , alibi.

γ. 9—10. *Et David dicit : Fiat mensa eorum in laqueum et in captionem* , cet.) Antegresso vaticinio (γ. 8) aliud adjungit Apostolus ad eandem rem probandam , scilicet , fuisse jam olim prædictam Judæorum illam , de qua loquitur , obcæcationem. Et hoc quidem vaticinium desumptum est ex Psalmo LXVIII (Hebr. LXIX.) γ. 23 et seq. qui Psalmus quin sensu typico *propheticus* sit de MESSIA ejusque adversariis , dubitari nequit. Videsis quæ in hanc rem notavimus in Commentario in Act. Ap. ad Cap. 1. γ. 20. Eâ parte qua Psalmus ab Apostolo recitatur , formâ orationis imprecatoriâ ³⁾ pœnæ de-

(1) Nimirum sunt interpretes qui dicant verba PAULI ista , *oculos ut non videant et aures ut non audiant usque in hodiernum diem* , desumpta esse non ex Deuteronomio , verum ex Isaïæ Cap. VI. 10. Cui sententiæ obstat quod ibi nullo modo legitur pars illa qua dicitur *usque in hodiernum diem*.

(2) h. e. *Mentem stupore oppressam*. Itaque Genitivum *κατανοξως* habuerim pro Genitivo , ut vocant , *qualitatis* , qualis est in dictionibus

οικονομος της αδικιας (Luc. XVI. 8.) aut *η πληγη του θανατου* (Apoc. XIII. 3) , aliis .

(3) De formâ orationis imprecatoriâ , sæpenumero in Scripturis obvîâ , legendus est S. THOMAS in 2. 2. Q. XXV. Art. VI. ad 3. S. AUGUSTINUS in enarratione hujus Psalmi ad dictum istud , *fiat mensa eorum in laqueum* , cet. , hæc notat : « Non optantis est , *inquit* , sed prophetantis ; non ut fiat , sed quia fiet. Hoc sæpe commendavimus et meminisse debetis , ne quod præsaga mens in Spiritu Dei dicit , malevolè imprecari videatur. »

nunciantur a MESSIÆ adversariis aliquando luendæ. Et quod ibi dicitur *fiat mensa* (csea) *eorum in laqueum*, cet., metaphoricus est sermo, ductâ imagine ex re venatoria ab avibus aut feris inescatis. Demp̃tâ imagine sensus est: *quod illis prodesse debebat, hoc ipsis vertatur in exitium*. Quæ pœna deinde distinctius exprimitur verbis insequentibus istis: *obscrentur oculi* (mentis) *eorum ut ne videant*; quæ verba portendunt obcæcationem illam, de qua Apostolus nunc agit. Quod additur, *et dorsum eorum semper incurva*, eo typicè significatur obscurati eorum intellectûs diuturnum servitium.

Præpositio *εις* ibi dicitur de effectu. *Παγίς* laqueus, decipula; *Θηρα* proprie quidem *venationem* notat, sed et dicitur de *tendicula* quam Græci *παγιδιον* vocant ¹⁾, quo sensu *παγίς* et *Θηρα* synonyma sunt. Similem notionem, in seriore quidem Græcitate, obtinuit vox *σκανδαλον*, quod inde probatur quòd Septuaginta interpretes passim (ex. gr. Josue XXIII. 13, Judic. II. 3. VIII. 27, alibi,) Græco hoc vocabulo reddiderunt Hebraicum *מִכְשָׁל*, quod de *laqueo* usurpatur. *Του μη βλέπειν* ut supra §. 8. Ceterum observandum est, PAULUM hoc loco Scripturam recitasse secundum versionem septuaginta-viralem, non tamen verbotenûs; nam sic ibi legitur: *Γενηθητω ἡ τραπέζα αὐτῶν ἐνώπιον αὐτῶν εἰς παγίδα, καὶ εἰς ἀνταποδοσιν, καὶ εἰς σκανδαλον· σκοτισθητησαν οἱ ὀφθαλμοὶ αὐτῶν τοῦ μη βλέπειν, καὶ τὸν νῶτον αὐτῶν διαπαντός συγκαμψον*. Unde patet PAULUM omisisse quidem verba *ἐνώπιον αὐτῶν*, addidisse autem *καὶ εἰς Θηραν*, tum pro *εἰς ἀνταποδοσιν* dixisse *εἰς ἀνταποδομα αὐτοῖς*, ac denique voces *καὶ εἰς σκανδαλον* præposuisse vocibus *καὶ εἰς ἀνταποδοσιν*. Nihilominus, sensum si spectes, non aliud a PAULO dicitur quam quod apud Septuaginta legitur. Sed nonnihil ab horum versione discrepat textus Masorethicus; nam sic ibi legimus: *וְהָיָה שִׁלְחָנָם לְפָנֵיהֶם לְפָנֵיהֶם לְפָח וּלְשָׁלוּמִים לְמוֹקֵשׁ תְּהִשָּׁכֶנָּה עֵינֵיהֶם מִרְאֹת וּמִתְנִיָּהֶם תְּמִיד הַעֲמֵר*, hoc est: *Fiat mensa eorum coram ipsis in laqueum, et securis* (ipsis dum sine sollicitudine sunt) *in tendiculum; obscrentur oculi eorum ut non videant, et lumbos eorum perpetuò fac nutare*. Nimirum Septuaginta pro *וּלְשָׁלוּמִים לְמוֹקֵשׁ*, unâ litterâ ו additâ voci לְמוֹקֵשׁ voceque וּלְשָׁלוּמִים aliis vocalibus pronunciâtâ, legerint *וּלְשָׁלוּמִים לְמוֹקֵשׁ*. Vox *שָׁלוּמִים* *retributiones* significat. Cf. Isaïæ Cap. XXXIV. 3. Quod vero attinet ad postremam hujus loci partem istam, *וּמִתְנִיָּהֶם תְּמִיד הַעֲמֵר*, dicendum est Septuaginta ibi Psalmistæ mentem potius expressisse quam reddidisse verba. Scilicet qui pondere pressi dorso incedunt incurvato, illorum quoque nutant lumbi, qui sunt inferior dorsi pars.

(1) Sunt qui alteram hanc vocis *Θηρα* notionem in dubium vocant. At enim Septuaginta certe Interpretes vocem *Θηρα* hac significatione adhibuerunt Ps. XXXIV. 8, tamquam vocabuli *παγίς* synonymam: *Ἐλθᾶτω αὐτῷ παγίς ἣν οὐ γινώσκει, καὶ ἡ Θηρα*

(Hebr. Ps. 35. 8 *שֶׁרֶת* *rete*) *ἣν οὐ γινώσκει*, cet. Ceterum, si quis malit *Θηρα* hoc loco reddere *captura* sive *captio*, ut noster fecit Interpres, equidem contendere nolim.

γ. 11—12. Dico ergo :
Numquid sic offenderunt
ut caderent ? Absit . Sed
illorum delicto , salus est
Gentibus ut illos æmulentur.
12 Quod si delictum illorum
divitiæ sunt mundi , et di-
minutio eorum divitiæ Gen-
tium : quanto magis pleni-
tudo eorum ?

γ. 11—12. Λέγω οὖν·
Μὴ ἐπταίσαν , ἵνα
πέσωσι ; Μὴ γένοιτο.
ἀλλὰ τῷ αὐτῶν παρα-
πτώματι ἡ σωτηρία τοῖς
ἔθνεσιν , εἰς τὸ παρα-
ζηλωσαι αὐτούς . 12 Εἰ
δὲ τὸ παράπτωμα αὐ-
τῶν πλοῦτος κόσμος ,
καὶ τὸ ἥττημα αὐτῶν
πλοῦτος ἐθνῶν , πόσῳ
μᾶλλον τὸ πλήρωμα
αὐτῶν ;

Paraphrasis. Quæro igitur : Est-ne lapsus illorum eo consilio divinitus permissus ut penitus corruerent sine ulla spe resurgendi ? Absit ! imo verò illorum lapsu Evangelica salus obtigit Gentilibus , ut per hos ad sanctam quamdam æmulationem provocarentur atque ita ab incredulitate sua resipiscerent . Quod si Israëlitici populi lapsus et secuta inde spiritalis sui deminutio Gentes locupletavit , quanto magis hi locupletabuntur quando populus universus Christo nomen dederit !

γ. 11. Dico ergo : Numquid sic offenderunt ut caderent ?) Interpres noster de suo addidit voculam *sic*. Nexus orationis talis est : dixerat Apostolus (Cap. IX. 32. X. 16. XI, 7), Judæorum plerosque in Jesum Messiam tamquam in lapidem offendiculi impegisse atque ita a Messiana salute suâ culpâ fuisse exclusos. Videri autem poterant exclusi *in perpetuum*. Quærit ergo (οὖν) sit-ne lapsus illorum Judæorum qui in Messiam offendissent, eo fine (ἵνα) divinitus permissus , ut a participandâ Messianâ salute *in perpetuum* excluderentur. Atque hac quæstione utitur ut *transeat* ad enarranda altissima divinæ erga Judæos et Gentiles providentiæ consilia. Πταίνειν est *impingere*, *offendere*, πιπτειν verò *cadere*, et hoc quidem loco, *cadere sine ulla spe resurgendi*. Quam notionem ut verbo πιπτειν hic subijciamus, omninò postulat contexta oratio; atque in hunc sensum vocem πεσῶσι ex antiquis interpretatus quoque est inter alios THEOPHYLACTUS ¹⁾. Particula ἵνα quin pro ὥστε adeoque *εκβατικῶς* hic sumatur, ut nihil aliud obstaret, hoc certè obstat quod contexta oratio demonstrat Apostolum voluisse hoc loco disserere non de gravitate lapsûs, sed declarare quo consilio aut quemnam in finem Deus lapsum illum permiserit. Verborum ἐπταίσαν et πεσῶσι Subjectum est λοιποὶ γ. 7.

(1) THEOPHYLACTUS (ad h. l.) : Μὴ ἐπταίσαν ἵνα πέσωσι ; τουτέστι , ἄρα μὴ ἀνίατα ἡμάρτον ; Μὴ γένοιτο· ἐπταίσαν μὲν γὰρ , τουτέστι προσεκοψαν , ἀλλ' οὐχ ἵνα πέσωσι τελείως , μηδεπωτε ορθωθῆναι δυναμενοι . h. e. Numquid offenderunt , ut caderent ? hoc est : Num-

quid incurabiliter deliquerunt ? Haudquaquam . Impegerunt quidem , hoc est , offenderunt ; verum non ut caderent omnino , ita ut numquam erigi possint . »

ruerent? Absit. Sed per lapsus illorum salus fuit gentilibus ad æmulationem eorum. Interpres quoque noster rectius dixisset *salus fuit gentibus* quam *salus est gentibus*; Apostolus enim dicere vult non tam quid fiat, quam potius quid factum sit. Ἡ σωτηρία intelligitur evangelica salus, quæ jam tum per Apostolorum prædicationem passim Gentilibus innotuerat, quamque, evangelicam doctrinam fide amplexi, magnam jam partem participaverant. Αὐτοὺς scripsit Apostolus, non αὐτὰ, per structuram ad sensum. Imitatus est auctor Vulgatæ scribens ut illos æmulentur, non verò ut illas, quod Grammatica structura postulabat.

§. 12. Quod si delictum illorum divitiæ sunt mundi, et diminutio eorum, cet.). In antegresso versiculo Apostolus docuerat populi Israëlitici casum gentilibus cessisse in salutem ac spirituales veluti divitias. Hinc verò nunc infert (δε) copiosiores divitias in gentes effundendas esse in plenaria Israelitici populi ad Christum conversione, quam aliquando futuram esse hic innuit, postea disertis verbis eandem docturus. Argumentatur autem Apostolus a felici effectū causæ pejoris ad feliciorē effectū causæ melioris. Argumentum ejus ad hanc Syllogismi formam reducit S. THOMAS: (ad h. l.): Bonum est potentius ad utilitatem inferendam quam malum; sed malum Judæorum magnam utilitatem gentibus contulit; ergo multo majorem confert (conferet?) mundo eorum bonum.

Το παραπτώμα αὐτῶν hic, sicut et in antegresso versiculo intelligitur lapsus ille, quo Judæi, maximam partem, ceciderant offendentes in JESUM MESSIAM, lapidem offensionis (vide supra Cap. IX. 32). Culpabilis fuit lapsus ille, adeoque delictum, quo latino vocabulo Interpres noster bis hic reddidit Græcum παραπτώμα. Nomina κόσμος mundus et ἔθνη gentes in præsentī loco synonyma sunt. Divitiæ (πλοῦτος) intelliguntur gratiarum divitiæ ¹⁾ in Justificatione comprehensæ, quibus Gentiles ditati fuere, ex quo Apostoli, relictis Judæis incredulis, Evangelium Gentilibus prædicare instituerant. Quam modo (§. 11.) salutem (τὴν σωτηρίαν) Gentium vocaverat Apostolus, eam hic vocat Gentium divitias (τὸν πλοῦτον). Etiam hic elliptica oratio est; puta PAULUM scripsisse ita: Εἰ δε το παραπτώμα αὐτῶν ἐγένετο πλοῦτος κόσμου, καὶ το ἥττημα αὐτῶν πλοῦτος ἐθνῶν ἐγένετο· πόσῳ μάλλον το πληρώμα αὐτῶν πλοῦτος ἐθνῶν γενήσεται! Ceterum Israeliticæ gentis παραπτώμα illud eatenus dixit fuisse gentium aut mundi divitias (πλοῦτον), quatenus illud occasionem præbuit ad gentes illâ gratiarum opulentiâ maturius ditandas. Ἡττημα αὐτῶν intelligitur spiritualis illa quam Israeliticâ gens passa est sui diminutio ²⁾, quum etsi tota gens vocata esset ad Messianam salutem participandam, non tamen nisi pars ejus valde exigua (λειμμά §. 5) illius salutis particeps fieret. Cujus

(1) Cf. Ephes. I. 7. II. 7. ὁ πλοῦτος τῆς χάριτος.

(2) Non excisa fuit gens, sed tantum aliqua sui parte decisa sive deminuta.

deminutionis causa exstitit *παραπτώμα* illud. *Deminutioni* sive *ἡττηματι* illi opponitur *πληρωμα αυτων*, quo significatur Israeliticæ gentis *plenitudo*, eam puta quæ adfutura est quando gens universa CHRISTO nomen dederit. Demonstrativum Pronomen *αυτων* ubique hic refero non ad Judæos aut incredulos aut credentes, sed ad Israeliticum populum *universè*. Sensus ergo hujus loci ejusmodi est : *Si Israelitici populi casus et secuta inde sui deminutio gentes locupletavit, quanto magis effectura hoc est ejusdem plenitudo!* Major autem hæc opulentia gentium in quam re posita sit, Apostolus docet infra, γ. 15.

γ. 13—14. Vobis enim dico Gentibus : Quamdiu quidem ego sum Gentium Apostolus, ministerium meum honorificabo, ¹⁴ si quomodo ad æmulandum provocem carnem meam, et salvos faciam aliquos ex illis.

γ. 13—14. Ὑμῖν γὰρ λέγω τοῖς ἔθνεσιν· ἐφ' ὅσον μὲν εἰμι ἐγὼ ἐθνῶν ἀπόστολος, τὴν διακονίαν μου δοξάζω ^{a)}, ¹⁴ εἰπὼς παραζηλώσω μου τὴν σάρκα, καὶ σώσω τινὰς ἐξ αὐτῶν.

Paraphrasis. (Nam vobis Christianis ex Gentilibus collectis, quibus videri possim, ut pote constitutus non Judæorum sed Gentium Apostolus, animum in Judæorum conversione minime occupatum habere, vobis dico : Quatenus quidem divinitus constitutus sum ego non Judæorum sed gentium Apostolus, gnaviter officio meo fungor inter gentes, simul verò eò spectans ut hac ratione proximis Judæis popularibus meis, si forte ob gentiles meo ministerio Messianæ salutis participes factos, ad sanctam quamdam æmulationem provocare possim fratres meos secundum carnem, atque ita nonnullorum procurare salutem.)

VARIANS LECTIO.

a) Pro Præsenti *δοξάζω* est Futurum *δοξάσω* in Codd. FG et nonnullis Minusculis; lectionem *δοξάσω* exhibent quoque versiones Itala et Vulgata; reliquæ hoc loco habent Verbum Præsentis Temporis. Lectionem *δοξάζω* alteri prætulērīm, tum quòd nititur testimonio multo graviore quam altera, tum etiam quòd contexta oratio (vide Commentarium) hoc loco Verbum postulat Temporis Præsentis. Crediderim lectionem *δοξάσω* tribuendam esse correctioni librarii, qui quum antegressum 'ἐφ' ὅσον eo sensu sumeret quasi valeret 'ἐφ' ὅσον χρόνον, ideo existimaverit seriem orationis requirere ut conjunctum Verbum esset Temporis non Præsentis sed Futuri.

§. 13—14. *Vobis enim dico gentibus: quamdiu quidem ego sum gentium Apostolus*, cet.) Apostolus inde ab hoc versiculo usque ad finem *capitis* sermonem suum speciatim dirigit ad Ethnico-Christianos, ut quos obiter moniturus erat ne superbè se efferrent contra Judæos. Connexa autem præsens sententia est cum ea qua modò (§. 11) dixerat, Dei consilium esse ut per gentiles Messianam participantes salutem Judæi ad sanctam quamdam æmulationem provocarentur. Quam sententiam hic *confirmat* (γαρ), declarando se in hunc quoque finem Apostolico suo munere graviter fungi inter Gentiles, ut eo modo Dei illud consilium promoveret.

Quod cum epitasi dicit *λέγω ὑμῖν, τοῖς ἐθνέσιν*, hunc habet sensum: Vobis dico, vobis, inquam, Christianis ex Gentilibus collectis, quibus ego, utpote constitutus non Judæorum sed gentium Apostolus videri possim animum in Judæorum conversione minime occupatum habere.— Dictio *ἐφ' ὅσον* ubi valet *quamdiu* elliptica est pro plena *ἐφ' ὅσον χρόνον*; ubi vero valet *in quantum, quatenus*, *ἐφ' ὅσον* (in Neutro Genere) sine ellipsi dicitur. *Ἐφ' ὅσον* quod in præsentī loco legitur auctor Vulgatæ reddidit *quamdiu*; maluerim *in quantum, quatenus*. Neque enim Apostolus crediderit fore ut aliquando *cessaret* esse Gentium Apostolus. Accedit, PAULUM scribere solere non elliptice *ἐφ' ὅσον*, sed plenè *ἐφ' ὅσον χρόνον*, ubi dicere vult *quamdiu*. Cf. Rom. VII. 1. I. Cor. VII. 39. Gal. IV. 1. Syrus quoque interpretēs locutionem *ἐφ' ὅσον* hoc loco minimè putavit dictam esse de tempore; quod inde patet quòd cum locum sic reddidit: *هَـؤُـلَـهُـنَا؟ مَنْ أَنَا؟ أَنَا* h. e. *ego qui sum Apostolus Gentium*; ubi emphaticum illud *أَنَا* *qui sum*, notionem fere exprimit Latinorum *quatenus*.— *Μέν* hic ponitur non sequente *δε*, adeòque est *solitarium*, ut vocant. Dici potest oppositam sententiam quæ per *δε* adjicienda erat, variatâ orationis formâ, contineri, ad rem quod attinet, verbis insequentibus istis (§. 14): *si quo modo ad æmulandum provocem carnem meam*, cet. Ut sentias quid hic valeat *μέν* (*quidem*), puta Apostolum scripsisse in hanc sententiam: *Quatenus quidem (μέν) divinitus constitutus sum ego non Judæorum sed gentium Apostolus, sedulò officio meo fungor inter gentes, simul verò (δε) eò spectans ut hac ratione prosim Judæis popularibus meis, si forte ob gentiles meo ministerio Messianæ salutis participes factos ad sanctam quamdam æmulationem provocare possim fratres meos secundum carnem, atque ita nonnullorum procurare salutem* ²⁾.— *Δοξάζω* honorifico, illustro, *την διακονίαν μου*, ministe-

(1) Cf. Rom. XV. 16. Ephes. III. 8.

(2) In hanc sententiam jam THEODORETUS præsentem Apostoli locum interpretatus est: *Επειδή με, inquit, των εθνων ὁ Θεός προύβαλετο κηρυκᾶ, ἀνάγκαιώς τὴν σωτηρίαν των εθνων πραγµατεύομαι, . . . ἵνα*

ταυτὴ γοὺν Ἰουδαίους εἰς ζῆλον ἐρεθίσω, καὶ τινὰς ἐξ αὐτῶν μεταλαβεῖν παρασκευάσω τῆς σωτηρίας. h. e. Quandoquidem me Deus Gentium prædicatorem constituit, gentium salutem necessario procuro, . . . ut hac quidem ratione Judæos ad æmulationem provocem, et efficiam ut aliqui ex illis salutem participant.

rium meum, puta sedulò et gnaviter illo fungendo, ut quamplurimos gentiles ad CHRISTI fidem traducam.— *Εἰπὼς* si forte, cum Futuro Indicativi, ut supra Cap. 1. 10 et Philipp. III. 11; sed Act. XXVII. 12 cum Optativo. *Εἰπὼς παραζηλώσω καὶ σώσω* reddideris: si forte ad æmulationem provocaturus sim et salvaturus, ceter.

Ceterum *εἰπὼς παραζηλώσω* per quamdam ellipsin dicitur pro *σκοπῶν* aut *πειραζῶν εἰπὼς* videns, tentans si forte; vel putes, si hoc mavis, *δοξάζω* hoc loco dici prægnanter pro *δοξάζω πειραζῶν εἰπὼς* ¹⁾.— Quos supra (Cap IX. 3) Apostolus vocaverat *τοὺς συγγενεὶς μου κατὰ σὰρκα*, eosdem hoc loco simpliciter vocat *τὴν σὰρκα μου*. ²⁾ In dictione illa, *τινας ἐξ αὐτῶν*, constructio est

γ. 15—16. Si enim amissio eorum, reconciliatio est mundi: quæ assumptio, nisi vita ex mortuis? ¹⁶ Quòd si delibatio sancta est, et massa: et si radix sancta, et rami.

γ. 15—16. *Εἰ γὰρ ἡ ἀποβολὴ αὐτῶν, κατὰλλαγὴ κόσμου, τίς ἡ πρόσληψις, εἰ μὴ ζωὴ ἐκ νεκρῶν; ¹⁶ Εἰ δὲ ἡ ἀπαρχὴ ἁγία, καὶ τὸ φύραμα· καὶ εἰ ἡ ῥίζα ἁγία, καὶ οἱ κλάδοι.*

Paraphrasis. Et verò quum illorum rejectio occasionem dederit ut Gentiles cum Deo reconciliarentur, profectò in maximam quamdam felicitatem spiritualem Gentilibus cessura est illorum assumptio. Cui quidem assumptioni nihil obstat; neque enim populus Israëliticus quatales a Deo rejectus fuit; imo contra; est populus Israëliticus Deo in patribus suis in perpetuum sacratus; quemadmodum sacrata massa est in sacratis primitiis, aut sacrati sunt rami in radice sacrata.

(1) Loquuntur sic quoque Latini: JUSTINUS (Lib. XII. Cap. 9): *Undique concurrunt si possint in uno capite orbis bella finire.* Cf. BOSII Ellipses edit. SCHAEFER. pag. 651, sq. MATTHIÄ, §. 526. KÜHNER §. 837. *Anm.* 5.

(2) THEODORETUS (ad h. l.): *Σὰρκα αὐτοῦ τοὺς Ἰουδαίους λέγει, ὡς κατὰ μὲν τὸ φρονήμα ἄλλοτρίους ὄντας, μόνῃς δὲ αὐτῷ κοινωνοῦντας τῆς συγγενείας.* h. e. « *Carnem suam* dicit Judæos, ut qui, quod ad animi sententiam attinet, ab eo essent alieni,

solam autem generis cognationem haberent cum illo communem. » Observat THEOPHYLACTUS (ad h. l.) Apostolum dum populares suos vocat *carnem suam*, molli hac denominatione declarare suum erga populares suos amorem. *Σὰρκα δὲ εἰπὼν*, inquit, *γεννησιότητα καὶ φιλοστοργίαν* ἐνεφῆνε. *CARNEM autem dicens sincerum et propensum suum amorem ostendit.* Male latinus THEOPHYLACTI interpres hic vertit: *Carnem autem dicens, cognationem et naturalem ejus affectum commonstravit.*

ad sensum; nam refertur hoc ad *τους συγγενεις μου κατα σαρχα*, quos cogitavit Apostolus cum scriberet *την σαρχα μου*.

γ. 15. Si enim amissio eorum, reconciliatio est mundi; quæ assumptio, nisi vita ex mortuis?) Redit Apostolus ad id quod paulò ante (γ. 12) dixerat, illudque *confirmat* (γάρ). Ea quæ versiculis decimo tertio et sequenti leguntur pro interjectâ sententiâ haberi possunt. In his non agebatur de plenariâ Israëlitiçi populi ad Christum conversione, quam versu 12 plenitudinem eorum vocaverat et de qua hic (γ. 15) nunc dicere pergit. Ἡ αποβολή αὐτῶν intelligitur Israëlitiçæ gentis, maximam partem, a Messiana salute rejectio¹⁾; cui hic opponitur illius populi ad illam salutem plenaria προσληψις sive adsumptio, Mundi autem sive Gentilium cum Deo per Christum καταλλαγή sive reconciliatio, ea est quam modò (γ. 12) Apostolus vocaverat πλουτον κοσμου, πλουτον εθνων, divitias mundi, divitias Gentium. Τίς pro τι, et supplendum εσται, ut sit: Quid aliud erit assumptio eorum quam vita ex mortuis (ζωή ἐκ νεκρῶν), sed hoc sensu: Quid aliud assumptio eorum allatura est quam vitam ex mortuis?

Sed hic inquirendum est quid Apostolus intellexerit vitam ex mortuis. Et video S. CHRYSOSTOMUM²⁾, THEODORETUM³⁾, alios, in eâ esse sententiâ ut existiment vitam ex mortuis intelligendam esse communem omnium mortuorum resurrectionem. Quam sententiam ex recentioribus interpretibus secuti sunt CAJETANUS (ad h. l.), alique. Sed huic interpretationi nonnulla mihi videntur obstare. Nam primò quidem, si Apostolus hoc loco revera cogitaverit resurrectionem mortuorum, quid causæ sit cur hanc, pro more suo,

(1) Vocem αποβολή auctor Vulgatæ reddidit *amissio*; non satis recte; non quòd αποβολή eam notionem non habeat, habet enim Act. XXVII. 22, sed quòd alteram illius vocabuli notionem, quæ rejectio est, hoc loco requirit opposita vox προσληψις.

h. c. Si enim his, inquit, non credentibus, gentes assumptæ et a priore ignorantia liberatæ sunt: clarum est, quod, si omnes isti credere voluerint, nihil aliud restabit quam ut fiat resurrectio mortuorum.

(2) Hom. XIX in Ep. ad Rom. (ad h. l.): Ὡςπερ ἡ ἀνάστασις τῶν νεκρῶν οὐ δια τὴν προσληψὲν αὐτῶν, οὕτως οὐδὲ νῦν ἡ σωτηρία ἡ ἡμετέρα δι' αὐτοὺς. h. c. Sicut resurrectio ex mortuis non erit propter illorum (Judæorum) assumptionem, ita neque nunc salus nostra propter illos est.

ORIGENES quid intellexerit vitam ex mortuis, non ita perspicuum est. » Et quid illud sit, inquit, quod ex reconciliatione Israël mundus acquirat, breviter ostendit, dicens: vita ex mortuis. Tunc enim erit assumptio Israel, quando jam et mortui vitam recipient, et mundus ex corruptibili incorruptibilis fiet, et mortales immortalitate donabuntur. Absurdum namque videretur, si, cum offensio ipsorum reconciliationem mundo donaverit, assumptio ipsorum non majus aliquid mundo et præstantius largiretur.

(3) ad h. l. Εἰ γὰρ τούτων ἀπιστησαντων, ζητεῖ, προστεληθῇ τα εθνη καὶ τῆς προτερας ἀγνοίας ἡλευθερωθῇ, δὴλον ὡς εἰ πάντες οὗτοι πιστευσάι θελησάιεν, οὐδὲν ἕτερον ὑπολείπεται, ἢ τὸ γενεσθαι τῶν νεκρῶν τὴν ἀνάστασιν.

(1 Cor. XV. 12. 13. 42. Philipp. III. 11. Hebr. VI. 2) non vocaverit *ἀναστασιν νεκρῶν*. Deinde ipsa hæc locutio *ζωὴ ἐκ νεκρῶν* parum apta mihi videtur ad mortuorum resurrectionem significandam ; hanc PAULUS si istiusmodi aliquâ dictione exprimere voluisset , dixisset , opinor , non *ζωὴ ἐκ νεκρῶν* , sed *ζωὴ ἐκ θανάτου*. Ad hæc , loquitur Apostolus de bono quod per Judæorum *προσλήψιν* speciatim consecuturi essent *gentiles* ; atqui resurrectio mortuorum res est mortalibus *omnibus* communis. Quæ cum ita sint , maluerim sentire cum iis qui illud *vita ex mortuis* existimant dictum esse proverbialiter *de maxima quadam felicitate* ¹⁾. Adhuc tamen desidero exemplum quo certò probetur , locutionem illam *ζωὴ ἐκ νεκρῶν* eo sensu fuisse adhibitam. Itaque putaverim Apostolum hoc loco docere , futurum esse ut in plenariâ Israelitici populi ad CHRISTUM conversione maximæ quædam spirituales divitiæ reliquo orbi Christiano obtingant . Cujusmodi verò futuræ sint illæ divitiæ , temerè , opinor , quis definierit .

γ. 16. *Quod si delibatio sancta est , et massa ; et si radix sancta , et rami.*) Apostolus in antegresso versiculo innuerat futuram Israelitici populi *προσλήψιν* sive *assumptionem* . Hic verò obiter monet assumptioni huic nihil ob stare ; tantum enim abesse ut gens Israëlita qua talis a Deo fuerit rejecta , ut contrà illi sit in Patriarchis suis in perpetuum sacrata ; id quod duplici illustrat similitudine ; quarum altera quidem sumpta est a massâ farinaceâ (*φουραμα*) ad panificium subactâ , quæ ob primitias (*ἀπαρχή*) inde decerptas Deoque sacratas (Num. XV. 18 , sq.) tota quanta esset sanctificata ; altera verò ducta est ab arbore cujus tales sint rami qualis est radix. Utraque autem similitudo eòdem refertur. Itaque massæ farinaceæ illæ primitiæ quemadmodum et radix illa intelliguntur Israëlitiæ gentis progenitores , ABRAHAM , ISAAC , JACOB , in quibus Deus totam Gentem sibi sacratam fecerit . Quod autem Calvinistæ nonnulli ex hoc loco probare velint , sanctam esse prolem fidelium nec egere baptismo ut sanctificetur , id sane quam ridiculum est , nec refutatione indiget .

γ. 17—21. Quod si aliqui ex ramis fracti sunt , tu autem cum oleaster esses , insertus es in illis , et socius radicis et pinguedinis olivæ factus es , ¹⁸ noli

γ. 17—21. *Εἰ δὲ τινες τῶν κλάδων ἐξέκλάσθησαν, σὺ δὲ ἄγριος ὢν ἐνεκεντρίσθης ἐν αὐτοῖς, καὶ συγκαινωνὸς τῆς ῥίζης*

Paraphrasis. Quod si ex olivæ ramis aliqui defracti sunt , tu verò , o Gentilis , cum oleastri surculus esses , olivæ insitus fuisti in defractorum ramorum loco atque ita , unâ cum superstitibus ramis olivæ , radicem ejus

(1) Ita sentiunt ZEGERUS (ad h. l.) , ESTIUS , tamen aliter atque aliter felicitatem illam describit (ad h. l.) , JUSTINIANUS (ad h. l.) , alii , qui bunt.

gloriari adversus ramos .
 Quod si gloriaris : non tu
 radicem portas , sed radix
 te . ¹⁹ Dices ergo : Fracti
 sunt rami ut ego inserar .
²⁰ Bene , propter incredu-
 litatem fracti sunt . Tu
 autem fide stas : noli al-
 tum sapere , sed time . ²¹
 Si enim Deus naturalibus
 ramis non pepercit : ne
 forte nec tibi parcat .

καὶ τῆς πιότητος τῆς
 ἐλαίας ἐγένου , ¹⁸ μὴ
 κατακαυχῶ τῶν κλά-
 δων . Εἰ δὲ κατακαυχᾶ-
 σαι , οὐ σὺ τὴν ῥίζαν
 βαστάξεις , ἀλλ' ἡ ῥίζα
 σέ . ¹⁹ Ἐρεῖς οὖν . Ἐξ-
 ἐκλάσθησαν οἱ κλάδοι ^{a)} ,
 ἵνα ἐγὼ ἐγκεντρισθῶ .
²⁰ Καλῶς τῇ ἀπιστίᾳ
 ἐξεκλάσθησαν , σὺ δὲ τῇ
 πίστει ἑστηκας· μὴ ὑψη-
 λοφρόνεις , ἀλλὰ φοβοῦ .
²¹ Εἰ γὰρ ὁ Θεὸς τῶν
 κατὰ φύσιν κλάδων
 οὐκ ἐφείσατο , μήπως
 οὐδέ σου φείσεται ^{b)} .

et pinguedinem participasti ,
 neutiquam tamen est cur ideò
 superbè te efferas ac miseris
 Judæis insultes . Quod si fa-
 cias , turpiter feceris . Et verò
 non tu radicem portas , sed
 radix portat te . Sed ad hæc
 mihi repones : Defracti sunt
 rami aliquot ut ego olivæ inse-
 rerer ! Concedo , Gentiles oli-
 væ insitos fuisse in defracto-
 rum ramorum loco ; sed hi
 non ideò fuere defracti ut tu
 insereris , sed ob illorum in-
 credulitatem ; tu verò per
 fidem nunc consistis ramus
 in oliva . Cave vero ne ideo
 superbias , sed time potius
 ne quando et tu increduli-
 tatis pœnam contrahas . Ete-
 nim si naturalibus ramis Deus
 non pepercit , quanto minus
 parciturus est insititiis !

VARIANS LECTIO.

a) Articulus *οἱ* ante *κλάδοι* non legitur in Cod. ACD***FGJ ; abest quoque a Minusculis benè multis .

b) Pro *φείσεται* est *φείσεται* in Codd. uncialibus omnibus , B excepto . E hoc loco mutilus est .
 Lectionem *φείσεται* tribuerim Librario , quem Indicativus post *μήπως* offenderit .

γ. 17—18. Quod si aliqui ex ramis fracti sunt , in autem cum oleaster
 esses , insertus es in illis , cet.) Metaphoricam orationem continuat Apostolus ,
 nunc porrò Ethnico-Christianos admonens ne contra incredulos Judæos superbè se
 efferant . Et comparantur ibi Israëliticæ gentis progenitores cum *oliva* (*ἐλοία*) , cujus
rami naturales (*οἱ κατὰ φύσιν κλάδοι* γ. 21) vocantur singuli Judæi ; ex his
 autem *defracti* ab *oliva rami* (*κλάδοι ἐκκλάσθεντες*) dicuntur quotquot per
 incredulitatem defecissent (γ. 19) a fide suorum progenitorum in CHRISTUM . Porrò Eth-

nico-Christiani ibidem conferuntur cum oleastri surculis (*ἐκ τῆς ἀγριελαιου*), qui in florentem olivam insiti fuerint (*ἐνεκεντρισθησαν*) in loco ramorum defractorum (*ἐν αὐτοῖς*), atque ita radicem ejus atque pinguedinem participaverint unā cum superstitibus olivæ ramis (*συγκοινωνοὶ τῆς ῥίζης καὶ τῆς πιότητος τῆς ἐλαιας*). Illa autem *pinguedo*, cujus participes facti sunt Gentiles, intelligenda est *promissio* illa qua ABRAHÆ dictum fuerat: *in semine tuo benedicentur omnes gentes*; qua quidem promissione et benedictione comprehensa erant omnia bona novi Testamenti. Rem sine tropo dicit Apostolus in epistola ad Ephesios (Cap. III. 6), ubi declarat, *gentes esse cohæredes et concorporales et comparticipes* DIVINÆ PROMISSIONIS in CHRISTO JESU *per evangelium*. Ceterum quod attinet ad metaphoram surculorum oleastri olivæ insitorum, ex agriculturæ quidem instituto oleastri surculi sive taleæ olivæ inserebantur ut hanc fæcundarent ¹⁾; sed PAULUS ibi solummodo attendit rationem inserendi et surculi nutritionem; neque longius similitudo persequenda est.

Dicit Apostolus *τινες τῶν κλαδῶν*, *aliqui ex ramis*, per Euphemismum; nam profectò Judæi maximam partem increduli fuerant. Vox *ἀγριελαιος* sumitur tam substantivè quam adjective ²⁾; infra quidem (*ψ. 24*) substantivè, hoc vero loco adjectivè; neque enim totæ arbores aliis arboribus inseruntur. Itaque verba *συ δε ἀγριελαιος ὢν* propriè valent: *tu* ³⁾ *quum esses oleastrinus* (sit venia verbo), h. e. in oleastro natus, adeoque oleastri *surculus*; agitur enim de inserendo. Notat FRITSCHUS (ad h. l.), *ἐγκεντριζειν* malè referri ad illud insitionis genus quod Græci *ενοφθαλμισμον*, Latini respondente vocabulo *inoculationem* vocarunt; hoc enim genus exprimi voce *ενοφθαλμιζειν*; vocem autem *ἐγκεντριζειν* declarare *insitionem in fissura*. De variis insitionum generibus videsis COLUMELLAM Lib. V. 11. — *Ἐν αὐτοῖς* grammatice quidem valere possit *inter illos*, puta, inter ramos qui in oliva remanserint nec ab eâ fuerint defracti; sed quum *ἐν αὐτοῖς* hic referendum sit ad antegressum *τινες τῶν κλαδῶν ἐκκλασθεντες*, dictio *ἐν αὐτοῖς*, *in ipsis*, explicanda est *in loco ipsorum*, scil. ramorum defractorum. Postulat certe argumentatio Apostoli (cf. *ψ. 19*) ut *ἐν αὐτοῖς* hoc sensu sumatur, adhuc tamen desidero exemplum, quo Præpositio *ἐν* hanc vim obtineat ⁴⁾. *Κατακαυχᾶμαι τινος* i. q. *καυχᾶμαι*

(1) PALLADIUS *De insitione* Lib. XIV. *ψ. 53*, sq.:

Fæcundat sterilis pingues oleaster olivas,

Et quæ non novit munera, ferre docet.

(3) Unum aliquem ex Ethnico-Christianis adloquitur pro omnibus.

(2) Sic legitur *ἀγριελαιος στυτάλη* (apud FRITSCHUM ad h. l.), *baculus ex oleastri ligno confectus*.

Lignum oleastri durissimum est.

(4) Attamen jam Syrus interpres hoc sensu verba

ἐν αὐτοῖς accepit; reddidit enim *ἐν τοῖς ἐκκλασθεῖσι* (*in locis eorum* (ramorum defractorum).

κατα τινος, glorior ita ut alterum præ me contemnam. Protasis præsentis sententiæ continetur toto versu decimo septimo, Apodosis autem prioribus versûs decimi octavi verbis istis: μη κατακαυχῶ των κλαδων, quæ quidem isthoc versiculorum discrimine malè ab antegressis fuère sejuncta. Jam quod sentit Apostolus tale est: Quod si qui Judæi exclusi fuère a Messiana salute, horum autem in loco gentiles illius salutis facti sunt participes, neutiquam tamen est cur gentiles hanc ob rem superbè se efferant ac miseris Judæis insultent.

Quod si gloriaris; non tu radicem portas, sed radix te.) Superiorem admonitionem corroborat argumento a turpi. Sensus est: Quod si superbè, o gentiles, præ Judæis vos efferatis, scitote id quidem stulte et turpiter a vobis fieri. Et verò nonne stultè ac turpiter rami insultent radici ejus trunco portentur?

Nota, Apostolum per breviloquentiam hoc loco scripsisse ει δε κατακαυχασαι, ου συ, cet.; nam volebat ει δε κατακαυχασαι, ἴσθι vel διανοοῦ ὅτι ου συ, cet. ¹⁾ Simili breviloquentia usus ad Corinthios (1 Cor. XI. 16) scripsit: Ει δε τις δοκεῖ φιλονεικος εἶναι, ἡμεῖς τοιαυτην συνηθειαν ουκ εχομεν. Confer illud Ciceronis (de Orat. XI. 12, apud FRITSCH. ad h. l.): Atqui ne nostros contemnas, inquit Antonius, Græci quoque ipsi sic initio scriptitarunt, ut noster Cato. Κατακαυχᾶσαι primigenia sed obsoleta forma est pro κατακαυχᾷ (κατακαυχᾶ). Cf. BUTTMANN § 87. Anm. 8.

γ. 19. Dices ergo: Fracti sunt rami ut ego inserar.) Consecutio Temporum requirit insererer. Occupat Apostolus id quod ad modò dicta (γ. 17) gentilis unus aut alter regesserit (ουν) ad gloriationem suam tuendam. Dixit is: Defracti sunt ab oliva rami aliqui (κλαδοι, des branches, absque Articulo), ut (ἐνα) nos (gentiles) in defractorum loco insereremur.

γ. 20. Bene; propter incredulitatem fracti sunt. Tu autem fide stas; noli altum sapere, sed time) Apostolus ultrò concedit (καλως! recte), gentiles olivæ insitos fuisse in defractorum ramorum loco; negat autem id quod in responso (γ. 19) innuebatur, illos fuisse defractus propter gentiles inserendos; docetque non gentilium causâ defractus fuisse, sed ob illorum incredulitatem; neque illorum defractionem causam exstitisse insitionis gentilium, sed horum fidem; unâque ibi admonet gentiles ut ne ideò animo efferantur, sed contra solliciti sint timeantque ne quando et ipsi, sicut Judæi, incredulitatis pœnam contrahant.

(1) THEODORETUS: Λογίζου δε και τουτο, ὅτι σε ἡ non tu radicem, et quod tu illâ indiges, non ῥιζα φερει, ου συ την ῥιζαν· και συ εκεινης δεχῃ ουκ εκεινη illa te. σου. Cogita hoc etiam, quod te radix portat,

Dicit ergo : Concedo , insitos olivæ fuisse gentiles in defractorum ramorum loco ; sed defracti illi fuere non ideò ut tu insereris , sed ob illorum incredulitatem (τῇ ἀπιστίᾳ , Dativus causæ) ; tu autem per fidem (τῇ πίστει , Dativus instrumenti) consistis (ἐστηχας) ramus in oliva . Cave verò ne ideò superbias , sed time potius ne quando et tu incredulitatis poenam contrahas .

γ. 21. Si enim Deus naturalibus ramis non pepercit ; ne forte nec tibi parcat .) Nam , inquit , si Judæis , naturalibus non insititiis olivæ ramis , ob admissam incredulitatis culpam non pepercit sed ab oliva eos defregit , timeo sane ne tibi quoque , ramo non naturali sed insititio , non sit parciturus .— Per *litoten* plus hic significatur quam dicitur ; nam vult dicere Apostolus : Si naturalibus ramis Deus non pepercit , quanto minus parciturus est insititiis .— Μηπως pendet a φοβοῦμαι , quod per ellipsin sat frequentem omisum est . Cf. 2 Cor. XI. 3 ; et legis Winerum §. 66. 6.

γ. 22—24. Vide ergo bonitatem , et severitatem Dei : in eos quidem , qui ceciderunt , severitatem : in te autem bonitatem Dei , si permanseris in bonitate , alioquin et tu excideris .²³ Sed et illi , si non permanserint in incredulitate , inserentur : potens est enim Deus iterum inserere illos .²⁴ Nam si tu ex naturali excisus es oleastro , et contra naturam insertus es in bonam olivam : quanto magis ii , qui secundum naturam , inserentur suæ olivæ ?

γ. 22 — 24. Ἴδε οὖν χρηστότητα καὶ ἀποτομίαν Θεοῦ· ἐπὶ μὲν τοὺς πεσόντας, ἀποτομίαν^{a)}· ἐπὶ δὲ σέ, χρηστότητα^{b)}, εἰὰν ἐπιμείνης τῇ χρηστότητι· ἐπεὶ καὶ σὺ ἐκκοπήσῃς.²³ Καὶ ἐκεῖνοι δὲ, εἰὰν μὴ ἐπιμείνωσι τῇ ἀπιστίᾳ, ἐγκεντρίσθῃσονται· δυνατὸς γάρ ἐστιν ὁ Θεὸς πάλιν ἐγκεντρίσαι αὐτούς.²⁴ Εἰ γὰρ σὺ ἐκ τῆς κατὰ φύσιν ἐξεκόπης ἀγριελαιίου, καὶ παρὰ φύσιν ἐνεκεντρίσθῃς εἰς καλλιέλαιον, πόσω μᾶλλον οὗτοι οἱ κατὰ φύσιν ἐγκεντρίσθῃσονται τῇ ἰδίᾳ ἐλαίᾳ;

Paraphrasis. Igitur diligenter considera , hinc quidem Dei benignitatem , illinc verò ejusdem severitatem : in eos qui ceciderunt versa est Dei severitas , in te verò ejusdem benignitas , si tamen permanere volueris in eo ad quod Dei benignitas te gratuito vocavit ; nam si non permanseris , tu quoque excideris ab oliva , sicut jam ab eadem defracti sunt illi . Sed et , sicut tu non ita olivæ insitus es ut non possis tuâ culpâ ab eadem defringi , ita vicissim illi , si ab incredulitate sua resipiscere voluerint , olivæ denuò inserentur . Et verò quid-ni Deus hoc facere possit ? Nam si olivæ inserere potuit alienæ arboris ramos , quanto magis defractus ab ipsa oliva ramos eidem rursus inseverit !

VARIANS LECTIO.

a) Pro Accusativis *αποτομιαν* et *χρηστοτητα* sunt Nominativi, *αποτομια* in Codd. ABC, et *χρηστοτης* in Codd. ABCD. Quæ lectio alteri præferenda videtur, quum sit difficilior. Addiderim, si *αποτομιαν* et *χρηστοτητα* voluisset PAULUS, scripsisset, opinor, hoc ordine verborum: *αποτομιαν* μὲν ἐπὶ τοὺς πεσόντας, *χρηστοτητα* δὲ ἐπὶ σε, cet.

b) Additur Θεου in Codd. ABCD*, quam lectionem exhibet quoque Latina nostra Vulgata.

γ. 22. *Vide ergo bonitatem et severitatem Dei; cet.)* Quo gravius Gentilem admoneat ne animo efferatur sed potius timeat (γ. 21), eundem adhortatur ut in dissimili Judæorum et Gentilium sorte diligenter consideret, hinc Dei bonitatem, illinc ejusdem severitatem; et *severitatem* quidem in Judæos qui increduli in JESUM, *lapidem offendiculi*, *offendentes* (supra Cap. IX. 32) cecidissent (ἐπὶ τοὺς πεσόντας) et veluti defracti ab oliva rami nunc jacerent; *bonitatem* verò erga se, ut quem gratuitò olivæ insevisset. Ex severitate Dei disceret timere; ex gratuita vero ejus bonitate colligeret nullam sibi esse recte gloriandi causam.

Si pro *αποτομιαν* et *χρηστοτητα* legeris *αποτομια* et *χρηστοτης* (Vide Lect. Var.), oratio Apostoli ita interpungenda est ut nova sententia inchoetur a verbis ἐπὶ μὲν τοὺς πεσόντας, et supplendum ἐστὶ ad hunc modum: *In eos quidem qui ceciderunt Dei severitas versa est, in te verò ejusdem bonitas, si permanseris, cet.*

si permanseris in bonitate, alioquin et tu excideris.) Si tu permanseris in bonitate Dei; et *bonitatem* Dei per Metonymiam intelligit id ad quod Dei bonitas Gentilem gratuitò vocasset; ut adeo sensus sit: *Si permanseris in fide et justitia* ¹⁾. Cum ἐπιμενειν τῇ χρηστοτητι contuleris ἐπιμενειν τῇ χάριτι τοῦ Θεοῦ, Act. XIII. 43. Ἐπει, nam (si in ea non permanseris) καὶ σὺ ἐκκοπήσῃ (Fut. 2. Indicat. Pass.) tu quoque excideris ab oliva, sicut jam ab eadem defracti sunt illi.

Verissimè STAPLETONIUS noster in suis *Antidotis Apostolicis* (ad h. l.): « Quod tam seriò, inquit, tam acriter, tam multis verbis, Gentes ad fidem conversas Apostolus monet, hortatur, docet, ne ad CHRISTI fidem veritatisque agnitionem misericordissimâ

(1) S. CHRYS. Hom. XIX in Ep. ad Rom. (ad h. l.): Τῇ χρηστοτητι, τουτεστιν, εἰς ἀξίαν τῆς τοῦ Θεοῦ χάριτος; καὶ σὺ ἐκκοπήσῃ, id est, si Dei bonitate digna feceris; neque enim fide tantum opus est.»
φιλανθρωπικῆς πρακτικῆς· οὐ γὰρ πίστεως δει μόνον. h. e.

Dei gratiâ, evangelicâ mediante prædicatione, perducti, perfidis interim Judæis in sua incredulitate relictis, inde efferantur aut insolescant, aut sibi placeant, tamquam de salute adepta securi et extra omne amittendæ salutis discrimen positi ac constituti, sed potius timeant, et hoc ipsum timeant ne a salute excidant, ne propter incredulitatem frangantur....., hoc sane totum ad commentitiâ Calvinianam fidem, quæ est *divinæ benivolentiæ numquam amittendæ certa persuasio*, et ad ipsam electorum fidem indelibilem, quam conformiter finxit CALVINUS, denique ad totam illam certitudinem gratiæ ac salutis, quam veluti propriam Christianismi notam omnes hodie hæretici arcissime complexi sunt, penitus evertendam et certissime refutandam manifeste et invictè valet. Ubi enim homini jam credenti ac fide stanti timor adhuc futuri casus superest, ibi nec persuasio illa commentitia, nec indelibilis fides, nec certitudo præsumpta ullum locum habere potest; quando nihil magis securitati adversatur quam timor, nihil certius salutis certitudinem tollit quam facile possibilis a salute lapsus, nec denique indelibile dici possit, *cujus delendæ et amittendæ certum periculum imminet.* »

ψ. 23. *Sed et illi, si non permanserint in incredulitate, inserentur; potens est enim Deus iterum inserere illos.*) Novo argumento ostendit non esse Gentilibus cur defractis ramis insultent; *posse enim illos, si velint, olivæ denuò inseri.* Nexus autem orationis est hujusmodi: Sicut, tu, o gentilis, non ita olivæ insitus es ut non possis tuâ culpâ ab ea defringi, ita vicissim Judæi, qui nunc veluti defracti ab oliva rami jacent, si ab incredulitate sua resipuerint, olivæ denuò inserentur. Et verò quid-ni Deus hoc facere possit? Nam (ψ. 24) si olivæ inserere potuit alienæ arboris ramos, quanto magis defractos ab ipsa oliva ramos eidem rursus inseverit?

Utrumque Apostolus obiter hic docet, et divinæ gratiæ auxilium, et humani arbitrii in re salutis libertatem. Nam quod dicit, Deum posse defractos ab oliva ramos denuò olivæ inserere, divinæ gratiæ beneficium significat; quod verò præmisit, eos inserendos esse denuò si ab incredulitate sua resipiscere voluerint, humani arbitrii ostendit libertatem 1).

(1) S. CHRYS. (Hom. XIX in Ep. ad Rom. ad ψψ. 22 et 23): Οὐκ εἶπεν, ἰδε οὖν κατορθώμα σου, ἰδε οὖν πόνους σου, ἀλλὰ Θεοῦ φιλανθρωπίαν, δείκνυς ὅτι το πᾶν τῆς χάριτος τῆς ἀνωθεν γέγονεν, καὶ παράσκευάζων τρέμειν. Ἡ γὰρ ὑπόθεσις τῆς καυχήσεως, αὕτη σε ποιεῖ δεδαικέναι. Ἐπεὶ γὰρ χρηστὸς περὶ σε γέγονεν ὁ Δεσποτὴς, δια-
 τουτο φοβοῦ· οὐ γὰρ ἀκίνητα σοι μένει τὰ ἀγαθὰ, εἰν ῥαθυμῆς· ὥσπερ οὖν οὐδὲ ἐκείνοις τὰ κακὰ, εἰν μεταβα-
 λωνται. Καὶ γὰρ σὺ, φησὶν, εἰν μὴ ἐπιμεινῆς τῇ πίστει, ἐκκοπητῇ· καὶ ἐκεῖνοι δὲ, εἰν μὴ ἐπιμεινωσὶ τῇ ἀπιστίᾳ, ἐγκεντρισθησονται. . . Εἶδες· ὅσον τῆς προαιρέσεως τὸ κυρὸς; ποσὴ τῆς γνώμης ἡ ἐξουσία; Οὐδὲν γὰρ τούτων ἀκινήτων, οὔτε το σου καλόν, οὔτε το ἐκείνου κακόν. h. e. Non

dixit: Vide igitur bonum opus tuum, vide labores tuos; sed Dei benignitatem, ostendens totum ex superna gratia factum esse, ad tremendum inducens. Ob jactantiæ enim occasionem timere debes; quia enim benignus erga te fuit Dominus, ideo time; neque enim immobilia tibi sunt bona illa, si ignavè te geras; ut nec illis mala, si mutati fuerint. Nam et tu, inquit, nisi manseris in fide, excideris; illi autem, si non manserint in incredulitate, inserentur... Viden quanta sit liberi arbitrii facultas? quanta animi et voluntatis potentia? Nihil enim horum immobile est; nec bonum tuum, nec illius malum.»

γ. 24. *Nam si tu ex naturali excisus es oleastro et contra naturam insertus*, cet.). Argumento a difficiliore ad facilius Apostolus confirmat (γαρ) id quod modò (γ. 23) dixerat: *potens est enim Deus iterum inserere illos*. Nempe faciliora sunt quæ fiunt secundum entium naturam, quam ea quæ præter aut contra; atque ita defractus ab olivâ ramus facilius, juvante naturâ, olivæ denuò inseratur quam eidem inseratur, naturâ repugnante, surculus ex oleastro excisus. Judæi erant generosæ olivæ veluti rami *naturales* (κατὰ φύσιν) licet defracti, contra Gentiles oleastri erant rami *naturales*; atqui oleastri rami *contra suam naturam* (παρὰ φύσιν) insiti fuerant generosæ olivæ; multò ergo facilius olivæ suæ (τῇ ἰδίᾳ ελαιᾷ) inseri poterant illi qui *naturales* (κατὰ φύσιν) erant olivæ rami ejusque germina. Est profectò planè gratuita tam Judæi quam Gentilis ad Messianam salutem admissio; nihilominus tamen plura sunt quæ Gentilem a participanda illa salute prohibent quam quæ Judæum, quum hic ob professionem monotheismi, instituta Mosaica, et vaticinia Prophetarum quibus fidem non negat, expeditior sit quam ille ad amplectendam fidem Christianam, a cujus professione Messiana salus sive Justificatio pendet.

Quod dicitur οἱ κατὰ φύσιν, scil. ὄντες κλαδοί, est hoc *Appositio* ad antegressum οὗτοι. Futurum ἐγκεντρισθήσονται valet *inseri poterunt*¹⁾. Eo sensu Futurum legitur quoque Act. VII. 49; nam quod ibi dicitur ποιον οἶκον οἰκοδομήσετε μοι, id, postulante contextû oratione, omninò reddendum est: *Quamnam domum ædificare poteritis mihi?*

γ. 25—27. Nolo enim vos ignorare fratres mysterium hoc: (ut non sitis vobis ipsis sapientes) quia cæcitas ex parte contigit in Israël, donec plenitudo Gentium intraret, ²⁶ et sic omnis Israël salvus fieret, sicut

γ. 25—27. Οὐ γὰρ θέλω ὑμᾶς ἀγνοεῖν, ἀδελφοί, τὸ μυστήριον τοῦτο, (ἵνα μὴ ᾗτε παρ' ἑαυτοῖς ^{a)} φρόνιμοι) ὅτι πῶρως ἀπὸ μέρους τῷ Ἰσραὴλ γέγονεν, ἄχρις οὗ τὸ πλήρωμα τῶν ἐθνῶν εἰσέλθῃ, ²⁶ καὶ οὕτω

Paraphrasis. Nam, ut ne vestro judicio sapere vobis videamini dum Judæos contemnitis tamquam Christianæ salutis incapaces, edocere vos volo divinæ Providentiæ arcanum hoc: quod scilicet populum Israëliticum partem aliquam occupaverit excæcatio duratura ad illud usque

(1) S. CHYSOSTOMUS quoque in hunc sensum Futurum ἐγκεντρισθήσονται accepisse mihi videtur. Nam præsentem locum his verbis elucidat: Εἰ γὰρ, inquit, τὸ παρὰ φύσιν ἰσχυρεῖ ἢ πιστεῖς, πολλὰ μᾶλλον τὸ κατὰ φύσιν. Εἰ γὰρ οὗτος τῶν κατὰ φύσιν αὐτοῦ πατέρων ἐκκοπεῖς, ἦλθε παρὰ φύσιν πρὸς Ἀβραάμ, πολλὰ

μᾶλλον σὺ τὸ οἰκεῖον ἀπολαβεῖν δύνησθαι. h.c. *Etenim si fides id quod præter naturam erat potuit, multo magis secundum naturam poterit. Si hic a patribus suis naturalibus excisus, præter naturam ad Abraham accessit, multo magis tu, quod tibi proprium est, accipere poteris.*»

scriptum est: Veniet ex Sion, qui eripiat, et avertat impietatem a Jacob. 27 Et hoc illis a me testamentum: quum abstulero peccata eorum.

πᾶς Ἰσραὴλ σωθήσεται^{b)}, καθὼς γέγραπται Ἡξει ἐκ Σιών ὁ ῥυόμενος, καὶ ἀποστρέψει^{c)} ἀσεβείας ἀπὸ Ἰακώβ. 27 Καὶ αὕτη αὐτοῖς ἡ παρ' ἐμοῦ διαθήκη, ὅταν ἀφέλωμαι τὰς ἁμαρτίας αὐτῶν.

tempus quo gentium universitas in ecclesiam intraverit, et quod ita futurum sit ut populus Israëliticus universus Messianam salutem participet, sicut scriptum est in vaticinio Isaïæ Prophetæ: *Ex Sione venturus est redemptor et avertet peccata a gente Jacobæa; atque hoc meum erit cum illis pactum, cum abstulero peccata eorum.*

VARIANS LECTIO.

a) Præpositio *παρὰ* ante *ἐαυτοῖς* non legitur in Codd. CDJ. In Codd. AB legitur *ἐν ἐαυτοῖς*. Utraque Præpositio, tam *παρὰ* quam *ἐν*, glossema redolet.

b) Vulgatæ auctor legisse videtur *σωθήσεται*. Ex græcis Codicibus tamen nullus est, quod sciam, qui hanc lectionem exhibeat. In Italia pariter est *salvus fieret*, sed *Tichonius*, *Hilarius*, et *Ambrosius* (apud SABATIER) legerunt *salvabitur*.

c) Pro *καὶ ἀποστρέψει* est *ἀποστρεψαι* absque *καὶ* in Codd. FG. *Ἀποστρεψαι* absque *καὶ* legitur in Codd. ABCD* et nonnullis Minusculis.

γ. 25. *Nolo enim vos ignorare, fratres, mysterium hoc, ut non sitis, cet.)* De Judæis coætaneis suis propter incredulitatem a Messiana salute exclusis Apostolus in antegressis (γγ. 22 sqq.) monuerat, eosdem non ita fuisse exclusos ut non *possent* hanc salutem participare, si ab incredulitate sua resipiscere vellent, adeoque et illos quoque esse Messianæ salutis capaces. Hanc autem illorum capacitatem nunc inde *probat* (γαρ) quòd *disertis verbis declarat*, futurum esse aliquando ut gens Israëlitica *universa* Messianam salutem *reapse* participet. Simul ibi monet, se eum in finem Ethnico-christianos docere plenariam illam Israëliticæ gentis conversionem, *ut ne essent sibi ipsis sapientes* (ἵνα μὴ ᾗτε παρ' ἐαυτοῖς φρόνιμοι), hoc est, ut ne pro verâ haberent falsam illam quâ imbuti erant opinionem de absolutâ Israëliticæ gentis qua talis a Messiana salute exclusionem; quâ quidem falsâ opinione inducti Judæos despiciatui habebant. Dicit ergo: Nam, ut ne *vestro iudicio* (ἐαυτοῖς) sapere vobis videamini dum Judæos contemnitis tamquam Christianæ salutis incapaces, edocere vos volo divinæ Providentiæ

arcanum hoc (τὸ μυστηριον τουτο), quod (ὅτι) scilicet populum Israëliticum, partem aliquam (απο μερους) occupaverit excæcatio (πωρωσις γεγονεν) duratura ea ad illud usque tempus (αχρις ου̃), quo gentium universitas (το πληρωμα των εθνων) in ecclesiam intraverit (εισελθῃ), et quod ita (και οὕτω, i. e. cum intraverit gentium universitas) futurum sit ut populus Israëliticus universus (πᾶς Ισραηλ) Messianam salutem participet (σωθησεται), sicut scriptum est in vaticinio Isaïæ Prophetæ: *Ex Sione venturus est redemptor et avertet peccata a gente Jacobæa; atque hoc meum erit cum illis pactum, quando abstulero peccata eorum.*

Μυστηριον hoc loco intelligitur divinæ Providentiæ aliquod arcanum, quod nequeat hominibus innotescere, nisi divinitus ipsis patefiat. Quodnam autem est arcanum illud, quod Apostolus divinitus edoctus hic cum hominibus communicat? Illud est: Quod excæcatio (πωρωσις) illa, quæ Israeliticam gentem tunc partem aliquam ¹⁾ occupasset, eo modo (h. e. απο μερους) ex divino permissu duratura esset ad illud usque tempus, quo gentium universitas in Ecclesiam intrasset; tum verò cessaturam esse illam Israëliticæ gentis απο μερους πωρωσιν, et universam gentem participaturam Messianam salutem.

Απο μερους jungendum est cum *πωρωσις γεγονεν* ad modum Adverbii; q. d. gentem Israëliticam partim occupavit excæcatio; sensus tamen est: partem aliquam Israëliticæ gentis excæcatio occupavit.

Gentium *πληρωμα*, plenitudo, non est earum multitudo, sed universitas, ut supra γ. 12. Quonam verò sensu illa universitas sumenda sit, Apostolus non declaravit. Illud tamen ex ejus verbis recte colligi posse mihi videtur, non esse universitatem illam referendam ad omnes et singulos homines gentiles, verum ad omnes et singulas gentes ²⁾.

Πας Ισραηλ intelligitur non maxima Israëlitarum pars, sed gens universa. Postulat hanc interpretationem non tantum obvia vocis *πας* significatio, verum etiam antitheticum illud *απο μερους*. Minime verò audiendi sunt qui dicant omnem Israëlem hoc loco intelligendum esse Israëlem non carnalem illum sed spirituales, hoc est Christianos tam ex Judæis quam ex Gentilibus collectos. Benè Estius: « Pro Israele carnali, inquit, facit totus hujus loci contextus; primum ibi, quanto magis plenitudo eorum (γ.), ubi significat Apostolus futurum aliquando ut plenitudo Judæorum intret, sicut nunc intrat plenitudo gentium, quod iterum vult intelligi iis verbis (γ. 12):

(1) THEODORETUS (ad h. l.): Το απο μερους τε-
θεικε, διδασκων ὡς ου πάντες ηπιστησαν· πολλοι γαρ και
εξ εθνων επιστευσαν. h. e. Illud ex parte posuit,
docens non omnes fuisse incredulos; multi enim
ex illis crediderunt.

(2) S. THOMAS (ad h. l.): Plenitudo gentium,
id est, non solum aliqui particulariter ex genti-
bus, sicut tunc convertebantur, sed vel pro toto,
vel pro majori parte in omnibus gentibus.

quæ assumptio, nisi vita ex mortuis? Idem postea quum additâ conditione dixisset, sed et illi, si non permanserint in incredulitate, inserentur, hoc ipsum ut absolute fiat, aliquando a Dei bonitate expectandum esse docet cum in eo quod subjungit, polens est enim Deus iterum inserere illos, tum verbis insequentibus istis: Nam si tu contra naturam insertus es in bonam olivam, quanto magis ii, qui secundum naturam, inserentur suæ olivæ? Denique rem aperte declarat, dum dicit: Nolo enim vos ignorare mysterium hoc, cet. Quæ verba non aliter accipi oportere quam de Israël secundum carnem, non modo probat consequentia sermonis, et quia toto hoc capite atque etiam superiori de Israël secundum carnem, non de alio locutus fuerat; verum etiam plane arguit antithesis quam facit inter hæc duo: nunc cæcitas ex parte contigit Israeli, tunc totus Israël salvus fiet. Neque enim constare poterit ea antithesis, si Israël aliter et aliter accipias.»

A vero Scripturæ sensu aberravit hic etiam THEODORETUS (in Comm. ad γ. 26): Παντα τον Ισραηλ, inquit, καλεῖ τους πιστευοντας, ει τε εξ Ιουδαιων, ειεν, την φυσικην συγγενειαν προς τον Ισραηλ εχοντες, ει τε εξ εθνων κατα την της πιστεως ευγενειαν αυτω συναπτομενοι. h. e. «Vocat autem omnem Israël eos qui credunt, sive sint ex Judæis naturalem cognationem habentes cum Israël, sive ex Gentibus eidem fidei cognatione conjuncti.»

Itaque docet Apostolus, omnes Judæos aliquando ad Christum esse convertendos, adeoque venturum tempus quo amplius dici nequeat, Israeliticam gentem partem aliquam (απο μερους) in incredulitate versari. Nec aliter PAULI verba intellexere antiqui, quorum plures 1) recenset ESTIUS (ad h. l.); qui et refellit interpretationem eorum qui verba Apostoli trahere conantur in eum sensum, quo significatum sit non in fine sæculi Judæos CHRISTUM fide recepturos, sed toto sæculi decursi futurum ac fieri subinde ut aliqui ex illis fidem CHRISTI amplectantur, simulque cum gentilibus æmulatione provocati

(1) Addantur et hi: ORIGENES (in Ep. ad Rom. ad h. l.): Si ergo pro eo, inquit, ut introiret gentium plenitudo, cæcitas facta est in Israël, sine dubio cum ingressa fuerit gentium plenitudo, cæcitas cessabit.

S. AMBROSIIUS (in Psalm. XL. n° 33.): «Etsi cæcitas in Israël ex parte continget, tamen cum plenitudo gentium intraverit, tunc omnis Israel Christi miseratione salvabitur.»

THEODORETUS (ad h. l.): Των εθνων δεξαμενων το κηρυγμα, πιστευουσι κακεινοι, Ἰλις του πανυ παραγε-

νομενου και της πιστεως αυτοις την διδασκαλιαν προσφεροντας. Τουτο γαρ και ο Κυριος εν τοις ιεροις ευαγγελιοις εφη: Ἰλις ερχεται, και αποκαταστησει παντα. h. e. Postquam gentes prædicationem susceperint, illi etiam credent, ubi magnus ELIAS venerit et fidei doctrinam illis attulerit. Hoc enim Dominus quoque dicit in sacris evangeliiis: Elias venturus est, et restituet omnia.

S. THOMAS (ad h. l.): «Et tunc, scilicet cum plenitudo gentium intraverit, omnis Israël salvus fiet, non particulariter sicut modo, sed universaliter omnes.»

evangelicarum promissionum participes fiant.— Quæstionem de conversione Judæorum in fine sæculi ESTIUS tractavit etiam in Commentario in IV librum sententiarum, ad Dist. 47. §. 12, sq.

sicut scriptum est: *veniet ex Sion, qui eripiat et avertat impietatem a Jacob; et hoc illis a me testamentum cum abstulero peccata eorum.*)

Futurum esse aliquando ut gens Israëlitica universa Messianam salutem participet, Apostolus confirmat ISAÏÆ vaticinio¹⁾. Recitata autem ab illo prophetica verba ista, *veniet ex Sion, qui eripiat et avertat impietatem a Jacob; et hoc illis a me testamentum*, leguntur Isaïæ Cap. LIX. 20, sq; quod verò additur, *cum abstulero peccata eorum*, de suo adjecisse videtur ad illustranda antegressa verba illa *καὶ ἀποστρεψει ἀσεβείας ἀπο Ιακωβ*, et avertet impietates a Jacob. Quod dicitur *et hoc illis* (Dativ. Commodi) *a me* (profectum) *testamentum* sive *pactum*, pertinet hoc ad insequentia (ψ. 21) Prophetæ verba; quæ tamen Apostolus non recitavit, quia ad propositum suum non faciebant. Sensus testimonii ut a PAULO recitatur recte exposuit ESTIUS (ad h. l.) hisce verbis: « E gente Judaica atque ex ipsa regia stirpe DAVIDIS (nam SION erat civitas DAVID ac sedes regni) nascetur liberator ac salvator, scilicet CHRISTUS, qui auferat et aboleat peccata populi progeniti ex patriarcha JACOB, qui alio nomine dictus est ISRAËL. Quæ peccatorum illius populi abolitio cum peracta non sit in primo CHRISTI adventu per ipsius et Apostolorum ejus prædicationem (tunc enim solæ reliquæ servatæ sunt, ceteri excæcati), relinquitur, introductâ gentium plenitudine, expectanda.»

(1) Nota, Apostolum Isaïæ vaticinium illud recitasse secundum versionem Septuaginta-viralem, nisi quod scripsit *ex Σιών*, *ex Sione*, pro *ἐκ Σιών* propter Sionem, quod in illa versione legitur. Conjicit ESTIUS (ad h. l.), et recte, meâ quidem sententiâ, PAULUM, qui miscere solet ex variis locis testimonia, scribentem *ex Sion*, ad alias Scripturas respexisse, quæ Salvatorem promittunt oriturum *ex Sion*, ut Ps. 32, et 52. Hebraicè vaticinium illud sic legitur: *וְיָבֹא לְצִיּוֹן גּוֹאֵל וְלִשְׁבֵּר* : *וְיָשִׁיעַ בְּרַעְיָקָב נַאֲם יְהוָה: וְאֵנִי זֶאת בְּרִיתִי אִתָּם:* quæ verba in Vulgata sic reddita sunt: *et (cum)*

venerit Sioni (in Dativo Commodi) *Redemptor, et eis qui redeunt ab iniquitate* (*וְלִשְׁבֵּר פֶּשַׁע*) *in Jacob, dicit Dominus. Hoc fœdus meum cum eis.*—Videntur LXX pro *וְלִשְׁבֵּר* legisse, unâ literâ transpositâ, *וְלִשְׁרִיב*, quod pronunciaverint *וְלִשְׁרִיב=וְלִשְׁבֵּר*, absorptâ characteristicâ *וּ* ut *לְרִאיוֹת* pro *לְהִרְאוֹת* Exod. XXXIV. 24. Deut. XXXI. 11. Cui conjecturæ robur accedit inde quòd Chaldæus quoque sic legisse videtur; nam is præsentem locum reddidit: *וְיָבֹא לְצִיּוֹן פֶּרִיק וְלִשְׁבֵּר מִבְּרִיתָא* : *וְיָשִׁיעַ בְּרִיתִי אִתָּם* h. e. *Et veniet Sioni redemptor, nempe (1) ad convertendum rebelles domus Jacob.*

γ. 28—32. Secundum Evangelium quidem, inimici propter vos: secundum electionem autem, carissimi propter patres. 29 Sine poenitentia enim sunt dona et vocatio Dei. 30 Sicut enim aliquando et vos non credidistis Deo, nunc autem misericordiam consecuti estis propter incredulitatem illorum: 31 ita et isti nunc non crediderunt in vestram misericordiam: ut et ipsi misericordiam consequantur. 32 Conclusit enim Deus omnia in incredulitate: ut omnium misereatur.

γ. 28—32. Κατὰ μὲν τὸ εὐαγγέλιον, ἐχθροὶ δι' ὑμᾶς· κατὰ δὲ τὴν ἐκλογὴν, ἀγαπητοὶ διὰ τοὺς πατέρας. 29 Ἀμεταμέλητα γὰρ τὰ χαρίσματα καὶ ἡ κλήσις τοῦ Θεοῦ. 30 Ὡς περ γὰρ ποτε καὶ α) ὑμεῖς ἠπειθήσατε τῷ Θεῷ, νῦν δὲ ἠλεήθητε τῇ τούτων ἀπειθείᾳ. 31 οὕτω καὶ οὗτοι νῦν ἠπειθήσαν, τῷ ὑμετέρῳ ἐλέει ἵνα καὶ αὐτοὶ ἐλεηθῶσι. 32 Συνέκλεισε γὰρ β) ὁ Θεὸς τοὺς πάντας εἰς ἀπειθεῖαν, ἵνα τοὺς πάντας ἐλεήσῃ.

Paraphrasis. Israëlitica gens ratione quidem habitâ Evangelii, cui obedire recusavit, Deo est exosa; id quod in vestrum bonum cessit, o Gentiles! ratione verò habitâ electionis illius qua Deus illam Gentem in populum suum peculiarem sibi elegit, perpetuò illi cara est propter eorum progenitores, ut quibus promisit se fore Deum seminis eorum. Nequit enim Deum poenitere suorum beneficiorum. Scilicet quemadmodum vos, o Gentiles, olim non obedivistis Deo, nunc vero misericordiam consecuti estis per illorum inobedientiam, ita quoque illi nunc non obediverunt Deo, ut per misericordiam vobis impartitam etiam ipsi misericordiam consequantur, vestro provocati exemplo resipiscentes, atque ita haud amplius indignos sese præbentes qui a Deo recipiantur. Nam omnes, tam Judæos quam Gentiles, inobedientiæ culpam contrahere Deus passus est eo consilio, ut misericordiam suam omnibus adhiberet.

VARIANS LECTIO.

a) Pro ποτε καὶ legitur simpliciter ποτε idque post ὑμεῖς, in Codd. ABCD·EFG.

b) Pro τοὺς πάντας legitur in Codd. D* (E?) τα πάντα, et in Codd. FG πάντα.

γ. 28. *Secundum Evangelium quidem, inimici propter vos; secundum electionem autem, carissimi propter patres.*) Etsi hæc verba nullâ Particulâ

cum antegressis junguntur, tamen arctè cum iisdem cohærent. Scilicet id quod de Israëlita gente modò dictum fuerat, *et sic omnis Israel salvabitur*, incredibile non-nemini videri poterat, existimanti eam gentem ob incredulitatem suam non posse non esse Deo exosam. Apostolus ergo huic dubitationi occurrit, distinctius heic declarans id quod supra (γ. 16) jam innuerat, Israëliticam gentem *ratione quidem habitâ Evangelii* (κατὰ μὲν τὸ εὐαγγέλιον) cui obedire recusasset, Deo esse exosam, (ἐχθροί); *ratione verò habitâ electionis illius* (κατὰ δὲ τὴν ἐκλογὴν), qua Deus Israëliticam gentem in populum suum peculiarem sibi elegerat ¹⁾, eam perpetuo illi esse caram (ἀγαπητοί), adeoque nec debere incredibilem videri illam quam prædixisset Israëlitiæ gentis ad Messianam salutem admissionem. Ceterum notandum est, ellipticam heic esse PAULI orationem; nam et *Subjectum* (Israëlita=Israëlitica gens) ibi deest, et copula (*sunt*). Quod autem dicit, *exosi sunt propter vos* (δι' ὑμᾶς), eo denuò significat ²⁾, in Gentilium bonum hoc cessisse quod permissa divinitus fuerit illa Israëlita gentis incredulitas, ob quam illa reddita esset Deo exosa. *Cari sunt* (ἀγαπητοί) *propter Patres* (διὰ τοὺς πατέρας), ut quibus Deus promisit, se fore Deum *seminis* eorum. Cf. Genes. XVII. 17. Deuter. IV. 37. Vox ἐχθρός et passivè significat *exosus*, ut supra Cap. V. 10, et *active* notat *inimicus*, ut 1 Cor. XV. 25. Hoc autem loco passive sumendam esse vocem ἐχθρός, ex opposita voce ἀγαπητός satis patet.

γ. 29. *Sine pœnitentia enim sunt dona et vocatio Dei.*) Hoc veluti axiomaticè Apostolus *confirmat* (γὰρ) id quod modò (γ. 28) dixerat: *ἀγαπητοί διὰ τοὺς πατέρας*, *dilecti propter patres*. Deum, inquit, pœnitere nequit suorum beneficiorum adeoque nec *vocationis* sive *electionis* illius, qua ABRAHAMÆ, ISAACI et JACOBI posteros in peculiarem suum populum sibi in perpetuum elegit; idque secundum promissiones Patriarchis factas, et *propter* (διὰ) illos. Deuter. IV. 37: *Dilexit patres tuos et elegit semen eorum post eos*. Deuteron. VII. 6. 7.: *Populus sanctus es Domino Deo tuo. Te elegit Dominus Deus tuus ut sis ei populus peculiaris de cunctis populis, qui sunt super terram. Non quia cunctas gentes numero vincebatis, vobis junctus est Dominus et elegit vos; sed quia dilexit vos Dominus, et custodivit juramentum quod juravit patribus vestris*. Cf. etiam Levitic. XXVI. 44, sq. et Jerem. XXXI. 35, sqq.

Pro latino *sine pœnitentia* græcè est una vox ἀμεταμελήτα, h. e. *impœnitibilia*, ut barbarâ voce dicam; sensus autem est: *immutabilia* et *constantia*. Loquitur Apostolus de promissis divinis ejusmodi, quæ facta sint *absolute* quibusque adeò nulla alligata sit conditio.

γ. 30—32. *Sicut enim aliquando et vos non credidistis Deo, nunc autem,*

(1) Cf. Isaïæ LII. Jerem. XXXII. Ezech. XXXVI. (2) Vide supra ad γ. 11. p. 336, et confer γ. 31.

cet.) Declarat hic Apostolus divinæ Providentiæ consilium in permittenda illa tam gentilium quam Judæorum ἀπειθείᾳ.

Dicit ergo : Scilicet (γὰρ) quemadmodum vos , o Gentiles , olim (ποτέ , scil. ante Christi adventum) non obedivistis (ἠπειθήσατε) Deo , nunc verò misericordiam consecuti estis per illorum (Judæorum) inobedientiam (τῇ τουτων ἀπειθείᾳ) , ita quoque (καὶ) illi (Judæi) nunc (cum CHRISTUS venisset ,) non obediverunt (ἠπειθήσαν) Deo , ut per misericordiam vobis impartitam (τῷ ὑμετέρῳ ἐλέει) etiam ipsi misericordiam consequantur , puta , vestro provocati exemplo (cf. ψ. 11) resipiscentes atque ita haud amplius indignos sese præbentes qui a Deo recipiantur ¹ . Nam omnes , tam Judæos quam gentiles , inobedientiæ culpam contrahere ideò passus est eo consilio , ut omnibus misericordiam suam adhiberet.

Particula γὰρ (ψ. 30) non reddit rationem antegressæ sententiæ , sed infert rei de qua nunc sermo est explicationem , ut valeat Latinorum videlicet , scilicet , nempe. Qua significatione Particula γὰρ legitur , exempli gratiâ , Hebr. IX. 2. Jac. II. 2 ; et videsis KLOTZ ad DEVARIIUM , p. 234 , sqq. Per ποτέ et νυν tempus ante CHRISTI adventum opponitur tempori post ejus adventum ; nam sermo est de Gentilibus non quâ individuis hominibus sed qua gentibus ; Gentiles enim hic opponuntur non singulis Judæis , sed genti Israëlitarum. — Ἀπειθεῖν (non dicitur ἀπιστεῖν) hic (ψ. 30) præstat reddere non obedire quam non credere , quum agatur de Gentilibus ; quo modo verò Gentiles intelligantur non obedivisse , Apostolus supra Cap. 1. 18—26 exposuit. Τῇ τουτων ἀπειθείᾳ est Dativus instrumenti ² ; nempe , ut supra (ad ψ. 11) diximus , Judæorum inobedientia erga Evangelium occasio exstitit , quâ factum est ut illud Gentilibus prædicaretur maturius quam alias factum fuisset.

Versus 31 in Vulgata sic redditur : ita et isti nunc non crediderunt in vestram misericordiam : ut et ipsi misericordiam consequantur. Sunt autem ibi duo , quæ , ut mihi quidem videtur , minus recte habent. Nam primò quidem quum τῷ ὑμετέρῳ ἐλέει sit Dativus instrumenti sicut antitheticum τῇ τουτων ἀπειθείᾳ , reddendum erat vestrâ misericordiâ aut per vestram misericordiam. Deinde oratio interpungenda erat post non crediderunt , eo modo quo græca interpunximus. Secundum Vulgatæ interpunctionem PAULUS dixisset tautologica ; atqui Particulæ ὥσπερ et οὕτω postulant collationem duorum atque adeò diversa. Quid autem differunt duo hæc : misericor-

(1) THEOPHYLACTUS (ad h. l.) : Κληθέντων των Ιουδαιων και ἀπειθησαντων τῷ Χριστῷ , ἐκληθήτε ὑμεῖς και ἐλεήθητε. Ἀλλὰ το ὕμῳν ἐλεος , και τουτων ἐστὶν. Παρά-ζηλοῦσιν γὰρ ὑμᾶς , και πιστεῦσιν και αυτοι , και οἷ τῷ τῷ ὕμῳν ἐλεος ἐλεήθησονται. h.e. » Vocatis Judæis et CHRISTO morem non gerentibus , vocati estis vos et misericordiam estis consecuti ; verum vestra misericor-

dia horum quoque erit. Æmulabuntur enim vos credentque et ipsi , atque ita per vestram misericordiam misericordiam consequentur.

(2) Auctor Vulgatæ minus recte dixit : propter incredulitatem eorum.

diam consecuti estis propter incredulitatem illorum, et isti non crediderunt in vestram misericordiam? Itaque oratio interpungenda est post *ἠπειθῆσαν*, idque ita ut *τῷ ὑμετέρῳ ἐλέει* (per misericordiam vobis impartitam) pars fiat insequentis membri, *ἵνα καὶ αὐτοὶ ἐλεθῶσι*, quasi scripsisset PAULUS: *ἵνα τῷ ὑμετέρῳ ἐλέει καὶ αὐτοὶ ἐλεθῶσι*. Nimirum ideò ante *ἵνα* positum fuit *τῷ ὑμετέρῳ ἐλέει*, quia hoc in præsenti sententia emphasim habebat. Simili transpositione *ἵνα* legitur Act. XIX. 4, Joh. XIII. 29, Gal. II. 20, alibi. Quod autem dicitur de Judæis, *οὕτω καὶ αὐτοὶ νυν ἠπειθῆσαν* (Vulg. ita et isti nunc non crediderunt), illud pari modo ut γ. 30 maluerim reddere: ita et isti nunc non obediverunt, puta, Evangelio.

γ. 32. *Conclusit enim Deus omnia in incredulitate, ut omnium misereatur.*) Particula *γὰρ* (enim) non est reddentis rationem antegressæ sententiæ, sed *explicantis* ea quæ superioribus duobus versiculis (30 et 31) dicta fuerant de sorte Judæorum et Gentilium. Pro *omnia* Græce est *τοὺς πάντας*, omnes, scilicet, tam Judæos quam Gentiles; postulat hanc interpretationem contexta oratio γγ. 30 et 31. Pro *in incredulitate* verterim in *inobedientiam*, quia Græce dicitur non *ἐν ἀπειθείᾳ* sed *εἰς ἀπειθειαν*, et quia Apostolus usus est voce *ἀπειθεια*, non verò voce *ἀπιστία*. Jam *concludere aliquem in aliquid* (*συγκλείειν τινὰ εἰς τι*) Hebraicâ phrasi ¹⁾, ductâ Metaphorâ a *claudendo in carcerem*, tantumdem est ac tradere aliquem in cuiuspiam rei aut personæ potestatem, adeòque convenit ea locutio cum illa qua supra (Cap. I. 24) Apostolus dixit: *tradidit illos Deus in immunditiam* (*παρέδωκεν αὐτοὺς εἰς ἀκαθαρσίαν*); et quod hic dicitur *conclusit Deus*, eodem modo interpretandum est quo ibi interpretati sumus *το tradidit Deus*. Fecit autem Deus hoc eo consilio, ait Apostolus, ut *misericordiam suam erga omnes*, Judæos pariter atque Gentiles, *exhiberet* (*ἵνα τοὺς πάντας ἐλεήσῃ*).

γ. 33—36. O altitudo divitiarum sapientiæ, et scientiæ Dei: quam incomprehensibilia sunt iudicia ejus, et investigabiles viæ ejus! ³⁴ Quis enim cognovit sensum Domini?

γ. 33—36. Ὡς βάθος πλούτου καὶ ^{a)} σοφίας καὶ γνώσεως Θεοῦ. ὥς ἀνεξερεύνητα τὰ κτίματα αὐτοῦ, καὶ ἀνεξιχνίαστοι αἱ ὁδοὶ αὐτοῦ. ³⁴ Τίς γὰρ ἔγνω νοῦν Κυρίου; ἢ τίς

Paraphrasis. O copiosissimas divinæ misericordiæ divitias! O reconditam Dei sapientiam et scientiam! Quam sunt homini imper-scrutabilia Dei decreta, quam investigabilia ejus consilia! Nemo enim cognovit Dei cogitationes, nemo consiliarius

(1) Cf. Ps. LXXVIII. 48. יִסְתַּר מִבְּיָרֵךְ בְּעֵינֶיךָ

Aut quis consiliarius ejus fuit? ³⁵ Aut quis prior dedit illi, et retribuetur ei? ³⁶ Quoniam ex ipso, et per ipsum, et in ipso sunt omnia: ipsi gloria in sæcula. Amen.

σύμβουλος αὐτοῦ ἐγένετο; ³⁵ Ἡ τίς προέδωκεν αὐτῷ, καὶ ἀνταποδοθήσεται αὐτῷ; ³⁶ ὅτι ἐξ αὐτοῦ, καὶ δι' αὐτοῦ, καὶ εἰς αὐτὸν τὰ πάντα· αὐτῷ ἡ δόξα εἰς τοὺς αἰῶνας. Ἀμήν.

illi adfuit quum decreta sua caperet; nec quisquam hominum est qui Deo aliquid donare possit ita ut Deus illi rependere debeat; neque enim quidquam est quod ab eo non pendeat, et ipsius sunt prorsus omnia. Ipsi debetur gloria in omne ævum. Amen.

VARIANS LECTIO.

a) Voculam καὶ exhibent Græci codices omnes, si excipias Cod. E et Minusculum unum. Quare ambigendum non est quin illa vocula pertineat ad genuinam PAULI scripturam.

γ. 33. *O altitudo divitiarum sapientiæ et scientiæ Dei quam incomprehensibilia sunt*, cet.) Sed Græce est: *O altitudo divitiarum et sapientiæ et scientiæ Dei*. Itaque in Vulgata duo tantum dicuntur esse alta sive profunda, scilicet *sapientia* et *scientia* Dei; Græcè autem, ob Particulam καὶ ante σοφίας, tria dicuntur alta sive profunda, scilicet, Dei misericordiæ *divitiæ*, *sapientia*, et *scientia*. Et postulat sane contexta oratio ut memoretur etiam *miserecordia* Dei; nam quemadmodum in eo quod mox (γ. 34) dicit Apostolus, *quis cognovit sensum Domini, aut quis consiliarius ejus fuit*, respicit *sapientiam* et *scientiam* Dei, quæ in illa exclamatione nominatæ fuerant, ita quoque quod subjicit (γ. 35), *quis prior dedit Deo, ut Deus illi retribuere debeat*, convenit ut pariter referatur ad aliquod Dei attributum in illa exclamatione expressum, puta ad gratuitam Dei bonitatem sive *miserecordiam*. Ad hæc, quum in proximè antegressis, quæ causam dederunt illi exclamationi, Apostolus repetitis vicibus (γ. 30. 31. 32) mentionem fecerit de Dei *miserecordia*, non potuit quin in illa exclamatione unà cum sapientia et scientia Dei etiam ejusdem gratuitam bonitatem sive *miserecordiam* commemoraret. Quod autem vox πλουτος (*divitiæ*) absolute posita ibi dicta sit de divinæ misericordiæ *divitiis*, illud hinc quidem suadet

contexta oratio, illinc vero confirmatur ex PAULI usu loquendi, ut qui et alibi voces *πλουτος* et *πλουτειν* absolute positas hoc sensu adhibuerit. Nam ad Ephesios (Cap. III. 8) scripsit: *εδοθη μοι ἡ χάρις ευαγγελισασθαι τον πλουτον του Χριστου*, mihi data est gratia hæc, evangelizare divitias CHRISTI; et ad Romanos (Cap. X. 12): *ὁ γαρ αυτος Κυριος παντων, πλουτων εις παντας τους επικαλουμενους αυτον*, nam idem Dominus omnium, dives in omnes qui invocant illum. Igitur ambigendum non est quin *πλουτος* hoc loco intelligatur *πλουτος της χαριτος*, quo modo locutus est Apostolus Ephes. 1. 7 et II. 7. Confer etiam illud Ephes. II. 4: *ὁ Θεος πλουσιος ὢν εν ελεει*.

Ergo mens Apostoli est dicere: *O profunditatem (βατος) divitiarum misericordiae, O profunditatem sapientiae et scientiae Dei!* aut si pro Substantivo *βατος* (*profunditas*), quod ibi majoris emphaseos causâ pro Adjectivo fuit adhibitum, Adjectivum reponamus: *O profundas divitias misericordiae, O profundam sapientiam et scientiam Dei!* Nam putandum est Adjectivum illud ex æquo pertinere ad tria quæ ibi enumerantur Dei attributa; ratio est, quia Genitivi illi tres, *πλουτου, σοφιας* et *γνωσεως*, ex æquo pendunt a voce *βατος*. Sunt autem, demptâ metaphorâ, *profundæ* divitiæ, *copiosissimæ* divitiæ; sapientia autem et scientia Dei heic dicuntur *profundæ*, quatenus abditissimæ et humanæ perscrutationi imperviæ; sequitur enim: *quam incomprehensibilia sunt judicia ejus, et investigabiles viæ ejus!* cet. Sensus ergo est: *O copiosissimas divinæ misericordiae divitias! O abditissimam Dei sapientiam et scientiam! Quam sunt homini (nisi divinitus ea edoceatur) imperscrutabilia (ανεξερευνητα) Dei decreta (τα κριματα), quam investigabilia ejus consilia (αι ὁδοι)!* In admirandam hanc exclamationem erupit Apostolus considerans illam Dei erga Judæos atque Gentiles agendi rationem, qua utrosque malitiæ suæ permisit eo consilio ut gratuitam suam bonitatem utrisque adhibendo, misericordiam suam notam faceret atque glorificaret. Cf. Cap. IX. 23.

γ. 34. *Quis enim cognovit sensum Domini? aut quis consiliarius ejus fuit?*) Probat (*γαρ*) id quod in antegressa exclamatione postremo loco affirmaverat, scilicet *imperscrutabilia atque investigabilia esse Dei decreta et consilia*. Probat autem adducto ISAIA exclamante (Cap. XL. 30): *Quis cognovit sensum Domini*, cet. Quæ exclamatoria interrogatio quum sit *negantis* rem quæ interrogatur, sensus est: *Nemo cognovit Dei cogitationes et consilia (νουν Κυριου)*, nemo consiliarius illi adfuit quum decreta sua caperet.

γ. 35. *Aut quis prior dedit illi et retribuetur ei?*) Hic probat id quod priori loco in sua exclamatione dixerat: *O copiosissimas divinæ misericordiae divitias!* Probat autem copiosam Dei misericordiam inde quod omnibus det Deus gratuitò. Neque enim quisquam hominum est, inquit, qui Deo aliquid donare possit ita ut Deus illi rependere debeat. Verba ista, *τις προεδωκεν αυτω και ανταποδοθησεται αυτω*, quis

illi ante dedit , et rependetur illi ¹⁾, sumpta sunt ex hoc Jobi effato (Cap. XLI. 3) :
 : מִי הִקְדִּימָנִי נְאֻשָׁלָם : *quis me (Deum) benefaciendo prævenit , ut illi rependere debeam ?*

γ. 36. Quoniam ex ipso , et per ipsum , et in ipso sunt omnia ; ipsi gloria in sæcula. Amen.) Antegressam sententiam , qua negaverat Deo quidquam ab homine tribui posse , inde hic *confirmat* (ὅτι), quòd monet , *rerum creatarum universitatem* (τὰ πάντα) esse *ex Deo* (ἐξ αὐτοῦ) tamquam causa ideali , *per Deum* (δι' αὐτοῦ) tamquam causam effectricem , et *ad Deum* (εἰς αὐτόν) tamquam causam finalem. Ex quo profectò consequitur nihil non a Deo pendere et ipsius esse omnia.

(1) Variata ibi oratio est , ut 1. Cor. XIV. 1 ; ἀνταποδοθῆται αὐτῷ reddendum esse *ut rependatur* nisi forte verius dixeris καὶ (ut ὁ Job. XLI. 3) *ei* (ut illi rependendum sit).



CAPUT DUODECIMUM.

ARGUMENTUM. *Expositâ doctrinâ de gratuita Justificatione per fidem, quod erat præcipuum epistolæ suæ thema, transit nunc Apostolus ad danda nonnulla morum præcepta, Romanis suis opportuna. Et statim quidem eos in universum monet, vitam ut agant Christiano homine dignam; ut Deo sese consecrent totos, huic sæculo ne conformentur, sed mores exprimant qui respondeant illi mentis innovationi quæ in Baptismo illis obligisset, adeoque exquirendæ et perficiendæ Dei voluntati assiduò sint intenti (1—3). Hinc verò ad particularia descendens, primo loco monita illis dat ad rectum usum Charismatum pertinentia (3—9); deinde conciso sermone sigillatim ad varias virtutes excercendas eosdem adhortatur (9—21).*

γ. 1—2. Obsecro itaque vos fratres per misericordiam Dei, ut exhibeatis corpora vestra hostiam viventem, sanctam, Deo placentem, rationabile obsequium vestrum. ² Et nolite conformari huic saeculo, sed reformamini in novitate sensus vestri: ut probetis quæ sit voluntas Dei bona, et beneplacens, et perfecta.

γ. 1—2. Παρακαλῶ οὖν ὑμᾶς, ἀδελφοὶ, διὰ τῶν οἰκτιρμῶν τοῦ Θεοῦ, παραστήσαι τὰ σώματα ὑμῶν θυσίαν ζῶσαν, ἁγίαν, εὐάρεστον τῷ Θεῷ, τὴν λογικὴν λατρείαν ὑμῶν. ² Καὶ μὴ συσχηματίζεσθε τῷ αἰῶνι τούτῳ· ἀλλὰ μεταμορφοῦσθε ^{a)} τῇ ἀνακαινώσει τοῦ νοῦς ὑμῶν, εἰς τὸ δοκιμάζειν ὑμᾶς τί τὸ θέλημα τοῦ Θεοῦ, τὸ ἀγαθὸν καὶ εὐάρεστον καὶ τέλειον.

Paraphrasis. Quum ergo talis tantaque fuerit Dei erga vos misericordia, per ipsam illam misericordiam vobis impartitam exhortor vos, fratres, ut ne ingrati sitis, sed in grati animi testimonium illi offeratis corpora vestra in victimam vivam, eamque incontaminatam, adeoque Deo gratam atque acceptam; qua in re constat spiritualis ille cultus vester religiosus; et mores exprimate non qui similes sint moribus hominum mundanorum sed tales qui convenient illi mentis innovationi, quæ in Baptismo vobis obtigit; quare intenti estote exquirendo et perficiendo id quod velit Deus, id quod bonum et illi gratum et perfectum sit.

VARIANS LECTIO.

a) Pro Imperativis συσχηματίζεσθε et μεταμορφοῦσθε leguntur Infinitivi συσχηματίζεσθαι et μεταμορφοῦσθαι in Codd. AB**DEFG, eamque lectionem alteri prætulerim quum testes habeat Codices unciales multo plures. TISCHENDORFIUS tamen edidit (2^a Lips.) συσχηματίζεσθε et μεταμορφοῦσθε, quia existimaverit Infinitivos illos tribuendos esse correctioni librariorum, qui pro Imperativis scripsissent Infinitivos ut sic continuaretur inchoata syntaxis: παρακαλῶ ὑμᾶς παραστήσαι. Atqui ex æquo potuere librarii existimasse a versu secundo novam esse inchoandam sententiam, atque hanc ob causam Infinitivos mutasse in Imperativos. Itaque ex numero et auctoritate testium res dijudicanda est.

γ. 1. *Obsecro itaque vos, fratres, per misericordiam Dei, ut exhibeatis corpora vestra, cet.)* Post expositam doctrinam de Justificatione non operibus tamquam meritis, sed gratuitæ Dei misericordiæ accepta referenda, Apostolus heic transit ad danda nonnulla morum præcepta, Romanis suis nunc opportuna. Nectitur autem

posterior hæc epistolæ pars cum priore per Particulam *οὖν* (*itaque*), idque in hanc sententiam: Quum ergo (*οὖν*) talis tantaque fuerit Dei erga vos misericordia, per (*δια* seq. Gen.) ipsam illam Dei misericordiam vobis impartitam (tamquam incitamentum ad exhibendum Deo gratum vestrum animum) exhortor vos ut ne ingrati sitis, sed exhibeatis corpora vestra, cet.

Particula *οὖν* referenda est ad antegressam orationem omnem, quatenus ibi exposita fuit gratuita Dei erga peccatores, tam Judæos quam Gentiles, misericordia, conspicua ea in gratia Justificationis. Præpositio *δια* (seq. Genit.) dicitur in exhortando de causa quæ impellere debeat eum quem exhortaris ad faciendum id ad quod faciendum exhortaris. Confer illud 2^m Ep. ad Corinthios (Cap. X. 1): *παρακαλῶ ὑμᾶς δια τῆς πραότητος καὶ ἐπιεικείας τοῦ Χριστοῦ*, cet.— *Οἰκτιρμοὶ*, viscera, refert Hebraicum *רחמים*. Hebræis autem viscera erant sedes amoris et ceterarum, quæ ejus generis sunt, affectionum. Itaque per Metonymiam causæ pro effectu hoc loco viscera Dei intelliguntur Dei misericordia.

ut exhibeatis corpora vestra hostiam viventem, sanctam, Deo placentem) Primo loco eos adhortatur, corpora sua Deo ut offerant (*παραστήσαι*) in victimam vivam (*θυσίαν ζῶσαν*), sanctam, Deo gratam, hoc est, ut corpora sua sint illis instrumentum cujus usus cedat in honorem Dei; sed metaphorica est hoc loco oratio Apostoli, et metaphora quidem ducta est a victima offerenda; quare et vox *παραστήσαι* sacrificalem notionem ibi obtinet, veluti in hoc POLYBI 1): *θυμὰτα τοῖς βωμοῖς παραστήσαντες ἡξιώσαν αὐτὸν θύσαι*, admotis aris victimis, ut sacrificaret rogaverunt. Eodem sensu verbo *παραστήσαι* usus est FL. JOSEPHUS (Lib. IV Antiqq. Cap. IV): *septem aras exstruere regem jubet, καὶ τοσοῦτοὺς ταύρους καὶ ἀρίους παραστήσαι*, et totidem tauros et arietes admovere. Dicit autem Apostolus in victimam vivam, quo distinguat victimam de qua ipse loquitur a victimis cultûs levitici aut Ethnicorum, ut quæ ante occisæ offerebantur. Et sanctam eam victimam vocat, ut doceat oportere eam esse incontaminatam, omni labe (peccatî) carentem, adeoque talem quæ sit *ευαρεστός τῷ Θεῷ*, Deo placens, grata acceptaque. Ad rem quod attinet, eandem ac hic sententiam Apostolus expressit supra (Cap. VI. 13), quum Romanos suos moneret, ut membra sui corporis exhiberent Deo tamquam totidem instrumenta ad præstanda opera justitiæ.

(1) Apud ELSNERUM in observ. sacr. ad h. 1.

rationabile obsequium vestrum.) In quarto Casu: *την λογικην λατρειαν ὑμων.* Et est *Appositio* ad integram sententiam antegressam ¹⁾: *παραστήσαι τα σωματα ὑμων... ευαρεστον τῷ Θεῷ.* Puta PAULUM scripsisse ad hunc modum: *παρακαλῶ ὑμας παραστήσαι τα σωματα ὑμων θυσίαν ζώσαν, ἁγίαν, ευαρεστον τῷ Θεῷ, ὅπερ ἐστὶ ἡ λογικη λατρεία ὑμων,* *exhortor vos ut corpora vestra offeratis Deo in victimam vivam, sanctam, Deo placentem, quod nempe est spiritualis ille vester cultus.* Sciendum est, Substantiva tam in Nominativo quam in Accusativo a Græcis nonnumquam ita integris sententiis apponi, ut enuntient *judicium* de præmissa sententia. Pertinent huc ex Novo Testamento, præter hunc locum, etiam 2 Thess. Cap. 1. 5: *ὥστε ἡμας αὐτοὺς ἐν ὑμῖν κενχᾶσθαι... ἐνδειγμα τῆς δικαίας κρίσεως τοῦ Θεοῦ.* Item 1 Tim. II. 6: *ὁ δὸς ἑαυτὸν ἀντιλυτρον ὑπὲρ πάντων, τὸ μαρτυριον καιροῖς ἰδιοῖς.* Exempla ex scriptoribus profanis collegit KÜHNERUS ²⁾. Corporis illam mactationem mente et animo præstandam Apostolus vocat *spiritualem* (*λογικην*) illorum cultum religiosum, hoc epitheto internam et incruentam hanc *λατρειαν* distinguens ab externa et cruentâ illa *λατρεία*, quam Christiani Romani, tam Judæi quam Gentiles, antequam Christo initiarentur, exercuerant in *occisorum* animalium oblatione ³⁾. Adjectivum *λογικος* simili sensu

(1) Facilior sit hoc loco Grammatica structura, si Accusativus *την λογικην λατρειαν* referatur tamquam Accusativus epexegeticus ad *θυσίαν—ευαρεστον*. Sed obstat quod *λατρεία* non *victimam* significat sed *cultum religiosum*. Pertinet ergo *την λογικην λατρειαν* ad *cultum* illum qui exprimitur verbis istis: *παραστήσαι τα σωματα... ευαρεστον τῷ Θεῷ.*

(2) Ausführliche Grammatik der Griechischen Sprache §. 500 1. et Anm. 1. Istiusmodi Accusativos KÜHNERUS existimat positos esse ellipticè, et pendere ab omisso verbo *λέγω*, dico, voco, aut simili. Verba ejus hic subjicimus: Ein Substantiv im Accusativ... tritt zuweilen als Apposition zu dem Prädikate, und spricht ein Urtheil über den ganzen Satz aus. Schon bei HOMER, als Iliad. ω, 735: *ἢ τις τῶν Ἀχαιῶν ῥίψει, χεῖρὸς ἔλδων, ἀπὸ πύργου, λυγρὸν ὄλεθρον.* Man muss diesen appositionalen Zusatz ohne Zweifel auf elliptische Weise als Objekt eines ausgelassenen Verbs des Sagens erklären, als: das nenne ich ein trauriges Verderben (*λυγρὸν ὄλεθρον*). Rectius, ut mihi quidem videtur, BERNHARDY (Wissen-

schaftliche Syntax der Griechischen Sprache. pag. 127. III.) : « Einen grösseren Einfluss im Gebiet des Accusativus, inquit, hat die Epexegeze ausgeübt, welche dem Verbum in einer mittelbaren Apposition untergeordnet ist, und in der Form eines besonderen Objektes, das eine beurtheilende Nebenbestimmung bildet, auf den Hauptbegriff des Satzes sich zurückbezieht; woraus ebenso sehr ihre Struktur im Accusativus als dezen lockere Verknüpfung mit dem Verbum hervorgeht. Ihrer Natur nach kann sie als subjektiver Beisatz allein den Sinn eines Prädikats aussprechen. »

(3) CYRILLUS ALEXANDRINUS (Hom. Paschal. XXII; apud SUICERUM ad voc. *λατρεία*): *Λογικην λατρειαν την του ανθρωπου καλεῖ καθιερωσιν, αντιπαρεξάγων το χρημα ταις κατα νομον θυσιαῖς· ου γαρ λογικη λατρεία το ὀρωμενον ην, βουθυσιαὶ δὲ μαλλον.* » Cultum *λογικον* hominis consecrationem appellat eumque legalibus sacrificiis opponit; id enim quod fiebat non erat cultus *λογικος*, sed mactationes potius boum.

adhibuit PETRUS Apostolus (1 Petr. II. 2) dicens: το λογικον γαλα επιποθησατε. Sed omnino huc facit illud ATHENAGORÆ (Legat. pro Christian. p. 106, apud Fritsche): Τι δε μοι ὀλοκαυτωσεων, ὧν μη δεῖται ὁ Θεος; καιτοι προσφερειν δεον αναιμακτον θυσιαν και την λογικην προσαγειν λατρειαν. Vocem λατρεία, cultus, Vulgatæ auctor hoc loco et iterum Cap. IX. 4 reddidit obsequium. Non rectè; sed fortasse quo tempore scribebat usus loquendi is erat ut obsequium etiam de cultu religioso diceretur.

γ. 2. *Et nolite conformari huic sæculo, sed reformamini in novitate sensus vestri;*) Auctor Vulgatæ videtur hoc loco legisse Imperativos συσχηματιζεσθε et μεταμορφουσθε. Sed huic lectioni omnino præferenda est illa quæ pro duobus Imperativis exhibet Infinitivos duos, συσχηματιζεσθαι et μεταμορφουσθαι. Hi autem Infinitivi per Conjunctionem και junguntur antegresso (γ. 1.) Infinitivo παραστήσαι, pariterque pendent a Verbo Finito παρακαλῶ (γ. 1.). Συσχηματιζεσθαι τινι (Med.) notat sibi sumere idem σχημα (eundem habitum), quod habet alter, conformare se alicui. Cf. 1 Petr. 1. 14. Ὁ αἰὼν οὗτος, sæculum hoc, per Metonymiam hic dicitur de hujus sæculi hominibus quatenus impii sunt moribusque corrupti. Cf. Gal. I. 4. Dicitur autem sæculum hoc, quatenus opponitur sæculo futuro. Cf. Ephes. 1. 21. Luc. XVIII. 30. Itaque sensus est: *Nolite corrupti hujus sæculi imitari mores. Μεταμορφουσθαι* (Med.) quum opponatur antegresso συσχηματιζεσθαι, configurare se, significat transfigurare se. Τῇ ἀνακαινώσει est Dativus normæ secundum quam, ut τῷ εθεῖ Act. XV. 1, et τῷ αὐτῷ πνεύματι 2 Cor. XII. 18. Adeoque monet illos Apostolus, ut pro moribus quos habuissent antequam justificarentur novique homines fierent in CHRISTO, nunc totâ vitæ suæ ratione eos exprimant mores qui convenient mentis illi innovationi, quæ per gratiam Justificationis ipsis obtigisset. Confer loca parallela, Cap. VI. 4 et VII. 6.

ut probetis quæ sit voluntas Dei bona, et beneplacens, et perfecta.) Græcè εἰς τὸ δοκιμαζειν ὑμᾶς, ubi εἰς Præpositio dicitur de effectu quem habere debeat μεταμόρφωσις sive transfiguratio illa de qua hic agitur. Εἰς Præpositio hoc sensu passim in epistolis Paulinis occurrit, veluti Rom. 1. 20. VI. 12. VII. 5, alibi. Itaque εἰς τὸ δοκιμαζειν ὑμᾶς valet ὥστε δοκιμαζειν ὑμᾶς, et reddendum est: *ita ut probetis*. Est autem δοκιμαζειν, (Vulg. probare) hoc loco non approbare, sicut infra Cap. XIV. 22, sed explorare, examinare, ut 1 Cor. XI. 28. XIII. 5. Gal. VI. 4. Itaque vult Apostolus ut diligenter exquirant quid ab ipsis fieri velit Deus, quæ studia, quas actiones in ipsis desideret, adeoque quomodo ex Dei voluntate vitam suam omnem instituere debeant. Sed quod ibi additur το αγαθον, και ευαρεστον, και τελειον, non sunt hæc tria Epitheta quibus το θελημα του Θεου describatur, sed sunt Adjectiva Substantivè sumta, totaque hæc pars Appositio est ad antegressum το θελημα του Θεου: *ita ut exquiratis quid velit Deus*, (ut

exquiratis) τὸ bonum Deoque gratum atque perfectum. Non erat necesse ut Articulus ter poneretur, quum ibi propriè non nisi res una exprimatur. Ab iis qui mallent cum auctore Vulgatæ verba illa, το αγαθον, και ευαρεστον, και τελειον, habere pro epithetis, edoceri cupiam quid intelligant voluntatem Dei beneplacentem; item an sit etiam quæpiam Dei voluntas non bona aut non perfecta.

γ. 3—8. Dico enim per gratiam quæ data est mihi, omnibus qui sunt inter vos: Non plus sapere quam oportet sapere, sed sapere ad sobrietatem: et unicuique sicut Deus divisit mensuram fidei. ⁴ Sicut enim in uno corpore multa membra habemus, omnia autem membra non eundem actum habent: ⁵ ita multi unum corpus sumus in Christo, singuli autem alter alterius membra.

γ. 3—8. Λέγω γὰρ διὰ τῆς χάριτος τῆς δοθείσης μοι, παντὶ τῷ ὄντι ἐν ὑμῖν, μὴ ὑπερφρονεῖν παρ' ὃ δεῖ φρονεῖν, ἀλλὰ φρονεῖν εἰς τὸ σωφρονεῖν, ἕκαστῳ ^{a)} ὡς ὁ Θεὸς ἐμέρισε μέτρον πίστεως. ⁴ Καθάπερ γὰρ ἐν ἐνὶ σώματι μέλη πολλὰ ἔχομεν, τὰ δὲ μέλη πάντα οὐ τὴν αὐτὴν ἔχει πράξιν· ⁵ οὕτως οἱ πολλοὶ ἐν σῶμά ἐσμεν ἐν Χριστῷ, ὁ δὲ ^{b)} καθ' εἷς ἀλλήλων μέλη.

Paraphrasis. Jubeo nempe per auctoritatem Apostolicam divinitus mihi concessam, idque, nullo discrimine, unicuique ex cætu vestro, ut nemo vestrum sit immodicus sui æstimator, plus æquo sibi arrogans, sed ut de se sentiat ita ut sane et juste de se existimet, seque contineat intra fines doni et officii, quod Deus illi concesserit. Nam quemadmodum in uno nostro humano corpore multa habemus membra, varia autem illa membra non habent officium omnia idem, ita quoque nos Christiani, qui multi sumus, unum efficimus mysticum quoddam corpus in Christo, singuli autem sumus alter alterius membra; alter alterius operâ indigemus, nec possumus singuli omnia.

VARIANS LECTIO.

a) Ante ἕκαστῳ, unicuique, Vulgata habet et, sed hanc Particulam nullus Græcus Codex agnoscit. Abest etiam ab antiqua Itala.

b) Pro ὁ δε est in Codd. ABD*G τὸ δε.

γ. 3. *Dico enim per gratiam quæ data est mihi omnibus qui sunt inter vos, cet.*) A superiore admonitione, quæ generalis erat, jam transit Apostolus ad danda specialia quædam morum præcepta Romanis Christianis nunc opportuna. *Γὰρ* Particula non est hic *ratiocinantis*, sed mentem suam distinctius *declarantis*, valetque *scilicet*, *nempe*, ut passim alibi. *Gratiam sibi datam* Apostolus hoc loco intelligit Apostolicam suam auctoritatem *gratuitò* illi a CHRISTO collatam. Cf. Ephes. III. 8. Rom. XV. 15. Gal. II. 9. Ex quo consequitur, *λέγω* verbum hic valere *edico*, *præcipio*, sicut Matth. XXIII. 3. *Διὰ*, per illam auctoritatem præcipio. Ab illo *λέγω* pendent qui sequuntur Infinitivi *ὑπερφρονεῖν* et *φρονεῖν*. Bene ESTIUS (ad h. l.): Post generalem admonitionem, specialia daturus præcepta, ne videatur arroganter agere quod Romanis præcipiat, allegat auctoritatem suam apostolicam. Verum et id facit modestè, vocans apostolatium suum *gratiam*, id est, munus *gratuitò* sibi a Deo collatum et commissum; simul innuens se quod facit, facere ex officii necessitate. » Pertinet autem, quod primo loco heic dat præceptum, ad rectum usum charismatum; et disertè declarat se illud præceptum dare, nullo discrimine gentis, ordinis, officii, *cuiilibet ex cætu Romanorum Christianorum* (*παντι τῷ ὄντι ἐν ὑμῖν*).

non plus sapere quam oportet sapere, sed sapere ad sobrietatem;) Græce est hic elegans quædam *paronomasia* sive *agnominatio* ¹⁾, quam Latinus interpres imitari non potuit. *Φρονεῖν* verbum, quod quater hic legitur, ubique notat *sentire* (de se), quo sensu Galli dicunt *avoir de soi une opinion humble, trop haute*, cet. Itaque compositum verbum *ὑπερφρονεῖν* est *justo præclarius de se sentire*; quod additur *παρ' ὃ δεῖ φρονεῖν*, *ultra id quod oportet de se sentire*, eo explicatur antegressum *ὑπερφρονεῖν*. *Σωφρονεῖν* autem in præsentī oratione significat *sano modo adeòque non justo præclarius de se sentire; arrogantem non esse*. Et sanum illum *de se sentiendi modum* Apostolus statim ibi definit, addens: *ἐκαστῷ ὡς* (*trajectio pro ὡς ἐκαστῷ*) *ὁ Θεὸς ἐμερίσε μετρον πίστεως*, prout unicuique Deus distribuit mensuram fidei, hoc est, pro ed gratiæ mensurā, maiore, minore, quam cuique Deus admetiri voluerit. Nimirum *πίστις*, fides, hoc loco (cf. γ. 6) per Metonymiam causæ pro effectu dicitur de charismatibus ²⁾ sive donis vel gratiis gratis datis, ut loquuntur Theologi, quæ in primitiva Ecclesia fidelibus a Spiritu sancto conferri solebant. Fides enim veluti causa erat sive radix unde varia illa charismata fidelibus, aliis

(1) Nostrates *woordspeling* vocant.

(2) S. CHRYS. (Hom. XX. in Ep. ad Rom.):

πιστιν ἐνταῦθα το χαρισμα καλῶν, h. e. fidem ibi *charisma* vocans. THEODORETUS (ad h. l.): *Διδοται* και δε και τα του φρονηματος μετρα' ἐκαστῷ ὡς ὁ

Θεὸς ἐμερίσε μετρον πίστεως, τὴν χάριν ἐνταῦθα πιστιν ἐκαλεσε. Διὰ γὰρ πίστεως ἡ τῆς χάριτος δοσις. h. e. *Docet etiam mensuram sentiendi de se: Unicuique sicut Deus divisit mensuram fidei. Gratiam hoc in loco vocavit fidem. Per fidem enim dabatur charisma.*

alia, pro Dei arbitrio, provenirent. Præpositio *εἰς* ibi dicitur de effectu valetque *ὥστε*, ita ut. Sensus ergo præsentis versiculi hic est: *Nemo immodicus sui æstimator sit, plus æquo sibi arrogans, sed de se sentiat ita ut (εἰς) sane et justè de se existimet, seque contineat intra fines charismatis quod illi Deus concesserit.* Quamquam verò non distinctè significavit Apostolus, quodnam vitium hic reprehendere voluerit, attamen ex institutâ comparatione (4—5) atque etiam ex iis quæ ibi subdit (6—8), satis certò colligitur in eo peccatum fuisse a Romanis quod non se continerent intra fines officii aut doni divinitus sibi tributi, verum alii aliorum munera sibi arrogarent, seque ingererent in ea quæ ad se non pertinerent.

γ. 4.—5. *Sicut enim in uno corpore multa membra habemus . . . ita multi unum corpus sumus in Christo, cet.)* Jusserat ergo Apostolus, debere unumquemque in suo charismate acquiescere, non alienum sibi arrogare, sed contentum esse eo charismate quod cuique Deus concessisset. Et hoc præceptum nunc comparatione illustrat (*γὰρ*) idque ita ut simul distinctius illud explicet. Similitudinem autem desumit a corpore humano; aptissimè; loquebatur enim de mystico CHRISTI corpore, quod est Ecclesia. Dicit ergo: *Nam quemadmodum in uno nostro humano corpore multa habemus membra, varia autem illius membra officium non habent omnia idem, ita quoque nos Christiani, qui multi sumus (οἱ πολλοί), unum efficimus mysticum quoddam corpus in CHRISTO, singuli autem sumus alter alterius membra; alter alterius operâ indigemus, nec possumus singuli omnia.*

Πραξις (Vulg. *actus*) hic dicitur de officio, cui unumquodque corporis membrum præest. Occurrit hoc sensu *πραξις* vox apud SIRACIDEM (Cap. XI. 10), et XENOPHONTEM (Mem. II. 1. 6). Sumus *multi unum corpus in CHRISTO*, cui per Baptismum fuimus veluti incorporati. Vide supra ad Cap. VI. 11.—*Ὁ δὲ καθ' εἰς* solœcum est pro *ὁ εἷς καθ' ἓνα* (l'un sur l'autre) i. e. *singuli*.

γ. 6.—9. Habentes autem donationes secundum gratiam, quæ data est nobis, differentes: sive prophetiam secundum rationem fidei, 7 sive ministerium in ministrando, sive qui docet in doctrina, 8 qui exhortatur in exhortando, qui tribuit in simplicitate; qui præest

γ. 6.—9. Ἐχοντες δὲ χάρισμα κατὰ τὴν χάριν τὴν δοθεῖσαν ἡμῖν διάφορα, εἴτε προφητείαν, κατὰ τὴν ἀναλογίαν τῆς πίστεως. 7 εἴτε διακονίαν, ἐν τῇ διακονίᾳ· εἴτε ὁ διδάσκων, ἐν τῇ διδασκαλίᾳ. 8 εἴτε ὁ παρακαλῶν, ἐν τῇ παρα-

Paraphrasis. Quum autem habeamus charismata pro vario Dei favore varia, si prophetiæ donum habeamus, utamur illo dono secundum mensuram scientiæ divinitus nobis concessæ. Si quod diaconium nobis obtigerit, in eo simus toti. Si docendi gratiam quis obtinuerit, doceat; si exhortandi, exhortetur. Qui de suo erogat in pauperes, sincero hoc fa-

in sollicitudine , qui misere-
tur in hilaritate.

κλήσει· ὁ μεταδιδούς ,
ἐν ἀπλότητι· ὁ προϊστά-
μενος , ἐν σπουδῇ· ὁ
ἐλεῶν , ἐν ἡλαρότητι.

ciat animo. Qui aliis præest ,
diligenter hoc agat. Cui com-
missa est cura miserorum ,
hilari animo hoc officio fun-
gatur.

γ. 6—9. *Habentes autem donationes secundum gratiam, quæ data est nobis, differentes, sive prophetiam, cet.)* Participium *εχοντες* non pendet ab antegresso *εσμεν* *sumus*, sed nova ab hoc Participio incipit sententia, et *transit* (δε) ibi Apostolus ad applicationem antegressæ comparationis (γ. 4. 5), quo distinctius doceat, id quod præcepto suo (γ. 3) volebat, scilicet, suo quemque debere uti dono, suo gnaviter fungi officio, nec ea quæ aliorum sunt dona et officia sibi arrogare. Sed est Apostoli oratio hoc loco singulari quodam modo elliptica. Tu ut plenam facias, puta Apostolum dixisse ita: *ἔχοντες δε χαρίσματα κατὰ τὴν χάριν τὴν δοθεῖσαν ἡμῖν διαφορά, εἴτε προφητείαν ἔχοντες, κατὰ τὴν ἀναλογίαν τῆς πίστεως προφητεύωμεν, εἴτε διακονίαν ἔχοντες, ἐν τῇ διακονίᾳ ὧμεν* (hic variat orationis forma) *εἴτε ὁ διδασκων ἐστὶ, ἐν τῇ διδασκαλίᾳ ἐστὼ· εἴτε ὁ παρακαλῶν ἐστὶ, ἐν τῇ παρακλήσει ἐστὼ* (denuò variat orationis forma) *ὁ μεταδιδούς, ἐν ἀπλοτητι μεταδιδότω· ὁ προϊστάμενος, ἐν σπουδῇ προϊστάσθω· ὁ ἐλεων, ἐν ἡλαροτητι ἐλεεῖτω*. Simile ellipticæ orationis exemplum est in loco parallelo S. PETRI (1 Petr. IV. 9—11): *Ἐκαστος καθὼς ἐλάβε χάρισμα, εἰς ἑαυτοὺς αὐτο διακονοῦντες, ὡς καλοὶ οἰκονομοὶ ποικίλης χάριτος Θεοῦ. Εἰ τις λαλεῖ, (λαλεῖτω) ὡς λόγια Θεοῦ· εἰ τις διακονεῖ, (διακονεῖτω) ὡς ἐξ ἰσχυρὸς ἧς χορηγεῖ ὁ Θεός*. Vulgata: *Unusquisque, sicut accepit gratiam, in alterutrum illam administrantes, sicut boni dispensatores multiformis gratiæ Dei. Si quis loquitur, (loquatur) quasi sermones Dei; si quis ministrat, (ministret) tamquam ex virtute, quam administrat Deus*. Nec multum dissimile est illud EPICTETI (apud FRITSCHIUM ad h. l.): *Θελετ' εἰς Ῥώμην (scil. ἀγεσθαι με); εἰς Ῥώμην (scil. ἀπερχομαι.) Εἰς Ἀθῆνας; εἰς Ἀθῆνας. Εἰς φυλακὴν; εἰς φυλακὴν*. *h. e. Vultis-ne me Romam (ducere)? Romam (eo). Athenas? Athenas (eo). In carcerem? In carcerem (eo).*

Sensus est: *Quum autem habeamus charismata pro vario Dei favore varia, si prophetiæ donum habeamus, utamur illo dono secundum mensuram gratiæ nobis concessæ (κατὰ τὴν ἀναλογίαν τῆς πίστεως); si diaconatus officium nobis (διακονία) obtigerit, in eo simus toti; si docendi gratiam quis obtinuerit, doceat; si admonendi, admoneat. Qui de suo erogat in pauperes (ὁ μεταδιδούς), sincero hoc faciat animo (ἐν ἀπλοτητι); qui aliis præest (ὁ προϊστάμενος), diligenter hoc agat (ἐν σπουδῇ); cui commissa est cura miserorum (ὁ ἐλεων), hilari animo hoc officio fungatur (ἐν ἡλαροτητι).*

Quod dicit Apostolus, *κατα την χάριν την δοθείσαν ὑμιν*, secundum gratiam nobis datam, *την χάριν* sive gratiam intelligit Dei favorem quo tributa sunt *χαρίσματα* sive *dona*, aliis alia; et *κατα* Præpositio ibi dicitur de *norma secundum quam*; ut sensus sit: *quum autem habeamus charismata pro vario Dei favore varia.*

De *Prophetiæ* dono et generatim de *charismatibus* diximus quædam in Commentario ad Act. Cap. II. ψ. 17. XI. 27. XIII. 1. XIX. 6. XX. 23. Quod autem dicit Apostolus *κατα την αναλογίαν της πίστεως*, Vulg. *secundum rationem fidei*, *πίστις* vox metonymice dicitur, ut supra ψ. 3, de dono sive charismate divinitus concessio ¹⁾; *αναλογία* autem ibi intelligitur *proportio*, *ratio* ²⁾, *quantitas*; adeoque *κατα την αναλογίαν της πίστεως* tantundem est ac *κατα το μετρον της πίστεως*, quod recte jam vidit Syrus interpres; nam præsentem locum reddidit: *σὺν τῇ ἰσχύϊ αὐτοῦ* h. e. *secundum mensuram fidei suæ*, i. e. prophetici doni sui ³⁾. Monet Apostolus, ut qui prophetiæ charisma accepit, prophetam agat secundum mensuram scientiæ divinitus sibi concessæ, nec quidquam suapte ingenio comminiscatur. De *anologia fidei*, sensu theologico, hoc est, de congruentia sive convenientia doctrinæ ejuspiam cum Fidei articulis, nullo modo hoc loco sermo est.

ψ. 7. *sive ministerium, in ministrando.*) Sed Græce est: *εἴτε διακονίαν* (scil. *εχοντες*), *εν τῇ διακονίᾳ*, sive *ministerium, in ministerio*. Auctor Vulgatæ rectè vidit, *διακονία* vocem bis hic repetitam, priore quidem loco dici de ipso *διακονίας* officio cuiuspiam concessio, secundo verò loco de illius officii *functione*; quare scitè vertit *in ministrando*. Sed heic disputatur utrum *διακονία* vox stricto sensu accipienda sit de officio *diaconatus* (Act. Ap. Cap. VI. 1—6), an verò referenda sit latiori sensu ad ministerium ecclesiasticum universum, ita nempe ut præter dia-

(1) THEODORETUS *κατα την αναλογίαν της πίστεως* interpretatur: *τῇ ἑκάστου πίστεϊ μετρεῖ την χάριν ὁ τῶν ἀγαθῶν χορηγός*, h. e. *pro uniuscujusque fide gratiam metitur bonorum largitor*; quasi Apostolus dicere voluerit, distribui donum propheticum, minori, majori mensurâ, pro magnitudine fidei quam quis habuisset. Sed hanc interpretationem ESTIUS improbat; recte, ut mihi quidem videtur. « Constat enim, inquit, id simpliciter non esse verum. Multi quippe magnam fidem habent, dono prophetiæ penitus destituti. Neque nunc docere vult Apostolus, quomodo hæc charismata acquirantur, sed quomodo sit iis utendum.»

(2) Veluti in hoc CICERONIS (ad Attic. VI. 3.): *Pro ratione pecuniæ liberalius est Brutus tractatus quam Pompejus.*

(3) *Αναλογία* vox hoc sensu passim occurrit; exempla collegit WETSTENIUS ad Rom. XII. 6. Addatur hoc S. JUSTINI (Apol. II. 50. apud AD. MAIER ad h. l.): *προς αναλογίαν ὧν ελαβε τῶν δυναμεῶν παρὰ Θεοῦ*. Et *αναλογεῖν* verbo hoc sensu usus est S. BASILIUS (in Ps. 1. apud SUICERUM ad vox *αναλογεῖν*): *Οἰκοδομοὶ μεγεθὴ κατασκευασμάτων εἰς ὕψος αἰρούντες, ἀναλογούντας τῷ ὕψει τοὺς θεμελίους ὑποβάλλονται.*

conatum etiam episcopatum et presbyteratum complectatur. Est sane cur videatur posterior hæc sententia priori præferenda. Nam si diaconatum proprie ita dictum cogitasset Apostolus, scripsisset *την διακονίαν* cum Articulo; nunc verò quia indefinite loquitur, videatur cujuscumque gradus ministerium ecclesiasticum significasse. Sed contra est, quod infra (γ. 8: ὁ προϊστάμενος) illi qui gubernandæ ecclesiæ præsunt specialiter designari videntur. Nisi forte quod ibi dicitur ὁ προϊστάμενος referendum sit ad prælaturam aliquam alterius generis et inferioris ordinis quam sit aut episcopatus aut presbyteratus; puta ad eam, quam 1 Cor. XII. 28 Apostolus vocat *κυβερνήσεις*, gubernationes.

Deinde memorantur charismata *docendi* (ὁ διδάσκων), et *exhortandi* (ὁ παρακαλῶν), quæ duo diversa sunt dona. Sequitur ὁ μεταδίδους, Vulg. *qui tribuit*. Interpretes non pauci existimant designari ibi donum et officium publicas eleëmosynas in pauperes distribuendi. Sed contra est, quod officium hoc pertinebat ad diaconatum de quo supra (γ. 7) jam sermo fuerat; item, quod ex usu loquendi *μεταδιδόναι* significat non *largiri de alieno*, quod est *διαδιδόναι*, sed *de suo*. Alii ergo maluerunt τὸν μεταδιδόντα intelligere talem, cui hoc donum divinitus esset concessum ut liberalem se præstaret erga egenos. In qua sententia fuere etiam S. CHRYSOSTOMUS (Hom. XXI in Ep. ad Rom.), THEODORETUS (ad h. l.), PLOTIUS ¹⁾ (apud Oecumenium ad h. l.) aliique ex antiquis. Quod additur *εν ἀπλοτητι*, *in simplicitate*, id quidem retulerim *ad mentem qua* quis de suo largiatur, et putaverim Apostolum præcipere, ut qui de suo largiatur, hoc faciat non vanâ quâdam gloriâ ductus, ut scilicet beneficus videatur, sed ut egentibus succurrat. CHRYSOSTOMUS tamen (Hom. XXI.) illud *εν ἀπλοτητι* interpretatur *μετα δαυφιλειας*, h. e. *liberaliter, largiter*.

De *προστασία* supra jam diximus. Quod superest, ὁ ελεῶν, *εν ἐλαροτητι*, eo significari videtur tale aliquod charisma, quod vim suam exoreret in *miserendo* puta ægrotantium et aliorum miserabilium hominum; vult autem Apostolus ut hoc fiat *εν ἐλαροτητι*, *hilariter*. Huic enim operi misericordiæ, quod ESTIUS hic notat, valde convenit hilaritas; ut ii quos morbus affligit et contristat, ex alacritate et promptitudine eorum a quibus juvantur, capiant consolationem.

(1) Επειδὴ τὰ χαρίσματα, ἢ ἐν ὁδοῖ τὴν ἐνεργεῖαν αὐτῶν ἐπιδεικνύσιν, ἢ ἐν προστασίᾳ, ἢ ἐν ἐλεῶ, φησὶν, ὅτι οὐχ ἁπλῶς ταῦτα δεῖ ἐπιτελεῖν, ἀλλὰ δίδοναι μετὰ ἀπλοτήτος καὶ χάρας, οὐχ ὡς ζημιουμένον τι, ἀλλὰ μάλλον κερδαινόντα, καὶ προστασθαι μὴ ἀμελῶς, ἀλλ' ὡς ὑπὲρ ἑαυτοῦ σπουδάζοντα, καὶ ἐλεῖν ἡλαρῶς καὶ εὐθυμῶς, ὡς αὐτὸν τι κάρπουμένον. h. e. Quoniam dona vel in impertiendo suam ostendunt efficaciam, vel in præsidendo, vel in miserando, dicit quod non utcumque hæc exhibere debeamus, sed dare cum simplicitate et gaudio, non quasi damnum patientes, sed potius quasi lucrum facientes; et præesse non negligenter, sed quasi nostras res agentes: et misereri hilari promptoque animo, quasi ipsi fructum quæmpiam inde ferremus.

Ceterum, de variis charismatibus distinctius et copiosius, Deo volente, dicturi sumus in Commentario in epistolam ad Corinthios priorem, ad Cap. XII, quum illic propria sit tractandæ illius quæstionis sedes.

γ. 9—13. Dilectio sine simulatione. Odientes malum, adhærentes bono : ¹⁰ Charitate fraternitatis invicem diligentes : Honore invicem prævenientes : ¹¹ Sollicitudine non pigri : Spiritu ferventes : Domino servientes : ¹² Spe gaudentes : In tribulatione patientes : Orationi instantes : ¹³ Necessitatibus sanctorum communicantes : Hospitalitatem sectantes.

γ. 9—13. Ἡ ἀγάπη, ἀνυπόκριτος· ἀποστύγοῦντες τὸ πονηρὸν, κολῶμενοι τῷ ἀγαθῷ. ¹⁰ Τῇ φιλαδελφίᾳ εἰς ἀλλήλους φιλόστοργοι· τῇ τιμῇ ἀλλήλους προηγούμενοι. ¹¹ Τῇ σπουδῇ μὴ ὀκνηροὶ, τῷ πνεύματι ζέοντες, τῷ Κυρίῳ ^{a)} δουλεύοντες. ¹² Τῇ ἐλπίδι χαίροντες, τῇ θλίψει ὑπομένοντες, τῇ προσευχῇ προσκαρτεροῦντες. ¹³ Ταῖς χρείαις τῶν ἁγίων κοινωνοῦντες· τὴν φιλοξενίαν διώκοντες.

Paraphrasis. Sit amor in proximum sincerus minimeque fucatus. Quod malum est aversemini, bono adhærescite. Ad fraternam charitatem quod attinet, tenerrimo amore invicem vos prosequamini; in præstanda mutua observantia, unus alterum præveniat. In studio christianæ pietatis minime segnes sitis, sed contra animo ferventes, memores non hominis cujuscumque sed Christi servos vos esse. Ob spem futuræ retributionis gaudentes estote, in rebus afflictis constantes, piis precationibus assidue vacantes. Fratrum vestrorum egestati de vestris facultatibus succurrite; hospitalitatem erga Christianos peregrinantes diligenter exercete.

VARIANS LECTIO.

a) Pro τῷ Κυρίῳ est τῷ καίρῳ in Codd. D*FG, sed lectionem τῷ Κυρίῳ exhibent reliqui Unciales et antiquæ versiones fere omnes, ut et Græci Patres. Itaque ambigendum non est quin hæc lectio alteri sit præferenda.

γ. 9. *Dilectio sine simulatione. Odientes malum, adhærentes bono; cct).* Post particularia illa monita (γ. 3—9.) de recto usu charismatum, Apostolus, nulla

transitione utens, deinceps (§. 9—21) conciso sermone sigillatim ad varias animi virtutes exercendas Romanos suos adhortatur. Ἡ ἀγάπη ἀνυποκριτος, scil. ἔστω. *Amor vester in proximos sit ἀνυποκριτος, non lartatus, non fucatus, germanus, sincerus, non simulatus sed ex animo proveniens.* Nota ellipsin Imperativi ἔστω, cujusmodi ellipseos exempla alia habes Hebr. XIII. 4. 5. De hac Ellipsi videsis KUNERUM §. 417. *Ann.*

odientes malum, adhærentes bono.) Ea quæ hoc versu et tribus insequentibus leguntur Participia, subintellectum habent ἦτε, sitis ¹⁾. Similis ellipsis occurrit quoque in hoc Hebr. XIII. 5: ἀρκουμενοι τοις παρουσιν. Sed ἀποστυγεῖν maluerim reddere *abhorrere*, idque ob verbi compositi Præpositionem ἀπο et antitheticum κολλᾶσθαι *adglutinari* (significatione reflexivâ), Gallicè *s'attacher*. Intelliguntur ibi τὸ πονηρὸν et τὸ ἀγαθὸν *bonum et malum morale* (virtutes animi et vitia) generatim.

§. 10. *Charitate fraternitatis invicem diligentes;*) Τῇ φιλαδελφίᾳ Dativus est *respectus*; Gallice reddideris: *Quant a la charité fraterne*. Idem dictum puta de Dativis duobus insequentibus: τῇ τιμῇ et τῇ σπουδῇ. Sicut ἀγάπη vox in universum dicitur de amore erga proximum, ita φιλαδελφία usurpatur speciatim de amore illo quo fideles tamquam totidem fratres in CHRISTO inter se conjungi debent. Cf. 1 Thess. IV. 9. Hebr. XIII. 1. 1 Petr. 1. 22. 2 Petr. 1. 7. Voces στοργή et φιλοστοργος de vehementiori amoris affectu dici solent, v. g. de eo amore quo proles et parentes mutuò sese amant. Vult ergo dicere Apostolus: Ad fraternam caritatem quod attinet, *tenerrimo amore* invicem vos *prosequamini*.

honore invicem vos prævenientes.) Τῇ τιμῇ, *ad honorem quod attinet*. Loquitur PAULUS de mutua *observantia* inter pares. Προηγεῖσθαι (Med.) est *præire, præcedere*. Vult Apostolus ut in præstandâ mutuâ illâ observantiâ unus alterum *præveniat*. Confer Rabbiorum illud: כל שיודע בחברו שהוא רגיל ליהן לו שלום יקדים לו שלום *h. e. Quisquis novit quod proximus se salutare consueverit, præveniat illum salutando.* (apud WOLFIIUM ad h. l.).

§. 11. *Sollicitudine non pigri, spiritu ferventes, Domino servientes.*) Τῇ σπουδῇ, *ad studium quod attinet*. Sed cujusnam rei studium Apostolus hic potissimum commendare voluerit, non satis liquet. Attamen quum tria hujus versiculi membra non nisi unum præceptum continere videantur, ego quidem ob conjunctum τῷ Κυρίῳ δουλεύοντες existimaverim, Apostolum in universum intellexisse *studium christianæ pietatis*. Μη οκνηροί, *non pigri, non segnes*, sed contra τῷ πνεύματι ζεόντες,

(1) FRITSCHIUS Anacoluthon ibi agnoscit, forsitan rectius. « PAULUS, inquit, Nominativos (§. 9—13) ἀποστυγόντες... διωκόντες ad sensum verbis ἡ ἀγάπη ἀνυποκριτος subjectum (ἀγαπᾷτε ἀνυποκριτως) accom-
modavit: *amor vester sit sincerus* (i. q. *amate sincero animo*), *abhorrentes*, cct.»

animo ferventes, memores non hominis cuiuspiam sed CHRISTI serros vos esse (τῷ Κυρίῳ δουλεύοντες).

γ. 12. *Spe gaudentes, in tribulatione patientes, orationi instantes.*) Τῇ ἐλπίδι est Dativus rationis sive causæ, sicut Rom. XI. 20 : τῇ ἀπιστείᾳ ἐξεκλάσθησαν, ob incredulitatem suam fracti sunt. Itaque sensus est : *Gaudete ob spem* scilicet futuræ retributionis. Τῇ θλίψει videtur esse Dativus temporis, ut sit : *tempore calamitoso*, in rebus afflictis. Ὑπομενοντες (remanentes) *sustinentes, constantes.* Προσκαρτεροῦντες, *perseveranter insistentes*, assiduò vacantes, τῇ προσευχῇ, *piis precationibus*, puta ad divinum implorandum auxilium, quo carere non potest humana infirmitas.

γ. 13. *Necessitatibus sanctorum communicantes.*) Χρειαὶ intelliguntur ea quibus opus quis habet ad vitam tolerandam. Χρειαὶς βιωτικαῖς dixit Diod. Sic. II. 29.— Κοινωνεῖν, *in societatem venire, participem fieri* indigentiae sive egestatis fratrum Christianorum (τῶν ἁγίων), puta, de vestris facultatibus illis subveniundo. De τῶν ἁγίων vide ad Philipp. 1. 1. Διωκεῖν *persequi*, et mox *studere, operam dare* alicui rei, et hic *exercendæ hospitalitati*. Bene ESTIUS ad h. l.) : « Hospitalitati cumprimis studete, sedulo eam exercentes erga Christianos hospitio egentes, ne videlicet exponantur injuriis cæli aut malorum hominum, aut divertere cogantur apud infideles. Quam posteriorem rationem indicat S. JOANNES in epistola ad CAJUM. Neque enim ad eam hospitalitatem proprie hortatur quæ magnificentiae pars est et non nisi a locupletibus exerceri potest, sed ad eam quæ est inter opera misericordiae, de qua CHRISTUS in fine sæculi dicturus est : *Hospes eram et collegistis me.* »

γ. 14—16. *Benedicite persequentibus vos : benedicite, et nolite maledicere.*
 15 *Gaudere cum gaudentibus, flere cum flentibus :*
 16 *Idipsum invicem sentientes : Non alta sapientes, sed humilibus consentientes. Nolite esse prudentes apud vosmetipsos :*

γ. 14—16. Εὐλογεῖτε τοὺς διώκοντας ὑμᾶς· εὐλογεῖτε, καὶ μὴ καταρᾶσθε. 15 Χαίρειν μετὰ χαιρόντων, καὶ κλαίειν μετὰ κλαιόντων. 16 Τὸ αὐτὸ εἰς ἀλλήλους φρονοῦντες· μὴ τὰ ὑψηλὰ φρονοῦντες, ἀλλὰ τοῖς ταπεινοῖς συναπαγόμενοι. Μὴ γίνεσθε φρόνιμοι παρ' ἑαυτοῖς.

Paraphrasis. Beneprecamini iis qui vos vexant, beneprecamini, inquam, illis, et nolite mala illis imprecari. Fratrum vestrorum res, sive prosperas sive adversas, veluti vestras reputetis; de his verè doleatis, de illis ex animo gaudeatis. Estote eodem animi sensu erga vos invicem affecti, æquali amore invicem vos amantes. Alta et excelsa, talia, inquam, quibus super alios emineatis, nolite appetere, sed, minimè ambitiosi, ea quæ humilia sunt ne dedignemini. Neque videamini vobis eatenus sapere ut putetis aliorum prudentiâ et monitis facile carere vos posse.

γ. 14. *Benedicite persequentibus vos ; cet.*) Loquitur de hostibus Christiani nominis. Beneprecamini , inquit , iis qui vos persequuntur , affligunt , vexant , et nolite illis *imprecari mala* (*καταρᾶσθαι*). « Apud HOMERUM ἄρᾶσθαι est *precari* , quique pro populo orabat , *sacerdos* , ἄρητήρ . Apud HOMERO recentiores significat verbum *male precari* , *diris devovere* , qua vi semper *καταρᾶσθαι* ponitur , apud Atticos scriptores junctum *tertio* Casui , in Novo Testamento plerumque *quarto*. » VALCKEN. ad Luc. VI. 28.

γ. 15. *Gaudere cum gaudentibus , flere cum flentibus.*) Pro Imperativis adhibiti hic fuere Infinitivi ; aut , quod rectius dixerim , Infinitivi ibi positi sunt elliptice ¹⁾. Sensus patet. Nempe vult Apostolus ut fratrum res , sive prosperas sive adversas , veluti nostras reputemus ; de his verè doleamus , de illis ex animo gaudeamus ; in quo est profectò sinceræ charitatis argumentum.

γ. 16. *Idipsum invicem sentientes.*) Græca reddere maluerim : *idem erga vos invicem sentientes* ; h. e. eodem animi sensu erga (*εἰς*) vos invicem affecti. Congruit præsens sententia cum illa qua ad Philippenses dixit Apostolus (Cap. II. 2) : *την αὐτὴν ἀγαπὴν ἔχοντες* , volens ut æquali amore invicem sese prosequerentur. Quod præceptum S. CHRYSOSTOMUS explicat in hunc sensum : *Noli cum magna aliorum in te charitate fruaris , minorem ipsis præstare* ²⁾.

non alta sapientes , sed humilibus consentientes.) Pertinent hæc ad commendandam animi modestiam ; et opportunè præceptum hoc additur superiori de æquali exhibendo amore ; quem exhibere profecto impediunt non parum vitiosa ambitio et superbi animi elatio. *Τὰ ὑψηλά φρονεῖν* est *alta , exelsa meditari et appetere* , talia , inquam , quibus super alios emineas. *Τοῖς ταπεινοῖς* (in Neutro ob antegressum Neutrum *τὰ ὑψηλά*) *συναπαγεσθαι* (Med.) valet *rebus humilibus pati se unà* (cum aliis) *abduci*. Vult Apostolus ut , *minimè ambitiosi* , ea quæ humilia sunt ne dedignentur. Ad

(1) KUHNER (§. 644. a) : Der *Infinitiv* wird sehr häufig bei den *Epikern* , zuweilen auch bei andern Dichtern und selbst auch attischen Prosakern , als Ausdruck eines *Befehls statt des Imperativs* gebraucht. Der Infinitiv ist hier elliptisch zu erklären , indem man ihn als ein von einem gedachten , aber nicht ausgedrückten , Verb des Begehrens oder Wünschens oder Befehles abhängiges , das *Resultat* der Thätigkeit eines solchen Verbs bezeichnendes , Objekt ansehen muss. Die Beziehung der Begehrung , welche sich im Im-

perativ auf eine unmittelbare Weise darstellt , erscheint hier in dem Verhältnisse der *Abhängigkeit* von einem zu ergänzenden Verbalbegriffe , kann aber in der lebendigen Rede durch den Ton ausgedrückt werden. Der Infinitiv kann aber nur statt der *Zweiten Person des Imperativs* im Singular und Plural stehen.

(2) Hom. V in Ep. ad Philipp. Ὁμοίως καὶ φιλεῖν καὶ φιλεῖσθαι. Μη σὺ μὲν ἀπολαύς τῆς πολλῆς (scil. ἀγάπης) , ἐλαττονα δὲ τοῖς ἄλλοις παρέχε.


commendandam animi modestiam pertinet quoque id quod addit : *μη γινεσθε φρονιμοι παρ' ἑαυτοῖς*, quibus verbis Apostolus Romanos suos monet, ut ne *sua opinione* (*παρ' ἑαυτοῖς*) usque adeo sapere sibi videantur, ut putent se aliorum prudentiâ et monitis facile carere posse.

γ. 17—21. Nulli malum pro malo reddentes : providentes bona non tantum coram Deo, sed etiam coram omnibus hominibus. 18 Si fieri potest, quod ex vobis est, cum omnibus hominibus pacem habentes : 19 Non vosmetipsos defendentes carissimi, sed date locum iræ. Scriptum est enim : Mihi vindicta : ego retribuam, dicit Dominus. 20 Sed si esurierit inimicus tuus, ciba illum : si sitit, potum da illi : hoc enim faciens, carbones ignis congeres super caput ejus. 21 Noli vinci a malo, sed vince in bono malum.

γ. 17—21. Μηδενὶ κακὸν ἀντὶ κακοῦ ἀποδιδόντες, προνοούμενοι καλὰ ^{a)} ἐνώπιον πάντων ἀνθρώπων. 18 Εἰ δυνατόν, τὸ ἐξ ὑμῶν, μετὰ πάντων ἀνθρώπων εἰρηνεύοντες. 19 Μὴ ἑαυτοὺς ἐκδικοῦντες, ἀγαπητοὶ, ἀλλὰ δότε τόπον τῇ ὀργῇ· γέγραπται γάρ· Ἐμοὶ ἐκδίκησις· ἐγὼ ἀνταποδώσω, λέγει Κύριος. 20 Ἐὰν οὖν ^{b)} πεινᾷ ὁ ἐχθρὸς σου, ψάμιζε αὐτόν· ἐὰν διψᾷ, πότιζε αὐτόν· τοῦτο γὰρ ποιῶν, ἄνθρακας πυρὸς σῶρεύσεις ἐπὶ τὴν κεφαλὴν αὐτοῦ. 21 Μὴ νικῶ ὑπὸ τοῦ κακοῦ, ἀλλὰ νίκα ἐν τῷ ἀγαθῷ τὸ κακόν.

Paraphrasis. Nemini unquam malum pro malo inferatis, sed exercendis virtutibus studete sive rem habeatis cum fidelibus sive cum infidelibus. Vivite in pace cum hominibus sine discrimine omnibus, si fieri potest; si qui verò sint qui vicissim vobiscum in pace vivere recusent, vos ex vestra saltem parte pacem colite. A privata vindicta abstinete, carissimi, et Deo permittite vindictam. Scriptum est enim: *Mihi competit vindicta et ego retribuam.* Immo, si inimicus tuus inopiâ prematur, tu illi succurras; quod si feceris acutum quempiam illi intuleris dolorem ex pudore natum; quo fieri poterit ut resipiscat. Ne patiaris vinci te inimici tui malitiâ ut eâ abripiaris ad vindictam; sed contra da operam ut malitiam ejus tuâ vincas beneficiâ.

VARIANS LECTIO.



a) In Codd. FG pro ἐνώπιον πάντων ἀνθρώπων legitur οὐ μόνον ἐνώπιον τοῦ Θεοῦ ἀλλὰ καὶ ἐνώπιον ἀνθρώπων. Vocem πάντων exhibent (A * ?) BD * * * EJ et plurimæ versiones antiquæ. Existimaverim genuinam lectionem heic esse ἐνώπιον πάντων ἀνθρώπων, reliqua vero (οὐ μόνον ἐνώπιον τοῦ Θεοῦ ἀλλὰ καὶ) in nonnullos Codices irrepsisse ex glossemate ducto ex 2 Cor. VIII. 21; in qua sententia Estium quoque fuisse video.

b) Pro ἐὰν οὖν est ἀλλὰ ἐὰν in Codd. AB. et nonnullis Minusculis; hanc lectionem Vulgata quoque exhibet.

γ. 17. *Nulli malum pro malo reddentes, providentes bona, cet.*). Romanos suos prohibet Apostolus malum malo rependere, si quis sive Christianus sive Ethnicus illos forte læsisset. Quod additur, *προνοουμενοι καλα ενωπιον παντων ανθρωπων, operam dantes recte factis (καλα) coram omnibus hominibus*, eo significat dandam esse operam exercendæ virtuti sive res sit cum fidelibus sive cum infidelibus. Et volebat Apostolus generali hoc præcepto specialiter illos monere, mansueti ut essent etiam erga infideles, si qua forte injuria ab his affligerentur,

γ. 18. *Si fieri potest, quod ex vobis est, cum omnibus hominibus pacem habentes.*) Hortatur eos, in pace ut vivant cum hominibus sine discrimine omnibus, sive fidelibus sive infidelibus. Sed adimplendo huic præcepto obstare poterat quod aliqui recusarent vicissim pacem colere cum ipsis; ideò dicit: *ει δυνατον, si res fieri potest*; vult tamen ut eo in casu pacem colant quantum quidem hoc pendeat ex ipsis (*το εξ υμων*). Dictio *το εξ υμων* ad eam classem dictionum pertinet, in quibus Accusativus adverbialiter usurpatur. Idem est Accusativi usus in *τούναντίον, τάναντιά, τᾶλλα, λοιπον, το δ᾽ ὅλον*, aliis. Cf. KUHNER §. 557. Anm. 4. Ceterum, quod FRITSCHIUS monuit (ad h. l.), hæc formula *το εξ υμων* rarò legitur. Magis frequentantur formulæ: *το γε επ' εμοι, τουπ' εμε, το εις εμε, το κατ' εμε*.

γ. 19. *Non vosmetipsos defendentes, carissimi, sed date locum iræ.*) Pro *defendentes* Græce est *εκδικουντες*, hoc est, *ulciscentes*. Præcipit Apostolus ne si quando læsi ab aliquo fuerint, illatam injuriam ipsi ulciscantur; vult autem ut *Deo vindictam permittant*; nam hoc, in præsentī quidem loco, valent verba ista, *δοτε τοπον τη οργη*. Idque probatur cum ex sensu antithetico qui illis verbis subesse debet, tum etiam ex sacræ Scripturæ testimonio quod Apostolus statim adducit ad confirmandum id quod dixerat, *δατε τοπον τη οργη date locum iræ*. Itaque ἡ οργη vox nude posita Dei iram hoc loco significat, quemadmodum et supra Cap. V. 9 et 1 Thess. I. 10. Ceterum ἡ οργη Θεου, ira Dei, per anthropopathiam dicitur pro condemnatorio Dei iudicio aut poena divinitus infligenda.

scriptum est enim: Mihi vindicta; ego retribuam, dicit Dominus.) Allatus Scripturæ locus legitur Deuteron. XXXII. 35, hisce verbis: *מִי יִשְׁפֹּךְ וְקָם לֵי* h. e. *mihi (competunt) vindicta et retributio*. Septuaginta Interpretes locum reddiderunt liberius in hanc sententiam: *εν ημερα εκδικησεως ανταποδωσω*. Itaque Apostolus in recitando hoc Scripturæ loco nec illos interpretes nec Hebraicum textum omnino secutus est; hujus tamen sensum perspicuè expressit.

(1) *Defendere* de vindicando et ulciscendo dixere *defendere* necesse habuerit. Alia exempla etiam profani scriptores Latini, licet non optimi, dabit FACCIOLATI, ad vocem *defendo*. veluti ULPIANUS (Dig. 38, 2, 14): *Si patris mortem*

ψ. 20. *Sed si esurierit inimicus tuus, ciba illum; si sitit, cet.*) Nexus hujus orationis cum antegressâ hic est: Non tantum non sumenda est privata vindicta ab eo qui te læserit, sed contra, si inimicus tuus necessitate aliqua prematur, subveniendum illi est; quod si facias acutum quempiam dolorem ex pudore natum illi inferes, quo fieri potest ut, superatus tuis beneficiis, cedat suamque inimicitiam deponat¹).—Notandum autem est, Apostolum hoc loco non suis verbis uti sed verbis Scripturæ; nam quod heic dicit, sumtum est hoc ex Proverbiorum Capite XXV. ψ. 21, ubi sic legitur: אִם-רָעַב שָׁנָאךָ הָאֲכִילֵהוּ לֶחֶם וְאִם-צָמָא הַשְׁקֵהוּ מַיִם: כִּי גַחְלִים אַתָּה הָיָה עַל-רֹאשׁוֹ וַיַּהֲרֶה רֶשֶׁם-לָהּ: h. e. Si esurierit is qui odio te habet (osor tui), ciba illum pane; et si sitiverit, pota illum aquâ; nam prunas (carbones ardentes) congeres²) super caput ejus, et Jehova rependet tibi, puta, pro beneficio quod inimico tuo impenderis. Prunæ in cuiuspiam caput aggestæ proverbialiter dicuntur de acerbo dolore quo quis afficitur; et hoc quidem loco intelligendus est dolor qui nascatur ex pudore; quo pudore veluti ustus læsor tui, forsitan resipiscet eumque illatæ injuriæ pœnitebit. — ORIGENES quoque ad hunc modum prunas candentes in caput inimici congerendas intellexit. « Potest fieri, inquit, ut animus ferus ac barbarus inimici, si sentiat beneficium nostrum, si humanitatem, si affectum, si pietatem videat, compunctionem cordis capiat, commissi pœnititudinem gerat, et ex hoc ignis in eo quidam succendatur, qui eum pro commissi conscientia torqueat et adurat: et isti erunt carbones ignis qui super caput ejus ex nostro misericordiæ et pietatis opere congregantur. Proverbiorum illum locum ad eundem modum interpretatus est Rabbi LEVI BEN GERSOM (ad Proverb. XXV. 21): כִּי זֶה הַעֲנִין קָשָׁה לוֹ כֹּאִילוֹ אֵתָה הוֹתָה גַחְלִים עַל רֹאשׁוֹ לְשֹׁרְפוֹ מְרֹב בִּשְׂתוֹ עַל הַטּוֹבָה שִׁיקְבַּל תַּחַת הָרַעָה אֲשֶׁר גָּמְלָךְ: h. e. nam hæc res (scil. quod inimicum tuum pane cibaveris et potaveris aquâ, i. e. inopiæ ipsius subveneris) erit illi (tam) molesta quam si tu capiti illius imposueris prunas candentes ad urendum illum; idque propter magnum pudorem quo afficietur ex eo quod bonum recipit pro malo quo te affecit. Concinit ABEN EZRA (ad Proverb. XXV. 21): בּוֹכְרוֹ הַמֵּאֲכָל וְהַמְשַׁקֶּה שֶׁנִּתַּח לוֹ הִשְׁרַפְנוּ כֹּאִילוֹ גַחְלִים הַבָּאת כֹּל רֹאשׁוֹ לְשֹׁרְפוֹ וְדָשְׁמַר מַעֲשׂוֹת לָךְ רַע: h. e. Quando recordabitur cibum et potum, quem dedisti ei, adures eum quasi prunas ardentes conguessisses super caput ejus, et cavebit sibi ne ulterius malum tibi faciat.

(1) In hanc sententiam præsentem locum interpretatus jam est S. HIERONYMUS (apud ESTIUM ad h. 1.) « Carbones ignis congregabis super caput ejus, non in maledictum et condemnationem, ut plerique existimant, sed in correctionem et pœnititudinem; ut superatus beneficiis, excoctus fervore charitatis, inimicus esse desistat. »

(2) Hebraice est ibi verbotenus: nam prunās tu capiens (eris) super caput ejus; sed hoc prægnanter, ut loquuntur Grammatici, dictum est pro capiens (et imponens eris) super caput ejus.

HARIRIUS, quod monet GESENIUS (in *Thesouro Ling. Hebr. ad voc.* הַחֵלֶה) vehementem animi dolorem simili metaphora vocavit *prunas cordis* ¹⁾.

ψ. 21. *Noli vinci a malo, sed vince in bono malum.*) Sententia hæc veluti epiphonema est antegressæ (17—21) exhortationis. Sensus patet: Ne patiaris vinci te malitiâ inimici tui ita ut propter illatam ab eo injuriam tu ad vindictam ab illo sumendam abripiaris, sed contra da operam ut malitiam ejus vincas tuâ erga eum beneficiâ. 'Εν Præpositio ibi dicitur de *instrumento quo*, ut sæpe alibi.

(1)ⁿ Similiter Arabes *prunas cordis*, *ignem hepatis*, figurate dicunt de curis ardentibus deque animo æstuante et pudore suffuso. HAR. V. in fine: *abiit*

وَأَوَدَعَ قَلْبِي جَمْرَ الْغَضَا et reliquit cordi

CAPUT DECIMUM TERTIUM.

ARGUMENTUM. *Pergit Apostolus particularia dare præcepta ad instituendam vitam bene Christianam pertinentia; et primo loco heic agit de præstanda obedientia civilibus Magistratibus tamquam Dei administris (1--8). Deinde adhortatur ad studium charitatis erga proximum (8--11); quam adhortationem roborat ducto argumento a temporis convenientia. Hinc vero dilabitur ad suadendam vitæ rationem sobriam, castam, ab omni luxuria et turpi libidine remotam (11--14).*

γ. 1—2. Omnis anima potestatibus sublimioribus subdita sit : Non est enim potestas nisi à Deo : quæ autem sunt , a deo ordinatæ sunt. ² Itaque qui resistit potestati , Dei ordinationi resistit. Qui autem resistunt , ipsi sibi damnationem acquirunt.

γ. 1—2. Πᾶσα ψυχὴ ἐξουσίαις ὑπερεχούσαις ὑποτασσέσθω· οὐ γάρ ἐστιν ἐξουσία εἰ μὴ ἀπὸ
a) Θεοῦ· αἱ δὲ οὖσαι ἐξουσίαι b), ὑπὸ τοῦ Θεοῦ τεταγμέναι εἰσίν.
² Ὡστε ὁ ἀντιτασσόμενος τῇ ἐξουσίᾳ , τῇ τοῦ Θεοῦ διαταγῇ ἀνθέστηκεν· οἱ δὲ ἀνθέστηκό-
τες , ἑαυτοῖς κρίμα λήψονται.

Paraphrasis. Unusquisque , nemine excepto , magistratibus sese subjiciat ; nam divinæ originis est civilis potestas , et qui constituti sunt magistratus , divinâ ordinatione constituti sunt ; adeoque divinæ ordinationi resistit qui magistratibus resistit. Qui autem resistunt , in futuro sæculo pœnas dabunt , nisi resipiscant.

VARIANS LECTIO.

a) Pro ἀπὸ est ὑπὸ in Codd. ABD***E**J et Minusculis bene multis. Sed lectio ἀπο sine dubio alteri præferenda est. Rationem dat FRITSCHIUS (ad h. l.) : « Constat , inquit , *divinum esse* , hoc est , *a Deo originem repetere* , græce dici εἶναι ἀπὸ Θεοῦ , εἶναι-πᾶρ Θεοῦ (Joh. IX. 33. cf. γ. 30) , εἶναι ἐκ Θεοῦ , non verò εἶναι ὑπὸ Θεοῦ. Ineptum ἵπο proxima verba ὑπο Θεοῦ τεταγμέναι εἰσιν pepererunt. Nempe fuerunt antiquitūs qui verba αἱ δὲ οὖσαι ὑπο Θεοῦ male consociarent. Unica lectionem εἰ μὴ ὑπο Θεοῦ expediendi ratio hæc est , ut verbis sequentibus τεταγμένη suppleas. Sed sic inanis tautologia oritur : non enim est magistratus nisi *a Deo constitutus* ; quotquot autem (magistratus) sunt , *a Deo constituti sunt*. »

b) Vox ἐξουσίαι a plerisque Codd. uncialibus abest. Glossema est.

Gravi oratione Apostolus hoc loco (γ. 1—8) Romanos suos adhortatur ad præstandam civilibus magistratibus obedientiam. Nec inopportuna fuerit hæc admonitio si minus Ethnico-christianis , at certè Judæo-Christianis. Novimus enim Judaicam gentem Romano Imperio paruisse invitam et ad rebellandum perpetuò fuisse proclivem ¹⁾ ;

(1) Cf. SÆTON. *Claud.* XXV. Et videsis quæ notavimus ad Act. XVIII. 2.

exortam quoque tempore HERODIS M. sectam Galilæorum, qui negarent Judæis tributum pendendum esse alienigenis aut præter unum Deum quempiam Dominum esse appellandum ¹⁾. Igitur facile fieri potuit ut Romani Christiani qui olim Judæi fuissent, falsam illam popularium suorum de civili libertate opinionem etiamnum foverent; id quod eo probabilius videtur, quòd PETRUS scribens ad Judæos inter varias gentes dispersos, hos similiter ad præstandam civilibus magistratibus obedientiam graviter adhortatur. Vide 1 Petr. II. 13.

γ. 1. *Omnis anima potestatibus sublimioribus subdita sit.*) Πασα ψυχη refert Hebraicum שֶׁלֹא-יִשְׁכָּח, quod valet unusquisque. Confer Levit. XVII. 12, et legis quæ notavimus suprâ ad Cap. II. 9. pag. 60. Pro πασα ψυχη Apostolus, nullâ sententiæ varietate, scribere ex æquo potuisset πας ανθρωπος. Puta hominem vocari animam (ψυχην) per Synedochen partis pro toto. Εξουσιαι, potestates (Belgice magten), abstracto nomine posito pro concreto, sicut Tit. III. 1., intelliguntur οἱ οντες εν εξουσιαι sive οἱ αρχοντες (ψ. 3). Intelliguntur autem αρχοντες, imperantes, universim, h. e. omnes qui in re civili publicâ præditi sunt potestate, non verò intelliguntur summi imperantes tantum; nam epitheton illud ὑπερεχούσαι, eminentes, non fuit appositum ad distinguendum inter magistratus summos et inferiores, sed vocantur eminentes respectu subditorum sive eorum qui non sunt εν εξουσιαι ³⁾. Et verò quis crediderit PAULUM præcipere voluisse præstandam obedientiam Imperatoribus tantum, non vero etiam aut provinciarum præsidibus, aut urbium pagorumve magistratibus? Ὑποτασσεσθω (Imperat. Med.) subjiciat sese. Non loquitur Apostolus de potestate ecclesiastica sed de laicâ tantum sive de civili magistratu; patet hoc ex contexta oratione. Confer γγ. 4 et 7. Ceterum præceptum PAULI universale est, ut adeo ab illa præstandæ civilibus magistratibus obedientiæ lege eximatur nemo, puta, quatenus subditus est illorum potestati aut jurisdictioni. Nam et illud servandum est præceptum, quo jubemur Deo potius obedire quam hominibus (Act. V. 29), sicubi et his et Deo simul obedire non possimus.

(1) Cf. Matth. XXII, 17. Act. V. 37. FLAV. JOSEPH. Antiqq. XVIII. 1. De bello Jud. II. 8.

(2) Auctor Vulgatæ vocem ὑπερεχούσαις reddidit sublimioribus; non satis recte. Obiter hic moneo, verbum ὑπερεχειν pertinere ad eam classem verborum transitivorum, quæ hic illic neutraliter usurpata leguntur. Cf. WINER §. 39.

(3) S. THOMAS (ad h. l.) « Potestates autem sublimiores hic dicuntur homines in potestatibus constituti; quibus secundum justitiæ ordinem subjici debemus. Dicit autem indefinite; potestatibus sublimioribus, ut ratione sublimitatis officii eis subjiciamur. Concinit SALMERON (Disput. ad h. l.): « Per potestates præeminentes, inquit, homines intellige potestate publicâ præditos, sive reges sint, sive principes, sive duces, sive quicumque magistratus. »

non est enim potestas nisi a Deo.) Rationem (γαρ) dat Apostolus præmissi præcepti; et petita hæc ratio est ab ipsa origine potestatis. *Omne jus imperii*, inquit, *auctorem et largitorem habet Deum*, non hominem; neque hominibus illud obtingit ex sociali nescio quo contractu, verum ex divinâ institutione. Ergo jus imperii divinum est, non humanum.

quæ autem sunt, a Deo ordinatæ sunt.) *Ἀι δε οὐσαι* scil. *ἐξουσιαι* (de bestaande magten), *les puissances établies* 1). Id quod modò dixerat Apostolus de imperii jure sive de potestate *in abstracto*, illud hic iterum affirmat de varii gradûs potestatibus *in concreto*, hoc est, de hominibus publicâ aliquâ potestate præditis, quos pariter docet fuisse non humano arbitrio sed *divinâ ordinatione constitutos*, imo et porrò constitui; puta, hominum ministerio, ut quorum arbitrio sicut Deus permisit reipublicæ gubernandæ rationem monarchicam, democraticam, aliam, ita quoque eisdem concessit deferre imperium quibus, quo modo, qua lege, potissimum vellent.

γ. 2. *Itaque qui resistit potestati, Dei ordinationi resistit; qui autem resistunt, cet.*) Concludit (ὥστε) ex præmissis: *Itaque* (ὥστε , h. e. quum civiles potates sive magistratus divinitus sint constituti), *quicumque Magistratui* (τῇ ἐξουσίᾳ) *sese opponit* (ἀντιτασσόμενος), *divinæ dispositioni* (διαταγῇ) adeoque ipsi Deo *resistit* 2). Et minatur pœnas a resistantibus luendas, inquiens: *Qui autem resistunt divinæ dispositioni* (οἱ δε ἀνθεστηκοτες scil. τῇ του Θεου διαταγῇ), *sibi* (ἑαυτοῖς , in Dativo *incommodi*) *sententiam* (condemnatoriam) *accipient*, hoc est, *pœnas dabunt*. *Κριμα*, *judicium*, per metonymiam *de pœna* dicitur hic sicut supra Cap. II. 2. 3, quo sensu et respondens hebraicum עֲשֶׂה־לְךָ־קֶרֶבֶן legitur Exod. VI. 6. *Λαμβανειν κριμα* phrasis occurrit eodem sensu Matth. XXIII. 14, et Jacob. III. 1. *Pœnas* autem intellige quæ refractario pro ratione culpæ a Deo in futuro sæculo infligendæ sint, nisi resipiscat. « Ceterum, quod recte monet Estius (ad h. l.), injustis legibus, quoniam a legitima potestate seu potestatis usu non procedunt, aut non obedire, aut etiam adversus earum vim sese tueri, non est potestati resistere. Quamquam id vel ob metum majoris mali, vel ne scandalum detur infirmis, sæpe non expedit. »

(1) HERODOTUS (apud RAPHEL. ad h. l.) eodem sensu dixit τιμας τας εουτας: *Pisistratus Atheniensium imperio potitus*, ουτε τιμας τας εουτας συνταραξας, ουτε θεσμια μεταλλαξας, επι τε τοις κατιστεωσι εμενε, την πολιν κοσμεων καλως τε και ευ, nullis qui tum erant magistratibus perturbatis, neque legibus mutatis, sed in præsentī statu manens, urbem bene ac pulcre exornavit. Imo, gubernavit; sic enim κοσμεω verbum hoc loco reddendum erat.

(2) S. THOMAS (ad h. l.): « Si enim potestas principum in quantum talis est, a Deo est, et nihil est a Deo sine ordine, consequens est, quod etiam ordo, quo inferiores potestatibus superioribus subjiciuntur, sit a Deo. Itaque qui contra hunc ordinem *resistit potestati, Dei ordinationi resistit*. Resistere autem divinæ ordinationi contrariatur honestati virtutis. Unde contra virtutem agit, quicumque potestati resistit in eo quod pertinet ad ordinem suæ potestatis. »

γ. 3—4. nam principes non sunt timori boni operis, sed mali. Vis autem non timere potestatem? Bonum fac: et habebis laudem ex illa: 4 Dei enim minister est tibi in bonum. Si autem malum feceris, time: non enim sine causa gladium portat. Dei enim minister est: vindex in iram ei, qui malum agit.

γ. 3—4. Οἱ γὰρ ἀρχοντες οὐκ εἰσὶ φόβος τῶν ἀγαθῶν ἔργων ^{a)}, ἀλλὰ τῶν κακῶν. Θέλεις δὲ μὴ φοβεῖσθαι τὴν ἐξουσίαν, τὸ ἀγαθὸν ποιεῖ· καὶ ἔξεις ἑπαινον ἐξ αὐτῆς. 4 Θεοῦ γὰρ διάκονός ἐστὶ σοι εἰς τὸ ἀγαθόν. Ἐὰν δὲ τὸ κακὸν ποιῇς, φοβοῦ· οὐ γὰρ εἰκὴ τὴν μάχαιραν φορεῖ. Θεοῦ γὰρ διάκονός ἐστιν, ἐκδικος εἰς ὀργήν ^{b)} τῷ τὸ κακὸν πράσσοντι.

Paraphrasis. Nempe magistratus metuendus non est bonis sed malis. Quodsi vis non metuere magistratum, bonus esto, et laudabit te. Dei, inquam, minister est magistratus in tuum constitutus bonum, si tu vis esse bonus; si verò malè agas, est cur timeas; neque enim gladium portat sine causâ, sed ut eo utatur eumque stringat in malefactores; Dei enim minister est et vindex ad pœnam infligendam malefactoribus.

VARIANS LECTIO.

a) Pro τῶν ἀγαθῶν ἔργων, ἀλλὰ τῶν κακῶν legitur τῶ ἀγαθῶ ἔργῳ ἀλλὰ τῷ κακῷ in Codd. ABD*FG, item in antiquis nonnullis versionibus, ut et apud Patres nonnullos tam Græcos quam Latinos; et hanc lectionem alteri prætulerim, cum quòd testium numero et gravitate præstat, tum etiam quòd difficilior est alterâ et hæc glossema redolet.

b) Voces istæ, εἰς ὀργήν, absunt a Codd. D*FG; quod tribuerim correctioni librariorum qui quum notio dictionis εἰς ὀργήν jam contineretur antegressâ voce ἐκδικος, illud εἰς ὀργήν redundare existimaverint, non animadvertentes voci ἐκδικος additum fuisse εἰς ὀργήν ob antegressum εἰς ἀγαθόν, idque antitheseos causâ.

γ. 3—4. *Nam principes non sunt timori boni operis, sed mali; cet.)* Nova heic ratio (γὰρ) adducitur cur fas sit præstare civilibus magistratibus obedientiam; et petita illa ratio est *a fine ob quem* divinitus instituti sunt magistratus; qui finis est, publico prospicere bono; quare nefas sit negare illis obedientiam. *Nam*

magistratus, inquit, metuendus non est bonis sed malis. Quodsi (δε) vis non metuere magistratum (την εξουσίαν), bonus esto, et laudabit te. Dei, inquam (γὰρ), minister est magistratus in tuum (σοι εἰς τὸ ἀγαθόν) constitutus bonum ¹⁾, si tu vis esse bonus; si verò malè agas, est cur timeas; neque enim gladium portat sine causâ, sed ut eo utatur eumque stringat in malefactores; Dei enim minister est et vindex (ἐκδικὸς) ad pœnam infligendam (εἰς ὀργήν) malefactoribus.

In dictione οὐκ εἰσι φόβος, quæ valet οὐκ εἰσι φοβεροί, abstractum positum est pro concreto. Simili modo, quod notat ΚΥΡΚΙΟΥS (ad h. l.), MENANDER (apud STOBÆUM Serim. 71. p. 431) dixit: ἐστὶ δε γυνή λεγούσα χρηστὴ ὑπερβαλλὼν φόβος, mulier verbis benigna maxime timenda est.—Per quamdam prosopopœiam dictum est ibi τῷ ἀγαθῷ ἐργῷ ἀλλὰ τῷ κακῷ pro τῷ ἀγαθὸν ἐργὸν ἀλλὰ τὸ κακὸν ποιοῦντι. Ut prosopopœiam ibi adesse putemus, suadet conjuncta vox φόβος; metus enim non cadit in opera sed in operantes. Εξ αὐτῆς scil. ἐξουσίας. Particula γὰρ (γ. 4) non infert rationem antegressæ sententiæ (habebis laudem ex illâ), sed confirmat superiorem illam qua dictum fuerat (γ. 3), magistratum non esse timendum bene operanti. Μαχαίρα, gladius, signum est juris vitæ ac necis; quod divinum est jus, non humanum: Ὀργή ira, per Metonymiam de pœna dicitur.»

γ. 5—7. Ideo necessitate subditi estote non solum propter iram, sed etiam propter conscientiam. ⁶ Ideo enim et tributa præstatis: ministri enim Dei sunt, in hoc ipsum servientes. ⁷ Reddite ergo omnibus debita: cui tributum, tributum: cui vectigal, vectigal: cui timorem, timorem: cui honorem, honorem.

γ. 5—7. Διὸ ἀνάγκη ὑποτάσσεσθαι ^{a)}, οὐ μόνον διὰ τὴν ὀργήν, ἀλλὰ καὶ διὰ τὴν συνείδησιν. ⁶ Διὰ τοῦτο γὰρ καὶ φόρους τελεῖτε· λειτουργοὶ γὰρ Θεοῦ εἰσιν, εἰς αὐτὸ τοῦτο προσκαρτεροῦντες. ⁷ Ἀπόδοτε οὖν ^{b)} πᾶσι τὰς ὀφειλάς· τῷ τὸν φόρον, τὸν φόρον· τῷ τὸ τέλος, τὸ τέλος· τῷ τὸν φόβον, τὸν φόβον· τῷ τὴν τιμὴν, τὴν τιμὴν.

Paraphrasis. Igitur necesse est subijcere sese magistratibus, idque non solum propter evitandam pœnam quam irrogare possunt refractariis, verum etiam ut satisficiamus conscientiæ nostræ dictanti obediendum esse divinæ voluntati. Nam ideo etiam debetis, sicut facitis, pendere illis tributa tamquam Dei ministris. Sunt enim vero Dei ministri, ipsum hoc officium, ut scilicet publico civium bono consulendo Deo ministrent, assiduò curantes. Reddite ergo magistratibus, quod cuique debetur: tributum poscenti, pendite tributum; vectigal exigenti solvite vectigal; reverentiam sui requirenti exhibete reverentiam; honorem postulanti date honorem.

(1) 1 Tim. II. 1: ut quietam et tranquillam vitam agamus.

VARIANS LECTIO.

a) Pro ἀναγκῇ ὑποτασσεσθαι legitur simpliciter ὑποτασσεσθε in Codd. DEFG, quam lectionem exhibent quoque antiqua Itala et S. *Irenæus*; et fieri potest ut hæc lectio genuinam referat PAULI scripturam. Quo casu dicendum sit lectionem ἀναγκῇ ὑποτασσεσθαι natam esse ex glossemate quod deinceps pro germana lectione ὑποτασσεσθε in textum fuerit admissum. Auctor Vulgatæ videtur legisse ἀναγκῇ ὑποτασσεσθε *necessitate subditi estote*; sed istiusmodi lectio nullos fere testes habet, imo nec congruit contextæ illius versiculi orationi.

b) Vocula συν abest a Codd. ABD.

γ. 5. *Ideò necessitate subditi estote non solum propter iram, sed etiam propter conscientiam.*) Est heic collectio (διὸ) ex tota (ψ. 1—4) antegressâ oratione in qua duo dixerat: *unum*, divinæ originis esse civilem potestatem et qui ea præditi sint magistratus, Dei esse ministros; *alterum*, eosdem constitutos quoque esse ad infligendas pœnas iis qui edictis illorum non obtemperent et malè agant. Itaque concludit (διὸ) esse *necessitatem* ethicam subjiçiendi se (ἀναγκῇ ὑποτασσεσθαι Med.) magistratuûm imperio non solum *propter evitandam pœnam* (δια τὴν ὀργὴν) et præsentem ultionem quam irrogare possunt refractariis, verum etiam (quum hæc sit Dei voluntas ut illorum imperio nos subijciamus) *propter conscientiam* (δια τὴν συνειδησιν), hoc est, ut satisfaciamus conscientiæ dictanti obediendum esse divinæ voluntati.

γ. 6. *Ideò enim et tributa præstatis; ministri enim Dei sunt, in hoc ipsum servientes.*) Dicit in Indicativo, *præstatis* (τελεῖτε¹) *tributa*, significans id quod *feri debet* per id quod *fit*. Obligationem autem tributa pendendi principibus Apostolus inde repetit, quòd sint λειτουργοι, ministri Dei.—Præsens versiculus cum antegresso cohæret hac ratione: *Nam ideò* (quia nempe principibus subditi esse debetis propter conscientiam) *ideò etiam* (καὶ) *debetis*, sicut facitis, pendere illis tributa tamquam Dei ministris; *ministri enim Dei sunt principes*, ipsum hoc officium (εἰς αὐτοῦ τοῦτο), ut scilicet publico civium bono consulendo Deo inserviant, *assiduò curantes*. Λειτουργοι γὰρ Θεοῦ εἰσιν scil. οἱ ἀρχοντες, ex ψ. 3 supplendum. Προσκαρτερεῖν

(1) Prohibet antegressum γὰρ quominus τελεῖτε pro Imperativo habeas,

quod construi solet cum Dativo, hic structum est cum Præpositione εἰς. Mutata heic structura videtur perspicuitatis causâ; nam αὐτῷ τουτῷ si scripsisset Apostolus, referri illud potuisset ad antegressum Θεοῦ.

γ. 7. *Reddite ergo omnibus debita: cui tributum, tributum, cet.*) Ex præmissis (γ. 1—7) rationibus jam *concludit* (οὖν) Apostolus: *Reddite ergo*, inquit, *omnibus* (puta, omnibus iis qui publica aliqua potestate præditi sunt; nam de his solum sermo fuerat ¹), *ea quæ ipsis debentur* (τὰς οφειλάς): *tributum poscenti* (τῷ το τέλος scil. απαιτοῦντι ²) *pendite tributum* (το τέλος scil. αποδοτε); *vectigal exigenti solvite vectigal; reverentiam sui requirenti, exhibete reverentiam; honorem postulanti date honorem*. Si Apostolus pro Articulo τῷ scripsisset Relativum ὃ, forma orationis hæc foret: *cui tributum debetis* (ὃ τον φορον scil. οφειλετε, quod sumendum sit ex antegresso οφειλάς), *tributum pendite; cui vectigal debetis, vectigal solvite*, et sic porro.—Ὁ φόρος et το τέλος hoc differunt, quod φόρος tributum solvitur pro capite aut fundis, τέλος vectigal pro mercibus aut importandis aut exportandis.

γ. 8—10. Nemini quidquam debeatis: nisi ut invicem diligatis: qui enim diligit proximum, legem implevit. ⁹ Nam: Non adulterabis: Non occides: Non furaberis: Non falsum testimonium dices: Non concupisces: et si quod est aliud mandatum, in hoc verbo instauratur: Diliges proximum tuum sicut teip-

γ. 8—10. Μηδενὶ μηδὲν ὀφείλετε, εἰ μὴ τὸ ἀγαπᾶν ἀλλήλους· ὁ γὰρ ἀγαπῶν τὸν ἑτερον, νόμον πεπλήρωκε. ⁹ Τὸ γάρ· Οὐ μοιχεύσεις· Οὐ φονεύσεις· Οὐ κλέψεις· Οὐ ψευδομαρτυρήσεις ^{a)}· Οὐκ ἐπιθυμήσεις· καὶ εἴ τις ἑτέρα ἐντολὴ, ἐν τούτῳ τῷ λόγῳ ἀνακεφαλαιοῦται, ἐν τῷ· Ἀγαπήσεις τὸν

Paraphrasis. Nemini quidquam debeatis nisi debitum mutui amoris, ut quo debito numquam non estis adstricti; nam Decalogi lex, qua numquam non tenemini, ad dilectionem proximi revocatur universa, et qui proximum diligit, legem implevit. Nam præcepta ista, *Non adulterabis, Non occides, Non furaberis, Non falsum testimonium dices, Non concupisces*, et quodcumque præterea est præceptum proximum respiciens, omnia hæc summam

(1) Falsò ESTIUS: « omnibus, id est, tam principibus quam aliis quibuscumque.»

(2) Vox απαιτοῦντι requirenti ad singula membra

hujus partis mente supplenda sumi debet ex αποδοτε, quæ ipsa quoque vox ad singula illa membra pariter supplenda est απο του κοινου.

sum. ¹⁰ Dilectio proximi malum non operatur. Plenitudo ergo legis est dilectio. ¹¹ Et hoc scientes tempus : quia hora est jam nos de somno surgere. Nunc enim propior est nostra salus , quam cum credidimus.

πλησίον σου ὡς ἑαυτόν.

¹⁰ Ἡ ἀγάπη τοῦ πλησίον κακὸν οὐ κατεργάζεται. πλήρωμα οὖν νόμου ἡ ἀγάπη. ¹¹ Καὶ τοῦτο , εἰδότες τὸν καιρὸν , ὅτι ὥρα ἡμᾶς ἤδη ἐξ ὕπνου ἐγερθῆναι. νῦν ^{b)} ἐγγύτερον ἡμῶν ἡ σωτηρία , ἢ ὅτε ἐπιστεύσαμεν.

comprehenduntur unico hoc mandato : *Diligito proximum tuum sicut teipsum*. Qui proximum diligit , is nihil mali illi infert ; ergo adimpletio legis in dilectione proximi posita tota est. Et tanto magis hoc facite , quia nostis quale sit quod nunc agitis vitæ vestræ tempus , quod scilicet jam nunc adsit hora ex spiritali nostro somno expergiscendi ; nunc enim , postquam jam magna vitæ pars in Evangelicæ fidei professione nobis præteriit , propius a perfecta salute absumus quam quo tempore primum facti sumus Christiani.

VARIANS LECTIO.

a) Voces *εν ψευδομαρτυρησις* non leguntur in Codd. ABDEFGJ. Ceterum quæ hic recensentur Decalogi præcepta non eodem ordine in omnibus Codicibus recensita leguntur.

b) Post *νυν* est *γαρ* Particula in plerisque Codicibus.

ŷ. 8—9. *Nemini quidquam debeatis , nisi ut invicem diligatis.*) A præcepto reddendi magistratibus quod ipsis *debetur* , Apostolus , sumptâ occasione ex voce *debiti* , transit ad commendandam charitatem , cujus *debitum* ut maxime solvatur , usque tamen manet solvendum. « *Nemini* , inquit , (nemini , non solum non magistratibus , sed omninò nemini hominum) *quidquam debeatis* (*οφειλετε* ¹), *nisi debitum mutui amoris* , quo debito numquam non estis adstricti ; nam Decalogi lex ²⁾ , qua numquam non tenemini , ad dilec-

(1) *Οφειλετε* in Imperativo ; si Indicativum voluisset Apostolus , scripsisset non *μηδενι μηδεν* , sed *ουδενι ουδεν*. Cf. WIN. 1. 60.

(2) Decalogum cogita quod attinet ad secundæ tabulæ præcepta.

tionem proximi revocatur universa, et qui proximum diligit, legem implevit. Nam praecepta ista; *Non adulterabis, Non occides, Non furaberis, Non falsum testimonium dices, Non concupisces, et quodcumque praelerea est praeceptum proximum respiciens, omnia haec summatim comprehenduntur unico hoc mandato: Diligito proximum tuum sicut te ipsum.*

Implevit (πεπληρώκε), in Præterito; rectè; nam qui amat proximum, eo ipso quod amat, jam implevit legem; nam dum amat proximum, hunc nec occidit, nec furtum illi facit, nec omnino injuriâ aliquâ eundem afficit. *Νομον* scribi poterat absque Articulo, quamquam de *Mosaicâ* lege agitur; vide supra ad Cap. VIII γ. 6. Græci Articulum præponunt etiam recitandis integris sententiis; quod hic (γ. 9) factum est bis; semel dum ait: τὸ γὰρ. *Οὐ μοιχεύσεις*, cet., et iterum paulò infra ubi dicit: ἐν τῷ. *Ἀγαπήσεις*, cet. *Καὶ εἰ τις ἕτερά ἐντολὴ* scil. *ἐστὶ*, et si quod aliud mandatum est, puta in Decalogo, quâ parte agitur de officiis erga proximum. — *Ἀνακεφαλαιοῦν* (q. d. *recapitulare*) hic valet in summam redigere, aut quod Galli dicunt *résumer*. Atque ipsam hanc notionem instaurare verbo auctor Vulgatæ hoc loco forsitan tribuit. Nota *ἑαυτὸν* Pronomen ibi construi cum verbo secundæ personæ, sicut Joh. XVIII. 35; de qua structura videsis WINERUM §. 22. 5. Ceterum quod dicitur *diliges proximum tuum sicut te ipsum*, eo non exigitur amor æqualis sed similis.

γ. 10. *Dilectio proximi malum non operatur; plenitudo ergo legis est dilectio.*) Superiorem argumentationem (γ. 8—9) qua probaverat, impletam esse legem ab eo qui proximum diligit, Apostolus hic paucioribus verbis replicat dicens: *Qui proximum diligit, is nihil mali illi infert*; atqui nihil mali inferre proximo, est hoc ipsum totum quod Lex universa præcipit; ergo *Legis adimpletio posita est in dilectione proximi*, et qui proximum diligit, is jam legem implevit. — *Ἡ ἀγάπη* vox, quæ bis hoc versu legitur, priori loco per Prosopopoeiam pro ipso amante dicitur. *Πληρωμα* vocabulum, quod frequentius passivè significat, hoc loco activo sensu sumitur, valetque impletio²⁾.

γ. 11. *Et hoc, scientes tempus, quia hora est jam nos de somno surgere.)* Antegressum (γ. 8—11) de mutua dilectione praeceptum Apostolus corroborat

(1) S. CHRYS. Hom. 1. in Ep. ad Ephes. (apud SUICER. ad h. v.): Παρ' ἡμῶν καὶ ἐν συνήθειᾳ ἀνακεφαλαιωσὶς λέγεται, τὸ διὰ μακρῶν λεγόμενα εἰς βραχὺ συστελλῆναι, καὶ πάντα τὰ διὰ πολλῶν λεγόμενα συντομῶς εἰπεῖν. h. e. Apud nos et in communi consuetudine ἀνακεφαλαιωσὶς dicitur, quæ prolixe dicta sunt in

breve contrahere, et pluribus dicta compendiose dicere.

(2) De varia notione vocis *πληρωμα* disputavit FRITSCHTUS ad Rom. XI. 12.

(*και τουτο*), ratione ductâ a temporis convenientia, ut quæ illius præcepti adimpletionem postulet. *Και τουτο* (*idque*), pro quo scriptores bene Græci dicere solent *και ταυτα*, valet *præsertim*. Pro *και τουτο* Apostolus hoc loco ex æquo scribere potuisset *και τοσουτω μαλλον*, *et tanto magis*, ut fecit in loco parallelo (Hebr. X. 25) illo: *και τοσουτω μαλλον*, *ὅσω βλέπετε ἐγγιζουσας την ἡμεραν*. Participium *ειδοτες* laxo modo pendet ab antegresso *οφειλετε* (ψ. 8). Verba illa *ειδοτες τον καιρον* explicantur per epexegetica ista: *ὅτι ὥρα ἡμας ἡδη ἐξ ὑπνου ἐγερθηναι*. Itaque, quod hoc loco dicit Paulus, tale est: *Et quod hic præcipio (οφειλετε, ψ. 8), hoc facite eo magis (και τουτο), quia nostis (ειδοτες) quale sit quod nunc agitis vitæ vestræ tempus (τον καιρον qualitativè), quod scilicet (ὅτι epexegeticum) jam nunc adsit hora ex somno nostro expergiscendi (ὅτι ὥρα ἡμας ἡδη ἐξ ὑπνου ἐγερθηναι); nunc temporis enim, postquam jam magna vitæ pars nobis in Evangelicæ fidei professione præterit, propius a nobis (ἐγγυτερον ἡμῶν) abest perfecta salus (ἡ σωτηρια) quam quo tempore primum facti sumus Christiani (ἢ ὅτε ἐπιστευσάμεν).*

Non defuerint inter Romanos Christianos qui temporis progressu, uti fit, de pristino pietatis et bonorum operum studio aliquid remisissent; quorum socordiam oblique hic arguit Apostolus, vocans illam *ὑπνον* *somnum* quemdam spirituales nunc certe excutiendum, quandoquidem deceat tanto majori alacritate vitæ sanctioris cursui insistere, quanto propius absumus a pertingendâ metâ ¹⁾.—*Εγγυτερον*, Neutrum Comparativi adverbialiter adhibitum. Pronomen *ἡμῶν* ab *ἐγγυτερον* pendet, non verò ab *ἡ σωτηρια*, *salus*. *Ἡ σωτηρια*, perfecta, absoluta salus intelligitur, æterna felicitas, sicut Philipp. 1. 28 et Hebr. 1. 14.

(1) S. Cyprius. Hom. XXIV in Ep. ad Rom. *Ἐπειδὴ εἰκος ἦν αὐτοὺς ἐν μὲν ἀρχῇ καὶ προσιμίοις σπουδαιοτέροις εἶναι, . . . τοῦ χρόνου δὲ προσελθόντος καταμαρῶσθαι τὴν πᾶσαν σπουδὴν, φησὶν ὅτι τοῦναντίον μὲν οὐκ οὐδεὶς ποιεῖν οὐκ ἐκλυεσθαι προϊόντος τοῦ χρόνου, ἀλλὰ μαλλον ἀκμαζειν. Ὅσῳ γὰρ ἂν ὁ βασιλεὺς ἐγγιζῇ, τοσουτῶ μαλλον δεῖ παρασκευασθαι ὅσῳ μαλλον ἐγγὺς το βραβεῖον, τοσουτῶ μαλλον διεγερεῖσθαι χρεὶ πρὸς τοὺς ἀγῶνας· ἐπεὶ καὶ οἱ δρόμοις τοῦτο ποιοῦσιν ὅταν πρὸς τὴν τελειὰν τοῦ δρόμου γίνωνται καὶ τὴν τοῦ βραβεῖον λήψαι, τότε διανίστανται μειζόνως. Διὰ τοῦτο εἶπεν· Νῦν ἐγγυτερον ἡμῶν ἡ σωτηρία, ἢ ὅτε ἐπιστευσάμεν.*

h. e. Quia verisimile erat illos initio studiosiores fuisse . . . tempore vero procedente studium magnum illud emarcuisse, dicit contrarium fieri oportere, non procedente tempore dissolvi, sed potius vigere. Quando enim regis imminet adventus, tum tanto magis sese apparare oportet; quanto propius bravium, tanto magis sese excitare oportet ad certamina. Nam et cursores hoc agunt; cum ad cursûs finem devenerunt et ad bravium accipiendum, tunc magis excitantur. Ideo dixit: *nunc enim propius a nobis abest salus, quam cum credidimus.*

γ. 12—14. Nox præcessit, dies autem appropinquavit. Abjiciamus ergo opera tenebrarum, et induamur arma lucis. ¹³ Sicut in die honestè ambulemus: non in comessionibus, et ebrietatibus, non in cubilibus, et impudiciis, non in contentione, et æmulatione: ¹⁴ sed induimini Dominum Jesum Christum, et carnis curam ne feceritis in desideriiis.

γ. 12—14. Ἡ νύξ προέκοπεν, ἡ δὲ ἡμέρα ἤγγικεν. Ἀποθώμεθα οὖν τὰ ἔργα τοῦ σκοτους, καὶ ἐνδυσώμεθα ^{a)} τὰ ὅπλα τοῦ φωτός. ¹³ Ὡς ἐν ἡμέρᾳ, εὐσχημόνως περιπατήσωμεν· μὴ κώμοις καὶ μέθαις, μὴ κοίταις καὶ ἀσελγείαις, μὴ ἔριδι καὶ ζήλῳ, ¹⁴ ἀλλ' ἐνδύσασθε τὸν Κύριον Ἰησοῦν Χριστόν, καὶ τῆς σαρκὸς πρόνοιαν μὴ ποιεῖσθε εἰς ἐπιθυμίαν.

Paraphrasis. Progressa jam est præsentis vitæ nox, instat verò futuræ vitæ dies. Quum igitur nox jam vergat in diem, deponamus opera tenebrarum, et induamur arma lucis. Quum, inquam, jam illucescat nobis perpetua illa sine nocte dies æternitatis, curemus ut, quemadmodum diurno tempore decoro vestitu indui solemus, ita quoque, illucescente jam nobis illa æternitatis die, vitam agamus honestam, non in luxuriosis conviviis et crapulosis computationibus, non in prohibito concubitu et impudicitia, non in rixis et odio, sed JESUM CHRISTUM imitemini, mores illius vobis veluti induentes, et carnem vestram ne curetis ita ut eam ad libidinem provocetis et lasciviatis.

VARIANS LECTIO.

a) Pro καὶ ἐνδυσώμεθα est ἐνδυσώμεθα δε in Codd. ABC'D'E. Ambigi potest utra lectio præferenda sit. Prætulerim tamen καὶ ἐνδυσώμεθα. Sed rationes meas exponere supersedeo, quia res non tanti est.

γ. 12. Nox præcessit, dies autem appropinquavit. Abjiciamus ergo, cct.) Antegressæ adhortationi (γ. 8—12) quæ specialis erat heic additur generalior ad agendam

vitam [sobriam], castam, ob omni luxuria et turpi libidine remotam. Pro *præcessit*, quod Vulgata nunc exhibet, antiquitus forsitan legebatur *processit*¹⁾; nonnulli certe Latini *processit* legerunt; atque ita omnino legendum est, quum Græcè ibi habeatur *προεκοψεν*, nullâ lectionis varietate. Taceo, versionem Vulgatæ nonnihil habere offensionis; nam si ponas *præcessit* ibi significare *præiit*, languida erit sententia, nec ad rem; si verò dicas *præcessit* valere *præteriit*, jam nec omnino vera videatur; nam si nox præteriit, non *appropinquat* dies sed jam *adest*. *Προκοπτειν* dicitur de *procedendo* sive *progediendo* aut *proficiendo*, quo Latino verbo auctor Vulgatæ alias reddere solet vocem *προκοπτειν*. Cf. Luc. II. 52. 2 Tim. II. 16. III. 9. 13. Ergo dicere vult Apostolus: *Nox processit*²⁾ (nocturni temporis pars magna jam effluxit), *dies autem propinqua est*.

Sed quid *nox*, quid *dies* hic intelliguntur? Respondent SS. ATHANASIUS, CHRYSOSTOMUS, BASILIUS, AUGUSTINUS, alii, *noctem* intelligi *præsentem vitam*, huic vero opponi *futuram vitam*, quam Apostolus *diem* vocaverit. Rectè. Igitur sub imagine progressæ jam *noctis* (ἡ νυξ προεκοψεν) et *instantis diei* (ἡ ἡμέρα ἡγγικεν) Romanorum suorum animos Apostolus revocat ad memoriam futuræ vitæ, adeoque etiam, quamquam obliquè, ad memoriam mortis et secuturi post mortem iudicii. Utitur autem hac recordatione ad roborandam (οὖν) quam facturus erat adhortationem ad vitam sobriam castamque agendam. Ergo Apostolus, ad antegressam noctis et lucis imaginem alludens novâque adhibitâ imagine ductâ ab exuendo aut induendo vestes aut arma, sic eosdem adhortatur: *Deponamus* (αποθωμεθα) ergo (οὖν, h. e. quum nox jam vergat in diem) *opera tenebrarum* (opera quæ lucem fugiant, pudenda) et *induemur armaturam lucis* (opera quæ lucem non fugiant sed clara die ostendi possunt sine pudore, honesta).

Αποθωμεθα ab *αποτιθημι*. Auctor Vulgatæ videtur legisse *απωθωμεθα* ab *απωθεομαι* (Med.) *a me repello*. *Εργα του σκοτους*, in Genitivo *objecti*, opera quæ tenebris deputantur. *Όπλα του φωτος* (Genit. *obj.*) *arma*, *armatura* (opera) quæ lucem non fugiant. Et *armaturam* quam *vestimenta lucis* dicere maluerit Apostolus unâ monere volens, ut videtur, militiam quamdam esse vitam Christianam, eamque carere non posse illâ bonorum operum armaturâ contra Satanæ insidias.

γ. 13—14. *Sicut in die, honestè ambulemus; non in comessionibus et ebrietatibus, cet.*) Explicatius repetit antegressum (γ. 12) præceptum. Mentem Apostoli et seriem orationis hisce verbis expresserim: Quum jam illucescat nobis


(1) Conf. ESTIUM ad h. l.

plerumque noctis processit, obscuro etiam tum lumine, milites Jugurthini signo dato castra hostium invadunt.

(2) Confer Sallustianum illud Jugurth. Cap. 21. (apud Fritschium ad h. l.): Ubi

perpetua illa sine nocte dies æternitatis (ἡ δε ἡμερα ηγγικεν γ. 12), curemus ut quemadmodum diurno tempore decro vestitu indui solemus (ὡς εν ἡμερα), ita quoque , illucescente jam nobis illa æternitatis die , *vitam agamus honestam* (ευσχημονως περιπατησωμεν), non in commissationibus (luxuriosis conviviis) et crapulosis computationibus , non in prohibito concubitu et impudicitia , non in rixis et odio , sed JESUM CRISTUM imitemini , mores illius vobis veluti induentes , et carnem vestram ne curetis *ita ut eam ad libidinem provocetis* (εις επιθυμιας) et lasciviatis.

CAPUT DECIMUM QUARTUM.



ARGUMENTUM. *Erant Romæ ex Judæo-Christianis non pauci qui existimarent etiamnum observanda sibi esse ritualia quædam Moysis præcepta ; reliqui verò ibi Christiani præcepta illa tamquam nullam obligationis vim habentia recte negligebant. Sed ea res , uli fit , contentiosas pepererat disputationes ; imo et valde oberat fraternæ fovendæ charitati , quum ii qui illa præcepta non curarent præceptorum illorum observantes despicerent tamquam Evangelicæ libertatis ignaros atque imbecilli animi homines ; hi vero vicissim instructiores illos pro legis transgressoribus haberent. Apostolus igitur huic malo occurrere volens , utrosque ita corripit simul et instituit ut tamen caveat ne in mosaïcorum decretorum observatione rudiores illos obfirmet. Orditur ab hortando instructiores ut rudiores illos benigne et tamquam fratres tractent nec inopportunis disceptationibus aggrediantur ; vicissim autem et rudiores vetat ne fratres suos ob neglecta ciborum et dierum discrimina tamquam improbos condemnent ; et porrò utrosque monet , ut ab invicem judicando abstineant , unum omnes habituri judicem CHRISTUM , cui pro se quisque redditurus sit rationem (1—13). Deinde , converso ad instructiores sermone , his quidem concedit , nullos cibos per se esse immundos , negat tamen utendum esse quævis manducandi licentiâ , sicubi hoc fieri nequeat quin scandalum præbeant rudioribus (13—23).*



γ. 1—4. Infirmum autem in fide assumite, non in disceptationibus cogitationum. ² Alius enim credit se manducare omnia: qui autem infirmus est, olus manducet. ³ Is, qui manducat, non manducantem non spernat: et qui non manducat, manducantem non iudicet: Deus enim illum assumpsit. ⁴ Tu quis es, qui iudicas alienum servum? Domino suo stat, aut cadit: stabit autem: potens est enim Deus statuere illum.

γ. 1—4. Τὸν δὲ ἀσθενούντα τῇ πίστει προσλαμβάνεσθε, μὴ εἰς διακρίσεις διαλογισμῶν. ² Ὃς μὲν πιστεύει φαγεῖν πάντα, ὁ δὲ ἀσθενῶν λάχανα ἐσθίει ^{a)}. ³ Ὁ ἐσθίων, τὸν μὴ ἐσθίοντα μὴ ἐξουθενείτω· καὶ ὁ μὴ ἐσθίων, τὸν ἐσθίοντα μὴ κρίνέτω· ὁ Θεὸς γὰρ αὐτὸν προσελάβετο. ⁴ Σὺ τίς εἶ ὁ κρίνων ἀλλότριον οἰκέτην; τῷ ἰδίῳ κυρίῳ στήκει ἢ πίπτει. Σταθῆσεται δέ· δυνατὸς γὰρ ἐστίν ^{b)} ὁ Θεὸς στηῆσαι αὐτόν.

Paraphrasis. Eum autem, qui necdum habet persuasum, Christianos legibus Moysis ritualibus non teneri, ne arceatis a vestro contubernio sed comiter recipite et benigne tractate; nolite verò præsentiâ illius abuti ad disputandum et dijudicanda cogitata ejus circa abrogationem legum ritualium. Unus quidem persuasum habet licere sibi manducare omnia; alter verò olera tantum manducare audet. Is qui quævis manducat ne spernat eum qui abstinet a cibis Moisaica lege prohibitis; sed hic vicissim ne arguat impietatis eum qui quævis manducat; nam Deus illum inter famulos suos assumpsit. Tu autem quis tandem es tu qui non dubitas condemnare alterius heri famulum, quasi is ex tua sententia quidquam facere aut omittere debeat, et damnabilis sit si secus agat. Non tuo, sed proprii heri sui iudicio aut firmus in suo stat officio famulus, aut in eo labitur. Firmus autem stabit. Ita confido. Potens enim Deus est gratiæ suæ auxilio efficere ut firmus stet.

VARIANS LECTIO.

a) Pro Indicativo ἐσθίει legitur Imperativus ἐσθίετω in Codd. D*FG, quam lectionem Vulgata quoque exhibet. Sed hæc lectio etiam ideo admitti nequit, quod eam vel contexta oratio respuit.

b) Pro δυνατός γὰρ ἐστίν legitur δυνατεῖ γὰρ in Codd. ABCD*FG.

γ. 1. *Infirmum autem in fide assumite, non in disceptationibus cogitationum.*) Fidem in præsenti quæstione Apostolus intelligit *animi persuasionem*¹⁾, *Christianos legibus Moysis ritualibus non teneri*. Vocat autem ibi *ασθενουντα τη πιστει*²⁾, *infirmum fide*, eum qui necdum habeat persuasum, rem ita esse; cui opponitur *δυνατος τη πιστει*, *firmus fide*, is cui hoc persuasissimum sit. Jam quod dicit Apostolus, *τον δε ασθενουντα τη πιστει προσλαμβανεσθε*, *infirmum fide ad vos recipite*, adloquitur *τους δυνατους*, *firmos*, inter quos se ipse quoque adnumerat. Cf. Cap. XV. I. *Προσλαμβανεσθαι τινα* (Med.) *ad se recipere aliquem, comiter tractare*. Cf. Act. XVIII. 26. XXVIII. 2. Philem. γ. 12. 17. Quod autem ibi addit Apostolus, *μη εις διακρίσεις διαλογισμων*, *non ad dijudicationes cogitationum*, eo prohibet ne *infirmum fide* (*τον ασθενουντα τη πιστει*) vexent inopportunis de abrogatione legum ritualium disputationibus. Verbis istis, *μη εις διακρίσεις διαλογισμων*, quum Antithesin contineant, supplendum est conveniens aliquod verbum, quod ex antegresso *προσλαμβανεσθε* sumi debet. Mentem Apostoli hac oratione expresserim: *Eum, qui necdum habet persuasum, Christianos legibus Moysis ritualibus non teneri, ne arceatis a vestro contubernio sed comiter eundem recipite et benigne tractate; nolite verò præsenti à illius abuti ad dijudicandum cogitata (μη εις διακρίσεις διαλογισμων) ejus circa abrogationem legum ritualium.*

Quæri potest, quænam causa sit cur PAULUS in epistola ad Galatas tam acriter invehatur in eos qui ritualia aliqua Moysis præcepta observarent, cum Romanis verò in re simili tam benigne agat. Ad quam quæstionem TOLETUS rectissime ita respondet: « *In epistola ad Galatas, inquit, PAULUS cum illis agit qui Legi virtutem justificandi tribuebant, non autem Evangelio; idcirco dogma hoc tamquam adversarium et destructivum Evangelii evertit; hoc vero loco cum eis agit qui Evangelii virtutem agnoscebant et confitebantur, ceremonias tamen aliquas simul retinebant tamquam a Deo institutas; quod in initio permissum est conversis ex Judæis, quibus non solidus cibus sed lac ministrandum erat propter eorum imbecillitatem et nimium legis zelum ex antiqua consuetudine ab incunabilis imbibitum.* »

γ. 2. *Alius enim credit se manducare omnia; qui autem infirmus est, olus manducet.*) Obscura est hoc loco Vulgata versio, eoque magis quod pro Indicativo *manducat* ibi legitur *manducet*; quam lectionem, ut jam dixi, refellit cum Græcorum Codicum auctoritas, tum etiam ipsa contexta oratio; necdum enim aliquod præceptum dat Apostolus, sed *casum ponit*; præceptum demum dat versu tertio. Sensus est: *Unus quidem (ὅς μὲν) persuasum habet (πιστευει) licere sibi manducare omnia: alter*

(1) Cf. γγ. 2. 22. 23.

(2) Τη πιστει in Dativo respectus.

verò (δε) olera tantum manducat. Sed Apostolus scripsit: unus quidem (ὅς μὲν).... infirmus verò (ὁ δε ασθενων scil. τη πιστει), cetera. Itaque orationem suam variavit; nam cum scripsisset ὅς μὲν, series orationis postulabat ut adderet ὅς δὲ, sicut fecit infra γ. 5 et 1 Cor. XI. 21: ὅς μὲν πεινᾷ, ὅς δὲ μεθύει, unus quidem esurit, alius autem ebrius est. Πιστενεῖ scil. ἐξείναι, licere, qui Infinitivus in istiusmodi oratione reticere potest. Confer LOBECKIUM ad PHRYN. pag. 753. Olera manducat ibi dictum est ad modum exempli, ut sensus sit: Qui persuasum habet, abstinendum etiamnum esse a cibis Mosaicâ lege vetitis, is non quævis manducat, sed tantum vescitur oleribus aliisque cibis lege non prohibitis.

γ. 3. Is qui manducat, non manducantem non spernat; et qui non manducat, manducantem non judicet; Deus enim illum assumpsit.) Nunc porro utrumque, et firmum fide et infirmum, officii sui admonet. Is, inquit, qui non abstinet a cibis Mosaicâ lege vetitis, ne contemnat abstinentem tamquam imbecille caput; et abstinens vicissim ne tamquam improbum condemnet (κρίνεται) non abstinentem; nam (rationem addit ob quam eum condemnare nefas sit) Deus illum (non abstinentem) inter famulos suos assumpsit. Κρίνειν iudicium ferre condemnatorium, ut Cap. II. 1.

γ. 4. Tu quis es qui iudicas alienum servum? Domino suo stat aut cadit: stabit autem; potens est enim Deus illum statuere.) Abstinentem qui non dubitet condemnare non abstinentem Apostolus reprehendit quod audeat damnare servum alterius heri (scil. CHRISTI. Cf. γ. 6. 8. 10). Τῷ ιδίῳ κυρίῳ in Dativo iudicii, ut ἐμοί Philipp. I. 21, et τῷ Θεῷ 2 Cor. X. 4. Stare et cadere in præsenti loco, quemadmodum et 1 Cor. X. 12, ethice dicuntur. Σταθῆσεται Fut. I Passiv. cum notione intransitivâ stabit, sicut Matth. XII. 25. 46. Quod autem dicit Apostolus stabit, est hoc non prædicentis aut affirmantis, sed confidentis.

Mentem Apostoli hisce verbis explicaverim: Tu, quis tandem es tu qui alterius heri famulum condemnare non dubitas, quasi is ex tu a sententia quidquam facere aut omittere debeat, et damnabilis sit si secus agat? Non tuo, sed proprii heri sui iudicio aut firmus in suo stat officio famulus, aut in eo labitur. Firmus autem stabit manducans, quem tu condemnas. Ita confidimus; potens est enim Deus gratiæ suæ auxilio efficere ut firmus stet nec libertate sua ad petulantiam abutatur, id quod tu unâ forte apprehendis. Cf. Gal. Cap. V. 13.

γ. 5—6. Nam alius iudicat diem inter diem: alius autem iudicat omnem diem: unusquisque in suo sensu abundet. ⁶ Qui sapit diem,

γ. 5—6. Ὅς μὲν ^{a)} κρίνει ἡμέραν παρ' ἡμέραν, ὅς δὲ κρίνει πᾶσαν ἡμέραν. ἕκαστος ἐν τῷ ιδίῳ νοῦ

Paraphrasis. Alter quidem diem unum majoris aestimat quam alium diem; alter verò peræque aestimat quemvis diem. Uterque, sive hoc sive illud faciat, plenè persuasum

Domino sapit: Et qui manducat, Domino manducat: gratias enim agit Deo. Et qui non manducat, Domino non manducat, et gratias agit Deo.

πληροφορέισθω. 6 Ὁ φρονῶν τὴν ἡμέραν, Κυρίῳ φρονεῖ· καὶ ὁ μὴ φρονῶν τὴν ἡμέραν, Κυρίῳ οὐ φρονεῖ. b) Καὶ ὁ ἐσθίων, Κυρίῳ ἐσθίει· εὐχαριστεῖ γὰρ τῷ Θεῷ· καὶ ὁ μὴ ἐσθίων, Κυρίῳ οὐκ ἐσθίει, καὶ εὐχαριστεῖ τῷ Θεῷ.

habeat licere sibi facere id quod faciat. Qui certum aliquem diem festum celebrat, in honorem CHRISTI Domini celebrat; et qui certum aliquem diem festum non celebrat, pariter in honorem CHRISTI hoc omittit. Et qui, non servato rituali ciborum discrimine, quævis manducat, in honorem CHRISTI hoc facit; nam manducaturus pro concessis cibis gratias Deo agit: et qui abstinet a cibis rituali lege prohibitis in honorem CHRISTI ab iisdem abstinet, et pariter gratias agit Deo pro concessis cibis illis, quibus vesci non dubitat.

VARIANS LECTIO.

a) Pro: ὅς μεν Codices unciales duo (AC) habent ὅς γαρ, quam lectionem Vulgata quoque exhibet. Sed ambigendum non est quin lectio ὅς μεν genuinam referat PAULI scripturam, tum quia eam lectionem exhibent codices plerique atque præstantiores, tum etiam quia eam postulat contexta oratio. Neque enim versu quinto ratio datur antegressæ sententiæ, sed novus ponitur casus.

b) Pars hæc, καὶ ὁ μὴ φρονῶν τὴν ἡμέραν, Κυρίῳ οὐ φρονεῖ, non legitur in Codd. ABC*DEFG, et pariter abest a Vulgata aliisque nonnullis antiquis versionibus; legitur autem in Codd. C***J ut et in antiquis versionibus quatuor. Sed orationis series illam partem omninò requirere videtur. Etenim quum de ciborum discrimine observato aut neglecto PAULUS pergat dicere, καὶ ὁ ἐσθίων, Κυρίῳ οὐκ ἐσθίει· καὶ ὁ μὴ ἐσθίων, Κυρίῳ οὐκ ἐσθίει, non omiserit in assignando dierum discrimine pari modo suam conformare orationem, adeoque dicere, ὁ φρονῶν τὴν ἡμέραν, Κυρίῳ φρονεῖ· καὶ ὁ μὴ φρονῶν τὴν ἡμέραν, Κυρίῳ οὐ φρονεῖ. Itaque existimaverim omissionem hanc tribuendam esse librariis, quorum oculos fefellerit similis vocabulorum series bis ibi occurrens (Κυρίῳ φρονεῖ· καὶ ὁ et Κυρίῳ οὐ φρονεῖ· καὶ ὁ). Attamen perquam mirandum est, partem illam a tot Codicibus abesse,

γ. 5. Nam unus iudicat diem inter diem: alius autem iudicat omnem diem.) Græce non est nam unus (ὁ γαρ), sed ὅς μεν, unus quidem, cui mox res-

pondet ὅς δε, alter verò. — Alterum hic datur exemplum idque ad Mosaicum discrimen dierum pertinens; qua in re pariter ac in Mosaico ciborum discrimine *infirmus fide* (ὁ ἀσθενὼν τῇ πίστει) a *firmitate* et robusto dissentiret. *Alter quidem*, inquit, *diem unum æstimat præ alio die*; *alter vero peræque æstimat quemvis diem*. Uter rectius agat, in medio relinquit Apostolus, sed hoc monet, ut scilicet, sive hoc sive illud quis faciat, plene persuasum habeat licere sibi facere id quod faciat; ut ne quid agat contra dictamen suæ conscientiæ. Nam hoc significant verba illa: *ἐκαστος ἐν τῷ ἰδίῳ νοῦ πληροφορεῖσθω*; quæ verba non satis recte in Vulgata reddita sunt, *unusquisque in suo sensu abundet*. Nimirum *πληροφορεῖσθαι* est *plenus fieri*, quod eximiè dicitur *de eo qui rem quampiam habet conpertissimam*, qui veluti *repletus est* rei cuiuspiam persuasione. Nec aliter ipse Vulgatæ auctor *πληροφορεῖσθαι* verbum supra (Cap. IV. 21) reddiderat. In dictione *κρίνει ἡμέραν παρ' ἡμέραν* (verbotenùs: *judicat diem unum ultra (παρὰ) alium diem*), *παρὰ* Præpositio valet *præ*, sicut Luc. XIII. 2¹). Quod rectè jam viderat Syrus interpretes; nam reddidit: *ἔστις ὁ κρίνων τὴν ἡμέραν παρὰ τὴν ἡμέραν, ὁ κρίνων τὴν ἡμέραν παρὰ τὴν ἡμέραν*. hoc est: *Est qui judicat diem præ die, et est qui judicat omnes dies*. Est autem *judicare unum quid præ alio*, in præsentī quidem re, *majoris æstimare unum quam aliud*; et jam quod insequitur *κρίνει πᾶσα ἡμέραν*, propter contextam orationem recte reddideris: *quemvis diem (peræque) æstimat (κρίνει)*. Sensum præsentis loci recte Estius hisce verbis explicat: « Qui fide adhuc infirmus est, diem cum die comparat et inter eos discernit; dierum facit discrimen, alium præ alio eligens, dum sabbata, neomenias et alia festa secundum Legem observat..... Qui autem firmior fide est.... peræque æstimat omnem diem. » Idem opportunè addit: « Ceterum, *inquit*, ex data jam interpretatione, quæ, quod ad summam rei pertinet, omnium commentatorum est, atque ex ipsius Apostoli scopo liquet, quam pravè ea quæ hic dicuntur, detorqueant hæretici contra certorum dierum jejunia, quorundam ciborum abstinentias, ac festorum dierum observationem lege vel consuetudine in Ecclesia præscriptam; cum utique constet Apostolum loqui de discrimine ciborum ac dierum observato ab iis qui ex Judæis Christiani facti, legi Mosaicæ ac pristinis observantiis adhuc tenacius inhærerent. Nam quod ad Ecclesiæ leges attinet, dubium esse non debet, quin illæ ut justam habent obligandi rationem pro tempore novæ legis, ita verè et in conscientia filios Ecclesiæ obligatos teneant. »

γ. 6. *Qui sapit diem, Domino sapit; cet.)* Mens Apostoli est dicere: *Is qui ciborum et dierum discrimina observat, et is qui ea non observat, uterque quod facit, in honorem CHRISTI Domini facit*. Sed dum dicit Apostolus quid utrinque fiat, præsumens scilicet rem ita habere, unà monet ut ita *reapse* utrinque fiat. Et quod hoc

(1) Confer illud DEMOSTHENIS (De Cor. 52): *σῶτρα ἡμῶν μικρὸν ὥς οὐδὲν*.

παρ' οὐδὲν ἡγουμένου τὰς ἡμετέρας συνθηκὰς, æstimans

monere potissimum voluerit, id quidem patet ex iis quæ statim (ϣϣ. 7—9) ibi addit ut doceat, in honorem Domini facienda esse omnia.

Φρονεῖν, *studere, operam dare alicui rei* (Philipp. III, 19) in præsentī re valet παρατηρεῖσθαι, *observare, (celebrare)*, quo verbo Apostolus de eadem re loquens usus est in epistola ad Galatas Cap. IV. 10. Scripsit τὴν ἡμέραν, cum Articulo, cogitans certum aliquem diem festum ex festis diebus cultūs levitici. Κυρίῳ in hoc versu ubivis est Dativus commodi, valetque in honorem Domini.


Sensum præsentis versiculi hac oratione exposuerim: Qui certum aliquem diem festum celebrat, in honorem CHRISTI Domini celebrat; et qui certum aliquem diem festum non celebrat, pariter in honorem CHRISTI hoc omittit. Et qui non servato rituali ciborum discrimine, quævis manducat (ὁ ἐσθίων), in honorem CHRISTI hoc facit (Κυρίῳ ἐσθίει); nam manducaturus pro concessis cibis gratias Deo agit (εὐχαριστεῖ γὰρ τῷ Θεῷ); et qui abstinet a cibis rituali lege prohibitis (ὁ μὴ ἐσθίων), in honorem CHRISTI ab iisdem abstinet (Κυρίῳ οὐκ ἐσθίει), et pariter gratias agit Deo pro concessis cibis illis, quibus vesci non dubitat. Quod uterque Deo gratias agat, argumento est utrumque id quod facit in honorem CHRISTI Domini facere.

ϣ. 7—9. Nemo enim nostrum sibi vivit, et nemo sibi moritur. 8 Sive enim vivimus, Domino vivimus: sive morimur, Domino morimur. Sive ergo vivimus, sive morimur, Domini sumus. 9 In hoc enim Christus mortuus est, et resurrexit: ut et mortuorum et vivorum dominetur.

ϣ. 7—9. Οὐδεὶς γὰρ ἡμῶν ἐαυτῷ ζῇ, καὶ οὐδεὶς ἐαυτῷ ἀποθνήσκει. 8 Ἐάν τε γὰρ ζῶμεν, τῷ Κυρίῳ ζῶμεν· ἐάν τε ἀποθνήσκωμεν, τῷ Κυρίῳ ἀποθνήσκομεν. Ἐάν τε οὖν ζῶμεν, ἐάν τε ἀποθνήσκωμεν, τοῦ Κυρίου ἐσμέν. 9 Εἰς τοῦτο γὰρ Χριστὸς καὶ ἀπέθανε καὶ ἀνέστη καὶ ἀνέζησεν ^{a)}, ἵνα καὶ νεκρῶν καὶ ζώντων κυριεύσῃ.

Paraphrasis. Neque enim quisquam nostrum, qui Christiani sumus, quasi sui-met ipse finis sit, aut vitam agit ut sibi vivat, aut mortem subit ut post mortem sui sit juris; nam si vivimus Domino vivimus; si morimur, Domino morimur, ut scilicet etiam post mortem ab ipso pendeamus simulque ipsius. Sive ergo vitam agamus, sive mortem subeamus, Domini sumus. In hunc enim finem CHRISTUS mortem oppetivit et revixit, ut dominium exerceret in humanum genus universum.

VARIANS LECTIO.



a) Magna est hoc loco lectionis varietas, sed in re nullius momenti. Testibus omnibus auditis, judicaverim genuinam lectionem esse hanc: εἰς τοῦτο γὰρ Χριστὸς ἀπέθανε καὶ ἐζησεν, ἵνα καὶ cet.

γ. 7—9. *Nemo enim nostrum sibi vivit, et nemo sibi moritur; cet.)* Probat (γαρ) heic (γ. 7—10) Apostolus id quod in antegresso versu sexto obliquè monuerat, scilicet, Christiano nihil non faciendum esse in honorem CHRISTI. Probat autem ex eo quòd Christianus non sit homo *liber* et sui juris, sed CHRISTI *servus*, quum ab ipso sanguinis sui pretio sit redemptus atque ita in ipsius redactus potestatem. Confer illud posterioris epistolæ ad Corinthios (Cap. V. 15): *Pro omnibus mortuus est Christus; ut et qui vivunt jam non sibi vivant, sed ei qui pro ipsis mortuus est et resurrexit.* Item illud prioris (Cap. VI. 19, seq.): *Non estis vestri; empti enim estis pretio magno.* Quod autem in præsentī loco dicit Apostolus, tale est: *Neque enim, inquit, quisquam nostrum, qui Christiani sumus, quasi suimet ipse finis sit, aut vitam agit ut sibi (ἐαυτῷ Dativ. Commodi) vivat, aut mortem subit ut post mortem sui sit juris; nam si vivimus, Domino (τῷ Κυρίῳ, in Dativo commodi: pour le Seigneur) vivimus; si morimur, Domino morimur, ut scilicet etiam post mortem ab ipso pendeamus simulque ipsius. Sive ergo vitam agamus, sive mortem subeamus, Domini (Κυρίου Genitiv. possessoris) sumus (nous appartenons au Seigneur). In hunc enim finem ¹⁾ (εἰς τοῦτο) CHRISTUS mortem appetivit et revixit, ut dominium exerceret in humanum genus universum.* Confer quæ notavimus supra ad Cap. IV. 25, et ad Philipp. II. 8, sqq. Matth. XXVIII. 18.

γ. 10—13. Tu autem quid iudicas fratrem tuum? aut tu quare spernis fratrem tuum? Omnes enim stabimus ante tribunal Christi. ¹¹ scriptum est enim: Vivo ego, dicit Dominus, quoniam mihi flectetur omne genu: et

γ. 10—13. Σὺ δὲ τί κρίνεις τὸν ἀδελφόν σου; ἢ καὶ σὺ τί ἐξουθενεῖς τὸν ἀδελφόν σου; πάντες γὰρ παραστησόμεθα τῷ βήματι τοῦ Χριστοῦ. ¹¹ Γέγραπται γάρ· Ζῶ ἐγὼ, λέγει Κύριος, ὅτι ἐμοὶ κάμψει πᾶν γόνυ, ἐπουρα-

Paraphrasis. Tu verò cur temere iudicas fratrem tuum? Aut etiam tu cur contemnis fratrem tuum? Neque enim constituti sumus alii aliorum iudices, sed ex æquo omnes iudicandi sumus a CHRISTO, qui solus omnium iudex constitutus est. Scriptum est enim: *Per vitam meam affirmo, dicit Domi-*

(1) Puta, in hunc quoque finem. « Loquitur autem PAULUS, ut ad hunc locum monet TOLETUS, de CHRISTO ratione humanitatis; ut enim homo est, dominus est dominio particulari, quia homines suo sanguine redemit. Advertendum est autem verbum PAULI dominetur; aliud enim est dominari, aliud dominum esse; nam dominus est per potestatem, dominatur autem per potestatis exer-

citium. Dominus quidem erat etiam ut homo, propter unionem hypostaticam, etiam ante mortem;... tamen non dominatus est plene, nec exercuit potestatem dominii, nisi post mortem et resurrectionem, post quas dixit: *Data est mihi omnis potestas in cælo et in terra*, nimirum quantum ad exercitium.»

omnis lingua confitebitur Deo. ¹² Itaque unusquisque nostrum pro se rationem reddet Deo. ¹³ Non ergo amplius invicem judicemus : sed hoc judicate magis , ne ponatis offendiculum fratri , vel scandalum.

ίνων , καὶ ἐπιγείων , καὶ καταχθονίων ^{a)} , καὶ πᾶσα γλῶσσα ἐξομολογήσεται τῷ Θεῷ. ¹² Ἄρα οὖν ἕκαστος ἡμῶν περὶ ἑαυτοῦ λόγον δώσει τῷ Θεῷ. ¹³ Μηκέτι οὖν ἀλλήλους κρίνωμεν· ἀλλὰ τοῦτο κρίνατε· μᾶλλον, τὸ μὴ τιθέναι πρόσκομμα τῷ ἀδελφῷ ἢ σκάνδαλον.

nus, quod mihi genua flectent homines omnes, omnesque Dominum me agnoscent. Quum ergo unusquisque nostrum pro se de suis actibus redditurus sit rationem Deo, ipsi relinquamus exercendum judicium, nos autem deinceps a judicando abstineamus. Sed hoc nobis decretum esto : cavere ne intempestivo nostræ libertatis usu occasionem peccandi fratri præbeamus.

VARIANS LECTIO.

a) Verba ista ἐπουρανίων, ἐπιγείων καὶ καταχθονίων, quæ in nonnullis Codicibus Minusculis hoc loco leguntur, glossema sunt ex Philipp. II. ψ. 10.

ψ. 10. *Tu autem quid judicas fratrem tuum? Aut tu quare spernis fratrem tuum?* Omnes enim, cet,) Redit Apostolus eò unde digressus erat docens (ψ. 3), non sibi arrogandum esse judicium in alienum servum. Redit autem non veluti ex abrupto, sed ita ut præsentem sermonem cum proxime antegresso connectat. Nexus verò talis est : in versu proxime antegresso (ψ. 9) docuerat CHRISTO in omnes homines competere dominium ; si dominium, ergo et judicium in omnes homines exercendum. Itaque CHRISTO judici opponit (δε) hominem temerè in fratrem suum judicium exercentem, atque ita pergit dicere : *tu autem cur judicas fratrem tuum?* Quibus verbis compellat abstinenter qui improbitatis condemnet fratrem suum non abstinenter. Statim autem et non abstinenter, qui fratrem suum abstinenter spernat, pariter compellat dicens : *aut etiam tu (ἢ καὶ σὺ) cur contemnis fratrem tuum?* Utrumque autem reprehendit quòd sibi usurpet judicium in fratrem ; neque enim, inquit, constituti sumus alii aliorum iudices, sed ex æquo omnes, quotquot sumus homines, judicandi sumus a CHRISTO, qui olus omnium iudex constitutus est. Cf. 2. Cor. V. 10.

γ. 11. *Scriptum est enim : Vivo ego, dicit Dominus, quoniam, etc.*) Id quod modò dixerat Apostolus (*omnes enim stabimus, cet.*) hic confirmat adducto Isaiae (Cap. XLV. 23.) testimonio, quod tamen non verbotenùs recitat sed *ad sensum* tantùm. Notandum etiam hoc est, scilicet in recitato ISAIÆ loco proxime quidem sermonem non esse de Christo omnium iudice constituto, verùm de Christo Deo ab omnibus agnoscendo; atqui hoc perfecte demum fiet in extremo iudicio. Unde patet quo jure Apostolus laudata Isaiae verba ad præsentem materiam accommodaverit. Confer quæ in commentario in epistolam ad Philippenses notavimus ad Cap. II. γ. 11.

Zō ēgō, *vivo ego*, refert Hebraicum *חַי-אֲנִי*, *vivus ego*; est autem jurandi formula (q. d. *ita vivam!*) qua Deus ipse per *συγκαταβασιν* jurans passim exhibetur in Scripturis Veteris Testamenti, veluti Isaiae Cap. 49. γ. 18. Jerem. Cap. 22. γ. 24, alibi. Particula *ὅτι* pendet a *Zō ēgō* inducitque *objectum* juramenti: *per vitam meam affirmo, quod (ὅτι)*. Confer illud Isaiae Cap. 49. γ. 18. 18. *חַי אֲנִי כִּי וְגוֹמַר* — *Εξομολογείσθαι τινα*, *celebrare aliquem*, ut infra Cap. XV. 9, refert Hebraicum *הוֹדָה* sequente *לְ*, velut in hoc Psalmi XIII. γ. 1. *שׁוֹב לְהוֹדוֹת לַיהוָה*.

γ. 12—13. *Itaque unusquisque nostrum pro se rationem reddet Deo; non ergo amplius invicem judicemus.* Ex eo quod modo dixerat (γγ. 10. 11), scilicet *sistendos esse ad tribunal CHRISTI homines sine exceptione omnes*, jam *infert (ἄρα οὖν)* Apostolus, *unumquemque nostrum pro se de suis actibus (περι ἑαυτοῦ)* rationem redditurum esse Deo. Hinc verò *concludit (οὖν)*, abstinendum esse ab invicem judicando, relinquendum autem iudicium Domino, unico omnium iudici. Quâ sententiâ non *infirmum fide (γ. 1.)* tantùm sed et *firmum* perstringit; nam quod firmus *infirmum contemneret (γ. 3.)*, iudicium quoddam in eundem exercebat. Ceterum rectè ad præsentem locum Estius monet, iudicium propriè esse earum rerum quæ per se non satis patent; nam in re manifesta nihil opus esse iudicio.

sed hoc judicate magis, ne ponatis offendiculum fratri, vel scandalum.) Illic Apostolus denuò sermonem unicè convertit ad eos quos in principio hujus Capitis specialiter allocutus fuerat, hoc est, *ad firmos*, ad eos, inquam, quibus persuasissimum esset, Christianos legibus Moysis ritualibus minimè teneri. Quos *firmos* deinceps (γ. 13—23) admonet, sedulo curent ne dum suâ ab istis legibus libertate utantur *infirmis fide* præbeant occasionem ruinæ. Transit autem Apostolus ad hanc monitionem per elegantem quamdam *antanaclasin*.²⁾ Nam *κρινειν* verbum quod in sententia proxime

(1) Hebr. VI. 13. 16: *Deus quoniam neminem habuit per quem juraret (se) majorem, juravit per semetipsum;... homines enim per majorem sui jurant.*

(2) *Αντανάκλασις* (q. d. *refractio*) figura orationis est, qua idem verbum bis, sed alio atque alio sensu adhibetur.

antegressa adhibuerat de *judicando* sive *condemnando*, nunc adhibet de *decernendo* sive de *constituendo apud animum suum*, quo sensu verbum illud legitur quoque 2 Cor. II. 1. Græca valent: *Sed hoc (τουτο) potius apud animum vestrum constituite, hoc decernite, scilicet, non ponere (το μὴ τιθεῖναι) offendiculum (προσκομμα) fratri vestro aut scandalum (σκανδαλον).* Ponere alicui *προσκομμα* aut *σκανδαλον* metaphoricè dicitur de danda alicui occasione delinquendi. Nimirum *προσκομμα* proprie omne est in quod pede impingimus; *σκανδαλον* autem, pro quo antiquiores *σκανδαλητρον* dixere, propriè *mobile in decipula lignum* significat. Hortatur ergo *firmos* ut caveant ne suâ licentiâ (puta v. g. quibusvis cibis edendi) *infirmis* sint occasione peccandi. « Et duplex, quod Estius hic notat, erat infirmo periculum: vel ne fratrem quosvis cibos edentem temere judicaret; vel certe ne exemplo provocatus contra conscientiam ederet ea quæ lex prohibebat. »

γ. 14—16. Scio, et confido in Domino Jesu, quia nihil commune per ipsum, nisi ei qui existimat quid commune esse, illi commune est. ¹⁵ Si enim propter cibum frater tuus contristatur: jam non secundum caritatem ambulas. Noli cibo tuo illum perdere, pro quo Christus mortuus est. ¹⁶ Non ergo blasphemetur bonum nostrum.

γ. 14—16. Οἶδα καὶ πέπεισμαι ἐν Χριστῷ Ἰησοῦ, ὅτι οὐδὲν κοινὸν δι' αὐτοῦ, εἰ μὴ τῷ λογιζομένῳ τι κοινὸν εἶναι, ἐκείνῳ κοινόν. ¹⁵ Εἰ δὲ ^{a)} διὰ βρώμα ὁ ἀδελφός σου λυπεῖται, οὐκέτι κατὰ ἀγάπην περιπατεῖς. Μὴ τῷ βρώματί σου ἐκείνον ἀπόλλυε, ὑπὲρ οὗ Χριστὸς ἀπέθανε. ¹⁶ Μὴ βλασφημεῖσθω οὖν ὑμῶν τὸ ἀγαθόν.

Paraphrasis. (Non me latet, verum scio et persuasum habeo, a CHRISTO JESU sic edoctus, cibum nullum ex sua natura esse immundum. Illi tantum homini immundum vetitumque quid est, qui illud pro immundo sibi que vetito habeat.) Nam si fratri tuo præbes occasionem peccandi quia cibum sumis ab ipso pro vetito habitum, jam tu id agis quod non est secundum regulam fraternæ charitatis. Noli, inquam, noli tuo isto cibo animi exitium afferre illi quem tanti fecit CHRISTUS, ut pro eo mortem oppetere non dubitaverit. Caveamus ergo ne christiana nostra libertas ab infirmis maledicto proscindatur.

VARIANS LECTIO.

a) Pro δε est γαρ in Codd. ABCDEFGJ.

γ. 14. Scio et confido in Domino Jesu quia nihil commune per ipsum, etc.) Occurrit objectioni, qua quis contra antegressum præceptum (*ne ponatis offendiculum fratri*) forte monuerit, nullum cibum ex sua natura esse immundum adeoque nec ab ullo abstinendum. Occurrit autem ita ut disertis verbis declaret, non se latere hoc; scire se (*οιδα*) et persuasum esse (*πεπεισμαι*), quippe a CHRISTO Jesu sic edoctum, (*εν Χριστω Ιησου*), nihil (nullum cibum) per se (*δι' αὐτου*) sive ex sua natura esse immundum (*κοινων*); illi tantum homini (*εκεινω*) immundum (*κοινων*) esse aliquid (cibum quempiam) qui illud (illum cibum) pro immundo adeoque prohibito habeat (*τω λογιζονενω τι κοινων ειναι*), et nihilominus eodem utatur. Non quod hominis existimatio rei naturam immutet, sed quod conscientiae suae dictamine ligetur.

Πεπεισμαι non significat *confido* sed *persuasus sum*, sive *certus sum*, quo modo supra (Cap. VIII. 38) auctor Vulgatæ vocem *πεπεισμαι* recte reddiderat. *Confido* est *πεποιθα*, ut Philipp. I. 14. II. 24. II. 3. 4. — *Οιδα* et *πεπεισμαι* non sunt heic subtiliter distinguenda; *πεπεισμαι* tamen auget notionem antegressi *οιδα*. Quod autem addit Apostolus *εν Χριστω Ιησου*, eo significat scientiam suam et persuasionem niti Jesu CHRISTI revelantis auctoritate¹⁾. *Κοινων*, commune, in præsentī quæstione tantumdem significat quod *ακαθαρτον*, immundum. Nimirum ea quæ Hebræis interdicta erant tamquam immunda, hæc illi vocabant *communia*, proptereaquod horum usus esset communis ceteris gentibus²⁾. Cf. Act. Cap. X. 14. *Δι' αὐτου*, per se, S. CHRYSOSTOMUS interpretatur *τῇ φύσει*, naturā ipsā suā³⁾. Pro *δι' αὐτου* cum Spiritu *aspero* auctor Vulgatæ legisse videtur *δι' αὐτου* cum Spiritu *leni*; nam vertit: per ipsum.

γ. 15. Si enim propter cibum frater tuus contristatur, jam non secundum caritatem ambulas.) Ea quæ versu proximè antegresso continentur pro parenthesi sive interjecta sententia habeo. Itaque putem præsentem versiculum decimum quintum cum decimo tertio ita cohærere ut in decimo quinto ratio (*γαρ*) detur cur quævis com-

(1) S. CHRYS. (Hom. XXVI in Ep. ad Rom.): *Εν Κυριω τουτεστιν, εκειθεν μαθων, και παρ' αυτου πληροφορηθεις. Ουκ ερα ανθρωπινης διανοιας η ψηφος. h. e. Illinc edoctus, et ab ipso plene persuasus. Igitur non humanæ mentis decretum est.*

(2) S. HIERONYMUS (ad Matth. XV. 11): «*Populus Judæorum, partem Dei se esse jactans, communes cibos vocat, quibus omnes utuntur homines, ut suillam carnem Commune ergo, quod ceteris hominibus patet quasi non de parte Dei, pro immundo appellatur.*»

(3) Hom. XXVI in Ep. ad Rom.: *Τι τοιουν πεπεισαι και οιδας; επι. Οτι ουδεν κοινων δι' αὐτου. Τῇ φύσει, φησιν, ουδεν ακαθαρτον, αλλ' απο της προαιρεσεως γινεται του μετιοντος· εκεινω γουν γινεται μονω, και ουχι πασι. h. e. Qua igitur de re persuasus es? quid nosti? Dic. Quod nihil sit commune per se. Naturā, inquit, nihil immundum est sed immundum fit ex proposito utentis; illi ergo soli immundum est, non omnibus.*

edendi licentiâ utendum non sit, si hoc fieri nequeat quin infirmioribus fratribus scandalum præbeatur. *Hoc*, inquit Apostolus, *apud animum vestrum constituite* (κρίνατε), *nullum præbere fratri vestro offendiculum* (το μη τιθεναί προσκομμα τῷ ἀδελφῷ); *nam* (γὰρ) *si tu propter cibum quempiam* (δια βρωμα), hoc est, quia sumis cibum quempiam ab infirmo fratre tuo pro vetito habitum, *fratri tuo præbes occasionem peccandi* (ὁ ἀδελφός σου λυπεῖται), *jam non amplius agis secundum regulam charitatis* (κατὰ ἀγάπην). Negando contrarium plus vult significare quam verbis exprimit; quare et gravissimam addit monitionem hanc: *Noli*, inquit, *noli tuo cibo* (τῷ βρωματι σου) *animi exitium afferre* (μη ἀπολλυε) *illi quem tanti fecit CHRISTUS ut pro eo mortem oppetere non dubitaverit!*

In δια βρωμα est breviloquentia contemptus: *propter vilem aliquem cibum*, puta, a quo tu abstinere recusas, quamquam vides fratrem tuum tuo provocatum iri exemplo ad vescendum illo cibo contra suam conscientiam. *Λυπεῖσθαι* contristari, et hic propter læsam¹⁾ conscientiam ob culpam admissam. Nam sicut solatium homini affert conscientia rectè facti, ita vicissim animi ægritudinem eidem affert malè facti conscientia. *Περίπατειν* ex Hebræorum loquendi modo (Cf. פָּרַד Ps. I. 1.) hoc loco dicitur de *instituto vitæ*, de cuiuspiam agendi seu vivendi ratione. *Κατὰ* Præpositio usurpata hic est de *norma secundum quam quid fit aut fieri debet*. Pronomen σου non sine indignatione adjectum fuit vocibus τῷ βρωματι, q. d. *noli tuo vili cibo isto*.

γ. 16. *Non ergo blasphemetur bonum nostrum*). Το αγαθον, bonum, Apostolus intelligit Evangelicam a Mosaicis circa cibos præceptis libertatem²⁾; et monet, cavendum esse ne illa libertas ab infirmis fide (Cf. γ. 1.) maledictis proscindatur sive blasphemetur (βλασφημεισθαι); id quod pronum erat fieri si firmi (οἱ δυνατοι Cap. XV. 1.) intempestivo illius libertatis usu infirmis præberent occasionem ruinæ.

γ. 17—19. Non est γ. 17—19. Οὐ γάρ Paraphrasis. Neque enim enim regnum Dei esca et ἐστὶν ἡ βασιλεία τοῦ vita in Christianismo institutus: sed justitia, et pax, Θεοῦ βρῶσις καὶ πόσις, tuenda consistit in sumendo

(1) Confer parallelum illum locum ex I Ep. ad Corinthios (Cap. VIII. 9—13): Videte autem ne forte hæc licentia vestra offendiculum (προσκομμα) fiat infirmis.... Et peribit infirmus in tua scientia, frater, propter quem Christus mortuus est. Sic autem peccantes in fratres, et percutientes conscientiam eorum infirmam (καὶ τυπ-

τοντες αὐτῶν τὴν συνήθειαν ἀσθενουσαν) in Christum peccatis. Quapropter si esca scandalizat fratrem meum, non manducabo carnem in æternum, ne fratrem meum scandalizem.

(2) Conf. 1 Cor. X. 29: Ut quid enim libertas mea judicatur ab aliena conscientia?

et gaudium in Spiritu sancto:
 18 qui enim in hoc servit
 Christo, placet Deo, et
 probatus est hominibus. 19
 Itaque quæ pacis sunt, sec-
 temur: et quæ ædificatio-
 nis sunt, in invicem cus-
 todiamus.

ἀλλὰ δικαιοσύνη καὶ
 εἰρήνη, καὶ χαρὰ ἐν
 Πνεύματι ἁγίῳ. 18 Ὁ
 γὰρ ἐν τούτοις ^{a)} δου-
 λεύων τῷ Χριστῷ, εὐά-
 ρεστος τῷ Θεῷ καὶ
 δοκιμος τοῖς ἀνθρώ-
 ποις. 19 Ἄρα οὖν τὰ τῆς
 εἰρήνης διώκωμεν καὶ
 τὰ τῆς οἰκοδομῆς τῆς
 εἰς ἀλλήλους. ^{b)}

hoc vel illo cibo aut potu,
 sed in observandis Dei man-
 datis et in colenda pace cum
 omnibus et in gaudento in
 Spiritu sancto; nam is qui
 hisce rebus studet CHRISTO
 servire, hic placet Deo et
 gratus est hominibus, nec
 provocabit eorum convicia.
 Itaque diligentem ponamus
 operam in servandâ animo-
 rum inter nos concordia et
 promovendâ mutuâ ædifica-
 tione.

VARIANS LECTIO.

a) Pro τούτοις est τούτῳ in Codd. ABCD*FG, quam lectionem exhibent quoque Vulgata plurimæ-
 que antiquæ versiones.

b) Post ἀλλήλους additur φυλαξίμεν in Codd. DEFG, eamque lectionem Vulgata quoque exhibet.
 Sed vocem φυλαξίμεν recte, ut mihi quidem videtur, tribueris librario falsò existimanti verba καὶ
 τὰ τῆς οἰκοδομῆς εἰς ἀλλήλους absque illa voce mancā præbere sententiam.

γ. 17—18. *Non est enim regnum Dei esca et potus, sed justitia, etc.)*
 Collectio (οὖν) in antegresso versiculo (γ. 16) expressa, hæc erat: Caveamus ne liber-
 tate nostra intempestivè utentes eam exponamus infirmorum conviciis. Hanc vero collec-
 tionem nunc eo *firmat* (γὰρ) Apostolus, quod mōnet, nullā nos necessitate adigi ut
 illā quævis vescendi licentiā aliquando utamur, nedum semper et ubivis; *neque enim*
 (γὰρ) *vitam in Christianismo instituendam* (ἡ βασιλεία τοῦ Θεοῦ) *consistere in*
sumendo hoc vel illo cibo aut potu ¹⁾, *sed in observandis Dei mandatis* (ἀλλὰ δικαιο-
 σύνη), *et in colenda pace cum omnibus* (καὶ εἰρήνη), *et in gaudento in Spiritu*
sancto; nam cum qui hisce rebus (ἐν τούτοις) *studet CHRISTO servire, hunc placere*
Deo et gratum esse hominibus nec provocaturum eorum convicia.

(1) Confer locum parallelum istum (1 Cor. erimus); neque si non manducaverimus, deficie-
 VIII. 18): *Esca nos non commendat Deo. Neque mus* (peiores erimus).
enim si manducaverimus, abundabimus (meliores

Regnum Dei hoc loco intelligitur instituta a CHRISTO societas sive præsentis temporis Ecclesia¹⁾. Sumitur autem ibi *regnum Dei* non *objectivo* sensu de ipsa illa societate, sed *subjectivo*, hoc est de *ratione vitæ in regno Dei instituendæ*, sicut 1 Col. IV. 20. In qua figura orationis notanda est Metonymia *Adjuncti pro Subjecto*.— *Βρωσις* et *ποσις*, *comestio* et *bibitio* (*ceten en drinken*) de actu comedendi et bibendi. Cf. 2 Cor. IX. 10. Coloss. II. 16. De cibo ipso PAULUS non *βρωσις* sed *βρωμα* dicit 1 Cor. III. 2. VIII. 4. At tamen Hebr. XII. 16 *βρωσις* vox de ipsa *esca* adhibetur. Voces *βρωσις* et *ποσις* de ipso etiam *cibo* usurpari posse equidem non negaverim; sed cum adhibeantur quoque de *comedendi* et *bibendi* actu, hoc sensu maluerim illas voces hic accipere, propterea quod in contexta oratione (ψ. 18: ὁ ἐν τοῦτοις δουλευὼν) agatur non de *rebus* sed de *actionibus*. *Δικαιοσύνη* et *εἰρήνη* voces, quum, ut dixi, de *actionibus* sermo sit, sumendæ sunt, prior quidem de *probitate vitæ*,²⁾ ut Matth. V. 6. 20. VI. 33, Act. X. 35, altera verò de *colenda pace* cum aliis, ut 2. Tim. II. 22.— *Χάρα ἐν Πνεύματι ἁγίῳ* intelligitur *gaudium* illud quo gaudent justificati in sua unione cum Spiritu sancto, qui *habitat* in justificatis (Rom. VIII. 11), quique *gaudii illius auctor* est (Gal. V. 22; 1 Thessal. I.); sed ob contextam orationem videtur hoc loco *gaudium* illud eo sensu esse sumendum ut *gaudens* intelligatur non tantum ipse gaudio suo frui, sed et eodem uti ad fratres suos quantum potest exhilarandos³⁾, puta per suavem illam quam continuo promovet animorum concordiam *Ἐν τοῦτοις*, in *hisce rebus* occupatus. *Δοξίμος*, *acceptus*, *gratus*.

ψ. 19. Itaque quæ pacis sunt sectemur; et quæ ædificationis sunt in invicem custodiamus.) Ex antegressa doctrinâ (ψψ. 13—18) exhortans *concludit* (ἄρα οὖν) Apostolus α) *diligenter consecranda esse* (διωκεῖν) ea quæ ad pacem inter⁴⁾ fratres

(1) Sicut Coloss. I. 13. IV. 11. De varia significatione qua dictio hæc, *regnum Dei*, in Scripturis Novi Testamenti sumitur, strictim diximus in Commentario in Actus Apostolorum ad Cap. XXVIII. 31.

(2) S. CHRYS. (Hom. XXVI in Ep. ad Rom.): Τινὰ οὖν ἐστὶ τὰ εἰσαγόμενα; Δικαιοσύνη, καὶ εἰρήνη, καὶ χάρα. Ὁ ἐναρπὲς βίος, ἡ πρὸς τὸν ἀδελφὸν εἰρήνη, ἡ ἐναντιοῦται αὐτῇ ἡ φιλονεικία· ἡ ἐκ τῆς ὁμολογίας χάρα, ἣν ἀναίρει αὐτῇ ἡ ἐπιπληξίς. h. e. Quænam ergo sunt quæ in regnum inducunt? Justitia, pax, gaudium. Vita cum virtute acta; pax cum fratre servata, cui contraria est contentio; lætitia, quæ ex concordia oritur, quam aufert increpatio.

(3) S. CHRYS. (Hom. XXVI in Ep. ad Rom.): Οὐ γὰρ οὗτοι σε θαυμάσουσι τῆς τελειότητος, ὡς τῆς εἰρήνης καὶ τῆς ὁμολογίας ἅπαντες. Τοῦτου μὲν γὰρ τοῦ καλοῦ πάντες ἀπόλαυσονται, ἐκείνου δὲ οὐδε εἷς. h. e. Non enim sic te mirabuntur omnes propter perfectionem, sicut propter pacem et concordiam. Hoc quippe bono omnes fruentur, illo nullus.

(4) BENE ESTIUS: Pacem, inquit, opponit disceptationibus seu concertationibus, quas inter se habebant; ædificationem verò scandalo de quo superius egerat. Nam scandalum destructio proximi est.

excolendam pertineant (τα της ειρηνης); et β) ea quoque quæ faciant ad mutuam ædificationem; adeoque et vitanda esse ea omnia quæ servandæ animorum concordie aut mutue ædificationi promovendæ (τα της οικοδομης εις αλληλους) obstarent. Prior exhortationis pars utrosque, tam firmos quam infirmos, spectat; altera vero firmos tantum, ad quos et deinceps Apostolus sermonem dirigit.

Διωκειν, persequi, et metaphoricè studere, diligentem operam ponere in aliqua re. Τα της ειρηνης, της οικοδομης, ea quæ pacis, quæ ædificationis (spiritualis) sunt propria. Οικοδομη, exstructio, ut puta tectorum, metaphoricè hic dicitur de promovendo spirituali cujuspiam bono, quo nempe ipsius animus veluti exstruitur.

γ. 20—23. Noli propter escam destruere opus Dei. omnia quidem sunt munda: sed malum est homini, qui per offendiculum manducat. ²¹ Bonum est non manducare carnem, et non bibere vinum, neque in quo frater tuus offenditur, aut scandalizatur, aut infirmatur. ²² Tu fidem habes? penes temet ipsum habe coram Deo: Beatus qui non judicat semet ipsum in eo, quod probat. ²³ Qui autem discernit, si manducaverit, damnatus est: quia non ex fide. Omne autem, quod non est ex fide, peccatum est.

γ. 20—23. Μη ἐνεκεν βρώματος κατάλυε τὸ ἔργον τοῦ Θεοῦ. Πάντα μὲν καθαρὰ· ἀλλὰ κακὸν τῷ ἀνθρώπῳ τῷ δια προσκόμματος ἐσθίοντι. ²¹ Καλὸν τὸ μὴ φαγεῖν κρέα, μηδὲ πιεῖν οἶνον, μηδὲ ἐν ᾧ ὁ ἀδελφός σου προσκόπτει ἢ σκανδαλίζεται ἢ ἀσθενεῖ. ²² Σὺ πίστιν ἔχεις· κατὰ σεαυτὸν ἔχε ἐνώπιον τοῦ Θεοῦ. Μακάριος ὁ μὴ κρίνων ἑαυτὸν ἐν ᾧ δοκιμάζει. ²³ Ὁ δὲ διακρινόμενος, εἰάν φάγῃ, κατακρίνεται, ὅτι οὐκ ἐκ πίστεως. πᾶν δὲ, ὃ οὐκ ἐκ πίστεως, ἁμαρτία ἐστίν.

Paraphrasis. Cave ne cibi causâ tu destruas id quod Deus extruxit. Non nego equidem quin cibi sint ex natura sua mundi omnes, et hactenus fateor in nullius cibi usu quidquam esse mali; sed tamen is qui, nullo facto ciborum discrimine, quibusvis cibis vescitur, promiscuo illo ciborum usu fratri suo præbens occasionem peccandi, is, inquam, promiscuo hoc ciborum usu malum facit et peccat. Contra, recte facis si, ut ne fratri tuo scandalum præbeas, abstines a carnibus et a vino et omnino a quocumque tandem cibo, cujus sumptio fratri tuo fieri possit occasio peccandi. Mihi firma persuasio est, inquis, prohibitum cibum esse nulum. Egregie! Sed nihil opus est persuasionem tuam ostentare cum proximi detrimento. Habeto tibi illam persuasionem coram Deo iudice; cave verò utaris illâ cum proximi scandalo. Beatus qui in foro suæ conscientie non condemnatur ipse se in re quam exterius approbat! Qui vero dubitat an liceat nec-ne quibusvis cibis vesci, si nihilominus hoc fecerit, peccati reus factus est, quia egit contra conscientie suæ dictamen. Quidquid autem fit contra dictamen conscientie, peccatum est.

VARIANS. LECTIO.

a) Voces istæ, ἡ σκανδαλιζεται ἡ αἰθενη, non leguntur in Codd. AC. Glossema quidem sapiunt hæc verba, sed testatiora sunt quam ut liceat de eorum genuinitate dubitare. TISCHENDORFIUS ea omisit. Non probō.

γ. 20. *Noli propter escam destruere opus Dei.*) Antegressam adhortationem (quæ ædificationis sunt in invicem custodiamus) hic roborat Apostolus prohibendo proximi destructionem, quæ ædificationi opposita est. *Dei Opus* (το εἶργον τοῦ Θεοῦ) vocat fratrem fidelem sive Christianum, utpote qui divinā operante gratiā talis evaserit: Cf. Ephes. II. 10. Et *opus* (εἶργον) hic cogita ædificium aliquod; nam metaphorica Apostoli oratio est, ductā imagine ab ædificio quod ædificetur sive exstruatur (οικοδομεῖν) aut destruat (καταλβεῖν). Ergo quod dicit Apostolus tale est: *Cave ne cibi causā (ἐνεκεν βρωµατος) tu destruas id quod Deus exstruxit.*

omnia quidem sunt munda; sed malum est homini qui per offendiculum manducat.) Apostolus, sicut supra γ. 14, ita etiam hic denuò occurrit illi qui forte objiceret, nullos esse cibos immundos, adeoque non esse cur ab ullo abstinence. Concedit antecedens, negat vero consequentiam. *Non nego*, inquit, *quin cibi sint ex naturā suā mundi omnes*, et hactenus fateor in nullius cibi usu quidquam esse malī; sed homini illi (τῷ ἀνθρώπῳ) qui nullo facto ciborum discrimine quibusvis cibis vescitur, promiscuo illo ciborum usu fratribus occasionem præbens peccandi (διὰ προσκοµµατος), illi promiscuus hic ciborum usus malum est et peccatum (κακὸν τῷ ἐσθιοντι Dativ. incommodi). Præpositio διὰ, seq. Genitivo, ibi dicitur de circumstantiis in quibus quis positus facit aliquid, ut supra Cap. II. 27. IV. 11, et 2 Cor. II. 4, alibi.

γ. 21. *Bonum est non manducare carnem et non bibere vinum, neque in quo frater tuus offenditur*, cet.) Dixerat peccare eum (κακὸν) qui promiscuo illo ciborum usu fratri præbet scandalum; jam, ex opposito, declarat, rectè factum edere (καλὸν) eum, qui ut ne fratri suo scandalum præbeat, abstinet a carnibus et a vino et omnino a quocumque tandem cibo potuve cujus sumptio fratri suo fieri possit occasio peccandi. — Apostolus hac sententia occurrit illi qui forte oggereret, nihil esse honesti in illa abstinence.


Καλὸν scil. σοι ἐστίν, nam statim dicit ὁ ἀδελφὸς σου, et modò (γ. 20) oppositum κακὸν Dativo junxerat. Vetitum Judæis quoque erat vinum Gentilium. Vide

Mishnam , Tract. *De idololatria* Cap. II. 3. Μηδὲ ἐν ᾧ προσκοπτεῖ dictum est elliptice pro μηδὲ φαγεῖν ἢ πειν τὶ ἐν ᾧ προσκοπτεῖ. Vulgatæ auctor προσκοπτεῖ non satis recte reddidit offenditur ; debbat offendit. Ἐν ᾧ Belgice hic reddiderim *waaraan* ; pertinet ex æquo ad tria quæ insequuntur verba. Προσκοπτεῖ et σκανδαλιζεται synonyma sunt. Ἀσθενεῖ infirmatur , succumbit culpæ agendi contra conscientiam.

γ. 22—23. Tu fidem habes ? penes temetipsum habe coram Deo.) Occurrit objectioni , qua quis diceret , se firmiter persuasum habere (πιστὶν ἔχω) prohibitum cibum esse nullum , ideoque et recte posse se quibuscumque cibis vesci. Dicit Apostolus : Mihi firma persuasio est (ὅτι πιστὶν ἔχεις) , inquis , prohibitum cibum esse nullum. Egregie ! Sed nihil opus est persuasionem tuam ostentare cum proximi detrimento. Habeto tibi (κατὰ σεαυτόν) illam persuasionem coram Deo iudice ; cave verò utaris eā cum scandalo aliorum. Πιστις animi persuasio , ut supra γ. 1.

Beatus qui non iudicat semet ipsum in eo quod probat ; qui autem discernit etc.) Tertiò hic , sed nunc obliquè , monet firmum , animadvertat fieri posse ut si intempestive persuasionem suam prodat , fratri suo infirmo occasionem præbeat ruinæ. Quod autem dicit , tale est : Beatus qui interius sive in foro suæ conscientiæ non condemnat (κρινὼν) semetipsum in re quam exterius actu approbat ! (q. d. Beatus qui nulla in re agit contra conscientiæ suæ dictamen). Qui verò dubitat (ὁ διακρινόμενος) an liceat nec-ne quibusvis cibis vesci , si nihilominus hoc fecerit (εἰν φαγῇ) , reus factus est peccati (κατακρίνεται). Ratio est , quia non fecit hoc secundum dictamen suæ conscientiæ (ὅτι οὐκ ἐκ πίστεως , scil. ἔφαγε). Quidquid autem non fit secundum dictamen conscientiæ (πάν δε ὁ οὐκ ἐκ πίστεως scil. γίνεται) , peccatum est.

Κρίνειν=κατακρίνειν , ut Act. XIII. 27. Κατακρίνεται damnatus est (peccati) , sive reus factus est. Διακρινομαι (Med.) litigo ipse mecum , dubito.



CAPUT DECIMUM QUINTUM.

ARGUMENTUM. *Pergit Apostolus monere instructiores sive firmos, ut infirmorum imbecillitates CHRISTI exemplo patienter ferant (1—5). Hinc flexo sermone ad omnes, tam firmos quam infirmos, universis a Deo exoptat animorum concordiam, jubetque ut Judæo-Christiani et Ethnico-Christiani invicem se fraternâ charitate complectantur, sicut CHRISTUS illos ambos, nullo gentis discrimine, in Dei filios adoptasset; ubi obiter docet quid tamen intersit Judæorum inter et Gentilium adoptionem; deinde piâ appreciatione posteriorem hanc epistolæ suæ partem claudit (5—14).*

EPILOGUS EPISTOLÆ. *Excusat se Apostolus quod Romanis scripserit, quamvis sciret eos se monitore carere potuisse; sed libertatem hanc se sumpsisse ait, ut satisfaceret Apostolico suo muneri, de cujus felici successu piè ibidem gloriatur (14—20). Sic autem ait se versatum fuisse in propagando Evangelio, ut non adiret illa loca in quibus CHRISTUS jam esset annuntiatus; fuisse autem se ad præsentem usque diem hac in re assiduè occupatum, atque hinc impeditum quominus Romanos inviseret, id quod jam a multis annis facere desiderasset; nunc verò, quoniam in regionibus, in quibus adhuc fuisset commoratus, ubique annuntiatum esset Evangelium, cogitare se proficisci in Hispaniam, sperare autem, instituto illuc per Romam itinere, Romanos in transcurso videre (20—25). Monet autem, prius quam arripere possit Hispanicum illud iter, eundum sibi esse Hierosolymam, ad eleëmosynas ex Macedonibus et Achivis in sustentationem Hierosolymitanorum Christianorum collectas eò deportandas; hinc verò se per Romam in Hispaniam profecturum (25—30). Postremò Hierosolymitanum suum iter, ut sospes sit, piis Romanorum precationibus commendat (30—33).*

γ. 1—4. Debemus autem nos firmiores imbecillitates infirmorum sustinere, et non nobis placere. ² Unusquisque vestrum proximo suo placeat in bonum, ad ædificationem. ³ Etenim Christus non sibi placuit, sed sicut scriptum est: Improperia improperantium tibi ceciderunt super me. ⁴ Quæcumque enim scripta sunt, ad nostram doctrinam scripta sunt: ut per patientiam, et consolationem Scripturarum, spem habeamus.

γ. 1—4. Ὅφείλομεν δὲ ἡμεῖς οἱ δυνατόι τὰ ἀσθενήματα τῶν ἀδυνάτων βαστάζειν, καὶ μὴ ἑαυτοῖς ἀρέσκειν. ² Ἐκαστος γὰρ ^{a)} ὑμῶν ^{b)} τῷ πλησίον ἀρεσκέτω εἰς τὸ ἀγαθόν, πρὸς οἰκοδομήν. ³ Καὶ γὰρ ὁ Χριστὸς οὐχ ἑαυτῷ ἤρεσεν, ἀλλὰ, καθὼς γέγραπται. Οἱ ὀνειδισμοὶ τῶν ὀνειδίζόντων σέ, ἐπέπεσον ἐπ' ἐμέ. ⁴ Ὅσα γὰρ προεγράφη, εἰς τὴν ἡμετέραν διδασκαλίαν προεγράφη: ^{c)} ἵνα διὰ τῆς ὑπομονῆς καὶ διὰ ^{d)} τῆς παρακλήσεως τῶν γραφῶν, τὴν ἐλπίδα ἔχωμεν.

Paraphrasis. Debemus autem nos, quibus firma illa persuasio est, infirmorum fratrum nostrorum imbecillitates patienter sufferre, non verò plus æquo nobis addicti, proximorum utilitate neglectâ, nostris solummodo commodis inservire. Unusquisque nostrum, inquam, non sibi tantum, sed et proximo quoque suo placere studeat, idque in bonum ipsius, ut scilicet salutis ejus consulat. Nam CHRISTUS quoque, cujus exemplum nobis imitandum est, non sibi ipsi placuit, sed ita egit, ut de se, Deum Patrem suum alloquens, dicere potuerit quod scriptum est: *Convicia eorum, qui conviciantur tibi, ceciderunt super me.* Id quod Scripturæ verbis hic moneo; quæcumque enim ante nos divinitus conscripta fuere, ad nostram disciplinam fuere conscripta, ut scilicet per patientiam ad quam Scriptura verbis et exemplis nos adhortatur, et per consolationem quam effata ejus nobis præbent, spem foveamus cœlestis gloriæ obtinendæ.

VARIANS LECTIO.

a) Particula γὰρ non legitur in Codicibus ABCDEFG, ut nec in plerisque antiquis versionibus.

b) Pro ὑμῶν est ἡμῶν in plerisque Codd. uncialibus et antiquis versionibus; et ego quidem hanc lectionem alteri prætulerim quum et contexta quoque oratio (γ. 1 et 4) eam postulet.

c) Pro προεγραφή (secundo loco) est εγγραφή in Codd. BCDEFG, quam lectionem Vulgata quoque exhibet, eamque pro genuina PAULI scriptura habuerim. Lectionem προεγραφή tribuerim librorum aut correctioni aut aberranti oculo.

d) Præpositio διὰ (secundo loco) legitur tantum in Codd. ABCJ, et in plurimis Minusculis.

γ. 1. *Debemus autem nos firmiores imbecillitates infirmorum sustinere, et non nobis placere*). Non satis recte ab his verbis factum est novi capitis initium ; arctissimo enim nexu ea quæ hic dicuntur cum antecessa exhortatione (Cap. XIV. 20—23) cohærent. Nam cum significasset Apostolus quali periculo *infirmos* exponerent *firmiores* intempestivo suæ libertatis usu , heic , ex adverso (δε), eosdem officii sui erga infirmos admonet. Dicit ergo : *Debemus autem* (puta debito fraternæ charitatis) *nos* , qui *firmi sumus* , (οἱ δυνατοὶ scil. τη πιστει. Cf. XIV. 1) *infirmorum fratrum nostrorum* (τῶν αδυνατον) *imbecillitates patienter sufferre* (βασταζειν) , et *non* , plus æquo nobis addicti , *nostris solummodo commodis inservire* (μη ἑαυτοῖς αρεσκειν) , proximorum utilitate neglectâ. — *Imbecillitates* (ασθενηματα) Apostolus intelligit *actiones infirmorum* natæ ex falsa illorum persuasione quâ crederent , leges rituales etiamnum vim obligandi habere.

γ. 2. *Unusquisque vestrum proximo suo placeat in bonum , ad ædificationem.*) Antecessæ sententiæ , *Non debemus nobismetipsis solum placere* , Apostolus addit antitheticam hanc : *Unusquisque nostrum* (ἡμῶν) *placere quoque studeat* (αρεσκειτω) *proximo suo* , idque *in bonum* (εἰς αγαθον , pour son bien) , *ad ædificationem* (προς οἰκοδομην) , h. e. ut *saluti ejus inserviat*. *Προς οἰκοδομην* epexegesis est antecessi *εἰς το αγαθον*. Confer locum parallelum istum (1 Cor. X. 32) : *Sine offensione estote Judæis et Gentibus... sicut et ego per omnia omnibus placeo , non quærens quod mihi utile est , sed quod multis , ut salvi fiant*.

γ. 3. *Etenim Christus non sibi placuit , sed sicut scriptum est : Impropria , cet.)* Superiorem monitionem confirmat (γαρ) proposito CHRISTI exemplo , quod a nobis imitandum sit. Cf. 1 Joh. II. 6. *Nam CHRISTUS quoque* (και) , inquit , *cujus exemplum nobis imitandum est , non sibi ipsi placuit* (h. e. non suis commodis inservivit ²) , *sed ita egit , ut de se , Deum Patrem suum alloquens , dicere potuerit quod scriptum est : Convicia eorum qui conviciantur tibi , ceciderunt super te.*

(1) Vide Var. lect.

(2) Bene ESTIVS (ad h. l.) : « Apostolo ii dicuntur *sibi placere* , qui acquiescunt in bono suo , non solliciti ut et aliis bene sit ; quemadmodum faciebant quos reprehendit capite superiori , qui in sua de ciborum indifferentia et legalium cessatione scientia ac fide ita conquiescebant sic-

que cā utebantur , ut aliorum scandala non vitarent , nec omnino infirmitates eorum sustinerent. Hoc modo Christus non sibi placuit. Non enim sibi ipsi indulsit ; non ita bono suo contentus fuit , ut non etiam curaret aliorum salutem. Nam *propter nos homines et propter nostram salutem descendit de cælis.* »

Scripturæ testimonium, quod hic adducit Apostolus, desumptum est ex Psalmo 68 (Hebr. 69). γ. 10; qui Psalmus typico sensu *propheticus* est de MESSIA, ut diximus supra ad Cap. XI. 9. Integer locus, quem PAULUS hic respicit in laudato Psalmo, hebraicè sic legitur: בִּירְקִנָּאת בֵּיתְךָ אֲכַלְתִּנִּי וְהַרְפּוֹת הוֹרְפִיךָ נִפְלִי עָלַי h. e. *Quia zelus pro domo tuâ me devoravit, ideo (γ) convicia eorum qui conviciantur tibi ceciderunt super me.* Dicit ergo quæ hic loquitur typica persona: *Tui causâ, o Deus, impii homines contumeliis me affecerunt.* Quæ si ad antitypica CHRISTI personam transtuleris, illum tibi exhibent qui *cum in forma Dei esset semetipsum exinanivit formam servi accipiens* (Philipp. II. 6. 7); qui impiorum hominum contumeliis affectus fuit quòd Patrem suum honorificaret (Joh. VIII. 48. 46 II. 13—20 XV. 24); quique, proposito sibi gaudio, ad reconciliandum humanum genus cum irato Deo *crucem sustinuit, confusione contemptâ* (Hebr. XII. 2) ¹.

γ. 4. *Quæcumque enim scripta sunt, ad nostram doctrinam scripta sunt, ut, cet.)* Dans *rationem* (γαρ) Apostolus cur modò (γ. 3), in CHRISTI exemplo proponendo usus sit verbis Scripturæ, obiter docet quem in finem sacræ litteræ Veteris Testamenti (πρὸ εγγραφῆ) conscriptæ fuerint; ubi tamen non omnes sacræ Scripturæ utilitates recenset (cf. 2 Tim. III. 16), sed earum unam tantum et alteram assignat. *Quæcumque enim, inquit, ante nos conscripta fuere (πρὸ εγγραφῆ), ad nostram disciplinam (εἰς τὴν ἡμετέραν διδασκαλίαν) fuere conscripta (εγγραφῆ²); ut scilicet per patientiam (διὰ τῆς ὑπομονῆς) ad quam Scriptura verbis et exemplis nos adhortatur, et per consolationem (καὶ διὰ τῆς παρακλήσεως) quam effata ejus nobis præbent, habeamus spem cælestis gloriæ obtinendæ (τὴν ἐλπίδα).* Cf. Cap. V. 4. Genitivus τῶν γραφῶν tam ad ὑπομονῆς quam ad παρακλήσεως pertinere dicendus est, idque sive legas Præpositionem διὰ ante τῆς παρακλήσεως, sive omittas. Bene ESTIUS: *Ut exhibentes in adversis patientiam ad quam Scripturæ passim adhortantur, et ex iisdem consolationem accipientes, nimirum futura et æterna bona promittentibus, spem habeamus eorum honorum atque in ea spe roboremur. Hortantur autem ad patientiam, et consolationem suggerunt Scripturæ, non solum monitis sed etiam propositis ob oculos exemplis eorum qui Deo placuerunt, maxime CHRISTI Domini.*

(1) S. CHRYS. (Hom. XXVII in Ep. ad Rom.): *Τι δε εστιν, Ουχ ἑαυτῷ ἠρεσεν; Εξην αυτω μη ουκιδισθηναι, εξην μη παθειν ἄπερ επαθεν, ει γε ηθελε το ἑαυτου σκοπειν· ἀλλ' ὁμοως ουκ ηθελησεν, ἀλλὰ το ἡμετερον σκοπησας, το ἑαυτου παρειδε.* h. e. *Quid vero est, Non sibi placuit? Poterat ille non*

(2) Vide Var. lect.

γ. 5—6. Deus autem patientiæ, et solatii det vobis idipsum sapere in alterutrum secundum Jesum Christum : ⁶ ut unanimes, uno ore honorificetis Deum, et patrem Domini nostri Jesu Christi.

γ. 5—6. Ὁ δὲ Θεὸς τῆς ὑπομονῆς καὶ τῆς παρακλήσεως δώη ὑμῖν τὸ αὐτὸ φρονεῖν ἐν ἀλλήλοις κατὰ Χριστὸν Ἰησοῦν. ⁶ ἵνα ὁμοθυμαδὸν ἐν ἐνὶ στόματι δοξάζητε τὸν Θεὸν καὶ πατέρα τοῦ Κυρίου ἡμῶν Ἰησοῦ Χριστοῦ.

Paraphrasis. Deus autem qui patientiæ et solatii largitor est, det vobis, sublati illis de lege rituali contentionibus, ut secundum JESU CHRISTI voluntatem unum idemque sentiat omnes; ut sic animo concordēs uno ore glorificetis Deum et Patrem Domini nostri JESU CHRISTI.

γ. 5—6. *Deus autem patientiæ et solatii det vobis idipsum sapere in alterutrum secundum Jesum Christum, ut unanimes, etc.*) Significare vult Apostolus, donum hoc esse divinæ gratiæ ut reapse habeamus patientiam ad quam Scripturæ nos adhortantur et solatium quod eadem nobis suggerunt; nam ideò Deum hic vocat *Deum τῆς ὑπομονῆς καὶ τῆς παρακλήσεως* (in Genitivo effectus, ut 2 Cor. 1. 3 : Θεὸς πάσης παρακλήσεως), h. e. *patientiæ et solatii largitorem*. Ad nexum autem hujus orationis cum antegressâ quod attinet, Apostolus a superiore adhortatione (1—4) transit (δε) ad concipiendum pium votum illi adhortationi conveniens. Itaque Romanis suis exoptat, ut Deus *patientiæ et solatii*, qui idem est ac *Deus pacis* (1 Thess. V. 23), det illis (Ethnico-Christianis et Judæo-Christianis), sublati illis contentionibus, *idem inter se sentire et dicere* (το αὐτο φρονεῖν ἐν ἀλλήλοις) *secundum CHRISTI JESU voluntatem* (κατὰ Χριστὸν Ἰησοῦν), ut sic animo concordēs (ὁμοθυμαδὸν) uno ore ambo glorificent Deum et Patrem Domini nostri JESU CHRISTI.

Δώη forma Hellenistica est; Attici dicebant δοίη. Cf. LOBECKIUM ad PHRYN. p. 46. Occurrit et αποδῶη 2 Tim. IV. 14. Φρονεῖν hic de actu intellectus dicitur. Ἐν ἀλλήλοις, inter vos, in cœtu vestro; non scripsit εἰς ἀλλήλους, erga vos. Κατὰ Χριστὸν ut supra (Cap. VIII. 27) κατὰ Θεόν. Genitivus τοῦ Κυρίου tam ad πατέρα quam ad τὸν Θεόν pertinet, quia Articulus ante πατέρα non repetitur.

γ. 7—12. Propter quod suscipite invicem, sicut et Christus suscepit vos in honorem Dei. ⁸ Dico enim Christum Jesum ministrum fuisse circumcisionis propter

γ. 7—12. Διὸ προσλαμβάνεσθε ἀλλήλους, καθὼς καὶ ὁ Χριστὸς προσελάβετο ὑμᾶς εἰς δόξαν Θεοῦ. ⁸ Λέγω δὲ ^{a)}, Ἰησοῦν Χριστὸν διάκονον γεγενῆσθαι

Paraphrasis. Quapropter invicem benigne suscipite, exemplo CHRISTI, qui vos ambos, nullo gentis discrimine, suscepit ad Dei gloriam illustrandam. Hoc nimirum dico: JESUM CHRISTUM Judæis evangelium salutis prædi-

veritatem Dei, ad confirmandas promissiones patrum: ⁹ Gentes autem super misericordia honorare Deum, sicut scriptum est: *Propterea confitebor tibi in Gentibus Domine, et nomini tuo cantabo.* ¹⁰ Et iterum dicit: *Lætamini Gentes cum plebe ejus.* ¹¹ Et iterum: *Laudate omnes Gentes Dominum: et magnificate eum omnes populi.* ¹² Et rursus Isaïas ait: *Erit radix Jesse, et qui exsurgit regere Gentes, in eum Gentes sperabunt.*

περιτομῆς ὑπὲρ ἀληθείας Θεοῦ, εἰς τὸ βεβαιῶσαι τὰς ἐπαγγελίας τῶν πατέρων. ⁹ τὰ δὲ ἔθνη ὑπὲρ ἐλέους δοξάσαι τὸν Θεόν, καθὼς γέγραπται. Διὰ τοῦτο ἐξομολογήσομαί σοι ἐν ἔθνεσι, Κύριε, καὶ τῷ ὀνόματί σου ψαλῶ. ¹⁰ Καὶ πάλιν λέγει· Εὐφρανθήτε, ἔθνη, μετὰ τοῦ λαοῦ αὐτοῦ. ¹¹ Καὶ πάλιν· Αἰνεῖτε τὸν Κύριον πάντα τὰ ἔθνη, καὶ ἐπαινέσατε αὐτὸν πάντες οἱ λαοί. ¹² Καὶ πάλιν Ἡσαΐας λέγει· Ἔσται, ἡ ῥίζα τοῦ Ἰεσσαὶ καὶ ὁ ἀνιστάμενος ἀρχεῖν ἐθνῶν, ἐπ' αὐτῷ ἔθνη ἐλπιούσιν.

casce, ut sic Deus verax fidelisque demonstraretur, ut inquam, sic adimplerentur promissiones olim patribus eorum a Deo factæ; Gentiles autem dico, quando Christus illos suscepit, glorificasse Deum pro misericordia illis exhibita; quam misericordiam illis aliquando exhibendam esse Prophetarum oracula olim prænunciaverant. Nam apud Psalmographum ipse Christus dixit: *Laudem tuam, Domine, prædicabo inter Gentes.* Et alibi Scriptura dicit: *Lætamini Gentes cum populo ejus.* Et iterum: *Laudate Dominum omnes gentes et magnificate eum omnes populi.* Idem prædixit ISAÏAS: *In illa die fiet, ut Gentes studiose se convertant ad Jessæum surculum, et ad eum qui exsurgit ad imperandum Gentibus.*

VARIANS LECTIO.

a) Pro δε est γαρ in Codd. ABCDEFG.

γ. 7. *Propter quod suscipite invicem, sicut et Christus suscepit vos in honorem Dei.*) Redit Apostolus ad superiorem exhortationem (Cap. XIV. 1) de fratribus benigne assumendis; quamquam verò nunc non, ut ibi, firmos tantum sed infirmos quoque alloquitur, tamen ad firmos imprimis, puta ad Ethnico-Christianos, sermo ejus

directus est; exhortationem autem suam CHRISTI iterum exemplo confirmat, ut hoc exemplo illos ad concordiam excitet.— Particula *διο* (*propter quod, quare, quæ cum ita sint*) ætiologice refertur ad rationes omnes in antegressa exhortatione expositas. Verba ista, *εις δοξαν Θεου* jungenda sunt non cum remoto *προσλαμβάνεσθε*, sed cum proximo *προσελάβετο*. Igitur CHRISTUS hic dicitur *assumpsisse* (*προσλαμβάνεσθαι* Med.), hoc est, *ad se admississe*, adoptivos Dei filios effecisse, tam Judæos quam Gentiles, idque *ut per hoc Dei gloriam promoveret* (*εις δοξαν Θεου*).

γ. 8—9. *Dico enim Jesum Christum ministrum fuisse circumcisionis propter veritatem Dei, cet.*) Dicit Apostolus, Judæorum illam atque Gentilium in Dei filios assumptionem ideo cessisse *in gloriam Dei*, quia in assumptis Judæis demonstrata fuerit Dei veracitas per adimpleta ejus promissa; in assumptis verò Gentilibus manifestata ejusdem misericordia. Unàque ibi docet quid intersit Judæorum inter et Gentilium assumptionem.

Promissio de mittendo Messia Salvatore divinitus facta fuerat non Gentilibus sed Israëlitiis populi progenitoribus: *Prophetam de gente tua et de fratribus tuis, sicut me, suscitabit tibi Dominus; ipsum audies.* (Deuteron. XVIII. 15). Prædicta sane fuerat imo et promissa salus Gentilium; sed promissio hæc facta fuerat non Gentilibus ¹⁾, sed Israëlitarum progenitoribus: *Benedicentur in semine tuo omnes gentes terræ* (Genes. XXII. 18. Gal. III. 14—17). Itaque in Judæis assumptis apparebat Dei *veracitas* (*αληθεια*) sive fidelitas in præstandis promissis; in Gentilibus verò assumptis ejusdem manifestabatur misericordia. Recte et omnino ad rem DOMINICUS SOTO (ad h. l.) « Meritò hic seiscitaris, *inquit*, quidnam sibi voluerit PAULUS per hanc distributionem veritatis (*veracitatis, fidelitatis*) et misericordiæ. Nam et Judæi, sicut et Gentes, per misericordiam redempti sunt. De universis siquidem ait, quod *secundum suam misericordiam salvos nos fecerit* (Tit. III. γ.5). Et rursus Gentes per Dei quoque *veritatem* idem beneficium suscepere; non solum quòd *universæ viæ Domini misericordia et veritas*, verùm quod promissiones illæ ad gentes quoque attinebant, ut patet ex verbis præcipuè promissionis ipsius factæ ABRAHÆ: *In semine tuo benedicentur omnes Gentes*. Respondetur, nonnullum esse semper interstitium inter Judæos et Gentes: nam licet promissum beneficium redemptionis ad universum mundum esset dilatandum et extendendum, tamen promissio ipsa facta erat peculiariter ABRAHÆ et semini ejus; in cujus testimonium ipse solus cum suo semine obsignatus fuit caractere circumcisionis. Qua ratione comparatus est olivæ prolesque ejus secundum carnem appellatæ sunt ab Apostolo *naturales rami*. Ob idque licet per misericordiam factæ fuerint promissiones, tamen postquam factæ sunt, erant, propter veritatem Dei, per justitiam quamdam confirmandæ et exhibendæ, qua ratione

(1) Ephes. II. 12: *Eratis hospites testamentorum, promissionis spem non habentes.*

dictus est CHRISTUS minister Judæorum, ad id delegatus. Gentibus verò, licet et prophetiarum veritas quæ de eâ re præcantatæ fuerant exposceret ut in familiam CHRISTI reciperentur, tamen quia illis non fuit peculiariter facta promissio, sed tamquam insititiis ramis beneficium olivæ communicatum est, eâ carebant (scil. promissiones) veritate justitiæ, quæ in Judæis erat. Quoniam licet Deus nulli creaturarum propriè obligetur, fit tamen modo nostroconciipiendi, illi obligatus, cui promittit. Atque hac ratione Gentes per meram misericordiam censentur evocatæ. Et hoc est, quod ait, *super misericordia*, id est, non *propter veritatem* promissionis scilicet illis factæ, *honorare Deum*, qui illos, cum non essent naturales, fecit tamen adscititios filios ABRAHÆ; id quod magnificentiam atque adeo honorem maxime et gloriam Dei commendat.

Apostolus ergo, *explicaturus* (γὰρ) id quod modo dixerat, scilicet Judæorum illam atque Gentilium assumptionem cessisse *in gloriam Dei*, sic loqui pergit: *Dico nempe* (γὰρ) JESUM CHRISTUM *exstitisse* (γεγεννησθαι) *ministerium circumcisionis*, hoc est, Judæis evangelium salutis prædicasse, *ut sic Deus verax et fidelis demonstraretur* (ὑπὲρ ἀληθείας Θεου), *ut, inquam, sic adimplerentur promissiones olim patribus eorum a Deo factæ*; *Gentiles autem dico* (τὰ δὲ ἔθνη scil. λεγῶ) *glorificasse* (δοξασαί) *Deum pro* (ὑπὲρ) *misericiordiâ ipsis exhibitâ*; *quam misericordiam aliquando illis exhibendam esse Prophetarum oracula olim prænunciaverant* (καθὼς γεγραπται).

Γὰρ hic Particula *explicantis* est valetque Latinorum *nimirum*, ubi ponitur cum explicando efficere studemus ne quis rem aliquam tamquam novam rejiciat. ΔΙΑΚΟΝΟΣ CHRISTUS hoc loco dicitur quemadmodum et Apostoli vocantur ΔΙΑΚΟΝΟΙ ΚΑΙΝΗΣ ΔΙΑΘΗΚΗΣ 2 Cor. III. 6. ΠΕΡΙΤΟΜΗ, *circumcisio*, abstractâ voce positâ pro concreta; designat ΠΕΡΙΤΜΗΘΕΝΤΑΣ, *circumcisos*, hoc est, Judæos, ut supra Cap. III. 30. ΑΛΗΘΕΙΑ ΘΕΟΥ hic intelligitur Dei *veracitas* sive *fidelitas* in præstandis promissis; patet hoc ex epexegetico ΕΙΣ ΤΟ ΒΕΒΑΙΩΣΑΙ ΤΑΣ ΕΠΑΓΓΕΛΙΑΣ ΤΩΝ ΠΑΤΕΡΩΝ. Præpositio ὑπὲρ utroque loco valet *pro*, sed priori (γ. 8.) notat *in favorem* sive *in commodum alicujus*; posteriori verò (γ. 9) significationem habet quam obtinet in locutione *gratias agere pro beneficiis*. — ΒΕΒΑΙΟΥΝ ΤΑΣ ΕΠΑΓΓΕΛΙΑΣ *firmare*, *rata facere*, hoc est *servare promissa*, Græcis frequentata phrasis est. Cf. RAPHEL. ad h. 1. ΤΩΝ ΠΑΤΕΡΩΝ est Genitivus *objecti*: *promissa Patrum*, h. e. facta Patribus. ΔΟΞΑΣΑΙ, *glorificasse*, puta quando CHRISTUS illos *suscepit* (γ. 7.).

γ. 9—13. *Sicut scriptum est: Propterea confitebòr tibi in gentibus, Domine, cet.)* Prædictum olim fuisse, fore ut Deus misericordiam (γ. 9) Gentilibus exhiberet, Apostolus deinceps probat adductis quatuor in hanc rem testimoniis; idque fecerit, quod ESTIUS hic monet, *maximè propter Judæos, ut quibus difficile esset persuadere, Gentes vocandas esse ad participationem beneficiorum MESSIÆ, sibi, non Gentibus promissi.*

Primum testimonium sumptum est ex Psalmo XVII (Hebr. XVIII), ψ. 50 : *Propterea laudabo te* (אֲדֹכֵּךְ *εξομολογήσομαι*. Vide supra ad Cap. XIV. 11) *inter gentes Domine, et nomini tuo cantabo*. Est autem Psalmus ille carmen *επινίκιον*, quod ceninit DAVID, quum hostes suos omnes superasset, firmatoque suo regno in altissima pace degeret ¹⁾. Patet hoc cum ex Psalmi titulo, tum etiam ex 2 Reg. XXII. Itaque historico et litterali sensu Psalmus pertinet ad DAVIDEM, typum MESSIÆ, sensu verò typice-prophetico dicendum est, PAULO doctore, eundem Psalmum pertinere ad MESSIAM DAVIDIS antitypum. DAVID ergo ibi dicit : *Laudabo te, JEHOVA, inter gentes quæ in meam redactæ sunt potestatem*; CHRISTUS vero ibi dicit : *laudem tuam prædicabo inter Gentes*, etc.; quod profectò factum est cum Apostolorum suorum ministerio *prædicari jussit Evangelium omni creaturæ* (Marc. XVI. 15) et *docere omnes gentes* (Matth. XXVIII. 19). Prædictum ergo erat fore ut Gentiles ad Messianam salutem admitterentur; id quod erat probandum.

Alterum testimonium sumptum est ex Deuteron. Cap. XXXII. 43 : *Lætamini Gentes cum plebe ejus*; Græcè : *ευφρανθητε εθνη μετά του λαου αυτου*, quæ ipsa est præsentis loci interpretatio in versione Septuaginta-virali. Jam verò, ex PAULI interpretatione, propheticiis hisce verbis excitantur Gentes ut jubilent unà cum Judæis, utique quia ipsæ quoque factæ fuerint participes Messianæ salutis ²⁾.

(1) Confer MOISUM ad hunc Psalmum.

(2) In Hebraico textu præsens locus sic legitur : *הֲלֵלִי יְיָ גוֹיִם כָּמוֹ* quæ verba in Vulgata recte reddita sunt : *Laudate, Gentes, populum ejus*, nisi quod pro *laudate* maluissem *jubilantes celebrate*. Si verba Græca, *ευφρανθητε, εθνη, μετά του λαου αυτου*, reddideris *lætamini, Gentes, de populo ejus*, nulla erit discrepantia inter Græcum textum et Hebraicum. Nam *re* hic non differunt *jubilando celebrare quempiam* et *lætari de aliquo*. Atqui fieri potest, quod conjecit LUD. DE DIEU (*Critica sacr.* ad h. l.), ut Græci interpretes præpositionem *μετά* hoc loco reapse ita usurpaverint ut illi subjecerint notionem Præpositionis *ob* vel *de*. « In Hebræo est, inquit, *הֲלֵלִי יְיָ גוֹיִם כָּמוֹ*, quod quum ad verbum sonet, *Canite, Gentes, populum ejus*, Septuaginta verterunt ut citavit Apostolus, mutatâ quidem phrasi, sed eodem sensu, quasi dixissent : *ἄδετε εἰς τὸν λαὸν αὐτοῦ*.

Nam *μετά* præpositio ibi non significat *societatem*, quasi mens sit : *Habet populus Dei cur canat, vos Gentes adjungite vos socios et canite unà cum eo*; sed argumentum significat et materiam cantûs, id ipsum quod cantu celebrari debet; quomodo et Belgicè dicimus, *Hy is blyde met zyn huwelyk*, quasi Latine dicas, *gaudet cum conjugio suo*, id est, felicitas conjugii ipsius materia ipsi gaudii est. Sic Septuaginta, Psalm. 21. ψ. 7. dixerunt : *Εὐφρανεῖς αὐτὸν ἐν χάρι μετὰ προσώπου σου, exhilarabis eum in lætitiâ cum vultu tuo*. Sensus est : Facies ut ex vultu tuo habeat argumentum lætitiæ. Sic Isaïæ XXIV. 14 pro *הֲלֵלִי יְיָ בְּגֵאֻן הַיְיָ* *cantabunt in excellentia Domini* (i. e. de excellentia, cantabunt excellentiam, vel lætabuntur ob excellentiam), Septuaginta habent *ευφρανθήσονται ἅμα τῇ δόξῃ Κυρίου, lætabuntur cum gloria Domini*, i. e. *ἐπὶ τῇ δόξῃ ob gloriam, de gloria*, quod idem est atque *canent gloriam Domini*.

Tertium testimonium (γ. 11) ductum est ex Psalmo 116 (Hebr. 117) γ. 1 : *Laudate Dominum omnes Gentes, laudate eum omnes populi*. Quo loco quum *Gentes* omnes invitantur ad laudandum Deum; eo ipso, PAULO interprete, intelliguntur divinam consecutæ misericordiam et Messianæ salutis factæ participes.

Quartum denique testimonium (γ. 12) sumptum est ex ISAÏÆ vaticinio Cap. XI. 10 : *Erit radix Jesse et qui exurget regere Gentes, in eum Gentes sperabunt*. Quem locum PATRUS recitavit secundum versionem Septuaginta-viralem, nisi quod omisit voces *εν τη ημερα εκεινη*. Nam in illa versione sic legitur : *Και εσται εν τη ημερα εκεινη, η ριζα του Ιεσσαυ και ο ανισταμενος αρχειν εθνων, επ' αυτω εθνη ελπιουσιν*. Unde patet vocem *erit* (*εσται*) non construi cum τῷ *radix Jesse* (*η ριζα του Ιεσσαυ*), sed *absolutè* positam esse et valere *erit* (*continget*); et jam quod sequitur, *η ριζα του Ιεσσαυ και ο ανισταμενος αρχειν εθνων*, sumendum hoc est ad modum Nominativi absoluti, quem si circumlocutione usus exposueris per quod attinet ad, perspicuus hic eruitur sensus : *Erit* (aliquando), quod attinet ad radicem Jesse et eum qui exurget ad imperandum Gentibus, ut in illo Gentes spem suam reponant. Ceterum Septuaginta interpretes præsentis vaticinii sensum potius quam verba reddiderunt; nam Hebraicè est : *וְהָיָה בַּיּוֹם הַהוּא שׁוֹרֵשׁ יִשְׂרָאֵל אֲשֶׁר עָמַד לְנֶס עַמּוֹת אֲלֵיוּ גּוֹיִם יִדְרָשׁוּ* h. e. *Et erit in die illa: surculus Jesse (Messias oriundus κατὰ σαρκα ex DAVIDE filio JESSE) qui stabit in vexillum populorum, ad eum Gentes studiosè se convertent*. Quæ verba tanta perspicuitate Gentium vocationem prædicunt, ut nullâ interpretatione indigeant.

γ. 13. Deus autem spei repleat vos omni gaudio, et pace in credendo : ut abundetis in spe, et virtute Spiritûs sancti.

γ. 13. Ὁ δὲ Θεὸς τῆς ἐλπίδος πληρώσαι ὑμᾶς πάσης χαρᾶς καὶ εἰρήνης ἐν τῷ πιστεύειν, εἰς τὸ περισσεύειν ὑμᾶς ἐν τῇ ἐλπίδι, ἐν δυνάμει Πνεύματος ἁγίου.

Paraphrasis. Deus autem, spei nostræ auctor, vos in suscepta fide repleat omni spirituali gaudio et pace, ut exuberetis in illa spe per virtutem Spiritûs sancti.

γ. 13. *Deus autem spei repleat vos omni gaudio et pace in credendo, ut abundetis in spe, cet.)* Transitus Apostolus ad epistolæ suæ epilogum; superiorem adhortationem (Cap. XIV. XV. I—XV. 12) pio concludit voto, quo Romanis exoptat a Deo, spei christianæ auctore (ὁ Θεὸς τῆς ἐλπίδος), ut illos in susceptâ fide

(1) שׁוֹרֵשׁ *surculus*, ut Isaïæ Cap. 52. 2. Atque ita quoque vocem intellexit Chaldæus para-

phrastes qui שׁוֹרֵשׁ יִשְׂרָאֵל reddidit בֶּרֶךְ בְּרִיחַ הַיִּשְׂרָאֵל h. e. *filium filii ejus JESSE*

(*ἐν τῷ πιστεῦειν* in hunc geloovig zijn) repleat omni spiritali gaudio et pace, idque in eum finem ut (*εἰς*) in spe consequendæ salutis ex fide conceptâ exuberent per virtutem Spiritûs Sancti.

Deum Apostolus hic vocat *Deum spei* (*τῆς ἐλπίδος*, in Genitivo effectûs, ut supra γ. 5), quippe qui spei nostræ auctor est per concessam gratiam Justificationis, quâ adoptivi filii ejus effecti (Cap. VIII. 15—18) *heredes sumus* (nondum secundum rem, sed) *secundum spem vitæ æternæ* (Tit. III. 7). *Spem* ergo intelligit *spem consequendæ æternæ salutis*. Deum autem *auctorem spei* hic nominavit quia Romanis adprecaturus erat ut in illa spe abundarent (*περισσεύειν ἐν τῇ ἐλπίδι*), toto pectore eâdem veluti repleti.—*Gaudium* (de Deo) et *pacem* (cum Deo) Apostolus intelligit duo Spiritûs Sancti dona (Cf. Gal. V. 22), iisque tamquam causis tribuit *spei* incrementum; nam precatur Deum ut Romanos repleat donis illis in eum finem ut (*εἰς*) in dies magis magisque in illa spe exuberent (*εἰς τὸ περισσεύειν ὑμᾶς ἐν τῇ ἐλπίδι*). Quam *spei* exuberantiam effici docet *per virtutem Spiritûs Sancti* (*ἐν δυνάμει Πνεύματος ἁγίου*). In Vulgata legitur: *ET virtute Spiritus Sancti*; sed ET Conjunctionem nullus Græcus Codex hoc loco agnoscit; et abest illa quoque, Estio teste, a nonnullis Msc. Codicibus Vulgatæ.

γ. 14—16. Certus sum autem fratres mei et ego ipse de vobis, quoniam et ipsi pleni estis dilectione, repleti omni scientia, ita ut possitis alterutrum monere. 15 Audaciùs autem scripsi vobis fratres ex parte, tamquam in memoriam vos reducens: propter gratiam, quæ data est mihi à Deo, 16 ut sim minister Christi Jesu in Gentibus: sanctificans Evangelium Dei, ut fiat oblatio Gentium accepta, et sanctificata in Spiritu sancto.

γ. 14—16. Πέπεισμαι δὲ, ἀδελφοί μου, καὶ αὐτὸς ἐγὼ περὶ ὑμῶν, ὅτι καὶ αὐτοὶ α) μεστοὶ ἐστε ἀγαθωσύνης, πεπληρωμένοι πάσης γνώσεως, δυνάμενοι καὶ ἄλλους β) νοουθετεῖν. 15 Τολμηρότερον δὲ ἔγραψα ὑμῖν, ἀδελφοί, ἀπὸ μέρους, ὥς ἐπαναμιμνήσκων ὑμᾶς, διὰ τὴν χάριν τὴν δοθεῖσάν μοι ὑπὸ τοῦ Θεοῦ 16 εἰς τὸ εἶναί με λειτουργὸν Ἰησοῦ Χριστοῦ εἰς τὰ ἔθνη, ἱερουργοῦντα τὸ εὐαγγέλιον τοῦ Θεοῦ, ἵνα γένηται ἡ προσφορὰ τῶν ἐθνῶν εὐπρόσδεκτος, ἡγιασμένη ἐν Πνεύματι ἁγίῳ.

Paraphrasis. Persuasum autem habeo, fratres mei, etiam ipse ego de vobis, quod jam ipsi vestrâ sponte pleni estis fraterna charitate, repleti omni scientia, adeoque tales qui possitis etiam vos invicem monere. Attamen aliquantulum audentior scripsi vobis, fratres, non tamquam vos docturus ea quæ nesciretis, sed vobis veluti in memoriam revocaturus ea quæ non ignorabatis; et hoc feci ut satisfacerem Apostolatûs mei officio, quod mihi divinitus concessum fuit in eum finem, ut essem JESU CHRISTI sacerdos apud Gentiles, Evangelium Dei illi administrando, ut fierent Gentes sacrificium meum Deo gratum acceptumque quippe Spiritu sancto sanctificatum.

VARIANS LECTIO.

a) Voces καὶ αὐτοὶ non leguntur in Codd. DEFG. Absunt pariter ab Itala aliisque nonnullis versionibus antiquis.

b) Pro αγαθοεισυνης est αγαπης in Codd. FG, quam lectionem Vulgata quoque exhibet.

c) Lectionem αλλους exhibet Codex J tantum; reliqui Unciales habent αλληλους. Lectionem αλλους tribuerim negligentiae librarii qui ex voce αλληλους mediam syllabam omiserit.

EPISTOLÆ EPILOGUS.

γ. 14. *Certus sum autem, fratres mei, et ego ipse de vobis, quoniam et ipsi pleni estis dilectione, cet.)* Excusat se Apostolus quod Romanis scripserit quamquam sciret eos se monitore carere potuisse, quippe qui pleni dilectione et scientiâ ipsi se mutuò satis admonere et instituere possint. Bene Estius: « Ne correptionem et instructionem sibi adhibitam, inquit, molestè ferant Romani, excusatione utitur cum laude eorum conjuncta, quum dicit nec apud illos dēesse qui simile officium præstare possint. Neque enim quod hic eis attribuit, ad omnes eos et singulos referendum est.» Dicit ergo: *Persuasum autem habeo* (δέ, h. e. quamquam res secus videatur quia monitorias litteras ad vos dederim), *fratres mei, etiam ipse ego* (qui tamen vestri monitorem egi in hac epistola) *de vobis, quod jam ipsi vestrâ sponte* (καὶ αὐτοὶ) *pleni estis bonitate sive fraterna charitate* (αγαθωσυνης), *repleti omni scientia, adeoque tales qui possitis etiam* (καὶ) *vos invicem monere.* Nimirum, duo in monitore necessaria sunt, charitas et scientia.

Πεπεισμαι persuasus sum, certus sum, ut suprâ Cap. XIV. 14. *Καὶ αὐτοὶ*, jam ipsi, vestrâ sponte, sine me hortatore. *Αγαθωσυνη* bonitas (Gal. V. 22), quo sensu Galli adhibent vocem *bonté*. *Αγαθωσυνη* vox senioris Græcitat̃is est.

γ. 15—16. *Audacius autem scripsi vobis, fratres, ex parte tamquam in memoriam vos reducens, propter gratiam, cet.)* Excusat se quod ausus fuerit per epistolam illos monere quamvis sciret illos se monitore non indigere; monet autem sumpsisse se illam audaciam ut satisfaceret *injuncto sibi officio Apostolat̃is*. Quod verò dicit tale est: *Attamen* (δε) *aliquantulum* (απο μερους) *audentior* (τολμηροτερον) *scripsi vobis, fratres, non tamquam vos docturus ea quæ nesciretis, sed veluti in memoriam vobis revocaturus quæ non ignorabatis* (ὥς επαναμιμνησκων υ̃μας); *et hoc feci ut satisfacerem Apostolat̃is mei officio* (δια την χαριν) *quod mihi divinitus concessum fuit* (την δοθεισαν μοι ὑπο του Θεου) *in eum finem ut* (εις) *essem Jesu Christi sacerdos apud* (εις ad) *Gentiles, Evangelium Dei illis admi*

nistrando, ut fierent Gentes sacrificium meum Deo gratum acceptumque, quippe per Spiritum sanctum sanctificatum.

Τολμηροτερον Neutrum Comparativi positum est Adverbialiter valetque *τολμηροτεως*, quemadmodum Act. XXIII. 13 *ακριβεστερον* valet *ακριβεστεως*. Quod dicit *τολμηροτερον* *audentius*, *audacius*, alterum membrum Comparationis reticetur, sumendum autem est ex contexta oratione. Puta Apostolum dicere voluisse ita: *Quod monitorias litteras ad vos dederim, in eo audacius egi quam pro vestra humanitate et scientia, quibus dotibus ornati poteratis ipsi vos invicem monere meque monitore facile carere.* Confer ψ. 14. Fit non rarò ut alterum Comparationis membrum simili modo sit mente supplendum. Exempla duo prostant in Epistola ad Philippenses, Cap. I. 13 et Cap. II. 23. Voces *απο μερους*, *aliquantulum*, ut infra ψ. 24 (Vulg. *ex parte*) jungo non cum *εγραψα*, sed cum *τολμηροτερον*, ut adeo dicat Apostolus: *aliquantulum audacius*. Syrus quoque interpretes *απο μερους* junxit cum *τολμηροτερον*; vertit enim $\Delta \mu \rho \iota \sigma \mu \epsilon \nu \omega$ h. e. *paululum autem audaciter*. Idem quoque fecit OECUMENIUS (ad h. l.), qui illud *απο μερους* interpretatur *τινα τροπον*, *quodammodo*. Qui *απο μερους* jungunt cum *εγραψα*, illud *απο μερους* reddunt *hic illic in mea epistola*, ut mens Apostoli sit dicere: *Audacius quam pro summa vestra bonitate perfectaque sapientia scripsi vobis, fratres, in nonnullis epistolæ meæ locis.* Sed Apostolus in eo est ut excuset se quòd omninò litteras monitorias ad illos dare ausus fuerit ¹⁾, non verò quod in his litteris *hic illic audacior fuerit* in monendo. *Δια την χάριν*, cet., *propter gratiam*; Apostolicum suum munus *gratiam* appellat, ut supra Cap. XII. 3. Ephes. III. 8. Gal. II. 9. *Ἱερουργειν* hoc loco *transitivam* habet significationem, ut 4 Maccab. Cap. VII. 8: *ἱερουργουντες τον νομον*. De *evangelio Dei* vide supra ad Cap. I. I. pag. 6. Participium *ἱερουργουντα* exprimit *modum* quo esset PAULUS *λειτουργος Χριστου εις τα εθνη*. Ceterum notandum est, Apostolum de sua Evangelii inter Gentes prædicatione loqui metaphoricè, ductâ similitudine a functionibus sacerdotalibus in sacrificando ²⁾. Itaque *prædicare evangelium* vocat *ἱερουργειν*, seque *λειτουργον* (*sacerdotem*), quæ duæ voces ad rem sacrificalem pertinent; atque ita quoque Gentiles suâ prædicatione ad CHRISTUM adductos *oblationem* (*προσφοραν*) nominat *Deo gratam* (*ευπροσδεκτον*), quippe Spiritu Sancto (*εν instrumenti*) ³⁾ *sanctificatum* ⁴⁾

(1) THEODORETUS (ad h. l.): Το μετρίον του φόρου ημάτος έδειξε, κατατολμησαι της διδασκαλιας ειπων. h. e. *Animi modestiam ostendit ausum se fuisse docere dicens.*

(2) Cf. Ep. ad Philipp. Cap. II. 17.

(3) In Vulgata est: *et sanctificata*; sed hanc Particulam et nullus Græcus Codex agnoscit, et sensui officit.

(4) Bene ESTIUS: «Allusio est, inquit, ad ritum veteris sacerdotii, quo hostiæ Deo offerendæ sanctificationibus quibusdam externis præparabantur ac mundabantur, ut *acceptabile* (*ευπροσδεκτος*) esset sacrificium. Ita significat Apostolus, Gentes prius immundas per fidem operante Spiritu Sancto mundatas et sanctificatas, a se, velut sacerdote, gratam et acceptabilem offerri hostiam Deo.»

(*ἡγιασμενὴν*) . In dictione *προσφορα των εθνων* non est *των εθνων* Genitivus *Subjecti* (oblato quam Gentes offerunt), sed *Objecti*: oblatio sive sacrificium, quod sunt Gentes. Rectissime ad præsentem Apostoli locum ESTIUS: « Quum PAULI sermo, inquit, metaphoricus sit, ineptè CALVINUS hinc arripit ansam sugillandi sacerdotium propriè dictum novæ Legis, quod oblationibus quotidianis per totam Ecclesiam exercetur; quasi non aliud in Ecclesia sacerdotium agnoscat Apostolus, quam quod in prædicatione verbi Dei consistat. Quod nequaquam consequens est; nisi et veteris Legis sacerdotium hac ratione tollatur, quia in Prophetis et Psalmis passim legamus sacrificia metaphorica veluti justitiæ, misericordiæ, contriti cordis, ut Deo accepta commendari. »

γ. 17—21. Habeo igitur gloriam in Christo Jesu ad Deum. ¹⁸ Non enim audeo aliquid loqui eorum, quæ per me non efficit Christus in obedientiam Gentium, verbo et factis: ¹⁹ in virtute signorum, et prodigiorum, in virtute Spiritus sancti: ita ut ab Jerusalem per circuitum usque ad Illyricum repleverim Evangelium Christi. ²⁰ Sic autem prædicavi Evangelium hoc, non ubi nominatus est Christus, ne super alienum fundamentum ædificarem: sed sicut scriptum est: ²¹ Quibus non est annunciatum de eo, videbunt: et qui non audierunt, intelligent.

γ. 17—21. Ἐχω οὖν καύχησιν ^{a)} ἐν Χριστῷ Ἰησοῦ τὰ ^{b)} πρὸς Θεόν. ¹⁸ οὐ γὰρ τολμήσω λαλεῖν τι ^{b)} ὧν οὐ κατειργάσατο Χριστὸς δι' ἐμοῦ εἰς ὑπακοὴν ἐθνῶν, καὶ λόγῳ καὶ ἔργῳ, ¹⁹ ἐν δυνάμει σημείων καὶ τεράτων, ἐν δυνάμει Πνεύματος Θεοῦ ὥστε με ἀπὸ Ἱερουσαλὴμ καὶ κύκλῳ μέχρι τοῦ Ἰλλυρικοῦ πεπληρωμέναι τὸ εὐαγγέλιον τοῦ Χριστοῦ, ²⁰ οὕτω δὲ φιλοτιμούμενον εὐαγγελίζεσθαι, οὐχ ὅπου ὠνομάσθη Χριστὸς, ἵνα μὴ ἐπ' ἀλλότριον θεμέλιον οἰκοδομῶ, ²¹ ἀλλὰ, καθὼς γέγραπται· Οἷς οὐκ ἀνηγγέλη περὶ αὐτοῦ, ὁρῶνται· καὶ οἱ οὐκ ἀκηκόασι, συνήσουσι.

Paraphrasis. Habeo autem, quod ad fructum meæ prædicationis attinet, causam gloriandi non certè in me ipso, sed in CHRISTO JESU; neque enim sustinebo gloriandi causâ commemorare aliquid earum rerum quas non operatus fuerit CHRISTUS per me ad Gentilium conversionem, verbo atque opere, signorum atque miraculorum effectione, charismatum Spiritus sancti in credentes effusione; eo eventu ut inde ab Hierosolymis et in regionibus circumjacentibus usque ad Illyriam Evangelii prædicationem absolverim; ita verò evangelizare studiosè curans, ut illud facerem non iis in locis in quibus CHRISTUS jam esset annunciatum, nolens scilicet ædificare super fundamentum ab alio positum, sed ibi ubi homines de Christo hactenus non inaudivissent, secundum illud Scripturæ de Christo Gentibus annuncians oraculum: Quibus non nunciatum erat de eo, hi videbunt; et qui non audiverunt, intelligent.

VARIANS LECTIO.

a) Pro καυχῆσθαι legitur cum addito Articulo τὴν καυχῆσθαι in Codd. BDEFG.

b) Vocula τα non legitur in Codice D. Nec lecta videtur Vulgatæ auctori; nam si legisset, scripsisset, opinor, in iis quæ sunt ad Deum, ut fecit Hebr. V. 1.

c) Pro λαλεῖν τι est τι λαλεῖν in Codd. ABCDEFG.

ψ. 17—21. *Habeo igitur gloriam in Christo Jesu ad Deum; non enim audeo, cet.*) Dixerat modò (ψ. 16) Apostolus *quemnam in finem* concessum ipsi fuisset Apostolatûs officium; hic verò *a fine* sui Apostolatûs apud Gentiles *transit* (οὖν ut 1 Cor. VIII. 4) ad dicendum de felici ejusdem successu, in Gentilium conversione conspicuo. Facit autem hoc ad commendandam suam auctoritatem apud Romanos, ut eo insinuet jure se potuisse monitorias ad illos dare litteras. Dicit ergo: *Habeo autem* (οὖν), *quod ad fructum meæ prædicationis attinet* (τα πρὸς τὸν Θεόν), *causam gloriandi* (τὴν καυχῆσθαι), *non certè in me ipso sed in CHRISTO JESU* (ἐν Χριστῷ Ἰησοῦ). Neque enim *sustinebo* (τολμῆσω) *gloriandi causâ commemorare aliquid egrum rerum* (τι λεγεῖν ὧν) *quas non operatus fuerit* (κατειργασατο) CHRISTUS per me ad Gentilium conversionem (εἰς ὑπακοὴν ἐθνῶν), verbo atque opere, signorum atque miraculorum effectione; charismatum Spiritûs sancti in credentes effusione, eo eventu ut inde ab Hierosolymis et in regionibus circumjacentibus (καὶ κυκλῶ) usque ad Illyriam Evangelii prædicationem absolverim; ita verò evangelizare studiosè curans (φιλοτιμουµενον ευαγγελιζεσθαι) ut illud facerem non iis in locis in quibus CHRISTUS jam esset annunciat, nolens scilicet ædificare super fundamentum ab alio positum, sed ibi ubi homines de CHRISTO hactenus non inaudivissent, secundum illud Scripturæ de CHRISTO Gentibus annuntiando oraculum: *Quibus non nunciatum erat de eo, hi videbunt; et qui non audiverunt, intelligent.*

Ἐν Χριστῷ Ἰησοῦ jungit non proximè cum ἐχὼ sed cum καυχῆσθαι, ad eum modum quo dicitur καυχασθαι ἐν Κυρίῳ 1 Cor. I. 31. Καυχῆσις est gloriatio; materiam autem suæ in CHRISTO gloriationis Apostolus intelligit prosperum successum quem, CHRISTO per ipsum operante, habuerat sua Evangelii prædication. Cf. ψ. 19. 20. Sive καυχῆσθαι legas, sive cum Articulo (Vid. var. lect.) τὴν καυχῆσθαι, sensus eòdem recidit; si mavis legere cum Articulo, Græca reddideris: *habeo gloriationem meam* (τὴν), cet.—

Τὰ πρὸς τὸν Θεόν, in iis rebus quæ ad Deum pertinent, phrasis est qua designatur sacerdotale munus, qua tale. Idem dixisset Apostolus si scripsisset: Ἐχω οὖν καυχῆσιν ἐν Χριστῷ Ἰησοῦ ὥς ἱεροουργός (γ. 16).

Versum decimum octavum (οὐ γὰρ τολμήσω κτλ.) Estius aliique interpretantur: Non ausim commemorare aliquid a me factum, quod reverā CHRISTUS per me non effecerit. Sed si hoc dicere voluisset Apostolus, scripsisset non λαλεῖν τι ὧν, ut fecit, sed λαλεῖν τι ὁ. — Εἰς ὑπακοὴν ἐθνῶν ad Gentilium obedientiam efficiendam; h. e. ad efficiendum ut Gentiles præstarent obedientiam Evangelio; ubi ἐθνῶν Genitivus est Subjecti sive Personæ quæ υπακοὴν præstat. Supra, Cap. I. γ. 5, ὑπακοὴ vox struitur cum Genitivo Objecti: ὑπακοὴ πιστεως, obedientia fidei præstanda. Verbum (λογον) intelligit Evangelii prædicationem quam comitaretur ενεργεια Spiritus sancti in auditoribus; opus verò (εργον) vocat patrata miracula, quæ distinctius mox significat addendo ἐν δυνάμει σημειῶν καὶ τερατῶν, h. e. vi (ἐν instrumenti) signorum et prodigiorum. Quod additur ἐν δυνάμει Πνεύματος Θεοῦ, vi sive virtute Spiritus Dei, retulerim hoc ad charismata Spiritus sancti, ut sunt dona linguarum, prophetiæ, cetera, quæ 1 Cor. XII. enumerantur. Solet enim Apostolus et hoc genus miraculorum commemorare ubi loquitur de Evangelio divinâ operâ propagato. Cf. Hebr. Cap. II. 4. Κυκλῶ (scil. τῆς Ἱερουσαλήμ) in circuitu, circumcirca, puta in regionibus Hierosolymas circumjacentibus. Πληροῦν, absolvere Evangelium (metonymicè ut 1 Cor. IX. 12.) h. e. Evangelii prædicationem. Participium φιλοτιμουµενον pendet ab antegresso (γ. 19) με. Est autem φιλοτιμοῦμαι studiose curo aliquid, sicut 2 Cor. V. 9. et 1 Thess. IV. 11. Auctor Vulgatæ Græca hoc loco liberius interpretatus est. Alienum fundamentum PAULUS intelligit Evangelii prædicationem alicubi ab alio Apostolo aut prædicatore jam institutam. Scilicet facilius est superstruere quam jacere fundamenta. Qui ibi recitatur ab Apostolo S. Scripturæ locus, ex ISAÏÆ vaticinio sumptus est. De quo bene Estius: « Hoc propheticum testimonium (Isaïæ LII. 13), inquit, quod generatim de Gentibus loquitur, PAULUS specialiter accommodat suo instituto, referens illud ad eas Gentes, ad quas aliorum Apostolorum prædicatio nondum pervenerat. »

γ. 22—24. Propter quod et impediēbar plurimum venire ad vos, et prohibitus sum usque adhuc. ²³ Nunc verò ulterius locum non habens in his regionibus, cupiditatem autem habens veniendi ad vos ex multis jam præceden-

γ. 22—24. Διὸ καὶ ἐνεκοπτόμην τὰ πολλὰ τοῦ ἐλθεῖν πρὸς ὑμᾶς. ²³ Νυνὶ δὲ μηκέτι τόπον ἔχων ἐν τοῖς κλίμασι τούτοις, ἐπιποθείαν δὲ ἔχων τοῦ ἐλθεῖν πρὸς ὑμᾶς ἀπὸ πολλῶν ἐτῶν. ²⁴ ὥς

Paraphrasis. Quam ob causam plerumque etiam impediēbar quominus ad vos venirem. Nunc verò quum in his regionibus non amplius habeam ἁ occasionem prædicandi Evangelium iis quibus adhuc non fuerit prædicatum, desiderem autem a multis jam annis venire ad

tibus annis : 24 cū in Hispaniam proficisci cœpero , spero quòd præteriens videam vos , et à vobis deducar illuc , si vobis primum ex parte fruitus fuero.

ἐὰν ^{a)} πορεύωμαι εἰς τὴν Ἰσπανίαν , ἐλεύσομαι πρὸς ὑμᾶς· ἐλπίζω γὰρ διαπορευόμενος θεασασθαι ὑμᾶς , καὶ ὑφ' ^{b)} ὑμῶν προπεμφθῆναι ἐκεῖ , ἐὰν ὑμῶν πρῶτον ἀπὸ μέρους ἐμπλησθῶ.

vos , ut primum ibo in Hispaniam , spero me per Romam iter meum facientem vos in transitu videre atque a vobis illuc deduci , ubi prius per aliquot dies apud vos commoratus , meum perfruendæ vestri consuetudinis desiderium aliquantulum explevero.

VARIANS LECTIO.

a) Pro ἐὰν est ἂν in plerisque Codd. Uncialibus.

b) Pro ὑφ' est ἀφ' in Codd. BDEFG.

c) Voces ελευσομαι πρὸς ὑμᾶς non leguntur in Codd. ABCDEFG ; absunt pariter a plerisque antiquis versionibus. Vocula γὰρ post ἐλπίζω non legitur in Codd. FG , ut nec in plerisque versionibus antiquis. Genuinam præsentis loci lectionem dixerim esse hanc : Ὡς ἂν πορευομὲ εἰς τὴν Ἰσπανίαν , ἐλπίζω διαπορευόμενος , cetera.

ψ. 22. *Propter quod et impediēbar plurimūm venire ad vos , cet.)* Causam exponit Apostolus cur tamdiu distulerit invisere Romanos , cum tam cupidè tamen a longo jam tempore illud facere desiderasset. Causa autem fuerat (nonnumquam alia) *plerumque* (τα πολλά) hæc , quòd in regionibus (ψ. 19) , ubi versaretur , occuparetur in prædicando Evangelio iis in locis in quibus Christus adhuc non esset annunciatus (ψ. 26). Τα πολλά *plerumque* , in Accusativo Adverbiali. Cf. KÜNNER §. 556. *Ann.* 2. Infinitivus *nominascens* τοῦ ελθεῖν pendet ab *ενεχοπτομην*. Quod in Vulgata additur , *et prohibitus sum usque adhuc* , illud neque in ullo Græco Codice legitur , neque in Italâ aut aliâ quapiam antiqua versione ; abest etiam hæc pars , Estio teste , a multis latinis iisque optimæ notæ Codicibus. Quod autem in Velesiano aliquo Codice hoc loco lectum fuerit καὶ ἐκώλυθην μεχρι νυν , signum hoc est Codicem illum ad Vulgatam fuisse interpolatum.

γ. 23—24. *Nunc verò ulterius locum non habens in his regionibus, cet.)* Spem facit sui adventûs. « *Nunc verò*, inquit, *quum in his regionibus* (γ. 19 designatis) *non amplius habeam* (μηκέτι έχων) *locum* (τοπον) h. e. opportunitatem prædicandi Evangelium iis quibus adhuc non fuerit prædicatum (γ. 20), *habeam autem* (έχων δε) *a multis jam annis desiderium ad vos veniendi*, ut primum (ὥς αν) *proficiscar* (πορευωμαι) *in Hispaniam*, *spero me per Romam iter meum facientem vos in transitu* (διαπορευομενος) *videre*, atque *a vobis illuc deduci* (προπεμφθηναι), si prius, per aliquot dies apud vos commoratus, meum fruendi vestri consuetudine desiderium aliquantulum (απο μερους) explevero.

Ὡς αν, ut primum, simulac, de tempore incerto, ut valeat δταν, sicut 1 Cor. 34. Philipp. II. 23. Confer illud quod in Tab. СЕВ. legitur (pag. 168): Προσταττει δε τοις εισπορευομενοις, τι δεῖ αυτους ποιειν, ὥς αν εισελθωσιν εις τον βιον, h. e. Imperat verò intrantibus quid eos facere oporteat, simulac vitam ingressi fuerint. Vim Particularum ὥς αν satis recte expressit Vulgatæ auctor, qui hoc loco scripsit: cum in Hispaniam proficisci cepero (cœpero). Εκκει prægnanter pro εκεισε, ut Joh. XI. 8.

γ. 25—28. Nunc igitur proficiscar in Jerusalem ministrare sanctis. Probaverunt enim Macedonia, et Achaïa collationem aliquam facere in pauperes sanctorum, qui sunt in Jerusalem. 27 Placuit enim eis, et debitores sunt eorum. Nam si spiritualium eorum participes facti sunt Gentiles: debent et in carnalibus ministrare illis. 28 Hoc igitur cùm consummavero,

γ. 25—28. *Νυνὶ δὲ πορεύομαι εἰς Ἱερουσαλήμ, διακονῶν* ^{a)} *τοις ἁγίοις.* 26 *Εὐδόκησαν γὰρ Μακεδονία καὶ Ἀχαΐα κοινωνίαν τινὰ ποιήσασθαι εἰς τοὺς πτωχοὺς τῶν ἁγίων τῶν ἐν Ἱερουσαλήμ.* 27 *εὐδόκησαν γὰρ, καὶ ὀφείλεται αὐτῶν εἶσιν.* *Εἰ γὰρ τοῖς πνευματικοῖς αὐτῶν ἐκοινώνησαν τὰ ἔθνη, ὀφείλουσι καὶ ἐν τοῖς σαρκικοῖς λειτουργῆσαι αὐτοῖς.*

Paraphrasis. Nunc verò in eo sum ut proficiscar Hierosolymam ad succurrendum inopiæ Christianorum ibi commorantium. Nimirum placuit Macedonibus et Achæis pecuniariam aliquam facere collationem in pauperes qui sunt inter Christianos Hierosolymitanos; placuit, inquam, eis, imò et debitores sunt illorum. Nam si spiritualia eorum bona participarunt Gentiles, debent hi vicissim temporalibus bonis suis inopiam eorum levare. Hoc igitur iter quum perfecero et tradidero Hierosolymitanis

(1) Apud HOOGEVEENIUM, in *Doctrina Particularum Ling. Græc.* in epitomen redacta a SCHÜTZIO. Lipsiæ 1806. pag 388.

et assignavero eis fructum
hunc : per vos proficiscar
in Hispaniam.

28 Τοῦτο οὖν ἐπιτελέ-
σας, καὶ σφραγισάμε-
νος αὐτοῖς τὸν καρπὸν
τοῦτον, ἀπελεύσομαι δι'
ὑμῶν εἰς τὴν Ἰσπα-
νίαν.

hunc fructum caritatis Mace-
donum et Achæorum, per
urbem vestram in Hispaniam
proficiscar.

VARIANS LECTIO.

a) Pro διακονῶν est διακονησαι in Codd. DEFG; quæ lectio tribuenda videtur correctioni libra-
riorum qui vim Participii διακονῶν hoc loco non satis intellexerint.

γ. 25—26. *Nunc igitur proficiscar in Jerusalem ministrare sanctis.*) Græce est *nunc verò* (νυν δε). Monet Apostolus, prius quam Hispanicum suum iter insti-
tuere possit eundem sibi esse Hierosolymam, ad eleëmosynas ex Macedonibus et Achivis
in sustentationem Hierosolymitanorum Christianorum collectas illuc deportandas. *Nunc*
verò (δε) inquit, *in eo sum ut proficiscar* (πορευομαι) *Hierosolymam ad succurren-*
dum inopiæ (διακονῶν) *Christianorum ibi commorantium* (τοῖς ἁγίοις). Nimirum
(γὰρ) placuit (ευδοκησαν, zij hebben goed gevonden) *Macedonibus et Achæis*
(Christianis) pecuniariam aliquam facere collationem (κοινωνίαν τινα) *in pauperes*
qui sunt inter Christianos Hierosolymitanos.

Πορευομαι, in Præsenti, de eo quod quis jam jam est facturus, ut Joh. XIII. 6 :
Κυριε, σύ μου νιπτεις τοὺς ποδας; Participium Præsentis (διακονῶν) post verbum
motus πορευομαι denotat *consilium*. Cf. WINER §. 46. 5. *Γὰρ*, nimirum, ut supra γ. 8.

γ. 27—28. *Placuit enim eis, et debitores sunt eorum. Nam si spiritualium*
eorum participes facti sunt Gentiles, cet.) Pro *placuit enim eis* Græcè iterum est
ευδοκησαν γὰρ, ut in antegresso versiculo. Ad seriem orationis quod attinet, notan-
dum est Apostolum hic quodammodo *corrigere* id quod modò dixerat : *Placuit Macedo-*
nibus et Achæis succurrere inopiæ pauperum Hierosolymitanorum. Est autem *correctio*
sive *επανορθωσις* hæc in eo posita, quòd monet Apostolus Macedones et Achæos Hie-

rosolymitanis succurrisse non tam gratuitò quam potius ex quodam veluti debito, quippe qui *τα πνευματικά αὐτῶν* spiritualia illorum bona participassent. Et verò *salus ex Judæis est*. Joh. IV. 22. Dicit ergo: *Placuit, inquam (γαρ) eis, imò et (καὶ) debitores sunt illorum*. Nam si spiritualia illorum (Judæorum) bona participarunt *Gentiles*, debent hi vicissim (καὶ) in carnalibus (ἐν instrumenti) *τοῖς σαρκικοῖς* h. e. temporalibus ipsorum bonis illis ministrare (*λειτουργῆσαι αὐτοῖς*), h. e. inopiam illorum levare. *Hoc igitur negotium (τοῦτο)* Hierosolomytanum iter, γ. 19) *quum perfecero et assignavero (σφραγισαμενός)* sive tradidero *illis* (Hierosolymitanis) *hunc fructum* (caritatis Macedonum et Achæorum; cf. Philipp. IV. 17), *per vos* (per Romam, vestram urbem) *in Hispaniam proficiscar*.

γ. 29—33. Scio autem quoniam veniens ad vos, in abundantia benedictionis Evangelii Christi veniam. ³⁰ Obsecro ergo vos fratres per Dominum nostrum Jesum Christum, et per charitatem sancti Spiritus, ut adjuvetis me in orationibus vestris pro me ad Deum, ³¹ ut liberer ab infidelibus, qui sunt in Judæa, et obsequii mei oblatio accepta fiat in Jerusalem sanctis, ³² ut veniam ad vos in gaudio per voluntatem Dei, et refrigerer vobiscum. ³³ Deus autem pacis sit cum omnibus vobis. Amen.

γ. 29—33. Οἶδα δὲ ὅτι ἐρχόμενος πρὸς ὑμᾶς, ἐν πληρώματι εὐλογίας τοῦ εὐαγγελίου τοῦ ^{a)} Χριστοῦ ἐλεύσομαι. ³⁰ Παρακαλῶ δὲ ὑμᾶς, ἀδελφοί, διὰ τοῦ Κυρίου ἡμῶν Ἰησοῦ Χριστοῦ καὶ διὰ τῆς ἀγάπης τοῦ Πνεύματος, συναγωνίσασθαι μοι ἐν ταῖς προσευχαῖς ὑπὲρ ἐμοῦ πρὸς τὸν Θεόν, ³¹ ἵνα ῥυσθῶ ἀπὸ τῶν ἀπειθούντων ἐν τῇ Ἰουδαίᾳ, καὶ ἵνα ἡ* διακονία ^{b)} μου ἢ εἰς Ἱερουσαλὴμ εὐπρόσδεκτος γένηται τοῖς ἁγίοις. ³² ἵνα ἐν χαρᾷ ἔλθω πρὸς ὑμᾶς διὰ θελήματος Θεοῦ, καὶ συναναπάσωμαι ὑμῖν ^{c)}. ³³ Ὁ δὲ Θεὸς τῆς εἰρήνης μετὰ πάντων ὑμῶν. Ἀμήν.

Paraphrasis. Sciò autem me, quum veniam ad vos, allaturum vobis esse copiam bonorum spiritualium. Obsecro autem vos, fratres, per Dominum nostrum JESUM CHRISTUM et per charitatem Spiritus sancti, ut mecum enixe Deum pro me precemini, ut ne incidam in manus incredulorum qui in Judæâ commorantur, et ut ministerium meum gratum acceptumque sit Christianis Hierosolymitanis; idque ut gaudens de prospero successu itineris et ministerii mei veniam, Deo volente, ad vos et vobiscum me recreem. Deus autem pacis largitor sit cum omnibus vobis. Ita fiat.


VARIANS LECTIO.



a) Voces του ευαγγελίου του non leguntur in Codd. ABCDEFG ; absunt pariter ab Itala aliisque nonnullis versionibus antiquis.


b) Pro διακονια est δωροφορια in Codd. BD*FG, quam lectionem Vulgata quoque refert.

c) Pro συναναπαυσωμαι υμιν est in Codd. DE αναψυξω μεθ' υμων, et in Codd. FG αναψυχω. Utramque lectionem pro glossemate habeo.




γ. 29. Scio autem quoniam veniens ad vos, in abundantia benedictionis Evangelii Christi veniam.) Significat Apostolus, adventum suum valde frugiferum fore Romanis. Scio, inquit, me, quum veniam ad vos, allaturum vobis esse copiam bonorum spiritualium. Confer quæ notavimus supra ad Cap. I. 11. Ερχεσθαι εν τινι, venire cum aliqua re, hoc est, afferre aliquam rem. Πληρωμα ευλογιας plenitudo benedictionis του Χριστου (Genitiv. Auctoris), cujus CHRISTUS auctor est.

γ. 30—33. Obsecro ergo vos fratres, cet.) Duo metuebat PAULUS; unum ne quid mali sibi in Jerosolymitano hoc itinere inferretur a Judæis, quibus vehementer esset exosus; alterum ne Christianis Jerosolymitanis allata eleëmosyna propter personam PAULI deportantis displiceret. Erat enim PAULUS, quod ESTIUS recte hic notat, etiam fidelibus Judæis suspectus, tamquam Mosaicæ legis adversarius, ut liquet ex Act. Cap. XX. Apostolus ergo utrâque hac sollicitudine affectus seque suumque iter piis Romanorum precibus impensè commendat. Quod autem dicit tale est: Obsecro autem (δε) vos, fratres, per (δια) Dominum nostrum JESUM CHRISTUM et per charitatem Spiritus sancti, ut mecum enixe Deum pro me precemini, ut ne incidam in manus incredulorum qui in Judæa commorantur, et ut ministerium meum (η διακονια μου) gratum acceptumque sit Christianis Hierosolymitanis, idque ut gaudens (εν χαρα) de prospero successu itineris et ministerii mei veniam, Deo volente, ad vos et vobiscum me recrēm.



CAPUT DECIMUM SEXTUM.



ARGUMENTUM. PHOEBEN, *Cenchrëensis ecclesiæ diaconissam*, cui perferendam hanc epistolam tradiderat Apostolus, impensè Romanis Christianis commendat (1—3). Deinde ex illorum cœtu bene multos suo nomine nominatim, et Romanos Christianos in universum omnes omnium ecclesiarum nomine salvere jubet (3 — 17). Post hæc admonitionem inserit de fugiendo consortio quorundam pseudo-doctorum, quos distinctius ibi designat (17—21). Postremò missâ Romanis salute speciatim a TIMOTHEO aliisque nonnullis, quos secum haberet, tandem insigni doxologia epistolam claudit (21—27).



γ. 1—2. Commendo autem vobis Phœben sororem nostram, quæ est in ministerio Ecclesiæ quæ, est in Cenchris: 2 ut eam suscipiatis in Domino digne sanctis: et assistatis ei in quocumque negotio vestri indiguerit: etenim ipsa quoque adstitit multis, et mihi ipsi.

γ. 1—2. Συνίστημι δὲ ὑμῖν Φοίβην τὴν ἀδελφὴν ἡμῶν, οὗσαν διακονοῦν τῆς ἐκκλησίας τῆς ἐν Κεγχρεαῖς, ² ἵνα αὐτὴν προσδέξησθε ἐν Κυρίῳ ἀξίως τῶν ἁγίων, καὶ παραστήτε αὐτῇ ἐν ᾧ ἂν ὑμῶν χρήσῃ πράγματι· καὶ γὰρ αὐτὴ προστάτις πολλῶν ἐγενήθη, καὶ αὐτοῦ ἐμοῦ.

Paraphrasis. Ceterum, commendo vobis sororem nostram PHOEBEN, Cenchrœensis ecclesiæ diaconissam, rogans ut illam sic excipiat ut Christianos decet excipere christianos, utque illi adsitis in quocumque negotio vestrâ ope indiguerit; quod si feceritis, vicem illi rependeritis; nam ipsa quoque adjutrix adfuit cum aliis christianis bene multis, tum etiam mihi ipsi.

γ. 1. *Commendo autem vobis Phæben, sororem nostram, cet.)* Συνίστημι τινὰ τινι, *represento aliquem alicui, et ex adjuncto, commendo, ut* 2 Cor. III. 1. Primo loco Apostolus PHÆBEN commendat, Cenchrœensis Ecclesiæ diaconissam (διακονοῦν), per quam et transmisit præsentem ad Romanos epistolam. Vide Prolegomena. Sororem nostram (τὴν ἀδελφὴν ἡμῶν), puta PAULI et Romanorum Christianorum. Vocat autem eam sororem, quomodo Christiani omnes primis Ecclesiæ temporibus sese mutuò fratres et sorores appellabant. « *Bimaris Corinthi* meminit HORATIUS. Habebat urbs hæc nobilissima in Isthmo sita duplicem portum, ab occidente *Lechæum*, ad sinum Crissæum; ab oriente *Cenchreas*, ad sinum Saronicum. Ut apud Athenienses portus *Piræus*, olim ab urbe distinctus, incolis abundabat, sic et Corinthiorum portus *Cenchreæ*. » VALCKEN. ad Act. XVIII. 18.

γ. 2. *Ut eam suscipiatis in Domino digne sanctis, cet.)* PHÆBEN vobis commendo, inquit, eum in finem, ut (ἵνα) illam excipiat in Domino, eo, inquam, modo, quo Christianos decet excipere Christianos (ἀξίως τῶν ἁγίων), et ut opem illi præstetis in quacumque re (πράγματι) vobis (ὑμῶν), h. e. vestrâ ope indiguerit; quod si feceritis, vicem illi rependeritis; nam ipsa quoque (καὶ γὰρ αὐτὴ) exstitit (ἐγενήθη) adjutrix (προστάτις) et aliorum multorum et mei ipsius.

Εν Κυρίῳ, in Domino, q. d. tamquam membrum mystici illius corporis, ejus caput CHRISTUS est et membra varia sunt quotquot sunt Christiani. 1 Cor. XII. 27. Quod additur ἀξίως τῶν ἁγίων, digne sanctis i. e. Christianis (vide supra pag. 12), est hoc epexegesis antegressi ἐν Κυρίῳ. Adverbium ἀξίως convenienter, sequente Genitivo, ut Ephes. IV. 1 Coloss. I. 10. Simili structurâ usus est XENOPHON, *Cyr.* VII. 3. Alia exempla videsis apud RAPHELIUM in annott. ad Coloss. I. 10. Προστάτις, ἰδος, ἡ, a Masculino ὁ προστατὴς (α προϊστήμι), patrona, adjutrix. Vide ELSNERI observatt. sacr. ad h. l.

γ. 3—7. Salutate Priscam, et Aquilam adjutores meos in Christo Jesu; ⁴ (qui pro anima mea suas cervices supposuerunt: quibus non solus ego gratias ago, sed et cunctæ ecclesiæ gentium), ⁵ et domesticam ecclesiam eorum. Salutate Epænetum dilectum mihi, qui est primitivus Asiæ in Christo. ⁶ Salutate Mariam, quæ multum laboravit in vobis. ⁷ Salutate Andronicum, et Juniam cognatos et concaptivos meos: qui sunt nobiles in Apostolis, qui et ante me fuerunt in Christo.

γ. 3—7. Ἀσπάσασθε Πρίσκιλλαν καὶ Ἀκύλαν, τοὺς συνεργοὺς μου ἐν Χριστῷ Ἰησοῦ, ⁴ οἵτινες ὑπὲρ τῆς ψυχῆς μου τον ἑαυτῶν τράχηλον ὑπέθηκαν· οἷς οὐκ ἐγὼ μόνος εὐχαριστῶ, ἀλλὰ καὶ πᾶσαι αἱ ἐκκλησίαι τῶν ἐθνῶν. ⁵ καὶ τὴν κατ' οἶκον αὐτῶν ἐκκλησίαν. Ἀσπάσασθε Ἐπαινετὸν, τὸν ἀγαπητόν μου, ὃς ἐστὶν ἀπαρχὴ τῆς Ἀχαΐας ^{a)} εἰς Χριστόν. ⁶ Ἀσπάσασθε Μαριάμ, ἣτις πολλὰ ἐκοπίασεν εἰς ἡμᾶς. ⁷ Ἀσπάσασθε Ἀνδρόνικον καὶ Ἰουνίαν, τοὺς συγγενεῖς μου καὶ συναιχμαλώτους μου, οἵτινες εἰσιν ἐπίσημοι ἐν τοῖς ἀποστόλοις, οἱ καὶ πρὸ ἐμοῦ γεγονότασιν ἐν Χριστῷ.

Paraphrasis. Salutate meis verbis *Priscillam* et *Aquilam*, coöperatores meos in tradenda doctrina christiana, qui pro tuenda vita mea ipsi præsentissimum vitæ periculum subierunt; quam ob rem non solus ego gratias illis habeo, verum etiam mecum gratias illis habent cunctæ ecclesiæ gentium. Salutate etiam domesticum illorum cœtum christianum. Salutate *Epænetum*, dilectum meum, qui primus in Asia christianus factus est. Salutate *Mariam*, quæ meâ causâ multum laboris subiit. Salutate *Andronicum* et *Juniam*, cognatos et concaptivos meos, qui magni æstimantur ab Apostolis, atque etiam priores me christiani facti sunt.

VARIANS LECTIO.

a) Pro Ἀχαΐας est Ἀσία in Codd. ABCD*EFG, quam lectionem Vulgata quoque exhibet.

γ. 3—4. *Salutate Priscam et Aquilam, adjutores meos in Christo Jesu. etc.)* PRISCA et AQUILA conjuges, ambo Judæi, illi ipsi sunt quorum mentionem facit Lucas in Actis (Cap. XVIII. passim), nisi quod PRISCAM ὑποκοριστικῶς PRISCILLAM nominat. Sic

Livia dicebatur et *Livilla*, *Claudia* et *Claudilla*, *Secunda* et *Secundilla*. Conjuges illos Apostolus vocat *συνεργους*, coöperatores suos in CHRISTO JESU, h. e. in re evangelica sive in tradenda doctrina Christiana. Confer Act. XVIII. 26. Eosdem eo etiam nomine ornat quod memorat illos *præsentissimum vitæ periculum adiisse* (τον *ἐαυτων* *τραχηλον* *ὑπεθηκαν*) pro sua (PAULI) *vita tuenda* (ὑπερ *της* *ψυχης* *μου*); quamobrem, inquit, non solus ego illis gratias ago, sed etiam cunctæ *ecclesiæ gentium*. Nimirum PAULI, gentilium apostoli, conservatæ vitæ beneficium non erat privatum tantum ipsi beneficium, sed et commune Gentibus. Ubinam verò PRISCÆ et AQUILÆ PAULI causâ vitæ suæ periculum adierint, utrum hoc acciderit Corinthi (Act. XVIII), an Ephesi (Act. XIX), an alio quopiam in loco, certò dici nequit. *Τραχηλον ὑποτιθεναι* *cervicem suam submittere* scil. τῷ *σιδηρῷ* *securi*, tropice hic dictum est valetque *extremum vitæ subire periculum*. *Τὴν κατ' οἶκον αὐτῶν ἐκκλησίαν* *domesticam ecclesiam eorum* pendet ab antegresso (ῥ. 3) *ἀσπασασθε*. *Domesticam* autem PRISCÆ et AQUILÆ ecclesiam Apostolus intelligit aut ipsam illorum familiam, liberos, servos, ancillas, qui omnes essent Christiani, aut eum Christianorum cœtum qui in PRISCÆ et AQUILÆ ædibus convenire soleret divini cultûs causâ. OECUMENIUS ¹⁾ utramque sententiam commemorat; ut mihi quidem videtur, posterior sententia priori præferenda est.

ῥ. 5—6. *Salutate Epænetum dilectum mihi, cet.*) De EPÆNETO nihil certi aliunde nobis innotuit; ut nec de reliquis qui porrò (5—16) nominatim ab Apostolo salutantur. *Ἀπαρχὴ τῆς Ἀσίας εἰς Χριστόν* (Vulg. *primitivus Asiæ in Christo*) EPÆNETUS vocatur, quia in Asia (proconsulari) primus in CHRISTUM credidisset. De voce *ἀπαρχὴ* vide supra ad Cap. VIII. 23, pag. 260. Vers. 6. *salutate Μαρίαμ* (מָרְיָם) quippe quæ (ἡ *τις*) *multum laboravit nostri* (Pauli) *causâ* (εἰς ἡμᾶς *voor ons*), Vers. 7. ANDRONICUS et JUNIAS, duo nomina virorum. Erant hi PAULI *cognati* (συγγενεῖς *μου*), puta illius contribules, id est, de tribu *Benjamin*, aut forte etiam propiore sanguinis vinculo cum PAULO conjuncti. Nam quod illos *cognatos* suos vocaverit quia essent Judæi, parum verisimile videatur, quum, quod ESTIUS hic notat, tam multi essent Romæ Judæo-Christiani et proinde hac generali ratione PAULO cognati. Quandonam verò aut ubi ANDRONICUS et JUNIAS in eodem carcere cum PAULO (συναιχμαλωτοὶ) fuerint, ignotum. *Insignes* (ἐπισημοὶ) *inter Apostolos* (ἐν τοῖς Ἀποστόλοις) dicuntur tamquam tales qui cogniti essent et magni æstimarentur a ceteris quoque Apostolis. Sunt verò interpretes qui putent Apostoli nomen hoc loco latiori sumi significatione, (ut

(1) Καὶ τὴν κατ' οἶκον αὐτῶν ἐκκλησίαν. *ecclesiam*: Adeo probi erant ut suam etiam Οὕτως δὲ ἦσαν εὐδοκιμοὶ, ὅτι καὶ τὸν οἶκον αὐτῶν ἐκκλησίαν *domum ecclesiam fecissent*. Vel dicitur hoc, quia ἐποίησαν· ἢ ὅτι πανοικί ἦσαν πιστοὶ, ὥς τὸν οἶκον λοιπὸν... *omnes domestici fideles essent, ut jam domus ἐκκλησίαν εἶναι*. h. e. *Ac domesticam eorum esset ecclesia*.

Act. XIV. 14.) atque hoc sensu ANDRONICUM et JUNIAM vocari *insignes inter Apostolos* quòd essent viri *insignes inter doctores Christianos*. Addit Apostolus, ANDRONICUM et JUNIAM *priores se* (προ εμου) in CHRISTUM credidisse; ubi notanda est, inquit ESTIUS (ad h. l.), PAULI modestia qui sic laudat alios, ut semetipsum deprimere videatur.

γ. 8—12. Salutate Ampliatum dilectissimum mihi in Domino. ⁹ Salutate Urbanum adiutorem nostrum in Christo Jesu, et Stachyn dilectum meum. ¹⁰ Salutate Apellen probum in Christo. ¹¹ Salutate eos, qui sunt ex Aristoboli domo. Salutate Herodionem cognatum meum. Salutate eos, qui sunt ex Narcissi domo, qui sunt in Domino. ¹² Salutate Tryphænam, et Tryphosam: quæ laborant in Domino. Salutate Persidem charissimam, quæ multum laboravit in Domino.

γ. 8—12. Ἀσπάσασθε Παράφρασις. Salutate Ἀμπλίαν, τὸν ἀγαπητὸν Ampliatum, dilectum μου ἐν Κυρίῳ. ⁹ Ἀσπάσασθε Οὐρβανὸν, τὸν meum in CHRISTO. Salutate συνεργὸν ἡμῶν ἐν Χριστῷ, καὶ Στάχυν, τὸν Urbanum, coöperarium nostrum in re evangelica, et Stachyn, dilectum meum. ¹⁰ Ἀσπάσασθε Ἀπελλῆν, τὸν hominem sincerè Christianum. Salutate Apellem, δοκιμὸν ἐν Χριστῷ. ¹¹ Ἀσπάσασθε τοὺς ἐκ Aristobuli domesticos τῶν Ἀριστοβοῦλου. ¹¹ christiani sunt. Salutate Ἀσπάσασθε Ἡροδίωνα, rodionem, cognatum meum. ¹² Ἀσπάσασθε τὸν συγγενῆ μου. Ἀσπάσασθε τοὺς ἐκ τῶν Narcissi domesticos τῶν Ναρκίσσου, τοὺς ὄντας christiani sunt. Salutate ἐν Κυρίῳ. ¹² Ἀσπάσασθε Tryphænam καὶ Τρυφῶσαν, quæ bene merentur de Christianis. Salutate Persidem τὰς κοπιῶσας ἐν Κυρίῳ. Ἀσπάσασθε dilectam, quæ pro re evangelica multum laboris subiit. Περσίδα, τὴν ἀγαπητὴν, ἥτις πολλὰ ἐκοπίασεν ἐν Κυρίῳ.

γ. 8—12. Salutate Ampliatum, cet.) Ampliatus nomen proprium viri est apud Latinos, quod Græci decurtarunt in Ἀμπλίας. Dilectus ἐν Κυρίῳ, ut supra γ. 2. URBANUS συνεργὸς ἐν Χριστῷ, ut supra γ. 3. APELLES δοκιμὸς, probatus, germanus, sincerus, ἐν Χριστῷ h. e. Christianus. Τοὺς ἐκ τῶν Ἀριστοβόλου scil. οικιακῶν, τοὺς ὄντας ἐν Κυρίῳ, quod ibi mente supplendum, ut patet ex versu undecimo; intelliguntur ARISTOBULI domestici, qui Christiani essent. Vers. 11, τὸν συγγενῆ, ut supra γ. 7. Vers. 12: τὰς κοπιῶσας ἐν Κυρίῳ, quæ bene merentur de Christianis.

ψ. 13—16. Salutate Rufum electum in Domino, et matrem ejus, et meam. 14 Salutate Asyncritum, Phlegontem, Hermam, Patrobam, Hermen: et qui cum eis sunt, fratres. 15 Salutate Philologum, et Juliam, Nereum, et sororem ejus, et Olympiadem, et omnes, qui cum eis sunt, sanctos. 16 Salutate invicem in osculo sancto. Salutant vos omnes ecclesiæ Christi.

ψ. 13—16. Ἀσπάσασθε Ροῦφον, τὸν ἐκλεκτὸν ἐν Κυρίῳ, καὶ τὴν μητέρα αὐτοῦ καὶ ἐμοῦ. 14 Ἀσπάσασθε Ἀσύγκριτον, Φλέγοντα, Ἑρμᾶν, Πατρόβαν, Ἑρμῆν, καὶ τοὺς σὺν αὐτοῖς ἀδελφούς. 15 Ἀσπάσασθε Φιλόλογον καὶ Ἰουλίαν, Νηρέα καὶ τὴν ἀδελφὴν αὐτοῦ, καὶ Ὀλυμπᾶν, καὶ τοὺς σὺν αὐτοῖς πάντας ἁγίους. 16 Ἀσπάσασθε ἀλλήλους ἐν φιλήματι ἁγίῳ. Ἀσπάζονται ὑμᾶς αἱ ἐκκλησίαι τοῦ Χριστοῦ.

Paraphrasis. Salutate Rufum, insignem christianâ pietate virum, et matrem ejus atque meam. Salutate Asyncritum, Phlegontem, Hermam, Patrobam, Hermam et christianos qui apud ipsos commorantur. Salutate Philologum et Juliam, Nereum et sororem ejus, et Olympiadem, eorumque domesticos, qui christiani sunt omnes. Salutate vos invicem osculo christianorum. Salutant vos cætus christianorum omnes.

ψ. 13—15. Salutate Rufum electum in Domino, cet.) RUFUM vocat ἐκλεκτον ἐν Κυρίῳ, insignem Christianâ pietate virum. RUFUM matrem suam quoque matrem PAULUS appellat, puta, quia materno affectu PAULUM diligeret. — HERMAS (ψ. 14) non est idem cum auctore libri qui Pastor inscribitur, quum hic hic Pii I Pontificis frater fuerit vixeritque circa dimidium sæculi secundi. PHILOGUS et JULIA (ψ. 15) conjuges fuisse videntur. Καὶ τοὺς σὺν αὐτοῖς πάντας ἁγίους, eorumque domesticos, qui Christiani sunt omnes.

ψ. 16. Salutate invicem in osculo sancto. Salutant vos omnes ecclesiæ Christi.) Ne quempiam in salutando prætereat, postremò rogat ut ipsius nomine invicem se salutent omnes in (ἐν instrumenti) osculo sancto (ἐν φιλήματι ἁγίῳ), hoc est, invicem se osculando osculo sancto, i. e. Christiano, eo, inquam, quo Christiani, (οἱ ἅγιοι) qua tales, mutuum inter se amorem tunc temporis declarare solebant.—Denique, quum satis cognosceret Apostolus illarum quas ipse fundasset ecclesiarum studium erga Romanos, illarum omnium quoque nomine illos salvere jubet: Salutant vos, inquit, omnes ecclesiæ CHRISTI. Codices ABCJ exhibent αἱ ἐκκλησίαι πασαί.

ψ. 17—20. Rogo autem vos fratres, ut observetis eos, qui dissensiones,

ψ. 17—20. Παρακαλῶ δὲ ὑμᾶς, ἀδελφοί, σκοπεῖν τοὺς τὰς διχο-

Paraphrasis. Adhortor autem vos, fratres, ut observetis eos qui dissidiorum et

et offendicula præter doctrinam, quam vos didicistis, faciunt, et declinate ab illis. 18 Hujusmodi enim Christo Domino nostro non serviunt, sed suo ventri: et per dulces sermones, et benedictiones seducunt corda innocentium. 19. Vestra enim obedientia in omnem locum divulgata est. Gaudeo igitur in vobis. Sed volo vos sapientes esse in bono, et simplices in malo. 20. Deus autem pacis conterat Satanam sub pedibus vestris velociter. Gratia Domini nostri Jesu Christi vobiscum.

στασίας καὶ τὰ σκάνδαλα, παρὰ τὴν διδασχὴν ἣν ὑμεῖς ἐμάθετε, ποιοῦντας· καὶ ἐκκλίνατε ἀπ' αὐτῶν. 18 Οἱ γὰρ τοιοῦτοι τῷ Κυρίῳ ἡμῶν Ἰησοῦ Χριστῷ οὐ δουλεύουσιν, ἀλλὰ τῇ ἐαυτῶν κοιλίᾳ· καὶ διὰ τῆς χρηστολογίας καὶ εὐλογίας ἐξαπατῶσι τὰς καρδίας τῶν ἀκάκων. 19 Ἡ γὰρ ὑμῶν ὑπακοὴ εἰς πάντα ἀφίκετο· χαίρω οὖν τὸ ^{a)} ἐφ' ὑμῶν θέλω δὲ ὑμᾶς σοφοὺς μὲν εἶναι εἰς τὸ ἀγαθόν, ἀκεραίους δὲ εἰς τὸ κακόν. 20 Ὁ δὲ Θεὸς τῆς εἰρήνης συντρίψει τὸν Σατατᾶν ὑπὸ τοὺς πόδας ὑμῶν ἐν τάχει. Ἡ χάρις τοῦ Κυρίου ἡμῶν Ἰησοῦ Χριστοῦ μετ' ὑμῶν.

scandalorum auctores sunt, prædicando doctrinam contrariam doctrinæ quam vos estis edocti; et devitate istorum hominum consortium. Nam istiusmodi homines Christi gloriam non quærunt, sed quærunt unde laute vivant et gulam suam expleant, atque interim benignis et blandiloquis suis sermonibus incautos decipiunt. Itaque istiusmodi homines declinate; nam fama fidei vestræ ad omnes pervenit; quo magis vobis cavendum est, ne impostores isti famæ vestræ maculam inferant. Est igitur quo gaudeam de vobis; sed idem volo prudentes ut sitis quod ad bonum attinet, atque ideo moneo vos ut vobis caveatis a falsis illis magistris; simplices verò vos esse volo quod attinet ad malum. Deus autem pacis largitor, brevi, ita confido, satanam per falsos illos magistros mala vobis machinantem, victum prostratumque pedibus vestris subijciat.

VARIANS LECTIO.

a) Articulus *Τὸ* ante *ἐφ' ὑμῶν* non legitur in Codd. ABCDEF. Codd. ABC, alio verborum ordine, exhibent *ἐφ' ὑμῶν οὖν χαίροι*.

b) Particula *μὲν* hoc loco abest a Codd. BDEGI.

γ. 17. *Rogo autem vos, fratres ut observetis eos, qui dissentiones, cet.)* Admonitionem interserit Apostolus de vitando quorumdam pseudo-doctorum consortio.

Utrum verò *Judaizantes* intellexerit, ut Gal. V, an alterius speciei falsos magistros, satis certò dici nequit. *Σκοπεῖν τινα*, *observare aliquem*, Philipp. III. 17 ut eum imiteris, sed hoc loco, ut ab eo tibi caveas, Scripsit Apostolus cum Articulo, *τας διχοστασίας* et *τα σκανδαλα*, quòd cogitaret certa quædam *dissidia et scandala* Romanis optime nota. *Dissidia* autem et *scandala* falsæ cujusdam doctrinæ commenta vocat, nimirum per Metonymiam *effectûs pro causa*. Dicit ergo: *Adhortor autem vos, fratres, ut observetis eos qui istorum dissidiorum et scandalorum auctores sunt*, prædicando doctrinam contrariam doctrinæ (*παρα την διδαχην*) quam vos (*ὕμεις* cum epitali) *estis edocti, et devitate eorum consortium*. *Παρα* seq. Accusativo, *contra*, ut Act. XVIII. 13. Rom. I. 25.

γ. 18. *Hujuscemodi enim Christo Domino nostro non serviunt, cet.)* Describendo qualitatem istorum pseudo-doctorum unâ *rationem dat* (*γὰρ*) cur fugiendum sit eorum consortium. *Nam*, inquit, *istiusmodi homines* (*οἱ τοιούτοι*) *Christo non inser- viunt* (*Christi gloriam non quærunt*) *sed ventri suo inserviunt* (quærunt unde laute vi- vant et gulam suam expleant), *atque interim* (*καὶ*) *benignis et blandiloquis suis ser- monibus* (*δια της χρηστολογίας καὶ εὐλογίας*) *simplicium* (*τῶν ἀκακῶν*) *corda decipiunt*. — *Ακακοὶ* hic intelliguntur tales qui ut ipsi boni sunt, ita nec in aliis quidquam mali facile suspicantur incauti ¹⁾. PHAVORINUS: *ἀκακοὶ οἱ ἀπλουστεροὶ*. Voces *χρηστολογία* et *εὐλογία* THEOPHYLACTUS (ad h. l.) pro synonymis habet ²⁾.

γ. 19. *Vestra enim obedientia in omnem locum divulgata est.)* Altera hæc ratio est (*γὰρ*) cur declinare debeant illorum pseudo-doctorum consortium; et sumpta hæc ratio est a bona fama quam sibi parassent Romani ob fidem Christianam ab illis sus- ceptam ³⁾; quam famam tueri debeant, abjicerent autem si falsis illis magistris aures præberent atque ita a recta fide deficerent. Mentem Apostoli hisce verbis expresserim: *Adhortor vos ut declinetis a falsis illis magistris, qui vos decipere possint. Nam fama fidei vestræ* (*ὕπακοη*) *ad omnes pervenit*; quo magis vobis ut Cap. I. 5. cavendum est ne impostores isti famæ vestræ maculam inferant. *Est igitur cur gaudeam de vobis, sed idem rolo prudentes ut sitis* (*σοφοὶ*) *quod ad bonum attinet* (*εἰς τὸ ἀγαθόν*),

(1) RAPHELIUS (Adnott. sacr. ad h. l.): *Ακα- benevolentia incolarum confisi, nihil quicquam*
κος, inquit, hic dicitur simplex atque incautus, mali suspicantes, pro moenibus considerunt.
qui ut ipse est minime malus, ita nec ab aliis
quicquam mali suspicatur; unde fit, ut facile de-
cipiatur. POLYBIUS (p. 345): *Τουτον μὲν ἀκακὸν*
ὄντα τὸν ἀνδρα καὶ πρᾶον τῇ φύσει. Hunc virum no-
rat minime malum, naturâ lenem; Pag. 512:
Ἀλλὰ τῇ τῶν κατοικοῦντων τὸ χωρίον εὐνοίᾳ πιστεύοντες,
ἀκακῶς πρὸς τοῦ τειχὸς αὐτοῦ παρνεύεσθαι. Sed

(2) Τοῦτο ἡ χρηστολογία καὶ ἡ εὐλογία, ὅταν τὰ μὲν
ῥήματα φιλίας ᾖ, ἡ δὲ διανοία δόλου γεμουτα. h. e.
Χρηστολογία et εὐλογία est, quando verba quidem
amicitiam sonant, mens verò fraude abundat.

(3) Vide supra ad Cap. 1. 8, p. 15 seq.

atque ideo moneo vos ut vobis caveatis a falsis illis magistris; *simplices* verò vos esse volo quod attinet ad malum (εις το κακον). Cf. 1 Cor. XIV. 20.

γ. 20. *Deus autem pacis conterat satanam sub pedibus vestris velociter.*) Pro *conterat* (συντριψαι) malim legere *conteret* (συντριψει). Vide Var. lect. Itaque Apostolus ad consolandos et confirmandos illos eisdem confidenter promittit aut prædicit fore ut brevi (εν ταχει) *Deus largitor pacis* (ὁ Θεος της ειρηνης) *Satanam*, per falsos illos magistros (γ. 17), suos videlicet ministros, mala ipsis machinantem, *pedibus eorum subjectum confringat* (συντριψει ὑπο τους ποδας αυτων), h. e. vi suâ privet. Συντριψει ὑπο τους ποδας αυτων dictum est prægnanter pro συντριψει ὑποταγεντα ὑπο τους ποδας αυτων.

γ. 21—24. Salutat vos Timotheus adjutor meus, et Lucius, et Jason, et Sosipater cognati mei. 22 Saluto vos ego Tertius, qui scripsi epistolam, in Domino. 23 Salutat vos Caius hospes meus, et universa Ecclesia. Salutat vos Erastus arcarius civitatis, et Quartus, frater. 24 Gratia Domini nostri Jesu Christi cum omnibus vobis. Amen.

γ. 21—24. Ἀσπάζονται ^{a)} ὑμᾶς Τιμόθεος ὁ συνεργός μου, καὶ Λούκιος καὶ Ἰάσων καὶ Σωσίπατρος, οἱ συγγενεῖς μου. 22 Ἀσπάζομαι ὑμᾶς ἐγὼ Τέρτιος, ὁ γράψας τὴν ἐπιστολὴν, ἐν Κυρίῳ. 23 Ἀσπάζεται ὑμᾶς Γαῖος, ὁ ξένος μου καὶ τῆς ἐκκλησίας ὅλης. ^{b)} Ἀσπάζεται ὑμᾶς Ἑραστός, ὁ οἰκονόμος τῆς πόλεως, καὶ Κούαρτος ὁ ἀδελφός. 24 Ἡ χάρις τοῦ Κυρίου ἡμῶν Ἰησοῦ Χριστοῦ μετὰ πάντων ὑμῶν. Ἀμήν.

Paraphrasis. Salutant vos *Timotheus*, coöperarius meus, et *Lucius* et *Jason*, et *Sosipater*, cognati mei. Ego *Tertius*, qui scripsi hanc epistolam, saluto vos in Domino. Salutat vos *Cajus* hospes meus, imo et universæ ecclesiæ hospes. Salutat vos *Erastus* hujus civitatis arcarius, et *Quartus*, frater noster in CHRISTO. Gratia Domini nostri JESU CHRISTI omnibus vobis adsit! Ita fiat!

VARIANS LECTIO.

a) In plerisque Codd. uncialibus est in Singulari ασπάζεται, ut infra γ. 23.

b) Pro της εκκλησίας ὅλης legitur in Codd. FG ὅλαι αἱ εκκλησίαι, quam lectionem Vulgata quoque refert. Sed est profecto improbanda hæc lectio, tum quia non nisi paucissimos habet testes, tum etiam quia supra (γ. 16) Apostolus Romanos jam salutaverat *omnium ecclesiarum nomine*; tum denique quia nec rectè hic dicatur ὅλαι, quum Græcæ linguæ usus postulet ut scribatur παντα.

γ. 21—24. *Salutat vos Timotheus adjutor meus*, cet.) Supra (γ. 16) Romanos omnium cœtūum christianorum nomine salvere jusserat, hīc vero salutem illis specialiter mittit a privatis nonnullis, a TIMOTHEO, inquam, coöperatore suo (ὁ συνεργός μου) in prædicando Evangelio (Act. XVI. 1. XX. 4.), ut et a LUCIO (Act. XIII. 1), et JASONE (Act. XVII. 5) et SOSIPATRE (Act. XX. 4), cognatis suis (ut γ. 7), quos viros Apostolus eo tempore secum habuerit. Deinde TERTIUS, PAULI amanuensis (ὁ γραψας την επιστολην), suo nomine Romanos salutat ¹⁾ in Domino, εν Κυριω, ut supra γ. 2. Pergit PAULUS: *Salutat vos CAJUS* (Γαῖος) ²⁾ hospes meus ac totius ecclesiæ (της εκκλησιας ὅλης. Vid. Var. lect.), q. d. qui Corinthi non mihi soli præbet hospitium sed Christianis quibuscumque eò adventantibus ³⁾. — ERASTUS ὁ οικονόμος της πολεως, Corinthiacæ civitatis arcarius, publicæ pecuniæ dispensator (le trésorier de la ville) ⁴⁾. QUARTUS ὁ ἀδελφός, frater in CHRISTO.

γ. 25—27. Ei autem, γ. 25—27. Τῷ δὲ Paraphrasis. Deo autem
qui potens est vos confirmare δυναμένῳ ὑμᾶς στηρί- qui potest vos constantes
juxta Evangelium meum, ξαι κατὰ τὸ εὐαγγέλιόν facere in fide Evangelii mei,

(1) Bene ESTIUS (ad h. l.) *Tertii* velut amanuensis opera *Paulus* usus fuerat in hac epistola scribenda. Is ergo dicit: *saluto vos ego Tertius qui scripsi epistolam*, scilicet *Paulo* dictante, qui et hoc scribi voluit; ut proinde hæc verba non minus divina sint quam cetera. Nam quod ex *Diodoro Tarsensi* episcopo refert *Sixtus Senensis* (Lib. 2. Bibl. S.), hunc *Tertium*, cum esset parum sermone peritus, nec satis in scribendo exercitatus, epistolam quæ propter multitudinem ac sublimitatem quæstionum ceteris *Pauli* epistolis obscurior est, longe reddidisse obscurissimam, dum sensus et cogitationes *Pauli* elocutionibus interdum confusis, et inabsolutis sententiis, ac transpositâ nonnumquam ordinis serie conatus est explicare, hoc, inquam, nulli docto theologo potest verisimile videri. Quis enim credat *Paulum* tam sublimis ac divinæ materiæ dispositionem permisisse notario, nec loquendi nec scribendi satis perito?... Nulla sit igitur dubitatio, quin *Paulus* epistolæ dictator fuerit, ac *Tertius* non aliud quam scriba, qui verba dictantis exceperit.»

(2) Romani scribebant CAJUS per C sed GAJUS pronunciabant. Vide QUINTILIAN. I. 7.

(3) THEODORETUS (ad h. l.) Ξενον τὸν ξενοδόχον καλεῖ h. e. Ξενον, hospitem eum appellat qui hospitio excipit. Ξενος peregrinum notat, et mox cum qui hospitio excipitur; ut Matth. XXV, 35. Verum ita quoque ξενος vox adhibetur ut significet illum qui peregrinum hospitio excipit; quo sensu ξενος tantumdem valet ac ξενοδοχος. Etymolog. M.: Ξενος διχως, και ὁ ὑποδεχομενος τὸν ξενον; και ὁ ἀπο της ἀλλοδαπης ἡκων. h. e. Ξενος vox dupliciter dicitur; et de eo qui peregrinum hospitio excipit, et de eo qui peregre advenit.

(4) ELSNERUS (Observatt. sacr. ad h. l.): Significat, inquit, hoc loco οικονόμος dispensatorem publicæ pecuniæ. Talis erat Smyrnæ, qui inter ceteros ejus Urbis magistratus memoratur in Marmoribus oxoniensibus, pag. 265,

ΜΕΛΙΑΤΟΣ. ΝΕ.

ΟΙΚΟΝΟΜΟΣ.

Miletus juvenis dispensator. Vulgata vertit arcarius civitatis, quomodo etiam exponunt Glossæ Philoxeni; arcarius autem ibidem est ὁ ἐπὶ της δημοσιας τραπεζης.

et prædicationem Jesu Christi, secundum revelationem mysterii temporibus æternis taciti, ²⁶ quod nunc patefactum est per Scripturas Prophetarum secundum præceptum æterni Dei, ad obedi-
 tionem fidei) in cunctis gentibus cogniti, ²⁷ soli sapienti Deo, per Jesum Christum, cui honor, et gloria in sæcula sæculorum. Amen.

μου καὶ τὸ κήρυγμα Ἰησοῦ Χριστοῦ, κατὰ ἀποκάλυψιν μυστηρίου χρόνοις αἰωνίοις σεσιγημένου, ²⁶ φανερωθέντος δὲ νῦν, δια τε ^{a)} γραφῶν προφητικῶν κατ' ἐπιταγὴν τοῦ αἰωνίου Θεοῦ, εἰς ὑπακοὴν πίστεως, εἰς πάντα τὰ ἔθνη γνωρισθέντος ²⁷ μόνῳ σοφῷ Θεῷ διὰ Ἰησοῦ Χριστοῦ ἡ δόξα ^{b)} εἰς τοὺς αἰῶνας. Ἀμήν.

hoc est, doctrinæ quam meo ministerio JESUS CHRISTUS prædicat, in fide, inquam, præstita revelationi arcani omnibus retrò sæculis taciti, nunc autem patefacti, atque adhibitis Scripturis prophetis ex mandato æterni Dei, ut illud credatur, inter omnes Gentes prædicati,— soli sapienti Deo sit per JESUM CHRISTUM gloria in omnia sæcula. Amen.

VARIANS LECTIO.

a) Particula τε abest a Codd. DE.

b) Codices fere omnes habent Relativum ᾧ ante ἡ δόξα. Nec dubitandum est quin PAULUS ita scripserit. Legit sic quoque auctor Vulgatæ; nam vertit: *cui honor et gloria*. cet.

γ. 25—27. *Ei autem qui potens est vos confirmare*, cet.) Epistolam suam claudit Apostolus insigni doxologiâ. Sed ad hujus loci syntaxin quod attinet, quum sit omninò legendum (γ. 27) ᾧ ἡ δόξα, (Vid. Var. lect.), monendum est PAULI orationem anacoluthicam esse; nam Dativi τῷ δε δυναμενῷ—μονῷ σοφῷ Θεῷ non habent cum quo Grammaticè conjungantur. Quodsi, demto Relatiῳ ᾧ (γ. 27), præsentem locum ita legeris ut est in Complutensi editione, quam in commentariis nostris exhibemus, anacoluthia omnis evanuit. Ceterum quod dicere vult Apostolus tale est: *Deo autem qui potest* (τῷ δυναμενῷ) *vos confirmare in fide Evangelii mei et doctrinæ quam meo ministerio JESUS CHRISTUS prædicat, in fide, inquam, revelationis mysterii* (d'un mystère) *æternis temporibus taciti, nunc autem patefacti, atque adhibitis Scripturis prophetis* (δια τε γραφῶν προφητικῶν), *ex imperio æterni Dei, ut credatur* (εἰς

culis usque ad tempus evangelicum *tacitum fuerat* (*σεσιγημενου*) ¹⁾ *nunc autem*, inquit, *patefactum est* (*φανερωθεντος δε νυν*) scilicet per Evangelium, quod ipsum est illius mysterii sive arcani Dei consilii revelatio. Addit Apostolus : *atque* (*τε*) ²⁾, *in subsidium prædicationis adhibitis Scripturis prophetiis*, (*δια γραφων προφητικων*) ³⁾, *secundum æterni Dei præceptum* ⁴⁾ *ad efficiendum ut præstetur obedientia fidei* (*εις υπακοην πιστεως*) *inter* (*εις*) *omnes Gentes notificatum est* (*γνωρισθεντος*).

(1) Recte Soto: « Non negat PAULUS quin fuerit mysterium hoc præfiguratum et prænuntiandum; sed hoc tantum quod fuerit ante tempora evangelica lucide patefactum, hoc est expositum, amotisque figurarum prophetiarumque velaminibus apertè revelatum. » Et est profectò hæc mens Apostoli cum dicit tacitum fuisse illud mysterium usque ad tempora evangelica; nam statim additur est, *Scripturas propheticas adhiberi in illius mysterii prædicatione*, videlicet ut ostendatur

jam ante fuisse prædictum quod nunc annuntiabatur. »

(2) Probe notanda est hoc loco τε Particula, qua novum infertur incisum ab antegresso *φανερωθεντος δε νυν* distinctum.


(3) Cf. Act. III. 22—26. X. 37—44. XXVI. 22—24. XXVIII. 23.

(4) Matth. XXVIII. 19 : *Docete omnes gentes.*

EXPLICIT

COMMENTARIUS IN EPISTOLAM S. PAULI AD ROMANOS.

Δόξα Θεῷ.



EPISTOLÆ S. PAULI

AD ROMANOS

PARAPHRASIS CONTINUA.



PAULUS, minister JESU CHRISTI, non humanâ delegatione sed divinâ voca- Cap. I.
tione Apostolus, selectus ad promulgandum lætum illud Dei Patris nuncium
quod per Prophetas suos in Scripturis sacris dudum ante promiserat de Filio suo,
(qui factus ex semine DAVID secundum naturam humanam, esse Dei Filius
demonstratus est per potentiam a Spiritu sancto exsertam ex quo tempore a mortuis
resurrexit), de JESU CHRISTO, inquam, Domino nostro, per quem accepimus
gratiam Apostolatûs ad procurandum ut in gloriam nominis ejus præstetur obe-
dientia doctrinæ fidei apud omnes gentes, inter quas numerandi estis etiam vos,
superna vocatione effecti JESU CHRISTI fideles,—omnibus Romæ commorantibus
Dei dilectis, superna vocatione *Christianis*. Sit vobis gratia et omne bonum a
Deo Patre nostro et a Domino JESU CHRISTO !

Principio quidem Deo meo gratias per JESUM CHRISTUM ago vestrâ omnium causâ , videlicet ob vestram Christianæ Religionis professionem toto orbe celebratam. Nam Deus , cui ex animo inservio in promovenda re Evangelica , testis mihi est quam assidue in precationibus meis Deo vos commendem , semper ibi orans si forte tandem aliquando mihi ex Dei voluntate obtingat felicitas veniendi ad vos. Desidero enim videre vos , ut nonnihil doni spiritualis vobiscum communicem ad vos confirmandos , ut , inquam , mihi detur inter vos mutuo alloquio unâ vobiscum incitari per communem nostram fidem , vestram atque meam.

Scitote autem , fratres , me jam pridem sæpenumero consilium cepisse vos adeundi (et ad hoc usque tempus prohibitus fui quominus id facerem) , ut nonnihil mercedis Evangelicæ haberem inter vos , quemadmodum et inter reliquas nationes habere studeo. Hominibus omnibus sine ullo aut gentis aut culturæ discrimine debeo Apostolatûs mei ministerium : itaque ad me quod attinet , ego quidem , modo hæc Dei quoque sit voluntas , cupio etiam vobis Romanis Evangelium prædicare. Neque enim erubesco doctrinam Evangelii ; est enim doctrinæ hæc , est , inquam , Dei salvifica quædam vis cuicumque qui credit , sive Judæus sit , sive Gentilis ; nam in doctrina Evangelii revelatur , justitiam , qua homo justus fit per Deum , oriri ex fide et obtingere credenti , sicut scriptum est : *Justus autem ex fide vivit* ; nam in doctrina Evangelii revelatur , vindictam Dei coelitus esse superventuram contra summam impietatem et iniquitatem eorum , qui veram quam habent de Deo notitiam per improbitatem suam impediunt ne vitam eorum moderetur. Et verò in ignoratione Dei non sunt ; quod enim notum est de Deo , hoc in ipsorum animis manifestum est ; Deus enim hoc illis manifestavit ; nam ea quæ de Deo oculis sunt impervia , videlicet æterna ejus potentia et reliqua attributa , hæc jam inde a mundo condito intellectu ex rebus creatis apprehensa cernuntur ; ut adeò inexcusabiles sint meritoque damnandi , quia , quamquam Deum cognoscerent , eundem tamen non ut talem coluerunt , aut vel gratum suum animum eidem testati sunt ; sed ad falsas de Deo opiniones sunt delapsi , aliter eum animo fingentes quam est ; atque ita tenebris obducta

est desipiens eorum mens; (dum sapientes se esse gloriabantur, infatuati sunt); eoque stuporis venerunt, ut loco Dei immortalis coluerint simulacra hominum, et volucrum, et quadrupedum, et reptilium.

Quam ob rem Deus, secundum fœdas cordium ipsorum cupiditates, retracto gratiæ suæ auxilio, in impuritatem, ita ut mutuò inter sese sua corpora fœdarent, illos tradidit; quippe qui veri Dei loco falsos sibi assumerant Deos, et honorabant colebantque creaturam præterito Creatore, qui in æternum dignus est laudari. Sic est profectò! Quapropter Deus illos permisit dedecorosæ libidini; nam feminae eorum naturalem usum masculei sexûs permutantes in eum qui contra naturam est, feminae cum feminis coierunt; similiter verò etiam mares, relicto sexûs feminei usu naturali, in sua libidine in se invicem exarserunt, mares in maribus eam, quam nostis, turpitudinem perpetrarunt, atque ita pro ignominiâ Deo per cultum idololatricum illatâ congruentem retributionem, velut quâdam talionis lege, in suis ipsorummet corporibus receperunt. Et sicut illis probatum non fuit Deum, quem cognoscebant, agnoscere et venerari, ita vicissim Deus illos tradidit in reprobam sentiendi rationem, ita ut faciant quæ non decent, referti ut sunt omnigena iniquitate, malitia, fornicatione, avaritia, nequitia; pleni invidia, cæde, rixa, dolo, malignitate; detrectatores, calumniatores, Dei osores, contumeliosi, superbi, jactatores, flagitiorum repertoires, immorigeri parentibus, insipientes, fœdifragi, expertes amoris, implacabiles, immisericordes; tales denique, qui quamquam norant jus divinum, scilicet morte dignos esse qui talia faciunt, tamen non tantum hæc faciunt ipsi, verùm etiam approbant talia facientes.

Itaque inexcusabilis es, o homo quisquis in Gentiles iudicium exerces, ^{Cap. II.} etiamsi sis Judæus! Nam quibus in rebus tu agis iudicem alterius, in hisce tu te ipse condemnas; eadem enim facis ipse tu qui iudicas. Atqui novimus condemnatorium Dei iudicium ferri sine respectu personarum in eos qui talia faciunt. An verò tu opinaris hoc, o homo qui iudicas talia facientes et ipse ea facis, quod tu effugies Dei iudicium? Aut num forte illam

benignitatem et patientiam et longanimitatem , quâ te adhuc fert Deus peccatorem , contemnis , et ignoras Deum te sua illâ benignitate adducere velle ad resipiscentiam ? Tu verò , pro tua animi duritie et impœnitenti corde , coacervas tibi thesaurum iræ divinæ in te effundendæ in die iræ quo justum habiturus est judicium Deus , qui rependet unicuique secundum opera ejus ; et iis quidem qui constanti bonorum operum studio gloriam et honorem et immortalitatem quærebant , vitam reddet æternam ; iis autem qui immorigeri erant , et , projectâ virtute , nequitiae mancipati , pœnam infliget atrocissimam. Tribulatio et animi angustia futura est homini cuicumque qui operabatur malum , tam Judæo quam Gentili ; gloria vero , et honor et pax erit cuicumque qui bonum faciebat , sive Judæus fuerit sive Gentilis. Deus enim in judicando rationem non habet personarum , sed tantum attendit ad merita causæ uniuscujusque. Quotquot , inquam , scriptâ lege carentes peccaverunt , hi peribunt quoque sine scriptæ legis accusatione ; et quotquot habentes legem scriptam peccaverunt , per eam legem condemnabuntur. Non ii , inquam , qui cognitionem scriptæ legis habuerunt , ob id ipsum a Deo declarabuntur justî præmioque ab eo donabuntur ; sed qui ea quæ scripta lex jubet , opere præstiterint , quicumque tandem sint , sive Judæi , sive Gentiles , illi demum censebuntur præmio digni (quando nempe Gentiles , scriptam legem sicut Judæi non habentes , naturâ magistrâ faciunt ea opera quæ lex Mosaica præcipit , tunc istiusmodi homines Mosaicæ legis expertes , ipsimet sibi illius legis vicem supplent ; quippe qui eo ipso quod illa opera faciunt , factis ostendunt , esse mandata ejus legis animis ipsorum inscripta , contestantibus illud unâ cum externo opere , ipsorum quoque conscientia et cogitationibus inter se eos accusantibus aut etiam defendentibus) die illo quo per JESUM CHRISTUM , sicut docere soleo , Deus dijudicaturus est ea quæ latentia sunt in homine. Quod si tu geris honorificum illud nomen ut Judæus appelleris , et tibi plaudis ob acceptam Legem , et gloriaris quod Deum habeas legislatorem , et agnoscis quæ sint facienda et quæ non facienda quippe ex Lege assiduò edoctus , et confidis te eum esse qui dux sit cæcorum , lumen eorum qui in tenebris versantur , magister stolidorum , institutor rudium utpote in Lege veræ

scientiæ typum habens Sic ergo tu qui alium edoces , non edoces ipse te ! Qui prædicas non esse furandum , furaris ! Qui dicis non esse adulterandum , adulterium committis ! Qui doces simulacrâ Gentilium esse res execrandas , templa eorum expilas ! verbo dicam : tu qui in eo gloriaris quod legem a Deo acceperis , per violationem legis Deum in infamiam adducis ; nam *Dei nomen* , sicut scriptum est , *vestrâ culpâ malè audit inter Gentes*.

Circumcisio , inquam , prodest quidem utilisque tibi est ad salutem animi , sed sub eâ conditione ut facias quæ sunt præcepta ; quod si legem violes , non plus utilitatis ex circumcisione capies quam si omninò non fuisses circumcissus. Si igitur præputiatus quispiam ea præstet quæ lege mandata sunt , nonne in extremo judicio perinde habebitur a Deo ac si esset circumcissus ? Imò , condemnabit ille naturâ præputiatus qui legem servabat , condemnabit , inquam , sui comparatione te qui violator legis eras quamquam scriptam legem habens , et circumcisionem quâ professus fueras te legem esse servaturum. Neque enim is qui tantùm foris et quatenus hominum conspectui patet Judæus est , is verus est Judæus ; neque circumcisio aspectabilis , ea , inquam , quæ in corpore fit , circumcisio vera est ; sed ille demùm verus Deoque gratus Judæus est , qui intùs et quatenus hominum conspectui impervius est , qui animo , inquam , Judæus est ; et vera demùm Deoque grata circumcisio est cordis circumcisio , ea , inquam , quæ peragitur in animo , non ea quæ sit secundum litteram legis ; denique verus Judæus is est , cujus laus proveniat non ab hominibus , qui non vident nisi ea quæ foris apparent , sed a Deo , qui intuetur cor.

Si ita res habet , ut dictum est , quænam ergo sunt Israëliticæ Gentis in re Cap III. religiosâ prærogativæ ? aut quænam tandem est circumcisionis utilitas ? Multæ sunt sub quovis respectu Israëliticæ Gentis prærogativæ. Nam primùm quidem , prærogativa est quod Judæis concredita fuère divina de MESSIA venturo salvatore oracula. Quid enim ? si nonnulli Judæorum increduli fuerunt , num illorum incredulitas efficiat ut Deus suam non servet fidem in præstandis pro-

missis? Absit! Quin contra, verax habeatur Deus, homo autem quivis reputetur mendax; sicut scriptum est: *ut justificeris in sermonibus tuis et vincas cum judicaris*. At si nostra iniquitas sanctitatem Dei commendat, quid inde inferemus? num forte injustus est Deus qui poenas infligit ob peccata? (ex carnalium hominum sensu hoc quæro) Absit! Nam si hoc ita sit, qui possit Deus agere judicem hujus mundi? Nam si Dei sanctitas gloriosior et illustrior facta est per meam perfidiam, cur adhuc et ego, divinæ gloriæ illustrator, tamquam peccator condemnor? Et quidni facimus, sicut per calumniam accusamur, sicut, inquam, nonnulli aiunt nos dicere, faciamus mala ut eveniant bona? Quam agendi rationem qui sequuntur justissimè damnantur.

Quid igitur? sumus-ne nos Judæi acceptiores Deo quam Gentiles? Nequaquam! supra enim criminibus allatis arguimus peccatores esse omnes, Judæos juxta ac Gentiles; sicut scriptum est: *Non est justus ullus; non est qui recte sapiat, non est qui Deum colat. Omnes a recta via recesserunt, facti sunt improbi pariter omnes; non est qui faciat bonum, ne unus quidem. Guttur eorum est sepulcrum apertum; linguis suis utuntur ad dolum; viperarum virus est sub labris eorum; os eorum execratione et amarulentia plenum est; pedes eorum veloces sunt ad effundendum sanguinem; contritio et calamitas est in viis eorum, et viam pacis non noverunt. Non est timor Dei præ oculis eorum*. Jam verò novimus, quæcumque sacra Scriptura dicit, ea dicta esse primo loco in eos qui sunt legi Mosaicæ subjecti, hoc est, in Judæos; et sic quoque accusatoria illa verba, quæ modò adduximus, dicta sunt in Judæos; quod quidem factum est eo consilio ut ex æquo tam Judæis quam Gentilibus os obstruatur totusque mundus agnoscat se esse Deo ad poenam obstrictum, propterea quod opera legis efficere nequeunt ut quis justus habeatur a Deo; nam lex qua talis non præstat nisi notitiam peccati.

Nunc autem, ex quo cœpit prædicari Evangelium, mundo manifestata est justitia quam in homine efficit Deus, quæque non obtinetur eo quòd quis aut habuerit legem aut legi paruerit; cui justitiæ testimonium reddunt sacrarum Scripturarum oracula. Manifestata est, inquam, justitia Dei, quam

per fidem JESU CHRISTO præstitam obtinere possunt quotquot fidem illi habeant cujuscumque sint nationis; nullum enim hic discrimen est inter Judæos et Gentiles. Omnes enim peccaverunt, tam Judæi quam Gentiles, gloriâque illâ, quæ a Deo datur, carent; justificantur autem non aliquo suo merito sed gratis, gratuitâ Dei bonitate per redemptionem illam quæ peracta est in persona JESU CHRISTI, quem Deus hominibus, qui fidem habere illi voluerint, in victimam ipsiusmet sanguinis effusione piacularem proposuit, idque ad ostendendam suam sanctitatem peccata exosam, eo quòd peccata ante patrata in sua longanimitate impunita reliquerat; ad ostendendam suam sanctitatem hoc nunc tempore, idque ut et ipse agnosceretur sanctus, et sanctificaret quotquot fidem JESU CHRISTO haberent.

Quæ quum ita sint, dic, o Judæe, ubinam manet jam tua gloriatio? Nempè exclusa est, nullusque illi amplius relictus est locus. Per quam verò legem exclusa est? Num per legem operum? Minime; sed per legem fidei. Censemus ergo, id quod res est, per fidem justificari hominem, nullâ operum Legis ratione habitâ. Aut num forte Deus est Judæorum tantum Deus? Nonne et Gentilium Deus est? Profectò, etiam Gentilium Deus est, quandoquidem unus est Deus, qui igitur per fidem justificabit tam Judæos quam Gentiles.

Ergò-ne Legem subvertimus, quia dicimus *per fidem* haberi justificationem? Absit! e contra Legem stabilimus. * Igitur, quidnam meriti quod attinet ad pro-cap. iv. merendam justificationem dicere possumus ABRAHAMUM patrem nostrum consecutum fuisse secundum carnem? Nihil meriti hac ratione consecutus est, neque hac via fuit justificatus. Nam si ponas ABRAHAMUM justificatum fuisse non gratis sed ex operibus suis, necesse sit ut dicas ABRAHAMUM habere unde gloriatur apud Deum; atqui non habet ABRAHAM, Scripturâ teste, unde apud Deum gloriatur. Ergo non ex operibus justificatus est. Quid enim dicit Scriptura? Dicit sic: *Credidit ABRAHAM Deo, et hæc ejus fides a Deo IMPUTATA illi fuit ad justitiam.* Jam verò laboranti merces non imputatur ex gratia, sed rependitur ex debito. Illi autem (Abrahæ) non operanti sed *credenti* in eum qui justificat impium, fides imputatur ad justitiam; is ergò

gratis justificatur. Gratuitam esse justificationem DAVID quoque docet, ubi beatum prædicat hominem, cui Deus justitiam imputat gratis nullaque operum ratione habitâ. Ait enim: *Beati, quorum remissæ sunt iniquitates, quorumque peccata sunt operta. Beatus ille, cui Deus peccatum non imputat.*

Illa igitur beatitudinis prædicatio sive gratuita justificatio, de qua Propheta loquitur, num ad circumcisos tantum pertinet, an verò etiam ad præputiatis? Animadvertite, quæso, de ABRAHAMO nos dicere, quod fides illi reputata fuerit ad justitiam. Qualis ergo erat ABRAHAM, quum justificaretur? Erat-ne tum jam circumcisis, an verò adhuc præputiatus? Non erat jam tum circumcisis, sed adhuc præputiatus. Patet ergo justificationem sicut non pendet a ceteris legis operibus, ut probavimus, ita nec pendere a suscepta circumcissione. Ad quid ergo fuit circumcisis? Circumcisionis in carne sua suscepit signum, quod esset sigillum testimoniale justitiæ quæ ei adhuc præputiato contigerat per fidem, ut tamquam is qui esset per fidem justificatus adhuc habens præputium et deinde circumcisis fuit, hoc modo foret exemplar ac veluti Pater tam eorum omnium qui præputiati crederent (ut, inquam, sicut ABRAHÆ, ita et illis quoque si crederent justitia imputaretur), quam circumcisorum, eorum dico, qui non essent circumcisi tantum verum etiam imitarentur fidem quam ille exhibuerat adhuc præputiatus. Neque enim ratione habitâ Mosaicæ legis sed justitiæ ex fide partæ facta est ABRAHÆ aut semini ejus promissio illa de spirituali dominatione ejus in omnes gentes extendendâ sive de beandis omnibus Gentibus in ipso: ergo promissionis illius effectus quum non pendeat a Lege sed a fide, ad omnes pertinet credentes, sive ex lege sint sive non, adeoque credentium omnium, Gentilium æque ac Judæorum, pater est ABRAHAM. Et verò si promissa illa beatitas ad eos pertineat qui ex Lege sunt et quatenus ex Lege sunt, jam eo ipso consequatur inutilem esse fidem et infructuosam ad eam beatitatem consequendam, atque etiam divinam illam promissionem ABRAHÆ factam habendam esse pro infecta. Nempe tantum abest ut Lex promissam illam beatitatem possit efficere, ut contra Dei iram afferat et maledictionem; idque ideo quia Lex occasio est violationis; nam sicut locum non habet violatio legis ubi nulla est lex, ita e contra ubi lex adest, ibi nec dæst legis violatio.

Quum ergo promissæ beatitudinis participatio non pendeat a Lege, relinquitur ut pendeat a fide; idque Deus ita voluit in eum finem ut promissa illa beatitas contingeret non tamquam merces sed ex dono prorsus gratuito, atque ut rata firmaque esset universo ABRAHÆ semini, hoc est, credentibus quibuscumque, non illis tantum, inquam, quibus Lex data fuit, verum etiam illis qui imitentur fidem ABRAHÆ, qui nostrum omnium credentium parens est (sicut scriptum est: *constitui te patrem multarum gentium*) coram illo cui crediderat Deo, qui mortuos vivificat, et ea quæ non exstant, appellat quasi adsint. Qui (ABRAHAM), contra id quod per leges naturæ sperari poterat, sperans credidit fore ut fieret pater multarum Gentium, secundum id quod a Deo dictum illi fuerat: *Sicut stellarum innumerabilis est multitudo, sic progenies tua erit*; et ut erat fide robustissimus, non respiciebat, quamquam fere centenarius, suum ipsius corpus præ senio ad generandum impotens effectum aut emortuam SARÆ vulvam. De promissione autem Dei, non dubitavit incredulus, verum firma fuit fide, Dei omnipotentiam veneratus, quum esset ei plenissimè persuasum, Deum quæ promiserit etiam posse præstare. Talis ergo cum esset ejus fides, ideo hæc illi imputata fuit ad justitiam, ut in Scripturis legitur. Non est autem hoc ipsius tantum causâ scriptum, verum etiam nostrâ causâ, ut sciremus etiam nobis fidem nostram ad justitiam imputatum iri, si credamus in eum qui suscitavit a mortuis JESUM-CHRISTUM Dominum nostrum, qui a Deo Patre traditus fuit ut mortis supplicium subiret ad nostra expianda peccata, et revocatus fuit ad vitam ut nos justificaret.

Igitur, justificati per fidem, ut consequitur ex præmissa doctrina, haud amplius iræ Dei obnoxii sed cum eo reconciliati sumus per Dominum nostrum JESUM CHRISTUM, per quem nempe tamquam nostri reconciliatorem olim, cum Christiani facti sumus, per fidem obtinuimus gratuitum istud justificationis beneficium, quod nunc possidemus. Sed et lætabundi gloriamur de spe quam fovemus consequendi gloriam illam quam nobis filiis suis adoptivis Deus in æterna beatitudine præparavit. Non solum autem de illa spe lætamur, verum etiam de afflictionibus quas identidem patimur, quippe qui scimus quod afflictio patienter tolerata efficiat constantiam, constantiæ autem actus sæpè repetitus probatam

ostendat virtutem, probata autem virtus spem nobis adaugeat illius cœlestis gloriæ obtinendæ. Illa autem futuræ gloriæ spes non fallit; neque enim promissis suis defuturus est Deus, quippe cujus tantus est amor erga nos ut Spiritum sanctum suum in nos effuderit; nec pepercerit proprio suo Filio, qui, quum peccatores adhuc essemus, constituto tempore pro nobis impiis redimendis mortem est perpessus. Scilicet ægrè fiet ut quisquam pro viro aliquo probo mortem subire velit; nam pro benefactore suo mori forsitan quis denique sustineat. Exhibet autem nobis Deus suum erga nos amorem ut plane singularem per hoc, quòd CHRISTUM filium suum pro nobis mori voluit tunc, quum adhuc peccatores et injusti essemus. Igitur multo potius nunc postquam per ejus sanguinem effecti sumus justì, per eum servabimur a vindictâ in peccatores aliquando exercendâ. Nam si quo tempore Deo exosi eramus, reconciliati cum eo fuimus per propitiatoriam mortem filii ejus, multo magis per vitam ipsius salvabimur quippe jam cum eo reconciliati, et non solum cum eo reconciliati, verum etiam de eo, ut de Patre nostro, tamquam filii ejus adoptivi, gloriantes per Dominum nostrum JESUM CHRISTUM, per quem nunc illam cum Deo reconciliationem obtinuimus.

Quam ob rem sicut per unum hominem peccatum in hunc mundum introivit, et per peccatum mors ... Atque ita factum est ut mors in omnes homines pertransierit, quia nempe per unum illum omnes peccaverunt. Nam illo temporis spatio quod fuit inde ab ADAMI peccato usque ad legislationem Mosaicam, homines peccata committebant. Jam verò peccatum non imputatur ad pœnam temporalem, quando non exstat lex quæ istiusmodi pœnam in peccantem constituat. Atqui toto illo temporis spatio, ab ADAMO usque ad MOYSEM, mors, quæ pœna peccati est, dominium suum exercuit in homines omnes, etiam in eos qui non peccaverant ad exemplum ADAMI, qui homo typus est hominis illius qui venturus erat, JESU CHRISTI.

Verùm non sicut se habet damnum quod humano generi fecit ADAMUS, ita quoque sese habet divinæ gratiæ donum quod hominibus obtingit per CHRISTUM. Non est, inquam, par utriusque ratio. Nam si, quod profi-

temur, per unius illius hominis lapsum tota hominum multitudo morti occubuit, culpaque illius in omnium nocumentum exuberavit, at multo abundantius Dei amor indeque profectum gratiæ beneficium erga omnes homines sese effudit per gratiam unius hominis, JESU CHRISTI; neque eâdem mensurâ nocuit ADAMUS quâ profuit CHRISTUS; verum multo magis profuit hic quam nocuit ille; nam causa condemnationis nostræ exstitit unici peccati reatus; gratuitum verò illud donum efficax est in justificationem ex multis peccatis. Non est, inquam, par ratio doni et delicti; nam si, quod profitemur, unius illius hominis lapsu mors per illum unum regnavit, at illi qui in dies participant abundantiam divini amoris indeque profectum justitiæ donum, hi multo magis, destructâ morte, vitâ potiti regnabunt per unum illum JESUM CHRISTUM.

Itaque sicut unum peccatum hominibus omnibus cessit in condemnationem mortificam; ita quoque unum rectè factum hominibus omnibus cessit in justificationem quæ ad vitam æternam obtinendam perducatur. Etenim sicut per unius hominis inobedientiam omnes ex eo nati homines constituti sunt peccatores, ita quoque per unius obedientiam omnes constituentur justi, quotquot ex illo uno per fidem renascantur. Mosaica autem lex insuper in in mundum introiit in eum finem ut illud naturæ peccatum per multiplices transgressionem redundaret. Sed postquam illud redundasset, copiosissime redundavit gratia; idque factum est in eum finem, ut, sicut peccatum illud regnasset inferendo mortem tam animæ quam corpori, ita quoquæ gratia regnaret per collatam hominibus justitiam, qua perducantur ad vitam obtinendam æternam.

Quæ cum ita sint, quid igitur inde conficiemus? Num maneamus peccato cap. VI addicti, ut nostri respectu gratia sit abundans? Absit ut hoc fiat! Nam quomodo peccato vivamus nos qui Christiani sumus, tales, inquam, qui jam mortui sunt peccato? Aut num ignoratis, nos, quotquot fuimus per baptismum JESU CHRISTO addicti sacratique, baptizatos fuisse ad moriendum cum

ipso ? Itaque per baptismum illum mortificantem sepulti sumus cum illo , idque in eum finem ut sicut CHRISTUS e mortuis suscitatus est per gloriosam potentiam Patris et Deo vivit , ita quoque nos e baptismi sepulcro ad novam vitam excitati in ea vitæ novitate vivere pergeremus. Nam si CHRISTO conformes facti sumus per similitudinem mortis ejus , profectò etiam per similitudinem resurrectionis et novæ vitæ ejus conformes illi esse volumus , quippe qui scimus hoc , scilicet veterem nostrum hominem unà cum CHRISTO affixum fuisse cruci ut destrueretur vetus illud corpus peccati in eum finem ut non ultra , sicut antea faciebamus , serviremus peccato. Et verò post mortem nemo peccat , liberatusque est a dominatu peccati.

Quod si per baptismum peccato mortui sumus cum CHRISTO , ut sumus reverà , confidimus fore ut sicut CHRISTUS e mortuis resuscitatus , novam vivit vitam , ita et nos haud amplius peccato servientes novam cum CHRISTO etiam vitam agamus , quippe qui scimus CHRISTUM , quem vitâ nostrâ exprimere debemus , postquam e mortuis resuscitatus est , haud amplius mori , haud amplius mortem illi dominari ; nam quam mortem mortuus est , peccato eam mortuus est semel , quam verò vivit vitam , Deo eam vivit. Atque ita vos quoque reputate vos tales esse qui mortui sint peccato , vivant autem in honorem et gloriam Dei.

Cavete ergo ne Peccatum dominium exerceat in mortali vestro corpore ita ut pravis hujus cupiditatibus obediatis ; neque committatis ut membra vestra in ministerium exhibeatis Peccato tamquam instrumenta ad patranda iniquitatem ; sed contrà , totos Deo vos exhibete sicut facere decet homines qui mortui cum essent , divinitus resuscitati sunt ad novam vitam ; et membra vestra Deo exhibeantur tamquam totidem instrumenta ad præstanda opera justitiæ. Neque enim metuendum est ne Peccatum in vos tinaridem suam exerceat ; non enim sub Lege jam estis sed sub gratia.

Quid inde ? ergo—ne peccemus quandoquidem non sumus sub Lege sed sub gratia ? Absit ut quis vestrûm ita sentiat ! Mutata servitus est, non ablata.

Aut num forte ignoratis , cui servos ad obediendum adstrictos vos præbeatis , illius cui obeditis revera vos esse servos , servos, inquam , aut Peccati , cujus servitus ducit ad mortem , aut obedientiæ , cujus servitus ducit ad justitiam ? At verò , gratiæ habeantur Deo , quòd cum essetis servi Peccati , sincere et ex animo obedientiam præstiteritis doctrinæ evangelicæ in quam traditi estis , liberati autem a servitute Peccati , redacti fuistis in servitutem Justitiæ.

Quod dico *redacti fuistis in servitutem justitiæ* , similitudine e rebus humanis ductâ utor propter imbecillitatem vestram. Sicut olim , inquam , membra vestra fecistis servire impuritati ad improba quævis perpetranda , ita nunc membra vestra facite servire Justitiæ ad sanctificationem vestram. Nam quo tempore servi eratis Peccati , Justitiæ jugum non subibatis ; quare vicissim neque nunc cum servi Justitiæ facti sitis , Peccati jugum vobis subeundum est. Quemnam igitur fructum habebatis tunc ex iis rebus de quibus si cogitetis , nunc erubescitis ? Nullum sane ; nam istæ res tandem perducunt ad mortem æternam. Nunc verò cum liberati estis a jugo Peccati , Deo autem in servitutem mancipati , habetis fructum , vestram , inquam , sanctificationem , quæ tandem perducit ad vitam æternam. Nam stipendium quod Peccatum servis suis solvit , mors est æterna ; donum verò quod servis suis largitur Deus , æterna vita est , in CHRISTO JESU Domino nostro.

Scitis profectò , fratres , eos enim alloquor qui Legem Mosaicam cognoscunt, Cap VII. quod Lex in hominem dominetur quamdiu ille vivit. Etenim , ut hoc exemplo utar , Lex præcipit ut maritata mulier adstricta maneat viro suo quamdiu is vixerit ; eò verò mortuo , mulier soluta est a lege quæ eam marito suo ligabat. Proinde si , vivente marito , alteri viro nupserit , adultera erit ; si verò mortuus fuerit vir ejus , a lege conjugii libera est , ita ut non sit adultera si nupserit alteri. Itaque , fratres , sicut istiusmodi mulier per mortem mariti soluta sit lege connubii , ita vos quoque , ut qui occisi estis secundum veterem hominem per occisum corpus CHRISTI quocum fuistis crucifixi , vos quoque , inquam , pariter facti estis liberi a dominio Legis ; quod quidem factum est in eum finem , ut per mysticam illam mortem vestram soluti a connubio cum Lege , alteri

viro, illi, inquam, qui ex mortuis resurrexit, nuberetis, idque ut ex hac conjunctione fructum ferretis Deo. Nempe cum adhuc essemus in statu veteris et carnalis hominis, appetitus ad peccandum inducentes qui per legem in nobis excitabantur, vim suam in membris nostris exserebant eo eventu ut, peccantibus nobis, ipsi fructum ferrent Morti. Nunc verò liberati sumus a Lege illa mortifera sub cujus dominatu antehac detinebamur, ita ut jam serviamus, servitutem non illam veteris hominis sub Lege constituti, quæ servitus præstabatur Peccato, sed eam servitutem, quæ novi hominis est sub gratia constituti, quæ servitus præstatur Deo.

Hæc cum ita sint, quid igitur inde colligemus? Num dicamus Legem esse causam peccatorum? Absit! Verùm per Legem experientiâ cognovi innatam mihi concupiscentiam malam; etenim actualement concupiscentiam malam, ex qua innatam illam cognovi, expertus non essem, si Lex illam non prohiberet. Nacta autem occasionem incitantem ad vim suam exserendam innata mihi concupiscentia, per præceptum de non concupiscendo in me protulit omnigenam concupiscentiam actualement. Nam ubi lex positiva non adest, ibi innata concupiscentia, quum non habeat quo excitetur, vim suam non exserit ac veluti mortua jacet. Ego, inquam, aliquando vitam agebam necdum latâ Lege; eoque tempore innata mihi concupiscentia iners ac veluti mortua jacebat; sed cum advenisset præceptum de non concupiscendo, tum vim suam exserere illa cœpit; ibi autem ego secundum animam mortuus sum; et comperi, Legem, quæ data erat ad animæ vitam et salutem, ipsam hanc mihi fuisse mortiferam. Nam innata illa mihi concupiscentia, cum nacta esset occasionem eam incitantem ad vim suam exserendam, per præceptum de non concupiscendo operata in me concupiscentiam actualement me seduxit, trahendo voluntatem ad consensum, meque ita per præceptum occidit. Quum ergo Lex homini data fuerit ut vitam haberet, innata autem illa concupiscentia mala ipsum occasione Legis in peccata impulerit, profectò consequitur, Legi nihil esse cum peccato commune, sed eam esse sanctam, et præceptum ejus esse sanctum et justum et bonum. Ergo-ne id quod per se bonum est, mihi causa fuit mortis? Absit! verùm

innata mihi concupiscentia mala, hæc demùm causa mortis mihi fuit; factumque hoc est in eum finem ut illa concupiscentia mala adhuc latens sic manifesta fieret et cognosceretur tamquam peccatrix, quippe quæ per ipsum id quod bonum est mortem mihi intulisset, ut, inquam, tamquam insigniter peccatrix manifesta illa fieret per præceptum. Et verò scimus omnes, Legem non humanæ esse originis sed divinæ; ast ego malos sensuum appetitus sequor, atque instar venumdati mancipii subjectus sum innatæ mihi concupiscentiæ malæ. Etenim quæ perpetro opera, non intelligo; nam bonum quod facere volo non facio, sed contrà facio malum quod facere nolo. Quod si facio malum quod velim non facere, profectò eo ipso consentio Legi bonam se esse prædicanti, eamque bonam esse profiteor. Sic verò non ego malum illud facio, sed facit illud habitans in me Peccatum sive innata mihi concupiscentia mala, cui instar venumdati mancipii subjectus sum. Etenim experientiâ edoctus scio, non esse in me, hoc est, in parte mei animali, inclinationem ad bonum; nam velle bonum in promptu quidem mihi est, non verò itidem perficere illud quod velim bonum; bonum enim quod facere velim, non facio, sed e contra facio malum, quod facere nolim. Quod si malum, quod facere nolim, facio tamen, jam non EGO malum illud facio, sed facit illud habitans in me Peccatum.

Invenio igitur mihi bonum facere volenti positam hanc veluti legem, ut mihi in promptu sit facere malum, ut sim, inquam, pronus in malum, hùc propendam, hùc procliner: nam delectatur lege Dei mens mea et mihi dictat eam esse observandam; verùm experior adesse in membris meis aliud dictamen quod se opponit adversaturque dictamini mentis meæ, et servire me facit dictamini malæ concupiscentiæ quod est in membris meis. O me miserum hominem! Quis me eripiet e captivitate corporis quod istam mortem mihi infert! Gratias ago Deo quòd ex hac captivitate per merita JESU CHRISTI Domini nostri me eripuit. Itaque ipse ego mente meâ servio legi Dei, carne autem legi Peccati.

Nihil ergo nunc damnationis reliquum est iis qui CHRISTO sunt incorporati; ^{Cap. VIII.} nam Spiritus sanctus vivificator me per CHRISTUM JESUM liberavit a tyrannide

Peccati et Mortis. Nam Deus Filium suum in assumpta carne carni nostræ peccatrici simili in mundum mittendo idque ob Peccatum, damnavit Peccatum, dominium ejus abolendo in carne; quæ res effici non poterat a Lege, quippe quæ imbecillis erat per carnem rationi rebellem. In eum autem finem Deus Peccati dominium abolevit in carne, ut Legis mandatorum adimpletio fieret in nobis, qui vitam instituimus non secundum dictamen carnis sed secundum dictamen spiritûs. Nam carnales qui sunt, ea cogitant, amant, curant, quæ vult Caro; spirituales verò iis student quæ cupit mens directa a Spiritu sancto, quum sciant studia et desideria Carnis æternam afferre mortem, studia verò Spiritûs vitam æternam et pacem cum Deo; et ratio est, quia studia Carnis inimiciæ sunt cum Deo; (nam rebellat illa contra Deum nec legibus ejus sese subjicit; neque enim se subjicere illis potest, quum in opposita tendant Carnis studia et leges divinæ); carnales, inquam, qui sunt, Deo placere non possunt.

Vos autem non estis homines carnales sed spirituales, si tamen Spiritus sanctus, quem in Baptismo accepistis, etiamnum in vobis permaneat. Si quis autem Spiritum sanctum, qui Spiritus CHRISTI est, non habet in se inhabitantem, næ, ad CHRISTUM hic non pertinet; carnalis is est, non spiritualis. Si autem CHRISTUS est in vobis per Spiritum suum, obnoxium quidem morti est corpus vestrum propter originale peccatum, anima autem vestra vivens est propter gratiam justificationis a Spiritu sancto vobis impertitam. Quod si Spiritus illius qui a mortuis suscitavit JESUM habitat in vobis, ipse ille Pater æternus qui JESUM CHRISTUM, caput vestrum, a mortuis excitavit, aliquando mortalia quoque corpora vestra vivificabit, idque propter inhabitantem in vobis Spiritum CHRISTI.

Ergo, fratres, debitores sumus Spiritui sancto ut ad ejus instinctum vitam instituere debeamus; non verò debitores sumus Carni, ut huic nobis præstanda servitus sit. Nam si vivitis obsequentes pravis Carnis concupiscentiis, moriemini morte æternâ; contrà, si per Spiritum malas actiones, ad quas Caro impellit, inhibetis, vitam vivetis æternum beatam. Nam quicumque ab inhabitante in

ipsis Spiritu sancto aguntur, hi sunt filii Dei, ut estis vos. Neque enim, quem in Baptismo Spiritum accepistis, talis est qui vos, sicut olim Mosaica Lex Judæos, servos effecerit ut iterum servili animo legislatorem Deum timeretis; sed accepistis Spiritum qui nos effecit adoptivos Dei filios, quo Spiritu nos agente, magno animi affectu Deum compellamus Patrem nostrum. Ipse ille Spiritus affectuosâ illâ compellatione unâ cum spiritu nostro contestatur, nos esse filios Dei. Quod si filii sumus, utique et hæredes aliquando erimus; hæredes, inquam, Dei, cohæredes autem CHRISTI; si tamen cum CHRISTO patimur, quo fiet ut et cum ipso glorificemur.

Nec grave hoc nobis videatur. Sic enim existimo: ea quæ in præsentis sæculo patimur mala, nullius esse ponderis, si comparantur cum pondere gloriæ in futuro sæculo in nos conferendæ. Quæ quam certò conferenda sit vel ex eo patet, quod illam filiorum Dei glorificationem irrationalis creatura constanter exspectat. Fragilitati enim hæc se subiecit non sua sponte, sed ut Dei eam subicientis obsequeretur voluntati, hanc interim divinitus spem habens, fore scilicet ut ipsa quoque liberetur a servitute corruptionis ab eaque servitute transeat ad libertatem gloriosæ incorruptionis filiorum Dei. Et verò novimus omnes, irrationalem creaturam universam inde a lapsu proto-parentis ad præsens usque tempus continuò ingemiscere ac veluti parturire ut liberetur ab onere istius servitutis. Non solum autem universa irrationalis creatura gemebundè hoc exspectat, sed ipsi quoque nos regenerati, quamquam Spiritus sancti prima dona jam habentes, ipsi quoque in cordis nostri penetralibus ingemiscimus, quippe qui ardentè exspectamus adoptionem nostram perfectam, id est, liberationem corporis nostri a servitute corruptionis. Hanc, inquam, *exspectamus*. Nam adhuc non jam ipsâ *re* sed *spe* tantum perfectam illam salutem obtinemus. Atqui spes non est rei præsentis sed futuræ; nam quod quis jam obtinet, cur illud porrò speret? Si autem verum est, ut est verissimum, nos, quam nondum tenemus rem, sperare tamen, profectò consequitur nos patienter eam exspectare. Sicut autem nostrum est patientiâ uti, ita vicissim Spiritus sanctus infirmitatem nostram adjuvat.

Nam in ærumnis positi quid divinæ voluntati convenienter petere debeamus, nos nescimus; sed ipse Spiritus sanctus nostri vice Deum orat per tacita suspiria quibus ingemiscere nos facit. Scrutator autem cordium Deus desiderium illud, quo Spiritus sanctus gemere facit gementem, novit atque probat, quia nempe id quod Spiritus sanctus pro regeneratis a Deo petit tale est, ut conveniat divino beneplacito.

Ad hæc, notum nobis est, omnia ad salutem prodesse veris Christianis, utpote talibus quos Deus non ob eorum merita, verum ex æterno misericordiæ et amoris sui decreto ad hanc gratiam elegit; quos ergo non est deserturus, ut deinceps salutem eorum non procuret; proinde quæ illis inferuntur mala, quum hoc sine ejus permissu fieri nequeat, eisdem non nisi adminicula salutis esse poterunt; et quam incœpit in illis salutem, illam et perficiet. Nam quos ab æterno præscivit futuros esse tales qui gratuitò vocati deinceps sui forent eumque diligenter, illos quoque ab æterno prædestinavit ad consortium gloriæ Filii sui, eo fine ut is haberet multos fratres gloriæ suæ cohæredes, inter quos ipse primatum teneret. Quos autem Deus ad illud gloriæ consortium ab æterno prædestinavit, illos quoque in tempore vocavit, et quos vocavit, illis quoque justificavit; quos autem justificavit illos quoque glorificavit. Hanc ergo Dei curam de nobis considerantes nonne profiteri debemus Deum nos tueri? Quod si hoc, quid-ni saluti nostræ prosint afflictiones, persecutiones, quæcumque denique mala? nam quis aut quid tandem nocere nobis poterit, si Deus est pro nobis? Is qui proprio suo Filio non pepercit, sed pro nostrâ omnium expiatione victimam piacularem in mortem tradidit, quid-ni is etiam, unâ cum Filio nobis donaturus sit omnia quæ ad perficiendam salutem nostram nobis sunt necessaria? Ecquis accusationem instituet adversus electos Dei? Num forte hoc faciat Deus eorundem justificator? Ecquis est qui electos Dei condemnet? Num forte hoc faciat JESUS CHRISTUS, qui pro nobis electis mortuus est, imo vero etiam resurrexit, qui etiam sedet ad dexteram Dei, qui etiam deprecatur ibi pro nobis? Quis nos divellere poterit ab amore CHRISTI? Num afflictio? Num angustia? Num persecutio? Num fames? Num nuditas? Num periculum? Num gladius? ita ut fiat in nobis sicut scriptum est:

Propter te interficimur tota die; reputamur pro ovibus mactationi destinatis. At enimverò in his omnibus egregie victores sumus per auxilium nobis latum ab eo qui nos delexit. Certus enim sum, neque mortem, neque vitam, neque ullam vim angelicam, neque præsentia, neque futura, neque sublimia, neque infima, neque aliam quamvis rem creatam divellere nos posse justificatos ab amore Dei nobis exhibito in JESU CHRISTO salutis nostræ mediatore.

Veritatem dico CHRISTO unitus, non mentior, rem unâ mecum attestante Cap.
IX. meâ sub ductu Spiritûs sancti conscientiâ: magnâ me affici tristitiâ et animum meum in continuo esse dolore. Optarem enim, si hoc modo saluti eorum consulere possem, æterno exitio a CHRISTO separari pro salute fratrum meorum, cognatorum, inquam, meorum secundum carnem; quippe qui Israëlitæ sunt, ii, quos Deus præ aliis gentibus sibi in filios adoptavit, quos sensibili sua præsentia dignatus est, cum quibus pacta iniit, quibus legem dedit, et religiosum præscripsit cultum, et MESSIAM promisit; qui progenitores habent Patriarchas ABRAHAMUM, ISAACUM et JACOBUM; denique, ex quibus ortus est CHRISTUS secundum humanam naturam, qui Deus est super omnia, laudandus in æternum. Amen.

Quamquam verò lugeo tot Israëliitarum a Messiana salute exclusionem, nequaquam tamen dixerim irritas factas fuisse promissiones Dei de beandis Abrahamidis per MESSIAM. Neque enim omnes qui carnali propagatione ex ISRAËLE orti sunt, jam eo ipso Israëlitæ sunt tales ad quos Dei illæ promissiones pertineant. Neque omnes qui ex semine ABRAHÆ nati erant pro filiis ejus fuere habiti, sed solus ISAAC, dicente Deo ABRAHÆ: *Isaac filius et heres tuus erit.* Quâ re gestâ typicè significabatur, pro Dei filiis censi non eos, quos naturalis vis generandi procreasset, sed qui filii essent promissionis, hoc est qui supernaturali divinæ gratiæ virtute nascerentur. Nam divinitus promissus fuit ISAAC parentibus ad generandum ineptis hoc sermone: *Ipsa hoc tempore post annum revolutum redibo, et erit SARÆ filius.*

Non solum verò SARÆ filius typicè hoc docuit, sed docuit etiam RE-

BECCA, cum ex uno ISAACO patre nostro concepisset. Nam pueris nondum natis adeoque nec boni aut mali quidquam operatis, ut immobile esse cognosceretur Dei secundum electionem factum propositum, factum, inquam, non propter opera sed gratuitò, ideò REBECCÆ divinitùs dictum fuit: *Major natu serviet minori*; sicut de hæc JACOBI præ ESAVO prælatione scriptum est apud MALACHIAM: *JACOB dilexi, ESAU autem odio habui.*

Quid igitur inde colligemus? Num putemus, injustum esse Deum in hac agendi ratione? Absit! Ipse enim MOYSI dicit: *Beneficia mea nemini debeo; benignum me præsto cui volo, et cujus misereri volo, ejus misereor.* Itaque Dei gratiam consequi non pendet ab humano desiderio aut studio, verùm ex libero beneplacito miserentis Dei. Nam, ut ab exemplo negatæ gratiæ rem confirmem, PHARAONI Deus dicit: *Hoc fine incitavi te ad mihi resistendum, ut ostenderem in te potentiam meam et prædicaretur nomen meum in universa terra.* Ergo, unius miseretur, alterum reddit pervicacem, pro suo beneplacito; neque ulla est in hac agendi ratione injustitia.

Ad id quod dixi, *pervicaces reddit quos vult*, mihi ergo ita repones: *Quum ipse Deus illos reddat pervicaces, cur idem adhuc eosdem reprehendit? Pervicaciam istorum sibi imputet, non ipsis! nam voluntati ejus quis resistere potest?* Imo verò, O homuncule, quin tu mihi dicito, tu quis tandem es, qui responsas Deo? quum tantillus tu sis, pudeat te obloqui Deo conditori tuo! Numquid licebit vasi fictili fictori suo dicere: cur mihi hanc dedisti formam? Aut num forte potestatem non habet figulus in terram figlinam ut non liceat illi ex eadem luti massa fingere aliud quidem vas in usus honestos, aliud verò in sordidos? Quid verò iniqui sit in hoc, quod Deus vasa iram suam merita utque talia ad interitum parata, multâ longanimitate tulit, tandem verò confregit, volens hac agendi ratione hinc quidem ostendere vindictivam suam justitiam notamque facere suam potentiam, illinc verò manifestare eximiam suam benignitatem erga vasa misericordiam suam experta, quæ per hoc præparavit ad consequendam salutem æternam; quæ vasa misericordiæ sumus nos, quos ut per justificationis gratiam ad gloriam præparavit, ita

etiam ad fidem vocavit tam ex Judæis quam ex Gentibus. Et Gentiles quidem Messianam salutem participaturos esse, olim prædictum erat ab HOSEA, in cujus vaticinio Deus sic fatur: *Vocabo non populum meum, populum meum; et non dilectam, dilectam; et misericordiam non consecutam, misericordiam consecutam; futurumque est ut ubi prius dicebatur, vos non estis populus meus, ibi vocentur filii Dei.* Prædicta autem fuit et Judæorum plerorumque a Messiana salute exclusio ab ISAIA ita vaticinante: *Etsi populus tuus Israël, inquit, numerosus esset sicut arena in littore maris, attamen pauci tantum ad Deum convertentur. Excidium decisum instar aquarum inundantium inferet justitiam vindicativam; nam excidium et decretam pœnam Dominus exercebit in universa terra Judæorum. Nisi Dominus Deus exercituum reliquisset nobis sementem, sicut Sodoma et Gomorrha penitus periissemus.*

Quum hæc ita habeant, quid igitur ad ea dicendum est? Omnino dicendum est id quod res est, scilicet, quod Gentiles, qui minimè studebant assequendæ justitiæ, justitiam sunt adepti, eam, inquam, justitiam, quam Deus gratuito efficit in credente; Israëlitiæ autem dum student assequi justitiam, justitiam non sunt adepti. Et quare hoc? Quia studuerunt eam sibi comparare non ex fide, sed ita quasi ea ex præstitis operibus Legis haberi potuisset. Non ex fide, inquam, justitiam sibi comparare studuerunt; etenim in CHRISTUM tamquam in offendiculi lapidem increduli impegerunt; quæ eorum offensatio olim prædicta fuerat hisce verbis: *Ecce pono in Sione lapidem in quem impingent, et petram in quam incurrent; quicumque vero in illum crediderit, non erubescet.*

Fratres, cordis mei desiderium meæque pro popularibus meis preces sunt ut cap. x. Messianam salutem participant. Nam hoc bonum illis do testimonium: ducuntur illi zelo observandæ legis divinæ: at verò non intelligenter illo zelo ducuntur. Nam dum ignorant modum quo ex Dei instituto perveniri debeat ad statum justitiæ, illi suo modo eò pervenire quærunt, atque ita fit ut Dei instituto non sint subjecti. *Finis enim legis est CHRISTUS ad justitiam cuivis credenti.* MOYSES enim de justitia ex lege consequenda scribit: *Qui fecerit mandata Dei, per earum observationem vitam obtinebit.* Sed justitia fidei sic apud eum loquitur:

Noli incredulus cogitare: quis adscendere potest in cælum (puta ad CHRISTUM inde in terram deducendum;) *aut, quis potest descendere in abyssum?* (puta, ad CHRISTUM inde a mortuis revocandum). Sed quid dicit justitia fidei? Sic dicit: *Res prope tibi adest, scilicet in ore tuo est et in corde tuo.* Res autem illa est fides quam prædicamus ut necessariam ad justitiam consequendam; quia si ore tuo professus fueris JESUM esse filium Dei, et corde tuo credideris quod Deus illum suscitaverit a mortuis, salvus eris. Etenim per fidem cordis acquirimus justitiam et per professionem oris salutem. Dicit enim Scriptura: *Quicumque in illum crediderit, speratam salutem consequetur.* Neque enim est ibi inter Judæos et Gentiles discrimen; oblata salus est ex æquo omnibus; nam unus idemque est omnium hominum, Judæorum æque ac Gentilium, salvator atque Dominus, qui gratiæ suæ divitias effundit in omnes qui JESUM Messiam invocant. Nam teste JOËLE, *quicumque nomen Domini JESU invocaverit, salutem consequetur.* Quum ergo salus pendeat ab invocando JESU Messia, quomodo, inquam, invocare queant cum cui non crediderunt? Aut quomodo credant illi, de quo non audierunt? Quomodo autem de illo audiant, nisi sit qui prædicando illum annuntiet? Quomodo verò præconem quis agat, nisi divinitus ad hoc officium mittatur? De qua missione vaticinatus est ISAIAS, cum diceret: *Quam gratus est adventus evangelizantium salutem et pacem!* et sanè, apparuère, sicut prædictum erat, divini illi præcones; sed non nisi pauci fidem adhibuère Evangelio quod prædicabant: evenitque ibi quod olim fuerat prædictum ab ISAIA exclamante, *Domine, quam pauci sunt qui fidem adhibuère prædicationi nostræ!* Ergo fides nascitur ex prædicatione, prædicatio autem instituitur ex mandato Dei.

Ast heic ego dico: Numquid forte defuère Judæis Evangelii prædicatores, quo factum sit ut de doctrina saluti non inaudierint? Imo verò, vox præconum Evangelii per universum terrarum orbem personuit, et verba eorum penetrarunt ad terminos usque terræ. At dico: Numquid forte Judæos latuit Gentiles quoque ad Messianam salutem esse vocandos? Nequaquam. Prædicta erat res. Primum MOYSES dicit: *Zelotypiam vestram concitabo propter gentem gentis, nomine indignam; propter gentem veræ religionis ignaram ad iram vos commovebo.*

ISAIAS autem nihil veritus suorum popularium offensionem de Gentilium ad Messianam salutem admissione aperte sic loquitur : *Inventus sum ab eis qui hactenus non quærebant me; manifestus factus sum illis qui hactenus non interrogabant me.* De Israëlitis autem dicit : *Continuè expansis brachiis illos ut ad me venirent invitavi; verùm illi contumaces ad me venire negarunt.*

Quæro igitur : Quum talia de Judæis et Gentilibus vaticinatus sit ISAIAS ,^{Cap. XI.} numquid Deus forte a se repulit populum suum , quem in peculiarem gentem suam olim sibi elegerat ? Absit ! Et verò etiam ego , Messianæ salutis ipse præco , ego quoque Israëlita sum , ABRAHÆ semine procreatus , pertinens ad tribum Benjaminiticam. Non repulit , inquam , Deus populum suum , quem ab æterno in populum suum peculiarem sibi elegit. Profectò non fugit vos quod legitur eo Scripturæ loco ubi de ELIA sermo est , quomodo ibi Israëlitas apud Deum accuset : *Domine , inquit , prophetas tuos occiderunt , altaria tua diruerunt , solus prophetarum tuorum relictus sum ego , et me quoque occidere quæ-
runt.* Sed quid divinitùs responsum est ELIÆ ? *Servavi mihi septem millia viro-
rum , qui non curvarunt genua coram Baal.* Igitur quemadmodum ELIÆ illa ætate supererant qui a cultu JEHOVÆ non defecissent , ita et nunc temporis pauci aliqui Dei gratiâ Messianam participarunt salutem. Quod sitribuendum hoc est gratiæ beneficio , profectò non est acceptum referendum operibus ; alioquin gratia non verè rectèque gratia appellari possit.

Quid igitur dicendum est ? Nam , ut ostendimus , dici nequit Deum repulisse populum suum. Dicendum est , Israëlitas , maximam partem , quam cupide quærebant justitiam non fuisse consecutos ; electos eandem fuisse consecutos , reliquos verò fuisse obcæcatos , sicut erat prædictum hisce verbis : *Dedit illis Deus mentem stupore oppressam , oculos cæcos , aures surdas , usque in præsen-
tem diem.* DAVID quoque hoc prædixerat : *Fiant ipsis ;* inquit , *epulæ eorum laqueus et tendicula et decipulum , atque hoc illis contingat in justam pœnam , in retributionem ; dorsumque eorum perpetuò incurva.*

Quæro igitur : Fuit-ne lapsus illorum eo consilio divinitùs permissus ut pe-

nitus corruerent sine ulla spe resurgendi? Absit! imo verò illorum lapsu Evangelica salus obtigit Gentilibus, ut per hos ad sanctam quamdam æmulationem provocarentur atque ita ab incredulitate sua resipiscerent. Quod si Israëlitici populi lapsus et secuta inde spiritualis sui deminutio Gentes locupletavit, quanto magis hi locupletabuntur quando populus universus CHRISTO nomen dederit! (Nam vobis Christianis ex Gentilibus collectis, quibus videri possim, utpote constitutus non Judæorum sed Gentium Apostolus, animum in Judæorum conversione minime occupatum habere, vobis dico: Quatenus quidem divinitus constitutus sum ego non Judæorum sed gentium Apostolus, gnaviter officio meo fungor inter gentes, simul verò eò spectans ut hac ratione prosim Judæis popularibus meis, si forte ob Gentiles meo ministerio Messianæ salutis participes factos, ad sanctam quamdam æmulationem provocare possim fratres meos secundum carnem, atque ita nonnullorum procurare salutem. Et verò quum illorum rejectio occasionem dederit ut Gentiles cum Deo reconciliarentur, profectò in maximam quamdam felicitatem spiritualem Gentilibus cessura est illorum assumptio. Cui quidem assumptioni nihil obstat; neque enim populus Israëliticus quatalis a Deo rejectus fuit; imo contra; est populus Israëliticus Deo in patribus suis in perpetuum sacratus; quemadmodum sacrata massa est in sacratis primitiis, aut sacrati sunt rami in radice sacrata.

Quod si ex olivæ ramis aliqui defracti sunt, tu verò, o Gentilis, cum oleastri surculus esses, olivæ insitus fuisti in defractorum ramorum loco atque ita, unà cum superstitibus ramis olivæ, radicem ejus et pinguedinem participasti, neutiquam tamen est cur ideò superbè te efferas ac miseris Judæis insultes. Quod si facias, turpiter feceris. Et verò non tu radicem portas, sed radix portat te. Sed ad hæc mihi repones: Defracti sunt rami aliquot ut ego olivæ insererer! Concedo, Gentiles olivæ insitos fuisse in defractorum ramorum loco; sed hi non ideò fuere defracti ut tu insereris, sed ob illorum incredulitatem, tu verò per fidem nunc consistis ramus in oliva. Cave vero ne ideo superbias, sed time potius ne quando et tu incredulitatis pœnam contrahas. Etenim si naturalibus ramis Deus non perpercit, quanto minus parciturus est

insititiis ! Igitur diligenter considera , hinc quidem Dei benignitatem , illinc verò ejusdem severitatem : in eos qui ceciderunt versa est Dei severitas , in te verò ejusdem benignitas , si tamen permanere volueris in eo ad quod Dei benignitas te gratuito vocavit ; nam si non permanseris , tu quoque excideris ab oliva , sicut jam ab eâdem defracti sunt illi . Sed et , sicut tu non ita olivæ insitus es ut non possis tuâ culpâ ab eadem defringi , ita vicissim illi , si ab incredulitate sua resipiscere voluerint , olivæ denuò inserentur . Et verò quid-ni Deus hoc facere possit ? Nam si olivæ inserere potuit alienæ arboris ramos , quanto magis defractus ab ipsa oliva ramos eidem rursus inseverit !

Nam , ut ne vestro judicio sapere vobis videamini dum Judæos contemnitis tanquam Christianæ salutis incapaces , edocere vos volo divinæ Providentiæ arcanum hoc : quòd scilicet populum Israëliticum partem aliquam occupaverit excæcatio duratura ad illud usque tempus quo gentium universitas in ecclesiam intraverit , et quod ita futurum sit ut populus Israëliticus universus Messianam salutem participet , sicut scriptum est in vaticinio ISAÏÆ Prophetæ : *Ex Sione venturus est redemptor et avertet peccata a gente Jacobæa ; atque hoc meum erit cum illis pactum , cum abstulero peccata eorum.* Israëlitica gens ratione quidem habitâ Evangelii , cui obedire recusavit , Deo est exosa ; id quod in vestrum bonum cessit , o Gentiles ! ratione verò habitâ electionis illius qua Deus illam Gentem in populum suum peculiarem sibi elegit , perpetuò illi cara est propter eorum progenitores , ut quibus promisit se fore Deum seminis eorum . Nequit enim Deum poenitere suorum beneficiorum . Scilicet quemadmodum vos , o Gentiles , olim non obedivistis Deo , nunc vero misericordiam consecuti estis per illorum inobedientiam , ita quoque illi nunc non obediverunt Deo , ut per misericordiam vobis impartitam etiam ipsi misericordiam consequantur , vestro provocati exemplo resipiscentes , atque ita haud amplius indignos sese præbentes qui a Deo recipiantur . Nam omnes , tam Judæos quam Gentiles , inobedientiæ culpam contrahere Deus passus est eo consilio , ut misericordiam suam omnibus adhiberet . O copiosissimas divinæ misericordiæ divitias ! O recon-

ditam Dei sapientiam et scientiam ! Quam sunt homini imperscrutabilia Dei decreta , quam investigabilia ejus consilia ! Nemo enim cognovit Dei cogitationes , nemo consiliarius illi adfuit quum decreta sua caperet ; nec quisquam hominum est qui Deo aliquid donare possit ita ut Deus illi rependere debeat ; neque enim quidquam est quod ab eo non pendeat , et ipsius sunt prorsus omnia. Ipsi debetur gloria in omne ævum. Amen.

Cap.
XII.

Quum ergo talis tantaque fuerit Dei erga vos misericordia , per ipsam illam misericordiam vobis impartitam exhortor vos , fratres , ut ne ingrati sitis , sed ingrati animi testimonium illi offeratis corpora vestra in victimam vivam eamque incontaminatam , adeoque Deo gratam atque acceptam ; qua in re constat spiritualis ille cultus vester religiosus ; et mores exprimate non qui similes sint moribus hominum mundanorum sed tales qui convenient illi mentis innovationi , quæ in Baptismo vobis obtigit ; quare intenti estote exquirendo et perficiendo id quod velit Deus , id quod bonum et illi gratum et perfectum sit. Jubeo nempe per auctoritatem Apostolicam divinitus mihi concessam , idque , nullo discrimine , unicuique ex cœtu vestro , ut nemo vestrum sit immodicus sui æstimator , plus æquo sibi arrogans , sed ut de se sentiat ita ut sane et juste de se existimet , seque contineat intra fines doni et officii , quod Deus illi concesserit. Nam quemadmodum in uno nostro humano corpore multa habemus membra , varia autem illa membra non habent officium omnia idem ; ita quoque nos Christiani , qui multi sumus , unum efficimus mysticum quoddam corpus in CHRISTO , singuli autem sumus alter alterius membra ; alter alterius operâ indigemus , nec possumus singuli omnia. Quum autem habeamus charismata pro vario Dei favore varia , si prophetiæ donum habeamus , utamur illo dono secundum mensuram scientiæ divinitus nobis concessæ. Si quod diaconium nobis obtigerit , in eo simus toti. Si docendi gratiam quis obtinuerit , doceat ; si exhortandi , exhortetur. Qui de suo erogat in pauperes , sincero hoc faciat animo. Qui aliis præest , diligenter hoc agat. Cui commissa est cura miserorum , hilari animo hoc officio fungatur. Sit amor in proximum sincerus minimeque fucatus. Quod malum est aversemini , bono adhærescite. Ad fraternam charitatem quod

attinet, tenerrimo amore invicem vos prosequamini; in præstanda mutua observantia, unus alterum præveniat. In studio christianæ pietatis minime segnes sitis, sed contra animo ferventes, memores non hominis cujuscumque sed CHRISTI servos vos esse. Ob spem futuræ retributionis gaudentes estote, in rebus afflictis constantes, piis precationibus assiduè vacantes. Fratrum vestrorum egestati de vestris facultatibus succurrite; hospitalitatem erga Christianos peregrinantes diligenter exercete. Beneprecamini iis qui vos vexant, beneprecamini, inquam illis, et nolite mala illis imprecari. Fratrum vestrorum res, sive prosperas sive adversas, veluti vestras reputetis; de his verè doleatis, de illis ex animo gaudeatis. Estote eodem animi sensu erga vos invicem affecti, æquali amore invicem vos amantes. Alta et excelsa, talia, inquam, quibus super alios emineatis, nolite appetere, sed, minimè ambitiosi, ea quæ humilia sunt ne dedignemini. Neque videamini vobis eatenus sapere ut putetis aliorum prudentiâ et monitis facile carere vos posse. Nemini umquam malum pro malo inferatis, sed exercendis virtutibus studete sive rem habeatis cum fidelibus sive cum infidelibus. Vivite in pace cum hominibus sine discrimine omnibus, si fieri potest; si qui verò sint qui vicissim vobiscum in pace vivere recusent, vos ex vestra saltem parte pacem colite. A privata vindicta abstinete, carissimi, et Deo permittite vindictam. Scriptum est enim: *Mihi competit vindicta et ego retribuam*. Imo, si inimicus tuus inopiâ prematur, tu illi succurras; quod si feceris, acutum quempiam illi intuleris dolorem ex pudore natum, quo fieri poterit ut resipiscat. Ne patiaris vinci te inimici tui malitiâ ut eâ abripiaris ad vindictam; sed contra da operam ut malitiam ejus tuâ vincas beneficentiâ.

Unusquisque, nemine excepto, magistratibus sese subiciat; nam divinæ ori-
 ginis est civilis potestas, et qui constituti sunt magistratus, divinâ ordinatione
 constituti sunt; adeoque divinæ ordinationi resistit qui magistratibus resistit.
 Qui autem resistunt, in futuro sæculo pœnas dabunt, nisi resipiscant. Nempe
 magistratus metuendus non est bonis sed malis. Quodsi vis non metuere ma-
 gistratum, bonus esto, et laudabit te. Dei, inquam, minister est magistratus
 in tuum constitutus bonus, si tu vis esse bonus; si verò malè agas, est cur
 timeas; neque enim gladium portat sine causâ, sed ut eo utatur cumque

stringat in malefactores; Dei enim minister est et vindex ad pœnam infligendam malefactoribus. Igitur necesse est subijcere sese magistratibus, idque non solum propter evitandam pœnam quam irrogare possunt refractariis, verum etiam ut satisfaciamus conscientiae nostrae dictanti obediendum esse divinae voluntati. Nam ideo etiam debetis, sicut facitis, pendere illis tributa tamquam Dei ministris. Sunt enimvero Dei ministri, ipsum hoc officium, ut scilicet publico civium bono consulendo Deo ministrent, assiduò curantes. Reddite ergo magistratibus, quod cuique debetur: tributum poscenti, pendite tributum; vectigal exigenti, solvite vectigal; reverentiam sui requirenti, exhibete reverentiam; honorem postulanti, date honorem.

Nemini quidquam debeatis nisi debitum mutui amoris, ut quo debito numquam non estis adstricti; nam Decalogi lex, qua numquam non tenemini, ad dilectionem proximi revocatur universa, et qui proximum diligit, legem implevit. Nam praecepta ista, *Non adulterabis, Non occides, Non furaberis, Non falsum testimonium dices, Non concupisces*, et quodcumque præterea est praeceptum proximum respiciens, omnia hæc summatim comprehenduntur unico hoc mandato: *Diligito proximum tuum sicut teipsum*. Qui proximum diligit, is nihil mali illi infert; ergo adimpletio legis in dilectione proximi posita tota est. Et tanto magis hoc facite, quia nostis quale sit quod nunc agitis vitæ vestræ tempus, quod scilicet jam nunc adsit hora ex spirituali nostro somno expergiscendi; nunc enim, postquam jam magna vitæ pars in Evangelicæ fidei professione nobis præteriiit, propius a perfecta salute absumus quam quo tempore primum facti sumus Christiani. Progressa jam est præsentis vitæ nox, instat verò futuræ vitæ dies. Quum igitur nox jam vergat in diem, deponamus opera tenebrarum, et induamur arma lucis. Quum, inquam, jam illucescat nobis perpetua illa sine nocte dies æternitatis, curemus ut, quemadmodum diurno tempore decoro vestitu indui solemus, ita quoque, illucescente jam nobis illa æternitatis die, vitam agamus honestam, non in luxuriosis conviviis et crapulosis comotationibus, non in prohibito concubitu et impudicitia, non in rixis et odio, sed JESUM CHRISTUM imitemini, mores illius vobis veluti induentes, et carnem vestram ne curetis ita ut eam ad libidinem provocetis et lasciviatis.

Eum autem, qui necdum habet persuasum, Christianos legibus Moysis rituali-^{Cap. xiv.} bus non teneri, ne arceatis a vestro contubernio sed comiter eum recipite et benigne tractate; nolite verò præsentiâ illius abuti ad disputandum et dijudicanda cogitata ejus circa abrogationem legum ritualium. Unus quidem persuasum habet licere sibi manducare omnia; alter verò olera tantùm manducare audet. Is qui quævis manducat ne spernat eum qui abstinet a cibis Mosaica lege prohibitis; sed hic vicissim ne arguat impietatis eum qui quævis manducat; nam Deus illum inter famulos suos assumpsit. Tu autem quis tandem es tu qui non dubitas condemnare alterius heri famulum, quasi is ex tua sententia quidquam facere aut omittere debeat, et damnabilis sit si secus agat. Non tuo, sed proprii heri sui judicio aut firmus in suo stat officio famulus, aut in eo labitur. Firmus autem stabit. Ita confido. Potens enim Deus est gratiæ suæ auxilio efficere ut firmus stet. Unus quidem diem unum majoris æstimat quam alium diem; alter verò peræque æstimat quemvis diem. Uterque, sive hoc sive illud faciat, plene persuasum habeat licere sibi facere id quod faciat. Qui certum aliquem diem festum celebrat, in honorem CHRISTI Domini celebrat; et qui certum aliquem diem festum non celebrat, pariter in honorem CHRISTI hoc omittit. Et qui, non servato rituali ciborum discrimine, quævis manducat, in honorem CHRISTI hoc facit; nam manducaturus pro concessis cibis gratias Deo agit: et qui abstinet a cibis rituali lege prohibitis in honorem CHRISTI ab iisdem abstinet, et pariter gratias agit Deo pro concessis cibis illis, quibus vesci non dubitat. Neque enim quisquam nostrum, qui Christiani sumus, quasi suimet ipse finis sit, aut vitam agit ut sibi vivat, aut mortem subit ut post mortem sui sit juris; nam si vivimus Domino vivimus; si morimur, Domino morimur, ut scilicet etiam post mortem ab ipse pendeamus simusque ipsius. Sive ergo vitam agamus, sive mortem subeamus, Domini sumus. In hunc enim finem CHRISTUS mortem oppetivit et revixit, ut dominium exerceret in humanum genus universum. Tu verò cur temere judicas fratrem tuum? Aut etiam tu cur contemnis fratrem tuum? Neque enim constituti sumus alii aliorum iudices, sed ex æquo omnes judicandi sumus a CHRISTO, qui solus omnium iudex constitutus est. Scriptum

est enim : *Per vitam meam affirmo , dicit Dominus , quod mihi genua flectent homines omnes , omnesque Dominum me agnoscent.* Quum ergo unusquisque nostrum pro se de suis actibus redditurus sit rationem Deo , ipsi relinquamus exercendum iudicium , nos autem deinceps a iudicando abstinemus. Sed hoc nobis decretum esto : cavere ne intempestivo nostræ libertatis usu occasionem peccandi fratri præbeamus.

Non me latet , verum scio et persuasum habeo , a CHRISTO JESU sic edoctus , cibum nullum ex sua natura esse immundum. Illi tantum homini immundum vetitumque quid est , qui illud pro immundo sibi que vetito habeat. Nam si fratri tuo præbes occasionem peccandi quia cibum sumis ab ipso pro vetito habitum , jam tu id agis quod non est secundum regulam fraternæ charitatis. Noli , inquam , noli tuo isto cibo animi exitium afferre illi quem tanti fecit CHRISTUS , ut pro eo mortem oppetere non dubitaverit. Caveamus ergo ne christiana nostra libertas ab infirmis maledicto proscindatur. Neque enim vita in Christianismo instituenda consistit in sumendo hoc vel illo cibo aut potu , sed in observandis Dei mandatis et in colenda pace cum omnibus et in gaudento in Spiritu sancto ; nam is qui hisce rebus studet CHRISTO servire , hic placet Deo et gratus est hominibus , nec provocabit eorum convicia. Itaque diligentem ponamus operam in servandâ animorum inter nos concordiam et promovendâ mutuâ ædificatione. Cave ne cibi causâ tu destruas id quod Deus extruxit. Non nego equidem quin cibi sint ex natura sua mundi omnes , et hactenus fateor in nullius cibi usu quidquam esse mali ; sed tamen is qui , nullo facto ciborum discrimine , quibusvis cibis vescitur , promiscuo illo ciborum usu fratri suo præbens occasionem peccandi , is , inquam , promiscuo hoc ciborum usu malum facit et peccat. Contrà , recte facis si , ut ne fratri tuo scandalum præbeas , abstines a carnibus et a vino et omninò a quocumque tandem cibo , cujus sumptio fratri tuo fieri possit occasio peccandi. Mihi firma persuasio est , inquis , prohibitum cibum esse nullum. Egregie ! Sed nihil opus est persuasionem tuam ostentare cum proximi detrimento. Habeto tibi illam persuasionem coram Deo iudice ; cave verò utaris illâ cum proximi scandalo. Beatus qui in foro suæ conscientiae non condemnat ipse se in re quam

exterius approbat ! Qui vero dubitat an liceat nec-ne quibusvis cibis vesci , si nihilominus hoc fecerit , peccati reus factus est , quia egit contra conscientiae suae dictamen . Quidquid autem fit contra dictamen conscientiae , peccatum est . * Debemus autem nos , quibus illa persuasio est , infirmorum fratrum nostrorum imbecillitates patienter sufferre , non verò plus æquo nobis addicti , proximorum utilitate neglectâ , nostris solummodo commodis inservire . Unusquisque nostrum , inquam , non sibi tantum , sed et proximo suo placere studeat , idque in bonum ipsius , ut scilicet saluti ejus consulat . Nam CHRISTUS quoque , cujus exemplum nobis imitandum est , non sibi ipsi placuit , sed ita egit , ut de se , Deum Patrem suum alloquens , dicere potuerit illud quod scriptum est : *Convicia eorum , qui conviciantur tibi , ceciderunt super me ;* id quod Scripturae verbis hic moneo ; quaecumque enim ante nos divinitus conscripta fuere , ad nostram disciplinam fuere conscripta , ut scilicet per patientiam ad quam Scriptura verbis et exemplis nos adhortatur , et per consolationem quam effata ejus nobis præbent , spem foveamus cœlestis gloriæ obtinendæ.

Deus autem qui patientiæ et solatii largitor est , det vobis , sublatis illis de lege rituali contentionibus , ut , secundum JESU CHRISTI voluntatem , unum idemque sentiatis omnes ; ut sic animo concordēs uno ore glorificetis Deum et Patrem Domini nostri JESU CHRISTI . Quapropter invicem benigne suscipite , exemplo CHRISTI , qui vos ambos , nullo gentis discrimine , suscepit ad Dei gloriam illustrandam . Hæc nimirum dico : JESUM CHRISTUM Judæis evangelium salutis prædicasse , ut sic Deus verax fidelisque demonstraretur , ut , inquam , sic adimplerentur promissiones olim patribus eorum a Deo factæ ; Gentiles autem dico , quando CHRISTUS illos suscepit , glorificasse Deum pro misericordia illis exhibita : quam misericordiam illis aliquando exhibendam esse Prophetarum oracula olim prænunciaverant . Nam apud Psalmographum ipse CHRISTUS dixit : *Laudem tuam , Domine , prædicabo inter Gentes ;* et alibi Scriptura dicit : *Lætamini Gentes cum populo ejus ;* et iterum : *Laudate Dominum omnes gentes et magnificate eum omnes populi .* Idem prædixit ISAÏAS : *In*

illa die fiet , inquit , ut Gentes studiose se convertant ad Jessæum surculum , et ad eum qui exsurgit ad imperandum Gentibus.

Deus autem , spei nostræ auctor , vos in suscepta fide repleat omni spiritali gaudio et pace , ut exuberetis in illa spe per virtutem Spiritûs sancti.

Persuasum autem habeo , fratres mei , etiam ipse ego de vobis , quod jam ipsi vestrâ sponte pleni estis fraterna charitate , repleti omni scientia , adeoque tales qui possitis etiam vos invicem monere. Attamen aliquantulum audentior scripsi vobis , fratres , non tamquam vos docturus ea quæ nesciretis , sed vobis veluti in memoriam revocaturus ea quæ non ignorabatis ; et hoc feci ut satisfacerem Apostolatûs mei officio , quod mihi divinitûs concessum fuit in eum finem , ut essem JESU CHRISTI sacerdos apud Gentiles , Evangelium Dei illis administrando , ut fierent Gentes sacrificium meum Deo gratum acceptumque quippe Spiritu sancto sanctificatum. Habeo autem , quod ad fructum meæ prædicationis attinet , causam gloriandi non certè in me ipso , sed in CHRISTO JESU ; neque enim sustinebo gloriandi causâ commemorare aliquid earum rerum quas non operatus fuerit CHRISTUS per me ad Gentilium conversionem , verbo atque opere , signorum atque miraculorum effectione , charismatum Spiritûs sancti in credentes effusione ; eo eventu ut inde ab Hierosolymis et in regionibus circumjacentibus usque ad Illyriam Evangelii prædicationem absolverim ; ita verò evangelizare studiosè curans , ut illud facerem non iis in locis in quibus CHRISTUS jam esset annunciatus , nolens scilicet ædificare super fundamentum ab alio positum , sed ibi ubi homines de CHRISTO hactenus non inaudivissent , secundum illud Scripturæ de CHRISTO Gentibus annunciando oraculum : *Quibus non nunciatum erat de eo , hi videbunt ; et qui non audiverunt , intelligent.* Quam ob causam plerumque etiam impédiebar quominus ad vos venirem. Nunc verò quum in his regionibus non amplius habeam occasionem prædicandi Evangelium iis quibus adhuc non fuerit prædicatum , desiderem autem a multis jam annis venire ad vos , ut primum ibo in Hispaniam , spero me per Romam iter meum facientem vos in transitu videre atque a vobis illuc deduci , ubi prius per aliquot dies apud vos commoratus , meum perfruendæ vestri consuetudinis desiderium aliquantulum explevero.

Nunc verò in eo sum ut proficiscar Hierosolymam ad succurrendum inopiæ Christianorum ibi commorantium. Nimirum placuit Macedonibus et Achæis pécuniariam aliquam facere collationem in pauperes qui sunt inter Christianos Hierosolymitanos; placuit, inquam, eis, imo et debitores sunt illorum. Nam si spiritualia eorum bona participarunt Gentiles, debent hi vicissim temporalibus bonis suis inopiam eorum levare. Hoc igitur iter quum perfecero et tradidero Hierosolymitanis hunc fructum caritatis Macedonum et Achæorum, per urbem vestram in Hispaniam proficiscar. Scio autem me, quum veniam ad vos, allaturum vobis esse copiam bonorum spiritualium. Obsecro autem vos, fratres, per Dominum nostrum JESUM CHRISTUM et per charitatem Spiritûs sancti, ut mecum enixe Deum pro me precemini ut ne incidam in manus incredulorum qui in Judæâ commorantur, et ut ministerium meum gratum acceptumque sit Christianis Hierosolymitanis; idque ut gaudens de prospero successu itineris et ministerii mei veniam, Deo volente, ad vos et vobiscum me recrëem. Deus autem largitor pacis sit cum omnibus vobis. Ita fiat.

Ceterum, commendo vobis sororem nostram PHOEBEN, Cenchrëensis eccle-^{Cap. xvi.}sia diaconissam, rogans ut illam sic excipiat ut Christianos decet excipere christianos, utque illi adsitis in quocumque negotio vestrâ ope indiguerit; quod si feceritis, vicem illi rependeritis; nam ipsa quoque adjutrix adfuit cum aliis christianis bene multis, tum etiam mihi ipsi.

Salutate meis verbis *Priscillam* et *Aquilam*, coöperatores meos in tradenda doctrina christiana, qui pro tuenda vita mea ipsi præsentissimum vitæ periculum adierunt; quam ob rem non solus ego gratias illis habeo, verum etiam mecum gratias illis habent cunctæ ecclesiæ gentium. Salutate etiam domesticum illorum cœtum christianum. Salutate *Epānetum*, dilectum meum, qui primus in Asia christianus factus est. Salutate *Mariam*, quæ meâ causâ multum laboris subiit. Salutate *Andronicum* et *Juniam*,

cognatos et concaptivos meos, qui magni aestimantur ab Apostolis, atque etiam priores me christiani facti sunt. Salutate *Ampliatum*, dilectum meum in CHRISTO. Salutate *Urbanum*, coöperarium nostrum in re evangelica, et *Stachyn*, dilectum meum. Salutate *Apellem*, hominem sincerè Christianum. Salutate eos qui inter *Aristobuli* domesticos christiani sunt. Salutate *Herodionem*, cognatum meum. Salutate eos qui inter *Narcissi* domesticos christiani sunt. Salutate *Tryphænam* et *Tryphosam*, quæ bene merentur de Christianis. Salutate *Persidem* dilectam, quæ pro re evangelica multum laboris subiit. Salutate *Rufum*, insignem christianâ pietate virum, et matrem ejus atque meam. Salutate *Asyncritum*, *Phlegontem*, *Hermam*, *Patrobam*, *Hermen* et christianos quid apud ipsos commorantur. Salutate *Philologum* et *Juliam*, *Nereum* et sororem ejus, et *Olympiadem*, eorumque domesticos, qui christiani sunt omnes. Salutate vos invicem osculo christianorum. Salutant vos cœtus christianorum omnes.

Adhortor autem vos, fratres, ut observetis eos qui dissidiorum et scandalorum auctores sunt, prædicando doctrinam contrariam doctrinæ quam vos estis edocti; et devitate istorum hominum consortium. Nam istiusmodi homines CHRISTI gloriam non quærunt, sed quærunt unde laute vivant et gulam suam expleant, atque interim benignis et blandiloquis suis sermonibus incautos decipiunt. Itaque istiusmodi homines declinate; nam fama fidei vestræ ad omnes pervenit; quo magis vobis cavendum est, ne impostores isti famæ vestræ maculam inferant. Est igitur quo gaudeam de vobis; sed idem volo prudentes ut sitis quod ad bonum attinet, atque ideo moneo vos ut vobis caveatis a falsis illis magistris; simplices verò vos esse volo quod attinet ad malum. Deus autem pacis largitor, brevi, ita confido, Satanam per falsos illos magistros mala vobis machinantem, victum prostratumque pedibus vestris subjiciet.

Salutant vos *Timotheus*, coöperarius meus, et *Lucius* et *Jason*, et *Sosipater*, cognati mei. Ego *Tertius*, qui scripsi hanc epistolam, saluto vos in Domino. Salutatur vos *Cajus* hospes meus, imo et universæ ec-

clesiæ hospes. Salutat vos *Erastus* hujus civitatis arcarius, et *Quartus*, frater noster in CHRISTO. Gratia Domini nostri JESU CHRISTI omnibus vobis adsit! Ita fiat!

Deo autem qui potest vos constantes facere in fide Evangelii mei, hoc est, in fide doctrinæ quam meo ministerio JESUS CHRISTUS prædicat, in fide, inquam, præstitâ revelationi arcani omnibus retrò sæculis taciti, nunc autem patefacti atque adhibitis Scripturis prophetis ex mandato æterni Dei, ut illud credatur, inter omnes Gentes prædicati, — soli sapienti Deo sit per JESUM CHRISTUM gloria in omnia sæcula. Amen.



INDICES.

I. INDEX RERUM ATQUE VERBORUM NOTABILIVM ET LOCORUM S. SCRIPTURÆ QUÆ OBITER PLUS MINUS ILLUSTRANTUR.

Abstracta Nomina posita pro Concretis. p. 25.
37. bis. 74. 351. 405. 439.

Absolutum decretum. pag. 308. 338.

Accusativus Prædicati. pag. 116. 187. 194.

Objecti. pag. 184. *Epexegeticus.* pag. 261.

384. *Adverbialis.* pag. 307. 397. 448.

Acta Apostolorum.

Cap. I. 2. pag. 158.

II. 17—37. pag. 335.

IV. 28. pag. 274.

VI. 7. pag. 11.

VII. 51. pag. 55.

IX. 15. pag. 11.

X. 34. pag. 61.

43. pag. 93.

XII. 23. pag. 128.

XIII. 46. pag. 356.

XVII. 30. pag. 29.

XVIII. 10. pag. 30.

XIX. 4. pag. 327.

25. pag. 165.

27. pag. 74.

XX. 28. pag. 291.

XXI. 16. pag. 123.

Adjectiva Neutrius Generis Substantive sump-
ta. pag. 55. 78. 230. 385.

Αδοκιμος νοος. pag. 43.

Adverbiales locutiones ope κατά Præpositio-
nis formatæ. pag. 53. 57.

Ædificatio spiritualis. pag. 429.

Αγαθον, το. De evangelica libertate. p. 426.

Αγαπητοι Θεου, dilecti a Deo. pag. 12.

Ἀγιασμος. pag. 195.

Ἀγιοι cur dicantur Christiani. pag. 12.

Αγριελαιος. pag. 364.

Αιχμαλωτίζειν. pag. 223.

Ακαθαρσια. pag. 194.

Ακακος. pag. 460.

Ακροαται. pag. 63.

Ακροβυστια et ακροποσθια. pag. 74.

Αλαλητος. pag. 264.

Αληθεια, ἡ, ut significet veram de Deo no-
tionem. pag. 30. *Dei sanctitatem.* pag. 83.
Dei veracitatem. pag. 439. *Dei in retri-*
buendo justitiam. p. 53. *Legem religiosam*
atque moralem. pag. 59.

Αληθης, verax, fidelis in præstandis promissis.
pag. 81.

- Ἀλλὰ ut valeat *atqui*, in syllogismis. p. 160.
 281. In fronte Apodoseos post Protasin hy-
 potheticam. pag. 180.
 Amen *Approbantis*. pag. 38.
 Ἀμεταμελητος. pag. 373.
 Ἀμετανοητος activo sensu. pag. 56.
 Ἀναστασις νεκρων eo sensu ut valeat *ex νεκρων*.
 pag. 8.
 Ἀναστασις de *spirituali* resurrectione. p. 180.
 Ἀν Particula omissa. pag. 203.
 Ἀνα Præpositio in Compositis. pag. 211.
 Anabaptistæ refelluntur. pag. 16.
 Anacoluthon. pag. 39. 69. 79. 144. 463.
 Ἀναθημα. pag. 286.
 Ἀναθεμα εἶναι. pag. 286.
 Ἀναλογία, *mensura*. pag. 390.
 Ἀναταποδοτον. pag. 144.
 Ἀνεχεσθαι. pag. 55.
 Ἀνομία. pag. 194.
 Ἀνοχη. pag. 55. 100.
 Ἀξιος vocis etymon. pag. 251.
 Ἀξίως seq. Genitivo. pag. 454.
 Antanaclasis. pag. 423.
 Ἀνταποκρινεσθαι. pag. 309.
Antecedens in argumentatione absque conse-
 quente. pag. 119.
 Anthropopatheia cum Metonymia juncta. p. 29.
 59. 397.
 Aoristus 1 Pass. cum notione activa. pag. 37.
 cum reflexiva. pag. 253.
 Aoristi Infinitivus junctus verbo *μελλειν*.
 pag. 251.
 Ἀπαρχη. pag. 259. 362. 456.
 Ἀπο Præpositio, ut valeat *inde ab*. pag. 31.
 Ἀποθανειται Fut. 2. Med. pag. 140.
 Ἀποκαλυψις et ἀποκαλυπτεσθαι voces duplici
 sensu occurrunt. pag. 24. 57. 251.
 Apocalypsis Cap. XV. 3. pag. 289.
 XIX. 8. pag. 168.
 XX. 1. pag. 256.
 Ἀποκαρaderia. pag. 253.
 Ἀπολυτρω, et ἀπολυτρωσις. pag. 97.
 Ἀπώσατο serioris Græcitatatis forma. p. 344.
 Apostoli nomen in primæva Ecclesia etiam
 Episcopis tributum. pag. 3. sqq. Apostolo-
 rum officium quale. pag. 6. 21.
Apostolatús finis. pag. 11. Apostolatum suum
 Paulus simpliciter *gratiam* vocat. pag. 11.
 Ἀποτομία. pag. 312.
 Appositio. pag. 120. 230. 266. 297. 369.
 385. enunciens iudicium. pag. 384.
 Appropriatio. pag. 241.
 Ἀφορίζειν. pag. 6.
 Ἀφορμὴν λαμβανειν. pag. 209.
 Ἄρα. pag. 222. 226.
 Ἄρα οὖν. pag. 200. 242.
 Articulus ita adhibitus ut vim habeat Prono-
 minis Possessivi. pag. 140. Demonstrativi.
 pag. 110. 222. Relativi. pag. 289.
 Articulus non repetitus ubi accuratior Syn-
 taxis repetitionem postulasset. p. 165. 179.
 328.
 Articulus non appositus Nominibus *certum*
quid significantibus. pag. 66. 87. 139.
 409.
 Articulus afficiens integram sententiam. pag.
 120. 263. 409.
 Ἀσεβεία καὶ ἀδικία de omnis generis iniqui-
 tate. pag. 29.
 Ἀσθενεία vox metaphoricè adhibita. pag. 194.
 Asyndetice juncta. pag. 29. 184. 248.
 Attractio. pag. 83. 123. 193. 312.
 Augustini S. effatum, *nemo credit nisi*
volens, explicatur. pag. 11.
 Augustini S. interpretatio non probatur.
 216. 218. 220. 223. 225. 247. 302. 308.
 Augustiniani et Dominicani Theologi recte-ne
 existiment *Paulum* docuisse prædestina-
 tionem ad gloriam *ante prævisa merita*. 273.
 Ἄυτος ἐγώ. pag. 226.
 Ἀχρι. pag. 158.
 Ἀφεςις et παρεςις quid differant. pag. 100.
 Βααλ, ἡ. pag. 348.
 Bajanæ Propositiones damnatæ. pag. 217.
 Βαπτίζεσθαι εἰς τὸν θάνατον τίνος. pag. 178.
Baruch Cap. II. 19. pag. 168.
Bautanii error qualis. pag. 50; male a
 nonnullis intellectus. pag. 50.

Βδελυσσομενος. pag. 72.

Βλασφημεω. pag. 84.

Breviloquentia. pag. 365.

Bucerus refellitur. pag. 36. sqq.

Calvini de Prædestinatione doctrina refellitur pag. 300, sqq.

Carbones ignis super caput. pag. 398.

Caro peccati. pag. 231.

Catharini Ambr. de Vulgata versione judicium. pag. 47.

Cervicem suam supponere. pag. 456.

Charismata. pag. 387. 390. sqq. 447.

Charismatum usus quis. pag. 18.

Circuminsessio divinarum personarum. pag. 238.

Christus quo modo intelligatur intercedere in cœlis pro nobis. pag. 278.

Christi divinitas et cum Deo Patre æqualitas. pag. 13. 238. 288. Natura humana. ibid. Cur *Christus* vocetur *Dominus*. pag. 13. *Judex*. pag. 68. *Deus* vocatur p. 291. *lapis offensionis*, ab eventu. p. 320.

Christiani quo sensu κλητοι vocentur a *Paulo*. pag. 12.

Chrysostomi S. interpretatio improbat p. 231.

1 ad Corinth. Ep.

Cap. I. 10. pag. 313.

23. pag. 22.

II. 6. pag. 93.

10. pag. 264.

11. pag. 240.

III. 1. pag. 194.

16. pag. 137.

IV. 5. pag. 67.

7. pag. 321.

VI. 28. pag. 97.

VIII. 9-13. pag. 426.

18. pag. 427.

IX. 11. pag. 311.

X. 3. pag. 215.

29. pag. 426.

XI. 17. pag. 165.

20. pag. 108.

28. pag. 385.

XII. 28. pag. 391.

XIII. 5. pag. 385.

6. pag. 59.

XV. 20. pag. 241.

21. pag. 150.

22. pag. 147.

26. pag. 160.

2. ad Corinth. Ep.

Cap. II. 1. pag. 424.

2. pag. 165.

9. pag. 135.

III. 6. pag. 205.

IV. 17. pag. 249. 251. 259.

V. 4. pag. 152.

18. pag. 7.

21. pag. 181. 185.

VII. 9-11. pag. 264.

IX. 8. pag. 44.

13. pag. 135.

X. 1. pag. 383.

4. pag. 417.

XI. 3. pag. 200.

XII. 18. pag. 385.

ad Colossenses Ep.

Cap. I. 5. pag. 261.

13. pag. 428.

17. pag. 289.

III. 1-3. pag. 185.

9-10. pag. 181.

IV. 6. pag. 444.

11. pag. 428.

Civili potestati obedientia præstanda. pag. 402, sq. 406.

Complutensis editio N. T. in nonnullis locis improbat. pag. 69.

Conjunctivus *deliberantis*. pag. 177. 190.

Constructio *ad sensum*. pag. 66.

Concise dictum. pag. 253.

Comparisonis membrum alterum tacitum. pag. 444.

Cor in Scripturis S. quid significet. p. 33. 67.

Corpus peccati. 181.

- Cornelii a lapide* interpretatio improbat-
tur. pag. 94. 111.
Creatura gemebunda. pag. 251. 255, sqq.
Credere est obedire. pag. 11. 25.
- Dativus *relationis* sive *respectus*. pag. 117.
126. 127. 196. 261. 393. *Directionis*. p. 12.
Causæ. pag. 97. 127. 366. 394. *Commodi*
et *Incommodi*. pag. 23. 185. 203. 222.
328. *Communione*. p. 142. *normæ*. p. 76.
234. 385. *Judicii*. p. 417. *Temporis quam-*
diu. pag. 464.
- Δε Particula *continuantis sermonem*. pag. 20.
159. 218. Antithesin faciens. pag. 56.
Transitioni inserviens. pag. 69. 183. 266.
Explicantis, ut valeat *inquam*. pag. 93.
210. 236. Viu habens *conjunctivam*. p. 192.
- Defendere de *vindicando*. pag. 397.
- Deus quo modo hominibus notitiam sui præ-
beat per creaturas. pag. 49. Quo sensu
dicatur *hominem indurare*. p. 56. sq. *Per*
semetipsum jurare. pag. 423.
- Deuteronomii Cap. IV. 37. pag. 375.
VII. 6. 7. pag. 375.
XVIII. 15. pag. 438.
XXIX. 3. pag. 352.
XXXII. 22. pag. 340.
35. pag. 397.
- Δια Præpositio, seq. Genitivo, in *exhortando*.
pag. 393. De conditione sive statu in quo
quis positus facit aliquid, aut patitur, aut
est. pag. 74. 116. 130.
- Δια seq. Accusativo, de *causa finali*. p. 129.
240.
- Διακονία. pag. 390.
- Διακρινεσθαι (Med.) pag. 127. 431.
- Διαλογισμοί. pag. 33. 416.
- Διαφerein transitivè sumptum. pag. 70.
- Δικαιοσύνη de *vitæ sanctimonia*. pag. 191.
- Δικαιοσύνη, δικαιωσις. pag. 23. sq. 129.
- Δικαιωμα pag. 166. 168. 233.
- Δικαιῶν. pag. 277.
- Dilectio Dei quænam requiratur ad Justifi-
cationem. pag. 27.
- Διο significatione *relativa*. pag. 52.
- Διωκειν. pag. 394. 429.
- Διοτι ut valeat *nam*. pag. 30. 90.
- Dispositiones ad Justificationem requisitæ.
pag. 27.
- Δοκιμαζειν, ut valeat *explorare*, *examinare*.
pag. 385. ut valeat *αρεσκειν*. pag. 43. ut
valeat *agnoscere*. pag. 70.
- Δοκιμη. pag. 135.
- Dominicani et Augustiniani Theologi rectè-
ne existiment *Paulum* docuisse prædes-
tinationem ad gloriam *ante prævisa meri-*
ta ? pag. 273.
- Dominus cur *Christus* vocetur. pag. 13.
- δουλος I. X. quo sensu vocetur Apostolus.
pag. 3.
- δοξα de *Dei potentia*. pag. 180. De ejusdem
benignitate. pag. 311. De divinæ majestatis
præsentia. pag. 287.
- Doxologia. pag. 38. 288. 291.
- δωη forma Hellenistica. pag. 436.
- δωρεαν Accusativus adverbialis. pag. 95.
- δυναμις Vocabulum non usurpatur de *vi*
demonstrativa. pag. 9.
- ἑαυτοῖς (εν) ut valeat *εν αλληλοις*. pag. 35.
- Ecclesiasticus. Cap. XI. 10. pag. 388.
XXV. 33. pag. 147.
- Εδολιουσαν. Imperfecti forma Ionica. p. 88.
- Εγκεντριζειν. pag. 364.
- Εθνη, absque Articulo, Gentiles universè.
pag. 66.
- Ει de re non dubia, sed *certa*. pag. 163.
166. 183. ut valeat *ετι*, quod. pag. 311.
- Ειπως cum Futuro Indicativi. pag. 17. 360.
- Εις Præpositio de *causâ finali*. p. 101. 116.
195. 211. 328. de *effectu*. pag. 113. 165.
187. 191. 197. 211. 334. 385. De *objecto*.
pag. 127. Inserviens periphrasi Adjectivi.
pag. 23. Ut valeat *ωστε*. pag. 31. Εις et
προς eodem sensu. pag. 101.
- Ειναι τι τινος. pag. 304.
- Ειναι quod logice sumendum est. pag. 101.
- Εκ Præpositio de tempore *ex quo*. pag. 8

- Inserviens ad exprimendam rei aut personæ
cujuspiam *qualitatem*. pag. 58. 101. 123.
Ut valeat *propter*. pag. 165.
- Εκλεκτοι, *electi*, quoniam, p. 266. 277. 351.
Electio *gratiæ*, h. e. *gratuita*. pag. 348.
- Ellipsis verbi *εστι*. p. 22. 218. *εσονται*. p. 63.
ουσα. pag. 117. *ουσι* (Particip.). pag. 22.
58. 89. 117. 229. *οντων*. pag. 71. *εστω*.
p. 393. *εγενετο*. 118. 165. *λεγω*. p. 293.
σκοπων. p. 360. *φοβουμαι*. p. 366. *εξειναι*.
pag. 417.
- Ellipsis *Subjecti* aut *Prædicati*. p. 76. Pro-
nominis. pag. 190. 196.
- Ellipsis plurium verborum ex antegressis aut
insequentibus supplendorum. p. 109. 122.
135. 150. 165. 180. 248. 259. 297. 307.
389. 407.
- Ελλογειν et ελλογεσθαι. pag. 160.
- Emphasis in positione vocabulorum. p. 97. 99.
- Emphasin habentes voces enotantur non-
nullæ. p. 114. 141. 185. 196. 200. 261.
314.
- Εν Præpositio, *de statu in quo quis versatur*.
pag. 34. 62. 76. 89. 101. 115. De eo in
quo (waaraan) *quid fit*. pag. 41. 76. Ut
valeat *inter*. p. 20. 233. De *causa*. p. 229.
De *instrumento quo*. pag. 83. 141. 142.
164. 174. 333. 399. 458. De unione cum
Christo aut *Spiritu S.* pag. 185. 247.
veluti de *norma, secundum quam* quid
fit. pag. 17.
- Εν ϕ , *eo quod*. pag. 233.
- Εν *Χριστω* locutio quid valeat. pag. 285.
- Ενεργεσθαι (in Med.). pag. 204.
- Ενοικησις, *inhabitatio Spiritûs S. κατ' ουσίαν*.
pag. 137. 240. Num fuerit in V. T. p. 246.
- Εντυγχανειν. pag. 264.
- Exodi* Cap. IX. 16. pag. 304.
XXXIII. 19. pag. 303.
- Εξομολογεσθαι, *celebrare*. pag. 423.
- Εξουσια. pag. 402.
- Επι Præpositionis notabiles significationes
pag. 17. 125. 160. 354.
- Εφ' ϕ , *eo quod, quia*. pag. 152.
- Εφ' *εσεν*. pag. 359.
- Επαναπαυσθαι de *gloriando* pag. 70.
- Epanalepsis. pag. 101.
- Epanorthosis. pag. 405.
- Ad Ephesios Ep.
- Cap. I. 4. pag. 270. 322.
II. 3-7. pag. 309. 56. 97. 52. 156.
12. pag. 287.
13. pag. 97.
III. 6-8. pag. 364. 464.
16. pag. 311.
IV. 22-25 pag. 181.
- Epexegetis. pag. 118. 410.
- Επιθυμια. pag. 208.
- Επιτυγχανω. pag. 351.
- Εριθεια, *εριθειω, ερεθιζω*. pag. 53.
- Estius* improbat. p. 56. 219. 225. 231.
- Ετι logicè significans. pag. 307.
- Ευαγγελισασθαι, in forma Media. pag. 22.
- Ευοδουσθαι. pag. 17.
- Evangelium Dei* quid intelligatur. pag. 6.
- Evangelium* *annunciare* quotuplici modo
Paulus significet. pag. 15. *Evangelium*
suum quid vocet. pag. 68.
- Euphemismus*. pag. 364.
- Εχειν de *retinendo* pag. 43.
- Εχθρος *passivo* sensu. pag. 142. 375.
- Ezechiel* Cap. XVIII. 5-9. pag. 59.
XXII. 24. pag. 57.
- Fides* de animi persuasione aut conscientia.
pag. 416. 431.
- Fides* Metonymicè de *prædicata doctrina*
Evangelii. p. 11. subjectivè de professione
Christianæ religionis. pag. 15.
- Fide* justificari hominem quo sensu intelli-
gendum. pag. 25-28. 103. 113.
- Fidei actus qualis sit. pag. 25.
- Fides* implicita unius Mediatoris an sufficiat
ad *Justificationem*. pag. 26.
- Fides* sub veteri Testamento pag. 91.
- Fidem* inter et humanas disciplinas quid in-
tersit. pag. 11.
- Futurum I Pass. cum activa notione intran-
sitiva. pag. 417.

Futurum Coniunctivi an Græca lingua habeat. pag. 190.

Futurum *confidentis*. pag. 417 *excitantis et animos addentis* pag. 189.

Futurum Indicativi *de eo quod possit fieri*. pag. 80. 90. 273. 332. *de re quæ ut jam fit, ita porro quoque fiet*. pag. 105. *de animi proposito*. pag. 180. *de ethica possibilitate*. pag. 177.

Ad Galatas Ep.

Cap. I. 12. pag. 68.

16. pag. 91.

20. pag. 184.

III. 3. pag. 304.

11. pag. 28.

13. pag. 181.

19. pag. 170.

24. pag. 330.

IV. 20. pag. 286.

29. pag. 215.

V. 3. pag. 74.

16. pag. 234.

VI. 4. pag. 335.

Γαρ Particula *explicantis*, ut valeat *scilicet*. p. 53. 63. 66. 73. 119. 140. 163. 168. 184. 194. *Confirmantis*. p. 140.

Γε Particula *Confirmantis*. pag. 276.

Genesis Cap. III. 17. pag. 256.

XV. 5. pag. 123. 125.

XVII. 4. 5. pag. 119. 123.

XXII. 18. pag. 123.

XXV. 33. pag. 299.

Genitivus *auctoris*. pag. 90. 95. 164. 452. *originis*. p. 116. 295. Genitivus *objecti*. p. 16. 17. 30. 57. 94. 134. 187. 293. 328. 412. 439. Genitivi *subjecti* notabiles. p. 37. 67. 348. Genitivus *qualitatis*. p. 39. 353. Genitivus *appositionis*. p. 116. 166. *partitivus*. p. 260. Genitivus *destinationis*. p. 168. *possessoris*. p. 421. Genitivus *effectus*. p. 229. 245. 442.

Gentiles iustitiâ donati. pag. 65.

Gentilium ad Messianam salutem vocatio et

admissio. p. 285. 315. 316. 340. 440. sq.

Γινεσθαι ανδρι. pag. 200.

Γενεσθω logice sumendum. pag. 90.

Γενηται logice sumendum. pag. 90. 213.

Glossemata in Græco textu pag. 114. 129. 201. 206. 223. 265. 396. in versione Vulgata. pag. 139. 216. 314. 448.

Gratiam Paulus vocat Apostolatam suum. pag. 387.

Γραμμα de scripta lege. pag. 74. 205.

Gratia Dei quid intelligatur. pag. 97. 164.

Gratia sub veteri Testamento. p. 91. 245. sq.

Gratiæ auxilium. pag. 192. 197. 244. 368.

Gratiâ nemo quamdiu hanc vitam agit penitus destituitur. pag. 55. 55.

Γνωστος vox in N. T. nuspiam adhibetur *de eo quod cognosci potest*, sed ubique *de eo quod notum est*. pag. 30.

Γραφειν τι ut valeat περι τινος. pag. 332.

Ad Hebræos Ep.

Cap. II. 11. pag. 249.

18. pag. 233.

III. 13. pag. 158.

VII. 7. pag. 159.

IX. 10-17. pag. 154.

28. pag. 185.

X. 10. pag. 17. 185.

36. pag. 57.

38. pag. 28.

XII. 19-22. pag. 65.

XIII. 4. pag. 297.

5. pag. 393.

15. pag. 15.

Hebraismi. pag. 60 bis. 63. 67. 90. bis. 91. 101. 118. 127. 136. 234. 293. 423. 426.

Hendiadys (εν δια δυων). pag. 10.

Homo lapsus solis suæ naturæ viribus pervenire potest ad cognitionem Dei. pag. 50.

Hoseas. Vide Osee.

Hyperbaton. pag. 22. 121. 138.

Hyperbolicè dicta. pag. 15. 17.

Hypostatica unio. pag. 231.

Θεοστυνης activo sensu. pag. 45.

- Ἱεροσολεῖν. pag. 72.
 Ἱερουργεῖν transitivè. pag. 444.
 Ἰλασθηριον. pag. 98.
 Imprecationes in S. Scriptura. pag. 353.
 Imperfectum Indicativi in Coniunctivo red-
 dendum. pag. 286.
 Imperativus Aoristi et Præsentis in eadem
 oratione. pag. 188.
 Indurare hominem quo sensu Deus dicatur
 pag. 56. sq. 304. 306. 351.
 In Christo. Locutio hæc quid valeat. pag.
 285.
 Infinitivus nominascens. pag. 242. 448. alibi.
 Infinitivus epexegeticus. pag. 17. 44. *finis*.
 p. 181. 332. Infinitivus præmisso τοῦ qui
 resolvendus sit per *ita ut*. p. 35. pro Im-
 perativo. p. 72. 395.
 Inhabitatio Spiritus S. κατ' οὐσίαν. p. 240.
 246. An fuerit etiam in justis Vet. T. p. 246.
 Interjectæ sententiæ sive *parentheses*. p. 20.
 33. 65. 116. 123.
 Interrogatio *negantis*. pag. 196. 199.
 Ira Dei de *pæna* divinitus infligenda. p. 29.
 82. 397.
Isaiæ Cap. I. 9. pag. 316.
 VIII. 14. pag. 321.
 X. 22. pag. 316.
 XI. 10. pag. 441.
 XIII. 5. pag. 312.
 XXVIII. 16. pag. 321. 335.
 XXIX. 10. pag. 352.
 16. pag. 303.
 XLV. 9. pag. 303.
 23. pag. 423.
 XLIX. 10. pag. 423.
 LII. 7. pag. 337.
 LIII. 6. pag. 185. 333.
 LIX. 7. 8. pag. 88.
 LXV. 1. pag. 340.
 LIX. 20. pag. 373.
 Ἰσταω et Compositorum significatio pro va-
 riis verbi Temporibus varia. pag. 103.
Jacob et *Esau* typicæ personæ. p. 297.

- Jacobi* S. Ep. Cap. 1. 2. pag. 29.
 14. pag. 208.
 22. pag. 63.
 II. 9. pag. 61.
 III. 1. pag. 403.
Jacobus et *Paulus* conciliantur. p. 104.
 135.
Jeremiæ Cap. XXII. 24. pag. 423.
 XXVI. 11. pag. 46.
Joelis Cap. II. 32 (Hebr. III. 5.). p. 335.
Johannis S. Evang.
 Cap. I. 14. pag. 231.
 16. pag. 164.
 20. pag. 285.
 29. pag. 185.
 III. 16. pag. 97.
 19-20. pag. 59.
 IV. 24. pag. 9.
 V. 22. pag. 68.
 29. pag. 168.
 44. pag. 95.
 VI. 5. pag. 127.
 62. pag. 310.
 VII. 38-59. pag. 137.
 IX. 24. pag. 127.
 X. 33. pag. 232.
 XII. 38. pag. 338.
 43. pag. 95.
 XIII. 14. pag. 163.
 I. Joh. Ep. Cap. II. 19. pag. 109.
 III. 1. pag. 315.
 IV. 9. pag. 97.
Josue Cap. VII. 19. pag. 127.
 XXI. 11. pag. 293.
Judæorum plerique a Messiana salute
 exclusi. pag. 285. 316. sq. Quam ob cau-
 sam. pag. 319. 327. 338. 365. *Judæo-*
rum incredulitas culpabilis. p. 329. *Obcæ-*
catio. pag. 352. Quomodo hac gentilibus
 profuerit. pag. 356. Gens *Judaica* uni-
 versa aliquando ad *Christum* conver-
 tenda. 357. sq. 361. 370. sqq.
Justificari hominem *per fidem* quo sensu
 intelligendum. pag. 25-28. 103.

Justificationis causa *efficiens* et *meritoria*. pag. 97. *conditio sine qua non*. pag. 99.
 Justificationis gratia oblata omni credenti. pag. 94. 335.
 Justitia ut qualitas Justificati. pag. 23. 24.
 Quare *h*oc vocetur *justitia* Dei. pag. 24. 92. 174. 329. *Inhærens non imputata*. p. 169.
 Justificatio sensu activo et passivo. p. 23.
 Justificatio gratuita. pag. 95, seq. 273. 305. 312. 329. 348. 351. 369.
 Justificationis notio. p. 23. sq. Error *Lutheri*. pag. 24.
 Justi bonis operibus merentur vitam æternam. p. 64. Refelluntur novatores. p. 64.
 Justificatio sub veteri Testamento. p. 93.
 Justificationis gratia non promerenda ullis operibus. pag. 203.
Justitia Dei eo sensu ut intelligatur ejusdem sanctitas. pag. 82. 99.
 Justificatum se esse nemo scire potest certitudine fidei. pag. 248.
Justiniani Ben. interpretatio improbat. pag. 259.

Κατισταναι. pag. 169.
 Καθως absque *οὕτως* in Apodosi. pag. 43.
 Καὶ abundans post Comparisonis Particulam. p. 20. ut valeat *vicissim*. p. 34. 128. 263. Vim habens non *conjunctivam* sed *epexegeticam*. p. 59. 67. 133. vim habens *intendendi*, ut valeat *imo*. pag. 74. ut valeat *Belgicum nog*. pag. 140.
 Καὶ ταυτα, *præsertim*. pag. 410.
 Καιωτης. pag. 205.
 Καρδια, *cor*, de sede *intellectus*. p. 33.
 Κατὰ (seq. Genitivo) *adversus*. p. 277. de *ratione quæ est inter causam et id quod inde consequitur*. pag. 56. De *norma secundum quam quid fit*. pag. 57. 390. 426. De *modo quo quid fit*. pag. 57. inserviens adverbialibus locutionibus. pag. 53. 57.
 Καταλλαγή. pag. 361.
 Κατακαυχασθαι *τινος*. pag. 364.
 Κατανυξις. pag. 352.

Καταρᾶσθαι. pag. 395.
 Καταργεῖσθαι. pag. 200.
 Καταργειν. pag. 80.
 Κατηχουμαι. pag. 71.
 Κατεχειν την αληθειαν. pag. 30.
 Καυχᾶσθαι de *lætando*. pag. 134.
 Καυχασαι antiqua verbi flexura. pag. 70.
 Καυχησις. pag. 102.
 Κατακριμα. pag. 168. 229.
 Κληρονομος. pag. 119.
 Κλητος vox *substantive* sumenda. pag. 12.
 Κλητοι quo sensu dicantur Christiani. p. 12. iidem qui *εκλεκτοι*. pag. 266. 323.
 Κοινωνειν. pag. 394.
 Κοινον, commune (*immundum*).
 Κορρε refellitur. pag. 146.
 Κριμα ut valeat *κατακριμα*. pag. 53. de *pæna*. pag. 403.
 Κρινειν ut valeat *καταρινειν condemnare*. pag. 53. 62. 75. 417. 423. De *discernendo*. pag. 424.
 Κτισις. pag. 252.
 Lachmanni editio N. T. in nonnullis locis improbat. 314. 319.
 Λαμβανειν κριμα. pag. 403.
 Λατρευειν et δουλευειν conferuntur. pag. 17.
 Λειμμα. pag. 348.
 Λειτουργος. pag. 444.
 Logicè non historice sumenda verba quædam. pag. 90. 213. 299.
 Λεγω, *præcipio*. pag. 387.
 Lex spiritus vitæ. pag. 229.
 Lex peccati. pag. 229.
 Lex cordibus inscripta. pag. 49. 67.
 Lex de universa V. T. Scriptura. p. 89. 108.
 Liberum arbitrium. p. 187. 192. 244. 368.
 Litotes. pag. 44. 126. 236.
 Λογιχη λᾱτρεία. pag. 384.
 Λογιζεσθαι, *reputare*. pag. 186. *imputare*. pag. 113. 128.
 Λογιζεσθαι de *certa scientia*. pag. 103. 251.
 Λογισμοι. pag. 67.

Lucas S. Cap. I. 6. pag. 233.

37. pag. 90.

59. pag. 160.

VI. 40. pag. 313.

VIII. 3. pag. 46.

20. pag. 111.

IX. 46. pag. 263.

X. 40. pag. 263.

XI. 28. pag. 309.

32. pag. 75.

XII. 56. pag. 70.

XVI. 26. pag. 125.

XXI. 19. pag. 57.

XXIV. 18. pag. 192.

Λυτρον. pag. 97.

Λυτρω. pag. 97.

Majeri (Adalb.) interpretatio laudatur
pag. 305. non probatur. pag. 239. 327.

Marcus S. Cap. XII. 14. pag. 177.

26. pag. 346.

XIV. 36. pag. 247.

Μαλλον δε formula se corrigentis. pag. 278.

Massa damnata S. *Augustini*. pag. 303.

Matthæus S. Cap. II. 14. pag. 112.

IX. 6. pag. 320.

25. pag. 192.

XII. 25. 46. pag. 17.

35. pag. 37.

XV. 7-9. pag. 352.

XVIII. 15. pag. 67.

XIX. 16. 17. pag. 211.

XXIII. 14. pag. 403.

XXIV. 38. pag. 158.

XXV. 14. pag. 144.

XXVI. 53. pag. 187.

Melanchton refellitur. pag. 26. seq.

Μεν solitarium. pag. 14. 79. 212. 359. ha-
bens simpliciter vim περιγραφικην. p. 327.

Merces bonorum operum vita æterna. p. 58.

Μελλειν cum Infinitivo Aoristi. pag. 251.

Μεταδιδουαι. pag. 391.

Μενουυγε dictio corrigentis pag. 309.

Metaschematismus, pag. 207. 229.

Meyerus (Henr.) refellitur. pag. 289.

Μεταμορφουσθαι (Med.) pag. 385.

Μη Particula juncta Participio. pag. 44.

Μνεια, pia recordatio. pag. 17.

Metonymia causæ pro effectu. pag. 163. 232.

383. 387. Subjecti pro accidente. pag. 181.

Effectus pro causâ. pag. 206. 212. Ad-

jecti pro subjecto. pag. 428.

Meritum bonorum operum. pag. 249. 273.

Meritum ex congruo propriè dictum meritum
non est. pag. 96.

Möhleri sententia de Deo ab hominibus
per creaturas cognoscendo. pag. 49.

Μονον vox non suo loco in sententia posita.
pag. 104. 122.

Mors pœna peccati originalis. pag. 150. sq.

Mundus de universæ terræ nationibus. p. 119.

Mysticum *Christi* corpus. pag. 388.

Natura humana per Peccatum originale non
totaliter fuit corrupta. pag. 217.

Νεκρω. pag. 126.

Νεκρωσις. pag. 126.

Neutrum Comparativi adverbialiter adhibi-
tum. pag. 410. 444.

Nominativus exclamantis. pag. 225.

Νομος absque Articulo de *Mosaica lege*. pag.
66. 90. 158. 170.

Νομος vox Catachrestice adhibita. pag. 222.

Novus homo. pag. 181. 205. 207.

Obsequium vox de cultu religioso. pag. 288.

Οιδε ut significet approbat. pag. 364. 385.

Οικτιρμοι. pag. 383.

Οιτινες quippe qui. pag. 37. 67. dictio ex-
ponentis, ut valeat tales, inquam, qui.
pag. 46. 178.

Osee Cap. I. 10. Cap. II. 315. 11. 23. 24.
ibid.

Operum bonorum quorumnam sit merces.
pag. 58. 64. 65. 249.

Operibus nullis promeretur Justificationis
gratia. pag. 10.

- Metaphora. pag. 223. 304. 320. 354. 363, sq. 377. 430.
- Ὅπλα. pag. 187.
- Orationis variatæ exemplum. pag. 58.
- Originale peccatum quale sit. pag. 148. sq. 151. Quare ita vocetur. pag. 148.
- Ὡστε Particula omissa. pag. 44. Particula *concludentis*. pag. 202. 212. Structa cum *Imperativo*. pag. 202. De *eventu*. pag. 205.
- Ὅταν casum ponens qui identidem accidit. pag. 66.
- Ὅτι *epexegeticum* pag. 15. 46. 222. *recitativum*. pag. 37. 304. 335.
- Οὐκ οἶδατε formula. pag. 345, seq.
- Ὅν Particula *inferentis ex concomitanti*. pag. 179.
- Ὅν Particula *transeuntis* pag. 108. 114. *ratio- cinantis* pag. 114.
- Ὅν Particula *concludentis* simul et *sermonem continuantis*. pag. 132.
- Ὅτως ut sit *concludentis* Particula. pag. 22.
- Ὡς αν, *simulac*. pag. 449.
- Oxumoron. pag. 31. 125.
- Παλαιότης. pag. 205.
- Παρα Præp. seq. Acc. ut valeat *præ*. p. 38. *contra*. pag. 125.
- Paranomasia. pag. 44. 53. 59. 337.
- Paralipomenon Cap. XXXII. 1. pag. 317.
- Παραστήσαι vox *sacrificalis*. pag. 333.
- Parentheses sive interjectæ sententiæ. p. 20. 33. 65. 116. 123.
- Παρεσις et ἀρεσις quid differant. pag. 100.
- Παρηχησις, *adsonatio*. pag. 44.
- Participium *Temporis imperfecti*. pag. 60. 75. 117. resolutum in verbum Finitum. pag. 47. 126. 135. 184. 260. denotans *qualitatem Subjecti*. pag. 66. sumendum *ad- jectivaliter*. pag. 313. Ejus loco adhibitum verbum Finitum. pag. 192.
- Πάρεισερχεσθα. pag. 170.
- Παριστάναι. pag. 187.
- Πάσα ut valeat *summa*. pag. 29. *omnigena*. pag. 44.
- Passivum cum Dativo. pag. 211. 340.
- Patris nomen quam ratione sit tribus Personis divinis commune. pag. 13. 247.
- Paulus et Jacobus inter se conciliantur. pag. 104. 135.
- Peccatum originale est peccatum naturæ. pag. 149. 151.
- Peccatum vox adhibita de *concupiscentia* vel *fomite*, quæ ramanet in renatis. pag. 149. 187. 207.
- Pelagiani refelluntur. pag. 94. 156.
- Περί ut valeat *ob*. pag. 232.
- Πεπεισμαι, *certus sum*. pag. 425. 443.
- Perfectum passivum cum notione *Media*. pag. 128.
- Περισσόν, το. pag. 78.
- Περιπατεῖν de *vita instituto*. pag. 426.
- Periphrasis argumentosa. pag. 264.
- Περιχωρησις divinarum Personarum. p. 238.
- Perseverantiæ finalis incertitudo. pag. 238. 281. 368.
- Petavii regulæ de interpretatione Veterum scriptorum ubi de Gratia loquuntur. pag. 297.
1. Petri Ep. Cap. I. 3. pag. 56. 18. pag. 97.
- II. 6-11. pag. 321. 10. pag. 315. 13. pag. 402.
- III. 3. pag. 232.
- IV. 9-11. pag. 389. 12-14. pag. 249.
2. Petri Ep. Cap. III. 13. pag. 256.
- ad Philemonem Ep. γ. 18. pag. 160.
- ad Philippenses Ep. Cap. I. 10. pag. 70. III. 9. pag. 329. 19. pag. 48.
- Philosophi non soli ab Apostolo culpati. pag. 49.
- Πιστις de *animi persuasione*. pag. 431. De *fidelitate* in servandis promissis. pag. 80. De *charismatibus* per Metonymiam. pag. 387. 390.
- Πιστεύειν εις τι. pag. 125.
- Πιστευόμεν ut valeat *confidimus*. pag. 183.

- Πιστευομαι τι. pag. 79.
 Πληρουν. pag. 447.
 Πληρωμα. pag. 409. 452.
 Πληροφορεισθαι. pag. 128. 419.
 Πλουτειν εις παντας. pag. 335. 379.
 Πνευμα. Spiritus S. pag. 205. Animus humanus. pag. 76. 240. Mens humana ut recta a Spiritu S. pag. 234.
 Πνευματικος. pag. 215.
 Πολλοι, οι, ut intelligantur omnes. p. 163.
 Potestatis origo a Deo. pag. 403.
 Που ut valeat ferè. pag. 126.
 Πορνεια. pag. 45.
 Prægnanter dicta. pag. 200. 215. 254. 264. 286. 449.
 Prædestinare. pag. 274.
 Prædestinatio CURISTI. Quæstio hac de re unde orta sit. pag. 10.
 Prædestinatio ex mente S. Augustini. p. 268.
 Prædestinationem ad gloriam ante prævisa merita S. Paulus non docuit. p. 273. 300. sq. 312. 321.
 Prædestinatorum hæresis. pag. 300.
 Præsens verbi Tempus de eo quod continuo fit. pag. 166. De eo quod quis jam jam est facturus. pag. 450.
 Præteritum verbi Tempus de Futuro. p. 272. cum notione Præsentis. pag. 307.
 Προγινωσκειν. pag. 270.
 Προεχειν, προεχεισθαι (Med.). pag. 85.
 Προθεσις Dei quid intelligatur. pag. 267. 269. sqq. 273. sq. ή κατ' εκλογην. p. 298.
 Προθυμον Adjectivum substantive adhibitum. pag. 22.
 Προθεμην (animo) proposui. pag. 20.
 Προκοπτειν. pag. 412.
 Prolepsis. pag. 239. 272.
 Προσκαρτερειν. pag. 394. 406.
 Προσκομμα. pag. 424.
 Promissiones Dei absolutè factæ. pag. 375.
 Pronomen reflexivum adhibitum pro reciproco. pag. 35.
 Propositum Dei. pag. 266. 269. 273. sq. Propositum secundum electionem. pag. 298.
 Προς inserviens collationi unius rei cum altera. pag. 251.
 Προς et εις eodem sensu adhibitæ. p. 101.
 Προς τινα ut valeat de aliquo. pag. 841.
 Προσλαμβανεσθαι (Med.). pag. 438.
 Προσωποληπτω. pag. 61.
 Προσωποληψια. pag. 60.
 Prosopopoeia. p. 150. 160. 181. 187. 191. 194. 204. 215. 218. 220. 229. 253. 405. 409.
 Protasis sine Apodosi. pag. 144. 212. 310.
 Proverbiorum Cap. XXV. 21. pag. 398.
 Πρωτότοκος. pag. 271.
 Psalmus V. 10. pag. 87.
 X. 7. pag. 88.
 XIII. 1-3. pag. 87.
 XIX. 20. pag. 53.
 XXI. 6. pag. 136.
 XXXI. 1-2. pag. 112.
 XLIII. 22. pag. 279.
 L. 6. pag. 81.
 CI. 28. pag. 252.
 CXIX. 116. pag. 136.
 Πως ut valeat ποιος. pag. 414.
 Πυρωσις metaphorico sensu. pag. 249.
 Πωρω unde derivetur. pag. 352.
 Φρονειν variè significat. pag. 235. 387. 395. 420. 436.
 Φροννημα. pag. 235.
 Φυσει (Dativ. instrum.), naturâ duce. p. 66.
 Ψευσμα de iniquitate. pag. 83.
 Quesnellianæ propositiones damnatæ aliquot. pag. 217.
 Rabbiorum testimonia recitantur. pag. 257.
 1 Reg. (1 Sam.) VI. 5. pag. 127.
 4 Reg. (2 Reg.) X. pag. 293. XVIII. 13. pag. 317.
 Regnum Dei. pag. 428.
 Relativa sententia continens consequentiam

Toletus Card. laudatur. pag. 146. 306. improbatur. pag. 234.

Tradere hominem in peccatum quo sensu dicatur Deus. pag. 35.

Trajectio Particulæ negantis. pag. 86.

Τυπος. pag. 161.

Τυπος διδασχης. pag. 192.

Typicus sensus. pag. 294. 297. 318. 321. 340. 353.

Unio hypostatica. pag. 231.

Υιοθεσια. pag. 287.

Υπερ ut notet in favorem alicujus. p. 439.

Υπερ Præpositio de causa propter quam quid fit. pag. 12. Eo sensu adhibita ut non differat a περι. pag. 15.

Υπερ Præpositio in Verbis Compositis. p. 174.

Υπερεντυγχανειν. pag. 264.

Υπερνικω et alia Verba similiter composita. pag. 281.

Usteri interpretatio refellitur. pag. 47

Υπακοη πιστεως (Genitiv. objecti.) pag. 11. 447.

Υπο Præpositio seq. Acc. 188.

Υπομονη, constantia. pag. 57. 135. patientia. pag. 263.

Variantes lectiones imprimis notatione dignæ. pag. 2. b. pag. 158. 159. 237.

Variatæ orationis exempla. pag. 58. 117. 138. 161. 311. 380. 417.

Vasa iræ et misericordiæ. pag. 312.

Velesianæ lectiones. pag. 2. 21. 52. 110. 114. 132. 265. 448. Judicium de valore *Velesianarum* lectionum. pag. 349.

Verbalia in τος non rarò activo sensu usurpata. pag. 56. 264.

Vetus homo. pag. 181. 205. 207. Qui dupliciter considerari potest. p. 117. 22.

Vulgatæ versionis menda typographica. pag. 189. 236. 275.

Vulgatæ versionis lectiones minus rectæ. pag. 43. 47. 158. 163. 224. 276. 292. 331. 406. 418. 442. 461.

Vulgatæ versionis loca obscuriora. pag. 6. 47. 112. 234. 287. minus rectè reddita. pag. 20. 34. 44. 63. 116. 162. 164. 180. 200. 212. 230. 286. 295. 297. 361. 376. 386. 402. 412. 431.

Vocativo epexegetice appositus Nominativus. pag. 53.

Wette (de) refellitur. pag. 146.

Winerus improbatur. pag. 145.

Wahlius improbatur. pag. 98.

Ξενιζεσθαι τι. pag. 249.

Χρηματιζειν. pag. 200.

Χρηματισμος. pag. 347.

Χρηστων, το. pag. 55.

Χρηστοτης Dei. pag. 55.

II. INDEX CODICUM UNCIALIUM EPISTOLARUM PAULINARUM.

Codex A. *Alexandrinus*, qui censetur exaratus sæc. V. Mutilus est in 2^a ad Corinth. a Cap. IV. 13 usque ad XII. 7.

Codex B. *Vaticanus*. Censetur exaratus sæc. IV. Desunt epistolæ utraque ad Timotheum, ad Titum, et ad Philemonem. Præterea quæ leguntur inde ab Epistolæ

ad Hebræos Capite IX. 14, ætatis sunt multo recentioris.

Codex C. *Regius*. Censetur exaratus V vel VI sæculo. Mutilus est Rom. II. 5—III. 21; IX. 6—X. 14; XI. 31—XIII. 10; I Cor. VII. 18.—IX. 6; XIII. 8—XV. 40; 2 Cor. X. 9—Gal. 1. 20; Ephes.

- 1—II. 18 ; IV. 17 — Philipp. I. 22 ; III. 3. usque ad finem ; I Thess. II. 9. usque ad finem ; Hebr. I. 1 — II. 4 ; VII. 26—IX. 15 ; X. 24—XII. 15 ; 1. Tim. I. 1—III. 9 ; V. 20. usque ad finem.
- Codex D. *Claromontanus*. Exaratus sæc. VII vel VIII. Mutilus est Rom. I. 1—7 ; ab alia manu, antiqua tamen, scripta sunt, quæ leguntur I Cor. XIV. 13—22. Epistola ad Hebræos recentiori ætate addita fuit.
- Codex E. *Sangermanensis*. Ex sæculo XI. Mutilus est I Tim. I. 1—VI. 15 ; Hebr. XII. 8. usque ad finem.
- Codex F. *Augiensis*. Sæc. X. Mutilus est Rom. I. 1—III. 8, et deest Ep. ad Hebræos.
- Codex G. *Boernerianus*. Sæc. IX. Mutilus est Rom. I. 1—5 ; II. 16—25 ; I Cor. III. 8—16 ; VI. 7—14 ; Coloss. II. 2—8 ; Philim. 21—25 ; et deest epistola ad Hebræos.
- Codex H. *Coislinianus*. Sæc. VII. Fragmenta continet hæc : I Cor. X. 23—39 ; XI. 9—16 ; Gal. I. 4—10 ; II. 9—14 ; 1. Tim. III. 7—13. Tit. I. 1—3 ; I. 13—II. 5 ; III. 13 usque ad finem ; Hebr. II. 11—16 ; III. 13—18 ; IV. 12—15.
- Codex I. *Angelicus*. Sæc. IX. Mutilus est Hebr. XIII. 1 usque ad finem.
- Codex K. *Mosquensis*. Sæc. IX. Deficit Rom. X. 18. — 1 Cor. VI. 13. 1. Cor. VIII. 7—11.
-
- Minuscc.* sunt codices litteris *minusculis* sive *cursivis* scripti indè a sæc. X usque ad XVI.
- Signum stellulae (*) notat sic legi a prima manu ; si bis scribitur (**), significatur sic correctum esse in codice.
- Aeth.* notat versionem Aethiopicam factam sæc. IV.
- Arm.* notat versionem Armenicam factam sæc. V.
- Copt.* notat versionem Copticam factam sæc. III.
- Ital.* notat versionem Italam (Latinam antehieronymianam) factam sæc. I. vel II).
- Sahid.* notat versionem Sahidicam factam sæc. III.
- Syr.* notat versionem Syriacam (Peshito) factam sæc. II.

III. INDEX LIBRORUM QUORUNDAM NOTIS COMPENDIARIIS PASSIM CITATORUM.

- Scriptorum Veterum nova collectio e Vaticanis Codicibus edita ab Em. Angelo Maio Bibliothecæ Vaticanæ præfecto. Romæ. 1833.
- Grammatik des neutestamentlichen Sprachidioms bearbeitet von Georg. Benedict Winer. Ed. 5. Leipzig. 1844.
- Ausführliche Grammatik der Griechischen Sprache wissenschaftlich... ausgearbeitet von Raphael Kühner. 2 Theile. Hannover. 1834.
- Clavis novi Testamenti philologica, auctore C. A. Wahl. Lipsiæ. 1843.
- Wissenschaftliche Syntax der Griechischen Sprache von G. Bernhardt. Berlin. 1829.
- Francisci Vigeri de præcipuis Græcæ dictionis idiotismis liber, cum animadversionibus Hoogeveeni, Zeunii et Hermanni. ed. 3. Lipsiæ. 1822.
- Matthiæ Devarii liber de græcæ linguæ Particulis cum adnotationibus Klotz. 2 vol. Lipsiæ. 1842.
- Totius Latinitatis Lexicon consilio et cura Jac. Facciolati, opera et studio Aegidii Forcellini lucubratum. Editio in Germania

- prima. IV. vol. in Fol. Schneebergæ. 1833.
- Ausführliche griechische Grammatik von August Matthiä. Ed. 2.—2 Theile. Leipzig. 1825.
- Raphelii annotationes Philologicæ in N. T. ex Xenophonte, Polybio, Arriano et Herodoto collectæ. Tomi 2. Lugduni Batavorum. 1747.
- Henrici Hoogeveen doctrina Particularum linguæ Græcæ; in epitomen redegit Schütz. ed. 2. Lipsiæ. 1806.
- Thesaurus Græcæ linguæ ab H. Stephano constructus. Tomi X in Fol. Editio Londinensis 1816-26.
- Joh. Casp. Suiceri Thesaurus ecclesiasticus e Patribus Græcis. 2 vol. Fol. Amstelodami. 1681.
- Bibliorum Sacrorum Latinæ versiones antiquæ, seu vetus Italica.... opera et studio D. Petri Sabatier. 3 vol. in Fol. Parisiis. 1751.
- Joh. A. H. Tittmann, de Synonymis in novo Testamento. Lipsiæ. 1829.
- Compendium antiquitatum Græcarum e profanis sacrarum. Collegit Ch. Brünnings. ed. 3. Francofurti ad Moenum. 1759.
- Lehre von den Partikeln der griechischen Sprache von Johann Adam Hartung. 2 Th. Erlangen 1832.
- Lateinische Grammatik von C. G. Zumpt. ed. 8. Berlin. 1837.
- Lamberti Bos ellipses Græcæ. ed. H. Schaefer. Lipsiæ 1808.

Errata corrige :

Pag. 1. pro *continuos* lege *continuas*. Pag. 9. pro *ἀγισσυνης* lege *ἀγισσυνης*. Pag. 14. pro *vestrum omnium* lege *vestra omnium*. Pag. 21. pro *sine ulla* lege *sine ullo*. Pag. 25. pro *nec habitualement nec formatam* lege *aut habitualement aut formatam*. Pag. 46. pro *non latuit* lege *non latuerit*. Pag. 63. pro *hic verbis* lege *his verbis*. Pag. 71. pro *discrepat* lege *discrepet*. Pag. 75 pro *Mujus* lege *Hujus*. Pag. 80 pro *dicemus Deum* lege *dicamus Deum*. Pag. 89 pro *dicta esse* lege *dicta essent*. Pag. 121 pro *præcendetis* lege *præcedentis*. Pag. 186 pro *dominium suum* (in Paraphrasi) lege *tyrannidem suam*. Pag. 191 pro *imo*, *omnino* lege *imò*, *si omnino*. Pag. 250 (in Paraphrasi) pro *ab istius oneris servitute* lege *ab onere istius servitutis*. Pag. 251 pro *certitudine* lege *magnitudine*. pag. 290 pro *sed Wineri* lege *sed Tischendorfi*, et mox pro *secundum Winerianam* lege *secundum Tischendorffianam*.

APPROBATIO.

Opus , quod inscribitur , JOANNIS THEODORI BEELEN , *Can. hon. eccl. cathedr. Leod. S. Theol. Doct. , in Academ. Cath. Lovan. S. Script. et lingg. orientt. Prof. ord.* COMMENTARIUS IN EPISTOLAM S. PAULI AD ROMANOS , ex auctoritate Eminentissimi et Reverendissimi Cardinalis Archiepiscopi Mechliniensis et legum academicarum præscripto recognitum , quum fidei aut bonis moribus contrarium nihil continere visum fuerit , imprimi potest.

Datum Lovanii , IX Cal. Jun. 1854.

P. F. X. DE RAM.

RECT. UNIV.

OUVRAGES DU MÊME AUTEUR.

JOANNIS THEODORI BEELEN, Can. Hon. Eccles. Cathedr. Leod., S. Theol. Doct., in Univ. Cath. Lovan. S. Script. et Lingg. Orientall. Prof. Ord. **Commentarius in Epistolam S. Pauli ad Philippenses.** Secunda editio, auctior et correctior. Lovanii, 1852. Prix : fr. 3-50.

JOANNIS THEODORI BEELEN, etc. **Commentarius in Acta Aposto-**
lorum. 2 volumes, petit in 4°. Lovanii, 1850. Prix fr. 8.

JOANNIS THEODORI BEELEN, etc. **Chrestomathia Rabbinica et Chaldaica**, cum notis grammaticis, historicis, theologicis, glossario, et lexico abbreviaturarum, quæ in Hebræorum scriptis passim occurrunt. 3 vol. in 8. Lovanii, 1843. Prix : fr. 9.

JOANNIS THEODORI BEELEN, etc. **Liber Sapientiae Græce, secundum exemplar Vaticanum Romæ editum.** In usum suorum auditorum, additâ selectâ varietate lectionis codicis Alexandrini atque editionum Complutensis et Aldinæ. in-4°, à deux colonnes. Lovanii, 1844. Prix : 75 centimes.

JOANNIS THEODORI BEELEN, **Dissertatio Theologica**, qua sententiam vulgo receptam, esse Sacrae Scripturae multiplicem interdum sensum litteralem, nullo fundamento satis firmo niti demonstrare conatur. Lovanii, 1845. Prix : fr. 1.

SOUS PRESSE :

JOANNIS THEODORI BEELEN, etc. **Grammatica Græcitatís Librorum Novi Testamenti.**

ಮೇಲೆ ಹೇಳಿದಂತೆ, ಇದು ಒಂದು ಸಾಮಾನ್ಯವಾದ ಸ್ವರೂಪವಾಗಿದೆ. ಇದು ಒಂದು ಸಾಮಾನ್ಯವಾದ ಸ್ವರೂಪವಾಗಿದೆ.

S. CLEMENTIS ROMANI, discipuli S. PETRI epistolæ binæ de Virginitate. *Syriace.* Ad fidem Codicis Manuscripti, additis notis criticis, philologicis, theologicis, et nova versione latina, edidit JOANNES THEODORUS BEELEN, etc.

